







~~32~~ 4. 6

Oct 111²⁰
w 109

40

JOANNIS CARRICHII
IN
UNIVERSITATE COLONIENSI
DOCTORIS THEOLOGI
DE
ECCLESIA,
ROMANIQUE PONTIFICIS ET EPISCOPORUM
LEGITTIMA
POTESTATE
LIBRI TRES
CONTRA
PERTURBATORES ECCLESIASTICÆ
HIERARCHIÆ AC PACIS,
ISTORUMQUE PRINCIPEM
JUSTINUM FEBRONIUM.
CUM LICENTIA ORDINarii ET PERMISSU SUPERIORUM,
LIBRI I. TOMUS I.

COLONIÆ AGRIPPINÆ
TYPIS METTERNICHIANIS
MDCCLXXIII.

Non falsitas nuda ac simplex proponitur, ne suis integumentis evoluta deprehendi facile possit; sed speciosis involucris miro artificio perpolita, ut externa pompa atque cultu veritate ipsa quodammodo veriorum se se rudiorum oculis subjiciat - - - Sed me caritas hortatur, ut ea dogmata patefaciam, quæ ad hunc occultata diem divina modo gratia prompta omnibus aperta que sunt. *Nihil enim est occultum, quod non reveletur, & absconditum, quod non sciatur.* IRENÆUS apud EPIPHANIIUM Hæres. 31.]

FACULTAS ORDINARII.

Permittimus in lucem edi.

XVII. April.
MDCCLXXIII.

JO. GODEFR. KAUFFMANS S. T. D.
Curiae Archiepiscopalis Sigillifer Major,
& Librorum Censor Ordinarius, Canonici
Stæ Mariæ mppr.



LECTORI CATHOLICO.

Si Romani Pontifices vi ac scelere dignitatem, quam habent, rapuissent; nunquam ego adsentiar, a privatis & obscuris hominibus tractari illos posse contumeliosius. Verum non ita est. Illud ad FIDEI nostræ pertinet capita, divinitus, neque aliunde, quam ab eodem, qui Ecclesiam ipsam fundavit, institutam eam esse dignitatem; quo quidem ipso nomine & amplissimam & Deo dignam esse oportet: tum experimento ipso rerum comperimus, Romanæ Ecclesiæ, & illius Episcopo esse illam adsertam; defensam vero septendecim usu sæculorum, & Generalium Conciliorum certissimis Sententiis atque Decretis vindicatam. Quam Augustissimi Cæsares nostri, quam Reges, quam Principes venerati semper fuerunt; cujus nos cultum & observantiam a pueris hausimus; quam cum adpellamus, tantundem est, ac si id, quod est carissimum nobis in vita, hoc est, ipsam fidem, religionemque, quam consecramur, nominaremus. Ita enim a Majoribus nostris accepimus, ut interroganti, quæ professio sit nostra, ROMANOS nos esse, aut ROMANO-CATHOLICOS respondeamus.

Jam illud quidem intelligo, haud perinde constitutum a nobis teneri, qui fines, quæ jura amplissimæ sint istius dignitatis. Neque enim æqualiter se ea quovis tempore explicuit. Ac sunt alia, quæ in utramvis partem aut conceduntur, aut detrahuntur. Quo in genere habendæ sunt quæstiones: sit, annon sit Oecumenicis Conciliis subiectus Pontifex Maximus? Soliusne, cum de fide pronuntiat, sit ejus rata jam tum ac firma sententia; an vero tum primum, cum cæterorum est adjuta judiciis & suffragiis Episcoporum? Quin hoc etiam agnosco, viris bonis, ac quorum violari a me integritas neutiquam debet, ita visum fuisse abheinc annis aliquot: esse, quas ISIDORUS MERCATOR commentus est, *Decretales literas* magnam causam mutatæ disciplinæ: Istarum namque *κισθηλια* cum neque Romæ, neque alibi satis comperta esset; Episcopos præ errore dimisisse ab iis multa putant, & in Romanum Pontificem contulisse.

Quæ atque similia ut hoc modo dicantur, patiar ego hoc loco. Quid autem præterea? Dicuntur quidem certe, scribunturque tantum, & a privatis viris, quorum est omnis mularum & scholarum parietibus comprehensâ auctoritas: & qui quod adserunt, negari a cæteris impune potest, negaturque, nec ferre legem alii aliis possunt; minus summo judicio controversiam in utramvis partem dirimere. Quare si decidenda omnino res sit; Episcoporum erit profecto, & Conciliorum ea judicatio. Et interea tametsi disputationibus esse locus aliquis possit; violandæ majestati (non metuo voci huic), rebellioni, impudentiæ, offensionis publicæ, furori conviciisque esse non potest.

Hæc nos itaque dum sic animis cogitamus; quis Jurisconsultum ferat, hominem obscurum, personatum, in larvas monstraque omnia induentem se, cum essent res Germaniæ nostræ pacatissimæ, nullius neque Episcopi, neque Principis jussu, in magisterium non modo, quod tolerari utcunque poterat, sed in auctoritatem invadere; repulsumque etiam Episcoporum nostrorum gravissimis judiciis, semel, iterum, tertio eam arripere; contumeliis, quas samentitius quisque ac nocentissimus patiendas sibi non putet, summum Antistitem proscindere; *tyrannum* ac *dominum dominantium* per

per summum contemptum nominare, (1) *sculptilibus*, quorum damnata est a Deo fabricatio, illum comparare, (2) *deceptorem* appellare, (3) auctorem causamque omnium schismatum, ambitiosum, superbum, arrogantem (4): Romanamque omnium matrem ac magistram Ecclesiarum sedem *omnis impietatis, Luxuriæ, hypocrisis*; in qua *timor Dei abjiciatur, sapientia mundi* dominetur, excipiatque ac sequatur tot labes *doctrinarum pessima ATHEISMUM præcurrens impietas*. (5) Conferre demum, & in tres libros, quorum primus amplissimus, & ipsa mole sua laborans, congerere, quidquid uspiam in forulis aut inter pulveres delitescerat, sive mendaciter, sceleroseque scriptum aliquando, sive exaggeratum imprudenter, sive ut res sunt humanæ, tametsi verum fortassis, at emendatum; aut si ne hoc quidem; certe non tale, cujus omnis in unum referenda tempus aut in unum Romanum Pontificem esset invidia: atque adeo in eo genere non pauca, quorum quam est facile optare emendationem, tam procuratu eadem difficilis solet accidere? De hujusmodi, inquam, nos homine quærimus, quo sint loco habendæ ejus declamationes? Atque an aptus sit idem, in quem divinus ille, qui res Ecclesiæ procurat, Spiritus se infundat, Apostolumque ad revocandos, qui divortium a nobis fecerunt, Lutheranos Calvinianosque homines, cum formet, & instrumentum in re longe

(1) Tom. II. pag. 23. & alibi.

(2) Tom. II. in fine aptat Pontifici illud, quod Deus apud Isaiam de Idolis: *Gloriam meam alteri non dabo, & laudem meam sculptilibus.*

(3) Tom. II. pag. 62. Non decipitur summus Pontifex, sed se ipsum & alios decipit.

(4) Tom. III. pag. 36. & sæpe alias locis per decursum citandis.

(5) Tom. II. pag. 118. Nequid dicam de cupiditate obscæna: hæc Romæ, in sancta urbe, ad scandalum populorum residet, a multis palam, ab hypocritis clam exercita: unde &c. Accedat his malis moribus mundi sapientia, abjecto Dei timore, & aderit doctrinarum pessima impietas, atheismum præcurrens.

longe gravissimi momenti adhibeat? Quin tanto magis hoc sane quærimus, quoniam idem ille ut Pontifici male faceret, ne a Regibus quidem, & Episcopis dentes continuit. (6) Ut prope jam pigeat, obscurioris sortis hominum, a quibus impugnatus utcunque fuit, meminisse. Nam illorum quis uspiam fuit, quem non laceraverit? Quid Academia Colonienfis? Homines *ignavi, servi, excæcati, Adulatores, complosa factio*. Quid KAUFFMANSIUS vir non doctrina minus, quam honore conspicuus? *Sathanas, scandalum, quæ hominum, non quæ Dei sunt sapiens*, indignus, qui corrigiam calceamenti solvat FLEURIO: quibus in verbis non magis injuriæ gravissima offensio, quam scripturæ inest sacræ, divinique verbi contemptus & profanatio plane nefanda. Quid SAPPELIUS? *Rabula*. Quid alii? *insipientes, curandi helleboro*. (7) Quid Kleinerus? quid Zechius?

(6) Tom. I. Cap. VIX. §. V. Principes propter privata sua commoda exorbitantes Romanorum prætensiones tolerant, immo *sustinent*. Affert exemplum Regis Christianissimi Lud. XV. & Stanislai Soceri Regis Poloniæ. Item Episcoporum, qui *brevibus eligibilitatis* inhiunt.

(7) Hic produnt DD. Colonienfes magnam inscitiam. Quando dabitur vobis rumpere vincula ignorantiae? Opinatrix Universitas. Tanta & tam excessiva est horum virorum erga Romanam sedem servitus, & pro insignibus ejusdem abusibus complosa factio. Si loco Judicii sui adulatorii, ad summum Pontificem scripssisset Universitas, denegationem Sacramentorum factam iis, qui Constitutioni Unigenitus non subscribunt, repugnare caritati & unitati Ecclesiæ, non quidem ab eo obtinuisset suorum privilegiorum confirmationem &c. Inter hos fanaticos medii intercedant Pontifices Episcopi & Principes, tantosque Magistros ad pulverulenta sua subsellia tanquam ad triremes condemnent. Præventus hic, ne dicam, excæcatus Doctor Colonienfis. FLEURIUS, cujus D. KAUFFMANS *non est dignus solvere corrigiam calceamenti*. Potest hic reponi D. KAUFFMANS, quod Salvator Matthæi XVI. ubi conversus dixit PETRO: *Vade post me sathana, scandalum es mihi, quia non sapis ea, quæ Dei sunt, sed ea, quæ hominum*. Pergit Colonienfis Doctor aut fraude aut cavillatione uti, aut suam manifestare in antiquitate ignorantiam. In Rabularum censum referri meretur Sappelius noster. Revera modica superest spes, homines ita insipientes helleboro curandi. Tom. II. pag. 5. 49. 20. 73. 71. 77. 78. 175. 269. 224. 267. 187.

chius? quid Zaccarias? quid viri cæteri ejusdem Societatis? (8)
 Pudet eloqui: sunt enim furioso digna, non homine mentis ac sui compote. Jam ita comparatum & agitatum tantis furiis animum qui idoneum ad veritatem putet, plurimum is meo judicio fallitur. Neque enim alius veritatis, alius pacis & modestiæ esse spiritus potest. Atque est hoc ipsum, quod experimento velim, Lector in JUSTINO FEBRONIO intelligas. Equidem, fateor, detertere me ab hoc opere suscipiendo ea cogitatio poterat, quod probe scirem, perinde ut ferrum attritu cotis acuitur, aut flatu incitatus ignis augefcit, ita respondendi perpetuitate rixæ ac pugnæ cupidos homines effertiores reddi. Sed id simul præsentiebam, hominem nisi obrutum oppressumque pudore suo, finem sæviendi nunquam facturum. Quare insistendum esse semel capto consilio arbitrabar: cujus tum multo minus me piguit, ex quo certis nuntiis accepi, tomum quartum FEBRONIANÆ vertiginis sub prælo esse: neque deerant, qui programmatis mei objectu retardatum eum tantisper, argumentis haud plane levibus conjectarent. Quod utut sit, mihi illud hæere animo debuit, quod est sapienter a Rustico Diacono adfirmatum, *turpe esse revera, & indecens contra adferentem perversa nos pro veritate frigidiores inveniri.* Quæ ipsa etiam

-
- (8) Tuum est, FEBRONI! ne obdormias! En tibi illudit INCIRCUMCISUS thesista Heidelbergensis (P. Josephus Kleiner). Vult ab eo fieri nigrior Jesuita Febronius. Hoc opus Jesuitarum orbis *incendiarium*. Date Jesuitis exercitum continuum cum nervo belli, & habebimus perpetuos Phinees ac Maccabæos: qui converti nolint, excinduntur ferro, cremabuntur rogis, Principes terræ Protestantes exuentur imperio: omnes trepidabunt, ac reunientur. Quo glutine? Hypocrissi. Est quæstio, utrum focus ista (Romana Ecclesia) febricitet, annon verius sit mortua. Si mortua, tum erit tractanda, sicut restituenda filia principis. Dominus, ut venit in domum Principis, recedere jussit *tibicines*, & turbam tumultuantem. Tibicines sunt blandi illi adulatores, quorum primi sunt Jesuitæ. Jesuitæ conducti, advocati & mercenarii. Thuanum historiographum integerrimum cum Zaccaria damnant: Pallavicinum purum putumque Romanæ curiæ advocatum & vitiorum palliatorem extollunt supra Livium. Append. III. pag. 32. sq. & pag. 83. Tom. II. p. 146. 148. 479.

etiam causa fuit, cur languidum scriptionis genus adhibendum mihi non semper putaverim, sed pro delicti gravitate vehemens nonnunquam, at ejusmodi tamen, ut minime verear, ne expostulare mecum jure FEBRONIUS possit. Quis enim maleficus de indulgentia lictoris sui unquam conquestus est?



SUMMARIUM LIBRI I.

THEOREMA I. *Tam ille diffusus Febronii conatus in tomis tribus hætenus editis, non nisi furtorum infamium, . . . errorum, ineptiarum, confictumque infinita & continuata quædam series est.*

THEOREMA II. *Viri doctrina si in auctoritatem admissa fuerit, evitari non potest ruina certa Catholicæ Ecclesiæ, & Hierarchicæ omnis potestatis.*

THEOREMA III. *Quamobrem neque viro ingenuo, neque docto, neque Catholico placere potest.*

THEOREMA IV. *Est inutilis eadem ad reparandam cum Dissidentibus concordiam.*

THEOREMA V. *Solis iis & est utilis, & placere potest, quibus omnia præter religionem placent.*

MONITUM. *Loquor, & in programme quod ante sex menses evulgavi, loquebar de tota FEBRONII opera prout evoluta est illa sensim in tribus nupiam gentium (id quippe certissime compertum habeo) adprobatis, ab eo editis libris. De primo enim tomo, prout sine appendicibus comparuit anno 1763, fateor quia simulationis habuit plusculum, & aliunde implicata satis in eo perniciēs latebat, potuisse etiam optimis alioquin & piis fraudi esse. Ac quod non dissimulo, mihi ipsi quodammodo, & per tempus aliquod fuit.*

SUMMARIUM TOMI I.

I. *Ecclesiæ singulæ totidem sacri principatus, ac minores quasi Status sunt, in quibus potestas ac tota auctoritas penes Episcopos est. II.* *Principatus hi singuli in unum Statum remque publicam coalescunt in Romano Pontifice tanquam capite ac centro. III.* *In his rebus Ecclesiæ ESSENTIA consistit. IV.* *Sublatis illis, Ecclesiæ CHRISTI esse omnino non potest. V.* *Sustulit autem eas FEBRONIUS. VI.* *Ecclesiam igitur sustulit, destruxitque funditus.*

CONSPECTUS CAPITUM ET ARTICULORUM.

CAPUT I. Respondens FEBRONII Tom. I. Cap. I. §. 6. Cap. VI. §. VIII. Append. 3. §. 7. Tom. II. Apol. adversus 4. Theologos Art. III. Flor. Sparf. Cap. VIII. Art. II. Tom. III. in D. Bertonii Defens. Tit. I §. 4. Tit. VII. §. II. &c. &c. Theorematum vero nostrorum primo, 2do, 3tio.

Quale JUSTINO FEBRONIO Ecclesia statuatur regimen? Id populare RICHERISTARUM exemplo ab eo constitui, non ad probabilitatem, sed ad evidentiam demonstratur: quo fit, ut SUAMET CONFESSIO, ATQUE JUDICIO HÆRESEOS REUS sit. Simul illud clarius luce retegitur, hominem ad profligatissimam totaque Gallia proscriptam doctrinam deflexisse. Ostenditur perniciosus infandi systematis, & quid Galliæ de eo Præsules sentiant. Vindicatur Episcoporum auctoritas. Cispelluntur argumenta FEBRONII, & inscitia ubique summa ostenditur.

ARTICULUS I. Protheoria. I. Desigitur *κρυπτοκρυβ.* II. Doctrina RICHERII exponitur. CARDINALIS DE BISSI de ea testimonium; ipsius RICHERII de libro, & doctrina sua iudicium. III. Quid SIMON VIGORIUS, PASCHASII QUËSNELLUS, Defensorque ejus auctor HEXAPLORUM & DE LABORDIUS docuerint? IV. Quid DUPINIUS? qui qualis sit, describitur. V. Quid JOANNES LAUNOIUS? quem ad hæreticorum heic scopulum adhaesisse, argumentis peculiaribus quibusdam, ac nondum tritis ostenditur, iisque planis atque perspicuis. a pag. 2. ad 21.

ARTICULUS II. FEBRONIUM populare in Ecclesiam regimen invexisse, contra ac jurat ipse & pejerat, argumentis non minus septem evincitur. I. Ex verbis petitur, quibus doctrinam suam proponit. II. III. & IV. Ex modo, quo probat. V. Ex comparatione cæterorum libri capitum tum inter se, tum cum iis, quæ Jansenianæ sectæ principes tradiderant. VI. Ex comparatione argumentorum Febronii cum argumentis, quibus utitur Hexaplorum auctor ad defendendam Paschastii Quësnelli damnatam propositionem nonagesimam. VII. Ex despoliatione Dupinii atque Launoi. Evertitur effugium, & confirmatur demonstratio. Universe Febronium suamet confessione reum hæresis esse concluditur. a p. 21. ad 37.

ARTICULUS III. Exceptiones FEBRONII perpenduntur. Hæ mendaces, fraudulentæ, ridiculæ &c. &c. Vel in eo, quem nuper edidit, tomo tertio in idem relapsus lutum, immo mersus & suffocatus esse convincitur. Furtum ejus ex libello EDMUNDI RICHERII, illiusque turpitudine ob duplicem causam præsertim quoniam ad hæresin manifestam, & perturbationem Ecclesiastici ordinis comparatum est. Conflictus & repugnantia dictorum plane stupenda &c. &c. &c. a p. 37. ad 66. De RICHERIO fabulosa narratio. a pag. 66. ad 80. Anacephalæosis dictorum, & demonstratio ad mathematicam methodum revocata. a pag. 80. ad 88.

ARTI-

CONSPECTUS CAPITUM ET ARTICULORUM.

ARTICULUS IV. *Pernicies FEBRONIANI systematis, ejusdemque falsitas demonstratur.* a pag. 88. ad 103. *Refutantur argumenta FEBRONII.* Ignorantia, confictus, calumniæ, imposturæ reteguntur. a pag. 103. ad 127. *Corollaria subducuntur de differentia utriusque Potestatis, Civilis & sacra. De potestate absoluta Episcoporum regendi Ecclesiam &c.* a pag. 127. ad 132.

CAPUT II. *Respondens Febronii Tom. I. Cap. I. II. III. Variis item ab eo sparsis Tomo II. & in Tom. III. Tit. I. II. Theorematum nostrorum I. II. III.*

De Primatu inter Episcopos, quatenus in Divo PETRO institutus is fuit, ut perseveret in Ecclesia. Ubi primò sive cæcitas, sive perfidia FEBRONIANORUM, summa utraque in suo genere detegitur. Tum præcipuum ac præcellens esse aliquid datum PETRO ostenditur. Demum sophismata depelluntur &c.

ARTICULUS I. *Demonstratur FEBRONIUM eundem ipsum, quem tueri se fingit, aut certe quem tuendum suscepit, Primatum, ex instituto destruere.* Demonstratur id primum universe a pag. 132. Demonstratur 2do exhibitò schenatè consiliarium atque furtorum. a pag. 143. ad 221.

ARTICULUS II. *De PRIMATU S. PETRI generatim: quin desinatur, in quo ille consistat. Ostenditur autem Primatum cum habuisse non qualemcumque, sed præstantem atque eximium. Ostenditur primo Scripturæ loco illo, qui est Matth. XVI. ipsum PETRUM Ecclesiæ petram a Christo constitutum. Jansenistæ, FEBRONI corruptalis, insigne mendacium refutatum &c. Demonstratur eosdem Patres, quos FEBRONIUS objicit, prorsus adversantes illum habere: totum proin ejus conatum vanum ac futilem esse.* a pag. 235. *An Petro nihil præcipuum, præstans, excellens præ aliis datum sit, deciditur primo ex collatis inter se scripturæ sententiis.* a pag. 251. *Ostenditur idem ex doctrina Patrum.* a pag. 259. *Respondetur rattianculis a FEBRONIO corraçis* a pag. 265.

CAPUT III. *Isidem in Febronii libris respondens, quibus caput superius theorematum nostrorum insuper Vto.*

Constituto Primatu PETRI, quæritur, in quo ille sit positus? Tota superioris disputatione capitis aditum illud est, ut Primatum esse aliquem sciremus a JESU Christo tributum PETRO: non umbratilem, neque in honoris aut vacui nominis hærentem larva, nec diffuentem cum sono: sed Primatum eminentis ac solidæ prærogativæ cujusdam ac potestatis. Hujus informanda nunc rei & enucleandæ pressus est ratio: videndumque, quo sit bono Primatus ille institutus? perpetuusne sit idem ac stabilis ex voluntate institutoque Christi; an expirarit cum PETRO? tum quis illius hæres successorque sit scriptus? Hæc summa Capitis est.

ARTICULUS I. *Ostenditur propositio fundamentalis, Ecclesiam Christi statum esse, sacramque Rempublicam. Quid PUFFENDORFFIUS, quid JURIEUS Calvinista, quid alii Catholice hostes Ecclesiæ, tum quid FEBRONIUS & JANSENISTA Anonymus doceant, explicatur* a pag. 273. *Proponuntur leges pragmaticæ &*

fun-

CONSPECTUS CAPITUM ET ARTICULORUM.

fundamentales Ecclesiae CHRISTI, Et ex iis conficitur, Ecclesiam Statum aut Imperium sacrum esse. Ex quo ipso ostenditur, FEBRONIUM in ruinam Ecclesiae scripsisse a pag. 279. Ecclesia Status sacer, cujusmodi debet esse ex instituto CHRISTI, esse prorsus Et omnino non potest, nisi caput, centrumque sit, quo Ecclesiae nectantur. a pag. 303. Essentia Primatus collati PETRO in eo posita est, ut in capite centroque aspestabili in unum Statum Et sacram rempublicam colligatur Ecclesia a pag. 309. Primatus igitur PETRI cum persona PETRI nequaquam interiit. a pag. 312. Primatus ille perseverat in Romana tantum Ecclesia. a pag. 313. Primatus ille a Romana Ecclesia avelli non potest a pag. 318.

ARTICULUS II. *Quae hactenus tradita sunt, ostenduntur vera esse ex consensu Patrum. Simul exceptiones FEBRONII, JANSENISTAEQUE Anonymi repelluntur. Ex doctrina Patrum ostenditur, Romanam Ecclesiam, ejusque Pontificem Ecclesiasticae unitatis centrum esse a pag. 327. IRENEI textus a FEBRONII Et JANSENISTAE calumniis vindicatur a pag. 344. Additur Embolon, in quo ad examen revocantur, quae de Primatu primorum Pontificum LINI, CLETI, CLEMENTIS nuper aliquis disseruit. a pag. 362. Defenditur CYPRIANI sententia a FEBRONII JANSENISTAEQUE triciis. Refutatur obiectio de Episcopatu uno in solidum a pag. 367.*

ARTICULUS III. *Primatus Pontificis an cum Jurisdictione conjunctus sit? Pueriles tricae FEBRONII in Jurisdictionis definiendo vocabulo. a pag. 372. Ex Galliae Praesulum Et Sorbonae sententia haeresis est negare hanc summo Pontifici. Stulta exceptio defensoris, FEBRONIUM voce tantum differre a doctrina Gallorum νεωγεις Et ludificationes pudendae hujus Defensoris. a pag. 377. Probatur dogma ex Conciliis. Fraudes, doli reteguntur Et. a pag. 383. Iterum probatur ex fine Primatus, ex summa necessitate, ex Statu Ecclesiarum, quae defectionem a Pontifice fecerunt. a pag. 401. Statuitur generatim, cujusmodi sit illa R. P. Jurisdictio. Respondetur quibusdam a FEBRONIO obiectis a pag. 415.*

CAPUT IV. *Respondens Feb. Tom. I. Cap. VI. §. VIII. Tom. II. p. 69. 71. Et. Theorematum nostrorum insuper Vto.*

De Ecclesia Episcoporumque Et R. P. Legitima potestate in causis fidei.

ARTICULUS I. *JUSTINUS FEBRONIUS Jansenistarum defensor publicus. Calumniosa ejusdem vox de totius prope Galliae, Et Europae Episcopis: impostura, aut stupor in adducenda declaratione Regis Christianissimi: simile flagitium in explodenda constitutione Unigenitus. a pag. 429.*

ARTICULUS II. *Demonstratur, Febronium dum negat ad certitudinem fidei sufficere supremam sententiam Romani Pontificis, ab Episcoporum parte maxima acceptam; in hoc uno sibi constituisse, quod Ecclesiam funditus, secundum principia a se hactenus posita, evertat. Refutatur systema impium.*

ARTICULUS I.

PROTHEORIA.

I. Defigitur κρινομενον. II. Doctrina RICHERII exponitur. CARDINALIS DE BISSI de ea testimonium; ipsius RICHERII de libro, & doctrina sua iudicium. III. Quid SIMON VIGORIUS, PASCHASIVS QUESNELLUS, Defensorque ejus auctor HEXAPLORUM, & DELABORDIVS docuerint? IV. Quid DUPINIUS? qui qualis sit, describitur. V. Quid JOANNES LAUNOIVS? quem ad hæreticorum heic scopulum adhæsisse, argumentis peculiaribus quibusdam, ac nondum tritis ostenditur, iisque planis atque perspicuis.

§. I.

Disputationis κρινομενον.

Arbitror neminem esse tam rudem, quin sciat, DEMOCRATICUM illud ab omnibus regimen dici, *in quo summa potestatis & jurisdictionis est penes totam multitudinem, non penes unum aliquem Principem, nec penes Optimates, nisi tantum quatenus pars sunt illi communitatis & multitudinis.* (1) Velut si roges, quæ apud Romanos regendi olim gubernandique forma ac ratio fuerit, nemo dubitabit; quin Democraticam prævaluisse respondeat. Tametsi enim & senatus apud eos esset amplissima dignitate præditus; & Consules, quorum *regium imperium, bonorumque omnium populi ultimum finem* vocavit Tullius; & Dictatores etiam nonnunquam, quorum ea vis erat, atque potestas, ut *ἀρετὴν τυραννίδα* appellaverit quidam (2); & Magistratum denique aliorum ingens numerus: ea tamen quantacumque & quorumcunque vis, potestas atque auctoritas a populo, & de populi manabat voluntate, & erat obnoxia huic: unde & intercedere eorum consultis uno verbo per Tribunum suum solebat; & movere gradu suo eos poterat; ac si contra leges jussaque fecissent, animadversioni suæ subicere. Id quod sic apte, & ad rem nostram percommode a Cicerone expressum fuit: *auctoritatem* quidem, hoc est, functionem

(1) Petav. de Hierarch. Eccles. Lib. III. Cap. XV. §. IV.

(2) Dionys. Halicar. L. v. pag. 336.

tionem & executionem supremi imperii Magistratibus tributam fuisse; sed in populo *potestatem* hæsisse. (3) Potestas autem in quo est, ab eo genus ac nomen suum fortitur respublica. Verbo: is maxime proprie loquitur, qui Magistratus Romanos, ministros atque executores fuisse dicit popularis Majestatis. Quod contra in aliis Communitatibus accidit. Nemo enim tam focors, imovero tam amens insanusque sit, ut de Rege, qui quidem rex sit vere ac proprie, aut de Optimatibus sic pronuntiet. Etestratio, quod majestatem ipsam in se illi circumferant, tantumque populo, quantum voluerint, largiantur juris; non accipiant autem, mutanturque a populo. Plura de re, quam in scholis pueri didicimus, non est cur disputem. Sed accommodanda illa sunt modo ad institutam questionem, videndumque, cujusmodi Ecclesiæ a Christo regimen informatum FEBRONIUS dicat. Quod antequam faciam, RICHERII est primum, QUESNELLIANorumque exponenda opinio: nam hos descriptos ab eo esse contendo, nec posse ovum, ut est in proverbio, ovo similis esse.

§. II

Doctrina Edmundi Richerii.

I. Fuit itaque EDMUNDUS RICHERIUS Lingoniensis in Gallia Presbyter, idemque Syndicus Parisiensis Theologicæ facultatis. Qui cum librum anno millesimo sexcentesimo undecimo in lucem edidisset nullo Auctoris inscriptum nomine: *De Ecclesiastica & politica potestate*: ne latius pernicies ista serperet & manaret in vulgus, obstiterunt tum quidam Cardinalis RICHELIIUS, cæterique in Gallia præstantissimi Præfules. Quorum factum est opera, ut in Provincialibus duobus Conciliis (4), atque ab ipsa etiam SORBONA liber damnatus sit, & RICHERIUS Syndicatu abire iussus.

II. Est autem hæc summa libri, quemadmodum ex PERRONIO Cardinali eam accepimus: "Deum in supposita analogice, hoc est, in Civitates ac regna, ipsamque communitatem prius & propius & principalius, quam in partes influere. Has enim non aliter regere, quam instrumenta suppositorum,

A 2

torum,

(3) Lib. III. de Legibus.

(4) Damnatus est liber Richerii primum in Synodo Provinciali habita a Cardinale Perronio Archi-Episcopo tennenensi. Deinde in altera ab Hunaldo Archi-Episcopo Aquisgranensi.

torum, & Communitatum. Quo fiat, ut Principes, ac Reges non ipsi regant, sed Communitates per ipsos tanquam administratos." (5) Quod sic ipse in initio operis sui RICHERIUS expressit: Deum & naturam prius atque immediatus ad totum suppositum, quam ad aliquam partem suppositi, quamvis nobilissimam intendere, eamque ob causam facultatem videndi Exempli gratia datam esse homini, ut per oculum tanquam per Organum & Ministerium hominis exerceretur. Nam oculus per & propter hominem existit.

Ex quo quidem, ut ait, vulgari & indubitatae fidei axiomate conclusionem hanc putat sequi: Christum fundando Ecclesiam; prius, IMMEDIATIUS atque ESSENTIALIUS Claves sive jurisdictionem TOTI dedisse Ecclesiae quam Petro; seu quodeodem redit, claves toti dedisse Ecclesiae, ut per unum MINISTERIALITER exercerentur: quandoquidem tota jurisdictionis Ecclesiasticae primario, proprie ac essentialiter Ecclesiae convenit: Romano autem Pontifici atque aliis Episcopis ministerialiter, & quoad executionem tantum, sicut facultas videndi oculo. (6)

Quocirca siquidem verum admittimus id esse, quod inde cogit ac conficit; Romanus Pontifex administrator est tantum Ecclesiae: & administrator quidem auctoritate jurisdictioneque praeditus nulla supra eam, quam communitas indulserit. Neque potest ille quicquam in Ecclesia sine Conciliis, sicut nec Episcopus in sua Dicecesi sine Dicecesanis: Et quoniam adversus legem divinam & naturalem, neque spatia temporum, neque privilegia locorum, neque Dignitates personarum unquam praescribere possunt: quidquid huic Communitatis juri contrarium sit, nunquam justum & aequum, neque legitimum esse potest.

III. Hæc ille. Quæ quorsum colliment, quamque evidens sit, puram putam Democratiam a RICHERIO Ecclesiam statui, facile omnes intelligent. Neque dubitabit, qui vel istud attenderit, tantum animi huic homini fuisse, ut publicis thesibus defenderit in SORBONA, regni Ordines potestate ipsis Regibus anteire. Atque ut ne PETAVII, quamvis magni doctissimi- que viri, & cui plurimum deferri a FEBRONIO solet, argumentis hoc pugnem: non est Praesulum quispiam totius Galliae, quibus occasio quidem differendi de argumento hoc accidit, quin pro explorato sumat, RICHE-

(5) Cardinalis Perronius in epistola ad Casaubonum, quam citat Defensor Cleri galli- cani T. II. P. II. Lib. X. Cap. XXV.

(6) Definit quidem Ecclesiam Richerius Politiam Monarchicam, regimine Aristocratico temperatam: item statum Monarchicum, regimen Aristocraticum esse ait: Sed reipsa ad puram Democratiam eum adhæsisse, & disimulandi duntaxat causa retinuisse larvam nominum in aperto est, & libelli series demonstrat.

RICHERIUM ad tumultuarium popolareque regimen Ecclesiam depresso. Volo unum adducere : sed is pro multis esse nobis poterit : atque est Eminentissimus BISSIUS, Cardinalis & Meldensis Episcopus in Tractatu, quem super propositionibus centum una damnatis scripsit. Quarum ad quartam nonagesimam : " *Ex principiis, inquit, fundamentalibus RICHERISMI unum hoc est, Communitatem totam, & quidquid integro continetur Ecclesiæ corpore; non Papam, non Episcopos solos esse, quibus Ecclesiasticam jurisdictionem Christus commiserit: neque vero aut Papam aut Episcopos ob finem alium institutos, quam ut jurisdictionem illam exercent nomine, & cum consensu totius Corporis, cui est soli jurisdictio immediate tradita a Jesu Christo: Papam atque Episcopos non nisi Ministros esse, & recepisse potestatem & administrationem suam velut in pura Republica, in qua Magistratus ab sola communitate auctoritatem, quam exercent trahunt, neque exercent nisi nomine ac de consensu saltem præsumpto totius Corporis.*" (7)

IV. Quid multis? libet palinodiam audire ipsius RICHERII. Nam ille cum hæreseos sese ipsum accusat, non modo interpret est ipse sui, doctrinæque suæ ac libri: sed & eandem infamiæ notam quasi calamo eodem ac ductu abnepoti sectatorique suo FEBRONIO adscribit. Est autem de prima ex septem propositionibus, quas excerptis, quaque claves prius, immediatius, & essentialius fuisse datas Ecclesiæ dixerat, hæc ejus censura: *Hanc propositionem doctrinæ Ecclesiæ Catholicæ a sanctis vetustisque Patribus fideliter expositæ adversari libere fateor.* De altera vero qua Romanum Pontificem, Episcoposque alios non nisi Ministros & Executores fecerat Ecclesiasticæ omnis potestatis, *Hanc, inquit, Propositionem seu potius hæresin ex putridis Lutheri & Calvinii fontibus me hausisse non diffiteor. Qui ambo impie falsoque contendunt, proprie & immediate jurisdictionem Ecclesiæ fuisse datam a Christo, non sancto Petro, aliis Apostolis, & Epis-*

A 3

copis,

(7) Un de principaux fondemens du Richerisme est, que c'est à toute la Communauté & au corps entier de l'Eglise, non au Pape & aux Pasteurs seulement que Jesus Christ a donné la jurisdiction Ecclesiastique, & que le Pape, & les Pasteurs ne sont établis, que pour exercer cette jurisdiction au nom & avec le consentement du corps entier, qui seul a reçu la jurisdiction immédiatement de Jesus-Christ: & de qui le Pape, & les Pasteurs ne sont, que les Ministres, & reçoivent immédiatement leur pouvoir & leur ministère comme dans le gouvernement purement republicain, où les Magistrats tiennent de la Communauté seule l'auctorité, qu'ils exercent, & où ils ne l'exercent, qu'au nom & du consentement au moins présumé de toute la Communauté. Cardin. Bissi Traité Théolog. Tom II. pag. CXX.

copis, nisi PER ACCIDENS, INSTRUMENTALITER & nomine Ecclesiæ. (8)

§. III.

Doctrina Jansenistarum.

I RICHERII vestigiis SIMON VIGORIUS institit primipilus Jansenianæ Sectæ, idemque particeps Burgofontanæ conjurationis. Nam is libellum RICHERII damnatum non modo excudi novis typis curavit, sed advocationem quoque illius in se suscepit. Atque ex Quesnellianis est item propositionibus ab universa Ecclesia proscriptis hæc nonagesima : *Ecclesia excommunicandi potestatem habet, ut eam exerceat per primos Pastores de consensu saltem præsumpto totius corporis.* In quam commentans, defendensque eam Hexaplorum Scriptor, atqui ait, *universus terrarum orbis in id conspirat, excommunicandi potestatem potestatis esse clavium partem, quam Jesus Christus Sancto Petro & Apostolis contulit, Est autem Sanctorum Patrum & veterum Theologorum constanti suffragio tradita doctrina, potestatem hanc clavium Ecclesiæ ipsi proxime directeque traditam esse. (9)* Ac paulo inferius, postquam Augustini fuerat abusus quibusdam sententiis, *Heic enimvero, inquit, observari oportet, non Corpus PASTORUM fuisse duntaxat, quibus potestas sit illa clavium credita; sed Corpus ex Pastoribus perinde AC FIDELIBUS constans. Nam horum EX ÆQUO figuram gessisse Petrum, cum & Christianus, & Apostolus esset. Itaque UNIVERSALEM esse ipsam Ecclesiam, cui claves commissæ sint. (10.)*

Sed

(8) Habetur palinodia apud Fontana Tom. II. ad propositionem 90 Quesnelli.

(9) Tout le monde convient, que le pouvoir d'excommunier fait partie du pouvoir des clefs, que J. C. donna à S. Pierre & aux Apôtres. Or c'est une vérité, que l'on trouve constamment attestée par les SS. Peres & par les anciens Theologiens, que cette puissance a été alors donnée immédiatement, & directement à l'Eglise. Hexap. Tom. I. p. 636.

(10) Or il faut observer, que quand S. Augustin a dit, que le pouvoir &c. il n'a point voulu dire, que ce fut seulement au corps des Pasteurs, que cet Apôtre representoit; mais que c'est au corps composé des Pasteurs & des simples fideles, dont il étoit également la figure, étant chretien & Apôtre: c'est à l'Eglise universelle, dont il devoit être le chef visible, que ce saint Docteur enseigne, que les Clefs ont été données. Ibidem pag. 640. in 642.

Sed nemo magis in sanguinem succumque convertit suum hoc dogma pestilens, quam qui librum de *testimonio veritatis* edidit insanissimus & furens scriptor, de quo nos multa in decursu. (11)

II. Atque ut ne pluribus lectorem detineam (quamvis minime id fecerim temere) complectar omnia Eminentissimi Meldensis summi & i. mortalis viri testimonio, quod ex lingua gallica latine sic potest transferri: "*Exspectari velut in dies debebat, fore ut frontem denique sumeret secta, aperteque profiteretur Richerissimum: quod illi consilium jam inde ex quo nata eorum est hæresis, conceperunt.*" Tum Epistolam *SANTABOVII* profert ad *SANTAMORIUM*, cujus tale argumentum: *Si, quod a Molinistis jactatur (hoc illi nomine vocant, quotquot partium suarum non sunt) "verum est, hoc est, si sunt damnatæ propositiones quinque Jansenii; nihil profecto infortunatius Romanæ Sedi accidere poterit. Diminuetur enim in plerorumque animis reverentia submissioque, qua Romani sunt prosequi soliti, & ad RICHERISTARUM sententiam baud sane pauci despectent. Meditare rem istam, si placet, ac quod ad te olim perscripsimus, in memoriam revoca, ex decisione hac RICHERISMI PENDERE IN GALLIA INSTAURATIONEM: quam ego rem vehementer atque etiam metuo.*" Hæc ille: qui quid agigaret, quid moliretur factio, apprime, cum ista scriberet, habebat perspectum. Nam erat ARNALDI amicus, & arcanorum conscius. *SANTAMORIUS* vero, ad quem datæ sunt literæ, is est, quem secta Romam actorem & procuratorem causæ suæ ablegarat. (12)

§. IV.

(11) Du Temoignage de la vérité dans l'Eglise, pour servir de précaution aux Fidéles, & d'apologie à l'Eglise Catholique contre les reproches des Protestans. Auteur est P. de la Borde.

(12.) On avoit toujours du s'attendre, qu'à la fin les Jansenistes se déclareroient ouvertement pour le Richerisme. Ils ont pris cette résolution de la naissance de leur hérésie. Voici, comme M. de Saint Beuve en écrivoit de Paris au mois de May l'affaire de cinq propositions. Si ce, dont les Molinistes se vantent, disoit-il, est véritable, c'est à dire, si les cinq propositions de Jansenius sont condamnées, ce sera une des choses les plus désavantageuses au Saint Siege, & qui diminuera dans pluspart des esprits le respect, & la soumission, qu'ils ont toujours gardé pour Rome, & qui fera incliner beaucoup d'autres dans les sentimens des Richeristes. — Faites, s'il vous plaît, réflexion sur cela, & souvenez-vous, que je vous ay mandé, il y a long tems, que de cette décision dépendra le renouvellement du Richerisme en France, ce que je crains très fort. Personne ne soupçonnera Mr. de Saint Beuve, de n'avoir pas été instruit en ce tems-là du sentiment des Jansenistes. *Traité. Theol. pag. CXXI.*

§. IV.

Quis ELIAS DUPINIUS? quæ ejus Doctrina?

I. Jam de ELIA DUPINIO & JOANNE LAUNOIO quid dicam? Horum oblivisci non debui: sunt enim architecti Febroniani operis: DUPINIUMque præsertim si fuisse principem dixerò, ducem ac facem FEBRONIO; non erit verendum mihi, ne aut confidentius scripsisse videar, aut minus verè. Et fuit is quidem vir non ineruditus; sed Jansenista insignis, magisterioque ob eam causam multatus, & in exilium pulsus: intemperans præterea & libidinosus homo, quamvis sacerdos esset. (13) Quid? quod Ecclesiam ille prodere neutiquam veritus fuit; & quidem legibus, quas qui nobis literis eas consignavit, nisi origines vidisset, primasque tabulas, nunquam in animum fuisset inducturus, ut credendum tam turpe abominandumque facinus sibi existimaret. Eas compendio sic latine nos reddimus: "*Antiquandam esse privatam peccatorum confessionem: transubstantiationis in Eucharistia dogma silentio opprimendum: abolenda irritandaque religiosarum familiarum vota: sacerdotibus connubia indulgenda: jejunia abroganda: Pontifice cavendum: communionem cum illo rumpendam: sanctiones, si quas ediderit, contemnendas, ac negligendas esse.*" Quæ ita ut dico, ex commentariis desumpta sunt, DUPINII manu exaratis; neque intelligo, quemadmodum negari a quocquam possint. Quanquam non etiam memini alicujus, qui neganda putaverit. (14) Ut modo taceam, quam in opere, quod *Bibliothecam* in-

scripsit,

(13.) Vid. la réalité du projet de Bourg-Fontaine pag. 307.

(14.) Histoire de la constitution Unigenitus par Melsire Pierre Francois la Fiteau Evêque de Sisteron Tom 2. pag. 138. & seq. Autre entreprise, que j'aurois eu de la peine à croire, si je n'en avois vu les Actes originaux. C'étoit le projet d'unir le parti des opposans à l'Eglise Anglicane. Le Docteur Dupin, si connu en Sorbonne par ses excès, en avoit fait un Traité entier. Il y avoit long tems, qu'on le savoit dans une étroite liaison, & dans une relation continuelle avec Mr. l'Archevêque de Canterbury, c'est à dire, avec l'homme, que l'Eglise Anglicane a de plus distingué par le rang. D'abord on supposa, que ce commerce des lettres étoit un devoir de pure civilité. Dans la suite on y soupçonna du Mystère. — Enfin on parvint à la connoissance du plus abominable complot, qu'un Docteur Catholique ait pû trâmer en matière de Religion. L'apostasie n'eut jamais rien de plus criminel. Le 10. Février l'ordre fut donné en ma présence d'aller chez le Sieur Dupin, & de saisir ses papiers. Sur l'heure ils furent tous enlevés. Je me trouvai au Palais Royal au moment, qu'on les y apporta: Il y étoit, que les prin-

scripsit, multa improbe ab eodem ac perversè sint posita. Sunt enim damnati hi libri etiam in Gallia; quique legerit (legi autem, ac sunt in potestate mea) is ingenium in paucis impudens demirari non satis poterit. (15)

II. Jam ille vero ad sextæ dissertationis suæ primum Paragraphum hoc Lemina scripsit: *Potestatis Ecclesiasticæ immediatum subjectum esse UNIVERSAM Ecclesiam.* Quod ita statim exposuit: sensus est; *an potestas Clavium sit immediate concessa UNIVERSITATI, ut per ejus MINISTROS ac per summum Pontificem exercentur; an vero summo Pontifici, aut ETIAM EPISCOPIS sit IMMEDIATE collata?* Tum vero omnium antiquorum fuisse mentem hanc asserit, *Claves in persona Petri UNIVERSITATI Ecclesiæ collatas esse, quas illa MINISTRIS suis, atque ipsi summo Pontifici communicet.* Et ex scriptura continuo locum illum famosum proferens Matthæi XVIII, *si peccaverit in te frater tuus, dic Ecclesiæ: si autem Ecclesiam non audierit, sit tibi sicut Ethnicus & publicanus:* heinc, inquit, *PATET SUPREMAM EXCOMMUNICANDI POTESTATEM PENES ECCLESIAM ESSE.* Quæ est QUESNELLI ipsissima damnataque doctrina: ut minime mirum sit, patrocini-um ab eo hujus apostatæ fuisse susceptum, APPELLANTIUMque per-mixtum gregi, more Jansenistarum finem vivendi turbandique cum fecis-se. Atque hæc de Jansenistis, & Quesnellianis breviter. Sunt enim quamplurimi, quos silentio prætereo. Nam si commemorare omnes vel-lem, tot me nomina oporteret & sententias describere authorum, quot sunt libri hætenus editi pro QUESNELLO: qui quidem bibliothecas pos-sunt implere, & sunt numero infiniti.

B §. V.

cipes de nôtre Foi peuvent s'accorder avec les principes de la Religion Anglicane. On y avoûtoit, que, sans altérer l'intégrité du Dogme, on peut abolir la confession auricu-laire, & ne plus parler de transsubstantiation dans le Sacrement de l'Eucharistie, anéan-tir les vœux de Religion, permettre le mariage des Prêtres, retrancher le jeûne, & l'ab-stinence du Carême, se passer du Pape, & n'avoir plus ni commerce avec lui, ni egard-pour ses Décisions.

(15.) Damnata est Bibliotheca DUPINII à pluribus Galliæ Episcopis, nominatim ab Illust. DE HARLAY Archi. Episcopo Parisino 16. April. 1693. tanquam continens plu-res propositiones falsas, temerarias, scandalosas, offensionum ingrentes piis auribus, ten-dentes ad Traditionis everfionem super auctoritate librorum Canoniceorum, pluribusque ali-is Fidei Articulis; injurias Conciliis acumenicis, Sacræ Sedi Apostolicæ, & Patribus Ecclesiæ, erroneas, & respectivo inducentes ad hæreses.

§. V.

Doctrina Launoii.

I. JOANNES LAUNOIUS (de hoc enim restat, ut dicam) in eadem opinione, immo hæresi fuit. Sane est ejus, a quo sunt editi illius opera, scriptoris anonymi hoc de illo testimonium: "*scripsisse LAUNOIUM ea ætate, qua admodum timide fuerint tractandæ quæstiones istæ delicatæ ob proscriptam RICHERII doctrinam, quippe qui constitutos fines sustulisse nonnullis visus sit: Quocirca ne nomen quidem hujus celeberrimi Doctoris appellare ausum fuisse LAUNOIUM, ne RICHERISMI nota sibi aspergeretur: sed dexteritate & industria quadam fuisse usum.*" (16) Siccinæ? quod & Episcopi, & Senatus & Sorbona proscripserant, hoc ille virus dexteritate atque industria instillabat?

II. Quod alterum sit; idem Anonymus de epistola quinta LAUNOII ad VALLANTIUM, quæ est ipsissima, ad quam dimittimur ab JUSTINO FEBRONIO, his verbis lectorem instruit: "*Intricata admodum agitur quæstio, an Claves, seu ligandi & solvendi potestas, PRIMO ET IMMEDIATE ECCLESIAE CORPORI in persona Petri concessæ sint, adeo ut sacerdotium IN TOTO CORPORE ECCLESIAE resideat, exercendum a nonnullis, qui e toto Corpore eligantur, & quibus ritu quodam sacro vel Diaconatus ve. Episcopatus officium dicetur?*" Subjungit autem:

(16.) In præfatione ad Tom. V. partem I. pag. I. Ignoro autem sane, quid sibi velit, quod addit Anonymus: *ut Gallicanæ Ecclesiæ libertates Richerii damnatione tantulum debilitatas veneranda Ecclesiæ traditione, tanquam firmissimo clypeo obtegeret ac tutaretur.* Quid? Libertatibus igitur Gallicanæ Ecclesiæ præjudicium erat factum damnatione RICHERII? Immo damnatus est liber diserte hac adposita clausula: *Salvis Juribus Regis, & libertatibus Ecclesiæ Gallicanæ.* Vid. BRIETIUM Tom. VII. p. 498. Nec etiam verum est, in libertatibus illis vindicandis verlatum timide LAUNOIUM. Ex enim sunt; ne Romanus Pontifex infallibilis credatur; ut generali Concilio subjiciatur, ut ad servandos Canones adstringatur, ne in regna juraque Principum potestatem habeat. Quæ quidem quatuor adeo non timide persecutus est in suis epistolis Launoius, ut vehementior illo potius nemo in pertractandis, ac prope dixerim, nemo furiosior fuerit. Quam igitur timide instillabat, pars ea fuit doctrinæ Richerii, quæ Richerissimus etiamnum in Gallia dicitur.

autem: *Cum in ea epistola totus sit in vindicandis nonnullorum Patrum testimoniis, quæ NOVITIÆ & POLITICÆ opinioni suffragari videntur, nobis in his innotari FAS NON EST.*" (17) Cedo, quæ illa NOVITIA, quæ POLITICA opinio, nisi RICHERII commentum turpe? quod iste ut spargeret, ex politica factum causa, (18) rumor fuit: & quæcunque huc cum impulerit ratio, non minus ad regni quam ad Ecclesiæ communem perniciem scripsit, & perhorrescunt quotquot catholice in Gallia ac pie sentiunt.

III. Jam ille etiam, de quo modo loquebar, DUPINIUS ad LAUNOIUM nos ablegat: quod & QUESNELLUS facit, aut, quisquis est auctor libri OBSERVATIONUM: HEXAPLORUM vero confarcinator a capite ad calcem propemodum LAUNOIUM descripsit. Quid ita? sine causa hoc eos fecisse? At ego legenti epistolam LAUNOII esse causam puto perspicuam: cumque ab innumeris refutati QUESNELLUS ET QUESNELLIANI sint; qui calumniæ in Launoium eos postulaverit, nemo fuit.

IV. Immo vero est in fronte, est in visceribus epistolæ, ejus scripta damnatio. Dixerat MARTINUS LUTHERUS in Libro *de Babylonica Captivitate*, neque Pontificem, neque Episcopos Jurisdictionem obtinere ullam in Christianum populum, ac neque legibus onerari Christianos posse, neque plecti contumaces, nisi de fidelium consensu (19). Quem inter primos Novatoris errores damnavit Parisina Universitas anno MDXXI: tum vero anno MDXLII inter orthodoxæ doctrinæ capita posuit: eodem veritatis fundamento recipiendum, potestatem excommunicandi esse de JURE DIVINO; IMMEDIATE A CHRISTO Ecclesiæ concessam, & ob id magnopere timendas esse censuras. Existimo hominum fore neminem adeo cæcum, quin, quod ibidem sic ponitur: IMMEDIA-

B 2

TE

(17.) Ibid. pag. XVIII.

(18.) Edidit libellum suum Richerius anno altero, ex quo e vivis Henricus IV. decesserat. Jam hunc constat a Summo Pontifice impetrasse, ut declararetur nullum matrimonium, quod cum Margareta Valesia contraxerat, junxisseque alteram sibi Francisci Medici magni Etruriæ Ducis filiam, quæ anno MDC. initis cum Henrico nuptiis, Ludovicum XIII. Galliarum Principem sequente anno MDCL. peperit. Rumor igitur fuit, nec is forsitan de vano, Richerium instinctu Principis Condæ elacubrassæ opusculum suum. Qui enim Pontificis hoc modo potestatem decesserat, is eadem opera & matrimonium illud secundum Henrici, & natales legitimos Ludovici Principis, futuri Regis sollicitaret.

(19.) Lutherus L. de Capt. Babyl. Tom. II. operum Latin. pag. 282.

TE A CHRISTO, vocabulum IMMEDIATE non ad Ecclesiam, sed ad Christum referri videat ex mente Magistrorum illorum: ut id scilicet, quod proxime dictum fuerat, explicetur, excommunicandi potestatem non populi comparatam arbitrio, sed *jure divino*, hoc est, voluntate judicioque Christi esse commissam. Ad hæc *Ecclesiæ* vocabulum non ibi *universitatem fidelium*, sed Pontifices & Episcopos significare. Nam hos imperierat LUTHERUS suo Articulo, & solet Ecclesiastico usu vox illa sic accipi: tum si aliter intelligas, non impugnasse isti quidem, sed defendisse doctrinam LUTHERI censendi erunt: utpote, qui id maxime voluit, penes multitudinem esse claves, non penes pastores tantum repositas.

Vide nunc dexteritatem, imo vero versutiam fraudemque hominis! Interpretatur intelligitque sic ille enunciationem Majorum suorum, velut si vocum translatione facta, hoc modo decressent: *Excommunicandi potestas IMMEDIATE ECCLESIAE a Christo data est*: Ecclesiam vero *universitatem fidelium* interpretatur exemplo RICHERII. (20)

Quod ultimum ne ego temere videar fingere, tamen est supra jam tum ostensum, quis homini animus fuerit: cupio oculos mentemque suam unumquemque in epistolam ipsam defigere. Etenim postquam *πρωμενον* suum abscisse, atque ut solent, qui timidius de re quapiam scribunt, perplexe obscureque fixerat: continuo rem se novam, atque iis etiam, qui SORBONÆ alioquin addicti placitis sunt, minus expeditam, & obviam referaturum spondet. "Nam stare quidem illos suæ judicio scholæ & summum Pontificem subjectum Generali Concilio credere: sed hæere tamen ac tergiversari, cum Claves Ecclesiæ a Christo traditas audiunt. Pugnare itaque eos secum, neque advertere, quam conjuncta illa inter se sint, alterumque sequatur ex altero. Id ipsos adeo Parisinæ scholæ adversarios, Theologosque externos subodoratos, velut Dominicum SOTUM, & Martinum NAVARRUM." Tum in probationes ingressus, quæ quidem ridiculæ, multumque ineptæ sunt, ac perfunctus malo otio, postquam quindecim folia sola testium commemoratione impleverat, concludit Epistolam, & VALLANTIUM alloquens suum, si, inquit, omnes tibi similes essent, & tam acute philosopharentur, ac tu philosophari soles; ex se ipsis necessariam rei consecutionem facile perspicerent nec *ἀνακολαθῶσ* tam sæpe differerent. SED NON OMNIBUS ADIRE CORINTHUM LICET.

Heus

(20.) Vid. ipsam epist. ad Vallantium Edit. Coloniae Allobrogum pag. 213. l. ab initio. Est enim prolixior locus, quam ut adscribendus videatur.

Heus viri! quis ille stipes Parisinæ Scholæ, quis ille fungus unquam extitit, qui tamen Pontificem Concilio obnoxium crederet; Ecclesiæ tamen, *ut ex Episcopis ea constat*, immediatè a Christo Claves esse traditas negarit? atqui neque fuit, neque potuit esse tam quispiam a cerebro vacuus: sed est e contra pro axioma istud Gallis, Episcopos a solo Christo jurisdictionem suam sortiri. Quocirca inferunt; tamen minores sint *singuli* summo Pontifice; *collecti* tamen, inque unum congregati locum, majorem illo auctoritatem obtinent. Et ex adverso si a Pontifice manaret auctoritas jurisdictioneque omnis Episcoporum, senatum quidem referre ii summi Antistitis possent; jubere autem & finire legibus majestatem ejus non possent.

Ecquorsum conatus igitur ille LAUNOI? quorsum clamor? quorsum laterum ea contentio, ut ECCLESIAE a Christo claves esse traditas, Sorbonam doceat? Credo lucem adeo claram non esse, ac est hoc: Ecclesiæ nomine non illum Episcopos, quos CORPUS PASTORUM alioquin aut REGENTEM ECCLESIAM dicimus, sed UNIVERSITATEM intelligere ex Clericis, LAICISQUE constantem. Hoc hoc illud est dogma, quod ut ad Ecclesiæ & regni excogitatum perniciem averfabantur catholici Magistri. Hoc iste falso & nequiter permiscere cum scholæ placitis studuit.

V. Sed intro magis. Inter testes ac vindices pronunciati sui LAUNOIUS TERTULLIANUM in primo agmine collocavit. Qui in eo, quem de castitate conscripsit libro, cum a secundis nuptiis non minus Laicos, quam sacris addictos functionibus abstertere vellet; perplexum exaggeratumque posuit quiddam pro suo more: ut & Laicos sacerdotes velle facere videatur, & utrumque ordinem sola Ecclesiæ auctoritate constitutum dicere. Verba Tertulliani: *Vani erimus, si putaverimus, quod sacerdotibus non licet, Laicis licere. Nonne & Laici sacerdotes sumus? scriptum est: REGNUM QUOQUE NOS ET SACERDOTES DEO ET PATRI SUO FECIT.* Differentiam inter Ordinem & plebem constituit Ecclesiæ auctoritas & honor ordinis per confessum sanctificatus a Deo. Ubi Ecclesiastici ordinis non est confessus; & offers & tingis, & sacerdos es tibi solus. Sed ubi tres; Ecclesia est, licet Laici. Unusquisque enim sua fide vivit, nec est personarum acceptio apud Deum: quoniam non auditores legis justificabuntur a Deo, sed factores, secundum quod & Apostolus dicit. Igitur si habes jus sacerdotis in teetipso, ubi necesse est; habeas etiam oportet disciplinam sacerdotis, ubi necesse sit habere jus sacerdotis. Digamus tinguis? Digamus offers? quanto magis laico capitale est agere pro sacerdote, cum ipsi sacerdoti digamo facto auferatur agere pro sacerdote.

Mentiar, nisi ipsissimus hic ille sit locus, quo Lutherani Calvinianique, & quotquot *καθ'αγορ* apud Anglos censentur, & si qui sunt alii, abuti adversum nos solent, ut Christianos sacerdotes esse omnes probent. Potuit autem non nisi duplex in eo significatus a LAUNOIO attendi. Prior, ut earens sacerdotes esse omnes Christiani atque dici censeantur, quatenus qui baptismo initiati, Ecclesiæque facti sunt membra, idonei hoc ipso sint, ut sacerdotes etiam fiant. Fiant autem non sine electione Cleri, ac populi: qua posita, ubi manuum impositio, cæterique definiti ac pacti a Deo modi ac sacri ritus accesserint, non jam a populo, sed ab ipso met Christo potestatem accipiant conficiendi sacra mysteria, sicut & jurisdictionem, claviumque usum aut expeditum, aut ab Episcopi voluntate suspensum. Atque hic sane sensus Catholicus est. Quid autem? LAUNOIIUS hunc velle potuit? Minime id quidem. Nam & trimuli in scholis ista didicimus, & quotidiano usa ita rem fieri apud Catholicos videmus. Certe BELLARMINUM, in quem sævit, ac detonat, adversarium hac ex parte non habuit, neque Magistrorum, ut arbitror, ex Sorbona & Collegarum suorum quempiam. Non igitur, non nisi amens ac furens folia quindecim turpare, ut rem adeo certam contestatamque persuaderet, potuit.

Quo ergo spectabat? Quid TERTULLIANUS in fronte exercitus? TERTULLIANUS, inquam, de Laicis Laicorumque sacerdotio disputans? Ego quidem eruditos omnes provoco, edicant, definiantque ii mihi, siquid voverit aut potnerit velle aliud iste scriptor, quam sacerdotium ipsum, hoc est, consecrandi conficiendique Dominici Corporis, & totam Clavium potestatem, vere, proprie, *actuque*, & ut in scholis dicimus, *formaliter* in Communitate hære ipsa atque in plebe, tametsi functio exercitiumque illius potestatis non nisi quibusdam, ordinis regiminisque bene ominati causa deputetur. In quo non RICHERISMUM ille modo, quantus quantus est, eporavit, verum superavit etiam EDMUNDUM RICHERIUM, atque ad LUTHERI CALVINIQUE castra prorsus descivit. Nam quod catholice nos alioquin TERTULLIANUM hoc modo exponimus, superjectione usum fuisse nimis audaci, ac non eum de sacerdotio, sed de adumbratione, & imitatione quadam loqui sacerdotii; quod Christiani scilicet persecutionum tempore Eucharistiam habere domi secum consueverint: id est nihil prorsus ad LAUNOII scopum; quippe qui *Claves* esse Ecclesiæ immediate traditas probare voluit: sumptio autem conestioque oblatis & confectis jam tum Dominici Corporis neque Clavium venit nomine, neque in partibus censetur Ecclesiasticæ sacerdotalisque potestatis.

VI. Ut hoc etiam addam; sunt aliunde Launoi scripta ad Jansenianam omnino maledicentiam composita. Quamvis de gratia vero non idem
cum

cum Janſeniftis ſenſerit: amiciffimus tamen iſtorum fuit. Quod ex eo colligas, quoniam Academicorum collegio maluit excedere, quam ſe adigi pateretur, ut cenſuræ ſubſcriberet duarum ARNALDI Propoſitionum, quarum alteram pro *temeraria, impia, blaſphema, anathemate damnata & hæretica* Sorbona proſcripſit anno MDCLVI in generalibus comitiis; alteram pro *temeraria item ſcandalofa, injurioſa ſummo Pontifici & Episcopis Galliæ, atque etiam præbente occaſionem renovandæ ex integro poſt damnationem doctrinæ Janſenii.* (21)

ARTICULUS II.

FEBRONIUM POPULARE IN ECCLESIAM REGIMEN INVEXISSE,
CONTRA AC JURAT IPSE ET PEJ RAT, ARGUMENTIS NON
MINUS SEPTEM EVINCITUR.

I^{um} ex verbis petitur, quibus doctrinam ſuam proponit. II^{um} III^{um} & IV^{um} ex modo, quo probat. V^{um} ex comparatione cæterorum libri capitum tum inter ſe, tum cum iis, quæ Janſenianæ ſectæ principes tradiderunt. VI^{um} ex comparatione argumentorum Febronii cum argumentis, quibus utitur Hexaplorum auctor ad defendendam Paſchaſii Quesnelli damnatam propoſitionem nonageſimam. VII^{um} ex deſpoliatione Dupinii atque Lau-
noii. Evertitur effugium, & confirmatur demonſtratio. Uni-
verſe Febronium ſuamet confeſſione reum hæreſis eſſe con-
cluditur. His

(21.) Libet adſcribere propoſitiones, ut ex errore deſenſo judicium de deſenſore capiat imperitus rerum iſtarum Lector. Secunda, quam nos priore poſuimus, hæc erat: *Veritatem eſſe tum ex Scripturis, tum ex SS. Patribus indubitatam, atque in perſona S. Petri manifeſtam, gratiam ſcilicet, ſine qua nihil poſſumus, juſto deſuiſſe in ea occaſione, in qua dici non poteſt, quod non peccaverit.* Altera: *Quinque propoſitiones Janſenii nec eſſe in Janſenio, nec ejus ſenſu damnatas fuiſſe, adeoque circa partem illam Apoſtoli-
cæ Conſtitutionis ſufficere religioſum ſilentium.*

Additur in Centura, neminem poſthac aut a Doctõribus ad Comitia, & alia quælibet jura, aut e Baccalaureis ad alios actus Theologicos admiſſum iri, niſi ante huic cenſuræ ſubſcripſerit. Atque ſiquis Arnaldi ſuperiora illa approbare, aſſerere, docere, prædicare, ſcribere auſus ſit, eum ab eadem Facultate prorfus repellendum eſſe. Decretum inſuper, hanc cenſuram prælo mandandam eſſe, ut omnes intelligant, quantum Facultas EXITIALEM ILLAM AC PESTILENTEM DOCTRINAM EXECRETUR AC DETESTETUR.

His de RICHERIO imitatorumque ejus perversa doctrina paululum explicatis, nunc ad illud venio, cui probando ac demonstrando tota superioris articuli oratione viam manivimus. Nobis id propositum fuit ostendere, FEBRONIUM suamet confessione prolapsum esse in *Heresin*. Quod est: cum agnoscat ac fateatur ipse verbis significantibus, haud licere per Catholicam fidem Democraticum ac populare a Christo regimen Ecclesiae institutum dicere: tum hoc ipsum vero neminem magis, quam Justinum Febronium docuisse. Neminem inquam magis. Quod argumentis non amplius septem conficiam, si tamen pro jure meo prius aliquid sumpsero, quod negare puto neminem posse: reciprocari inter se scilicet: *de fide Catholica* esse rem quampiam; & esse, quod huic opponitur, *Hæreticum*: ut qui adeo prudens ac sciens in fidem catholicam offenderit, hæreticus sit hoc ipso: sin præ stupore fecerit & oscitantia; hæreticus, nisi resipiscat, fiat.

Quare cum ut confessio verbaque sunt ipsa hominis, *de fide catholica istud sit, haud esse Democraticam Ecclesiae formam, neque Aristocraticam simplicem*: (1) horum si nihilominus ab eo primum & admissum revera esse, & defensum tota animi atque virium contentione, probavero; evici profecto causam. Quanquam non ille primum tantum ex duobus, sed utrumque revera posuit. Itaque utroque nomine hæreseos ipse notam sibi descripsit: estque hæc illa vertigo & inconstantia prodigio similis, de qua in Præfatione dixi: cum quid sit consequens, nunquam attendat, resque adeo pugnantes, immo tantum, quantum *ajo & nego*, sibi oppositas in librum scriptionemque unam includat. Verum de hoc ejus peccato erit postea locus dicendi: nunc quod institui agam, atque ea lege quidem, ut nisi ad evidentiam perducta res fuerit, ac το ἐπιστημονικόν, patiar actum esse de meis lucubrationibus, neque boni quippiam deinceps aut veri scripserim.

§. I.

Argumentum I.

Ex verbis, quibus proponit suam doctrinam Febronius.

Est autem, ad quem redeundum est, locus statim in initio *libri singularis*: cujus in primo capite, paragrapho sexto, ubi fundamentum ædificii struitur, tale adscribitur lemma: *Potestas clavium UNIVERSITATI Eccle.*

(1.) In vindiciis contra P. Josephum Kleiner, quæ est 3. appendix in Edit. anni 1765, Pag. 42.

Ecclesiæ a Christo data est. Illam hæc per MINISTROS SUOS exercet: INTER QUOS Romanus Pontifex primarius quidem est: nihilo tamen minus UNIVERSITATI subordinatus. Tum explicatio hujus lemmatis sequitur: Quando probavimus, non unum Petrum esse fundamentum Ecclesiæ, neque illi soli traditas esse claves cum potestate solvendi atque ligandi: illud volebamus & debebamus inferre: Petrum solum non esse SUBJECTUM IMMEDIATUM POTESTATIS ECCLESIASTICÆ; sed clavium potestatem UNIVERSITATI Ecclesiæ PROPRIE & ita transcriptam esse, ut illa per ejus MINISTROS PRO SUA CUJUSQUE PORTIONE, ac INTER HOS per summum Pontificem exerceatur. Atque inferius: Cum itaque Ecclesia ipsa PRINCIPALITER ac RADICALITER obtineat potestatem Clavium, quæ ab illa in OMNES ejus MINISTROS, ipsique summum Pontificem derivatur, & SINGULIS QUIBUSQUE PRO SUA PORTIONE communicetur.

II. Nondum ultra progrediar; sed heic hærebo tantisper. Est primum hoc evidens, neque inficiari FEBRONIUS voler: cum *Ministros* appellat, interque eos summum Pontificem; Ministrorum nomine Episcopos ac Sacerdotes abs se intelligi. Jam id etiam scio, *Ecclesiæ* vocabulum ad solos Presbyteros atque Pastores a sanctis Patribus, & a Conciliis, & a Magistris scholarum constringi solere. Quod & tum faciunt, cum *universalem* eam appellant, hoc est, quæ, quod sit fusa per terrarum orbem, ideo universalis, aut catholica nominatur. Sic S. Gregorius: quod *antiquis*, inquit, *nusquam dicitur, modo universali Ecclesiæ dicitur: quodcumque ligaveris super terram.* Quorum est iste sensus: peccatorum remittendorum potestatem, quæ neque Moyfi, neque Prophetis concessa unquam fuit, eam Novi Testamenti & Catholicæ Ecclesiæ Sacerdotibus a Christo traditam esse. Quamobrem qui in *Ecclesia* esse Claves, aut *Ecclesiæ* datas Claves esse a Christo dicit, damnandus is minime est, sed vere atque ex usu loquitur.

III. Hoc quæro, ac de eo hominum communem sensum adpello, cum ECCLESIAM quis, SACERDOTESque illius inter se comparat, disjungitque ac discernit invicem: cum sacerdotes MINISTROS hujus Ecclesiæ simpliciter, & universe nominat; cum non *universalem* Ecclesiam, sed UNIVERSITATEM dicit; cum demum sic: jurisdictionem UNIVERSITATI huic inesse PRIMARIO, PROPRIE ac PRINCIPALITER, atque hanc in Ministros illam suos transferre, partiri-
que inter eos, & PORTIONEM cuique suam describere, id est, suam

Presbyteris, suam Episcopis, suam Pontifici, suam omnibus, suam singulis: hoc, inquam, quæro, quis naturalis, quis obvius, quis quasi natus nobiscum significatus verborum istorum censeretur? Possumne, cum ea lego, quin multitudinem continuo intelligam ex LAICIS constantem ac CLERICIS, qua Christiani omnes sunt, ejusdemque Christi & fidei ac sacramentorum ejus communione censentur? Possumne, quin REPUBLICÆ statim animo facies succurrat?

IV. Quod si non est, ut ego contendo, ac si non hoc iste voluit, Claves MULTITUDINI esse commissas: cedo! quæ UNIVERSITAS igitur est, de qua loquitur? qui MINISTRI? Restat, Sacerdotibus tantum, sed *in commune* commissas dixerit? Id vero tamen falsum sit, ut modo accipiam: negare igitur non potest, ideo *Pastorum universitati* esse commissas, quia Pastores sunt inauguratione sua, atque sub ea tantum, qua Pastores ac Sacerdotes sunt, ratione. Jam iidem vero singuli, cum potestatem pro se quique illam exercent, ideo pariter tantum exercent, quia Sacerdotes sua inauguratione sunt, atque exercendo eam, sacerdotio funguntur suo. Non igitur possunt sacerdotes Ministri esse universitatis sacerdotum. Non inquam possunt, in quantum Clavium potestatem exercent: non enim Minister esse aliquis sub eadem, qua est princeps, ratione potest. Quare si Ministri nihilominus universitatis alicuius sint; alterius sint oportet. Ea vero præter *fidelium omnium* universitatem nulla penitus in mundo Christiano est.

§. II.

Argumentum II. III. IV.

Ex rationibus a Febronio adhibitis.

I. Sed erit plebejo hoc isti, & ad describendum duntaxat nato fortasse subtilius. Age itaque, quorsum inter testes suæ doctrinæ ac vindices Bedam collocavit, sententiamque protulit: *OMNI igitur Electorum ECCLESIAE juxta modum culparum & penitentiae ligandi, atque solvendi datur auctoritas?* Quorsum magnis Characteribus vocabula hæc scripsit duo: *omni Ecclesiae?* Atque BEDAM quidem constat S. AUGUSTINUM imitatum hoc loco fuisse; & id unum voluisse, posse quemlibet

bet Christianum probum ac pium suis precibus conferre multum ad impetrandam a Deo veniam flagitiosis hominibus: qui est *accommodatitius* scripturæ sensus, & familiaris iis, quorum est munus, ad hominum mores informandos descendere. Sed de Clavibus, quatenus jurisdictionem significant, nihil heic loquitur BEDA: FEBRONIO autem de jurisdictione toto paragrapho sermo est. Cum igitur *omni Electorum Ecclesiæ* hanc esse propriam ex BEDA sciscit, atque ut ne oculos forte attentionemque lectoris res ea fugeret, literarum adhibet discrimen: profecto nisi dormiens scripserit, habere aliud objectum animo non potuit, quam esse MULTITUDINI factam Clavium a Christo potestatem. Non enim, qui OMNEM ELECTORUM ECCLESIAM dicit, solos sacerdotes, sed fideles quosvis intelligit. Atque sic etiam BEDA intellexit, & quotidianus loquendi usus demonstrat. Quanquam quid BEDA senserit, exponam infra adcuratius.

II. Inter argumenta, quibus ostendat se Noster, est etiam ex Tridentino sumptus locus sessione XIV. capite V, ubi synodus ait: *Neque enim per Lateranense Concilium Ecclesia statuit.* HIC, inquit, ECCLESIA DISTINGUITUR A CONCILIO. Ac sessione XXV. in decreto de Purgatorio: *Cum Ecclesia Catholica a spiritu sancto edocta in hac œcumenica synodo docuerit Purgatorium esse.* HIC QUOQUE, ait, Ecclesia DISTINGUITUR A CONCILIO TANQUAM REPRÆSENTANS A REPRÆSENTATO. Ut solæcismum, in quem est inductus, ei condonem (non enim ab Ecclesia Concilium repræsentari dicimus, sicut nec a regno comitum, sed vicissim) quis non videat ac palpet manibus, ut ita loquar quæ Ecclesia, quæ universitas sit illa Febroniano depicta cerebro, cui Claves a Christo traditæ sint? Nam Episcopale quidem corpus, quæ est *regens ac docens Ecclesia*, nunquam magis in sese ipsum colligi, explicareque procuracionem ac potestatem suam potest, quam in generali & œcumenica synodo: atque ut ineptissimus quis esse voluerit, tam ineptum opinor non fore, ut quod in Concilio Epi'copi congregati faciunt, id potestate dicat eos non sua facere, sed ab iis accepta præsulibus, qui domi hæserint: quo nihil stultius, neque alienum magis ab humano captu ac sensu cogitari possit. Quamobrem si vel ipsam Episcopale Corpus, cum est collectum adunatumque in se, ut maxime potuit, ab alterius tamen auctoritate beneficioque pender, ac neque Clavium potest dici *immediatum subiectum* neque *proprie ac principaliter* eas gerit, sed ministerium obit, atque vice ac loco fungitur: profecto id, a quo pender, Episcopale ipsum Corpus esse non potest. Quodnam igitur? Nam qui quid in Ecclesia est, si ab sacerdotali discefferis ordine ac gradu, ad plebem aut

populum referri debet. Est igitur plebs, est populus, est multitudo, atque sunt omnes, qui Christiano censentur nomine, ad quos Claves pertineant: hi in Conciliis jus dicunt, hi leges sanciunt, hi figunt dogmata, damnant hæreses. Nega consecutionem! nega, si potes!

III. Quod sequitur, magis popolare est. Sunt Apostoli ad COLOSSENSES scribentis hæc verba: *Pro Corpore ejus, quod est Ecclesia, cujus factus sum ego MINISTER.* Sed addit statim, nulloque aut commatibus, aut voculæ alicujus interposito: SECUNDUM DISPENSATIONEM DEI, QUÆ DATA EST MIHI IN VOS, UT IMPLEAM VERBUM DEI, MYSTERIUM, QUOD ABSCONDITUM FUIT A SÆCULIS. Quæ sane posteriora, si prioribus, ut sunt, connexa, & in eandem inclusa sententiam legas ac repræsentantes: statim omnes cognoscant, vocare *ministerium* se Paulum, non quod Clavium, docendique, ac corripiendi potestatem a Colossensibus acceperit, quod ille prodigium infami dogmatis repellit potius ac præfocat his verbis: καὶ τὴν οἰκονομίαν τοῦ Θεοῦ, τὴν δοθεῖσαν μοι εἰς ὑμᾶς. Verum altero usitatoque in sacris scripturis sensu: ac quo etiam Christus *Circumcisionis* alicubi *minister* dictus est: quoniam doctrinam, prodigiorumque vim effectricem atque vitam & sanguinem suum Judæis impendit. Et hoc modo etiam Paulus ad Colossenses in isto loco, *nunc*, inquit, *gaudeo in passionibus meis pro vobis, & adimpleo ea, quæ defunt passionum Christi in carne mea pro Corpore ejus, quod est Ecclesia, cujus factus sum ego minister.*

Est inquam, hæc Pauli perspicua claraque sententia. Sed Jurisconsultus multavit eam posteriore ac summe necessaria sui parte. Cujus nulla mihi, ut vim maxime inferam, succurrit ratio, quam quod esse veritus videatur, ne si, ut erat, locum describeret, statim omnes intelligerent, a solo Deo, non ab homine potestate sua Paulum impertitum. Id quod quovis non ille pretio concefferit. Scribit enim: ECCLESIAE CONCEDUNTUR CLAVES: QUOCIRCA ET EPISCOPI AC PASTORES IN USU CLAVIUM NUNQUAM NON SE AGNOVERUNT MINISTROS ECCLESIAE EXEMPLO PAULI APOSTOLI SCRIBENTIS AD COLOSSENSES: *Pro corpore ejus, quod est Ecclesia, cujus factus sum ego Minister.* Ex quo ipso argumentum nobis subnascur ad demonstrationem superioribus non minus evidens. Nam Paulus de ea loquitur Ecclesia, quæ Corpus Christi est: illa autem ex omnibus Christianis constat. Quid? quod ad Colossenses nominatim sermonem refert. Quare si, quod istorum, Ecclesiæque minister se vocet Paulus, ex eo id consequens esse FEBRONIUS facit, ut jurisdictionem quoque

& potestatem Clavium ab Ecclesia acceperit: certe promiscue Ecclesiam sumat necesse est, atque ut Christianos ea omnes, ipsamque plebem, & etiam feminas complectitur. Nam istis & omnibus & singulis se Apostolus devovit, ministerque omnium ac singulorum fuit.

§. III.

Argumentum V.

Ex comparatione cæterorum libri capitum tum inter se, tum cum iis, quæ Jansenianæ sectæ Principes tradiderunt.

I. **M**emini supra me dicere, Jansenistarum cor & jecur sub Richeriana recondi scabie. Nec vero causam hujus eorum consilii determinare arduum est. Cum enim toties a summis Pontificibus, & a Præfulis orbis terrarum, atque Galliae comprimis damnatos & anathemate percussos se viderent: quod esse certius, quam in multitudine periculum poterat? Est enim robusta res turba, ut quidam ait, & natura insolens: atque haud aliter, quam velut mare quoddam, sententiarum impelli tempestate in partem, quam volueris, potest. Itaque omnes statim in id nervi ab illis contenti sunt, ut quam citissime in omnium animos virus pervaderet. Ac sunt innumeri, qui provinciam in se illam susceperunt; ex quibus si petulantiores hoc loco adduxero; faciam eos, ut omnes intelligant ne audacissimis concessisse Febronium: atque esse tantum in illo genere eum consecutum, quantum ex principibus etiam sectæ quisquam alius.

II. Auctor libri *DE EVERIS LIBERTATIBUS* hoc modo pronuntiat: SUNT PRIMI PASTORES, PER QUOS ECCLESIA SUA POTESTATE, QUAM ACCEPIT, FUNGITUR. VERUM SI INTER IPSOS PASTORES FUERIT ORTA DISSENSIO; TU ILLOS AUDI, ATQUE ISTE ADJUNGE, QUORUM EST CORPORIS ASSENSIO-NE FIRMATUM JUDICIUM. Cujus autem Corporis? NON, inquit, SOLI PASTORES, SED OMNES JUSTI, OMNES FIDELES SUNT, QUI SPONSAM JESU CHRISTI, QUI MATREM EAM CONSTITUANT, QUÆ INFANTES NOS TOTA OMNES, TOTA SINGULOS PARIT. TOTA IGITUR ECCLESIA, HOC

relata, ut refutarem, retegeremque virus; id enim postea opportune faciam: tamen ex sese sit malum conspicuum, & in oculis cadat: sed ut fructum atque exitum ostenderem Richerianæ vertiginis, & quemadmodum telam, quam exorsus imprudentissime RICHERIUS fuerat, ad finem isti, ultimumque sic quali nodum suum perduxerint.

IV. Quodsi nunc, quantum ad hæc pariter est capita, FEBRONIUM nec latam unguem a præclaris Magistris suis discessisse probavero: eritne, qui dubitare possit, quo ille sensu *Ecclesiæ* esse a Christo claves commissas ac traditas dixerit? Nihil autem hæc agam, quam ut sententias ipsas hominis simpliciter ac sine commentariis meis adscribam: quas quisquis legerit, si cum iis, quas modo retuli, contenderit, statim fatebitur, nihil a me verius potuisse dici. Sedes facinoris est in capite sexto, quod de *Conciliis* inscribitur, imprimis autem in octavo Paragrapho.

" Agnoscunt, inquit, ECCLESIAE SINGULAE suam in Papæ Enun-
 " tiato fidem, perinde ac si omnes definitioni particularis cuiusdam syno-
 " di adherentes, suam in illa profiterentur? utroque casu SI VEL SIC
 " OMNIA TRANQUILLA PERDURENT, obtinebit Dogma, vim
 " ultimam & ineluctabilem unitate & consensione constare: neque illud
 " quidem ex solo Episcoporum accessu, SED EX UNIVERSORUM
 " FIDE FIDELIUM, quæ deficere non potest.

" Cum de universali seu catholica Traditione agitur, imprimis constat,
 " eam a nullo particulari seu singulari homine, qualis is cunque sit, pe-
 " tendam esse. Deinde singuli Ecclesiæ Pastores & Rectores extra Con-
 " cilium veritatum revelatarum, RESPECTU UNIVERSALIS ECCLE-
 " SIAE, sunt tantum pro sua quisque parte CUSTODES ET TE-
 " STES.

" Promissum Christi, inquit, de infallibilitate omni die impleri de-
 " bet? Recte hæc & verissime de CORPORE ECCLESIAE; SED
 " NEGA-

Et hujus quidem hæc verba sunt: Nos Archiepiscopi, Episcopi, alique Ecclesiastici viri Pari-
 sis congregari, pronuntiamus doctrinam in libro, qui inscribitur DU TEMOIGNAGE DE
 LA VÉRITÉ, edito sine nomine Auctoris & typographi anno 1714. contentam, totoque passim
 opere disseminatam, esse seditiosam, temerariam, scandalosam, eaque subverti ordinem a Chri-
 sto Domino in Ecclesia regenda institutum, eandem injuriosam sanctæ Sedi Apostolicæ & Episco-
 pis, falsam, erroneam, schismaticam & hereticam atque a cunctis fidelibus rejiciendam. Du-
 rum in Comitibus generalibus Lutetiæ Parisiorum die Octob. 29. anni 1715. Doctrina, quam
 ita configunt, non alia memoratur in Decreto, quam quæ a nobis est jamjam exposita.

NEGAMUS, hoc extra Concilium CONSTITUI AUT LEGITIME REPRÆSENTARI A PAPA ET SOLIS EPISCOPIS. Auctoritas Ecclesiæ Catholicæ, inquit Gratianus, succedentium sibi Episcoporum serie & POPULORUM CONSENSIONE firmatur. Est Christus sane & manebit cum PRIMIS PASTORIBUS, ut per quemvis eorum servetur fidei puritas atque integritas, & in ea rite instituaturs grex, qui PER SE LOQUENDO vocem sui pastoris audire debet. Sed NEC MINUS suo lumine adest PASTORIBUS SECUNDI ORDINIS. Nec ipsis quidem LAICIS (quanquam ii ad nullam Ecclesiasticorum Conciliorum & Judiciorum speciem pertinere noscantur) gratia Christi deest ad fideliter custodiendum fidei depositum. Horum omnium neque pauci, neque multi infallibilitate gaudent, sed ut diximus, Corpus ipsum ex JAM ENUNCIATIS MEMBRIS COMPOSITUM.

Episcopi neque SOLI sunt in Ecclesia Doctores, neque SOLI custodes fidei, neque SOLI extra Concilium universalem Ecclesiam constituunt, aut repræsentant. Poteest autem Deus, antequam constans universalis Ecclesiæ consensus separatis Episcoporum decretis superveniat, unum vel plures etiam EX SECUNDI ORDINIS sacerdotibus excitare, atque eorum in gratiam orthodoxæ fidei reclamantium verbis vim & efficaciam addere ad parandum veritati triumphum: ne dicam, zelus ardens paucorum Episcoporum, sicut in Concilio, ita & extra illud reliquos in suas partes trahere. Et quis ipsis etiam LAICIS Doctoribus facultatem subinde monendi & reclamandi (cum debita tamen ad Ecclesiam submissione) denegabit? (9)

Infallibile est Concilium generale, si Patres legitime congregati in eo ita se gesserint, ut dici debeant repræsentasse totam Ecclesiam: quod an ita de facto sit, declarat agnitio seu receptio Ecclesiæ: (10)

Audivimus: sed DELABORDIUS, atque ii, quos nominabam, Jansenistæ cæteri si viverent, audirentque, quid dicerent? immovero quid facerent? Accusarent (ita certissimum habeo) senectutem hominis, quem immortalem esse vellent: tam & doctrina & argumentandi, disserendique est ratio similis. Sed multo id clarius suo loco dilucidabitur: non enim heic aliud fuit propositum, quam Ecclesiæ quid illè nomine intelligat, demonstrare: ejus scilicet, cui claves ligandi ac solvendi a Christo potestatem fuisse traditam docet.

DE PASTORIBUS ET LAICIS. Est:

(9) Tom. I. Cap. VI. §. 8. Num. 13. & 14.

(10) Ibid. N. 12.

Est autem jam evidens, atque nescio, an tam amans esse quispiam illius possit, quin multitudinem fateatur intellexisse. Nam res ipsa loquitur: nec sunt de nihilo, quæ caractere etiam discriminavit hæc atque similia: *non ex solo accessu Episcoporum, sed ex universorum fide fidelium, quæ deficere non potest. Pastoribus secundi ordinis. Laicis.* Et ut re una conficiam; quale est, aut quorsum spectat id obsecro, quod Ecclesiæ Corpus extra Concilium *constitui* aut *repræsentari* legitime a Papa & solis Episcopis neget? Atqui REGENTIS illi ECCLESIAE Corpus quam maxime constituunt: neque enim constitui quicquam, quam a se ipso, melius certiusque potest. Quod igitur non constituunt, nec repræsentant, PASTORUM est SECUNDI ORDINIS & LAICORUM Corpus.

Huic igitur una sunt claves fidei à Christo traditæ. Nam *horum omnium*, inquit, *neque pauci neque multi infallibilitate gaudent: sed Corpus ipsum ex jam enuntiatis membris compositum, cujus voci omnes fideles semper obedire tenentur.*

§. IV.

Argumentum VI. VII.

VI. Ex comparatione momentorum FEBRONII cum momentis, quibus utitur HEXAPLORUM scriptor.

VII. Ex despoliatione DUPINII, atque LAUNOII.

I. **Q**uod fore sextum monuimus: PASCHASII QUESNELLI nonagesima propositio omnium Catholicorum summis suffragiis damnata est: propterea, quod excommunicandi potestatem demat Episcopis, atque in populum aut communitatem trajiciat. Quid vero? Probantne alio argumento hanc ejus defensores, quam quod Ecclesiæ sint claves traditæ, quarum usum & administrationem in Pastores ea tanquam Ministros suos transcribat? Estne aut Theologorum fere quispiam aut Patrum, vel Concilium etiam commemoratum a JUSTINO FEBRONIO: quo non & isti sint usi, ut suam hæresin stabilirent? volo non mihi, sed tibi habeas fidem Lector oculisque tuis: atque in manus, si licet, sume HEXAPLORUM (II) tomi VI. partem XIV; tum quidquid congestum a FEBRONIO vides, id

(II) Dicitur liber HEXAPLORUM a sex columnis, quarum prima propositionem exhibet, prout in CONSTITUTIONE UNIGENITUS damnata est; 2da, prout extat in Reflexionibus QUESNELLI; 3ta apologiam complectitur ex scripturis sanctisque Patribus; 4ta animadversiones varias; 5ta QUESNELLUM ipsam respondentem pro se inducit; 6ta calumniarum illiadem repræsentat in JESUITAS. Damnatus est liber non solum Romæ, verum etiam in Gallia a generalibus comitiis Cleri die 22. Octobris anni MDCCXV, tanquam qui contineat doctrinam injuriosam sanctæ sedi & Episcopis, scandalosam, erroneam, hæreticam &c. &c.

id cum iis, quæ in adnotatis a me paginis producuntur, contendere obiter: comperies, nihil me magis, quam pro rei veritate, & evidentia ipsa scripisse: (12) sed de Hexaplis iterum.

II. Nunc etiam furti debeo hominem convincere, atque vel ita, qualis sit, ostendam, & quam sit æthiopem multo facilius, ut esse niger definat, lavare, quam istum, ut Richeriana fuligine, popularique, hoc est, futorum lanionumque fumo infectus non sit. Etenim jam illud dixi, ac nihil deest, opinor. quominus demonstratum esse videatur, de LAUNOIO atque DUPINIO, adhæsisse ambos ad eundem scopulum, & Episcopos majestate sua exuisse, & communitatis ac populorum fecisse famulos. Non autem possunt, quorum vox est & oratio eadem, ii animis discrepare atque sententiis. Quare si utrumque FEBRONIUS spoliaverit, idque sic ego ab illo factum esse ostendero, ut & verba verbis, & commata commatis, & puncta punctis respondeant: puto, quod ad perfectum absolutumque genus demonstrationis desiderari possit, nihil amplius reliquum fore. Age, faciamus hoc, & ruborem una hominis tentemus, qui alienis rebus facere pompam se posse putavit apud imperitos: & deprehensus negare ausus fuit.

III. Sunt, quod facile omnes advertunt, ELIÆ DUPINII ex JOANNE LAUNOIO compendifactæ de antiqua Ecclesiæ disciplina Dissertationes. AC

D 2

LAU-

(12) ADFERUNTUR A FEBRONIO TOM. I. CAP. I. §. 6.	EADEM TESTIMONIA IN HEXAPLIS RESPON- DENT TOM. VI. PART. XIV.
1. Alphons. Tostatus in Numerorum Cap. XIII. Q. 48. & 49.	pag. 662.
2. Trident. Sess. XIV. Can. 15. Sess. XXV. Cap. 21.	pag. 656.
3. Tertullianus in scorpiaco Cap. 10. —	pag. 646.
4. Agust. de agone Christ. C. 30. Tract. L. in Joannem, quem locum etiam a Gratiano referri, Febronius notat. item Tract. CXXIV.	pag. 640. ubi & illa leges de loco eodem ex Trac L. in Joan. Le resonnement a paru si convainquant, qu'on l'insere dans le Droit Canonique.
5. Fulgen. Lib. de Remis. peccat. Cap. 19. & 24. Lib. de fide ad Petrum Cap. 3.	pag. 50. & 652.
6. Gregor. M. Lib. IV. Expos. in Cap. 16. Lib. 1. Reg. Cap. 3.	
7. Beda Hom. de S. Petro: omni igitur Electorum Ecclesiæ &c.	

Præter hæc alia sunt nonnulla a Febronio testimonia posita ex Trident. Augustino & Bedæ, quæ tamen non eadem extent in Hexaplis, æquipollentia tamen ibi citantur ex iisdem omnino fontibus, Tridentino, Augustino, Bedæ.

LAUNOIUS quidem quæstionem de Clavium potestate hoc modo proposuerat in Epistola ad Vallantium: *utrum potestas excommunicandi Ecclesiæ immediate tradita sit?* Quam rem tametsi certam ac consensione firmatam omnium sæculorum, *ut putat*, adversarios habuisse tamen ait nonnullos ex Magistris scholæ: propterea, quod scholastica phrasi proposita non esset. Pulchra ratio! Sed præversurus, ut videtur, ingens malum istud DUPINIUS, proponendam hoc modo eam putavit: *quodnam sit subiectum immediatum potestatis Ecclesiasticæ?* Atque in hoc imitatore & discipulum est nactus doctilem JUSTINUM FEBRONIUM. LAUNOIUS ALPHONSI TOSTATI usus testimonio fuerat: sed hoc quoniam prolixius erat, compendificavit DUPINIUS, & subtractis hinc inde periodis atque sententiis quibusdam substituit punctula, ut est in more, quæ sunt omissionis & compendii signa. Quid noster? descripsit DUPINIUM: ita vero descripsit, ut hæc punctula non modo utrobique sint eadem; verum etiam cum prætermissa sint semel, scriptoris nescio, an typographi vitio, prætermiserit illa quoque FEBRONIUS. Et quod majus est, cum sublata alicubi sententia hære contextus non posset, habuit necesse DUPINIUS, conjunctiones seu nectentes particulas mutare: ac ne in hoc quidem a Jurisconsulto desertus fuit: Immo vero solæcismos, menda, depravationesque adeo & mutationes textus strenue solerterque est imitatus. Quæ nisi plagii furrique sint signa manifesta; quæ sint, ignorare me fateor. Implet vero TOSTATI hic locus apud FEBRONIUM duas proxime paginas. (13)

Tum

(13)

SCHEMA FURTI ET OSCITANTIÆ.

Locus TOSTATI verus.	Locus TOSTATI apud DUPINIUM negligenter ac mendose scriptus.	Idem ut exscriptus cæce a FEBRONIO.
Quia non poterat tota Ecclesia.	Quia non poterat universa Ecclesia.	Quia non poterat universa Ecclesia.
Tradidit eas Petro.	Eas Petro tradidit.	Eas Petro tradidit.
Sequitur inconueniens commune.	Sequitur inconuenienter.	Sequitur inconuenienter.
Quod alii Apostoli non habuissent aliquam auctoritatem.	Quod alii Apostoli non habuissent &c.	Quod alii Apostoli non habuissent
Inconueniens majus erat, scilicet quod.	Deest to scilicet.	Deest & heic.
Cum nemo posset Prælatum.	Possit.	Possit.
Successorem sibi facere: & tamen omnes successores &c.	Sibi successorem facere . . .	Sibi successorem facere . . .
Tunc leviter apparet.	Hinc leviter apparet.	Hinc leviter apparet.

Tum alterum ex Tridentino sumptum argumentum, aut vexatio potius contumeliaque sanctæ synodi sequitur, & paginam implet: atque etiam ista, tamen si digna sophistico sit hominis ingenio, non est illius tamen; sed de verbo ad verbum prope, paucissimisque, nec his momenti alicujus, mutatis apud LAUNOIUM potest legi sub finem nominatæ Epistolæ. (14)

D 3

IV.

Erat in Ecclesia, & quia non poterat &c. & quia mortuo Petro adhuc Ecclesia semper habet claves; potest ei eligere successorem.

Per totam Communitatem. Illo (Prælati) mortuo vel CEDENTE JURISDICTIONEM, non penitus expirat jurisdictionis.

Quas constituunt sibi Communitates per leges.

Exemplum hujus patet in Domino rei & usufructuario atque usufructuario. Nam Dominus rei habet usum rei & confert illum usum alteri, sed non eo modo quo habet, quia sibi reservat usum ut proprietario, alteri concedit ut usufructuario, & in hoc confert Dominus, quod NON habet, quia Dominus rei non est usufructuarius, vel usufructuarius. Conformiter in Ecclesia, ipsa enim non habet claves, quantum ad usum.

Erat in Ecclesia ... Hinc mortuo Petro, potest eligere successorem.

Per universam Societatem. Illo autem mortuo vel CADENTE, JURISDICTIONEM non penitus expirat jurisdictionis.

Quas constituunt sibi homines.

Exemplum hujus rei in Domino rei.

Et in hoc confert Dominus, QUOD HABET.

Erat in Ecclesia ... Hinc mortuo Petro potest eligere successorem.

Per universam Societatem. Illo autem mortuo vel CADENTE, non expirat jurisdictionis.

NB. Advertetbat mendum; hinc to Jurisdictionem, superfluum credidit.

Quas constituunt sibi Homines.

Exemplum hujus rei in Domino rei.

Et in hoc confert Dominus, QUOD HABET.

NB. Perpicuum est non potuisse omitti particulam non; idque præter Febonium quivis alius nullo sane negotio vidisset.

(14)

CONTINUATIO

SCHEMATIS.

LAUNOIUS tom. 1. Epist. pag. 242. ad Vallantium.

Primum in sess. XIV. cap. XV. de Confessione. Neque enim per Lateranense Concilium Ecclesia statuit. Hic Ecclesia distinguitur a Concilio, alioquin Concilium statuisset per Concilium: quæ nugatoria foret propositio.

FEBRONIUS tom. 1. Edit. ann. 1765. pag. 34. & 35.

Hoc Concilium sess. XIV. can. 15. decernit. Siquis dixerit claves Ecclesie datas tantum ad solvendum, & non ad ligandum &c. item sess. XXV. cap. 21. de Indulgentiis: Cum potestas conferendi indulgentias à Christi

IV. Sic ex sanctis Patribus quotquot in scenam ludicramque fabulam suam pertraxit, eorum per eundem sunt LAUNOIIUM testimonia recitata; nec nisi delectu & optione quadam opus habuit. Sed in hac ipsa vide ingenium hominis! Præiverat jam ei DUPINIUS, atque ex multis pauca selegerat hoc ordine: TERTULLIANI in scorpiace, CYPRIANI, OPTATI, BASILII, AMBROSII, CHRYSOSTOMI, HIERONYMI, AUGUSTINI, CYRILLI, LEONIS M. FULGENTII, EUCHERII, GREGORII, & BEDÆ: quare eundem quoque ordinem secutus est: nisi quod aliquos istorum, ut CYPRIANUM, OPTATUM, BASILIUM, AMBROSIUM, CHRYSOSTOMUM, HIERONYMUM, LEONEM atque EUCHERIUM diuiderit. Quid ita vero? CYPRIANUS, OPTATUS, HIERONYMUS, LEO & EUCHERIUS annon de *Clavibus* sermonem habent? BASILIUS, & AMBROSIVS annon & illi de *Passionis* officio? Sic est, sed nihil opus, in causam, cur prætereundos putaverit, diu inquirere. Nam de Apostolis, Episcopaliq[ue] aut sacerdotali tantum gradu videbat eos loqui, & huic uni

Deinde in ejusdem sess. can. XV. *Siquis dixerit, claves Ecclesiæ esse datas tantum ad solvendum & non ad ligandum. Tum in sess. XXV. Decreto de Purg. Cum Ecclesiæ Catholica spiritu sancto, edocta ex sacris literis, & antiqua Patrum traditione in sacris Conciliis, & novissime IN hac œcumenica Synodo docuerit, Purgatorium esse. Hic quoque Ecclesiæ distinguitur a Concilio, ut repræsentans a repræsentato distinguitur. — — — Particula IN locum designat, in quo Catholica docet Ecclesiæ. Postremo in sess. XXV. cap. XXI. de Indulgentiis: Cum potestas conferendi indulgentias a Christo Ecclesiæ concessa sit &c. Hic potestas conferendi indulgentias a Christo Ecclesiæ conceditur, ut claves eidem Ecclesiæ ante datas fuisse visum est. His addendum, quod in Tridentinæ fidei Professione a Pio V. edita sic habetur: *Item sacram Scripturam juxta eum sensum, quem tenuit & tenet S. Mater Ecclesiæ, cujus est judicare de vero sensu &c.* Si S. Matris Ecclesiæ est judicare; judicandi potestas penes S. Matrem residet Ecclesiā, sed per illius ministros exercetur. Locutiones hæc omnes in Bellarmini opinione non intelliguntur, sed probe intelliguntur in ea Patrum sententia, quam Tostatus optime & luculenter exponit &c.*

sto Ecclesiæ concessa sit &c. Hoc loco potestas conferendi indulgentias a Christo conceditur Ecclesiæ; priori eidem Ecclesiæ conceduntur claves. — — — Sess. XIV. cap. 5. de Confess. ubi: *Neque enim per Lateranense Concilium Ecclesiæ statuit.* Hic Ecclesiæ distinguitur a Concilio, alioquin Concilium statuisset per Concilium, quæ nugatoria foret propositio. Tum sess. XXV. Decreto de Purgat. *Cum Ecclesiæ Catholica Spiritu S. edocta ex sacris literis & antiqua Patrum traditione in sacris Conciliis & novissime IN hac œcumenica synodo docuerit, purgatorium esse.* Hic quoque Ecclesiæ distinguitur a Concilio tanquam repræsentato. Particula IN locum significat, in quo Catholica docet Ecclesiæ. His addendum, quod in Trident. fidei professione a Pio IV. edita sic habetur: *Item sacram Scripturam juxta eum sensum, quem tenuit & tenet sancta Mater Ecclesiæ, cujus est judicare de vero sensu &c.* Si sanctæ Matris Ecclesiæ est judicare; hæc judicandi potestas illi à Deo collata est, quam per suos ministros exercet. Omnes hæc locutiones in Bellarmini & ejus Discipulorum opinione non intelliguntur; verum probe intelliguntur in ea Patrum sententia, quam Tostatus optime & luculenter exposuit.

uni facere claves proprias, non universitati Ecclesiæ: hinc prætermittendi erant. (15.)

Cæterum quod ad LAUNIORUM attinet, quem præ oculis ab eo habitum fuisse dixi, cum sententias Patrum de argumento hoc scriberet; non sum tam iniquus, ut esse fuiti hoc illum nomine postulandum putem. Est enim monitus ab eo lector: scio, monuit *quam plurima alia*, præter descripta a se scilicet, *Patrum, Doctorumque in hanc rem loca, quasi continuata serie usque ad tempora Concilii Tridentini referri a Joanne LAUNIO in epistola ad Hadrianum VALLANTUM*. Et videbatur sibi sine incommodo suo

(15) CONTINUATIO

Textus Patrum apud Dupinium l. c.

1. TERTULL. in Scorpiace cap. 10. *Memento Claves hic Dominum, &c.*
2. CYPRIANUS: *Quamvis omnibus Apostolis post resurrectionem suam parem potestatem tribuat &c.* 3. OPTATUS: *Claves communicandas cæteris solus accepit. (Apostolis scilicet)* 4. BASILIUS, 5. AMBROS. 6. CHRYSOST. 7. HIERONYMUS.
7. AUGUSTINUS Lib. de Agone Christi. cap. 30. *Huic enim Ecclesiæ claves &c.* Tract. L. in Joannem. *Petrus quando claves accepit &c.* Tract. 124: *Cujus Ecclesiæ &c.*
8. CYRILLUS L. 12. in Joannem: *Accipite Spiritum sanctum. Respondemus, virtutem in omnes permanasse, & scopum largientis implese: Dedit autem Christus, non aliquibus seorsim, sed universis Discipulis.*
9. FULGENTIUS Lib. I. de Remiss. peccat. Cui (Ecclesiæ) claves &c.
10. EUCHERIUS: *Quod Petro principaliter dicitur, cæteris quoque APOSTOLIS dictum &c.*
11. GREGORIUS I. *Nam quod antiquis usquam dicitur: quodcunque ligaveris, modo universali Ecclesiæ dicitur.*

SCHEMATIS.

Textus iidem apud Febronium l. c.

Memento claves &c.

Omissi hoc loco, quia de Apostolis loquuntur ac Sacerdotibus: ex parte autem relati §. §. 2do & 3tio.

Idem omnino & eodem modo: quibus addit ex Launio sumptum ex Serm. CVIII. de diversis. Cap. 2.

Febronius ex Launio supplevit antecedentia contextus: tum hæc consequentia: *Quapropter eam accipiunt; tametsi quidam non aderant, dantis liberalitate non ad præsentem solum contracta, sed in omnem Sanctorum Apostolorum chorum permeante.*

NB. Verba, in omnem Apostolorum chorum, communi characterè; illa vero, non aliquibus seorsim sed universis, eminentiore ac magis insigni expressit typo. Cur? in promptu causa est.

Eundem sed cum antecedentibus & consequentibus fusiorem ex Launio exhibet.

Omissus heic, quia de Apostolis, non de Universis: recitatus autem supra §. 2. pag. 16.

Idem: Character magnus in verbis: *Universali Ecclesiæ*. Quodque satendum, citat paginam editionis novæ.

suo monere hoc posse. Cum enim paucissimi tam sint otii prodigi, ut quindecim magna folia, sola sterili & temeraria citatione textuum conspersa, perlustrare oculis velint; argumentum vero ex Tridentino sumptum, quod nos in Schemate jam exhibebamus, & quo tanquam suo se ipse ostentat, non nisi sub finem extet *Launoianæ* epistolæ: vix timendum sibi esse existimabat, ne palmare hoc furtum, & in quo, quantumvis non veræ, sophistica tamen inest eruditionis aliquid, retereretur tandem ac proclamaretur: Ut sit: nos etiam in vulpe amamus verècundiam: nec sumus ii, qui vel ob ea, quæ fure empto capit, damnandum illum putemus: esto, non ob aliam emat causam, quam ut suspicionem a se furti amoveat.

Quid heic igitur accuso? istud hercle, quod cum in delectu faciendo, solo DUPINIO usus sit, nec nisi AUGUSTINI sententiam unam, & alteram BEDÆ ex LAUNOIO suppleverit; CYRILLUMQUE præterea, FULGENTIUM & GREGORIUM amplificandæ pompæ duntaxat gratia verbosiores ex eodem fecerit; oscitantem denique pro more DUPINIUM & hariolantem secutus cæce atque oscitans fuerit: argumentum præbuerit longe certissimum, neminem fere eorum, quos adglomerat, Patrum propriis a se se oculis fuisse inspectum. Hoc ego si non furtum (tamen si nesciam, annon illo etiam insigniendum sit nomine, quoniam mentionem DUPINII nullam fecit) fœcordiam certe, & infamem pigritiam in subjuncto schemate adpellabo. Nempe hic ille vir est? hic, qui ab tribunali supremi Judicis tantopere sibi metuebat, si, quod a Deo nactus fuit, *talentum ex Patrum dictis & Conciliorum actis loquendi, tacendo* instar servi nequam defoderet? (16) Hic, qui Coloniensi exprobrabat eruditissimo Theologo, quod adire fontes neglexerit? (17)

V.

12. Beda in caput. 19. Matth. *Claves regni cœlorum Petrus tanquam personam gerens ipse unitatis accepit.* Et in caput. 21. *Ecclesia ergo in Petro claves regni cœlorum accepit.*

FEBRONIUS eodem plane modo, nec literulâ mutata, sed charactere, ut solet, insigni verba *Unitatis &c.* distinguit.

NB. Neuter locus est in Commentario in Matthæum; sed uterque in Commentario in Joannem. Et secundum quidem cum perturbato nonnihil sensu apud Launoium legisset Dupinius; ipse hariolando maluit eum formare, quam in Bedâ inquirere. Sic autem habet reipsa: *Ecclesia ergo quæ fundatur in Christo, claves ab eo regni cœlorum accepit in Petro.*

BEDA in cap. 16. Matth.

Hæc potestas cunctis datur Apostolis, nec non Episcopis, Presbyteris, & omni Ecclesiæ.

Febronio aptior ad finem suum visus est hic apud Launoium Bedæ locus: *Omni Electorum Ecclesiæ ligandi atque solvendi datur auctoritas.*

(16) In Præfat. Tomi 1. ad Clement. XIII.

(17) Tom. 2. pag. 160.

V. Et ecce non septimum, quot solum receperam; sed octavum omnino, quod ne prævideram quidem, argumentum Episcopalis ab eo pro-
diti Juris atque auctoritatis! Quos prætermisit hoc loco, CYPRIANUM,
BASILIIUM, AMBROSIUM, CHRYSOSTOMUM, HIERONYMUM, LEONEMQUE Ma-
gnū cum EUCHERIO, eorum jam supra recitaverat verba partim in secun-
do, partim in tertio paragrapho: quorum in primo, quæ ad PETRUM
dicta sunt Matth. XVI. *Tibi dabo claves*, & in altero, quod ad eundem
sic dictum est, *Pasce oves meas*, non magis ad PETRUM, quam ad Apo-
stolos & successores eorum pertinuisse, tradidit. His non contentus,
posteaquam collegerat, quod ex utroque putabat consequi, *non esse Mo-
narchicum videlicet Ecclesiæ regimen* (nam est quarti paragraphi hæc summa)
continuo quintum adjecit, cujus inscriptio: *Potestas clavium universitati
Ecclesiæ a Christo data est: illam hæc per Ministros suos exercet*: atque in
hoc quidem, quod diligenter adnotari cupio, ea sola ex suppeditatis sibi
ab DUPINIO testimonia SS. Patrum retinuit, in quibus *Ecclesiæ, univer-
salis Ecclesiæ, omnis Ecclesiæ, universorum, unitatis* occurrebant voces:
quas & typo, ut internosci facillime possent, distinguendas curavit. Ra-
tionis micam: quorsum cautio hæc? Quorsum? Qui jam Apostolis,
& successoribus eorum perinde ac Petro datas claves adseruerat; qui ar-
gumentis probaverat, quibus poterat; ecquid novo paragrapho opus ha-
buit, ut UNIVERSITATI commissas esse claves, ac fuisse MINISTRUM hujus
universitatis PAULUM, & modo Episcopos executores ministrosque illius
esse, demonstraret? Quorsum testium tam ea solers & adcurata discre-
tio? stipes profecto sit, qui causam non videat: nimium bonus, qui ex-
cusandam putet. Adeo certum est, *Ecclesiæ, universitatisque* nominibus
non Hierarchicum ordinem, sed Fidelium universum cœtum ab eo in-
telligi.

§. V.

Occupatur effugium, & instauratur Demonstratio.

I. Atque heic sane, quod efficere habui, pro confecto possem subducere,
nisi me hominum quorundam retraheret non tam auctoritas in pu-
gnando, quam in tricando morositas. Qui sicut absurdissima solent quæ-
que sua sponte credere, cum de iis narrantur, quos esse pessimos ipsi
E vel.

vellent, quosque odio & livori suo destinarunt victimas: ita si gregalium quemquam illorum laceraveris; nisi omnem elabendi rimam præcluseris, ac nisi sole ipso perfuderis facinus; non credunt, tuenturque hac se una exceptione, *Jesuitam* esse, qui scribat. Dicent igitur hi: quid tandem id mali sit, *Claves universitati* commissas dicere? nec enim consequens videri, *Democraticum* continuo Ecclesiæ regimen idcirco statui; quibus tamen nihil sit necesse respondere præter ea, quæ hucusque ostensa sunt: faciam tamen, ut tricari & tergiversari desinant.

II. Itaque posteaquam demonstratum a nobis fuit, *Ecclesiæ vel universitatis* nomine Communitatem ipsam fidelium atque etiam Laicorum a FEBRONIO intelligi: sane non nisi triplex esse sensus verborum istorum potest. Primum ita hæc accipi possunt, ut Christum intelligamus, quo tempore PETRO Clavium contulit potestatem, non solius id PETRI fecisse causa; illiusque ut honori atque præstantiæ per sese consulere: verum communitatis potius, Ecclesiæque totius bono: in cujus commoda, ornamenta, splendorem, quemadmodum cætera beneficia gratiæ, ita potestatis etiam & jurisdictionis qualiscunque istius modum atque ordinem tanquam ad primarium & ultimum finem retulerit. In quo quidem sensu nemo hominum est, qui reprehendendum esse aliquid putet. Sed non spectavit hoc, neque potuit versare hunc in animo FEBRONIUS sensum. Quippe qui eam totam de clavibus universitati concessis disputationem in id assumpsit, ut *monarchicum* non esse Ecclesiæ regimen probaret. Atqui ad hoc pugnandum evincendumque nihil ineptius assumptione istiusmodi: ad usum Corporis referri Ecclesiasticam potestatem oportere. Nam in omnibus communitatibus id obtinet; & natura ipsa ac ratio poscit, ut qui præsumunt, non se sibi suisque commodis comparatos aut natos sciant, sed eorum, quibus præsumunt, utilitati. Quo illud S. BASILII explicari debet: *si est Regnum potestas legitima; liquet, constitutiones ab rege profectas valere multum apud eos debere; quibus communis utilitas cordi est. Neque enim ordinata sunt hæc præceptiones ad privata regum commoda: cum vel hoc ipso a quovis alio reges differant, quod subditorum suorum utilitati consulant, & cuncta suppeditent.* Quamobrem vere in hanc sententiam etiam reges ministri populorum appellari possunt; sicut ποιμενες appellantur, hoc est, Pastores apud Homerum: ποιμαίναν autem, seu pascere, quid est aliud, quam ministrare, quæ necessaria sunt gregi vel utilia? Nihil igitur ad monarchicum convellendum regimen hæc facit assumptio.

Id ipse FEBRONIUS intellexit, & liberavit nos una ab onere probandi fusius. Scribit enim, non se ignorare effugia, quibus ad declinandum ge-

minum ac integrum hac in parte Ecclesiasticæ traditionis sensum utantur Romanæ curiæ fautores. Inter hos alios Claves in persona Petri non tam ipsi Ecclesiæ, quam in commodum totius Ecclesiæ datas asserere; verum non exbauriri hac interpretatione Traditionis vim. Quod cum scribit, suo se ore iudicat, neque ambigi deinceps potest, quin aliorum spectaverit.

III. Alter complexionis Febronianæ cogitari is sensus fortassis posset, quo est a Veteribus quibusdam locutio eadem usurpata de Clavibus Ecclesiæ datis: velut ab ALMAINO, qui tamen PETRO & successoribus ejus immediate a Christo traditas doceat: putat tamen etiam Ecclesiæ collatas esse, & Ecclesiæ quidem TEMPORE PRIUS, quam PETRO. Quæ in re naturalium & civilium initia communitatum ob oculos habuisse Christum existimat. Nam eæ, dum primum formantur, quoniam in populi solet esse arbitrio, optare sibi, quam velit, formam regiminis: ideo prius quodammodo inesse populo concipimus potestatem: sed quam in Regem subinde aut Principem ille transfundat: transfusam vero revocare ad se postmodum per naturalem divinamque legem non amplius possit.

Ita igitur ALMAINUS ex MATTHEI decimo octavo capite probare sibi videtur, claves atque ligandi & solvendi potestatem prius Ecclesiam consecutam esse, quam PETRUM. (18) Fatetur tamen, prævertisse Christum Ecclesiæ arbitrium; pastoresque ac summum Pontificem per sese ei constituisse. Quod nisi fecisset; potuisse hanc ait suapte vi atque sententia ex accepta prius potestate sibi illos constituere. (19)

IV. Quæ mihi Magistri illius doctrina intolerabilis omnino videtur, & aliena a sapientia divini verbi, scripturisque sacris contraria: sicut & alia plura in ejus sunt libris periculose scripta ac frivola. Sed nos istud in præsens quærimus, an saltem ALMAINUM FEBRONIUS imitatus sit, eodemque, quo ille, sensu Claves & Ecclesiasticam potestatem penes multitudinem collocaverit? De quo nihil dubito respondere, ne posse sic quidem se

E 2

eum

(18) ALMAINUS *Quæst. de Dominio nat. civ. & Eccl.* Sicut potestas civilis coercitiva, cuius finis est felicitas politica, est prius tempore in Corpore politico, quam in quocunque ejus membro: ita Christus prius Corpori suo mystico Ecclesiasticam Potestatem contulit, quam cuicunque membro. *Tom. I. opp. Gersonianorum* Col. 972. Idem adperit *Dissert. de Auctorit. Eccles. & Con. gen. ibid.* Col. 991. Tum in libro de *suprema Potes. Ecclesiastica* cap. 4.

(19.) *Ibid. de Auctorit. Eccl. & Con. gen.* Col. 991. Et *Quæst. de 3. Dom.* Potuisset. (Ecclesia) eam (potestatem) alicui supposito committere, sicut multitudo potestatem hanc suo Principi committit. Col. 972.

eum tueri, ac longe aliud fuisse animo illius objectum. Cum enim *Monarchicum*, quod modo dicebam, extirpare regimen sit ei propositum, *ideamque*, ut ipse loquitur, *istius ex Itatorum & aliorum*, quibus insider, *animis ejicere*: quid ALMAINUS juvare poterat? quid inquam ille? id quippe in omnibus rursus societatibus evenisse docent, qui commentarios de regnorum initiis ediderunt: ut in populo aliquamdiu hæserit majestas, tum abdicata ab illo sit, & in Principem regemque unum trajecta. Ex quo minime consequens est, Monarchicum societatis alicujus regimen non fore: alioquin enim ne posset quidem esse hujus generis ullum. Et est ratio, quoniam revocare abdicatam a se populus Jurisdictionem ab eo, in quem est translata semel, non amplius potest, & *subjectum* esse illius porro definit. Hinc ipse in eo loco ALMAINUS Ecclesiam *Politiam regalem & monarchicam* vocat: summum Pontificem vero comparat Regi & identidem similitudine ab regno desumpta utitur. (20)

V. Ecquis jam igitur sensus *Febroniani* illius decreti est reliquus? eligat, quod volet: aut secum non fuit, cum scripsit, aut hoc uno intellexit, scripsitque sensu, qui est communis hominum seditiosorum, & quorum tota huc abducitur ratio, ut divina & humana omnia pervertant. Illo inquam intellexerit sensu necesse est, non quo ALMAINUS docuit, uti habuerit aliquamdiu fidelium iste & *omnium Electorum* cætus Ecclesiasticam jurisdictionem: sed ut habeat, & ut possideat etiamnum eam primario, sitque stirps, fons atque radix illius, ubicunque est; nec nisi functionem & executionem ejus summo Pontifici, postque illum Pastoribus reliquis committat. Ea autem verissima DEMOCRATIE est notio; aut si non est; nulla est. Et in hac sola habere locum potest ea locutio, UNIVERSITATEM PER MINISTROS SUOS REGERE; quæ alioquin putida & stolidi loquendi est ratio: quemadmodum is stolide diceret, qui de Gallia, quis regiminis in ea modus sit, interrogatus, responderet, *jurisdictionem in communitate esse, sed per ministros exerceri*. Quod si idem diserte, ac significanter addidisset, *non esse monarchicum regimen*: credo, audientium fore neminem, quin Democraticum esse concluderet.

Eat nunc igitur vindex atque ultor ille Ecclesiasticæ libertatis! eat, gloriaturque, nondum hæreseos potuisse se a quoquam convinci, cum sit convictus reipsa & confessione quidem sua: Nam quod sic postea post annos

(20.) Ibid. Q. de 3. Dom. Col. 970. Politia Ecclesiastica est monarchica, ut nullo modo possit mutari in Aristocratiam vel Democratiam. Et in libro de sup. potest. Eccles. Cap. XVII. Politia Christiana est regalis, & non Aristocratia vel Democratia.

nos septem conatus est extricare se: *Universitatem* SUPPOSITALITER habere *Claves*, & *subjectum* DENOMINATUM esse; *Episcopos* vero atque *Presbyteros* *subjectum* DENOMINANS: (21) fecit tantundem ad sui defensionem; ac si *Armargil*, *Barbelon*, *Abrahas* & *Leusiboram*, similiave ex *Aegyptiorum* incantamentis portenta magis, quam nomina, ad imperitorum & muliercularum concitandos efficta animos, descripsisset. (22) Scilicet hæc tandem lingua est, quam in *Conciliis* congregati *Patres* intelligunt? Sic tu *Theologos* carpebas, o eloquentiæ parens, ut nunc ipse in barbarie, *sophistarumque* tenebris asylum quæreret? sed intremus tamen.

ARTICULUS III.

EXCEPTIONES FEBRONII PERPENDUNTUR.

Hæ mendaces, fraudulentæ, ridiculæ &c. &c. Vel in eo, quem nuper edidit, tomo tertio in idem relapsus lutum, immo merfus & suffocatus esse convincitur. Furtum ejus ex libello EDMUNDI RICHERII, illiusque turpitudine ob duplicem causam. DE RICHERIO fabulosa illius narratio. Anacæphaleosis dictorum, & demonstratio ad mathematicam methodum revocata.

§. I.

Quid Coloniensi Eruditissimo Theologo FEBRONIUS responderit?
Exceptio duplex: prima mendax & contumeliosa; altera, quam apto nomine vix quispiam exprimat.

I. Fuerat his te verbis allocutus Coloniensis Theologus: *Nemo unus invenietur, qui paradoxa hæc tua, Febroni, doceat: UNIVERSITAS CREDENTIUM ACCEPIT CLAVES, PROPRIE, PRINCIPALITER, RADICALITER: PRÆLATI EAS AB ECCLESIA HABENT USUALITER, USUFRUCTUALITER. Quinam scholastici doceant, principaliter in tota universitate Ecclesiæ residere potest.*

E 3

sta-

(21) In Apolog. adversus 4. Theologos anno 1770. pag. 181.

(22) Hierony. epist. 53. ad Theod.

statem Jurisdictionis, toti Ecclesiæ claves immediate datas esse a Sponso, frustra ex FEBRONIO sciscitabor. Ad quæ tu ita ei respondes: "Sophi-
"stice incedit Colonienſis Theologus, per totam Eccleſiam ſumens uni-
"verſitatem credentium; quaſi ipſos quoque Laicos pro ſubjecto cla-
"vium ſtatuiffet FEBRONIUS. In hoc paradoxon accuſat. Itaque reſolven-
"dum eſt ſophiſma: Denominatum eſt tota univerſitas; ſed Subjectum de-
"nominans ſunt ſoli Epifcopi & Presbyteri.

Illud igitur objectum tibi a viro doctiſſimo non negas, videri te, cum Univerſitati eſſe traditas claves dicis, & *ſubjectum* illarum hanc facis; Univerſitatem credentium, Laicosque adeo ſeu Chriſtianum omnem populum intelligere. Quare cum tu ſophiſma hoc eſſe reſpondes, & diſtinctione evolviſ; *Denominatum* quidem Univerſitatem totam; ſed *denominans* non niſi Epifcopos eſſe atque Presbyteros: id utique jam viſ atque adfirmas, Univerſitatem, ut etiam Laicos ea complectitur, *denominatum* eſſe, & in hunc ſenſum oportuiſſe, quæ ſint de Clavibus diſputata abſ te, a KAUFFMANSIO accipi. Debeo nunc, quoniam peregrina eſt lingua, qua loqueris, percontari ex te duo. Cum Univerſitatem credentium, omnemque populum *ſubjectum denominatum* Eccleſiaſtica poteltatis; *ſubjectum denominans* vero Sacerdotes facis; quid viſ? Si Univerſitas tota Clavium ſubjectum eſt; habeat igitur illa neceſſe eſt claves. Ac ſi Sacerdotium Clavium ſubjectum eſt; & iſtud quoque habeat Claves, neceſſe eſt: neque enim ſubjectum, niſi quod rem habet, adpellare conſuevimus. Quare cum adjectiviæ illæ voces, *denominatum, denominans*, ut facile ipſe intelligis, ambigua ſint; reſpondendum, reddendaque de hoc ipſo tibi eſt ratio, quo demum ſenſu totam, id eſt, credentium Univerſitatem *ſubjectum denominatum* dixeris? Et an etiamnum in ea perſtes ſententia, quam TOMO PRIMO CAPITIS PRIMI PARAGRAPHO SEXTO propoſueras: eſſe *Clavium poteſtatem Univerſitati Eccleſiæ proprie & ita tranſcriptam*, ut illa per ejus miniſtros pro ſua cujuſque portione, ac inter hos per ſummum Pontificem exerceatur: eſſe *radicalius Jurisdictionem in Eccleſia, quam in Prælato: obtinere Eccleſiam ipſam principaliter & radicaliter clavium poteſtatem: hanc ab illa in omnes ejus miniſtros, ipſumque ſummum Pontificem derivari, & communicari pro portione ſua quibuſvis ac ſingulis?* Si perſtas; næ fraudulentia te ego & mendacii teneo. Nam quæ illa fraus eſt, cum fuiſſet plane atque perſpicue id tibi objectum, quod ſentis revera ac doces; te ut alia omnia videaris docere, ut Lectoris turbes & implices animum, non niſi quatuor verbis, inuſitatiffimis, obſcuris, ambiguis dare reſponſum? Quæ convitiandi, mentiendique eſt illa ratio, tum, cum vera Adverſarius dicit; cum ſenſum rei ipſa tuum adſequitur; cum ſimpliciter, unde habeas, quod ita doces, interrogat; pro *Sophiſta*, cavillorumque (nam ea notio eſt vocis) & fraudum artiſce a te eum traduci?

II. Sed vide, quam in te bonus sim! Cum sudassem, fuissetque apud me diu meditatus, cui demum forulo novos flosculos eloquentiæ tuæ aptarem; tandem moris ejus in mentem venit, quo Academicam Juventutem, prænobilem aut nobilem nominare consuevimus, non quod sint *Lentuli* in ea omnes aut *Appii*, nec quod nobilitas tanquam forma scholam totam adficiat; sed quod aliqui in ea sint nobiles. Tum hujus alterius, quo *Borussorum* populo potestatem regiam comparatam fuisse dicimus, non quod penes communitatem civium Jus sit regni; sed quod unus in ea semper futurus est, qui potestatem, majestatemque in se Regis totam includat. Quare multitudinem quidem, si pateris (non scio autem, cur pati non debeas) tuo exemplo *denominatum subjectum*; regem vero, aut eos, quibus inest reipsa nobilitas, *subjectum denominans* tantisper adpellabimus. Et inde jam alterum ex duobus, quæ velle scire me dixeram.

Sophisma est, inquis; *resolvendum est*: *Denominatum est tota Universitas, subjectum denominans soli Episcopi & Presbyteri*. Hoc tu eodemne sensu dicebas, quo schola nobilis, aut *Borussorum* populus potestatem regiam habere dicitur? Id quidem necesse omnino est, ut *RICHERISMI* a te labem removeas. Memineris autem, cui & de qua re fuerit tibi respondendum. Interrogabar, non quid modo sentire, sed quid sensisses: & unde haberes, ubi didicisses paradoxon istud in *primi Tomi Capituli primi Paragrapho sexto* a te positum: *Universitas accepit Claves*: hujus a te ratio poscebatur. Quare cum tu ita respondebas: *sophistice incedit, Sophisma est; quasi ipsos quoque Laicos pro subjecto Clavium statuisset* FEBRONIUS: tantundem erat, ac si adfingi tibi fuisses conquestus, quæ tu minime eo loci sensisses. Ac cum solvebas *sophisma*, adhibebasque phrasas illas tuas pulcherrimas, *Denominatum, denominans*; spectare alio non poteras, quam ut fidem faceres, te, quæ in primo scripsisses tomo, innoxie scripsisse, nec in reprehensionem iccirco Coloniensis Adversarii debuisse incurrere. Hæc quasi *aitnata* seu *postulata*, ut Mathematici vocant, quoniam evidentissima sunt, inficiari non voles. Quid igitur? quod ita respondiisti, an verum est? Atqui vel sic te revincam mendacii.

Quod ut apte & luculenter faciam; dimitte (per honorem te tuum rogo: non enim patiar, cum tanto dedecore te porro scribere) dimitte vel puncto temporis fastigium eruditionis tuæ, & ad plebejos, quo te avoco, tantisper me sequere. Quoties sutores, sartores, atque similis fortunæ homines, quibus nec ingenium, neque animus est, de forma regiminis in Ecclesia disputare, in hæc tamen, si quando cum hæreticis sermonem de religione miscent, loquentes ac perorantes verba audiveris: *Nos successorem tenemus Apostolicam, nos Sacerdotium, nos Claves cæli habemus?*

Est

Est igitur non modo caput haudquaquam difficile, sed obvium, planum, interque opicos & plebejos homines pervulgatum istud: Universitatem *denominatum* esse omnium earum rerum *subjectum*, quæ quovis modo sunt in Ecclesia. Et hujus rei tam detritæ, tam contestatæ, quamque nec in mentem cuiquam venit, ambiguiam disputando facere, enucleandæ, inquam, & demonstrandæ tu hujus causâ peculiarem paragraphum, & paginas omnino septem insumpseris? Conscientiam tuam adpello: itane verum hoc est?

Præterea cum paragraphis quatuor jam ea omnia corrasisses, quæ a tui similibus contra Primatum aliquando sunt scripta; & ex his quinto paragrapho, qui est ab illo, in quo versamur, proximus, lemma tale adscripsisses: *Formam Ecclesiæ non esse monarchicam ex Scriptura sacra demonstratur*: continuo his verbis ordiris sextum: "Quando anterioribus paragraphis probavimus, non unum PETRUM esse fundamentum Ecclesiæ, nec illi soli traditas esse claves cum potestate ligandi & solvendi; illud volebamus & debebamus inferre, PETRUM solum non esse *subjectum* immediatum potestatis Ecclesiasticæ; sed Clavium potestatem universitati Ecclesiæ proprie & ita transcriptam esse, ut illa per ejus ministros pro sua cujusque portione, ac inter hos per summum Pontificem exercean- tur." Bene est: quod das, accipimus. Tu igitur quod & volebas & debebas inferre, nonne hujusmodi id esse oportebat, quod & nexum cum anterioribus haberet, & inferri atque colligi ex iis legitima argumentatione posset? Nisi forte tam a me impotens haberi velis, ut quod nec debebat concludi, neque poterat, id conclusum a te tamen existimare cogar, ac voluisse te adeo prudentem scientemque tam inepte concludere? quod absit, ut de infinita tua perspicacia suspicer. Quid vero? an collectio prudens est: *Non unus PETRUS est fundamentum Ecclesiæ; nec soli PETRO claves sunt traditæ*: ERGO ut ab Appio scholam nobilem nominamus; ERGO ut Borussiae populo regiam potestatem comparatam dicimus, sic est Clavium SUBJECTUM DENOMINATUM multitudo & Universitas Christiani populi? De collectione interrogo; non an verum sit. Nam est verissimum alioquin in argumento *consequens*: sed argumentatio ex eo ridicula est, quoniam five uni, five multis claves commissæ sint; si sint modo in Ecclesia Claves, adpellationis Ecclesia tota hoc ipso fit particeps; & *subjectum*, si ita liberit, *denominatum* dici potest. Vicissim vero an sequitur: *Est Universitas subjectum denominatum Clavium: non igitur soli PETRO Claves traditæ sunt?* Qui ita disputer, posset simili ratione cuivis Principum potestatem regiam detrahere. Quare cum non tu aliud, quam quod debebas, volueris concludere; debueris autem id solum, quod poteras: certe aliud volueris, alio-

animum, magnamque mentem tuam intenderis, necesse est. Quorsum vero? Fatere obsecro, ac si non mihi, tuis saltem verbis, & hominum communi sensui defer. Dedisti *Universitati*, quod unius esse proprium PETRI pernegaveras. Negaveras autem, principatum, stirpem fontemque ipsum Ecclesiasticæ potestatis penes *Petrum* esse: hæc igitur omnia in *Universitatem* transtulisti: sic enim hæret tua disputatio. Nam illud liquido sequitur: *Universitati* concessæ sunt claves, habetque hæc illas non adpellatione tantum, sed ipsa re: non igitur soli PETRO sunt traditæ. Quod autem reciproce sic tu etiam argumentabare: Non soli traditæ sunt PETRO: ergo *Universitati* transcriptæ sunt: id quidem fateor, non sequi proxime; sed nec volebas tu illud, nec tua intererat. Interim tacitus est nexus. Si enim præterea addatur: Non soli PETRO esse traditas claves; verum etiam Episcopis; tum hoc iterum, non solis fuisse datas Episcopis, sed *ministros*, ut inquis, & executores hos esse tantum Ecclesiasticæ potestatis: prono alveo, tanquam in mare, ex quo exeunt flumina, ut ait sapiens, sic in credentium, Christianique populi universum cæterum volens nolens deveheris. Expecto, ut heinc te expedias.

Quanquam quei te expedias, rogo? Qui significantibus disertisque verbis non nomen, sed *potestatem* ipsam Clavium *Universitati* a Christo traditam scripsisti; qui *radicalius* hanc esse in *Ecclesia*, quam in *Praelato*; qui *principaliter*, qui *proprie*, qui ita hanc ei inesse, ut portionem cuique suam, id est, muneris, functionumque sacrarum partem ipsa describat: qui hæc inquam docebas, repetebas, inculcabas, speras glaucoma te posse facere, ac præter adpellationem nihil in populum abs te collarum audes dicere? Ubi pudor?

Quodsi non mendax es, estque vera ista tua excusatio; cedo, quid contra BELLARMINUM tibi erat necesse disputare? *Omnes hæc*, inquis, *locationes* (quas de Clavibus scilicet ex Tridentino scripseras) IN BELLARMINI, & *Discipulorum ejus opinione non intelliguntur*. Itane? quod in macellis laniones sciunt, quod in textrino textor, in mensa sartor, in sede futor, quod rudes plebejque omnes, id a BELLARMINO negatum fuit? Ubi? Non sapis certe; aut si sapis; strenue es, impudenterque Adversario tuo mentitus: hoc ego & volui inferre, & debui. Pergamus.

III. Recitas ejusdem contra te verba doctissimi & eximii Viri: FEBRONIUS cum DUPINIO suo mavult *Ecclesiam Reipublicæ comparari*, in qua *Fus vitæ & mortis, belli & pacis derivatur in cives, potestate ipsa manente penes Rempublicam tanquam in fonte & radice*. Tum subjicis: IMPERITE

HÆC OMNIA, ET CONTRA TOTAM *Febronii* MENTEM. (1)

F

Mise-

Miseret me Colonienſis Theologi: qui ſi a tota tua aberravit mente, toto cœlo aberravit. Tam enim vaſta eſt mens tua. Sed de hac quidem & vidimus, & videbimus iterum. Quod autem imperitiâ accuſandam tibi putaveris; quoniam perinde ſum ego ſtupidus; facies, quod eſt dignum tua humanitate, ſi ſaniora nos doceas. Et facis hoc: ſequitur enim: *Cum homines primum in reſpublicas & regna coirent; tranſtulerunt in unum Jus vitæ & necis, & reliqua Jura omnia ad continendos in officio cives, eoſque adverſus vim exteram tuendos neceſſaria & opportuna. Hæc origo, hoc fundamentum Jurium Majeſtaticorum. NIHIL HIC poteſtatis remanet penes cives tanquam in fonte & radice.* (2)

Quod fauſtum ac felix ſit; quod fortunent tibi deæ ac dii omnes, rem præclare geſſiſti, Juriconſultorum maxime, lumen temporum, magiſter, princeps, & liquid præterea eſt, quod conferre ad ornandum te debeam. Erat *Reipublicæ* nomen hætenus ambiguum; atque alias quidem, præſertim cum in voces duas dirimebatur, quemlibet, ut ajunt, *ſtatum*, ſive Monarchicus iſ eſſet, ſive Ariſtocraticus, ſive alio quovis genere regiminis informatus, ſignificabat. Sed ex communi, detritoque uſu ad eam referebatur Communitatem, cujus populare eſſet regimen: ſumebaturque hoc ſenſu, quotieſcunque ſive Communitates inter ſe plures, & regiminum ipſa genera ac modi contendebantur, ſive de ſingulari & indiviſuo quodam agebatur *ſtatu*, quodque genus in eo regiminis. quæ forma eſſet, examinabatur. Et in hanc ſane ſententiam Theologus ubi uſurpavit vocem illam: nam de ea eſt locutus *Reipublica*, in qua poteſtas penes multitudinem tanquam in fonte ac radice permaneat.

Quid vero Juriconſultus? *Imperite hæc*, inquit, *omnia*, imperite. Ubicunque *Reipublica*, ubicunque regnum, perinde eſt: *in unum vel plures tranſferuntur jura Majeſtatis; nihil heic poteſtatis penes Cives manet.* Audio. Sed quid igitur TULLIO faciam? hujus enim a me talis eſt ſupra commemorata ſententia: *Cum poteſtas in populo, auctoritas in ſenatu ſit.* Nihil refert, imperite. At ille Romanus fuit, *Ædilis*, *Augur*, *Conſul*? imperite. At legem recitat? imperite. Legem manifeſtam, claram, perſpicuam: *Magiſtratus* (ſic ſunt verba) *Magiſtratus nec obedientem & noxium civem multa, vinculis verberibusque coercento, ni par, majorve poteſtas, populusve prohibeſſit: ad quos provocatio eſto?* imperite. Etiamne, quæ de *Athemienſibus* XENOPHON, de *Cartbaginenſibus*, *Syracuſanis*, *Ephēſiis* alii? Etiam, imperite hæc omnia. Nullum igitur populare regimen? nullum in orbe terrarum? nullum eſt? nullum fuit? Nullum proſus, ſic
Juris-

Jurisconsultus. Quid dicam, quid cogitem? Hæc illa exceptio est, quam negavi, apto nomine posse a me exprimi, expectoque, quo, qui eam legerint, adpellandam putent. Nam neque oscitantiam, neque incitiam aut stuporem nominare possum: quis enim credat? Quis? rem tam obviam, tam pervulgatam, tam tironibus ac prope pueris notam, ac cujus ne attingi quidem potest eminus mentio, quin totam sese animo statim, intelligentiæque exhibeat, vel ignoratam a trium voluminum fuisse scriptore, vel scribentis sensum attentionemque fugisse? Dicam tamen, quod divinare potui. Videtur mihi agyrtae & circulatores voluisse imitari, qui cum spectantium oculos imminere sibi ac suis præstigiis animadvertunt; queis nescio interrogatiunculis implicare eos tantisper solent, & a persequendo, quod aspectui volunt subductum, retrahere. Sic ille pariter cum tangi ulcus persensceret; verereturque; nequis altius fodicaret; projiciendum sibi aliquid in medium, qualecunque id demum, modo novum atque insolens, existimavit, quo possent alio legentium animi divertiri. Quid autem insolentius, quam, populare cum fecisse regimen Ecclesiæ arguaris, respondere te, imperite hoc objici; ac rationem reddere quod populare in mundo regimen nullum sit, neque fuerit?

III. Quanquam est in ea etiam responsionis parte, quæ de regnis procedit, conflictus & pugna viri secum ipso mira & incredibilis. *Cum homines, inquit, primum in regna coirent, transtulerunt in unum vel plures Jura omnia: nihil hic potestatis remanet penes cives.* Si ita est; (non nego autem quod est verissimum; sed inconstantiam accuso) ecquid ipse in eodem tomo de Regnorum mundi, ut vocat, statu hæc potuit scribere: *Ille utique tanquam ab arbitrio populorum dependens, mutari, luxari, adstringi, atque ita multis modis a sua originaria institutione & prima sanctione pragmatica discedere potest?* (3) Ecquid TOSTATI facere sua hæc potuit Tomo primo: " Si aliqua Communitas vel Collegium est; ibi erit jurisdictio: & quia non potest administrari per universam societatem; administratur per unum de Communitate: non est tamen jurisdictio in illo, ita quod non sit in communitate; sed est magis in Communitate, quia antequam ille constituatur in Judicem, vel Rectorem, nullam habet jurisdictionem: illo mortuo, vel cedente non penitus expirat jurisdictio: potest alius præfici in Rectorem vel judicem; non tamen posset hoc fieri, si non maneret jurisdictio in Communitate. Ergo ipsa Communitas habet magis jurisdictionem?" (4) Qui idemmet est locus ille,

F 2

quo,

(3) Pag. 553.

(4) Tom. 1. §. VI. pag. 33.

quo, ut supra ostendimus, potestatem Clavium, & quidquid est sacrae in Ecclesia jurisdictionis, non tam in *Prælato*, quam in universitate, totoque cœtu hære, FEBRONIUS probat.

IV. Sic itaque de profanis ille Rebus publicis non tam *imperite*, quam stolide. Nunc de Ecclesia quemadmodum errorem, immo hæresin suam excuset, videamus. Prosequitur ita: *sed neque aliquid etiam hic est, quod vel in umbra quidem comparari possit cum regimine Ecclesiastico, sive quoad fundamentum & constitutionem, sive quoad exercitium, & durationem.* Sunt in hac responsione duo, quorum alterum intelligo, alterum capere nulla ratione possum. Intelligo, ac non in umbra, sed in magna luce PUFFENDORFIUM, cum Ecclesiam non esse *statum* scribit, & describentem hoc ex eo, & collaudantem FEBRONIUM intueor: qua de re diligenter dicam alibi, & solide. Illud non adsequor, qua confidentia despecti nos adeo, proque fungis & brutis animantibus a FEBRONIO habiti simus, ut posse silentium se nobis indicare existimaverit responsione tam frivola. *Non heic, inquit, est, quod vel in umbra comparari possit cum regimine Ecclesiastico.* An hoc quærebatur? An Colonienfis Theologus comparaverat? Immo a te, a te, inquam, *βλεψε*, poscebatur ratio, cur tu reapse Reipublicæ Ecclesiam, secutus DUPINIUM, RICHERIUMQUE, & QUESNELLIANÆ alumnos sectæ comparasses, immovero cur fecisses Ecclesiam Rempublicam, in qua fons atque radix potestatis in multitudine manet, sola gestio & procuratio transfertur in alios: hoc a te quærebatur: cur non respondes? Adeone tu hebes sis, ut, quid veller, quid objiceret tibi Adversarius, non posses adsequi? At ille nitide & sine ambagibus dixerat. Aut igitur quod *Universitati* Claves traditas esse scripsisti, non ex eo est consequens, quod ille sumebat, Ecclesiam ad formam *Reipublicæ* redigi; aut est illud revera consequens? Si non est; nonne demonstrari hoc a te ipsum oportuit, silentiumque adeo, ne porro hiscere contra te cuiquam liberet, omnibus imponi? Si est; annon iis saltem, quorum offensâ a te religio scriptione fuerat, hoc debebas, ut vel non traditum a te aliquid, ex quo tam improbum manare dogma posset, liquido ostenderes; vel, quod *sanctitatis* tuæ magis intererat, rotunde etiam, disertisque verbis, quod incautus scripseras, revocares? Horum neutrum tu facis, neutrum, sed es pisce mutior.

Nam quod ita continuo subjicis: *Hoc totum quantum & immediate a Deo est, & secundum sanctissimam ejus ordinationem vel in scriptura expressam, vel traditione declaratam, nunc & in perpetuum dirigetur: quo a me loco haberi putas?* Dicam tibi: nullo. Nam & QUESNELLI, & JAN-

SENISTARUM, & LUTHERANORUM, CALVINISTARUMQUE omnium hæc vox est: nec nos eo te nomine accusamus, quod profanam feceris originem Clavium; nec quod negaris, *immediate* a Christo ordinatam, & institutam Ecclesiasticam esse omnem potestatem; nec demum illo, quod administrationem, exercitiumve hujus potestatis, & durationem regiminis sacri definire nos aliter, quam ex Dei sanctissima ordinatione jusseris. Minime: nam nec ii nos sumus, quibus calumniari sit animus: & ut esset; sunt de se, quæ scripsisti, turpiora, quam ut calumniis opus sit. De hoc tibi respondendum est: ecquid, tametsi a Christo & *immediate*, non tamen Episcopis, sed *multitudini* commissas Claves docueris; tum ordinationem commentus sis traditione, scripturisque sacris declaratam, ut ministri & executores multitudinis Episcopi sint, & portionem his suam, quemadmodum loqueris, hoc est, jurisdictionis, potestatisque partem ac modum multitudo ipsa describat? De his tu omnibus cur files, obsecro? cur obmutescis? si accusatio falsa est, cur non repellis? si vera, cur errorem non corrigis? Possumne, quin βατταρισμῶν, garrulitatemque illam tuam meris ac putis fraudibus, ad convictionis scilicet (ut sic tua recipias) *declinandam* invidiam & *confessionem*, adscribam? (5)

Sed enim fallar fortassis. Scripsisti, a *tota mente tua aberrare* KAUFFMANSIUM: id vero nonne satis est, inquires, ad propulsandam invidiam? Ita est: scripsisti. Verum da mihi hanc, quæso, veniam, ut brevi bolide profunditatem mentis tuæ experiar: Adhibuerat Coloniensis Theologus nomen *Reipublicæ*. Id quia *statum* significat; negas autem tu cum PUFENDORFIO Ecclesiam statum esse: in hoc utique latebram habuisti, ut aberrasse a tota mente tua virum doctissimum scriberes. Sed dimittamus nunc, quia sic horres, hoc *reipublicæ* vocabulum: statuamus *Collegia* esse multa, ut vis: tum in his Collegiis potestatis imperiique Summam, seu Claves penes multitudinem esse dicamus, cujus multitudinis ministri & procuratores Episcopi sint: hæc, inquam, ponamus ita, & te hujusmodi in Ecclesiam invexisse regimen dicamus: quid? etiamne a tota mente tua aberrabimus? Intra in te, quidque tu tibi objicias, quid conscientia tua tibi respondeat, vide! Ego, ne pudore te obruam, atque occidam, premere fortius in præsens non volo.

(5) FEBRONIUS *Tom. I. c. I. §. I.* Distinctionculis, quæ ad declinandam convictionis confessionem inventæ sunt, hic locus concedendus non est.

§. II.

Quid Patri KLEINERO de *Richerismo* FEBRONIUM
accusanti ipse responderit?

Fraudulenta hominis ad TOURNELIUM provocatio. Repellitur
hæc, & ex ipso TOURNELIO revincitur criminis. Ex de-
spoliatione adeo ipsius RICHERII. Ex aliis in tomo
tertio perverſe poſitis.

I. KLEINERUS Societatis Jeſu Presbyter, Profeſſorque ſacrorum Cano-
num in *Heidelbergſi* Academia, inter cætera, quæ quidem bre-
viter, ſed accurate nervoſeque de FEBRONIO monuit, hoc etiam, tanquam
præſagitionem habens animo inclutam, ei prædixit: non defuturos, qui
Richeriani ſyſtematis ductus ſatis aperte in illius libro detegerent. Non
heic exponam, quantam in rabiem JURISCONSULTUM hæc criſis egerit. Ex-
poſui id alias, nec eſt loci hujus, *βωμολοχίαν*, & purulentiam oris male-
dici rurfum deſcribere. Quæro hoc ſolum, quæ ſe defenderit? quid
pro ſe dixerit? Sic autem reſponder: "RICHERIANI ſyſtematis ductus ſa-
tis aperte apud FEBRONIUM detegi, hic per calumniam obſervat JESUITA
Heidelbergſis. In eo EDMUNDUS RICHERIUS a doctrina, quam Gallicana
Eccleſia proſitetur, potiſſimum diſcrepat, quod ille docuerit, Romanum
Pontificem Eccleſiæ quidem Caput eſſe, at *ſymbolicum duntaxat, ſeu ſi-
gurativum, miniſteriale, accidentarium, non neceſſarium.*" De hoc
TOURNELIUM videre nos jubet Tractatu de Eccleſia, Quæſtione V. Arti-
culo II: pergitque: "An talia ſomniavit FEBRONIUS? ſi vir eſt KLEINE-
RUS, edicat diſtincte, in qua doctrina, aut in qua propoſitione minus
orthodoxa RICHERIUM ſequatur FEBRONIUS. Dum ſic falſum ſontem, e
quo hauſerit FEBRONIUS, calumnioſe indicat JESUITA, diſſimulat veros,
quibus ille parenter uſus eſt." (6)

Quid primum mirer? tam imperitum hunc fuiſſe thraſonem, ut non
aliunde, quam ex libro TOURNELII ſciret, quid RICHERIUS ſenſerit? an tam
impudentem, ut ne heic quidem, ubi in oculis propemodum fraus eſt,
tem-

(6) In Append. pag. 41.

temperandum ab ea sibi putaverit? an tam furiosum denique, ac desperandum, ut quod perhorrescere ab initio videri voluit, in illud se barathrum, tanquam SPHYNX in fabulis soluto ænigmate, totum ac toto mentis, scruptionisque impetu præcipitem daret? si ignotum, incertumque testem, & ab quotidiano segregatum usu adpellasset; potuisset locus esse deceptioni fortassis: nec enim in promptu fuisset, malignitatem retegere. Sed libros TOURNELII quis nostrum manibus non trivit? Vide TOURNELIUM, inquit. Vidimus: ille sic loquitur in eo loco, quem FEBRONIUS citat. "In extremum oppositum lapsi sunt nonnulli, imprimis EDMUNDUS RICHERIUS in libello de Ecclesiastica ac politica potestate, ubi extra metas abreptus, ut Ecclesiæ auctoritatem extollat, Pontificiam omnino deprimit &c." Tum propositiones ex libello RICHERII excerptit sequentes: "Ima. *Christus suam fundando Ecclesiam prius, immediatius, & essentialius Claves seu jurisdictionem toti dedit Ecclesiæ, quam PETRO & aliis Apostolis. IIda. Tota jurisdictionis Ecclesiastica primario, proprie & essentialiter Ecclesiæ convenit; Romano autem Pontifici atque aliis Episcopis instrumentaliter, ministerialiter, & quoad executionem tantum, sicut facultas videndi oculo competit. IIIa. Christus non tam uni PETRO, quam unitati infallibilem Clavium potestatem detulit. IVta. Papa est Caput Ecclesiæ symbolicum, ministeriale, accidentarium, non essentialiale, visibile sub Christo Capite principali & essentiali; cum quo potest Ecclesia facere divortium, quia hoc Caput symbolicum seu figurativum potest adesse, vel abesse ad tempus sine Ecclesiæ interitu.*"

Ex his manifestum imprimis est, primam atque principem inter reprobatas RICHERII propositiones fuisse illam, qua is *Claves*, ut ipse TOURNELIUS in eo loco observat, seu jurisdictionis potestatem uni & soli Ecclesiæ a Christo immediate, PETRO autem, cæterisque Apostolis, eorumque Successoribus Episcopis mediate per Ecclesiam datas esse contendit. Quid? quod cæteræ duæ, tametsi vocum novitate absurdæ, & ad offensionem comparatæ, explicatum habere commodum nihilominus possent, nisi a primis duabus, cum quibus nexum habent, virus, vitiumque hæresis traherent. Neque enim nisi evolutio illarum sunt, & tanquam rivi ex fonte, & ex adsumpta generali thesi consecraria. Velut, quod infallibilem Clavium potestatem non tam uni PETRO, quam unitati concessam RICHERIUS tradit; nihil hoc quidem a Gallorum, & ipsius TOURNELII doctrina discrepat, quatenus vim ultimam decretorum fidei, & ἀσφαλειαν, inerrantiæve donum a consensione repetendum hi volunt Episcoporum cum summo Pontifice. Sed in eo propositionis vitium cubat, quod *Claves*, prout Jurisdictionem universæ, atque fidei etiam determinandæ infallibilem potestatem significant, soli Ecclesiæ,

clesiæ, & toti Christianorum cœtui *immediate* a Christo traditas adstruat. Quamobrem refellens eam in illo loco Tournelius, CLAVES, inquit, & uni PETRO, & unitati simul concessæ dicendæ sunt, nec unum aliud excludit. Datæ sunt uni PETRO, non quidem per exclusionem Ecclesiæ; sed quia unus ille Primatum & regiminis potestatem accepit a Christo, atque personam Ecclesiæ totius gerebat, cum ei dixit Christus: Tibi dabo Claves Regni cœlorum. Datæ sunt etiam *immediate* unitati, id est, OMNIBUS APOSTOLIS, EORUMQUE SUCCESSORIBUS EPISCOPIS.

Revertatur nunc ille mecum Metellus innocens ad ea, quæ superiore sunt articulo demonstrata: quid? potestne puncto a Richerio distare se dicere? Quid? non *Universitati* commissas Claves scripsit? non *immediate*, non *proprie*, non *magis*, non *radicalius*, non *principaliter* huic? Non ita, ut omnes Episcopi, summusque Pontifex executores ac ministri sint Universitatis? Non etiam hoc: neque Pontificem, neque Episcopos, neque paucos, neque multos, sed totum ex Laicis, secundique ac primi ordinis Pastoribus constatum Corpus infallibilitate gaudere, Conciliaque ipsa, quantumvis œcumenica, ab hujus Corporis adfensione firmari? Atqui sunt ipsæ hæ illæ propositiones, quas pro *erroneis*, *scandalosis*, & ut sonant, *hæreticis*, *schismaticis* damnatas Tournelius adstruit. Ubi igitur frons, ubi pudor? (ignoscat Lector! cogor toties ista requirere, ubi non sunt. Sed ut requiram, admiratio facit: neque enim rebar, posse fieri, ut sic hominem aliquando desererent) ubi frons, inquam, ac pudor, cum de calumnia vir iste conqueritur, & innocentiae suæ vocat Tournelium testem, quem si est obiter, ac quasi currens tantum intuitus, damnationem haud suam minus, quam ipsius Richerii velut eidem inscriptam cippo aut tabulæ debebat legere?

II. At enim Papam Caput *symbolicum*, *figurativum*, *ministeriale*, *accidentarium*, non *essentiale* haud dixit? O hominem bonum! scilicet hæc una propositio est, quam notatam censura TOURNELIUS recitat? annon quatuor sunt? sed videamus tamen! RICHERIUS si *Caput symbolicum* ac *figurativum* Pontificem ponit; quo vult sensu intelligi? isto scilicet: in *Universitate* cum potestas ac vis omnis resideat; tum vero Pontificem os, interpretem, ac procuratorem illius duntaxat esse. Tu homo innocentissime, an aliud quicquam docuisti? Immo an poteras, postquam primum & alterum RICHERII pronuntiatum, quorum explicatio sunt tantum duo reliqua, pro fundamento, summoque lapide tuæ structuræ sumpsisti? Rursum. RICHERIUS dum Caput *ministeriale* adpellat Pontificem; quid vult? istud; executorem ac ministrum esse Universitatis, nec illum proprio, a Deo-

Deoque ipso accepto Jure, sed alieno regere. Tu cum *Universitati* commissas Claves esse scripsisti; cum *proprietaem* ac *dominium* Clavium ad Universitatem transulisti; cum Pontifici atque Episcopis præter *usum exercitiumque* nihil concedis; cum *ministros* adpellas quosvis ac singulos: an aliud doces? Iterum. Dum Caput, non *essentiale*, sed *accidentarium* vocat RICHERIUS; quid vult? Istud: Christum esse Caput *essentiale* Ecclesiæ; mori hunc non posse; nunquam igitur defore, quominus spiritum atque vitam suo Corpori impertiat. Cumque Claves, & quidquid ad sacram pertinet potestatem, toti Corpori ab eodem sit creditum; hinc sublato Pontifice nihil detrimenti Ecclesiam subire, penes sese & essentiam suam spectatam; sed regiminis, hoc est, curandæ & exequendæ potestatis *modum* duntaxat mutari. Tu, qui hætenus hilo ab RICHERII latere non discessisti, potes, nisi te ipsum deferas, heic illum deferere? Neque vero in ea velim quispiam puter opinione fuisse RICHERIUM, ut antiquari, tollique penitus ab Ecclesia curationem, ac quasi magistratum illum summi Pontificis judicaverit posse. Quod tamen a DUPINIO sit deinceps, ut vidimus, impie ac sacrilege cogitatum: a RICHERIO nunquam traditum legimus. Quin esse mandatum ille potius scripsit, & *præceptum* a Christo impositum Ecclesiæ, ut summum Pontificem habeat; tamen *eorum* id esse dicat e numero, quæ *adfirmantia* a Theologis nominantur, & *semper*, sed *non pro semper*, ut ajunt, *obligant*. (7)

Paucis: hæc summa doctrinæ est: Quidquid Clavium venit heic nomine, quidquid potestatis, Jurisdictionis, sacri Imperii est in Ecclesia, penes Communitatem est ipsam fidelium: Sic, ut cum per se quidem præcipua functio de voluntate Christi demandanda sit uni; consultatioque & deliberatio, & rogatio canonum Episcopis atque Presbyteris: nihilominus & unus ille, & Episcopi atque Presbyteri, & Concilia ipsa Episcoporum ac Presbyterorum, scitaque consulta & decreta omnia Universitatis sint subiecta Judicio. Sic hæret libellus: quem alioquin, ne a se diffuat, apte componere, & conciliare, ut secum ipso consentiat, difficillimum ac prope *ἀδύνατον* viris doctissimis PETAVIO & plerisque aliis fuisse vitum intelligo. (8)

G

III.

(7) In libell. de Eccles. potest. N. 3 & 4. Et in Apol. seu vind. tom. 2. pag. 16.

(8) *Hærent sane hæc ita inter se comparata*: 1. Ecclesia cætus fidelium, sive Christiana Respublica unico & solo capite ac fundamento essentiali Christo Domino contenta. *In principio 7mo*. 2. Huic Ecclesiæ tota jurisdictio Ecclesiastica primario, proprie ac essentialiter convenit, Romano autem Pontifici, atque aliis Episcopis instrumentaliter, ministerialiter, & quoad executionem tantum. 3. Scilicet vulgare atque indubitata fidei axio-

III. Ede jam, siquid habes, *Jurisconsulte*, quo discrepare te ab EDMUNDO RICHERIO, atque adeo in quo præ illo confidentem te ego & audacem non sim dicturus, probes. Ede! Si nihil est; quei de calumnia conquereris? Sed fuerit illa tamen a KLEINERO tibi impacta calumnia: tu quidem ut calumnia jam esse desiverit, desperatione fecisti. Age totum tertium tuum in manus sume! (9) *Sacra Scriptura*, inquis, *non fidei modo, sed & eloquii nostri norma, non alteri, nisi Christo dignitatem Capitis Ecclesiæ tribuit.* An falsum dico? Probas hoc, & scripturarum, nonnullorumque

ma est, Datum & naturam prius atque immediatius ad totum suppositum, quam ad aliquam partem suppositi, quamvis nobilissimam intendere. 4. *Heinc* Christus fundando Ecclesiam, prius, immediatius atque essentialius Claves sive jurisdictionem toti dedit Ecclesiæ, quam Petro, seu quod eodem redit, Claves toti contulit Ecclesiæ, ut per unum ministerialiter exercerentur. *Lib. N. 1. 5to.* Senatus aut consilium nativum Ecclesiæ a Domino institutum non modo Episcopi, verum etiam omnes Presbyteri curam animarum habentes. *N. 5. Heinc 6.* Ecclesia est politia Monarchica regimine Aristocratico temperata. *Scilicet quantum ad modum exequenda potestatis, quæ quoad substantiam, tota in cætu fidelium residet, estque democratica in tantum Ecclesiæ politia.* *Heinc 7mo* sola Ecclesia collective sumpta est infallibilis *N. 7. vel ut N. 6. Princip. 4.* Infallibilis potestas decernendi aut condendi Canones est penes totam Ecclesiam, aut generale Concilium illam repræsentans. *Et quoniam 8vo* omnis principatus quoad vim coactivam ab hominum consensu pendet, ut lex divina & naturalis confirmat, (*N. 2. ad object.*) Deusque & natura prius atque immediatius ad totum suppositum intendunt *per dicta superius; sequitur, Rom. Pontificem, qui est caput ministeriale, universalem Ecclesiam (sive in, sive extra Concilium) inconsultam, dissentientem, invitam, vel inauditam obligare non posse. N. 6. & 8. 9no.* Quæ autem ratio œcumenici Concilii ad Romanum Pontificem, eadem quoque & Synodorum particularium ad suos Episcopos: quoniam particulares Ecclesias itidem Canone, non absoluta potestate a propriis Episcopis gubernari oportet. *N. 5. Heinc 10.* frequens celebratio Synodorum absolute & simpliciter necessaria est ad Ecclesiam melius sanctiusque regendam. *N. 8. Prin. 5. - Sed enim quandonam Concilium aut Synodos repræsentasse Ecclesiam collective sumptam, dicendum erit? Certe si adfensione Corporis firmata fuerint. Nam huic tanquam supposito Claves traditæ sunt: & spiritus Prophetarum Prophetis, (id est, ECCLESIAE, ut interpretatur Richerius N. 6.) subiectus est: & quod omnes tangit, necesse est ab omnibus quoque comprobari (ibid.) inque ipsis Conciliis generalibus Decreta fidei Catholicæ nonnisi inductione & consensu omnium particularium Ecclesiarum inito, universim inferuntur, ac concluduntur. Ibid. Quare hoc ipsum an ita factum sit, earundem erit particularium Ecclesiarum cognoscere. Paucis: quia quoad modum exequenda potestatis politia monarchica est Aristocratico regimine temperata; heinc Conciliorum necessitas & auctoritas: quia potestas ipsa in Communitate est, heinc a Communitate vis ultima & decretoria. Ita quidem a Jansenistis intellectum esse libellum RICHERII scimus: heinc tot illæ Episcopis illatæ molestiæ a Curionibus, & Adpellantium grege.*

(9) Titulo II. §. I. pag. 28. 29. 30. Verba, quoniam ad furta sp̄us hic pertinet, describo infra.

que Patrum, & *Toletani* Concilii corrasis sententiis, tandem Majoribus nostris *Chalcedonenſique* & *Florentinae* ſynodo nominatim ſuccenſes, quod ad Romanum Pontificem adpellationem *Capitis* tranſtulerint. An negare potes? Rationem reddis, quod anſam res ea dederit, tribuendi *miniſteriali* Eccleſiae *Capiti*, quæ *essentiali tantum debentur, quod eſt Chriſtus*. Recognoscis verba tua? At ne his quidem contentus, majorem ſumis tibi: argumentum cum tibi objeciſſes, *neceſſarium eſſe in Eccleſia Caput viſibile, ſumma præpollens authoritate* (authoritate inquam: nam *Jurisdictionem* in primo tomo Pontifici detraxeras; *authoritatem* vero etiam *ampliſſimam*, quamvis pugnans, conſiſgenſque tecum ipſo permiferas) explodis argumentum, ac prope abeſt, quin ridendo exſibiles. Neque enim Reipublicæ ais comparari Eccleſiam debere; *Chriſtumque verum Eccleſiae Caput* tamenſi *carnis oculis inviſibilem, oculis fidei nihilominus præſentem eſſe*; atque haud illum minus, *cum in cælis eſt, quam cum in terris degeret, invigilare & ſubvenire poſſe*: & quæ ſunt alia in eandem a te ſententiam in eo loco diſputata. Cedo nunc, quid præter audaciam, quæ in te major eſt, proferri ad ſecernendum te a RICHERIO poteſt?

Etiarne ridiculus eſſe voles, ut *Caput ſymbolicum, figurativum*, ſeu quod idem eſt, *miniſteriale, accidentarium, haud-eſſentiale*, nec vocatum a te ſummum Pontificem, nec ut vocares, per ſomnium incidiſſe tibi reſpondeas? Patere, meam ego mentem de te exponam breviffimis. Ita ſentio. Cum de calumnia tibi illata expoſtulabas; aut deſtinata jam tum apud te, & recluſa animo habebas, quæ in tertio exinde tomo ſcripſiſti audacter; aut nondum furoris tum eo deveneras? ſi primum; non eſt KLEINERUS, ſed tu, tu inquam homo mendax es, & calumniator maximus. ſi alterum; præter ſtuporem quidem, quo tum ita fuiſti obſeſſus, ut conſequentiam, neceſſariumque & inevitabilem exitum principiorum tuorum non prius videris; præter inconstantiae perpetuum vitium, quo deſtruire ædificata conſueviſti, & inſtaurare deſtructa: id ego improbitatis eſſe inſuper haud ſane mediocris dico, quod quam ex *TOURNELIO* ut minimum, etiam in Gallia damnatam eſſe doctrinam didiceras, & quam reſugere tu nuper ac perhorreſcere viſus eras, nunc velut repagulis omnino ruptis, & admittas, tuamque facias, & confidenter ac magno cum ſtrepitu inculces. Sed quid agemus? *Bacchæ bacchanti qui adverſarier velit, ex furente faciet furentiorem*, ut eſt apud Comicum.

IV. Id ex iis adeo, quæ jam dicturus ſum, magis patebit. Non equidem invitus crediderim; cum tomum primum *FEBRONII* meditaretur; non tam ex *RICHERIO*, quam *RICHERISTARUM*, hoc eſt, *JANSENISTARUM*, *QUESNELLIANORUM*que libris commune virus eum hauſiſſe. Quod ſi ſit, non eſt, cur corrigam, quod ſcripſi nuper, imperitiam me hominis mirari,

qui non aliunde, quam ex *TOURNELIO* doctrinam *RICHERII* indicare poterit. Sin se aliter res habeat; emendandus omnino est error, & quod imperitiam interpretabar, consuetis fraudibus adscribi debet: propterea, quod qui in manu habebat *RICHERIUM*, ignotum sibi eum nihilominus, & quid doceret, non aliunde, quam ex *TOURNELIO* sibi esse perspectum, simularit. Utrumlibet sit: nunc quidem, cum tertium exaravit tomum, exscriptum ab eo fuisse *RICHERIUM*, spoliatumque scio. Furtum turpissimum: nam & is, a quo est admissum, idemmet est ille vir innocens, qui nuper, ne *ductus* quidem *RICHERIANI systematis* sine calumnia posse obijci sibi, clamabat; & dogma ipsum, quod est furatus, ad perturbationem Ecclesiastici Ordinis, perniciosissimamque & manifestam hæresin comparatum est. Quod, quam a me neutiquam dicatur temere, explicandum nunc paucis; tum furti Schema exhibendum.

Ita res est: nuper monui, *RICHERIUM* Ecclesiasticam potestatem a gubernationis modo ea ratione disjunctum, ut *potestatem* quidem in *multitudine* fidelium, cujus Caput est Christus; *administrationem* vero potestatis, *Hierarchici Ordinis* esse propriam existimarit. Sed hoc non contentus in alium errorem lapsus est: quod ita solet iis, qui a via regia discedunt, contingere. Cum enim ex Tridentino habeamus, ac dogma fidei sit, Episcopos divina institutione præstare Presbyteris Jurisdictione: ille e contra, quidquid Apostolis est uspiam datum, id omnibus etiam Presbyteris, animarum si modo habeant curam, *pro indiviso* fuisse datum contendit. Absurdissime profecto. Nam si verum sit; quemadmodum anteeant Episcopi Parochis, ne conjectura quidem possumus adsequi. Ut enim anteeant, divisionem cogitare necesse est, partitumque non æquali ratione regimen, nec idem omnibus obvenisse. Id vero, si *individue* & *collective* est datum, quis mortalium queat capere? Non enim indivisa, inquit *PETAVIUS*, potestas ea est, quæ hoc modo distribuitur: quia idem & unum, quæ idem est, non est divisum ac multiplex, nec a se ipso distinctum. Non solum itaque falsa est (loquor verbis ejusdem viri doctissimi) sed etiam hæretica, & synodali judicio damnata *RICHERII* hæc opinio: *Episcopalem* & *Presbyteralem Ordinem immediate, individue* & *collective missum, sicut a Patre suo missus est Christus: ita ut missio illa vera* & *realis sit collatio jurisdictionis.* (9) Siquidem missio Christi, ut & potestatis ac jurisdictionis in eum collatio, tum suprema fuit & absoluta; tum una, simplex, & individua: in qua omnis omnium Ordinum, graduum, ac Magistratum

(9) Ut hæreat systema *RICHERII*, quemadmodum utcumque saltem aptare nos illud posse, nobis videbatur: debet *Jurisdictionis* vocabulum pro ea heic sumi auctoritate, quæ *potestati* in multitudine primario residenti subordinata sit.

ruum Ecclesiasticorum potestas & jurisdictio tanquam in capite ac fonte continebatur: *ut de plenitudine ejus omnes acciperent*, non solum gratiam, sed etiam auctoritatem ac potestatem. Quocirca si universi Ordines Hierarchici *immediate, individue & collective* missi sunt a Christo; eaque missio *collatio fuit jurisditionis*, itidem, ut a Patre missus est Christus, & hac ipsa missione illam accepit: par est in omnibus, & eadem, utpote individua; nec minor in simplici quolibet sacerdote potestas, & Ecclesiastica Jurisdictio, quam in Episcopo.

Quod sic ulterius ex Civilium magistratuum exemplo (nam obtulerat illud RICHERIUS) illustrare pergit: "Quis dixerit, potestatem ac jurisditionem omnem, quæ ab Rege dimanat, non solum immediate, sed etiam individue & collective, in omnes tam superiores, quam inferiores diffundi magistratus? Duorum enim alterum verba ista significant, vel non majorem in uno esse, quam in altero; tolluntque re proportionem illam & subordinationem, quam voce tenus in sequentibus adfirmat RICHERIUS. Vel illud indicant, non nisi in tota multitudine magistratuum qualemcumque residere potestatem: in singulis vero nullam esse definitam, ac distinctam, sed confusam. Non secus ac consortes aliqui fratres duo tresve, antequam paternam hæreditatem inter se partiti sunt; totum patrimonium simul omnes, & pro indiviso possident: nec unus eorum certam illius partem vendicare sibi potest; sed in commune duntaxat jus in eam habere dicitur.

Hæc de doctrina RICHERII vir ille maximus in iis libris, quos LUTETIÆ PARISIORUM in conspectu SORBONÆ evulgavit. (10) Qui hoc etiam advertit, suspicionem haud esse mediocrem, cum ista scriberet EDMUNDUS RICHERIUS, *Catharorum* novitio dogmate fuisse illum contactum, ac voluisse tacite huic eum suffragari, Presbyterosque nihil ab Episcopis potestate distantes facere. (11)

V. De JANSENISTIS quidem, à quibus optatum esse libellum RICHERII diximus, constat, experientiaque compertum est, non eos aliter hujus magistri verba, doctrinamque interpretari. Hinc TRAVERSUS in eo volumine, quod *Jura legitima primi & secundi Ordinis*

g 3

in

(10) PETAVIUS de Ecclesiast. Hierarchia Lib. III. Cap. XV. §. IX. XI.

(11) Ibidem Cap. XVI §. III. Ostenditque ex argumentis, quæ sunt eadem a RICHERIO, & ab hæreticis adhibita. Ut cum citat HIERONYMI ad HELIODORUM verba: *Ecclesiam habere cæterum Presbyterorum, sine quorum consilio nihil Monachis agere liceat. Canonem 3. synodi Carthag. IV. in quo Episcopo manus supra caput ejus (qui ordinatur Presbyter) tenente, etiam cæteri Presbyteri manus suas juxta manum Episcopi super caput illius tenere jubentur.* Rursum Canonem LEGIMUS distinct. 93. *Quondam Presbyteri Ecclesiam in commune regebant: qui ex Hieronymo ad Evagrium sumptus est.*

in administratione Sacramentorum, & gubernatione Ecclesiæ inſcripſit, nihil veritus eſt adſerere; inter Episcopos atque Presbyteros non plus eſſe discriminis, quàm inter Cardinales atque Episcopos: cum utrorumque differentia ex ſola Eccleſiæ ordinatione profecta ſit. (12) Diſtare Presbyterum ab Episcopo, quantum Titum a TIMOTHEO: parem quippe omnibus a Deo & Spiritu ſancto collatam eſſe auctoritatem. (13) Functionem oſtendi nullam poſſe, quæ ſi Episcopis *divino Jure* vindicetur, non a Presbyteris eodem alias jure, vi ac poteſtate *Ordinis* ſui ſit exercita. (14) Quam quidem hæreſin ſuam ex eo probat, quoniam ut Episcopi Apoſtoliſ, ſic Curiones ſeptuaginta Diſcipulis ſucceſſerunt; Chriſtus vero diſcrimen nullum fecit neque functionum, neque poteſtatum. (15) Quid aliud RICHERIUS? *Chriſtus*, inquit hic, *omnes Apoſtolos, atque Diſcipulos, qui Episcopalem, & Presbyteralem Ordinem referebant, immediate, individue, & collective miſit: ſicut a Patre ſuo, id eſt, cum juſta & ſpirituale auctoritate ad Eccleſiam regendam miſſus fuerat: quæ niſi ſint eadem, atque illa TRAVERSII; captus oculis ego ſum.*

Et ut cæteros, quorum ejuſdem ſunt fermenti ſcripta atque ſententiæ, in præſens mittam; uno, cujus nuperrime liber eſt editus, & quem (rumpatur licet JUSTINUS FEBRONIUS) nominare ſæpius cogar, volo contentus eſſe. Is eſt Anonymus ille, qui librum de Primatu Romani Pontificis ſcripſit anno milleſimo ſeptingentimo ſeptuageſimo, ut mihi quidem videtur, in novi PROSELYTI gratiam: nec enim alteri fuit ille utilior. Sed de hoc poſtea. Opponent (ſic iſte objicit ſibi tenebrio) *Episcopos licet Romano Pontifici ex inſtituto divino ſubjectos habere tamen plenitudinem ſacerdotii, ſicque ſemper vere Episcopos eos eſſe. Quibus ita reſpondet: In alio opere oſtendam, plenitudinem hanc ſacerdotii, quæ Episcopis adſcribitur, & a qua excluduntur Presbyteri, vocem eſſe ſenſu vacuam, nomen ſine re, novitatem doctrinæ ſanæ contrariam.* (16) Paulo poſt, *plenitudinem imaginariam* eam vocat: & aliquanto ſuperius dixerat,

(12) LES POUVOIRS LEGITIMES &c. pag. 586: L'on peut dire de l'Episcopat ce que l'on aſſûre du Cardinalat Romain, aujour'hui ſi ſurément a l'Episcopat, qu'ils ſont des dignités, qui doivent, — a l'inſtitution poſitive, & qu'ils ne conſervent, que parce que l'Egliſe, qui a réglé les rangs, qui fait les ſupérieurs, & qui a réſervé aux Evêques les plus éſatantes fonctions du ſacerdoce &c.

(13) Pag. 584. & ſeq. Les prêtres — ont reçu de Dieu & du St. Eſprit les mêmes pouvoirs, que Timothée & Tite & les autres Evêques.

(14) Les Evêques n'ont aucune fonction, qu'on puiſſe aſſûrer leur être propre de droit divin, que les Prêtres n'aient faite autrefois de même droit, ou par puiſſance d'Ordre.

(15) Pag. 299. & ſeq. J. C. ne paroît pas leur avoir donné aux Diſciples) des pouvoirs différens & de moindres fonctions.

(16) Pag. Edit. latino-gallicæ 492.

dixerat, *Jurisdictionem*, quæ *Episcopis in Parochos competit*, non esse nisi *Ecclesiastici Juris*; neque *Episcopi solius propriam ex vera Ecclesiæ disciplina*, sed *communem ei cum synodo*, cui præest: nam *hujus*, ut possit non vacua & irrita esse *sententia*, *suffragiis consensuque opus esse*. (17) Equidem si *proditurus aliquando*, quem *comminatur*, est liber, neutiquam dubito, quin *septuaginta Discipulis* in prima acie locus futurus sit: missioque, quam cum *Apostolis habuisse eos communem & individuum* RICHERIUS scripsit, argumentum exitura præcipuum. In quo utrum fallar (quanquam parvi interest: quid enim proferet nisi obsoletum ac rancidum?) dies dabit. Nunc mihi hoc satis est, ad ruinam *Episcopalis Ordinis RICHERIANUM* spectare dogma, & id usu ipso constare.

VI. Quod cum ita sit; quis perhorrescendum non illud sibi & execrandum homo catholicus puter? quis amplectatur? quem ditescere tam turpi spolio non pudeat? sed FEBRONIUM nullius pudet. En SCHEMA! (18) in quo tamen sit illud

(17) Pag. 490. Celle-la (Jurisdiction) n'appartient à l'Evêques selon la vraie discipline de l'Eglise, qu'autant qu'il est à la tête de son synode, & qu'il agit de concert avec lui. Quæ interpret Latinus non omnino, ut erant reddidit.

(18) SCHEMA FURTI ET HÆRETICI SYSTEMATIS.

EDMUNDUS RICHERIUS Libelli cap. 2.

Cum Dominus noster Cap. XVI. MATTHÆI, verbo futuri temporis, Claves nomine totius Ecclesiæ Beato PETRO sic respondisset: *Et ego tibi dabo Claves &c.* tum demum eas actu Ordini Hierarchico confert: primum MATTH. Cap. XVIII., ubi Ecclesiam sibi sufficientem, & architectonicen ita constituit: *Dic Ecclesiæ*. Secundo per realem missionem: *Designavit Dominus & misit illos binos ante faciem suam in omnem civitatem & locum, quo erat ipse venturus*. 3. JOAN. Cap. 17. *Sicut me misisti in mundum, ita & ego eos misi in mundum, & pro eis sanctifico me ipsum, ut sint & ipsi sanctificati in veritate, ut & ipsi in nobis unum sint, ut credat mundus, quia tu me misisti, ut sint consummati in unum &c.* Quibus verbis liquido demonstratur, Christum non tam uni & soli Petro, quam unitati infallibilem Clavium potestatem detulisse. 4. JOANN. 20. *Sicut misit me Pater, & ego mitto vos: accipite Spiritum sanctum, quorum remiseritis peccata, remittuntur eis &c.*

FEBRONIUS Tom. III. pag. 9. & seq.

Cum Dominus noster MATTHÆI Cap. XVI. verbo futuri temporis Beato PETRO nomine totius Ordinis Hierarchici, quem ob Primatum suum ille referebat, sic respondisset: *Et ego tibi dabo Claves regni cælorum; tum demum eas Ecclesiæ in suo Ordine Hierarchico actu confert, quando imo MATTH. XVIII. V. 17. Ecclesiam de & per se subsistentem ita constituit: Dic Ecclesiæ &c.* 2do. Per realem missionem: *Designavit Dominus & alios LXXII, & misit illos binos ante faciem suam in omnem civitatem & locum &c.* LUCÆ X. 3tio. JOAN. XVII. pro Ecclesia sponsa hoc modo exorans: *Sicut me misisti in mundum, ita & ego mitto eos in mundum, ut sint & ipsi sanctificati in veritate, ut omnes unum sint, sicut tu Pater in me &c. ut & ipsi in nobis unum sint, ut credat mundus, quia tu me misisti, ut sint consummati in unum &c.* Quibus verbis liquido apparet, Christum non tam uni & soli Petro, quam unitati infallibilem Clavium potestatem detulisse. 4to. JOAN. XX. *Sicut misit me Pater, & ego mitto vos: Accipite Spiritum sanctum, quorum remiseritis &c.*

illud quidem considerandum potissimum, quod perinde atque RICHERIUS, *Claves immediate, individue & collective* Discipulis juxta, ac Apostolis, id est, *Presbyteris* una atque *Episcopis* fuisse datas contendit: sunt in ipso tamen furandi artificio nonnulla, quæ quo minus breviter heic saltem perstringam, temperare non possum.

Primum risum id movit, quod cum *architectonicen & sibi sufficientem* Ecclesiam, scripsisset RICHERIUS; ille *de & per se subsistentem* nominaverit. Cur? An vox græca offendit? An ne furti posset argui, propterea quod voces duas saltem mutaverit? Sed hoc quidem leviculum. Gravius illud: quemadmodum *sacerdotium conferendi potestas* est data Apostolis, & eorum successoribus; sic *Jurisdictionem* Episcopis & Presbyteris esse datam adfirmat; prior autem potestas quin in *commune & indivisim* sit omnibus credita, nemine ambigi. Enimvero quo spectant ista? Non enim nisi duplex esse sensus potest hujus locutionis: primum ut hoc plane significet, neminem seorsim, sed omnes *una in conferendo sacerdotio* potestate sua defungi debere; quod oppido stolidum est. Deinde ut idem sit, *in commune & indivisim*, atque si diceres, partitionem non esse factam, sed potestatem in omnibus parem esse. Et hoc quidem suo modo verum est. Quocirca si & *Jurisdictio*, & quæ ad illam pertinent, *indivisim* æque & in *commune* Presbyteris & Episcopis data sunt; profecto æqualis utrorumque Jurisdictio sit oportet, nec ab altera

alteram

EDMUNDUS RICHERIUS Cap. 2.

Quando igitur missio vera & realis est collatio Jurisdictionis, auctore Apostolo, 1o ad Roman. *Quomodo igitur prædicabunt, nisi mittantur*: Christus autem omnes Apostolos, atque Discipulos, qui Episcopalem ET PRESBYTERALEM ORDINEM referebant, IMMEDIATE, INDIVIDUE & COLLECTIVE misit, sicut a Patre suo, id est, cum iusta & spiritali auctoritate ad Ecclesiam regendam necessaria missus fuerat: consurgit, totum Ordinem Hierarchicum Episcopali & Sacerdotali Ordine constantem immediate, proportionate tamen, atque subordinate: (Subordinationem hanc jam ex Petavio vidimus, voce tenus admitti, re destrui) suam potestatem & Jurisdictionem, hoc est, facultatem regendi Ecclesiam a Christo derivare quemadmodum &c. Adjungit testimonium Pauli A& X. *Attendite vobis & universo gregi, in quo vos Spiritus S. posuit Episcopos regere Ecclesiam Dei.*

FEBRONIUS L. c.

Cum missio vera & realis sit collatio Jurisdictionis, juxta illud ad Roman. X. *Quomodo prædicabunt, nisi mittantur*? Christus omnes Apostolos atque Discipulos, qui Episcopalem & PRESBYTERALEM ORDINEM referebant, IMMEDIATE, INDIVIDUE & COLLECTIVE misit, sicut ipse a Patre suo missus fuerat, id est, cum iusta & spiritali auctoritate ad regendam Ecclesiam necessaria. Sic & 5. collationem Sacerdotii: *Hoc facite in meam commemorationem*, in commune & indivisim omnibus creditam Apostolis, eorumque Successoribus nemo ambigit. His adjuget 6. testimonium Divi Pauli A& XX. *Attendite vobis & universo gregi, in quo vos Spiritus sanctus posuit Episcopos regere Ecclesiam Dei.*

alteram superari. Adeo quod ad hæresin illustrandam confirmandam-
que faceret, nihil est ab illo viro neglectum.

Est autem & alia quædam in ejus furto calliditas, de qua nolo gaudere aliquando apud se, vel gloriari possit. Nam quod ita scripserat RICHERIUS, Christum *nomine totius Ecclesiæ* Claves PETRO despondisse primum; tum *Ordini Hierarchico* contulisse actu, quando fratris, qui in nos forte peccaverit, delictum ad Ecclesiam deferri præcepit: immutandum hoc ille sibi in hunc modum putavit; ut loco vocum, *nomine totius Ecclesiæ*, substitueret istas, *nomine totius Ordinis Hierarchici*; proque illis, *Ordini Hierarchico contulit*, poneret, *Ecclesiæ in suo Ordine Hierarchico*. Versutia huc spectat, ut arbitrentur, qui hæc ita legerint, non nisi *Regentem* a FEBRONIO *Ecclesiam*, cum huic Claves a Christo traditas scripsit, intellectam esse: tantoque id magis, quoniam in eodem subinde paragrapho de *Excommunicandi* potestate obiter differens, " Adde, inquit, quod de jure
" divino summa totius externæ Jurisdictionis in facultate excommunican-
" di conquiescat: quam quidem immediate creditam fuisse Ecclesiæ con-
" stat ex MATTHÆI Cap. XVIII., ubi postquam Christus in singulari dixe-
" rat: si *Ecclesiam non audierit, sit tibi sicut Ethnicus & publicanus*, mox
" in plurali subjungit, omnes alloquendo: *Amen dico vobis, quæcunque*
" *alligaveritis super terram, erunt ligata & in cælo*, volens per hoc in-
" telligi, qualiter potestas ligandi atque solvendi, in quo consistit potestas
" Clavium, a se principaliter collata sit Corpori Apostolorum, horum-
" que successoribus, qui nomine Ecclesiæ designantur, tanquam hujus
" pars principalior: (19)

Quin etiam inferius, ne non garrisse aliquid, cum respondere non posset, videretur: " Ego autem, inquit, pro ampliore hujus quæstionis
" elucidatione sic dissero: Claves dantur *singulis personis* Episcoporum, eti-
" am summorum, non *propter ipsos*, sed *propter Ecclesiam*: dantur autem
" *per characterem ordinis*. Ideo vero manent Claves semper in collectione
" Episcoporum, quia singuli de illa collectione habent characterem; &
" ita habent, ut decedente uno, superstitibus possint alii per ordinationem
" dare sacramentalem characterem. (20)

VII. Atqui nec nimium acuta, nec valde subtilis est ea ludificatio; sed crassa, plumbea, obtusa; ut a quovis, qui non plane incurius, incautusque sit, & adverti & irrideri possit. Componamus enim hæc ita, ut sunt, cum iis, quæ in secundo paragrapho Tituli septimi, eodem in tomo tertio disputat. Est inscriptio de *Excommunicatione*. Deinde posteaquam

H. heic

(19) Tom. III. pag. 11. & 12.

(20) Pag. 157. tom. III.

heic æque ac supra, sententiam illam Christi recitaverat: *Quodsi non audierit; dic Ecclesiæ: si autem Ecclesiam non audierit, sit tibi sicut Ethnicus & publicanus*; subjungit: HÆC CUM ITA CHRISTUS DOCERET; EO IPSO INSTANTI ADDIT ECCLESIAE POTESTATEM CLAVIUM, Non male: sed cui Ecclesiæ? Prosequitur: CUM CLAVES DATÆ SINT ECCLESIAE; ILLARUM ADMINISTRATIO ETIAM FIT HUIUS NOMINE ET AUCTORITATE AB EJUSDEM MINISTRIS. QUARE HI RATIONEM DE MODO SUÆ GESTIONIS ILLI REDDERE TENENTUR, NEQUE EXCOMMUNICATIONEM DECERNERE POSSUNT, NISI DE CONSENSU ECCLESIAE SALTEM PRÆSUMPTO. (21)

Ergone iterum ego PASCHASIVM QUESNELLV M excitare, propositionemque totius orbis catholici damnatam iudicio proferre cogor? *Ecclesia*, inquit ille, ad eundem MATTHÆI locum commentans, *auctoritatem excommunicandi habet, ut eam exerceat per primos Pastores de consensu saltem præsumpto totius Corporis*. Uter expressius? uter significantius? FEBRONIVS quidem certe: qui, quod ab QUESNELLO esse dictum haud memini, non modo non suo nomine excommunicationis sententiam Episcopos ferre scribit; sed ad rationem insuper reddendam de modo gestionis suæ eos compellit. Nec est in eo, quod quispiam putet fortassis, opinionum discrimen, quod QUESNELLVS *totius Corporis*; iste *Ecclesiæ* requirat consensum. Continuo enim subjungit: *Hunc Ecclesiæ consensum primitus effective intervenisse, discimus exemplo PAULI incestuosum Corinthium anathematizantis*. Et utne scrupulus, de cuius tandem loquatur Ecclesiæ consensu, restare possit; admetitur in hunc plane modum verba Apostoli: *Ego jam judicari, ut præsens, eum qui sic operatus est, in nomine Domini nostri Jesu Christi, CONGREGATIS VOBIS ET MEO SPIRITU: cum virtute D. N. J. C., tradere huiusmodi sathanæ: ubi quod Congregatis vobis & meo spiritu dixit Apostolus, caractere præcipuo & eminenti, ad attentionem excitandam scilicet, quod ei in more est, exprimendum curavit*. Atqui & QUESNELLVS ad eundem hunc locum epistolæ ad Corinthios id quod dixerat prius, sic repetit: *excommunicandi auctoritas in Ecclesia residet, exerceturque a primis Pastoribus & nomine totius Corporis Ecclesiæ*. HEXAPLORVM verò scriptor, ubi damnatam, cuius mentionem jam feci, propugnat, non modo verbis utitur iisdem ex illa epistola; sed est in ea etiam hæresi, non posse aptius, quam exemplo dictisque PAULI, QUESNELLI effatum vindicari. *Quam*, inquit, *in incestuosum pronuntiat PAULVS, excommunicationis sententia QUESNELLIANÆ nonagesimæ propositionis tam est plena & absoluta defensio, ut alia opus non sit*. Dicit Fidelibus hic Apostolus, velle se, ut qui crimen admiserat, tradatur Dæmoni: VOBIS, ait,

&

& MEO SPIRITU CONGREGATIS IN NOMINE DOMINI NOSTRI JESU CHRISTI.
(22) Quæso, an possunt magis conspirare magna ingenia?

Quodsi est rite igitur constitutum, & consensione compertum eorum omnium, qui sunt paululum in sectæ libris & arcanis versati, QUESNELLUM ac defensores ejus, & illum imprimis, a quo sunt HEXAPLA confarcinata, non *regentem*, ut nos, *Ecclesiam*, sed *fidelium* ipsorum *turbam* & *congregationem* intelligere, dum *Ecclesiæ* Claves a Christo traditas auferunt, & quæ Clavium portio est, excommunicandi potestatem: profecto nisi in eodem est vitio FEBRONIUS; ne ille scivit quidem, quid scriberet. Alioquin quid voluit sibi, dum perinde ac illi, ad exemplum PAULI nos advocat? Aut quanam erant, quos congregari & coire in cætum, eo loci optat Apostolus? nonne ii, ad quos scribebat epistolam? nonne Corinthii? nonne populus? hunc enim alloquitur, arguit, docet, mortalium aliorum neminem.

Quare nunc ita nectamus, quæ *Febronius* disputat. *Claves illius sunt propriæ*, aut quod eodem pertinet, *Jurisdictionem*, potestatisque summam is obtinet, *cujus nomine & auctoritate administratur*, ac cui *rationem*, qui *administrant*, de modo *gestionis suæ tenentur reddere*. Administrantur autem illius auctoritate ac nomine, & illi *rationem tenentur reddere*, *sine cujus saltem præsumpto consensu coercere & excommunicare neminem possunt*. Ii, quorum præsumi ita consensus debet, iidem sunt, *quorum effective olim interveniebat consensus*, seu ut nos purius dicamus, quod facile possumus, quorum rogare olim, & expectare consensum in more fuit. Is, *cujus rogare olim, & expectare consensum in more fuit, Christianus populus erat*: nam ad populum scripsit PAULUS, CONGREGATIS VOBIS. Est igitur populus, *cujus Claves sunt propriæ*; populus, id est, multitudo tota Christianorum, quæ jurisdictionem & summam potestatis obtinet. (23)

h 2

Hoc

(22) Pag. 637. La sentence d'excommunication, que s. Paul prononce contre l'incestueux, justifie si plainement la proposition XC., qu'elle n'auroit pas besoin d'autre défense. Cet Apôtre dit aux fidèles, qu'il veut que le coupable soit livré au Demon: Vous, leur dit-il, & mon esprit étant assemblés au nom de notre Seigneur Jesus-Christ.

(23) Nec cui suspecta esse possit nostra argumentatio; libet verba FEBRONII, heic iterum, ut ab illo sunt posita, adscribere. Cum Claves, inquit, datæ sunt Ecclesiæ, illarum administratio etiam sit hujus nomine & auctoritate ab ejusdem ministris. Quare hi rationem de modo gestionis suæ illi reddere tenentur, neque excommunicationem decernere possunt, nisi de consensu Ecclesiæ saltem præsumpto. Hunc Ecclesiæ consensum primitus effective intervenisse discimus exemplo PAULI incestuosum Corinthium anathematizantis 1. ad Cor. Cap. 5. v. 3. & seqq. Ubi: Ego jam judicavi ut præsens, cum qui sic operatus est, in nomine D. N. J. C. CONGREGATIS VOBIS ET MEO SPIRITU &c. iradere hujusmodi Sarbanæ. Hic usus diu in Ecclesia servatus est &c.

Hoc in argumento, quod *sortiten* adpellant Rhetores, propositiones singulæ ipsius FEBRONII repræsentatæ sunt verbis; nexus est evidens; conclusio tam perspicue ac necessario sequitur, ut nullis præstigiis eludi possit. Et dubitabit post ista quispiam, quid senserit? Dubitabit, dixerimne ego vere, quasi desperabundum ac furentem coniecisse se eum in barathrum; & quod nihil jam addere vereor, a capite ad calcem Janseniano luto esse perspersum?

Sequitur itatim: *Hic usus* (convocandi populum scilicet exemplo PAULI, ac rogationem faciendi: & quidni per formulam: VELITIS, JUBEATIS?) *diu in Ecclesia servatus est; plura ejus vestigia apud CYPRIANUM inveniuntur; demum autem excommunicandi facultas Episcopis reservata fuit.* (24)

Quænam ista apud CYPRIANUM vestigia? Non indicat. Sed nihil nobis difficile est odorari, quibus adsuevimus, quotidiana fercula JANSENITARUM. Duæ sunt CYPRIANI sententiæ. Immo una est, in duabus notata literis de *lapsorum* causa: quos cum importunius aliqui, nec exomologesi ulla facta, ad Ecclesiam recipi, & donari pace postulavissent; scripsit Cyprianus, *rem caute ac moderate tractandam esse, consultis omnibus Episcopis, Presbyteris, Diaconibus, Confessoribus & ipsis stantibus LAICIS.* Quod ejus judicium Clerus Romanus collaudavit, (25) & adprobarunt ex Confessoribus MOYSES & MAXIMUS Presbyteri, NICOSTRATUS & RUFFINUS Diaconi, cæterique. (26) Proh! quantum crimen, si neglectus a FEBRONIO hic locus, nec saltem obiter facta mentio aliqua illius fuisset. Non intelligeremus adhuc, opinor, quid sentiret: nondum sciremus, quorum stipendiis militaret.

Demum, inquit, excommunicandi facultas Episcopis reservata fuit. Quod reservatum est Episcopis serius, id ab initio in solorum utique Episcoporum potestate non fuit. In quorum igitur? Jam vidimus: in potestate populi. Reservata est autem, non ut abdicaverit ab se populus totam potestatem: nam & etiamnum *administratio fit ejus nomine & auctoritate; etiamnum rationem tenentur populo Antistites reddere, nec excommunicationem possunt in aliquem decernere, nisi de consensu illius saltem præsumpto.* Quare non ea aliter reservata sit demum, necesse est, quam quod onus, molestiaque illa *relationis* condonata sit; *κρυψις* interim & adprobatio latæ sententiæ in populo manserit, sitque ad illum, ut olim Romæ provocatio. En doctrinam purissimam, *sanctissimamque* FEBRONII! en illam!

ubi

(24) FEBRON. l. c.

(25) Epistola inter epistolas CYPRIANI Edit. PAMELIANÆ XXXI.

(26) Epist. XXVI.

ubi nunc dii tui, vir innocentissime! ubi sunt? Surgant & opitulentur tibi, & in necessitate te protegant! Aut an nondum convictus es? nondum? Etiamne calumniam tibi inferimus?

VIII. Sed absit, obliviscar ego eorum, de quibus respondere institui. Si ita res est, inquiet aliquis, ac nulla cerussa potest elui JANSENIANA in isto homine labes ac hæresis; ecquei scribere igitur potuit, *Claves Ordini Hierarchico, aut Ecclesiæ in suo ordine Hierarchico, aut Corpori Apostolorum collatas esse? Quei istud: dari singulis personis Episcoporum? dari per characterem?*

Responsio facilis est, nec illa quæsitæ, sed a JANSENISTIS, hoc est, fratribus novi PROSELYTI nobis oblata. Cogitetur id modo quo nihil frequentius ab ipso FEBRONIO jactari solet, Claves cum datæ sunt PETRO, non tam ipsi, quam UNIVERSITATI esse traditas in PETRO. Tum ita pariter statuatur, cum sunt datæ Apostolis, UNIVERSITATI, fideliumque cœtui fuisse datas. Secernatur deinde usus, functio, & administratio a potestate: ac priora quidem tria relinquuntur Pastoribus, sic, ut hoc ipso, quod *Ordinationis* sacer ritus ex instituto Christi illis fuerit adhibitus, idonei atque habiles censeantur ad administrationem Clavium capeffendam. Sed potestas ac summa regiminis, aut quod ille mavult fortassis, quoniam verba sua sine dubio diligit, *proprietas* ipsa Clavium penes multitudinem relinquatur, ut olim Romæ majestas penes populum. Sic erunt apta & colligata omnia. Atque ita RICHERIUM nos supra secum colligavimus. HEXAPLORUM quoque Editor exponit his verbis factionis sensum: *Toti orbi perspecta est veritas, USUM, EXERCITIUM, & ADMINISTRATIONEM Clavium, quarum PROPRIETATEM in toto Corpore Ecclesiæ residere vidimus, ad Pastores & ministros ejusdem Ecclesiæ pertinere. Nihilque magis abs re est, quam calumnia Auctori Reflexionum a quibusdam impacta: docuisse eum, posse omnes fideles sine discrimine potestate Clavium uti: quam ille clarissime destruxit nigram calumniam, tam in libris, quos ante CONSTITUTIONEM UNIGENITUS, quam in iis, quos post eam conscripsit. (27)*

Equidem quod de calumniis heic iste declamat, futile est & commen-

h 4

titium

(27) Pag. 670. C'est une vérité reconnue de tout le monde, que l'usage, l'exercice & le ministère des Clefs, dont nous venons de voir que la propriété reside dans tout le Corps de l'Eglise, appartient aux Pasteurs & aux Ministres de cette même Eglise, & rien n'est plus mal fondé que les accusations injustes que certains personnages ont formé à ce sujet contre l'Auteur des Reflexions, comme s'il eût enseigné que *tout fidèle sans distinction peut user de ce pouvoir*: cette noir calumnie est détruite &c.

titium, refutatamque egregie ab Eminentissimo Bissio. (28) Neque enim quod QUESNELLO crimini a nobis datur, in eo, inquit, est positum, quod administrandam a quibusvis fidelibus Ecclesiasticam esse potestatem docuerit: sed quod potestatem ipsam residere in toto Corpore Fidelium, nec administrari eam posse a primis Pastoribus, nisi nomine & de consensu totius corporis.

Idem de FEBRONIO nos dicimus. Alioquin si ille vere non modo functionem & usum, sed potestatem proprietatemque ipsam Clavium una cum charactere dari Episcopis censuisset; nunquam nisi amens potuisset scribere, administrationem earum fieri auctoritate ac nomine multitudinis; & huic rationem teneri Præsules de modogestionis suæ reddere; neque excommunicare, nisi de consensu illius saltem præsumpto, aliquem posse: quodque sic addit ibidem: successu temporis excommunicationes degenerarunt in abusum: oblivioni traditum fuit, Ecclesiam Clavium PROPRIETARIAM, barum USUM suis Ministris TANTUM CREDIDISSE pro spiritali bono suorum membrorum. Quibus verbis Episcopalem universum Ordinem, vindictamque, ut loquitur, & avaritiam & ambitionem Episcoporum perstringit.

IX. Verum si ita res est, inquiet aliquis, ac Ordinatione saltem & ab ipso Christo definitis ritibus initiari, reddique habiles Ministri debent ad gestionem Clavium capeffendam; neque FEBRONIUS, & IPRENSIS factio id negat: non videtur Democraticum manere regimen Ecclesiæ? Est autem adleveratum a me, in hac hæresi cubare FEBRONIUM, neque ad opinionem, sed ad evidentiam demonstrari a me illud posse. Qui hunc scrupulum moveat, næ is parum versatus sit hoc in genere quætionum, parumque sciat, quibus ex rebus regiminum ipsa genera ac formæ constituendæ sint. Neque enim cum de re publica quæritur, ad quam formam revocari ea debeat; Ministrorum habetur ratio, quibusve dotibus, quibus ornamentis sint præditi, quibus ritibus ac cæremoniis initientur. Ac ne ad leges quidem respicitur, quibus continetur, aut sese continet communitas. Ut enim naturalis est lex, cui, qualiscunque sit demum, derogare nulla unquam communitas potest: sic a Deo, cui omnes parent societates, positivis, quemadmodum vocant, seu arbitrariis quibusdam legibus potest adstringi res publica. Verum hæc atque similia, cum de forma regiminis disputatur, ad rem non sunt. Sed id solum quæritur, penes quem summa hæreat gubernationis; quis Ministros designet, quis potestatem, potestatisve partem idoneis; ac si est opus, initiatis impertiat, & rationem ab

(28) *Traité Theologique sur les 101. propos. pag. CXIX.* Ce qu'on lui reproche, ce n'est pas d'avoir dit que ce pouvoir devoit être exercé par les simples: mais d'avoir dit que ce pouvoir reside dans le Corps entier des Fideles, & qu'il ne peut être exercé par les premiers Pasteurs, qu'au nom & du consentement du Corps entier des Fideles. C'est sur cela qu'il falloit se justifier; mais il n'avoit garde de le faire. &c.

ab iis reposeat, adprobetque aut irriter adfensione vel dissensu suo, quæ faciunt: & ut brevissimis dicam, ubi tribunal sit ultimum, quo provocari possit. Ea vero omnia in *multitudinem*, *Christianorumque universum cætum* contulisse FEBRONIUM, puto sic me effecisse demonstrando ut nihil sit certius. Quid enim tricabitur? quid? Quodsi erunt tamen, qui accuratius a me ista disputari, quam pro captu & ingenio illius, putent, malintque aut minus eum acutum existimare, quam ut tam longe prospiciat, aut nimis socordem, negligentemque, quam ut nexum & coherentiam inter se rerum, quas scribit, consideret; sed *παραβολον*, & in agendo præcipitem, ut quidquid reperit, recte an improbe, a Catholico, hæreticove positum, temere ac sine delectu infarciat: qui sic, inquam, de eo sentire malint, non vehementer ego illis resistam. Satis mihi est, hæreseos tenere hominem: teneo autem, nisi me nimium diligo. Quodsi pugnantia præterea scripserit, templumque Dei cum *Dagon*, Christum cum *Belial* imprudens conjunxerit; erit ille quidem non averſandus modo, verum etiam ridendus: tum mihi vero tanto minus verendum erit, ne adsecutus, quod demonstraturum me esse receperam, non satis videar. Nam & illa pars *primi theoremat*is erat, identidem secum ipso eum configere, & vertumnum vertumnum præ illo non esse.

X. Cujus sane rei illustre heic mihi occurrit exemplum: quod quia supra effugerat, non importune hoc erit loco commemorandum. Ostendi, quemadmodum ex RICHERIO exscripserit, proque suo jactaverit, Christum, cum post resurrectionem suam dixit: *Sicut misit me Pater, ego mitto vos: accipite Spiritum sanctum*, IMMEDIATE, INDIVIDUE & COLLECTIVE non solum Apostolos, sed & SEPTUAGINTA DISCIPULOS misisse: in Apostolis porro *Episcopalem*, in Discipulis *Presbyteralem* ordinem fuisse repræsentatum. Quam nos hæreticam esse opinionem cum PETAVIO ibidem diximus: quoniam fit inde necessaria consecutione, Presbyteros Episcopis pares esse. Admirare jam vero inconstantia prodigium! Innuerat *Coloniensis Universitas*, si origo remota spectetur Ecclesiasticæ Jurisdictionis; eam totam a Deo esse, atque ita omnes, etiam Parochos a *Spiritu sancto esse positos regere Ecclesiam Dei*. Quo quidem nihil verius dici potest ac certius. Sed ille tamen *homo ferus*, *cujus manus contra omnes*, vellicandum hoc sibi *Universitatis* Decretum, immo corrigendum esse putavit. Itaque Christum eodem ipso JOANNIS loco, cum dixit: *Sicut misit me Pater, & ego mitto vos*, solos Apostolos, & Successores eorum Episcopos misisse ait, & potestatem remittendi peccata iis dedisse. Episcopos vero *iisdem* verbis ordinasse Presbyteros, & absolvendi eadem facultate eos donasse: sed *reservata sibi*, quemadmodum loquitur, *prævia missione ad excipiendas*

confessiones. Quamobrem Episcopos *immediate* a Christo, Presbyteros vero, non nisi mediate ac per Episcopos *missionem suam*, id est, jurisdictionem accipere: nec enim jurisdictionis saltem expedita sine subditis est; *Presbyter autem sine missione Episcopi non habet subditum.*

Non ego de arrogantia hominis sane puerili heic conquerar, cum *Universitatem* docere multis instituit, quod ipsa paucis ac nitide sic dixerat totum: Presbyteros ab Episcopis ita constitui, ut olim Titus ex mandato Apostoli in Insula CRETA constituit. (29) Non accusabo, quod *Ordinationis* formulam in iis verbis: *Accipite Spiritum sanctum*, esse positam, sumat: quæ mihi falsa est semper visâ opinio: & ut probabilis sit; a limato Theologo tam præfractæ adscribi non debuit. Quæro id solum, tam pugnantia, tam opposita, tam ad contradictionem implicata manifestam, quæ ab uno ore, vel ab uno calamo prodire potuerint? Si Apostoli *soli*, & in iis Episcopi *immediate* sunt missi; an esse verum potest, septuaginta Discipulos, in iisque Presbyteros una cum Apostolis *immediate* missos esse? Ac si IMMEDIATE, INDIVIDUE, COLLECTIVE cum Apostolis Discipuli, cum Episcopis Presbyteri missi sunt, estque missioni Christi missio similis amborum, & missi sunt, sicut Christus a Patre missus est: quis quæso hominum hæc capiet duo: habere Episcopos quidem missionem ex sese ac subditos; Presbyteros nec missionem habere nec subditos?

Ingravescet turpitudine contradictionis juxta ac nupera hæresis, si, quod scriptum alibi a JURISCONSULTO hoc fuit, in memoriam revoce-
tur. Etenim in primo tomo, cum id operam dedisset cum SPALATEN-
SI Apostata, ut enervaret, quo ad *Prinatum* Divi PETRI comproban-
dum uti Majores nostri consueverunt, Evangelii locum illum, *Pasce*
agnos meos, pasce oves meas; postremum in hæc verba claudit disputa-
tionem: "Contineat de reliquo verbum *Pascendi* PETRO dictum, quan-
" tamcunque auctoritatem ac potestatem, non repugno. Hoc conten-
" do, nullam verbo *Pascendi* inesse, quæ non æque, immo amplius
" contineatur illis Christi dictis ad omnes Apostolos: *Sicut misit me*
" *Pater, & ego mitto vos.*" (30) Ubi vis argumenti in comparati-
one, quam Christus instituit, missionem Apostolorum cum missione
sua contendens, a FEBRONIO ponitur; atque adeo cum plenissima mis-
sos.

(29) UNIVERSITAS in *Judicio Acad. de libro FEBRONII*: supra Pastores Episcopi —
anaplori supra illos potestate, cum illos constituent, sicut Titus apud CRETENSES. Apud
FEBRON. tom. II. pag. 35.

(30) Tom. I. Edit. 2. Cap. I. §. 3. N. 3. pag. 22.

fos potestate omnes Apostolos, inde confici putat. Quare si eadem Christi verba ad septuaginta Discipulos juxta ac Apostolos, & ad Presbyteros æque ac Episcopos dicta sunt, fuitque una & immediata utrorumque missio, & *individue ac collective*, proque *indivisa* potestatem, Jurisdictionemque illam amplissimam utrique consecuti sunt: certe quemadmodum Apostoli omnes PETRO, & Episcopi omnes summo Pontifici; sic omnes Discipuli, in iisque Presbyteri & PETRO, & Apostolis, & Episcopis & Pontifici Maximo pares auctoritate, potestate, Jurisdictione, regendique finibus dicendi erunt. En hæresin in eodem cum Parochis fastigio, hoc est, summo! Compose nunc tu, quisquis ista legeris, cum iis, quæ de Presbyteris ac Parochis scribit postea in eodem libro, sic, ut superiora neque signo neque verbo revocet: annon monstrum dicturus es, portentumque inconstantissimi, & obliuiosissimi hominis? sed operæ pretium erit, verba ipsa, quibus ut telis quibusdam propriis in se incurrit, adscribere: (31) quod nisi fiat, neque erubescere unquam discet, neque ad frugem & Sanitatem revocabitur. I §. III.

(31) EXEMPLUM CONFLICTUS PERINSIGNE.

FEBRONIUS *adstruens* Tom. III. pag. 9.

Dominus noster Claves Ecclesiæ in suo ordine Hierarchico contulit Joan. XX. *Sicut misit me Pater & ego mitto vos: Accipite Spiritum sanctum, quorum remiseritis &c.* Cum missio vera & realis sit collatio jurisdictionis juxta illud ad Rom. X. *Quomodo prædicabunt, nisi mittantur?* Christus omnes Apostolos atque Discipulos, qui Episcopalem & PRESBYTERALEM ordinem referebant, IMMEDIATE, INDIVIDUE & COLLECTIVE misit, SICUT ipse a Patre suo missus fuerat, id est cum iusta & spiritali auctoritate ad regendam Ecclesiam necessaria.

FEBRONIUS *destruens* Tom. III. pag. 159.

Christus Joannis XX. V. 11. 12. Discipulis suis dando *missionem* eis dicens: *sicut misit me Pater, & ego mitto vos*, ipsos fecit Apostolos, quorum successores sunt Episcopi: Apostolatui sic dato annexitur potestas remittendi & retinendi peccata, & hoc cum dixisset, *insufflavit, & dixit eis: Accipite Spiritum sanctum, quorum remiseritis peccata &c.* Hanc potestatem remittendi peccata, quæ Apostolici muneris primaria pars est, Episcopi constitutis a se Presbyteris communicaverunt, eos eisdem verbis ordinando, sed salva ac *sibi reservata* semper prævia *missione* ad excipiendas confessiones, & reliqua, quæ ad Sacramentum penitentiae pertinent. Etenim si Apostolus ad Rom. X. dicat: *Quomodo vero prædicabunt, nisi mittantur?* a potiori dicendum: *quomodo peccata remittent, nisi mittantur?* sic Apostoli, eorumque successores Episcopi hanc suam missionem *immediate a Christo* acceperunt, Presbyteri eandem accipiunt *ab Episcopis*. Rationem suppeditat Concilium Trid. *Quia natura & ratio iudicii illud exposit, ut sententia in subditos duntaxat feratur. SINE MISSIONE AUTEM EPISCOPI PRESBYTER NULLUM HABET SUBDITUM,*

§. III.

FEBRONII de EDMUNDO RICHERIO fabulosa narratio refutata. Non-
nulla alia, quibus se ille involvit, & conflictatur secum misere:
Anacephalæosis, & summa Demonstrationis.

I. Quod de AMERICÆ quodam populo narratione accepi, adeo vo-
racem esse, ut quidquid, tamen si in recessibus sordidissimis, sive
ossium, sive corii, sive cadaverum forte repererit, confestim ori admo-
veat, dimittatque in latrantem & inquietissimum stomachum: idem mihi
de JUSTINO FEBRONIO posse dicere videor. Quid est enim tam absurdum
ac fetens, quod non ille corraserit? non deglutiverit? non digesserit?
Dabo specimen: quamvis non pauca & dederim, & toto opere meo da-
turus sim. Cum eruditissimus KAUFEMANSIUS objecisset, EDMUNDUM RI-
CHERIUM anno prius, quam vitam ederet, agnovisse *Apostolicam Sedem in-
fallibilem veritatis Judicem*; testemque ejus rei *Andream Duvallium* ma-
gistrum regium in SORBONA evocavisset: id quidem in *Apologia Adversus
quatuor Theologos* dissimulandum sibi JURISCONSULTUS putavit; sed in ter-
tio exinde tomo his est verbis conatus repellere: "verum, inquit, Colo-
nienſis Theologus ignorasse videtur fidem pessimam, & similem agen-
di modum, quo DUVALLIUS, & ministri CARDINALIS RICHELII, immisso
ficario & stricto pugione hanc retractationem a RICHERIO extorserunt:
quam ille ut primum sibi relictus atque libertati restitutus fuerat, invo-
luntariam declaravit, ac revocavit." (32) Divine profecto, ac tan-
quam ex machina.

Equidem ego, qui de *inerrantia* Romani Pontificis neque verba hacte-
nus feci, nec sum porro, nisi ad invidiam depellendam facturus paucissi-
mis, supersedere ab hujus fabulæ discussione possem; si non verendum
mihi esse perspicerem, ne, quæ de gravissimis & summi momenti rebus
a me sunt disputata, in suspicionem, calumniamque apud imperitos simi-
lem incurrant. Ac movet præterea imprudentia & pene stupor confiden-
tissimi hominis, qui cum esse judex omnium mortalium velit, tam a judi-
cio est ipse vacuus, ut posse crepundiis nos & commentis anilibus terreri
putet. Ajo igitur fabulam esse; ajo hominum esse, quorum ex ore pro-
dire verum non potest. Quod ut efficiam; quoniam HADRIANUM BAIL-

LETUM

LETUM consignasse literis illud facinus FEBRONIUS admonet; primum obiter id fumo, quod viri doctissimi, CUPERUS, STILTINGUS, STIKERUSQUE in *Actis sanctorum*, & GRAVESONIUS in *historia Ecclesiastica* adnotarunt, (33) fuisse BAILLETUM, quam immoderatum in reprehendendo, tam incuriosum & indiligentem in adprobando. Est autem tota ejus, quantum ad RICHERII hoc fatum, narratio ex MORISOTO mendacissimo scriptore sumpta. Ille igitur si impudenter mentitus est; BAILLETO ignosci quidem fortassis poterit; fidem ut ei adhibeamus, sexcenti FEBRONII non impetrabunt.

II. Sic vero MORISOTUS apud MAMACHIUM: " Compositum ab RICH-
RIO fuisse HENRICI BORBONII hortatu de *Ecclesiastica & Politica potestate*
librum. Graviter id tulisse URBANUM VIII Pontificem. Itaque primum
ESPERNONIO Duci, tum Cardinali RICHELIO promississe, ejus se filium,
hujusque fratrem in Cardinalium Collegium cooptaturum, modo eorum
auctoritate, potentia, artibusque RICHERIUS aut in Romanam potestatem
veniret: aut revocare, quæ scripserat, cogeretur. Susceptum frustra
hunc fuisse laborem ab ESPERNONIO. RICHELIO, qui Pontifici confir-
marat, eam rem sibi curæ futuram, usum fuisse JOSEPHI CAPUCCINI, qui
tunc Lutetiæ agebat, opera. Ab hoc igitur, qui hospitio Notarium Apo-
stolicum in Galliam ab URBANO missum exceperat, quibusque poterat
modis non minus Pontifici, quam RICHELIO satisfacere constituerat, Ri-
cherium ad prandium fuisse vocatum, imprudentemque, ac nihil tale
suspicientem oppressum, armatisque satellitibus adductis coactum, ut non
describeret modo, sed etiam probaret *παλιναδιαν* eorum, quæ libello
de *Ecclesiastica atque Politica Potestate* continerentur. Inde RICHERIUM
tremementem revertisse domum, cumque secum, quæ sibi evenerant, co-
gitaret, ad MORISOTUM scripsisse: indignum esse illius amicitia se, *ulti-
mum ei vale dicere; solvi se, fatalemque ignaviam pœnitentia & morte ex-
piare.* Hac scripta, *cliusa, obsignataque epistola cum inclinante se, ut*
ego, inquit, MORISOTUS, novissime accepi, in vicinum mensæ thorum, ca-
lumque aspicientem animam emisisse. " (34)

Hæc ex MORISOTO suis verbis (est enim factus ad elegantiam) vir ille doctissimus. Qui in GEORGIUM SCELHORNII hominem acatholicum non sine causa propterea invehitur, quod in epistolam ad Cardin. QUIRINUM MORISOTO locum illum, lectoribus rem gratam facturum, transulerit, ut quæ a Monarchicis Pontificiis in hominem grandævum gesta fuissent, of-
i 2 tenderet.

(33) Vid. Acta Sanct. Antv. Tom. I. Aug. pag. 358, 390, 392, 393. Tom. I. Sept. pag. 769. Tom. V. Sept. pag. 126. 134. 458. 636. GRAVESON Part. III. T. VIII. Colloq. V.

(34) MAMACH. Tom. V. Originum. Pag. 253. Locus autem, ubi narrat ista MORISOTUS est in epist. IX. ad Courtetum, in Centuria II.

tenderet. Quod quidem tam indignum viro & sapiente & bene morato esse censet, ut ferri nullo modo posse videatur. *Sapiens enim beneque moratus qui est, nunquam committet*, inquit, *ut ipsum quisquam circumventum fuisse mendaciis, quæ facile possint detegi, arbitretur.* Recte: nec ego improbo viri gravissimi Judicium, sed laudo. Puto levius tamen ferendum, hominem a sacris nostris alienum ista peccare: quoniam nec novum est, nec fieri aliter propemodum in animorum quasi congenita aversione potest. De Catholico autem scriptore, immo Apostolo, quid quæso dicemus? Nisi forte id quæri non debet, quod frustra quæritur? sit. At nobis saltem, ne ille alios possit porro decipere, qui præ odio in summos Pontifices tam se libenter est passus decipi, danda opera erit. Adscribemus igitur primum, quæ a MAMACHIO observata sunt; tum pauca alia adnotabimus.

III. " Quis tam est ignarus, ait, RICHERIANÆ historiae, ut non animadvertat, MORISOTI epistolam plenam esse mendaciorum? Imprimis
 " anno 1631. RICHERIUM decessisse constat. Quæ igitur confidentia MORISOTI fuit, ut perinde, de RICHERIO ageret, ac si anno 1633.
 " supremum clausisset diem? Ille enim 1633. anno epistolam ad COURTETUM dedit, quæ sic habet: *Fam vita RICHERII nostri terminata est.* Et paulo post: *quibus scriptis, clausaque & obsignata epistola, ut ego novissime accepi...* pressam recenti malo animam emisit. Quemadmodum autem novissime accepi dixisset, nisi anno, quo scribebat, obiisse RICHERIUM putasset? Expectasse vero tamdiu amicos, ut de re tanta virum RICHERIO devinctum certiores facerent, suspicari qui possumus? Deinde quid illud est, quod addit de *recenti malo*? Annon RICHERIUS anno 1629., hortatu RICHELII, proponente JOSEPHO CAPUCCINO, declarationem scripsit, annoque 1631., biennio nempe postea quam scripsit, interiit? Non ergo, si ullum fuit unquam, tam recens id malum fuit, ut ejus, non ætatis, adversæque valetudinis causa, homo grandævus & gravissimo, diuturnoque nephritidis morbo laborans, periret. Neque est verius, quod idem adjungit MORISOTUS, *pervenisse ad extremam senectutem, nempe ad annum ætatis suæ 84.* RICHERIUM. Anno 1613. die 22. Novembris, ut est in ejus testamento, ætatis ille annum agebat quinquagesimum tertium *cum mense uno & duobus ac viginti diebus.* Quare anno 1631. quo certe obiit, annum ætatis 71., non 84. numerarit, necesse est. Qua quidem ex re intelligitur, tam indiligentem virum, qualis MORISOTUS fuit, ut neque quot tunc annos natus RICHERIUS fuerit, neque quo æræ Christianæ anno e vita migraverit, nec quorum

" causa

" causa, quo suo sensu, quibus modis, quo tempore declarationem pro-
 " baverit, sciret; amici RICHERII nomine fortasse vix, scriptoris autem,
 " cui sit credendum, auctoritate, ne vix quidem dignum videri.

Haecenus ille. Qui id sumit, & pro eo ac debet, habet certissimum, quod publicis tabulis & instrumentis compertum est, RICHERIUM, cum extremo morbo ac letho decumberet, viaticoque a Pastore sumpto, ad Creatori reddendam animam se comparasset, palam & libere fuisse professum, nullius se hominis metu, nullius gratia, sed sponte subscripsisse *declarationi*, atque esse, si ira res polceret, ad repetendam illam paratissimum. Quod quidem documentum DUVALLIUS, quo viri famam apud posteros vindicaret, suo contra VIGORIUM libro inseruit. (35) Est autem nebulonum instru-

i 3

menta

(35) Anno Domini millesimo sexcentesimo trigesimo primo; die nona Decembris coram me PETRO le GAY sanctae Sedis Apostolicae, & Curiae Archiepiscopalis Parisiensis Notario, debite juxta Edictum Regis immatriculato, Parisiis in vico nostrae Dominae &c. & in praesentia testium infra nominandorum: comparuerunt Magistri LEONARDUS FOURMENT Presbyter Curatus Parochiae sancti Joannis Evangelistae Collegii Cardinalis Monachi - - - CAROLUS TERNOIS etiam Presbyter & Theologiae Baccalaureus - - - & JOANNES DE TOUR Presbyter, Doctor Theologus - - - Qui pro salute & unione Ecclesiae, sanctae Sedis Apostolicae honore, & ut integra praedicti Collegii fama conservetur, credentes se in conscientia adstrictos esse ad testandum & declarandum, quod acceperunt & audiverunt a Vener. Viro Magistro EDMUNDO RICHER - - - super declaratione libri sui *de Ecclesiastica & Politica Potestate*, ab eo a duobus annis habitae, nec non protestatione & submissione sua iater manus DD. Emin. Cardinalis Richelieu, vivendi & moriendi in obedientia sanctissimi Domini nostri Papae, ad obstruendum os maledicentium & calumniantium contra memoriam & famam atque sana consilia dicti defuncti RICHER, ea quae sequuntur, declarant & restantur. Scilicet praedictum RICHER sponte & absque cujusquam impulsu & requisitione significasse, & constanter affirmasse, praedictam suam declarationem & protestationem a se cum amplissima libertate & plenaria voluntate, nec non absque cujusquam respectu factam fuisse, & nullas minas, nullasque promissiones vim ullam apud se unquam habuisse &c. - - - Insuper testantur praedicti Fourment & Ternois: se mense Augusto nuper elapso cum ipso RICHERIO post resolutionem ab eo captam sustinendi incisionem, seque propterea ad mortem preparandi, pro debito sui officii de praedicta declaratione & protestatione egisse: qui quidem ea quae supra sunt exposita, eis reiteravit - - - & eos esse suos inimicos declarabat, qui rumorem spargebant se praedictam Declarationem invitum, & contra voluntatem aut sententiam suam, seu propter reverentiam atque respectum erga praedictum Dominum Cardinalem de RICHELIEU fecisse & habuisse. De quo quidem testimonio praedicti Domini comparentes &c. - - - Acta sunt in domo mea &c.

Apud DUVALLIUM in *Tract. de suprema summi Pontificis potestate* ab initio.

menta publica confingere: in Magistrum SORBONÆ, Professoreque regium neque cadit, neque credi de eo ulla ratione potest.

IV. Quid? quod de DUVALLIO in annalibus ita scripsit BRIETIUS, virum fuisse *doctissimum juxta atque sanctissimum*; & cui semper parem *Academia illa nobilis sit optatura*. (36) Non est autem sancti, ac ne docti quidem hominis, quod sponte non datur, vi ac per sicarios extorquere. Quodque jocularum magis, ac plane ridiculum reddit fabulam; ea tempestate CARDINALIS RICHELIVS summa rerum in Francia potiebatur: habebat Regem in manu, ut filium parens; tum Optimates, & Aulæ præcipuos quosque, si infestos suis consiliis sentiret, submovebat: quid illi insidiis opus? quid dolo? quid sicariis? Quamquam est aliunde a viris magnis nihil tam alienum, quam more latronum agere, cum iis præsertim, quos habere, quoties voluerint, in potestate sua possunt.

Et quo bono suo RICHELIVS, DUVALLIUSQUE tantum probum molitui sint? Si fuisset carceri RICHERIVS mancipatus, consortioque hominum omnino submotus; potuisset non sapientibus quidem, sed plebi, & insanis mulierculis ad suspicionem videri rumor propensior. Sed ille liber erat, agebatque cum literis & amicis suis. Quin ut est apud MORISOTUM, invitatus ad prandium fuerat, & inde, ut venerat, remissus. Quid? an sperari poterat, taciturnum de illata injuria, ac ne familiaribus quidem, quid evenisset sibi, narraturum? Palinodia verò, quam pugione extortam esse constaret, quid juvare poterat? Hæc quidem *palpabilia*, ut ita dicam, sunt, nescioque, quemadmodum ignorari ab eo viro potuerint, qui est ipse, si mihi recte descriptus fuit, ad omnem astutiam, calliditatemque factus.

V. Atque ut nunc nugis illis remotis, quid in re sit, Lector sciendi cupidus intelligat; ex *Trivoltianis monumentis*, (37) quemadmodum actum cum RICHERIO fuerit, exponam breviter. Ille postquam anno MDCXII. Kalendis Septembribus de gradu syndici dejectus fuerat; quietus deinceps vixit usque ad annum MDCXVII. Eo enim anno M. ANTONIVS de DOMINIS suos de *Republica* libros evulgavit: qui quod apud SORBONAM vadimonium se obitutum scripsisset, UNIVERSITAS interesse honoris sui arbitrata est, ferre Judicium de iis libris. Invitatus fuerat a DUVALLIO RICHERIVS, non interesset modo una cum Collegis suis Erudito senatui, sed refutandos in se ipse susciperet SPALATENSIS libros: hinc enim occasionem fore percommodam, quæ in suo ipse opusculo dixisset durius, interpretatione emolliendi. Verum respuit ille opportunum consilium.

Quin

(36) Annal. Tom. VII. pag. 48.

(37) Vulgo, *Memoires de Trevoux* tom. I. ad annum 1703. pag. 15. & seqq.

Quin est eo progressus, ut quæ UNIVERSITAS de SPALATENSI decreverat, eorum non ipse pauca reprehenderet. Ea res novis molestiis hominem implicavit. Tandem excerpi sibi e libello suo petiit, quæ potissimum offenderent. Quod cum non impetraret; sed generalis a Cardinalibus ROCHFUCALTIO & RHETSIO, quorum iste post JACOBUM PERRONIUM, magnus Eleemosynarius, hic Parisiensis erat Archiepiscopus, & ab SORBONÆ Doctoribus quatuor confecta, probataque formula, quam universæ subscriberet, ei offerretur; negavit primo id se facere posse. Demum anno MDCXXII. pridie Kalendas Julias suapte sponte coram Notariis Declarationem edidit, qua contestabatur, " non se alio animo anno MDCXI. libellum suum de *Ecclesiastica & Politica Potestate* evulgavisse, quam ut quæ Veteris SORBONÆ Doctrina esset, intelligeretur. Scire interim se, in partem malam fuisse nonnulla eorum, quæ scripsisset, accepta. Itaque subjici ab se & sese ipsum, & librum, & doctrinam omnem suam *sanctæ Sedis, Catholicæque, Apostolicæ & Romanæ Ecclesiæ* judicio. Id molestum sibi accidere, quod contra animi sui sententiam, de auctoritate summi Pontificis, & Episcoporum detraxisse nonnullis videatur: quo quidem sensu quidquid acceptum sit, condemnari a se, sicut & alium quemcunque sensum doctrinæ Catholicæ, Apostolicæ & Romanæ Ecclesiæ contrarium.

Anno MDCXXIX. cum in gravem morbum incidisset; exempla nova hujus Declarationis divulganda curavit: quæ res ansam CARDINALI RICHELIO dedit, ampliorem, disertioreque ab eo aliam petendi. Quamobrem VII. Idus Decembris ejusdem anni in palatium Cardinalis se RICHERIUS contulit, ac præsentibus duobus testibus, TALONIO Parocho ad S. Gervasium, & JOSEPHO Capuccino, Declarationem alteram conscripsit, cujus hæc summa erat. " Voluisse semper ac velle se, ut libellus, propositionesque illius quæcunque, & earum interpretatio, ac tota doctrina sua *Ecclesiæ Catholicæ Romanæ & sanctæ Sedis Apostolicæ* judicio subjiciatur. Hanc ab se *Matrem Magistræque* omnium Ecclesiarum, & infallibilem Veritatis Judicem agnosci. Doloze vehementi se corripit, propterea quod propositiones aliquæ in suo libello sint ita conscriptæ, ut offensionis occasionem dederint, fuerintque, qui diminutam summi Pontificis, & Ecclesiæ Præsulum justam legitimamque potestatem esse pertenderent. Hujusmodi quidem propositiones, *quatenus Ecclesiæ Catholicæ, Apostolicæ & Romanæ* judicio, ut SONANT, contrarias improbari ab se vehementer & condemnari. Idque se sponte ac libere facere. " Denique his non contentus, cum intelligeret, esse etiamnum, qui haud satis liquido & explicate retractationem fuisse conceptam descriptamque dicerent; novam rursus uberioreque & clariorem adornavit, eamque

eamque in Musæo suo reliquit moriens. Hanc laudat TOURNELIUS, (38) prope totam vero P. FONTANA exhibet (39) ac nos superius ex illa quædam excerptimus.

Quid plura? verissimum est, quod Anonymus quidam scripsit, putum ac putum esse mendacium, & omni indignum fide, quidquid de illata RICHERIO vi disseminavit in vulgus Jansenistarum factio. (40) Quocirca ne is quidem, a quo *portatile* est editum *Dictionarium*, auctor minime suspectus mentionem sibi fabulæ istius faciendam esse existimavit. (41)

Et vero quis faceret? nihil in ea non ineptum, non anile, non stolidum. Equidem a MORISOTO quemadmodum narretur, quoniam ad manum mihi hujus epistolæ non sunt, quamvis aliunde, cujus nominis sit iste Scriptor, probe sciam, ex MAMACHIO retuli. Est autem in HEXAPLIS eadem descripta fabula: fateorque, si non scissem, quam experimentis innumeris comprobatum sit, quod de JANSENISTIS quotidianum est in Gallia proverbium; potuisse hoc me uno exemplo ita convinci, ut verissimum esse nequaquam dubitarem. (42) Imprimis a CARDINALI RICHELIO ad prandium invitatum esse RICHERIUM scribit, atque edidisse istic, quam revera edidit *Declarationem*. Sed cum subinde rumor percrebresceret, non declarasse illum modo, qua animi sui sententia scripsisset; sed quod scripserat, retractasse etiam, erroremque, in quem inciderat, reipsa professum esse: tum vero publicis literis eum intercessisse, contestatumque; quoad viveret, in eadem se persistiturum sententia. Eam ob causam magna invidia oneratum fuisse CARDINALEM RICHELIUM, quod rem segnius ageret, & majorem unius Magistri, quam summi Pontificis habere videretur rationem.

Id enim vero tulisse istum ægerrime: quare, quod momentis rationum hactenus nequierat, extorquendum vi sibi decrevisse. DUVALLO igitur dedisse in mandatis, hominem ad prandium rursus invitaret apud JOSEPHUM CAPUCCINUM, armisque ac satellitibus, ut palinodian, quam ille nec viderat, nec legerat, signaret manu sua, invitum ac reluctantem compelleret. Et sic cætera, quæ ad marginem, ut sunt, verbis non quidem gallicis, quod ab initio decreveram, sed latinis, quo ab omnibus intelligi possint, adscripsi.

(38) De Ecclesia Tom. II. Q. 5. art. 2. pag. 48.

(39) Vid. adnotata superius art. 1. §. 2. ad N. IV.

(40) Dictionnaire des livres Jansenistes pag. 273.

(41) Dictionnaire Portatif. Verbo, RICHER.

(42) De hoc proverbio Illustriss. Patriarcha Occidentalis Lusitanus in Epistola ad Episcopum Nemausensem data Ulyssipone 28. Septemb. 1717, *Si semper*, inquit, *alias, nunc maxime vera illa est paræmia inter Gallos trivissima*, NEMO JANSENISTIS MENDACIOR.

adscripti. (43) Sum enim certus, a nemine, in quo scintilla est sani iudicii, posse legi sine contemptu ac risu. Unum heic quæro tantum, ubi gentium, ubi terrarum reliquæ aut fragmenta illius sint formulæ, quam neque visam, neque lectam abs se unquam RICHERIUS inter gladios heinc inde strictos signaverit? Certe enim, si cui bono instructus sit ludus iste, aut vero tragœdia (nam tragœdiam opinor mavult misericors FEBRONIUS) ostendi publice, & disseminari in vulgus, aut saltem Romam exemplum ejus retractationis mitti debuit. Quis vero vidit? Ubi servatur? Sed jam ultra, quam satis erat, de his nugis. Scribe igitur fratribus tuis, *vir consultissime*, ut si deinceps tibi suppetias mittant, tales mittant, quas in aciem educere possis; non te figmentis pugnare cogant, quæ vel ad eolum delira anus irrideat.

K

VI.

(43) *Hexap. Tom. VI. pag. 500.* Invitat itaque DUVALLIUS, Cardinale sic volente, RICHERIUM ad prandium apud P. JOSEPHUM, illud obtendens, cupere Cardinalem certum quoddam controversiæ punctum discuti, deque eo accuratius edoceri. Surgit CAROCCEUS de mensa, chartamque protrahit, in qua conscripta jam erat retractationis formula. Hanc RICHERIO objicit, voceque insolitum plane in modum elevata (quod quidem signum erat, quo homines scelerati, quos ad consilium suum exequendum pecunia emerat, monerentur) *jam nunc*, inquit, *aut moriendum tibi, aut librum retractandum scito*. Vix ea dixerat, cum sicarii adparent, in RICHERIUM involant, arreptoque quisque hominis brachio, fulgentem uterque gladium; hic ante, ille retro, ostentant. Hæc inter P. JOSEPHUS chartam manui subjicit, spatioque omni aut colligendi sui, aut legendæ scripturæ negato, signare illico, quod placebat, jubet. Terror subitus hic atque improvisus, quo certa ab latronibus intentata mors hominem percussit, adeo omnem non oculorum modo, sed & rationis usum eripuerat; ut quamvis, quid a se factum, signatumque, nesciret, suæ tamen doctrinæ retractationem signatam a se arbitraretur. Id vero tantum bono viro dolorem attulit, ut discedere illico, referrique domum debuerit. Heic ille exhorrescens ad scelus suum (sic enim nominabat, quod non sponte egerat) in lectum se conjicit: nullus gemitum, nullus lachrimarum finis: cumque indignum se porro, qui viveret, exclamaret; Deum precatur: siquidem labi se in extremis hisce periculis permiserit, spontaneum vitæ sacrificium, quam in flagitii expiationem ultro offerret, benignus acceperet. Timens deinde, ne adversarii actionem hanc suam aliter, quam gesta res fuerat, referrent; id sibi omnino faciendum judicavit, ut, priusquam vis morbi prohiberet, suis ipse verbis historiam omnem DICTARET: conscripta deinde ejus exemplaria, ipse omni adcuratone revisit, suæque SIGNATA manu mitti ad amicos voluit.

Satis apte informatum mendacium, quod DICTASSE scribitur: nam si manu sua exarasset, authographum posceretur. Sed illud tamen dolendum, quod saltem *verbis suis* dictaverit, descriptamque suamet manu *signaverit*. Heinc enim & verba RICHERII, & subscriptionem requirimus. Ubi sunt? nusquam: sed ibi, ubi fabulæ de AMEROSIO DE GEYS, de P. JANSSENS, P. GIRARD, P. CHAMILLARD, infinitæque aliæ, de quibus videndus liber: *Veritas Concilii Burgesis* Tom. II. pag. 113. ad 145.

VI. Sunt autem & alia a te quædam de RICHERIO parum caute scripta, & in tuam perniciem: de his breviter commonere te habeo. Imprimis postquam fabulam: quam explosi, narraveras, ad primum dimittis nos totum tuum, ejusdemque, editionis secundæ, paginam septingentesimam septuagesimam septimam. Illic vero amico cuidam tuo respondes, *distare te toto cælo a causa SARPII atque RICHERII: illos enim osiores fuisse Papatus, & inimicos Pontificum, LUTHERUMQUE & CALVINUM habuisse ductores: non ita te, qui S. BERNARDUM sequi cupias.*

Quantum ad SARPIUM, in præsens tibi molestus non accidam: De RICHERIO autem cum ita differeres; tui compos profecto non eras. LUTHERUM, inquis, CALVINUMQUE ille habuit duces. Si alicubi habuit; habuit tum certe, quando propositiones scripsit quatuor a TOURNELIO relatas, & a nobis, quod tu ita jussisses, superius adscriptas, Hæ enim sunt, quæ Galliam offenderunt, & quas una *cum expositionibus & allegationibus, pro falsis, erroneis, scandalosis, & ut sonant, hæreticis, schismaticisque damnavit SENONENSE Concilium.* Deque his ipsis in tertia palinodia sua RICHERIUS, alienas eas esse a salubritate Catholica, confitetur. Et imprimis de illa, qua *Ecclesiæ a Christo Claves proprie & essentialiter fuisse datas scripserat, Pontificem vero & Episcopos instrumenta, Executores, ministros esse tantum potestatis istius: diserte, fatetur, ex putridis LUTHERI & CALVINI fontibus se eam hausisse.* Denique quod Episcopis æquarit Presbyteros, *hæreticum ipse & schismaticum esse dicit.*

Age nunc, bone! quæ est omnium istarum thesion, quam non defensam a te ego, exscriptam, & iisdem propositam verbis demonstraverim? quam non ipsis oculis Lectorum meorum exhibuerim? Non igitur hilo, non apice; non puncto, minus toto, quod ais, cælo a RICHERIANA tua distat causa. Quod si est RICHERII igitur probum, quod LUTHERUM, CALVINUMQUE secutus sit, & eos duces habuerit; de te quid dicemus? Quamquam næ tu homo mirabilis es! Improbabas, adprobabas; ais, negas; formas te vertis in omnes:

*Utque, ubi nulla fugam reperit fallacia, victo
Mens redit, atque hominis tandem fari incipis ore:*

Sic tui vix uno momento es similis; verum continuo
Omnia te *rursum das* in miracula rerum,
Ignemque, horribilemque suum, fluviumque liquentem.

VII. Quod ut tanquam in speculo videas (si tamen vel tantillo spatio temporis esse tuus & idem possis) dabo operam. Adverte animum, si lubet! In hoc ipso paragrapho, ubi, quemadmodum dicebam, ad primum

nos mittis tomum tuum, videreque, quæ de RICHERIO ibidem dixeras, jubes; aliquanto superius *Adversarium Italum* (44) pugnantem contra te exhibebas, objicientemque sic tibi ex PETAVIO: fuisse summam RICHERIANÆ doctrinæ: *Christum fundando Ecclesiam prius immediatius atque essentialius Claves sive Jurisdictionem toti dedisse Ecclesiæ*; atque ita deinceps, ut etiam a nobis in initio hujus capituli eadem verba sunt recitata. Tum ita respondebas: *Adversum hæc ego CAPUCCINO nostro Italo audeo reponere: RICHERII systema quoad hæc neque novum esse, neque insipuum; sed hanc ejus doctrinam VERAM, PIAM & statui ac instituto Ecclesiæ conformem.*

Itane? Venimus huc lapsis quæsitum oracula rebus? Doctrinam veram? Piam? consentaneam statui institutoque Ecclesiæ? Atqui si ita res est, ostendam ego, in toto libello RICHERII nihil Jure ab Galliæ Episcopis reprehensum, damnatumque esse. Tu autem osorem eum fuisse *Papatus & inimicum Pontificum*, & LUTHERUM, CALVINUMQUE habuisse duces, non affirmabas solum in tomo primo, sed etiamnum, quoniam eundem heic citas tomum ac locum, adfirmare non desinis. Hærentne hæc? Age, non te pigeat, audire disputantem me de hoc breviter. In duabus rebus versatur RICHERII libellus: nam & de *Ecclesiastica* & de *Politica* tractat *Potestate*. Ac de posteriore quidem differens Auctor solerter admonet, *reddenda Cæsari esse, quæ sunt Cæsaris, Deo, quæ Dei sunt*: neque fas esse alterutri potestati in jura alterius involare. Quæ ille ex LUTHERO, CALVINOQUE profecto non didicit. Quodsi exponens subinde, evolvensque axioma alioquin verissimum, excedere nonnullis visus est, ac dare plusculum Principibus (de quo neutram in partem disputo) non id ad rem est præsentem; quoniam constat, haud isto nomine fuisse libellum damnatum; sed, ut BRIETIUS est testis, & HEXAPLORUM scriptor, damnatum fuisse, *salvis Juribus Regis, & privilegiis, quas libertates vocant, Ecclesiæ Gallicanæ*. (45) Quamobrem reprehensionis & damnationis pondus in eam incubuit libelli partem, quæ *Ecclesiasticam potestatem* spectabat. His autem positis, adsumptisque, ne sim prolixior, conficiamque, quod volo, brevissimis; disceptatore utar non alio, quam te. Ex te discam, quid *perperam*, quid *sinistre*, quid *falso* scripserit? quid reprehensum ac damnatum jure? in quo LUTHERUM ille & CALVINUM habuisse Duces videatur?

In eo, inquis, ille *perperam & sinistre docuit, quod Ecclesiæ statum passim faciat Aristocraticum, quod æque malum ac falsum est, quam eum reddere MONARCHICUM*. sistebas heic: nec enim plura tum incidebant. Sed

k 2

in

(44) FE. Tom. III contra P. VIATOREM A COCALEO pag. 12.

(45) BRIETIUM nominavi supra pag. 10. Nota HEXAPL. Tom. 6. pag. 482. *Sans rou-
ver aux droits du Roi, n'aux immunités & aux libertés de l'Eglise Gallicane.*

in fine operis inter ADDENDA adparet prima hæc ad marginem adnotata quæstio: RICHERII *doctrinæ falsæ quæ?* Quam tu ita dissolvis: "CARDINALIS PERRONIUS propositiones in libello RICHERII improbatas has scripsit ad CAUSABONUM: *Quod Presbyteri cum Episcopis, Aristocratici regiminis more, in partem Ecclesiasticæ administrationis vocentur. Quod electiones jure divino nitantur. Quod regimen Aristocraticum omnium sit optimum, & naturæ convenientissimum. Quod omnis principatus a subjecti populi consensione pendeat. Quod Deus insuat in supposita analogice, hoc est, in Civitates ac regna, ipsamque communitatem prius ac proprius, ac principalius, quam in partes, quæ non aliter agant, quam ut instrumenta eorum suppositorum, & communitatum.*" Hæ propositiones scilicet sunt. Nam quod addit CARDINALIS, fieri hinc consequens, a Regibus, qui Antistites designent, contra jus divinum peccari; directe impugnari Statum Monarchicum: fieri, ut Principes ac Reges non ipsi regant, sed Communitas per ipsos tanquam administratos: consecutiones sunt a CARDINALI deductæ, non propositiones ac dicta RICHERII.

Jam has ipsas ego propositiones quinque esse veras ac pias contendo, si est pium & verum, ut tu adfirmabas: quod toti Ecclesiæ a Christo Claves primario, proprie, essentialiterque fuisse traditas, & hujus instrumenta, ministros atque executores Episcopos esse cum Pontifice, scripsit idem RICHERIUS. Ordiamur ab ultima. Complexus eam RICHERIUS vulgari est illo, & ut inquit, indubitata fidei axiomatè: *Deum & naturam prius atque immediatius ad totum suppositum, quam ad aliquam partem suppositi, quamvis nobilissimam intendere.* Quæ quidem, ut vides, enuntiatio de duobus quodammodo, Deo & natura, Ecclesia & profanis Societatibus procedit. De Deo autem & Ecclesia quatenus procedit; est profecto verissima, si Ecclesiæ potius, velut cuidam *supposito*, quam Pontifici & Episcopis a Christo Claves sunt traditæ.

De *natura & profanis Societatibus* disputo tecum sic: Deus tamen Ecclesiæ suæ per se ipsum Apostolos dedit atque Rectores & administrationis totam formam ac modum ordinavit ipse, firmavitque legibus, & sacris libris, velut æternis tabulis & instrumentis descripsit: potestatem nihilominus, ac to *xupos* & Jurisdictionis universæ summam in communitate manere voluit: Hæc enim RICHERII pia est illa, ut vocas, ac vera sententia. Ecquo tu igitur argumento me unquam convinces, ne in profanis Communitatibus a *natura* ordinatam similiter rem esse contendam? ne tanto magis, vehementiusque contendam? quoniam hæc quidem, cum ad originem earum reditur, hominum consensu coaluerunt; fuitque populus, qui ab initio formam rei publicæ sibi elegit, & ubi Monarchicum jam est Imperium, potuisset (quamvis modo non amplius possit) quodvis aliud reipublicæ genus op-

tari, Nisi quid habes ad hæc? Profer! Nam ad scripturam quod attinet, illius hæc quidem sententiæ sunt: *non esse potestatem, nisi a Deo: Principem Dei esse ministrum: Qui potestati resistit, Dei Ordinationi illum resistere.* Quid igitur? Potestas sacra, (quibuscunque tandem contenta rebus, quod in præsens non quæritur) an a Deo non est? Ecclesiæ Præsules an Dei ministri non sunt? Non potestati resistunt ii, qui Episcopis resistunt? Et qui sic eis resistunt, annon Dei ordinationi resistunt? Non negabit, qui Catholicus est. Quodsi nihilominus igitur tu & veram, & piam enuntiationem illam RICHERII de Ecclesia, ut illa suppositum & Communitas quædam est, audes dicere; de profanis Communitatibus quemadmodum falsa eum sumpsisse queas ostendere, ne divinare quidem possum.

Nisi forte in nominibus *Monarcharum, Dominorum, Imperantium*, quibus Reges utuntur, vim omnem esse sitam arbitrere? Sed quam hæc inepta ad causam tuam! Nam & RICHERIUS *monarcham* non dubitavit summum Pontificem, & statum Ecclesiæ *monarchicum* adpellare, propterea, quod Ministrorum Communitatis sit ille summus ac primus. Longè aliter igitur eximendi tibi a servitute sunt Reges: quod nisi feceris (non autem facies, errore isto tuo semel admissio, nec unquam poteris facere) tantundem de illis profecto dicitur. Sunt enim ex rebus nomina interpretanda, non res nominibus accommodandæ.

Atque ut addam, quo poteram contentus esse; ipse RICHERIUS, quod persentisceret, ex Scriptura aut Traditione argumentum a se idoneum ad comprobandum, quod de Ecclesia adsumpsisset, proferri non posse: ad *naturam* se vertit, Christumque, cum Ecclesiam fundavit, ideo in *Communitatis* posuisse finem potestatem, Jurisdictionemque dixit, quod *naturæ*, ut ita fieret, consentaneum esset. Naturæ autem quod est consentaneum, ubique obtinet. Ubique igitur, ac tam in Regnis & Civitatibus, quam in Ecclesia potestas penes Communitatem existit *prius, proprius*, ac *principalis*: Suntque Reges ac Principes non tam Principes, quam *administri & instrumenta suppositorum, & Communitatum*. En veram RICHERII propositionem! non quod falsissima & abominanda non sit, sed quod veram tu feceris.

Jam huic quæ proxima est, *omnem Principatum a subjecti populi pendere consensu*, RICHERIUS his illam verbis expressit: *Omnis Principatus quoad vim coactivam ab hominum consensu pendet.* Nec ego istam, quantumvis absurdam, inficiari te patiar. Cum enim *administri tantum & instrumenta suppositorum, Communitatumque* sint ii, qui rem publicam curant; instrumentum autem, nisi ab eo, cuius est, motum non habet, ac multo minus in ipsum artificem, nisi impulsus, concitatusque ejusdem manu, ac quasi imperio, exere vim suam potest: profecto nisi tu idem de *Principatu* adfirmanti tuo RICHERIO concedas; nihil penitus vides.

DEMONSTRATIO CONTRACTA.

DEFINITIONES.

Definit. Ima. *Judicia*, pro quibus orationem suam auctor substituit, orationis sensum nominamus.

Definit. II. *Hujus ex oratione sensus determinatio*, interpretatio adpelatur.

COROLLARIUM.

Est igitur vera interpretatio, cum ea ipsa determinamus *judicia*, pro quibus orationem suam auctor substituit. Sunt enim hæc ipsa sensus, per Defin. I. Determinare autem ex oratione sensum, interpretari est. Igitur vere interpretamur, cum *judicia* determinamus illa, pro quibus orationem suam auctor substituit.

Definit. III. *Termini ac phrasæ*, quibus oratio constat, cum ad cogitationes & *judicia* referuntur, in audientium vel legentium excitanda animis; significatum habere dicuntur.

Hypothesis.

Qui loquitur, eo fine loquitur, ut cogitationes & *judicia* sua manifestet aliis: id quod fieri nulla ratione potest, nisi eandem in legentium vel audientium animis cogitationem excitet, & perceptionem ejusdem *judicii*, ac habet.

COROLLARIUM.

Ex significato igitur terminorum ac *phrasium* orationis sensus determinari debet.

Definit. IV. *Significatus determinatus est*, cum non nisi unius *judicii* perceptio, non nisi una cogitatio excitari potest.

REGULÆ HERMENEUTICÆ.

Regula Ima. *Significatus orationis ex usu determinandus. Est enim usus, qui significatum vocibus tribuit. Quoniam igitur, qui loquitur, eo loquitur; ut intelligatur, & cogitationes suis similes in aliis procreet; non utique censendus est voluisse temere a communi usu discedere.*

Regula II. *Ex adjunctis item vel contextu sermonis: nec non signis arbitrariis ab auctore adsumptis.*

Scholion.

Signa arbitraria voco, cum E. C. reseruit studio ab oratione, quæ si adjecta fuissent, significatum alium potuissent innuere: item cum characterem rem exprimit peculiari, ut attentionem excitet. Neque enim frustra putandus est ista facere.

Regula III. *His omnibus determinatur molis, quibus idearum comparatur perspicuitas. Quales sunt definitio & divisio. Nam cum, ut Ideæ quædam nostræ abstractæ & vagæ, sic & vocabula sint: si divisionem adhibeas, totumque in partes suas dispescas; fieri non potest, quin definitus reddatur magis significatus. Sic, ut exemplum hoc modo adhibeamus, vox Ecclesia ambigua apud nos est. Nam & totam multitudinem Christianorum significare ex usu potest, & partem duntaxat, hoc est, Episcopale Corpus. Quodsi divides igitur, atque vel partem parti, vel partem toti opponas; a vago ad definitum magis significatum nomen Ecclesiæ traduces.*

Regula IV. *Determinatur rursus a natura ejus, quod termino tanquam prædicatum adjicitur. Sunt enim subiecta talia, qualia permittuntur esse a suis prædicatis.*

Sic ut eidem insistamus exemplo: Explicasti hoc vocabulum Ecclesia dividendo; sed quoniam pronuntiatum de Ecclesia aliquid est, quod non aliter ad eam pertinet, quam quatenus est illa totum aliquod comparatum cum partibus: possit autem non minus pars ipsa comparari rursus cum suis partibus, velut Episcopale Corpus cum Episcopis singulis; quam multitudo tota Christianorum cum parte, id est, Episcopali Corpore: fit, ut etiamnum ambigua secundum se Ecclesiæ vox sit. Quæ ut determinatum adquirat significatum, ad prædicati indolem, nexumque ejus cum subiecto, hoc est, ad veritatem propositionis attendendum est.

Enim vero qui docet, scribit, loquitur, non aliter censetur cogitationes Ideasque suas voluisse animo conjungere, quam quatenus habitudinem ad se invicem habent, & conjungi possunt. Porro loquitur, ut cogitationes suis similes in mentibus aliorum procreet. Itaque & significatum dedisse vocibus debet censei, qualem indoles prædicati, ejusdemque cum subiecto nexus admittit. Quem nisi dederit; aut Ideas non ipse conjunxit, ut censendus est conjunxisse; aut cogitationes suis similes in aliorum mentibus procreare non potest.

Regula V. Ob eandem rationem in harmoniam, seu, ut ita dicamus, propositionum argumentorumque coherentiam intuendum est. Etenim qui judicium de re suum, & propositionem, quæ est locutio ei respondens, argumentis probare nititur, is rationem nititur dare, cur Ideas duas, & in propositione prædicatum cum subiecto nexuerit. Jam autem dare hanc ille sufficientem non potest, nisi & propositiones, quas ad probandum sumpsit, cum ea, quam probatam voluit, connexæ sint. Connexionem igitur hanc ipsam propositionum adsumptarum significare vult, dum iis utitur. In hanc igitur intuendum est.

Regula VI. Quoniam systema dogmaticum ex notione sua veritatum est plurium compositio & combinatio; hinc si in persuadendo hujuscemodi systemate versetur liber; positionum omnium, etiam earum, quæ pro argumentis adsumptæ non sunt, inter se nexus considerandus est. Nam hunc auctor significare voluit. Quibus sic positis, sequentes instituuntur regulæ magis particulares.

REGULÆ MENTEM AUCTORIS DETERMINANDI.

Regula I. Is per se sensus fuisse auctoris putandus est, quem ejus verba secundum communem accepta significatum, tum adjuncta sermonis ac signa, legentis vel audientis primum animo obijciunt.

Regula II. Si jam plures de eodem argumento scripserint, constetque aliunde de eorum sensu; idem auctoris fuisse sensus putator, si iisdem utitur verbis; si orationis longam seriem ex iis excipiat; si argumenta sint eadem. Præsertim si res insolens alioquin sit, nec in vulgus recepta. Cujus postremæ conditionis perspicua est ratio. Qui enim insolens aliquid docere vult, & hoc ipsum adfectat ac profitetur, hujus est insolens quoque conceptum animo judicium. Hoc igitur manifestare vult judicium insolens, & probabilitatem ei conciliare, quam hactenus consequi haud satis potuit.

Regula III. Si enuntiatio auctoris in uno intellecta sensu vera esse prorsus non potest; poterat autem, universe de re loquendo, esse vera in altero: sive nunc vera sive falsa sit; potius iste tribuendus est ei sensus, quocum vera esse saltem poterat.

Regula IV. Detur enuntiationi sensus *A*: hoc ei dato, si propositiones omnes ad probandam eam adsumptæ cum illa nexum habeant, non habeant autem, dato altero eidem sensu: is esse sensus putandus est, quo dato nexum habent.

Regula V. Si enuntiationes aliæ, quas similiter auctor in summam systematis sui admisit, cum enuntiatione *A*, dato sensu eidem *A*, convenient; non autem convenient, dato sensu *B*; is rursus sensus est dandus, quo dato conveniunt.

Scholion.

Loquor de iis enuntiationibus, quæ principaliores in libro sunt. Principaliores autem voco, in quibus explicandis præcipuam operam locavit auctor: tum eas maxime, quas pro insolentibus sciens prudens ac timide posuit; sana ratio enim docet, quo meditationis in huiusmodi insumpsit plus, tanto & rationem habendam esse earum maiorem, ut cogitationum in auctore series, adeoque sensus determinari possit.

Regula VI. Quominus sensum auctoris determinem, nihil terrere me debet, quod sint in anpla alioquin serie scriptorum aliqua, quæ cum sensu *A* dato baud satis convenient. Nam cum immemorem esse dictorum, humanum sit; tum proclivius est iis, qui multa scribunt aut dicunt. Immo vero quotidianum est iis, qui adfecto sunt animo, & perturbationibus agitantur. Quorum, ut est pulchre a GREGORIO NAZIANZENO scriptum, tam inconsulta esse temeritas solet, & contra veritatem libido certandi; ut ne secum quidem pugnantes ipsimet aut intelligant aut erubescant. Unde ad NESTORIUM scribens CÆLESTINUS, multiloquio inquit, laberis, dum vera involvis obscuris, rursus utraque confundens vel confiteris negata, vel niteris negare confessa. Idque & PELAGIO pluribus in locis AUGUSTINUS, & FLAVIANUS EUTYCHI exprobrabat. Ac vero quis Ciceroni non adsentiat, dum ita scribit: ut quisque vir optimus est, omnes præter se bonos putat? Quid igitur? nemo fur, nemo latro, nemo sacrilegus putandus est? nemo: ac ne tum quidem cum in manifesto est facinus? sic igitur ut contradictionis nolim temere insimulari scriptorem: insimulandum tamen esse contendo, cum excu-

sari ab ea non potest: quod quidem tum accidet, cum ad omnes exacta regulas interpretatio fuerit.

Regula VII. Si auctor scopum aliquem sibi proposuerit, atque ad hunc adsequendum adsumpserit eam, de qua quaeritur, enuntiationem: is tribuendus est ei sensus, quo dato ad scopum conducit: qui si unus esse tantum possit, etiam unus tribuendus duntaxat est.

Axioma.

Certissime atque evidenter is sensus est, in quem omnes descriptæ hucusque regulæ conveniunt.

Quæstio I.

An Febronius Democraticum in Ecclesiam regimen invexerit?

Definitio.

Democraticum est regimen, aut popularis status, cum potestatis Jurisdictionisque summa in Multitudine est: tametsi ea magistratus suos habeat administratos & executores hujus potestatis.

Scholion. I.

Definitionem hanc pono, prout Democratix nomen ex communi usu accipitur. Quodsi aliam FEBRONIUS notionem eisubjecerit; nos de voce non litigabimus. De re, de potestate, de origine ac stirpe potestatis tota est illa nobis suscepta contentio.

Scholion II.

Loquor de potestate universe accepta. Neque enim omnis Communitas cujuscunque est capax potestatis sic, ut pro libitu decernere leges sibi possit, quas velit, aut antiquare eas quas, habet. Dedit Christus suæ Ecclesiæ leges, quas abdicare illa non potest.

Hypothesis.

Nomine Clavium, cum de Ecclesia heic verbis Evangelicis loquimur, potestatis sacræ & Jurisdictionis summam intelligimus. Sic enim accepit eam vocem Febronius.

Pro-

Propositio.

Descriptæ hactenus regulæ in id omnes conveniunt, ut potestatis ac Jurisdictionis Ecclesiasticæ summam in multitudinem, totumque cætum omnium Christianorum contulisse Febronium dicamus: ita quidem ut non nisi administri & executores sint Episcopi hujus potestatis.

Demonstratur. *Id primo verba declarant secundum naturalem & obvium accepta significatum: velut cum dicit: potestas Clavium UNIVERSITATI a Christo data est: illam hæc per Ministros suos exercet. Item, Clavium potestas Universitati Ecclesiæ PROPRIE & ita transcripta est, ut illa per ejus Ministros pro sua cujusque portione exerceatur. Rursum: Ecclesia ipsa principaliter ac radicaliter obtinet potestatem Clavium, quæ ab illa in omnes ejus Ministros derivatur, & singulis quibusque pro sua portione communicatur. vid. supra Art. II. §. I. N. I. II. III.*

Id 2do ADJUNCTA SERMONIS. Nam quasi interrogatus, quodnam Ecclesiæ sit regimen? respondet non esse Monarchicum: verum tale, ut Universitas, id est, Communitas ipsa se regat per Ministros suos. Vide ibid. §. V. N. V.

Id tertio SERMONIS SIGNA; velut cum peculiaribus literis ista exprimit, omni Electorum Ecclesiæ. Vide ibid. §. II. N. I. Cumque PAULI ad Colossenses truncavit locum: Ecclesia, cujus factus sum ego Minister SECUNDUM DISPENSATIONEM DEI, QUÆ DATA EST MIHI IN VOS. Vid. ibid. §. II. N. III.

Id 4to. Quia ex LAUNOIO DUPINIOQUE orationis exscripsit seriem, iisdem est usus verbis, iisdem argumentis: iisdem quoque, quibus & alii præter hos duos usi sunt, de quibus certum est, fuisse in hac eos sententia. Vid. Art. I. §§. III. IV. & V. Art. II. §§. III. & IV. Art. III. §. III. N. VII.

Id 5to. Quia enuntiationes superius positæ ne possent quidem ullo modo veræ esse, sed ad contradictionem implicarentur manifestam; si non de Communitate totoque fidelium cætu, sed de Episcopali tantum Corpore intelligerentur. Sequeretur enim Episcopus sub eadem ratione Ministros esse, qui principes sunt. Vid. Art. II. §. I. N. IV.

Id 6to. Quia hoc dato enuntiationibus sensu hæret oratio ac in se nectitur: dato alio; non hæret, non nectitur. Sit enim Episcopale tantum Corpus,

pus, quod Claves de instituto Christi obtineat: ineptissimus ad probandum locus erit ex Beda sumptus: Omni Electorum Ecclesiæ ligandi atque solvendi datur auctoritas. Ineptissimum pariter ac plane stolidum: Claves illi esse datas Ecclesiæ, quæ per Concilium, id est, per congregatum Episcopale Corpus tanquam per distinctum a se quiddam, & per Ministros in Concilio suos repræsentatur. Ineptissimum tandem, quod Colossensium se Ministrum nominavit PAULUS. Vid. Art. II. §. II.

Id 7mo. Quia hoc dato enuntiationibus sensu hærent & cæteræ in summam Systematis receptæ, & insolentes illæ quidem alioquin, ac timide positi. Non hærent autem dato alio. Nam si fidelium universo cætui Claves commissæ sint; quis ambigat, quin & cætera promissa Christi ad eam pertineant. Erit igitur verum, vim ultimam Decretis fidei non ex solo Episcoporum accessu, sed ex universorum fide fidelium, quæ deficere non potest, comparari. Verum erit, Episcopos custodes ac testes tantum esse traditionis extra Concilium, non iudices. Verum, neque paucos neque multos infallibilitate gaudere, sed Corpus ipsum ex Pastoribus primi secundique Ordinis atque Laicis compositum. Verum Episcopos non solos esse in Ecclesia Doctores (cum auctoritate scilicet) non solos custodes fidei, non solos extra Concilium universalem Ecclesiam, regentem nimirum ac docentem repræsentare. Verum, etiam Laicos Doctores habere suos ac reclamare posse. Verum tandem, an sit legitimum Concilium, ex eo determinandum esse, quod vel receperit, vel rejecerit illud ea Ecclesia, cui soli tanquam Corpori ex Clero constanti ac populo indivisa prorsus atque in solidum infallibilitas & ἀσφαλεία concessa est. Vid. Art. II. §. III. N. IV. Sit contra Episcopale tantum Corpus, quod Claves habeat: quid ex omnibus bucusque positis non ineptum, non falsum est?

Porro quod est 8vum, adsumpsit eam de Clavibus disputationem FEBRONIUS, ut Monarchicum non esse regimen Ecclesiæ probaret. Ad hunc autem scopum solus potest is sensus conducere, quem determinavimus, ut habeat, possideatque etiamnum actu multitudo totam potestatem. Vid. Art. II. §. V.

Igitur, quod demonstrandum erat, omnes regulæ in datum sensum conveniunt. Alcedit, quod exceptiones FEBRONII omnes partim mendaces, partim fraudulentæ, aut plane ridiculæ sint. Per demonstrata toto Art. III.

COROLLARIUM.

Certissime igitur FEBRONIUS Democraticum in Ecclesiam invexit regimen.

Quæ-

Quæstio II.

An FEBRONIUS suamet confessione hæreseos traditæ reus convinci possit?

Definitio.

Hæreticum illud est, cujus oppositum de fide Catholica est.

Hypothesis.

FEBRONII *hujusmodi est in Appendice tertia pag. 42. confessio* : Forma Ecclesiæ nec est Democratica, nec simplex Aristocratica. Duo prima sunt DE FIDE CATHOLICA.

Propositio.

FEBRONIUS *suamet confessione traditæ hæreseos reus convinci potest.*

Etenim FEBRONIO confitente, de fide Catholica est, non esse Ecclesiæ Formam Democraticam (per hypothesin) igitur (per definitionem) istud adferere; hæreticum est : Adseruit autem FEBRONIUS, per demonstrata. Ergo Q. E. D.



ARTICULUS IV.

PERNICIES FEBRONIANI SYSTEMATIS, EJUSDEMQUE FALSITAS
DEMONSTRATUR. REFUTANTUR ARGUMENTA FEBRONII.

IGNORANTIA, CONFLICTUS, CALUMNIÆ RETEGUNTUR,
COROLLARIA DUCUNTUR.

§. I.

Systema FEBRONII non Ecclesiam modo funditus destruit; sed nec minus Civilibus Communitatibus, & regnorum Principibus exitiale est. Demonstratur cum testimoniis doctissimorum Præsum, tum usu ipso & experientia irrefragabili.

I. Postquam superiore disputationis parte exposui, quod in barathrum sive odium ac livor, sive imprudentia ac servile ingenium FEBRONII præcipitaverit; nunc a me illud expectari intelligo, ut refutem dogma improbum, nihilque minus esse verum demonstrem, quam quod iste sibi, & incautis, ac parum subactis illo genere studiorum imposuit. Quod utinam non ea ætate cogerer facere, qua res ipsa loquitur! Est enim recens memoria multorum: multa oculis conspectuique fuerunt exposita, quæ, quorsum abducat demum illa pestis, quemque exitum habeat, me etiam tacente demonstrare possunt.

Ac BOSSUETII quidem sententiam hujusmodi fuisse de ea scimus, ut *Antichristi prodromam, & ruinam Ecclesiæ* nominaverit. (1). Sed Emimentissimus De BRSSI aliquanto longius progressus est: utrique enim infestam *Statui* eam censet. *Fanaticismus*, inquit, *cujus est finis, non Religionis solum fundamenta subvertere, sed Monarchias insuper, regnaque omnia destrue.*

(1) Histoire des variations Lib. XV. pag. 412. Edit. 5. de hoc ipso populari systemate loquens: c'est ainsi qu'on met en pièces le Christianisme, & qu'on prepare la voye à l'Antichrist. Quem locum, uti & plurima præclarissime ab eodem dicta de hoc argumento adoptavit Clerus Gallicanus in Reclamatione Comitiorum generalium anni 1760. & 1765. impressa latine Augst. Vind. 1766.

destruere. (2) Utrumque vere. Fit enim necessaria quadam consecutione doctrinæ, ut latio legum, probatioque & antiquatio earundem penes multitudinem sit. Quocirca tametsi rogare eas summus Pontifex in Ecclesia, & Episcopi in suis Dicecesibus possint (nam *ministorum* est ea qualiscunque functio atque auctoritas) vim tamen conditionemque ac naturam Legis nunquam capient, nisi multitudinis admittæ suffragio & probatæ fuerint: quod idem de abrogatione dici debet, vel restauratione Legum ac consuetudinum. Ea vero res quam in stragem omnis honestatis disciplinæque desinat, valde is cæcus fit, qui videre non possit.

II. Et quid URBANUS VIII., per Deum, INNOCENTIUSQUE X. & ALEXANDER VII. summi Pontifices luent? quorum primi duo, haud utique rogato populi consensu, JANSENII doctrinam ac librum damnarunt, & anathema iis omnibus sunt imprecati, non solum qui contenta in illo libro dogmata defendere auderent, sed qui vel legerent ipsum librum, aut retinerent: tertius vero Sacramenti insuper religione omnes adigi voluit, ut damnationi subscriberent. Quid, qui exemplum est istorum imitatus, CLEMENS XI? quid BENEDICTUS XIV? Nam horum ille quidem propositiones centum & unam ex PASCHASII QUESNELLI excerptas libro auctoritate Iudicioque simili damnavit; hic Christianæ mortis carituros præsidis eos omnes edixit, quos Constitutioni huic rebelles fuisse constaret. Quid tot Galliæ demum; immo vero totius orbis Christiani Præsules? quorum ut erat cura semper præcipua, pietatem & integritatem tueri catholicam, sic si viginti demas uno minus, cæteri omnes rescripserunt, in potestate se Romani Pontificis fore. Estque huc omnis eorum conversus labor ac tota industria, ut quod Roma sanxisset, executioni daretur: neque ab hoc eos consilio artes ullæ factionis, querelæ, clamores in hunc adeo diem deterere possunt. His, inquam, omnibus quid fiet?

Sunt certe duo illa in causa, quorum utrumque ad Clavium reduci potestatem debet: docendi quidem, definiendique auctoritas, tum latio legum & coercitio. *Cum itaque Corpus quoddam Ecclesia sit ex Episcopis, secundumque ordinis Sacerdotibus & Laicis constans; cum horum omnium neque pauci, neque multi infallibilitate gaudeant;* (FEBRONII utor ubique
M
verbis

(2) *Traité Theolog.* pag. CXXIII., postquam systema eodem, quo nos modo, exposuit, subdit. *on sent d'abord combien ce principe est séditionnaire, & qu'il ne tend à rien moins, qu'à renverser toutes les Monarchies, aussi bien que le gouvernement de l'Eglise.*

verbis) sed Corpus ipsum ex enuntiatis jam membris compositum; cum Episcopi neque soli sint in Ecclesia Doctores, neque soli custodes fidei, neque soli spiritus sancti habeant assistentiam, neque soli extra Concilium universalem Ecclesiam constituent, aut repræsentent: cum possit unum vel plures etiam ex secundi Ordinis Sacerdotibus excitare Deus, vimque & efficaciam addere eorum verbis ad parandum veritati triumphum; cum etiam Laicis negari facultas non debeat admonendi, reclamandique, habeantque prophetas & ipsi suos & Doctores a Spiritu sancto datos, suum SAULUM, suum BARNABAM: cum momento denique neque possit res ista confici, neque debeat, sed moram desideret: vah (sic jam concludam: & quis evidentiam, ad quam concludo, non videat?) quæ tyrannis est ea Pontificum? quis furor, quæ impietas Episcoporum? & ipsorum regum quæ ista crudelitas, quod homines innocentes, naturaque & institutione Christi liberos vexare non definant? Præsertim cum sit Concilio res nondum definita: quod adeo ipsum si haberetur, foret etiamnum penes Communitatem, vim ultimam ac decretoriam ei tribuere.

Quamobrem spernent ii deinceps fulmina, cujusque modi sint; & a quocunque excussa, tanti, quanti quod nihil est facient: hoc enim restat, & sequitur. Heinc Auctor inter eos celebris: *Extra omne*, inquit, *est dubium, censuras, quas invito Clero & populo ferunt Episcopi, cassas & nullius roboris esse. Excommunicatio nullam vim habet, si Clerus reclamet, magis autem vitiosa ac vana est, si populus adsistat Clero.* (3) Hi fructus arboris, hi rivi sunt, qui ex cænofo lutulentoque illo fonte scaturiunt. Ut taceam, ad peregrina tribunalia & ad causidicos evocari causas fidei, Episcoporumque & Pontificum decreta: quæ res quantum valeat ad turbandam Religionem atque Rempublicam, nihil docere opus est, cum per sese pateat, & in recenti recordatione sit positum.

Sed non ista probat FEBRONIUS, inquiet aliquis? Mirum! Propositionem QUESNELLI nonagesimam non totis faucibus hausisse eum ostendi? Dicam insuper loco suo, quo furore in CLEMENTEM XIII. atque in defensores Constitutionis *Unigenitus* debachatus fuerit. Et ut demus, consecutiones non eum probasse; quid? eone minus castigatione atque vindicta is dignus est, qui furenti gladium porrigit; cædem vero, quæ inde consequitur, improbare se adserit? Est autem similis profecto heic ratio. Non enim

(3) Author libri, *Pouvoirs légitimes* pag. 721.

enim bona esse doctrina illa potest, cujus sunt fructus adeo pestiferi : atque iste si vir bonus ac pius erat ; debebat vel hoc uno nomine execrari eam ac fugere, quod receptum, latibulumque ac prope nidum suum construxissent in illa homines pervicaces. Ita enim se prorsus res habet. *Non possunt*, inquit is, quem sæpe nomino, (4) non possunt labentem & in exitium incumbentem sectam suam sustentare atque fulcire, sine opinionis illo portento, Claves penes multitudinem depositas esse. Itaque in omnem eventum designaverant jam eam animis, cum causâ Romæ disceptaretur : & postquam damnati sunt, quæ est occasio ab illis neglecta, quo minus in fidei consortium, gradumque catholici & ab Ecclesia definiti dogmatis eam promoverent ?

III. Quod si hoc insuper sumam, adfirmemque, peræque ad profanis rebus publicis, hoc est, regnis atque Imperiis consciscendam pestem, esse natum illud monstrum doctrinæ ; faciam ejusdem id CARDINALIS exemplo, ut vereri minime debeam, ne calumniæ postuler. (5) Neque is unus est : sed est omnium, qui de illa labe scripserunt, vox eadem. Quos inter LANGUETIUS Senonensis Episcopus in Pastoralis scripto, quod anno millesimo septingentesimo decimo nono ad Catholicos suæ Diœcesis misit. (6) Copiosius autem SEGUSTRONENSIS Episcopus in historia *Constitutionis* : cujus tametsi prolixior sit locus, describendus heic esse videtur ; sed latine. " QUESNELLIANI, ait, cum ex omni parte se obrutos viderent auctoritatis pondere ; nunc demum adpulisse tempus existimabant, explicandi evolvendique palam, quidquid animis præcepissent adversus legittimam omnem potestatem. CALVINISTARUM doctrina fuit, populum sui juris esse, & Maiestatem in manu nationis depositam. A multitudine manare auctoritatem in principes, & istius nomine exerceri : & ut sit populus, qui principes faciat, sic in populi esse arbitrio, cum velir, deicere eos atque deprimere. "

m 2

" Hujus-

(4) CARD. BISSI Tom. cit. pag. CXIX. une opinion, sans laquelle le Jansenisme ne pourroit plus se soutenir, puisqu'il est à croire que le Chef de l'Eglise, & le Corps des Pasteurs, ont frappé d'anathème la doctrine de JANSENIUS, & ceux qui la soutiennent &c.

(5) CARDINALIS DE BISSI loco supra cit.

(6) Pag. 51. ad Num. LII. in margine: troisième excès du système. La puissance des Rois soumise au peuple. Et in contextu: Aussi ces Ecrivains n'ont ils pas plus respecté la puissance des Rois, que celle des Evêques; & c'est du pouvoir temporel, comme du spirituel, qu'ils ont osé avancer, qu'il résidoit dans tout le Corps, en tant que les peuples en font partie, & en possèdent la propriété. *Probat hoc deinde ex auctore libri*: Temoignage de la vérité: & ex altero, Renversement des libert.

" Hujusmodi principiis non una vice ab hominibus fanaticis excitati
 " ANGLI, Scotique adversus reges suos. Sed QUESNELLISTARUM indura-
 " tior indoles erat, quam ut parricidiis terreri possent sacrilegis, quorum
 " apud vicinos nostros doctrina isthæc seditiosa origo fuit. Hanc ii divul-
 " gant in privatis colloquiis, hanc scriptis disseminant, hanc (nam depre-
 " hensa res est) in scholis profitentur ac docent. Exemplum in magistro
 " FAUVELIO. Is ut ADPELLANTIUM ex numero erat, offerre frontem utrique
 " potestati minime veritus est. Sic enim docuit, & axioma hoc fuit ab eo
 " positum : auctoritatem ferendarum legum multitudinis esse propriam,
 " non principis : principem senatumque, cum ad observantiam earum
 " compellunt, multitudinis id tantum nomine facere; sicut nec majestatem,
 " qua sint reges circumdati, in ipsis hærare regibus, sed eam populo im-
 " mediate a Deo traditam fuisse atque concessam. "

" Idem Ecclesiam *popularem* omnino fecit, in qua auctoritas neque
 " Papæ, neque Episcopis, sed toti Corpori a Christo sit credita; Conci-
 " lia quoque ipsa cecumenica eatenus tantum illam exercent, quatenus
 " Corporis totius nomine agant. (7)

IV. Equidem quis FEBRONIO de regnis ac principatibus sit sensus, de-
 finire non ausim, neque velim : at scio, impudentiæ vim magnam esse,

(7) Lib. V. pag. 209. Accablés de toutes parts sous le poids de l'Autorité, les Quénel-
 listes jugerent qu'il étoit tems de développer enfin tout leur système contre toute Puissance
 légitime & de s'en expliquer ouvertement. Les Calvinistes avoient enseigné, que les peu-
 ples sont leurs propres maîtres; que la Souveraineté est dans les mains de la Nation, que
 c'est la multitude qui communique l'Autorité aux Souverains; qu'ils ne l'exercent qu'au
 nom du peuple; & que, comme il les a élevés, il peut les abbatre selon son gré. C'est
 sur de tels principes que des Docteurs fanatiques soulevèrent autrefois les peuples d'An-
 gleterre & d'Ecosse contre leurs Rois. Les Quénelhistes ne furent point effrayés des Sacri-
 leges parricides que ces maximes seditieuses ont causé chez nos voisins. Ils enseignèrent
 la même doctrine. Ils la publièrent dans leurs discours. Ils l'insérèrent dans leurs Ecrits,
 & on trouva qu'elle avoit été publiquement dictée dans leurs Ecoles. Le Professeur Ap-
 pellant, qui avoit eu l'audace de se montrer si ouvertement contre les deux Puissances,
 étoit le Sieur Fauvel. Il avoit établi pour principe, que le pouvoir de faire des loix appar-
 tient à la multitude; que le Prince ou le Senat ne peuvent nous contraindre, qu'au nom
 de la multitude, de les observer, & que la puissance, dont les Rois sont revêtus, ne resi-
 de en eux, que parce que Dieu l'a immédiatement accordée aux peuples, qui la leur ont
 confiée. Il avoit aussi représenté l'Eglise sous les idées d'une République, où l'autorité a
 été accordée de J. C. à tout le Corps & où le Pape & les premiers Pasteurs, les Conciles
 Généraux-mêmes ne l'exercent, qu'autant qu'ils agissent au nom du Corps.

postquam verecundiæ semel fines prætergressa est. Memini etiam, quæ ille petulantia immortalis memoriæ principem STANISLAUM, & in pari communique causa CHRISTIANISSIMUM GALLORUM REGEM, tum ipsius, *cujus pane vescitur*, Germaniæ Episcopos ac principes laceßiverit. Memini, quo furore ac rabie in istos omnes, a quibus impugnatus utcunque fuit; debachatus sit; non ut virum loqui putes annis maturum & gravem, sed mulierem ebriam, a qua ratio omnis abscessit ac pudor. Ab hujusmodi vero qui alienum aliquid præter virtutem & honestatem putant, næ falluntur ii quam maxime, nec attendisse unquam satis videntur, quantas vires virtus habeat.

Ut ut sit: satis est, quod de Ecclesia arreptum ab eo fuit e QUESNELIANIS magistris, peræque infestum, metuendumque regnorum esse principibus. Cum nec ipsi, a quibus disseminata est ea improbitas, discrimen aliquod statuunt, modumve ponant, neque possint omnino ponere, si constare sibi velint. *

§. II.

Systematis FEBRONIANI falsitas demonstratur I. ex Scripturis. II. ex antiquissimis Ecclesiæ Patribus. III. ex comparatione Episcoporum cum Presbyteris. IV. Ex doctrina catholica de Ordinis Sacramento occupatur effugium, quod ex ALMAINO peti posset, refelliturque, & una stoliditas ostenditur totius systematis.

I. Quid autem? tam nefandum scelerosumque dogma scripturarum niti oraculis, traditione Majorum, Conciliorum decretis arbitramur? Horum enim saltem sit unum, quod ostendi possit, necesse est. Non enim a natura populus Claves cæli habet. & ut pulcherrime BOSSUETIUS in decimo quinto *Variationum* Libro, Ecclesia Catholica ita suos semper est alloqui solita: *O Christiani! populus estis, status estis, societas estis.*

in 3

Sed

* Confer, quæ scripsi Art. III. §. III. N. VII., ubi quinque in libello RICHERII damnatas propositiones expendi. Eas hæcenus quidem FEBRONIUS pro falsis habuit: sed si ex inconstantia ejus facere conjecturam licet; forsitan veras esse defendet, si res aliter tulerit.

Sed JESUS CHRISTUS Rex vester nihil penitus a vobis habet, estque auctoritatis potestatisque Ejus fons multo sublimior. Nihil sane natura plus Juris conferre vobis potuit, ut ministros illi, quam ut vobis Christum, hoc est, principem constitueretis. Quamobrem siquid vultis, siquid posse vos arbitramini; lege probate, aut consuetudine. (8)

II. Atqui lege quidem certe, ut Evangeliorum est ea, Apostolicorumque documentorum tabulis consignata, probari nunquam *na. Saqua* illud & spurcicies profani dogmatis poterit. Quin est contra testimonius certissimis exploratum, priusquam coaluisset Ecclesia, hoc est, Corpus ac tota Communitas, fuisse principes jam ei ac magistratus suos a Christo positos, potestatemque illorum definitam, quidque facerent, ac quæ partes singulorum forent, constitutum. Ita quod MATTHÆUS & LUCAS testantur, *elegit* ab initio ille statim ex multis *duodecim*, quos Apostolos nominavit. Significanter autem nec sine causa a MARCO additum est; *elegisse quos voluerit*, cumque plures tum essent præsentés, *duodecim* tantum *ad se evocavisse*. Ex his unum subinde PETRUM allocutus est apud MATTHÆUM: SIMON Bar jona, Ego dico tibi, *quiatu es Petrus, & super hanc petram edificabo Ecclesiam meam, & tibi dabo Claves regni cælorum*: quibus verbis cæterorum caput, ut alibi docco, eum constituit. Tum universè ad omnes Apostolos: *quæcunque alligaveritis*, inquit, *super terram, erunt ligata & in cælis*. Atque iterum ad PETRUM: *pasce agnos meos, pasce oves meas*. Et ad Apostolos rursus: *Quorum remiseritis peccata remittuntur eis*. In illis omnibus, quidquid ad Clavium & Jurisdicundi potestatem pertinet, continetur ita atque transfertur, ut in consortium Societatemque venire illius Multitudo non possit. Sed sunt ex adverso audiendi huic relicte & imperatæ a Christo partes: tantum abest, ut radiolus alicubi tralnceat communicati cum ea sacri magisterii ac principatûs.

Porro quem semel in sua domo ordinem instituit magnus ille Paterfamilias Christus, eundem & Apostoli post discessum ejus servaverunt. Neque enim ex populari suffragio Episcopi creati sunt, sed ab Apostolis in magnis

(8) Tom. II. Edit. 5. à Liege pag. 410. L'Eglise Catholique parle ainsi au peuple Chrétien: vous êtes un peuple, un état & une société: mais Jésus-Christ qui est votre Roi, ne tient rien de vous, & son autorité vient de plus haut: vous n'avez naturellement non plus de droit de lui donner des Ministres que de le instituer vous-mêmes votre Prince. - Vous n'avez aucun droit, que celui, que vous trouverez dans les loix, ou dans les coutumes immémoriales.

magnis urbibus constituti. Atque horum perinde ut illa, qua ipsimet Apostoli potiebantur, a Christo & Spiritu sancto promanabat auctoritas. Nam IPSE, ut PAULUS ait, *dedit quosdam quidem Apostolos, quosdam autem Prophetas, alios vero Evangelistas, alios Pastores & Doctores ad confirmationem Sanctorum, in opus ministerii, in ædificationem Corporis Christi.* Hinc in Actis Majores natu, id est. Episcopos alloquens idem PAULUS, *Attendite, inquit, vobis, & universo gregi, in quo vos Spiritus sanctus posuit Episcopos regere Ecclesiam Dei.* Quæ quidem a pascendi sumpta munere similitudo frequens est in sacris Scripturis, & in eam intuens S. GREGORIUS NAZIANZENUS, *Vos, inquit, Oves nolite pascere Pastores, neque in fines eorum invadite.* Satis enim vobis est, si recte pascimini: nolite judicare Judices, neque legislatoribus ferre legem vos posse arbitramini. Nolo reliqua, eaque obvia passim ex Apostolorum gestis & epistolis describere. Huc enim recidunt, ut Apostolis quidem & Pastoribus Summa sit quædam a Jesu Christo adhortandi imperandique & corrigendi concessa auctoritas, fidelibus obtemperandi relicta gloria, officiumque impositum.

III. Atque in eadem ingressi vestigia etiam sunt ii, qui ab Apostolis primi fuerunt. IGNATIUM dico & CLEMENTEM. Quorum iste quidem in epistolis, quas ad *Magnesianos, Trallianos, Philadelphios & Smyrnenfes* habemus ab eo scriptas, & quæ genuinæ Eruditorum consensione sunt, ad eum modum de Episcopis, & totius Ecclesiastici negotii gestione & unius administratione Præfulis loquitur; ut nihil sit certius, quam ne cogitatum quidem fuisse de commento illo, quod modo nuperi ac novitii homines, & Episcopalis inimici nominis, & obrectatores pacis obedientiæque ac recti Ordinis divulgandum sibi sumplerunt. *Omnes Episcopum, ait, sequimini, ut Jesus Christus Patrem. Sine Episcopo nemo quidquam faciat eorum, quæ Ecclesiam spectant. Ubi Episcopus, ibi multitudo: quemadmodum ubi Christus, ibi Ecclesia Catholica.* (9)

Iisdem porro diebus CLEMENS Romanæ Urbis Episcopus & auditor Patris epistolam ad *Corinthios* scripsit Schismatis inter eos exortii causa: quæ, ut est EUSEBIUS de illa testis, proximum a sacris Scripturis nata locum exinde fuit, & in publicis Asiæ conventibus consuevit prælegi. Atque
in

(9) IGNATIUS in epist. ad Smyrnenf. Vide Instruct. Pastoralem Illustris. Archiepif. Parisini, ann. 1756. die 19. Septemb. Parte I. N. 16. & 17.

in hac ille exercitui Ecclesiam comparat, in quo non omnes præfecti, non omnes tribuni, non omnes centuriones sunt, sed unusquisque ἐν τῷ ἰδίῳ ταγματὶ τα ἐπιτασσομενα ὑπο τῆ βασιλεως καὶ τῶν ἡγεµενῶν ἐπιτελεῖ, quod ordinis est sui proprium, imperaturque a rege & ducibus, illud perficit. Et ad eundem modum: Summo Sacerdoti, inquit, sua munia tributa sunt: & Sacerdotibus locus proprius præstitutus est, & Levitis sua quoque incumbunt. Homo Laicus τοῖς λαϊκοῖς προσταγµασιν δέδεται præceptis Laicis adstringitur. (10) Quamobrem nunquam in ea opinione CLEMENS fuit, ut popolare a Christo regimen institutum crederet. Quod vel exercitus ipsa, qua utitur, similitudo declarare potest: tum illud præterea, quod a Judaico populo exemplum & ἀναλογίαν capiat. In illo enim per se ipsum Deus successionem atque ordinem Sacerdotii destinavit, ac non modo pars nulla illius in Multitudine fuit, sed ne in regibus quidem, tamen summa alioquin & absoluta auctoritate præditis.

Est etiam IRENÆI locus perinsignis in quarto adversus hæreses libro, quem delibasse heic satis fuerit, quoniam est infra describendus. Eis, inquit, qui in Ecclesia sunt, Presbyteris obaudire oportet, his, qui successionem trahunt ab Apostolis, qui cum Episcopatus successionem charisma veritatis certum secundum placitum Patris acceperunt. (11) Apostolis igitur Episcopi succedunt, & successionem fir, ut charisma veritatis, non populi, non Ecclesiæ, sed beneficio æterni Patris obtineant. Hæc IRENÆI doctrina est. Qua non illud inficiari vir summus voluit, etiam Ecclesiam a D. PAULO columnam & firmamentum veritatis adpellari: nam adpellatur ea certe ac est. Verum hoc ipsum ut sit, ab Episcoporum successionem habet; non autem vicissim ideo Episcopis procuratio adest divini Spiritus, quod Multitudinis sint illi pars & membra Corporis, cui tanquam pro indiviso & in solidum procuratio ista fuerit desponsa. Ubi sunt nunc igitur Claves, quas Multitudini fuisse traditas Adversarius comminiscitur? Ubi illud est, quod idem scribit FEBRONIUS, neque paucos, neque multos Episcopos infallibilitate gaudere, sed Corpus ipsum ex Senatu populoque compositum?

Jam a CYPRIANO, qui tertium ornavit sæculum, quam sunt multa ad jugulandum novitiæ opinionis probrum præclare scripta? Sic in Epistola ad FLORENTIUM PUPRIANUM Episcopos non populorum sane administratos

(10) Apud Constantium Tom. I. pag. 27 & 28.

(11) Cap. 43.

ministros & procuratores nominat, sed *Apostolis vicaria ordinatione* *successe* asserit. (12) Et ad ROGATIANUM, *quoniam Apostolos*, inquit, *id est, Episcopos & Præpositos* DOMINUS *elegit*. (13) Heinc Episcopalem auctoritatem in Ecclesia gubernanda *sublimem & divinam* potestatem vocat alibi. (14) Et luculentissime in epistola ad Lapsos, Dominus, ait, *noster*, *cujus præcepta metuere & observare debemus*, *Episcopi honorem & Ecclesiæ suæ rationem disponens*, in Evangelio loquitur & dicit Petro: Ego tibi dico, Tu es PETRUS, & super istam petram ædificabo Ecclesiam meam. Inde per temporum & successionum vices Episcoporum ordinatio, & Ecclesiæ ratio decurrit, ut Ecclesia super Episcopos constituatur, & omnis actus Ecclesiæ per eosdem præpositos gubernetur. Cum hoc itaque divina lege fundatum sit, miror quosdam audaci temeritate sic mihi scribere voluisse. (15)

IV. Porro eorundem, quos attulimus, testimoniis Patrum conficitur hoc quoque: ne Presbyteris quidem secundi gradus Jurisdictionem competere, aut esse concessam a Christo ea ratione, ut tanquam pro indivisa cum Episcopis illam obtineant. Sed sunt divisiones gratiarum, divisiones administrationum, divisiones operationum, ut Apostolus ait: atque ut omnia membra non eundem actum habent; sic alii sunt Apostoli, alii Prophetæ, alii Evangelistæ, alii Pastores. Pastores autem ut nequis uniusmodi esse omnes crederet, sancivit sub anathematis pœna Tridentina Synodus, divina ipsa ordinatione atque institutione, non autem Ecclesiæ arbitrio, suffragiove populari ac plebiscito Hierarchiam in Ecclesia esse ex Episcopis, Presbyteris, & Ministris constantem. Adeo ut sit Ecclesia velut *castrorum* quædamacies ordinata: qua similitudine S. CLEMENTEM fuisse usum diximus. S. IGNATIUS vero in Episcopum tanquam in figuram æterni Patris Presbyteros intueri jubet: *quidquid præter conscientiam hujus fecerint*, Diabolo ait fieri, non Christo. (16) Neque CYPRIANI illud dimittendum animis est, Ecclesiam super Episcopos constitui, & omnem actum per eosdem Præpositos gubernari, ac divina quidem id lege fundatum esse.

N

Et

(12) Epif. 69.

(13) Epif. 45.

(14) Epif. 55.

(15) Epif. 27.

(16) Epif. ad Trall. item ad Smyrnenf. loc. supra c.

Et vero valde is hospes sit in antiquitate priscisque moribus, qui ignoret, fuisse nullam propemodum Ecclesiasticæ administrationis partem permissam ab initio Presbyteris, ac ne ejus quidem, quæ in baptizando occupatur. Cujus rei TERTULLIANUS disertissimus testis est: (17) ac debet ratio heinc repeti, quod qui origines nobis Ecclesiarum reliquerunt, ii Episcoporum fere tantum successiones commemorent, nulla de Presbyteris instituta mentione. (18) Tametsi vero posteaquam auctus est fidelium numerus, & curarum inde seges excrevit, Presbyterorum quoque auctoritas facta major est & amplior, atque adeo ordinarium esse Jus cœpit, quod extraordinarium erat ab initio, & mandari identidem ab Episcopo debuerat, nihilominus summa ipsa ac το κρατες penes Episcopum semper mansit: & inhæsit constanter ea animis fidelium doctrina, Ecclesiam in Episcopo esse, ac circumferri ab illo quodammodo, ut CYPRIANUS loquitur. (19) Itaque GUILIELMUS PARISIENSIS decimi quarti Scriptor sæculi his verbis Episcoporum majestatem expressit: *In solis Episcopis plenitudo potestatis & istorum officiorum perfectio est. Idem etiam est Apostolorum officium, sive Apostolatus: quidquid Apostolis commissum fuit, totum commissum fuit Episcopis: unde & in Sedibus, in quibus sederunt Apostoli, sedent tanquam pleni Juris successores.* (20)

Atque hæc obiter & ἐν παροδείᾳ tantum: tum ut quasi præluderem iis, quæ sum alio forsan tempore, atque postea in hoc etiam libro de Presbyteris dicturus opportune magis & copiose: tum ut vel hoc solo facilitas FEBRONIANI commentu pateat, quamque alienum ab omni antiquitate sit, quod de Clavibus iste garrivit multitudini a Christo traditis, id est, de regendi gubernandique sese ipsam potestate, penes Ecclesiam, quatenus fidelium est illa cœtus, deposita. Nam si ne Presbyteris quidem, tametsi initiati divinis modis acritibus ii sint, potestas quædam exterior per sese competit, sed vicariam eam ab Episcopo habent, ab illoque

(17) TERTULL. L. de Bap. C. 17. *Dandi (Baptismi) habet jus summus Sacerdos, qui est Episcopus, dehinc Presbyteri & Diaconi, non tamen sine Episcopi auctoritate.*

(18) IRENEUS Lib. III. Cap. 3. TERTULL. in Libro de præscriptionibus adversus hæreticos Cap. XXXII. Auctor Carminum adversus MARCIONEM, quibus TERTULLIANI nomen præfigitur, sub finem tertii libri. EUSEBIUS passim per totam historiam &c.

(19) Epif. LXIX. Scire debes, Episcopum in Ecclesia esse, & Ecclesiam in Episcopo, & si qui cum Episcopo non sit, in Ecclesia non esse.

(20) De Sacramento Ordinis C. 3.

loque pendent: quis nisi amens in multitudine eam porro quærat, hujusque propriam dixerit?

IV. Sed quid? inquiet aliquis. Si Communitati quidem concessas claves fuisse dixerimus, verum ea lege præceptoque hujusmodi injuncto, ut Episcopis in perpetuum demandentur? Nam ita Sacramenta etiam nonnulli instituta a Christo putant, quamvis non per se ea instituerit, sed Apostolis instituenda mandaverit.

Hoc qui obijciunt, ii primo velim apud se repetant, quod supra demonstratum fuit, non esse hanc opinionem venditam a JUSTINO FEBRONIO, neque posse esse: sed habere hoc illum in animo, Claves, rerumque omnium agendarum summam etiamnum in Communitate residere, neque abdicatam ab illa unquam fuisse. Quemadmodum in Republica, ubi magistratus quidem creantur, nec propterea Jurisdictione populus cedit, aut maiestate se abdicat.

Deinde quid exceptione, amabo, illa stolidius? Etenim si de profanis Communitatibus verum sit, quod a plerisque traditur, potestatem in multitudine hæsisse prius, sive *natura*, ut loquuntur, sive etiam tempore: ex eo id est, quoniam liberum populo erat, per sese ipsum administrare res suas; idque Comitibus fieri poterat, *curiatis*, *centuriatis*, *tributis*, ac si quis est alius in Suffragia eundi modus. At de Ecclesia non ita res habet se. Illa enim eodem, quo est formata tempore, per totum orbem diffundi cæpit, ut paribus cum mundo spatiis demum finiretur. Tantam vero multitudinem, torque intervallis disjunctam locorum quis in Comitibus cogeret? Aut quis modus in regiminis vocandi eos Societatem, quorum ne nomina quidem constant, ac quorum neque numerus iniri, neque censio fieri ulla potest? Atqui certe si in commune claves sint datæ, excludi etiam nemo debet. Quemadmodum nec Romæ proletarii & capite censi impediabantur, quominus centuriam quisque suam intraret, & sententiam diceret.

Adcedit hoc etiam, quod in Ecclesia non de pecuniis imperandis tractandum sit, nec de bello inferendo, nec de pace sancienda, nec de similibus, ad quæ plebeji aptiores nonnunquam sunt hominibus doctis, & in quibus si male consultum sit, reparari damnum vel tolerari potest. Sed est de divinis rebus istic tractatio, quæ obviæ non omnibus sunt, ac si omnibus committantur, & civitatem necesse est perdi & cives. Itaque

ut in physicis rebus facultas aut δύναμις nulla est, cujus πρᾶξις aut functio esse non potest; quoniam foret ea & non foret facultas aut δύναμις: Sic quemadmodum fidelium commissa cœtui potestas clavium sit, nunquam ego intelligam.

Ac vel hoc ipsum, quod in exceptione sumitur, quam est ridiculum? Jurisdictionem multitudini fuisse datam, sed ea lege tamen, ut per Episcopos & summum Pontificem administraretur. Ecquid enim datur, si administrari a Communitate non potest? aut si potest; quorsum lex ea, & sacrosancta quidem illa atque perpetua?

Non sum nescius, quo res furo liniri soleat. Qui mysterium unitatis Christi (sic scriptor Hexaplorum) id est, Ecclesiæ totius, compositæ ex universis fidelibus unitis Capiti suo, quod est in cœlis, ejusdemque, quos ille reliquit post se in terris ad supplendam præsentiam suam aspectabilem, Vicariis non magnopere pervident, iis difficile intellectu est, quomodo heic nihil agatur, nisi de admirabili consensu, concentuque Capitum atque membrorum, Pastorum, qui fideles ducunt, & fidelium, qui iis subduntur: sic, ut quidquid geritur, ad omnes pertineat, pro capto videlicet uniuscujusque, ac modulo, quem JESUS CHRISTUS instituit atque disposuit, SECUNDUM MENSURAM DONATIONIS CHRISTI. Hærent id genus homines tantum in Ducibus fidelis populi. Quos quia solos vident defungi ministerio, fertque ratio istius & efficientia, ut in omnibus, quæ geruntur in Ecclesia, partes ac functionem suam hi obeant; heic pro nihilo, quæ partes populi sint, ducunt: nec vero curant, quid ille præstet adhærendo, consentiendo, adprobando omnia, quæ fiunt, sive precesiones concernant, laudemque Dei, & sacrificium adorandum, sive judicariæ executionem potestatis, sive totum id denique, quod ad auctoritatem pertinet in Ecclesiæ gubernatione. (21)

Video illecebram: inescari non possum. *Mysterium Unitatis*: sic est, quis neget? Verum in id quæstio recidit, an membra Capiti suo dum hærent, consentiuntque & adprobant, quæ a Pastoribus fiunt; hæreant ideo

(21) Tom. VI. pag. 670. Des hommes qui comprennent peu le mystère de l'Unité &c. (Nam mihi compendii habenda ratio est) Uniquement attentifs à la part qu'ont dans tout qui se fait dans l'Eglise les Chefs du peuple fidèle par l'opération efficace du ministère sacré dont ils sont seuls revêtus, ils comptent pour rien celle qu'y a le peuple même par l'adhérence, le consentement & l'approbation de tout ce qui s'y fait, soit dans la prière, la louange & le sacrifice adorable; soit dans l'exercice du pouvoir juridique & de tout ce qui dépend de l'autorité dans le gouvernement de l'Eglise.

ideo, consentiantque, & adprobent, quoniam in Pastoribus tota vis sedet, tota potestas ac Jurisdictio, obediendique duntaxat, & obsequendi relicta populo a Christo necessitas fuit? an vero quoniam potestas in populo est, ac magistratus tantum gestio, procuratioque, & administratio illius potestatis demandata Pastoribus? si primum; quod volui, sum consecutus. Erunt falsissima enim, quæ FEBRONIUS, QUESNELLUS, & vir iste *sextuplex* tanto cum strepitu, de Ecclesiæ collatis Clavibus disputarunt. Sin alterum, id vero est, quod ego non solum falsum esse dico, verum etiam impium. Quis enim credat, Christo servatori instituendæ Ecclesiæ eam formam probatam esse, qua nulla deterior est? Nam ita quidem sapientissimis fuisse visum accepimus, esse *Democratiam* NUNDINIS POPULARIBUS persimilem, in quibus levitate, clamore, turbis, furore plena sunt omnia, Cujus rei si exempla a nobis petantur; non est, cur aut vetera aut aliena proferantur potius, quam & nostra & recentia. Voco nostra, quæ Ecclesiam invaserunt. Quis autem ignorat, ab eadem, cujus spurcitiem heic impugnamus, secta quot tumultus concitati sint? quam omnia infima summis facta paria, turbata, mixta? Innuebam hæc jamjam, sed nescio quomodo, dolor justus me huc iterum abripit.

Intra biennii unius spatium prope quatuordecim centena librarum millia per summam fraudem corrasa vidimus, quibus rebellium contra Ecclesiam numerus augeretur, foveretur. (22) Vidimus contemptos Episcopos; despectos, irrisos, protritros Pontifices Maximos, *comparatos Baalam filio Beor auctori fornicationis Israel, Antiocho, Sathanae.* (23) Vidimus (nam est æri incisa blasphemia) Spiritum sanctum sic quasi sede motum, & ad civiles translatus Curias: (24) Sartores, futores, mulerculas, pueros invasisse magisterium: (25) & quid memorem cætera? Verbo: factum, quidquid sine ratione, ac sine ulla spe bona furor facere potuit.

Jam hujusmodi a Christo formam Ecclesiæ aptatam, quis sanæ mentis suspicabitur? Quodsi ne parva quidem Respublica stare diu potest, ubi

n 3

Edicta

(22) Vide Histoire de la Constitut. *Unigenitus* par Messire PIERRE FRANÇOIS LAVITEAU Evêque de SISTERON Lib. IV. Tom. II. pag. 9.

(23) Troisième lettre de M. l'Evêque de Soissons à M. l'Evêque de Boulogne pag. 77. Extat Operum part. 1.

(24) Exhibebat Icon congregatos senatores, & Spiritum S. singulorum capitibus linguarum ignearum forma incumbentem. Inscriptio erat: *Superbia Ecclesiastica in ruborem data* &c.

(25) Histoire de la Constit. *Unigenitus*. L. c. pag. 8.

Edicta Principum rota populari tornari debent; Ecclesiam, quam perpetuam esse oportet, quis, nisi improbus, longe aliter ab auctore, fundatoreque suo constitutam, informatamque esse, non arbitretur?

Sed hæc mittantur, si ita lubet. Tabulæ, instrumenta concessæ populo potestatis ubinam sunt? Hæc nos requirimus. Cum enim statim atque est orta Christiana Respublica, per se ipsum Rectores ei dederit Christus; fane si is disjungi *rectionem a potestate* voluit, argumentis probari hoc debet. Argumentis, inquam, quæ & multa sint & longe clarissima: nam alioquin vel adparatus ille solum, providentiaque & summa cautio, quam in constituendis, qui pro se regant, vicariis *Pastorum Princeps* adhibuit, Episcopalis Juris plena est & absoluta defensio: nec talitatis heinc modo convincitur novæ sectæ opinio, sed impietatis, seditionis, rapinæ sacrilegæ.

VII. Atque est hoc fane illud, de quo FEBRONIUM mihi hoc loco (JANSENISTÆ enim scio, quid sentiant) respondere volo. Is flecti initiatus nondum sectæ mysteriis (quod quidem non arbitror, se Catechumenon putare malo) fatebitur utique, inter Sacramenta connumerandum esse ritum illum, quem græci *χειροτονίαν*, nos latini *Ordinationem* vel *ordinem* vulgo dicimus. Id enim a Tridentino definitum omnino fuit, & ex Apostolo probatur, qui ad Timotheum secundo scribens, *admoneo*, inquit, *te, ut resuscites gratiam, quæ est in te per impositionem manuum mearum*. Ac quotquot modice subacti disciplinarum sunt isto genere, ii sciunt, sacerdotium nullo non tempore exteriori quodam ritu collatum esse: tum vero peculiarem isto ritu evocari gratiam censuisse Majores nostros: ut qui initiatus hoc modo esset, is tanquam regis sui circumferens signum, esset solus idoneus ad res Ecclesiæ administrandas.

Hæc etiam Sacramenti hujus est indoles, ut perpetuum ac stabile esse debeat, sicut & reliqua: unde abrogari ab Ecclesia nunquam potest. Quemadmodum in Mosaica vero lege, quæ typus adumbratioque Ecclesiasticæ reipublicæ ac potestatis fuit, nemo sumebat sibi honorem, neque semetipsum clarificabat, ut Pontifex fieret; sed ille solum, qui vocatus erat a Deo tanquam Aaron, hoc est qui legitimis natalibus ex Aarone procreatus erat: sic in Ecclesia non ab alio quam ab Episcopo consecrari Episcopi ac Sacerdotes possunt. Ut sit heic etiam divino jussu ac voluntate Sacerdotum ordinata successio: quam qui negligit, *per ostium non intrat, neque pastor, sed fur est & latro*, ut loquitur Tridentinum.

De his, inquam, ego FEBRONII sententiam audire volo. Quæ si vera credit; debuerat quidvis venire potius ei in mentem, quam ut dubitaret, utrum solis Sacerdotibus, Episcopis ajo, proque modulo suo Presbyteris a Christo Claves sint traditæ. Tam enim solers procuratio Servatoris, tantaque cautio quid suadet, quid clamat aliud? Cujus siquæ similis ab rege quodam adhibita fuisset in provinciæ gubernatoribus designandis; puto, hominum futurum neminem omnino esse, quin istis solis *potestatem* quoque ab rege omnem esse creditam existimaret. Idque & Lutheranos, Calvinianosque observasse vidimus. Nam ii, postquam in Collegium, aut *popularitatem*, ut ita loquar, Ecclesiasticam potestatem contulerunt: simul & Ordinem e Sacramentorum numero sustulerunt. Sed cum illis quidem nulla nobis in hoc opere contentio est. Contra eos agimus, qui sub larva Catholici nominis Ecclesiam destruunt. Quod sive prudentes, scientesque faciant, sive ignari, præque mentis stupore quodam: faciunt quidem certe. Idque ex sequentibus longe magis constabit, ubi, quam ex alienis ille & furto sublati rebus sibi circumdedit, verborum pompam disjiciam. Parebit enim, in quam spurca infandaque dogmata Ecclesiam ex insidiis quasi impellar.

§. III.

Refutantur argumenta FEBRONII, petita I. Ex TRIDENTINO. II. Ex TERTULLIANO. III. Ex CYRILLO. IV. Ex AUGUSTINO, FULGENTIO, BEDA. Consecutionum, quæ inde fiunt, absurditas ob oculos ponitur. Tum contradictiones, mendacia reteguntur, & calumnia ingens regno Galliæ aspersa depellitur.

De missione LXX. Discipulorum pauca.

Uta TRIDENTINO, in quo proxime desii, rursus ordiar, tam est dissentanea imprimis menti Patrum istorum FEBRONIANA subtilitas, tam affectata & quæsitæ ridicule: ut miraturus sim, si cui mortalium, qui quidem sapiat humano more, probatam eam esse intelligam.

Reducuntur huc omnia. Dicere Synodum, *Claves Ecclesiæ datas esse non ad solvendum tantummodo, sed etiam ad ligandum: Ecclesiæ conferendi indul.*

indulgentias potestatem a Christo concessam esse. Ecclesiam per Concilium & in Concilio statuere, ac docere. Tum quod a Pio IV. in professione fidei positum est, sanctam matrem Ecclesiam judicare de vero sensu & interpretatione sacrarum literarum. Quæ quidem, inquit, omnes locutiones in Bellarmini ejusdemque discipulorum opinione non intelliguntur.

Prorsus sic est: non intelliguntur ab iis, qui in reprobum sensum traditi sunt, ut PAULUS ait; vel qui anathemate ejusdem synodi tanquam fulmine jovis percussi, præ ἐμβρονησια horroreque mentis intelligere verum non possunt. (26) Quo in numero FEBRONIUM esse ostendi. Alioquin enim naturalis & obviis verborum Concilii intellectus is est, ut Ecclesiam *docentem* ac *regentem* accipiamus. Nam hanc per se ipsum designavit, instituitque Christus, & potestatem, quam a Patre acceperat, ei tradidit. Quæ quidem ipsa potestas, quoniam ad communem fructum in Ecclesia extat, & salutem omnium spectat reipublicæ Christianæ civium: merito toti Ecclesiæ donata dicitur. Id enim Corpori expensum fertur, quod bono corporis datum est.

Et quid? si quis ita diceret: Ecclesiæ facultatem esse concessam remittendi peccata pro tribunali pœnitentiæ, facultatem consecrandi dominici corporis: nunquid vere & ex usu diceret? Quid porro? auderetne FEBRONIUS, si catholicus est, de Communitate utrumque interpretari? Atqui scelerosum hoc, impium, infandum; ut non dicam, mente atque oculis esse captum, qui ista sentiat, oportere:

Quanquam est revera hic fructus novitatis: ac, velit nolit, deglutendus homini. Cum enim auctoritas ligandi ac solvendi pro pœnitentiæ tribunali, sicut & indulgentiarum conferendarum potestas ad *Claves* pertineat: hæc si *toti Corpori* commissæ sunt; poterit absolvi nemo, nisi de voluntate, consensuque Corporis: quemadmodum neque excommunicari potest aliquis, nisi de ejusdem voluntate Corporis & consensu præsumpto, ut QUESNELLUS & QUESNELLIANI docent. O itaque miseros summos Pontifices! miseros Præsules! miseros, quotquot mali esse noluerint! Nunquam enim absolvi poterunt; quoniam nec isti potestate sua se abdicare, nec hi novaturire volent, Ecclesiamque perdere.

II.

II. Post *Tridentinum* TERTULLIANUS est; qui vel inscitiam, vel malevolentiam experiri debuit. Scribit ille in Scorpiaco: *Memento Claves hic Dominum Petro, & per eum ECCLESIAE reliquisse.* Quæ si quis in TERTULLIANO quærat; videbit facere tantundem ad FEBRONII scopum, quantum si in natura rerum TERTULLIANUS nunquam aliquis extitisset. Atque ipse certe, ut quod sentio loquar, vehementer apud me dubito, responsurusne mihi sit, si, quis ille fuerit scorpio, a quo nomen suo opusculo TERTULLIANUS fecit, interrogare volüero.

Est igitur contra Gnosticos scriptus hic liber, & in eo versatur, ut martyrium rem esse sanctam & a Deo præceptam demonstretur: contra atque isti hæretici cum Valentinianis sentiebant. Id ut probet TERTULLIANUS, urget Evangelii præcipue illum locum, ubi dicitur: *Qui me confessus fuerit, confitebor & ego eum coram Patre meo.* Quem contra cum Adversarii excepissent, esse intelligendum eum de confessione in altera vita: ridet lepidam exceptionem TERTULLIANUS, ostenditque, in altera vita quæstionem non esse, nec probari tum primum aut interrogari Christianos, sed adsumi probatos. Neque vero Christianorum eandem esse conditionem, quam gentiles commenti sint: ut sit JANUS quidam aut FORCULUS, aut LEMENTINUS in cœli Januis, qui quæstionem ibidem instituant. Sed fuisse recta illis in cœlum apertam viam, postquam Christus eo ascendit: & eorum quemlibet in PETRO accepisse Claves, quas secum ferat, siquidem probatus, confessusque hæc Christum, ut oportet, ex hac vita migraverit.

Verba TERTULLIANI: *Qui vero non hic, id est, non intra hunc ambitum terræ, nec per hunc commeatum vitæ, nec apud homines hujus naturæ communis confessionem putant constitutam; quanta præsumptio est adversus omnem ordinem rerum in terris istis, & in vita ista, & sub humanis potestatibus experiundarum? Nimirum quum animæ de Corporibus excesserint, & per singula tabulata cælorum de recepto despici cæperint, & interrogari arcana illa hæreticorum Sacramenta; tunc confitendum apud veras potestates, & veros homines, THELETOS scilicet, & ABASCANTOS, & ACINETOS VALENTINI? Quæ porro fides rerum, ut post excessum ad superna sublevatus, illic probarer, quo non nisi jam probatus imponer? illic de receptis examinaver, quo nisi admittendus pervenire non possem? Christiano cælum ante patet, quam via, quia nulli via in cælum, nisi cui patet cælum, quod qui attigerit, intrabit. Quas mihi potestates Fanitores adfirmas juxta Romanam superstitionem, JANUM quendam, & FORCULUM, & LEMENTINUM? quas à*

cancellis ordinas potestates? si unquam legisti apud DAVID: Auferte portas Principes vestras, & subleventur portæ æternæ, & intrabit Rex Gloriæ? Scito & ascensum illum exinde complanatum vestigiis Domini, & introitum reservatum viribus Christi: nec ullam moram aut questionem in limine Christianis occurruram. Qui non dignosci habeant illic, sed agnosci, nec interrogari, sed admitti. Nam si adhuc clausum putas cælum; MEMENTO CLAVES HIC DOMINUM PETRO ET PER EUM ECCLESIAE RELIQUISSSE. quas hic UNUSQUISQUE interrogatus atque confessus feret secum. Sed adseverat Diabolus illic confitendum, ut suadeat hic negandum. Pulchra videlicet documenta præmittam? bonas mecum claves feram, timorem eorum, qui solum corpus occidunt, animæ autem nihil faciunt?

Totum hunc TERTULLIANI locum: quantumvis prolixum adscribere placuit: ut vel heinc statim omnes intelligant, quocum negotium mihi sit homine, quam ignaro, quam incurioso, quam in corradendo ac deprædando præcipiti. Fit enim manifestissimum ex istis omnibus, clavium nomen non eo acceptum sensu a TERTULLIANO, quo *Jurisdictionem* significat, regendique & administrandi res Ecclesiæ publicam potestatem: sed cum depressa magis metaphora, & ad vulgarem accommodata usum, quo clavibus ad aperiendam Januam utimur. Heinc neque *Universitati* aut *Corpori* relictas claves cum FEBRONIO adserit; verum *singulis*: quas hic, inquit, unusquisque interrogatus atque confessus feret secum. Itaque clavium nomine promissionem intellexit, estque sensus hujusmodi, ac talis veluti ratio & argumentandi forma: "Christus quando Ecclesiæ suæ administrationem demandavit PETRO & pastionem ovium suarum; dare se claves ei dixit Regni Cælorum. Itaque quicumque ad oves illas & Ecclesiam pertinent, hoc est, qui pascuntur ac reguntur a PETRO, ii si Christum confessi, ut oportet, fuerint; si ex præscripto legis Christianæ vixerint; si, quod utique non excludit TERTULLIANUS, dicto audientes & morigeri suis Episcopis ac PETRI successoribus fuerint: repræsentatum si bi singuli cælum habent, & veluti claves suas secum asportant, quibus aperire possint." Unde in oppositum hoc modo subjicit: *Sed adseverat Diabolus, illic confitendum, ut suadeat hic negandum. Pulchra videlicet documenta præmittam? bonas mecum claves feram, timorem eorum, qui solum Corpus possunt occidere, animæ autem nihil faciunt?* Sic igitur vides *τὸ φλσ*, quorsum clavium a TERTULLIANO adhibita vox sit? Documenta scilicet intelligit virtutum, fidei, confessionis, non jurisdictionis potestatem.

III. Quærit CYRILLUS ALEXANDRINUS, an quandoquidem abfuerit THOMAS, cum discipulis Salvator adparuit, & insufflavir dicens, *Accipite Spiritum sanctum*; nihilominus divini Spiritus sit ille cum reliquis vere particeps factus? Ac, *respondemus*, inquit, *virtutem in omnes permanasse, & scopum largientis impleffe. Dedit autem Christus non aliquibus seorsum, sed universis discipulis. Quapropter eam accipiunt, tametsi quidam non adcrant dantis liberalitate non ad præsentem solum contracta, sed in omnem Apostolorum chorum permeante.*

Fateor, difficile est tenere stomachum ac non irasci, quando cum homine decertandum est, qui nisi omnes præter se stolidos crederet, non potuisset ludum orbem terrarum, atque jocos omnes homines tam proterve facere. Quæso enim, quid illud erat, quod probari debuerat? quid agebat, quid pugnabat? nonne istud, Clavium Jus, hoc est *principatum* atque *imperium* non Episcopis, sed Universitati, sed Corpori, sed fidelium universo ceterui *immediate* atque ea ratione transcriptum esse a Christo, ut & Apostoli ipsi cum PAULO, & Episcopi omnes cum summo Antistite, ministri tantum, & quasi apparitores hujus censendi sint Universalitatis? Nonne hoc erat? Atqui CYRILLUS in eo loco de solis Apostolis sermonem habet: *In omnem*, inquit, *Apostolorum chorum permeante liberalitate*: de multitudine nullum verbum. Deinde quid ἀμεσσωτερον seu *immediatius*, quam cum *insufflando* potestatem eam contulit Christus Apostolis?

Sed homo lepidus pro more suo uncialibus literis excudendum curavit CYRILLI dictum hoc: *non aliquibus seorsum, sed universis*. Quod co spectat, ut *neque paucis, neque multis*, sed *toti Corpori*, quemadmodum loquitur, proque indivisa virtutem eam putemus concessam. In quo quidem error est omnino duplex, & is uterque ad summam inscitiam, & alteruter ad ζυμην hæreticam implicatus. Inprimis enim quid est Spiritum sanctum dare & accipere? quæ illa virtus, quam in omnes permeasse CYRILLUS scribit? Nisi ipsam personam velimus dicere Spiritus sancti, quæ est propria CYRILLI & vera opinio; (27) saltem χάρισμα aut donum aliquod intelligamus necesse est; nec illud extrinsecus præparatum tantummodo, sed internum animosque ipsos pervadens, & iis inhærens, quemadmodum de gratia, qua sancti & justî reddimur, ex præscripto Eccle-

(27) Vid. PETAVIUM Theologicorum Dogmatum de Trinitate Lib. VIII. Cap. IV.

fiæ tenemur loqui. (28) Jam hujusmodi vero *χαρισμα* & donum, quod est simplex natura sua, neque in partes potest diutendi, fierine potuit, ut collectioni ac multitudini inderetur, neque singulis tamen inesset, nec singulorum Apostolorum animos adficeret?

Sed & *potestatem* quod attinet, quæ JOANNIS illo in Capite confertur, remittendi scilicet ac retinendi peccata (quamvis CYRILLO de ea sermo non sit) constat a Jurisdictione disjungi eam & tanquam priorem debere cogitari. Est enim aliud profecto *ἡ δυναμις*, vis, efficientia, potestas; aliud quo applicari illam & admoventi legitime necesse est. Diaconum ecce ad expiandos pro tribunali pœnitentes ablegat Episcopus; præstare hoc ille non poterit, quoniam virtute ac facultate destituitur; quæ cum ab ipso met Deo per consecrationem infundi debeat, non est in hominis alicujus arbitrio posita. Atqui hanc ipsam virtutem, facultatem, efficientiam spectavit tum Christus, quando Spiritum sanctum Apostolis dedit. Hanc tum primum iis infudit. Quare si non ad singulos, sed ad universos ea tantum pertineat; consecrante omnino erit, neque JOANNEM neque JACOBUM, neque alium quempiam Apostolorum, quoad soli essent, potuisse peccata remittere. Itaque in Senatum erant producendi pœnitentes, ibique causa eorum instruenda; tum communi judicio consueta Romanis litora absolvendi: quo quid insanius, alienumque magis ab Ecclesiæ communi usu ac sensu cogitari possit, plane non video. Neque in alterius vero mentem atque sententiam venire poterit, quam qui fidem cum ratione amiserit: tantum abest, ut CYRILLO adfingendum putemus.

Hujus enim minime implicata locutio est, sed ex vulgari & quotidiano sumpta usu genereque sermonis: siquidem consuevimus ita dicere, *universis*, id est, omnibus ac *singulis*. Atque sic recte CYRILLUS: Christum non in JOANNEM singillatim, tum in JACOBUM, atque inde in alios quosdam seorsim insufflasse: quod si fecisset; potuisset exclusus, qui aberat, THOMAS videri. Sed in *universos*, & quasi una insufflatione, ut sic omnes Apostolos, quatenus Apostoli erant, participes Spiritus sancti se facere ostenderet: eos nimirum omnes ac singulos, quos ex multis elegerat *duodecim*, ut ait LUCAS, & Apostolos nominaverat. En quo recidant fercula FEBRONIANÆ pompæ!

IV.

(28) TRIDENTINUM Sess. VI. Can. XI. Siquis dixerit, homines justificari vel sola imputatione justitiæ Christi, vel sola peccatorum remissione, exclusa gratia & charitate, quæ in cordibus eorum per Spiritum sanctum diffundatur, atque illis inhaereat, aut etiam gratiam, qua justificamur, esse tantum favorem Dei, anathema sit.

IV. De iis, qui S. AUGUSTINUM turbare ac vexare non desinunt, adpositum illud est CLAUDII SANTESII *Ebroicensis* Episcopi: *observare licet, Adversarios sive nostra destruendo, sive sua asserendo, solidis & certis scripturis carere, atque in omni controversia ad unum AUGUSTINUM tanquam ad sacram anchoram confugere. Non quod ab eorum partibus stet, sed quoniam tam multa & tam varia scripsit pro re nata, ut facile fuerit omnibus post ipsum hæreticis aliquid de illo contorquere, atque aliorum, quam ipse dixerit, vertere.* Et sunt enim vero omnia, quæ e viro illo sanctissimo FEBRONIUS posuit, non solum a JANSENISTIS, quod supra jam docui, sed a LUTHERO etiam in libro de potestate Papæ, & a CALVINO in libro IV. Institutionum, a MAGDEBURGICIS in prima Centuria primi libri, & in libro *Smalcaldico* de Primatu Papæ, atque a SPALATENSI & aliis objecta sæpius. Confutata vero repressaque sunt toties, ut pudere jam prope Theologum debeat, porro operam enucleandæ rei impendere, quam illustriorem sua facere industria non possit.

Cæterum ut in eo hæream, quod est solum hoc in capite mihi propositum (nondum enim de Primatu volo differere divi PETRI, quod faciam postea) sciendum est, duplex fuisse dogma DONATISTARUM, cum quo congregiendum sancto AUGUSTINO fuerit. Primo enim Catholicam ii Ecclesiam, id est, eam, quæ Romanæ hærebat cathedræ, *Synagoga Satthana & pestilentia* esse cathedram criminabantur. Itaque Jure secessionem se ab illa facere concludebant: & ut error errori necitur, negabant peccatorum remissionem, aut cujuscunque effectum Sacramenti apud alios, quam apud DONATISTAS adquiri posse. In hoc quippe sancti CYPRIANI se exemplo tuebantur, qui Sacramenta ministrorum fide ac moribus inquinari aliquando crediderat.

In hanc controversiam postquam circa annum quadringentesimum ingressus S. AUGUSTINUS fuit, occasionem exinde nullam neglexit, qua *Hipponensem* populum a vicinæ contactu hæresis servaret. Atque duo e diametro, quod ajunt, opposita DONATISTIS objecit: alterum faciendi schismatis nullam esse causam: nam & malos in Ecclesia esse debere: de cætero quidquid Ecclesiæ sit datum, id *Unitati* esse a Christo datum: quam qui violent, salutem non posse eos, nec peccatorum remissionem consequi. Dein hoc alterum: Sacramentorum vim & efficaciam administrantium fide & moribus non contaminari. Quod posterius tamen ex eo etiam satis demonstrat, quoniam neque PAULUS, neque APOLLO, neque CEPHAS, sed Christus est, qui baptizat: voluit alteram tamen & popularem

magis rationem adungere, non illam re quidem diverſam a communi ac certa ſanctorum Patrum ſententia, ſed verbis tamen & loquendi inuſitato novoque genere diſcrepantem.

Duo quippe ad peccatorum remiſſionem ex diverſis veluti partibus confluunt. Primum, idque præcipuum Sacramenti eſt ipſius adminiſtratio: atque hanc ſolis paſtoribus in PETRO, & cum PETRO fuiſſe impoſitam a Chriſto, identidem docet AUGUSTINUS. Alterum *Eccleſiæ*, ſeu fidelium in ea bonorum & ſanctorum hominum præcatio: & hanc *charitatem* ac *columbæ gemitum* paſſim adpellat. Qua non illud urique fit, ut poteſtas ipſa atque auctoritas ligandi atque ſolvendi, & aperiendi cælum penes fideles reſideat. Sed quod ii precibus ſuis requiſitam & neceſſariam ad effectum Sacramenti diſpoſitionem a Deo impetrent, ideo Claves habere dicuntur: qui ſcripturæ accommodatitius eſt ſenſus, & familiaris nulli magis quam AUGUSTINO.

Et vero ex populari quotidianoque deſumptus uſu eſt iſte ſermo. Cum enim plures cauſæ ad eundem effectum confluunt; tamenſi principalior ſit una, & altera huic ſubjecta: id quod efficitur, modo uni, modo alteri ſolemus adſcribere. Quemadmodum *Judeos* ab ESTHERE liberatos dicimus, quoniam precibus ſunt illius liberati: tamenſi autoritas ei nulla competebat. Quo utroque ſic poſito, videamus quid præſidii in AUGUSTINI corraſis ſententiis Adverſarius habeat.

Adſignantur Tractatus ejus ſuper JOANNEM ad annum CCCCXVI. Quorum in quinquageſimo verba Chriſti illa exponens: *Pauperes ſemper habetis vobiscum, me autem non ſemper habetis*, hoc ad JUDAM ait pertinere, non ad electos & juſtos. Tum quæſtionem ſibimet obmovet: ecquid ergo non ſingulari numero ſit uſus Chriſtus? ac reſpondet, factum ideo, quod Judas caput eſſet impiorum: quemadmodum PETRUS ex adverſo bonorum extiterit caput: cum ex utriſque Eccleſia Chriſtiana conſtet, *Quare ergo, inquit, non dixit, HABEBIS, ſed HABEBITIS? Quia non unus eſt JUDAS. Unus malus Corpus malorum ſignificat, quomodo PETRUS Corpus bonorum: Corpus Eccleſiæ, ſed in bonis. Probat hoc: Nam ſi in PETRO non eſſet Eccleſiæ Sacramentum, non ei diceret Dominus: Tibi dabo Claves Regni Cælorum: quæcunque ſolveris in terra, ſoluta erunt & in cælo; & quæ ligaveris in terra, ligata erunt & in cælo. Si hoc PETRO tantum dictum eſt; non facit hoc Eccleſia. Si autem & in Eccleſia ſit, ut quæ in terra ligantur, in cælo ligentur, & quæ ſol-*

vuntur in terra, solvantur in cælo: quia cum excommunicat Ecclesia; in cælo ligatur excommunicatus; cum reconciliatur ab Ecclesia, in cælo solvitur reconciliatus: Si hoc ergo in Ecclesia fit; PETRUS quando Claves accepit, Ecclesiam sanctam significavit. Si in PETRI persona significati sunt in Ecclesia boni; in JUDÆ persona significati sunt in Ecclesia mali: ipsis dictum est, ME AUTEM NON SEMPER HABEBITIS.

Ex his AUGUSTINI verbis luculenter imprimis id patet, quod modo agebam, nihil frequentius esse AUGUSTINO, quam allegoricos Scripturæ sensus captare. Deinde quod PETRUM ait Corpus Ecclesiæ repræsentasse, hoc de bonis tantum & Justis eum intelligere. Itaque pariter cum Ecclesiam in PETRO Claves accepisse adserit; de justorum hoc adfirmat Ecclesia. Nam de ea adfirmat, quæ repræsentata in PETRO fuit. Sume nunc tu ista temere, siquidem vis, & de auctoritate interpretare, seu de eo, quod est *ἀντὶ τοῦ κόσμου*, & imperium ac summam potestatis obtinere: quid fiet? Erunt Claves, excommunicandique aut jubendi auctoritas penes justos tantum ac bonos. Erunt penes eam igitur partem Ecclesiæ, quæ videri ac discerni non potest. Penes eam igitur, quæ utrum probe, utrum consentiat iis, quæ Episcopi faciunt, perinde sciri non potest. At certe penes quancunque sunt, siquidem ministri sint solummodo Episcopi, consensione opus habent dominatricis regentisque partis. Itaque nihil unquam Antistites in Ecclesia poterunt: nihil prorsus, nisi tum forte, cum mortalium se nemo movet, nemo reclamatione, nemo intercedit, sed omnes tacent, adquiescuntque sententiæ, Vah! Eone tandem, & ad umbras Episcopatum, sanctissimumque & divinissimum ordinem illum abigemus? (29)

Quinimo si bonorum est tantum Corpus, quod auctoritatem obtineat; nec ministerium hujus auctoritatis, nisi apud bonos erit. Desinam igitur bonus esse: minister esse non potero: quod est, quemadmodum princeps qui-

(29) Non ista temere me hariolari, verum usu, experientiaque jam esse comperta, sciunt, qui IPRENSIUM libros evolverunt. Videatur interim quem sæpe citavi, *Em. Card. DE BISSI Traité Theologique sur les cent - une propositions* pag. CXX. - Item documentum Pastorale contra PASCHASIVM QUESNELLUM editum a 40. Gallia Episcopis, & ab aliis adoptatum.

quidam dicebat *Burgofontanae* sectae, si castitatem Episcopus violaverit; Episcopus, Sacerdosque esse jam desit. (30) Atque huiusmodi nos porrenta AUGUSTINO nata patre putabimus? Absit: sed ille ut vir optimus sanctusque erat, non se aliis, quam posteris bonis putavit scribere.

Itaque tria in Commentario ejus considerata sunt. Alterum, quemadmodum JUDAM adloquens Christus, omnes malos adlocutus est ex AUGUSTINI sensu: ita dum Claves PETRO dedit, non unius PETRI spectasse decora ornamentaque personae; sed ut perpetua ea esset in Ecclesia potestas, voluisse: quod verum est, neque inficiari quisquam volet. Alterum, quemadmodum homini quidem datum est, ut videat, audiat, olfaciat, verum ita, ut unicuique sensu suum sit organum (neque enim *omnia membra*, ut ait Apostolus, *eundem actum habent*) ita Ecclesiam quoque instar *suppositi* cujusdam unius habere Claves, ligareque ac solvere. Quid ita? quoniam perpetuos illa habet administratores potestatis istius; non suo, non populi, non Corporis constitutos arbitrio, sed ab eodem, qui est Dominus gregis, *Pastorumque princeps*, praepositos. Neque hoc tamen est unum, quod AUGUSTINUS voluit. Habet & *columba*, habent & *boni omnes* suas quasdam in ligando partes, sed accommodatas statui. Nam Episcopi cum auctoritate atque imperio ligant coercentque: quorum jussis dum obtemperant qui sunt in Ecclesia boni, segregantque ab iis se, quos
Epi-

(30) ABBAS SANCYRANUS sub larva PETRI AURELII in vindictis Censurae Sorbonica adversus spongiam LOEMELII pag. 296. *ineptum & inscirum est querere, an Episcopatus propria media habeat ex statu suo, quibus a peccato ad gratiam revertatur. Clarissimum enim est, Episcopum peccatorem resurgere non posse per media statui suo propria, cum hoc ipso, quod peccator est, statum suum amittat ex primævo jure, nec amplius in eo sit. Et pag. 319. Immo tanto facilius extinguitur sacerdotalis dignitas, quam regularis status, simul atque castitas deficit: ut non solum delectio vinculi castitatis, sed QUÆLIBET EJUS INFRACTIO perimat sacerdotium, & illud homini ex antiquo Ecclesiastica disciplina jure auferat. Chat ad marginem Con. Ancyran. Can. 10. Concil. Neocæs. Can. 1. Eliberit. Can. 33. Mendacissime & impudenter: nec enim agitur istheic nisi de iis, qui matrimonium cum sacerdotio copulant, deque fornicariis & adulteris Clericis: neque peremptum ipso crimine sacerdotium, sed deiciendi, qui illud admiserint, dicuntur: tum scilicet, postquam deprehensi & convicti fuerint. Quæ quidem fraus hominis potest sola argumento esse, non nisi ad fucum pertinere, quod addit pag. 296. in hæc verba: Quod autem nunc per caus Episcopus non excidat gradu, necessaria Ecclesiæ indulgentia sit. Quasi vero possit saltem Ecclesia efficere, atque adeo fecerit olim reipsa, ut quælibet castitatis infractio, aut quodlibet peccatum grave sacerdotium, Episcopalemque statum perimeret? Probrum! Isti tantundem hoc, atque si dicerem in Ecclesiâ potestate esse, INVISIBILEM reddere Hieraribiam, atque tollere ex se illam & extirpare funditus?*

Episcopi segregarunt, *suffragiorum* hoc ipso, ut dicimus, precumque eos privant consorcio: quod est communione sanctorum hominem multare, & sathanæ tradere.

Eadem illius est loci explicatio, qui ex Tractatu CXXIV. sumptus est: (31) Sicut & omnium cæterorum, & istius præsertim: *Claves non homo unus, sed Unitas accepit.* (32) Certe enim non homo unus accepit: alioquin eo sublato, periisset illa funditus in Ecclesia potestas. Sed *Unitas* accepit, quoniam permanens est, sicut Ecclesia ipsa, cujus bono ac commo-
modo tradita est PETRO. Tum vero maxime si homo unus, non Unitas accepisset; posset impediri fortassis efficientia ac fructus illius, personæ vitio: posset pro libitu etiam in quoscunque, & Unitatis ratione non habita, vis ejus extendi. Sed neutrum est. Nam utut malus sit administer; Deus non personam hujus, sed *Columbæ*, Sponsæque gemitus intueretur. Heinc in tertio libro de Baptismo: *Quod in typo Unitatis*, inquit AUGUSTINUS, *Dominus PETRO dedit potestatem, ut id solveretur in cælis, quod in terris ille solvisset; manifestum est, quod illa UNITAS etiam UNA COLUMBA perfectus sit dicta.* Post pauca: *Per orationes Sanctorum, qui sunt in Ecclesia, tanquam per Columbæ creberrimum gemitum, magnum geritur Sacramentum, & occulta dispensatio misericordiæ Dei, ut eorum etiam peccata solvantur, qui non per Columbam, sed per accipitrem baptizantur, si ad illud Sacramentum cum pace catholicæ unitatis accedant.*

Ex quo ipso infert AUGUSTINUS, penes hæreticos, & in schismaticorum quibusvis cæcibus non dari peccatorum remissionem, nec cæli claves extare, quoniam a Columbæ gemitu, & precibus Sponsæ exclusi sunt. *Remissionem peccatorum* (verba sunt in eodem libro AUGUSTINI) *non dabant, quæ per orationes Sanctorum, id est, per Columbæ gemitus datur, quicunque*

(31) Cujus Ecclesiæ PETRUS propter Apostolatus sui Primatum gerebat figurata generalitate personam... Ecclesia ergo, quæ fundatur in Christo, Claves ab eo regni accepit in PETRO, id est, potestatem ligandi, solvendique peccata.

(32) Pene ubique solus PETRUS totius Ecclesiæ meruit gestare personam: Propter ipsam personam, quam totius Ecclesiæ solus gestabat, audire meruit: *Tibi dabo Claves regni cælorum.* Has enim Claves NON HOMO UNUS, sed UNITAS accepit ECCLESIE. . . . Nam ut noveritis, Ecclesiam accepisse Claves regni cælorum; audite in alio loco, quid Dominus dicat Apostolis suis: *Accipite Spiritum sanctum: & continuo: si dimiseritis peccata, dimittuntur eis: si cuius tenueritis, tenebuntur.* Hoc ad Claves pertinet. Citatur uterque locus a FEBRON. C. 1. §. 6.

que baptizet, si ad ejus pacem illi pertinent, quibus datur. Non enim raptoribus & feneratoribus diceret Dominus: si cui dimiseritis peccata, dimittuntur ei: si cui tenueritis, tenebuntur. Foris quidem nec ligari aliquid potest, nec solvi, ubi non sit, qui ligare possit, aut solvere. sed solvitur; qui cum Columba fecerit pacem; ligatur, qui cum Columba non habet pacem.

V. Idemque S. FULGENTIUS, qui exscribere AUGUSTINUM solet, his verbis expressit, recitatis, objectisque perperam ab Adversario: *In sola ergo Ecclesia catholica datur & accipitur remissio peccatorum: quam ipse sponsus unam dicit esse Columbam suam, unam Electam suam, quam supra petram fundavit, cui claves regni cælorum dedit, cui etiam potestatem ligandi, solvendique concessit, sicut B. PETRO veritas ipsa repromittit. Ab hac Ecclesia, quæ Claves regni cælorum accepit, quisquis foris est, non viam cæli graditur.*

Jam quis est BEDÆ uspiam locus, quem ex AUGUSTINO non sumpserit? Is quidem ipse, in quo *omni Electorum Ecclesiæ juxta modum culpæ & penitentiae ligandi, atque solvendi datam auctoritatem* scribit, ex AUGUSTINI transcriptus est *quingagesimo super JOANNEM Tractatu*. Quamobrem non alia, quam quæ data modo est, explicatio erit illi adhibenda. Et ut universe nunc dicam: habet utique *Ecclesia* Claves ex mente Patrum istorum, verum ea ratione, qua *sacrificium & sacerdotium* habet: quæ quidem ambo ab uno, soloque Christo instituta sunt, neque a Multitudinis auctoritate pendent. Habet etiam *Unitas* Claves, tum quod remissio peccatorum extra Ecclesiæ Unitatem esse nulla possit; tum quod Sanctorum in Ecclesia precibus ea comparetur.

VI. Atenim *quamplurima alia*, inquit FEBRONIUS, *Sanctorum Patrum & Doctorum loca, quasi continuata serie usque ad tempora Concilii Tridentini referuntur ab JOANNE LAUNOIO*? Scio: sed quorsum hoc objicit? Expectatne a nobis, ut, quæ quindecim magnis foliis iste aspersit, refuremus nos omnia, & vel typographum, vel emptorem suo peculio spoliemus? Cadat hoc in FEBRONIOS facinus: in virum bonum non cadat.

Ecce hominem vero sui profecto haud compotem. Postquam AUGUSTINI, CYRILLI, FULGENTII, GREGORII, (33) & BEDÆ, ereptas jam ei a nobis

a nobis sententias ex DUPINIO, LAUNOIOQUE scripsit : subjungit : *Non ignoro effugia , quibus ad declinandum genuinum, ac integrum hac in parte Ecclesiasticæ traditionis sensum utuntur Romanæ Curiae fautores. Inter hos alii Claves in persona PETRI NON TAM IPSI ECCLESIAE , quam IN COMMODUM totius Ecclesiæ datas esse asserunt. Alii , quod JESUS Christus, loquens PETRO, non intenderit ei dare personale privilegium , PETRI morte finiturum , sed ejus Primatui perpetuo adhæsurum , hocque sensu Ecclesiam accepisse Claves in ejus sinu usque ad consummationem sæculi substituras. Verum, excipit, hæ interpretationes, utut de se bonæ ac veræ, non exhauriunt totam vim traditionis, a Patribus ad nos transcriptæ. (33)*

Quis crediderit, in paucis lineis contradictiones tam manifestas habere locum potuisse? si enim *Interpretationes illæ & veræ, & bonæ* sint; mentem certe eorum, a quibus prolatae sunt hujusmodi de Clavibus Ecclesiæ datis sententiæ, exhauriunt. alioquin enim bonæ interpretationes non forent. Nam non is bene interpretatur, qui verum aliquid dicit, sed, qui id dicit, quod fuerat ei, cujus interpretatur verba, significare propositum. Deinde si *veræ* interpretationes illæ sunt; utique quæ ex duabus prima est, similiter vera est. Verum igitur, *Claves non tam ipsi Ecclesiæ* (memineris pepon!) non tam ipsi Ecclesiæ, quam in commodum totius Ecclesiæ datas esse. Id autem si verum est; certissime falsum est, quidquid toto garristi paragrapho, nec modo effugia non ii quærunt, qui ita Patres interpretantur; sed & calumniam a te passi sunt, cum *fautores*, id est, emptitia & consueta tibi verborum elegantia adultores Romanæ Curiae eos adpellasti.

VII. Sed age! quid est igitur, cur exhausta traditionis series non esse tibi videatur? Ponderentur, inquis, verba S. AUGUSTINI: *Nunquid istas Claves PETRUS accepit, PAULUS non accepit? PETRUS universam significavit Ecclesiam. Ergo si Apostoli personam gerebant Ecclesiæ, sic eis hoc dictum est, tanquam ipsi diceretur Ecclesiæ. si sic eis hoc dictum est; pax Ecclesiæ dimittit peccata; & ab Ecclesiæ pace abalienatio retinet peccata.*

Post tam horribiles minas ac tantam jactantiam, nunc id demum fateris, aliorum dicta Patrum explicatum habere facilem, ac traditionis seriem in AUGUSTINUM prorsus unum incumbere? Et fateris hoc tu, cui nulla

alioquin traditionis habenda ratio videtur, nisi semper, & ubique, & ab omnibus ita traditum fuerit? Ubi mens? Sed nec de AUGUSTINO, opinor, porro sollicitus eris, qui quid senserit, quid docuerit, manifeste, nisi me penitus fallo, exposui. Ut id modo condonem tibi, cum *Universitati* commissas Claves, probare debueris; afferri locum abs te AUGUSTINI, quò etiam PAULO & Apostolis fuisse datæ dicuntur. Quod ubi tu negatum unquam a nostris reperisti? Nihil igitur ad rem est iste locus, & eodem, quo cæterorum ab LAUNOIO tuo vexatæ sententiæ, & dicta Patrum referri debet. De quibus sic quidem ego *Febroniana* omnino confidentia pronuntio: tam inepte allegatas esse omnes ac frivole, ut qui vel tantillum in solidiorum isto genere consecutus fuerit, malignum LAUNOII animum ac pessimam fidem mirari non satis possit. Quæ si calumniâ tibi videatur; suscipe causam in te illius: nam mihi quidem quid sumptserim vides, & quid porro sumpturus sim, periclitari, si lubet, poteris.

VIII. Quanquam quid tu mihi Patres, sententiasque & scripta Veterum occinis? Tu qui quid nescio præfagiens apud te in ingressu operis tui tam solerter commonebas, haud satis secure ab iis disputari, qui Traditionis seriem ac filum ex dictis Patrum conantur statuere. Nam *esse verba istorum aliquando tam varia, ut alia in hanc, alia in illam videantur trahi posse sententiam*; insuper æstu ipso disputantium, hoc præsertim ævo rixoso, reddi dubia. (35) Feriri certius expeditiusque, si documentis ex constanti usu & disciplina sumptis pugnetur. Hanc te legem tibi tulisse; hanc secuturum, non in eorum iturum vestigia, qui præjudicatis opinionum suarum commentis, immo commodis suis canitiem vetustatis famulari cogant. (36)

Et astute hæc quidem pro more, ac valde subtiliter. Quid vero? Eorum, qui *Ecclesiæ* a Christo Claves fuisse traditas, ex antiquis adserunt, tam inclinata tibi esse videtur ad tuam hæresin oratio, ut aliorum a nobis deflecti, & explicari in partem aliam nullo modo possit? Atqui si ulla, hæc anceps locutio est. Sum enim ipse a puero, sunt mecum alii ita instituti:

Eccle-

(35) FEBRON. Tom. I. Cap. I. pag. 4. N. 3.

(36) *Ibid.* Usus constans & uniformis disciplina plerumque certa sunt; scribentium verba, in hoc præsertim rixoso ævo, disputantium æstu redduntur dubia. Homines sive præjudicii, in quo enutriti sunt, amore, sive commodi . . . causa, omnes nervos intendunt, ut veterum Scriptorum verba recentiori systemati accommodent. His nixi regulis facile & secure judicabimus &c.

Ecclesiam habere Claves. Inde ex quo Theologiæ dedimus operam explanandæ, centies ac multo sæpius fuimus usi isto genere sermonis. Quid igitur? Popularem Ecclesiam fecimus? FEBRONIANI fuimus? Tuam, quam modo damnamus, opinionem secuti sumus? Id vero sentis, quam sit ridiculum. Quid est ergo, quod cum TRIDENTINUM, TERTULLIANUS, AUGUSTINUS, FULGENTIUS, BEDA, alique Veterum in hunc modum loquuntur; tu in tuam esse locutos sententiã, tam superbe, præfracteque contendas? Siquid potes; verba exhibe, non illa, quæ cum antiquis sunt nobis & omnibus bonis communia, sed tua. Tua, inquam, in quo Concilio, in quo Patrum Sanctorum legeris: *Universitas Credentium accepit Claves proprie, principaliter, radicaliter: Prælati eas ab Ecclesia habent usualiter, usufructualiter, ministerialiter*: ac quæ sunt alia id genus monstra. Et ut verbo dicam, quorum convici te perversorum dogmatum, hæctu mihi in TRIDENTINO, in TERTULLIANO, in reliquis, quos citasti, sanctis Patribus exhibe!

IX. Nam quod PEREIRAM exinde laudatorem, institutoremque in Portugallia tuum secutus, ex quinto decimo sæculo, hoc est, ex Ægyptiis tenebris Theologos præter ALPHONSUM TOSTATUM nominasti ANDREAM MEGARENSEM, *καθ'ον προσωπων* illud Theologorum, GERSONEM, NICOLAUM CUSANUM, BASILEENSESQUE cum CRACOVENSIBUS & DIONYSIO; (37) loquar de his alias tecum. Nunc breve hoc dico, non mihi, quid in barbarie ista temporum aliqui scripserint, curæ esse, sed quibus momentis ducti rationum scripserint. Est autem non Scriptura sancta, non traditio, non disciplina usufque constans Ecclesiarum, quo isti pugnarunt: sed absurdissima, periculosissimaque hæc ratio: *ita naturam* scilicet præscribere; ita in omnibus Communitatibus evenire; omne totum sua parte malus esse; necessitate factum, ut magistratus in Republica sint; quod si ipsa per se res suas curare Communitas posset, nunquam alteri in se imperium fuisse tradituram. Magistratus itaque non nisi legatos, & internuncios esse Communitatum.

Vah quæ res malum! Reges ac Principes procuratores & vicarios facere populorum, fundamentumque delegationis hoc fingere, quod non

p 3

possit

(37) FEBRON. Tom. II. pag. 185. postquam verba istorum recitaverat, concludit: quærat Posthæc D. KAUFFMANS, quinam Scholastici doceant &c. dicat, Febroniana paradoxa hæc esse, UNIVERSITAS CREDENTIUM accepit Claves, proprie, principaliter, radicaliter: Prælati eas ab Ecclesia habent usualiter &c. Respondebimus, sic docere ANDREAM DE ESCOBAR, ALPHONSUM TOSTATUM &c.

possit per se regere populus? Quasi vero tam hoc ingens obstaculum sit, ut tolli non valeat? aut quasi sublatum non sit reipsa in populari regimine, ubi precarii sunt magistratus, & moventur pro libitu? Hæc PODIENSIS Episcopi ad TOSTATI est illum locum adnotatio. Qui pulcherrime id etiam observat, TOSTATUM (est autem de reliquis, ut ostendam loco suo, ratio eadem) quantum ad Civiles quidem Communitates pro explorato sumpsisse quod ponit; Jurisdictionem in Communitate hærare potius, quam in Principe: tum inde vero tanquam ab simili ad Ecclesiam transtulisse, sed meticuloſe: (38) *Patet* (Verba TOSTATI sunt, quæ tu ipse adscribis) *in Communitatibus*. Si enim aliqua *Communitas vel Collegium est, ibi erit Jurisdictio: & quia non potest administrari per universam Communitatem, administratur per unum de Communitate*. Sed *jurisdictio est magis in Communitate: De Ecclesia interim, videtur, inquit, quod Jurisdictio illa erat radicalius in Ecclesia, quam in Prælato*. Fortissimum enim vero vinculum, quod uno flatu dirumpi potest. Itane CHRIS-TUS de Principibus docuit? itane PAULUS? Verum TOSTATUS quidem, aliique barbarie temporum excusari fortassis poterunt; te quid excuset, non video.

Quid enim non egisti, ut invidiam summis Pontificibus conflares, propterea quod subditos sacramento, quo erant Regibus suis divincti, solvendo aliquando sint arbitrati? Vix Lutheranorum de hoc quisquam ferocius declamavit, ac tu. Nihilominus TOSTATI non te pudet ea verba adscribere: *Patet in Communitatibus, & CRACOVENSIVM ista: omne totum est majus sua parte: quæ si locum habeant; poterit, ut seditiosissimus quisque ex plebe fuerit, concitare ad rebellionem subditos, Coronæque ac folia in momenta singula trepidabunt*. Quid? quod quæ sunt timide a TOSTATO & opinando duntaxat posita de Ecclesia, tu confidenter, & cum supercilio imperas. Scelus! Adeone cito memoria te eorum deseruit, quæ proxime scripseras "esse *scholasticam Theologiam* LUTHERO teste, *ex centaurorum* genere

(38) *Defense des Actes du Clergé* 1769. p. 2. C. IV. On rappelle aujourd'hui avec confiance un raisonnement, que Tostat ne proposoit dans son siècle, qu'avec timidité. N'a-t-on pas vu, ou aboutissoient ces maximes puisées dans une très-mauvaise Métaphysique? Elles ne transportent pas moins au peuple la puissance civile, que la spirituelle. Elles supposent même le titre du peuple si constant, & si authentique dans l'ordre civil, qu'il peut servir de fondement & d'appui à son droit dans l'ordre spirituelle. - - On sent assez le danger & la viced'une doctrine, qui ne connoit d'autre magistrat public, que le représentant, & le délégué de la multitude. Quelle absurdité, de fonder cette prétendue délegation dans les états monarchiques, sur l'impossibilité ou est la multitude de juger & de commander par elle-même, comme si, cet obstacle ne pouvoit pas être levé, & ne l'étoit pas accelement levé dans les états republicains par des magistrats precaries & amovibles.

" genere: hanc absurdam, & ab omni fana & Catholica Theologia alienam
 " methodum imitari quodammodo eos, qui divinarum Institutionum Au-
 " thoritatem, *quarum unica propemodum ratio, unica lex sit revelatio, &*
 " *Dei voluntas per Traditionem declarata*, ad calculos, sive laqueos Dia-
 " lecticos aut METAPHYSICOS contrudant: nam inde & splendorem obscu-
 " rari tantarum rerum, & vilescere majestatem. " Hæc eloquentiæ tuæ
 vis erat admirabilis. Atqui Podiensis si audiamus Episcopum; ex *Meta-*
physica non illud modo, quod TOSTATUS scripsit, est promptum, sed ex
peffima Metaphysica. Ac quicumque hætenus in Scholis pulveres excitati
 fuerint: qui utriusque splendorem majestatis, sacræ profanæque, obscura-
 verint magis, vilioresque fecerint, nulli unquam fuerunt. Id *usus* docuit;
 frustra tricæ; te ac tua tibi restituo: quantumvis dissimules, scribere vera
 me, ignorare non potes.

X. Sed nondum dimissum te volo. Ex BASILEENSIIUM synodali respon-
 so, quod EUGENIO Papæ dederunt anno MCCCCXXXII, postquam in
 rem tuam quædam protuleras; subjungis in hunc modum: " Convenit
 " hic observari, hanc doctrinam a Patribus BASILEENSIBUS traditam fuisse
 " mox post sessionem II, cum EUGENIO Papæ adhuc uniti essent, & de
 " ejus mandato Cardinalis JULIANUS synodo præfideret. Faterur autem
 " vel ipse BELLARMINUS *Libro III. de Ecclesia Cap. XVI. ad sextum*, ante
 " sessionem XXVI. anno MCCCCXXXVII. celebratam non fuisse illegiti-
 " mum BASILEENSE Concilium. "

Quid faciam; pudet eloqui; sed cogor. Mendacissime! sic tu homi-
 num fide abuti potes? Objecerat sibi BELLARMINUS id, quod a CALVINO
 objectum fuerat, BASILEENSES pro hæretico damnasse EUGENIUM. Cui
 respondet: Ad sextum dico, BASILEENSE Concilium *ab initio quidem fuisse*
legitimum: nam & Legatus aderat Romani Pontificis, & Episcopi plurimi.
At quo tempore EUGENIUM deposuit, & FELICEM elegit, non fuit Concilium
Ecclesiæ. Quid? AB INITIO legitimam fuisse synodum dicere, anne tan-
 tundem est, atque annis omnino septem, perque quatuor & viginti totas
 sessiones fuisse legitimam, dicere? Non palpas mendacium? Atque
 eo hoc quidem impudentius est, quoniam sciebas, a prima statim sessione
 dissolutum ab EUGENIO fuisse Concilium; BASILEENSES ad secundam nihil-
 ominus progressos, & innovasse Constantiensis synodi decreta, EUGENIO-
 que legitimo & indubitato Pontifici ea accommodavisse, & subjectum hunc
 sibi declaravisse. Quæ si probata a BELLARMINO fuissent ac gesta legitime
 judicata; debuisset quinque omnino is capita libri secundi *de Ecclesia &*

Conciliis a se scripta expungere. In iis enim de instituto superiorem esse Concilio summum Pontificem defendit (recte an male, non heic quæro) defendit certe: nec ignorabas hoc tu, qui toto opere tuo in exagitanda, refutandaque illius doctrina versaris.

Quid dicam amplius? Ut auctoritatem concilies iis, quæ Basileenses responderant: *ita Patres*, inquis, *senferunt circiter trecenti.* Mendacium est. Præsta numerum, si potes, si annales, si historias, si tomos omnes Conciliorum evolveris; nunquam poteris. *Post sessionem II*, ais, *Eugenio Papæ adhuc uniti erant, & de ejus mandato Julianus synodo præsidebat.* Mendacium est. Hujus te tiro convincet. Quis enim ignorat, itatim à prima sessione ad XV. Kalendas Januarias dissolutum esse ab EUGENIO Concilium, nec restitutum, reparatamque concordiam ante Nonas Februarias anni MCCCCXXXIV, quod intra tempus sessiones sunt habitæ quindecim, quarum nulli, dempta prima, EUGENIUS consensit. Heinc clamores illi BASILEENSIVM, furor, evocationes, minæ. *Hoc ipsum*, inquis (quod BELLARMINO adsperseras scilicet) *jani declaraverat ipse EUGENIUS in Bulla: EXPOSCIT DEBITUM.* Mendacium est. Nulla vox in ea *Bulla*, neque in alia quapiam comparet, ex qua vel divinando, quod dicis, possit conjici. En mendacia igitur in undecim lineis omnino quatuor. Adderet quantum fortassis alius: sed nolo ego, quoniam causam, manifestam saltem & evidentem, haud ita habeo in promptu, cur mentitum te esse potius, quam lapsum errore debeam judicare. Sed tamen error est; error gravis.

Etenim de synodali loquens responso, & de doctrina, quam ex illo laudaveras, observari jubes, fuisse *traditam eam doctrinam mox post sessionem II.* Minime gentium. Fefellit *talentum* te tuum, quod es indeptus. Est enim proxime ante sextam sessionem responsum editum: qua in re quia momenti esse plurimum, ad redarguendum te video; libet quo res ordine gestæ sint, hoc loco paucis adscribere. Itaque anno millesimo quadringentesimo trigesimo secundo XI. Kalendas Septembres, qui Augusti est dies vigesimus secundus, ANDREAS Colossensis Episcopus pro EUGENIO in cætu publico peroravit, & ad cavendum schisma BASILEENSES oratione gravi est adhortatus. VII. Kalendas, seu vigesima sexta Augusti die de auctoritate summi Pontificis dixit JOANNES Tarentinus Episcopus. *Responsum synodale* consignatum est III. Nonas, seu Septembris die secunda. Secuta est *sessio VII.* Idus, seu die sexta Septembris. Atque ad hanc quidem sessionem, quæ sexta fuit, prima vice adparet numerus præsentium

tium adnotatus; præfuisseque ei dicitur PHILIBERTUS *Constantiensis* Episcopus, & adfuisse præter JULIANUM, Cardinales duo, *Placentinus*, & *Firminus* cum Prælati triginta duobus, & *Protectore* Concilii.

Virorum optime! ubi trecenti heic igitur illi tui, qui *synodale Responsum*, ut scribis, ediderunt? Ubi sunt? Alione dilapsi intra tridui unius spatium? aut quæ morbi vis subita eos domi continuit? Id quidem mirum, & instar prodigii, quod nemo credat; fuisse, qui EUGENIO responderent die secunda Septembris, Patres trecentos circiter; qui synodo, cuius causa convenerant, interessent, tamen post triduum est illa celebrata, non nisi duos supra triginta fuisse, cum Cardinalibus tribus, & Basileensi Episcopo. Vides igitur errorem? Quo quidem nomine dum utor; noli, corrigere me velle, putare, quod scripsi, fuisse te, cum trecentos nominares, mentitum. Nam est utrumque in eadem scriptione tua, mendacium & error. Mendacium, quia certissime finxisti, quod nusquam legeras: neque enim ab ullo mortalium consignatum est, quot adfuerint primis quinque sessionibus; verum ad sextam demum sessionem *Mytrati* illi adparent, quos memorabam, paucissimi; de quibus etiamnum tamen, Episcopine omnes, an Abbates fuerint, dubitatur: & ad septimam decimam, cum reconciliatus jam esset synodo EUGENIUS, *bene centum*, ut habent Acta, confederunt. Error quoque est, quia non ad secundam, sed ad sextam aut quintam sessionem revocandum erat synodale responsum: tum, si illudere volueras, oportebat ita aptari mendacium, ut non in oculos sic quasi sponte sua incurreret. Sed de BASILEENSIVM quidem rebus copiose alias ac diligenter. Nunc ad calumniam venio.

XI. Mones nos, ac de abortu tuo adseverare non dubitas, esse communem hanc ipsam Theologorum GALLIÆ tam veterum, quam recentiorum sententiam. Maeste! quid dicerent Fratres tui, si paulo pudentior esses? Itane vero? quam ex putridis LUTHERI, CALVINIQUE fontibus ab se haustam falsus RICHERIUS fuit, quamque & Episcopi, & senatus regius, & SORBONA damnarunt, communis illa Theologorum Gallia est? Quam cum propagare publice non posset LAUNOIUS, *dexteritate* debuit atque *industria*, communis illa Theologorum Gallia est? De qua, qui in ipsa Gallia LAUNOI epistolas edidit, esse *nefas* sibi affirmavit, quicquam loqui aut scribere, quamque *novitiam* iste idem, & *politici* opinionem dixit, communis illa Theologorum Gallia est? Qua *peffumdari funditus Christianam religionem*, & ANTICHRISTO *sterni viam*, magnus BOSSUETIUS dixit, communis illa Theologorum Gallia est? Quam in QUESNELLO sociisque

istius omnes ITALIÆ, omnes GALLIÆ, omnes GERMANIÆ, omnes HISPANIÆ & LUSITANIÆ execrati Episcopi sunt, communis illa Theologorum Galliæ est? Quam tuomet ore, ac tuis ego verbis probavi *hereticam & alienam* esse a Catholica fide ac dogmate, communis illa Theologorum Galliæ est? I caput, & cerebrum collige!

Ququam commonet me sane res ea novi flagitii tui, quod in Patrem ZACCARIAM admisisti. Id non possum, quin Lectoribus meis exponam. Scriperat cruditissimus hic Theologus *Introductionis* suæ ad *Antifebronium* quarto capite: esse ex fundamentalibus FEBRONII placitis hoc alterum: *Claves sacræ potestatis a Christo immediate datas fuisse Ecclesiæ*. Monuit subinde, etiam Gallis Catholicis familiarem hunc esse loquendi modum; verum hoc sensu, non ut *Universitatem* ii intelligant *omnium fidelium*, sed *Apostolos tantum atque EPISCOPOS*, quibus, tanquam *regenti, docentique* Ecclesiæ, commissæ sint Claves. At ex adverso FEBRONIUM sic passum animo sese institui, ut esse cætum putet omnium Christianorum, qui & obtineat, & derivet, trajiciatque in Præfectos Ecclesiæ omnem potestatem, adeo ut sola his curatione, soloque, ut ajunt, ministerio attributo, summum sibi jus populus, summamque auctoritatem retineat. Ex duobus his primum, quod de Gallorum erat sententia, demonstraverat ZACCARIAS, LUDOVICI HABERTI, TOURNELII, & alterius, qui historiam juris publici Ecclesiastici Gallorum edidit anno MDCCXL, testimoniis adscriptis. Quid ad ista FEBRONIUS? Cum, quo se verteret, non reperiret; prævaricandam causam sibi esse putavit, agendumque dolo. Fingit igitur, scripsisse P. ZACCARIAM, in eo a Gallicana sententia FEBRONIUM discedere, quod Galli solos APOSTOLOS, præter PETRUM, *immediate* a Christo Claves accepisse doceant, non autem EPISCOPOS: FEBRONIUS contra EPISCOPORUM etiam cætui universo perinde atque ipsis Apostolis, traditas *immediate* fuisse contendat. Id vero ut esse falsum & *alienum a veritate* prober, nec ita Gallos sentire; ex GERSONE & NATALI ALEXANDRO nonnulla profert, quorum est summa: Claves tamen PETRO datæ sint, tamen Ecclesiæ item Universitati, seu senatui Episcoporum, atque huic quidem præ Episcopis *singulis* fuisse datas. Concluditque, tanquam enecto jam Adversario, ac velut si nihil, de quo respondendum sibi porro esset, restaret: *si adversum hæc HABERT & TOURNELIUS asserere videantur, Claves APOSTOLIS immediate traditas fuisse; id eo sensu sumendum est, tum quod illi soli Ecclesiam regentem constituerint, cum Christum eis Claves consignaret, tum quod eorum potestas non possit per alios, quam per Ordinatos Ecclesiæ Ministros exerceri.*

Frau-

Fraudulentissima profecto & mendacissima (39) pugnandi ratio! Quis eam ferat? in homine præsertim, qui HYPOCRITAS non est veritus tot viros præclaros, de Ecclesia, de republica, de patria tam bene meritos nominare? in homine, qui quam nescio depravationem & corruptelam morum invaluisse dolet, ex quo mitioribus quibusdam Theologis, bonis licet ac piis, adolescentes dare operam cceperunt? in homine, qui pro Germaniæ se gerit Apostolo, sanctitatemque adfectat, & profanos, *nigros, incircumcisos*, seu Philisthæos, præ se alios habet? Mihi quidem tam absurda

Q 2

res

(39)

SCHEMA IMPOSTURARUM.

FEBRONIUS Tom. II.

pag. 182. 183.

Ita senserunt Patres Concilii BASILEENSIS, qui erant numero circiter TRECENTI, in responso synodali, quod anno 1432. dederunt EUGENIO Papæ. -- --
Mox post Sessionem II. apud HARDUINUM Tom. VIII. Col. 1327.

Post Sessionem II, cum adhuc EUGENIO uniti essent. & de ejus mandato Cardinalis JULIANUS synodo præficeret.

CONVICTUS FALSI.

Editum est responsum tribus diebus ante sessionem sextam. Consignatum III. Non. Septemb. Apud. HARD. Tom. VIII. Col. 1343.

De sessione hac sic in Actis Concilii ibid. Col. 1137.

Anno Domini MCCCCXXXII. die Sabbathi sexta mensis Septembris fuit sexta hujus sacre Synodi Basileensis sessio celebrata hoc modo. Primo scilicet Missa solennis per D. Philibertum Epis. Constantiensem præsentem celebrata, & demum suffragiis, Antiphona EXAUDI ac Litaniis &c. &c. decantatis: Assistentibus Domino Legato, Placentino & Firmiano Cardinalibus cum triginta duobus aliis Prælatibus in eorum mitris planis & pluvialibus existentibus, & D. Duce Bavariæ Protectore: Venerabiles viri Magistri Nicolaus Amici, & Hugo Berardi Promotores per organum Magistri Hugonis suam petitionem fecerunt. AUGUSTIN. PATRITIUS in historia hujus Concilii: Adfuerunt Julianus Cardinalis S. Angeli, Legatus Apostolicus, Cardinalis Placentinus, & Dominicus Firmianus cum XXXII. Prælatibus, pluviali & myrra ornatis. Supplement. Tom. V. Concil. Germ. pag. 782.

Sessio I. habita est XIV. Decemb. 1431. Bulla dissolutionis publicata Romæ die XVIII. Decemb. Apud Hard. T. VIII. Col. 1578. Pontifex Legatum suum JULIANUM revocavit, & aliud Concilium BONONIÆ post annum cum dimidio celebrandum indicit. PATRITIUS L. c. pag. 777.

res visa est, ut nisi in schemate Lectorum oculis totam subjicerem; periclitaturam fidem meam judicarem. Atque utor hac occasione, ut etiam cæteras, quas perstrinxi hætenus, imposturas in elenchum contraham, ac propriis verbis exhibeam: quamvis non omnes. Sunt enim
fufius

FEBRON. L. c.

Fatetur autem vel ipse BELLARMINUS Lib. III. de Eccl. Cap. 16. ad sextum, ante Sessionem XXVI. anno 1437. celebratam, non fuisse illegitimum BASILEENSE Concilium.

Hoc ipsum jam ante declaraverat ipse EUGENIUS in Bulla, *Exposcit dudum*, quæ prostat — apud HARD. T. IX. Col. 678.

CONVICTUS FALSI.

JULIANUS præfidentiam dimisit, tanquam summo Pontifici vellet obedire. PIUS II. in Bull. Retract. Hæst tamen postea Basileæ. Habetur II. Sessio die 15. Febr. In qua Pontifex Concilio subjectus declaratur. Anno 1432. die 29. Aprilis fit Sessio tertia, & evocatur Eugenius, ut intra trimestre se Concilio sistat. Inde Sessiones 3. 4. 5., atque ita deinceps ad 14tam usque, in quibus repetita evocationes, variaque contra Pontificem decreta. Tandem anno 1434. die 5. Febr. celebrata est decima sexta Sessio, in qua opera Cæsaris SIGISMUNDI, reconciliatus est synodo EUGENIUS: sed ea lege tamen, ut revocarentur prius, quæ contra se & auctoritatem suam fuissent antea decreta. HARD. Tom. VIII. Col. 1587.

BELLARM. L. c. Ad sextum dico: Basileense Concilium ab initio quidem fuisse legitimum &c. ut supra Numero X. Idem L. I. de Conciliis & Ecclesia Cap. VIII. Hujus (Basileensis) Concilii nihil est ratum & probatum, nisi quedam dispositiones circa Beneficia, quæ a Concilio factæ fuerant, quas pacis & unitatis gratia NICOLAUS approbavit. Concilium vero ipsum reprobat in Concilio LATER.

Extat Bulla apud HARD. non Col. 678. sed Col. 734. Argumentum Bullæ. Conqueritur Pontifex de pravis Basileensium molitionibus, dissolvitque synodum, & alteram jam FERRARIÆ legitime inchoatam esse declarat: Causam, cur hæc transfulerit, proferit, quod & Græci eam urbem optaverint, & synodi Basileensis pars sanior ita crevisset. Cum in sacro, inquit, Basileensi Concilio de loci electione pro futuro œcumenico Concilio ageretur. Ecce totum, quod ad condecorandam Basileensem synodum in Bulla illa dicit EUGENIUS. Est autem evidens, neque ignorare FEBRONIUS potuit, respicere Pontificem ad XXV. Sessionem, habitam die 7. Maji 1437.: quo tempore jam inde a XVI. Sessione restituta concordia fuerat.

fusus a me aliquæ superiori articulo paragraphis primo & secundo explicata, neque huc commode transferri possunt. Eas animo apud se Lector velim recogitet.

XII. Claudam paragraphum hunc depulsione somnii istius, quod ab EDMUNDO RICHERIO haussisse FEBRONIUM dixi, siquidem perinde ac ille, atque verbis adeo ipsius exscriptis, septuaginta Discipulos missionem cum Apostolis parem & indivisam fuisse nactus adfirmavit. Depellam autem non tam meis, quam PETAVII verbis: nec enim quod addam his, habeo. Sic itaque, si RICHERIO FEBRONIUM substituamus: "Prorsus ariolatur, som-
q 3 niat."

FEBRON. Tom. III. p. 536.

CONVICTUS. FALSI

Alterum dicit ZACCARIA fundamentale placitum FEBRONI est: *Claves sacra potestatis immediate datas esse Ecclesie*. Etiam Galli, inquit ille, hoc sustinent, --- at cum hac differentia, quod juxta FEBRONIUM potestas data sit *Universitati Ecclesie*, quæ illos faciat administrari per Episcopos tanquam suos Ministros: quando ex contrario Theologi Galli, nominatim HABERT *p. II. de Hierarch. Cap. V. §. V. Q. 2.*, TOURNELIUS *de Eccles. Q. V. Art. 2.* tradunt, eas immediate OMNIBUS APOSTOLIS fuisse traditas.

A veritate alienum est, quasi sententia Ecclesie Gallicanæ sit, Claves a Christo non Ecclesie, sed Apostolis datas fuisse.

Post Gersonis & Natalis Alexandri recitata verba, de quibus supra. Si adversum hæc HABERT & TOURNELIUS asserere videantur, Claves APOSTOLIS immediatius traditas fuisse &c. ut supra.

Verba Patris Zaccaria ex Italico summa fide translata. Secundum fundamentale effatum FEBRONII est, quod Claves potestatis a Christo sint datæ Ecclesie. Etiam Galli post famosam illam Declarationem Cleri Gallicani hoc dicunt, Sed observa discrimen ingens & essenziale, quod intercedit illorum inter systema, & pronuntiatum FEBRONII. Quenam Ecclesia est modernis Gallis Catholicis, cui a Christo Claves datæ sunt? Sunt, responder HABERT, *Papa & EPISCOPI. Est unitas*, monet TOURNELIUS, hoc est, omnes *Apostoli & EPISCOPI ILLORUM SUCCESSORES*. Unde sequitur, pergit idem Doctor Sorbonicus, PETRUM, quando ipsi nominatum datæ sunt Claves, vi Primatus sui representasse Ecclesiam, hoc est, *Apostolos*, quibus, EORUMQUE SUCCESSORIBUS Christus dixit indistincte: *Quæcunque alligaveritis &c.* Est EPISCOPATUS in genere, ait Dom. D. B., non Theologus is quidem, sed testis idoneus communis apud populares suos doctrinæ. Verum non est hæc Ecclesia, cui FEBRONIUS vult Claves traditas esse. Potestas Clavium, ait, a Christo data est *Universitati Ecclesie*. Noli credere, *Universitatis* nomine UNIVERSITATEM PASTORUM ab eo intelligi: quod quidem si diceret, sententiam Gallo- rum sequeretur. Minime. Societatem intelligit, ac CORPUS OMNIUM FIDELIUM. Probatio clarissima est &c.

" niatque, dum missionem Apostolorum, qua potestas illis est ecclesiasti-
 " ca tradita, hoc est, ligandi, atque solvendi Jurisdictio, amplissima illa,
 " & cujusmodi Principes, ac Magistratus Ecclesiæ decebat, etiam ad Disci-
 " pulos extendit cæteros, qui Apostoli, aut Episcopi non erant, ac tum
 " scilicet re ipsa datam autumat, cum illos ad prædicandum per Judææ op-
 " pida destinavit, ad quæ mox erat ipse venturus. Nam prior ista missio
 " nullam aliam, quam prædicandæ penitentiae, ac tam doctrina, quam
 " miraculis præparandi ad Christi fidem populi facultatem illis indidit: non
 " regendi, gubernandique jus ullum, aut potestatem; sive ordinis, quam
 " sub cœnam ultimam contulisse creditur, sive Jurisdictionis, quam post
 " resurrectionem suam re ipsa, & ut loquuntur, actu tradidit. Frivolum
 " est ergo, quod de septuaginta duobus Discipulis adserit FEBRONIUS, eos,
 " cum Episcopi non essent, potestatem tamen clavium accepisse cum
 " Apostolis *individue, immediate, & collective*. Quod nullo argumento
 " probat; aut vero probare potest: non modo Scripturæ, quæ manda-
 " tam solis Apostolis, ac per eos Episcopis regendæ, gubernandæque
 " Ecclesiæ potestatem docet: Sed neque Canonis alicujus. (40)

Et vero, ut hoc saltem addamus, quantum ad JOANNIS illum locum: *sicut*
misi me Pater, & ego mitto vos, in magno errore ambo sunt, dum ad
 septuaginta Discipulos eum traducunt. Ad hos enim neutiquam pertinet, sed
 ad Apostolos tantum, qui nomine *Undecim*, ab Evangelistis designantur,
 velut a MATTHÆO: *Undecim autem Discipuli abierunt in Galilæam*: post
 quæ statim: *Et accedens JESUS locutus est eis dicens: Data est mihi omnis*
potestas in cælo & in terra, Eunt ergo docete omnes gentes. (41) Quibus
 similia apud MARCUM extant: *Novissime recumbentibus illis Undecim*, ac
 quæ sequuntur. (42) Et apud JOANNEM hoc ipso loco: *THOMAS autem*
unus ex duodecim, qui dicitur Didymus, non erat cum eis, quando venit
JESUS. Atque hæc satis in præsens: plura, cum opportunum fuerit.

§. IV.

(40) De Hierarch. Eccles. L. III. Cap. XVI. §. II. III.

(41) Matth. XXVIII.

(42) Marci XVI.

(43) Joan. XX.

§. IV.

COROLLARIA quædam subducuntur, de differentia utriusque Potestatis, profanæ ac sacræ. De potestate absoluta Episcoporum regendi Ecclesiam &c.

I. **R**estat, Consecutiones quasdam subducamus ex dictis, breviter quidem, quoniam multis haud opus est, sed necessario pro argumenti, in quo versamur, ratione, ac ne ordinem, quem in disputando nobis descripsimus, deferere cogamur. Istarum hæc prima est, quam GELASIUS Romanus Pontifex his verbis exposuit: *esse Duo, quibus principaliter hic mundus regitur, auctoritatem sacram Pontificum, & regalem potestatem.* Quas quidem distinctas esse potestates, divisasque finibus atque imperiis, homini Catholico persuasissimum esse debet. Nihil enim frequentius a Majoribus est nostris inculcatum. Horum nos testimonia heic quædam adscribemus, non, quod hominēs improbi criminari volent, ut auctoritatem læsisse Principum videamur, a quo tantum, quantum a flagitio absumus: verum eodem animo, ac fine, quo Galliæ illustrissimus Præsul quidam in Pastoralis scripto suo: idem is, qui etiamnum vivit, & est Regi carissimus, atque ut ad nos fama perlatus est, cum sanctis Episcopis comparari potest. Sic itaque apud illum HILARIUS in eo, quem contra AUXENTIUM scripsit libro: *Oro vos, quibusnam suffragiis ad prædicandum Evangelium Apostoli usi sunt? quibus adjuti potestatibus Christum prædicaverunt? Anne aliquam sibi assumebant e palatio dignitatem, hymnum Deo in carcere inter catenas & post flagella cantantes? Edictisque regis PAULUS, cum in theatro spectaculum ipse esset, Christi Ecclesiam congregabat? NERONE se credo, VESPASIANO aut DECIO patrocinantibus tuebatur, quorum in nos odii confessio divinæ prædicationis effloruit? Illi manu atque opere se alentes intra cænacula, secretaque coeuntes, vicis & castella, gentesque fere omnes terræ ac mari contra Senatus consulta & Regum Edicta peragrantes, claves credo, Regni cælorum non habebant? Aut non manifesta se tum Dei virtus contra humana porrexit, cum tanto magis CHRISTUS prædicaretur, quanto magis inbibebatur? Ejusdemmet sunt generis, quæ ad Imperatorem CONSTANTIUM scripsit idem HILARIUS: *Quis, inquit, Episcopis jubeat? quis Apostolicæ prædicationis vetet formam? Provideat ac decernat Clementia tua, ut omnes ubique Judices, quibus provinciarum administrationes conceditæ sunt,*
ad*

ad quos sola cura publicorum negotiorum pertinere debet, a religiosa se observantia abstineant, neque posthac præsument atque usurpent, ut putent se causas cognoscere Clericorum.

Jam BASILIO solum nomen Episcopi satis erat, ut potestatem sacrorum nemini, præterquam Episcopis adsertam veller. Cum enim *Modestus* Præfectus Prætorii extrema ei quæque ab Valente renuntiatum venisset, si minus Arianos in communionem suam admitteret, hominem vehementi is primum oratione coercuit. Qua cum ille obstupefactus, reponeret, hætenus a nemine tanta licentia sibi esse responsum: *neque enim*, ait BASILIUS, *fortasse in Episcopum incidisti.*

CORDUBENSIS illius HOSII, quem jure Magnum nominatum voluere, est istud percelebre: *Tibi Deus Imperium tradidit, nobis Ecclesiastica concedidit. Ac quemadmodum qui tibi Imperium subripit, Deo ordinanti repugnat, ita metue, ne si ad te Ecclesiastica pertrabas, magni criminis reus fias.*

Atque ATHANASIUS pari constantia & gravitate: *Quis tradidit Comites Ecclesiasticis præesse rebus, aut edicto Judicia eorum, qui Episcopi vocantur, promulgare? Quandonam Ecclesiæ Decretum ab Imperatore accepit auctoritatem?*

Posset, inquit Præsul Parisinus, (44) adduci ingens præterea numerus Scriptorum cujusvis ætatis ac nationis, ut SYNESIUS, S. MAXIMUS, FACUNDUS HERMIANENSIS, HINC MARUS, IVO CARNOTENSIS, S. BERNARDUS, PETRUS BLESSENSIS, LUPUS FERRARIENSIS, S. ANSELMUS: Concilia demum, & Pontifices Maximi.

Ex quibus omnibus non illud modo confirmatur, quod dicebamus, nihil neque a natura, neque a Christo habere populum, quamobrem potestatem sibi, ac principatum in Ecclesia adrogare possit: sed neque Civili Magistratui, aut rerum publicarum gubernatoribus fas esse, in Episcoporum fines ac Jura invadere. Sane enim quod populo datum non est, id neque transferre is in Principes potuit. Christus autem, cum suos moderare-

(44) In Instruct. Past. data Confluentiæ 1756. Part. I. de auctorit. & independent. Ecclesiæ. Vide etiam Decreta Comitiorum generalium Cleri Gallicani anni MDCCLXV.

deraretur, nihil in eo genere Magistratibus concedendum putavit. Itaque Apostoli tantum erant, quibus *ligandi, solvendi*que tribuebatur auctoritas.

II. Quo quidem nomine qui nihil aliud, quam Evangelii prædicandi facultatem, & quæ eo pertinent, ac revocari possunt; non jurisdictionem autem, ac sacrum imperium significari putant, in magnis erratis eorum opinio est, videnturque, quæ sunt rite constituta, data opera velle subvertere. Neque vero consequentur unquam a nobis, cum PUFFENDORFIO, BÖHMERO, PAFFIO, aliisque post MARSILIUM PADUANUM, WICLEFFUMQUE ac LUTHERUM, ut PAULUM Apostolum, & quos ordinavit ille, TITUM atque TIMOTHEUM Jurisdictione destitutos fuisse arbitremur.

Nam Apostolus quidem in priore ad Corinthios epistola, a se traditum Sathanæ Corinthium gravissimi sceleris reum scribit. *Ego quidem absens corpore, inquit, præsens autem spiritu, jam JUDICAVI UT PRÆSENS, κερκυα ὡς παρών, eum, qui sic operatus est, in NOMINE DOMINI NOSTRI JESU CHRISTI, congregatis vobis & meo Spiritu cum virtute Domini nostri JESU Christi tradere hujusmodi Sathanæ.* (45) De superbis vero quibusdam, & tumultum cientibus: *Tanquam non venturus sim ad vos, sic inflati sunt quidam. Quid vultis? in virga veniam ad vos?* (46) Atque in secunda epistola ad eosdem: *Ideo enim & scripsi, ut cognoscam experimentum vestrum - an in omnibus obedientes sitis.* Deque venia agens Corinthio incestuoso facta: *Cui autem aliquid donastis, & ego: nam & ego quod donavi, siquid donavi, propter vos in persona Christi.* (47) Tum Capite XII: *Timeo enim, ne forte cum venero, non quales volo, inveniam vos, & ego inveniar a vobis, qualem non vultis.* (48) Ac XIII: *Ecce jam tertio venio ad vos. In ore duorum vel trium testium stabit omne verbum. Prædixi & prædico, ut præsens & nunc absens, iis qui ante peccaverunt, & cæteris omnibus, quoniam si venero iterum, non PARCAM. An EXPERIMENTUM QUÆRITIS EJUS, QUI IN ME LOQUITUR, CHRISTI?* (49) De Hymenæo & Alexandro, qui in fidem peccaverant, scribit idem in prima ad Timotheum: *Quos tradidi Sathanæ, ut discant, non blasphemare.* (50)

R

Quam

(45) Cap. V. V. 3. 4. 5.

(46) Ibid. Cap. IV. V. 18. 21.

(47) Cap. II. V. 9. 10.

(48) 20.

(49) 1. seqq.

(50) Cap. I. V. 20.

Quam & in TIMOTHEO agnoscit judicandi, arguendique potestatem: scribit enim: *Adversus Presbyterum accusationem noli recipere, nisi sub duobus aut tribus testibus. Peccantes coram omnibus argue, ut & cæteri timorem habeant.* Ubi arguendi quid vox illa significet, tamen ex antecedentibus sit satis perspicuum: sit tamen apertius ex iis quæ ad TITUM scripsit idem Apostolus: *Hæc, inquit, loquerè, & exhortare, & argue CUM OMNI IMPERIO. Nemo te contemnat.* Arguere autem cum omni imperio; accusationes atque testes recipere, judicationem instruere, tradere Sathanæ, comminari, non parcere, delicti veniam facere, fontes plectere, divinaque hæc & a Christo tradita potestate, & ejus vice ac nomine in multitudine, & cætu facere: quo tandem pertinent, quoque genere aut loco debent censeri, si ad jurisdictionem, & regimen sacrum non spectent?

Equidem familiare est adversariis, opponere, quod apud Lucam his est verbis præceptum: *Reges Gentium dominantur eorum, .. vos autem non sic:* quodque PETRUS in priore epistola: *non dominantes in Clero.* Sed utrique huic argumento ab ORIGINE ante annos mille, & quingentos detracta vis est. Scribit enim: *Quanto magnus es, tantum humiliare. Principes ergo Gentium dominantur eorum, at Principes Ecclesiæ serviant subditis, audientes eum, qui dicit: Quia mitis sum & humilis corde. Non ista dicimus, ut inclinemus ECCLESIASTICUM PRINCIPATUM. Est enim interdum, quando secundum Apostolum, peccantes coram omnibus arguant, ut cæteri habeant timorem: est interdum, ut utens potestate sua, tradat peccantem Sathanæ.* (51) Quamobrem non regendæ (monendo, præcipiendo, redarguendo, castigando, puniendoque eos, qui male agerent) sed opprimendæ duntaxat Ecclesiæ potestatem, superbiamque & profanum fastum detraxit Christus Apostolis, cum dominatu iis interdixit, & exemplum ut a se caperent, jussit. Quod & PETRUS subinde imitatus, ne cuiquam vim inferrent Presbyteri, ne turpis lucri causa gregem pascere, ne Phariseorum secuti mores, elato supercilio cæteros despicerent, sed ut exemplo essent omnibus, iussit. Idque & Majores nostri, ut BASILIUS, AUGUSTINUS, ac Patres cæteri Scriptis atque Decretis suis semper commendarunt.

III. Tertium, quod ex superioribus intelligi arbitramur, confectumque sumimus, pronuntiati est illius QUESNELLIANI, FEBRONIANIQUE falsitas: habere

(51) Orig. in Comm. ad hunc locum.

habere excommunicandi quidem Episcopos auctoritatem, sed non valere sententiam, nisi populo, habere ratam eam, placuerit. Id quidem impie, perversissimeque excogitatum cum sit; tum vero argumentis probari non potest: neque enim, quæ Ecclesiæ sunt damnata iudicio, monumentis niti possunt veris sive Scripturarum, sive Majorum. Atque est in PAULI sane ad Corinthios illo loco vexando: *Congregatis vobis & meo Spiritu, FEBRONIANORUM insignis nec ferenda temeritas. Quis enim iudicavit? quis Sathanæ tradidit? Jam iudicavi*, inquit Apostolus, *ut præsens eum, qui sic operatus est. Nec vero consensum ille, sed obedientiam ab Corinthiis* exoptavit: idque in secunda significavit epistola: *Ideo enim & scripsi, ut cognoscam experimentum vestrum, an in omnibus obedientes sitis. Quod si congregari & in conventum ire Corinthios voluit, non ideo spectabat, ut tanquam in Comitibus deliberarent, sententiamque dicerent: sed ut Executioni, quæ mandasset ipse, darentur publice, & qui crimen admiserat, multorum objurgatione respiceret in se, & rediret ad animum suum, veniamque peteret. Quem etiam usum TERTULLIANI ævo observatum in Ecclesiâ fuisse scimus; & apud CYPRIANUM extant ejus vestigia: nec fuit necesse a FEBRONIO nos rei hujus commoneri, quam & tenemus, & non inviti, immo ultro ac sponte concedimus. Quid? quod illud etiam damus, fuisse in Consilium aliquando a CYPRIANO admissum populum, ut eo libentius æquitati Episcopalis Legis, & Decretorum adquiesceret?*

IV. Denique ex omnibus, quæ sunt hætenus disputata, postremum illud efficitur atque cogitur, Ecclesias singulas, prout regnorum ac provinciarum sunt finibus discretæ, totidem velut minores, ut vocant, *Status* censeri posse. Sed ea res quoniam amplissimæ a nobis disputationi servata est, non heic pluribus illam diducimus.





C A P U T II.

DE

PRIMATU INTER EPISCOPOS, QUATENUS IN
DIVO PETRO INSTITUTUS IS FUIT, UT PERSEVERET
IN ECCLESIA. UBI PRIMO SIVE COECITAS, SIVE PER-
FIDIA FEBRONIANORUM, SUMMA UTRAQUE IN SUO GE-
NERE, DETEGITUR. TUM PRÆCIPUUM AC PRÆCELLENS ESSE
ALIQUID DATUM PETRO OSTENDITUR. DEMUM SOPHIS-
MATA DEPELLUNTUR &c.

A R T I C U L U S I.

DEMONSTRATUR, FEBRONIUM EUNDEM IPSUM, QUEM TUERI
SE FINGIT, AUT CERTE QUEM TUENDUM SUSCEPERAT,
PRIMATUM, QUASI EX INSTITUTO DESTRUERE.

§. I.

Demonstratur id primum univérse.

I. **Q**uod divinus vates his verbis prædixit: *Pro Patribus tuis nati sunt tibi filii, constitues eos principes super omnem terram*, id ad Apostolos referri oportere, de iisque intelligendum esse, summa veteres consensione tradiderunt. Sunt autem successores ac filii Apostolorum Episcopi: immo & Apostolici quondam ipsi, & eorum dignitas Apostolica dicebatur. Non enim extincta cum Apostolis eorum est potestas, sed ad successores

cessores commeavit, illa certe, quæ ordinaria esse debuerat; & perseverat in his, ac perseverabit, quoad Ecclesia in terris fuerit. Qui quidem non ab Ecclesia dantur successores, ut magistratus ab Romano populo; sed nascuntur Ecclesiæ; neque aliunde, quam consecratione, a Deoque ipso, ut sint principes, habent: tantum abest, ut Multitudinis aut popularis ministri potestatis & atrienses famuli censerī possint. Quæ omnia superiore comprobata sunt capite.

Agimus nunc, atque eo operam nostram transferimus, ut quis inter Episcopos Ecclesiæque principes istos dignitate ac potestate præcipuus sit, intelligamus. Quod est, an sint pari omnes censendi jure ac conditione de voluntate instituteque Christi; an vero Primatus, & prærogativa sit quædam inter eos potestatis? & illa in quo hæreat, quo fine & quanta sit, quibusque rebus, ac quibus terminis contineatur? Verum his priusquam stylum disputationemque admoveo; res est una præmittenda, de qua anceps sum, quo in numero debeam habere. Nam & artificium suspicari possum infandum, turpe; & si sim benignior, vulgari possum vitio adscribere: qui est conflictus instantiaque dictorum, & quasi æstus quidam jactatæ mentis perpetuus. Quamvis si hoc postremum optavero, prope vim erit necesse, ut animo inferam: atque tantum illud præterea in isto genere peccatum erit, ut ejus exemplum post hominum memoriam non extet. En quale sit.

II. Adfirmat FEBRONIUS, & in omnibus tuetur libris suis, Primatum aliquem in Ecclesia necessarium esse, neque hunc ordinis tantum & honoris, ac ne ejuscemodi quidem solummodo, qui in *dirigendo* versatur, verum *auctoritatis* etiam: eumque PETRO & successoribus ejus Romanis Episcopis a Christo datum. Cubile in hoc mali esse contendit, quod *jurisdictionem* atque nescio quam Monarchiam sibi homines hucusque finxerint: quæ si ejecta ex Italorum animis fuerit, ac si intra delineatos a se fines auctoritas ea constiterit, fore non modo non minorem ulla sui parte Primatum summi Antistitis, sed præstantiorem etiam multo quam alias, illustrioremque ac splendidiorem.

Equidem de *monarchia*, invidiæque nominis istius nihil cum eo, quantum est in præsens, contendam. Ajo nunc, vel reliquias exuviasque istas ipsas Primatus hunc in modum definiti circumscriptique a FEBRONIO, ab eodem ita destrui FEBRONIO, ut si quis oppugnare eas ex acatholicis velit, nulla re alia opus sit, quam ut hominem ipsum sibi, id est, verba verbis

ejus objiciat. Id primo disputando faciam, ut omnes intelligant: tum simplicius, & adjecto schemate, in quo heinc quidem ædificans, inde destruens, ajens atque negans FEBRONIUS, tum uterque cum iis componetur Scriptoribus; qui de instituto ac data opera in tollendum funditus Primatum omnem incubuerunt. Nomen figuræ erit, *schema conflictus atque furtorum.*

III. Enimvero duo sunt genera argumentorum, quibus Primatum Divi PETRI ac successorum ejus probare nostri consueverunt. Alterum ex Scripturis sacris & Evangeliiis sumunt, alterum ex traditione: quæ quidem ipsa partim Conciliorum testificatione constat, partim usu & exercitio perpetuo, partim pronuntiatis, sententiisque Majorum. At in his omnibus labefactandis an unquam est major a CALVINISTARUM quoque acerrimo adhibita industria, atque est ea, quam FEBRONIUS, aut Sodales ejus adhibuerunt? Ordiamur a celebri apud MATTHÆUM loco, ubi PETRUM præ omnibus adloquens CHRISTUS, beatum eum vocat, & nomen PETRI imponit, atque *super hanc Petram* ædificaturum Ecclesiam suam se dicit: tum Claves regni celorum daturum se ei pollicetur. Hoc quo nullum disertius desiderari testimonium potest, ut enervet ille ac funditus destruat, negat primo argumentum ex Scripturis capi posse, ubi interpretatio earum non uniusmodi a sanctis Patribus, nec tota eadem est semper adhibita. Ita vero habere se rem ait in loco præsentē: nam alios quidem velut HILARIUM, GREGORIUM NYSSENUM, CHRYSOSTOMUM, AMBROSIUM, GREGORIUM MAGNUM, THEODORETUM, atque universē Patres quinque facile ac triginta nomine *petræ* non SIMONEM illum JONÆ filium, sed *fidem* ipsam, divinitatisque Christi confessionem intelligere. Alios cum AUGUSTINO HIERONYMO, & HILDEBERTO *Christum* ipsum designari petram putare. Demum plerosque, ut ORIGENEM, iterumque HIERONYMUM, AUGUSTINUM, LEONEM MAGNUM, THEOPHYLACTUM, EUCHERIUM LUGDUNENSEM, PASCHASIUM RATBERTUM, HINC MARUM REMENSEM, ODONEM CLUNIACENSEM, PETRUM BLESSENSEM, tamen si ad PETRUM referri verba ea non negent, existimare tamen, in PETRO omnes adlocutum fuisse & respexisse CHRISTUM: Itaque si PETRUS fundamentum sit; *tantundem* de aliis Apostolis dicendum esse: omnes ex æquo igitur fundamenta Ecclesiæ a Christo posita esse, omnes petras nominatos.

Similiter quod exinde se *Claves* daturum PETRO Dominus pollicitus fuit, id ad omnes pertinere Apostolos censet FEBRONIUS; immovero ad Ecclesiam, Communitatemque totam: nam hujus ministri Communitatis

tis PETRUS, & Apostoli omnes sunt: Ecclesia ipsa vero, sic quasi mancipi eas tenet, & per magistratus suos potestatem exequitur.

Alter haud minus celebris est locus in ultimo *Joannis* capite, ubi aliis quidem Apostolis præsentibus, unum PETRUM rursus adloquens Christus curam ovium suarum ei mandat. Atque tametsi tertio hoc ille faciat: negat tamen FEBRONIUS ex mente Patrum, AUGUSTINI præsertim, AMBROSII, & CHRYSOSTOMI delatum PETRO heic quicquam, quod non ad omnes spectet. Nam in PETRO ad omnes pastores sermonem direxisse CHRISTUM: atque adeo quantamcunqueingas auctoritatem, potestatemque in *pascendi* latere verbo: eandem, immo & ampliorem omnibus Apostolis datam, cum *euntes docere omnes gentes* jussi sunt, aut cum misit eos CHRISTUS, sicut ipse a Patre missus erat.

Non ego arbitrum ullum defugiam, qui judicii modo sensusque boni aliquid adtulerit. Qualis quicunque est, interrogo eum, putetne serio hominem loqui, an nugari potius? cum posteaquam robur ac nervos omnes Scripturæ hunc in modum succidit, videri etiamnum cupit ex eadem ipsa Scriptura, iisdemque textibus Primatum D. PETRI defendere? Aut an restabit post ista quidpiam PETRO, in cujus societatem non omnes veniant? Nisi forte id aliquid sit, quod solum adlocutus sit CHRISTUS, nomenque vacuum imposuerit? quæ si prærogativa dicenda sint duo; honoris erant, amorisque, non *Primatus*, non *auctoritatis*, ac ne ejus quidem, quæ in *dirigendo* versatur; multo minus, cujus successor atque hæres esse in Ecclesia perpetuus debeat.

Et quid? stabitne oculis nostris, si infamem illum inter Catholicos, & damnatum ab Ecclesia, & quod scire ipsius interest, a *Sorbona*, Apostatam, ementitumque SPALATENSEM Episcopum ei objecerimus? Fuit artificium id quidem hominis sane mirabile, quod in præfatione scripserit, criminatores non defore, qui RICHERIUM & ANTONIUM DE DOMINIS revixisse adferant. O hominem innocentem! Sed nos de RICHERIO vidimus, illudque una ostendimus, a capite ad calcem perfusum ista scabiè jurisconsultum esse. De SPALATENSI tam similiter certum est, in partem operis eum venisse FEBRONIANI, quam esse vesperum nunc, cum ista scribo, & cras solem oriturum. Jam iste vero posteaquam eodem modo, iisdemque Patrum abusus sententiis, Scripturam sacram profligaverat: conclusit, quod per sese sequitur, non nisi honoris delatam PETRO prærogativam, eamque personæ illius uni adfixam, non ad posteros transiturem. Quod enim

enim solum adlocutus sit Christus, id fervori esse datum adserit: ad eum modum, quo qui duodecim servos ad vineam mittit, tamen si pari esse omnes conditione velit: si quis sit tamen, cujus præ cæteris amore in se, fidelitatemque ac diligentiam probaverit; solet speciatim hunc adloqui, & culturam vineæ ei commendare. In quo Primatus ne umbra quidem transparet, neque auctoritatis alicujus radiolus.

Sic & CAROLUS MOLINÆUS, quo ex *Calvinistis* nemo acrius in summos Pontifices debachatus fuit, iisdem omnino cum FEBRONIO argumentis utitur. Infert id vero, quod inferendum esse quivis intelligit, nullam PETRI nisi honoris cujusdam, intermorituri una cum ipso PETRO prærogativam in adlocutione, mutationeque ista nominis tralucere.

Neque ab hac dispar, sed eadem collectio est, quam Jansenisticus facit de Primatu scriptor. Et quis aliam, per Deum faceret, si vel opilio-
ne, sarmentorumque & carbonum dignam bajulo intelligentiam, & vulgaris vim judicii secum habuerit? *Res* ecce, *res* siquæ in verbis sit illis CHRISTI apud *Matthæum*, & *Joannem*; profecto *Ecclesiæ* est *supra petram ædificatio*; tum *potestas* & *administratio Clavium*, dein *ligandi*, *solvendi-que auctoritas*, denique *ovium*, *agnorumque pastio*. Jam si dicens atque conferens ista CHRISTUS, verborum quidem, locutionisque ac vocis sonum ad unum direxit PETRUM; sensum, intellectumque vero verborum ad omnes; si singulos adplicare sibi ista voluit, perinde tanquam dixisset ea ad singulos; si ad omnes respexit; ad omnes præcipue, ad omnes ex æquo, si sic omnibus, quemadmodum PETRO, promisit, dedit, tradidit: loquere homo (volo te ipsum enim hunc arbitrum, si paulisper modo attenderis, cogitationemque sobrii hominis punctum temporis susceperis) loquere, restatne vel tantillum, quod PETRI proprium censeripotest, præter vacuum nomen, honorisque umbram?

IV. Addet SPALATENSIS, & postquam lege tecum egerit de repetundis, dicet: cum Dominus Episcopatum unum, quem in solidum omnes cum æquali potestate regerent, instituere vellet; ideo PETRUM primo unum adlocutum fuisse: non quod rei illi quicquam præ Apostolis reliquis collaturus esset: nam id si fecisset; iis verbis fecisset, *super hanc petram ædificabo Ecclesiam meam, tibi dabo Claves regni cælorum, pascere agnos meos, pascere oves meas*. Sed ut hoc quasi symbolo demonstraret, oportere eadem omnes conspiratione operis & animorum, Episcopatum illum excolere, velut si ab uno homine coleretur. Quæ parabolica figuratio est, nec in rebus aliquid ponit,

ponit, sed rei actionisve est alicujus ad rem aliam significandam adsumptio. Ad eum modum, quo ISAIAS filium suum *Scar Jafub* nominare jussus fuit: quo significabatur, reliquias populi redituras esse: tamen si neque ISAIAS, neque filius ad liberationem populi quidpiam conferret. Fateor, sunt ista inepta, sunt stolidi, quemadmodum ostendam. Sed quam stolidi, tam modo pro veris admittenda FEBRONIO, nec si omnes forulos vasti ingenii sui ille excusserit, inveniet, quo expedire se possit: præsertim cum rapinam præ oculis habeam, atque verba queam exhibere, quæ ex JANSENISTA BATAVO in rem eam transcripsit. Quibus quod de suo subinde hæc adsuit, (1) *antesignano PETRO, quem inter eos Primatem constituit*; fecit frustra, & expungere jubebitur. Quorsum enim? Non hærent. Perinde velut ita si necerem: Christus quidquid rei, quidquid *solidi* significabat, dum PETRO dixit, *Tu es Petrus, & super hanc petram ædificabo Ecclesiam meam*, cæteraque, id a singulis tanquam ad se dictum voluit accipi; adlocutus tamen est unum, ut adlocutione ista ipsa unius, velut *symbolo*, & *figura* quadam doceret, velle se, ut *uno humero & in solidum ædificationi omnes incumbere*: Ergo Primatem, ergo antesignanum constituit inter eos PETRUM. Quo de ratiocinio nec tironem quidem monere necesse est: sed per se ipsum intelliget ille statim, concludi, cujus nulla in antecedente sit ratio, adeoque futile & stolidum esse: non minus ac si ex eo, quod *Scar Jafub* sit dictus ISAIÆ filius, liberationemque populi isto nomine portenderit, imperatorem fuisse concluderem Israelitici contra hostes exercitus: quod neque sequitur, neque verum fuit. Statuamus igitur, quod negari non potest: aut vertiginem fuisse, jactationemque cerebri (quod si quis velit; non ei resistam, modo maximam dixerit) aut ad fucum & illudendum lectori catholico comparatum duntaxat esse, quod ex *Matthæi & Joannis* etiamnum textibus Primatum se probare, aut putat aut fingit. Quem minime probat, neque potest probare, posteaquam semel averruncavit, quæ sunt jurisdictionis & potestatis præcipuæ in illis verbis, quatenus ad unum prolatis PETRUM, comprehensa.

V. Post hæc ad Patres se quidem convertit, *Basilium*que citat, qui PETRUM *omnibus discipulis prælatum* fuisse dicit; GREGORIUM NAZIANZENUM, qui *petram vocatum, & fundamenta Ecclesiæ accepisse in fidem*; EPHREMUM SYRUM, qui *Apostolorum verticem ac principem designatum*; EPIPHANIUM, qui *rursus petram nominatum*; CHRYSOSTOMUM, qui *præfectura*

S

E cle-

(1) Vide Schema subjectum.

Ecclesiae universae donatum, THEODORETUM, qui iterum *principem* constitutum; AMBROSIVM, qui *omnibus antelatum*: tum HIERONYMUM, AUGUSTINUM, CYPRIANUM, GREGORIUM, ALCUINUM, & RATBERTUM, qui similia de S. PETRO scripsere.

Verum pessumdatis proditisque rebus, quid juvare ista porro causam catholicam possint, nemo viderit. Atque nisi heic etiam affectatio sit maligna, quod vereri non desino, ἀπορρηξία certe est & oscitantia, quantum capere hominum indoles potest. Revertamur enim quæso ad primi Capitis primum, secundumque paragraphum: nonne secreverat jam tum ibi ac miserat nuntium illis Ecclesiae Patribus, qui cum sint *petram* interpretati ipsam personam *Simonis filii Jonæ*; tum speciali & eminenti quadam ratione Ecclesiam super eum fundasse Christum, atque Claves dedisse ei scripserunt? Cur autem? ideo inquiebat, quod a se multi ostendi possint, qui *petram fidem* aut aliter interpretati sint. Ex quo ipso concludebat, ad auctoritatem, quanta dogmatis esse debet, conciliandam, certam nimirum ac decretoriam, superiores illos admitti Patres non posse: ad hoc quippe concordia opus fore, & ut in unam omnes sententiam conspirassent. Atqui ex iis ipsis, quos modo nominabam, Patribus BASILIUS soli PETRO Claves regni cælorum fuisse creditas scribit. GREGORIUS vero uterque, sicut & EPIPHANIUS atque HIERONYMUS ideo *principem Apostolorum* fuisse asserunt, quod ipse *petra* esset firma illa ac solida, cui molem Ecclesiae Christus imposuit. (2) Quod si princeps est; quia *petra* est, solus profecto *petra* est; neque commune id cum aliis habet. Præsertim cum & fundamenta eum GREGORIUS in suam fidem accepisse dicat, hoc est, Apostolos, qui *fundamenta duodecim* dicuntur, & incumbunt supra PETRUM, ut fundamenta domus, quæ supra *petram* extruitur: Quare hos quidem ex condito dispungendos e testium numero MOLINÆUS, SPALATENSIS, SALMASIUS, & JANSENISTA BATAVUS, alique contendunt.

Universe autem qui mentionem Primatus aliquam ex antiquis faciunt, qua ratione moti sunt? id enim quærendum est, & res tota hoc uno con-

(2) BASILIUS apud FEERON. Tom. I. Cap. II. §. I. *Beatus ille Petrus, omnibus Discipulis PRÆLATUS, cui soli MAJORA data quam aliis sunt testimonia, cui Claves Regni cælorum concedita sunt.* GREG. NYSI. ibid. de S. PETRO: *Qui Apostolorum est caput &c. Dei Ecclesia in ipso solidatur. Hic firma & solidissima petra est, super quam Salvator &c.* Textus loco suo omnes & integri proferentur.

concluditur. Aut enim eo in hanc illi sententiam compulsi sunt, quod PECULIARE quiddam PETRO concessum putaverint, cum PETRUM nominavit CHRISTUS; cum *ἐπὶ ταύτῃ τῇ πέτρᾳ* super hanc petram edificaturum se Ecclesiam dixit: cum *Claves regnatorum* uni promisit, cum subinde ovium curam illi demandavit: aut vero non sunt moti ea ratione? si primum; repellendi omnes a testimonio erunt: neque enim consentit FEBRONIUS: sed pro certissimo sumit, fundamentumque ac basin doctrinae suae constituit, nihil in omnibus istis donationis contentum solidae fuisse, quod non ad Ecclesiam totam, perindeve ad omnes Apostolos pertinuerit. sin vero alterum; hoc est, si ratione non illa ducti sint Patres; profecto quidquid de Primatu scribunt, id ad honoris atque ordinis referri praerogativam poterit. quam quidem sive aetas, sive fervor constantiaque fidei comparaverit PETRO, ut SALMASIUS ait, & JANSENIANUS Scriptor: ad successores vero nequaquam ille transmiserit.

VI. Eequo igitur confugiet? ad usum praescriptionemque ipsam Pontificum Romanorum? At ut quisquis hoc possit; non calumniator ac derisor iste sanctorum potest. Quae enim a primis etiam atque sanctissimis Pontificibus, quantumvis pie & pro officio, gesta sunt aliquando, quaeque infinitis exinde laudibus Concilia ipsa prosecuta sunt, & sancti Patres commendarunt, & Ecclesia tota suscepit: haud ipse veritus est, intemperantiae vitio onerare, & inter effecta recensere collatae & extensae longius, quam par esset, potestatis. Quorum in numero praevicatorum S. VICTOREM ponit ex secundo saeculo, S. STEPHANUM ex tertio, INNOCENTIUM, CAELSTINUM; LEONEM M, GELASIVM ex quinto; GREGORIUM item M. ex sexto. Tum de Sancto LEONE universim velut de *ambitioso* loquitur homine, & in id semper intento, quemadmodum Primatum suum explicare, dilatareque posset. Ego igitur si acatholicus forem; annon jure, quemadmodum *abusum* ipse vocat potestatis, sic *usurpationem* simpliciter vocare possim, quidquid exemplorum id genus adferri solet? (3)

VII. Quid autem Concilia? quid sensus fidelium? quid relationum usus? Si JANSENISTA, SALMASIUS, MOLINÆUS, SPALATENSIS sim; expediam quasi per jocos me, nec bibliothecas in eum finem, sed FEBRONIVM consulam. Hunc reddam sibi. Respondebo enim, postquam ex Scriptura Sanctisque Patribus Primatus probari desiit; siquid est plusculum aliquando

(3) Vide omnia ista in Schemate.

do datum Romanis ab orientalibus; consuetudine id esse factum: multa Præsulum quorundam sanctitati, multa PETRI & PAULI delata sacris exuviis fuisse. Ad hæc quoniam in Oriente tumultuatum fere identidem a novis hæresibus fuit; ideo Romam, ubi pacatiores res esse consueverant, & vetustatis retinentiores hominum animi, velut ad portum respectare solitos Orientales. Fuisse stationem hanc itaque communis fidei non tam divinitus, quam fortuna comparatam, indoleque hominum, aut Romani cæli clementia. Quodsi in literis subinde ad Pontifices datis angustiora nonnulla & magnificentius occurrant scripta; ea pro *ampullatis* locutionibus contemni posse; quas cum humanitas, tum necessitas expresse- rit. Ad- dam præclarum istud: majorem vim esse superstitionis, quam fortissimo- rum armorum, & exercituum. (4) O præclarum vindicem Primatus!

VIII. Restat unum, quo qui catholicam hucusque causam propugna- runt, stare tutos se arbitrati sunt, ac tanquam in arce, ut PUFFENDORFIUS vocat: ex eoque sumitur, quod sit *status* Ecclesia, principatus, regnum sacrum, & una respublica, qualis neque esse, neque cogitari ulla sine Ca- pite ac centro potest. Atque est hic quidem ille scopulus, ad quem co- natus studiaque hætenus sua fregerunt, quotquot bello rem catholicam adorti sunt. Sed FEBRONIUS an tueri hanc porro stationem cum suis po- terit? Immo vero quis ille fuit, qui præfracte, & PUFFENDORFIO tutelari invocato Deo, Ecclesiam *statum* esse negavit? Quis hoc quasi in aurem inter strepitus lectori suo dixit, non egere Ecclesiam Capite, sed ab sese, providentiaque Dei & divini Spiritus procurazione satis firmam munitam- que esse? Quis SPALATENSEM hac in re imitatus fuit? Quis JANSENISTAM BATAVUM deprædatus? Quis exscripsit, quis furtis suis adposuit, quid- quid corraferat iste hæreticus, ut *solum Christum* Ecclesiæ Caput esse proba- ret, huncque fidei aspiciendum oculis, quemadmodum ait, ac præter il- lum non alio nobis rectore, non duce, non capite opus esse? Quis auxit furtum, exemplaue ex eodem sumpsit, quæ nos doceret, posse tamer- si falso perverſeque sentientes Episcopos, modo videantur ipsi sibi ortho- doxe ac pie sapere, non separare se modo ab Romano Pontifice, commu- nioneque ejus, sed & *schismaticum* eum adpellare, & pro schismatico persequi? Quis horum omnium convinci a me rebus certis ac necessariis potest? (5)

Equi-

(4) Vide etiam hæc in schemate.

(5) Confer schema.

Equidem cum primum vidissem illum paragraphum, qui est de EXTERIORE *Ecclesiam suam moderantis Christi* ASSISTENTIA inscriptus; (6) cogitare continuo apud me cœpi, quæ hominẽ ratio ad fatigandum ista recalamum potuerit impellere. Neque enim in mentem veniebat Catholicus, qui, non dico, negarit procurationem illam divini Spiritus (quod qui faceret, catholicus esse non posset) sed interpretari sic eam sit visus, tanquam, ut Prophetæ olim & postea Apostoli, sic modo Episcopi, *dicantis* loquentisque intra se Dei oracula susciperent, & incitati profunderent. Quod minime dicimus: verum adstiterẽ Deum tantum extrinsecus, moderarique ac regere sua providentia Ecclesiam adfirmamus: tum ne ea hæresin pro dogmate unquam admittat; tum ut ne desit aliquid, unde, cum est opus, a falsis vera secernat, ac ritis verbis definiat. Secundum hæc neque A catholicos a FEBRONIO ista doceri valde opus esse videbatur. Nam & trita sunt, & quæ illustrandis illis congestit ex SAYWELLO, LOKIO, CAVEOQUE ANGLIS Scriptoribus, ea tametsi oculis objecta Anglorum quotidianie, & a suis profecta, cogitationem tamen ad Ecclesiam remeandi Catholicam hætenus nullam illis injecere. Nihilominus quam ego in modum esse, libenterque quod erat optimum, voluissem suspicari! nisi ANTONII DE DOMINIS obversatum animo exemplum fuisset, qui cum de instituto atque ex professo Primatum irer omnem pessumdatum, fundamentum, principiumque simile suo operi præmisit: (7) tum nisi in ingenti illarum, verborumque farragine quendam quasi in magnis nundinis ficiarium, aut inter multas herbas non admodum utiles, aconiti, cicutaque foliaprehendissem.

Etenim quod de Conciliis universi nos ita, & ex præscripto fidei nostræ docemus; neque in libertatis violatæ, neque in negligentiae admittæ, neque in alterius cujuscunque suspicionem vitii adduci ea posse Concilia,

f 3

in

(6) Est Tom. I. FEBRONIANI, Capitis I. §. 6. hic Titulus: ECCLESIA HODIEQUE REGITUR EXTERIORE CHRISTI INSTITUTORIS ASSISTENTIA. INDE SUAM HABET INFALLIBILITATEM, QUÆ NON EST REVELATIONIS, SED DIRECTIONIS. HÆC NON SOLUM VERBIS SACRÆ SCRIPTURÆ, SED ET RATIOGINIS GELEBERRIMORUM PHILOSOPHORUM ET THEOLOGORUM ANGLIÆ DEMONSTRANTUR.

(7) Antonius de Dominis L. I. de Repub. Ecclesiastica, Capitis Imi hanc summam ponit: CHRISTUS NON HABET SUCCESSORES, SED PER SE EXERCET OFFICIUM CAPITIS, ET REGIS IN ECCLESIA. INFLUXUS CAPITIS CHRISTI EXPLICATUR. CHRISTUS PERSEVERAT IN SUO REGIMINE ET SACERDOTIO. VISIBILE CAPUT TOLLITUR.

in quibus membrorum atque Capitis doctrina fuit & definitio consentiens: hac ille deserta & manumissa regula, maluit alteram ei substituere ex JANSENISTARUM officinis ac tabernis sumptam. scribit enim: *Spiritus ille veritatis vigilat, & intendit conservationi sacri depositi Ecclesiæ crediti, impediendo, ne Pastores concordent ad proponendum fidelibus, & ne hi pari conformitate amplectantur aliquid, quod non sit conforme regulis fidei in Verbo Dei contentis. Quodsi in Concilio Canonica regulæ non servantur, & Episcopi congregati, sprete ministerii sui dignitate veritatem prodant, uti evenit in Concilio Ariminensi & Ephesino II, suscitabit Deus quosdam e fidelioribus suis, qui favore orthodoxæ fidei adversus talem prævaricationem reclamant: dabit illorum verbis & actibus efficaciam, quæ seductionem dissipet, & veritati triumphum paret: iniquitas sensim detegetur, & quod initio tanquam Concilium prætenditur, ex post tanquam conciliabulum & latrocinium rejicietur.* Quibus in verbis quid lateat, quorsumque spectent, partim insinuatam jam fuit in superiore capite, partim loco suo magis dilucidabitur. Heic quidem solum adfirmamus, non valde oculatum esse eum oportere, qui causam ac finem putet inde determinandum totius *adfistentia* exterioris *Spiritus sancti* disputationis: finem nimirum, ut non egere Ecclesiam aspectabili centro atque capite indicaretur; ac posse, hoc etiam resecto, viviscere illam nihilominus, ac suis rebus prospicere.

In eadem pagina, *Totum*, inquit, *præsens opus nostrum in eo versatur, ut ejiciamus ex animis Italorum, & quorundam aliorum, ideam status monarchici.* En iterum quem ego finem fuisse dixi Disputationis istius! Ea scilicet est homini ratio, hoc artificium: ad *Primum* quidquid alii excogitarunt evertendum: hoc ille impune sibi futurum; proque Sancto ac pio posse vendi putavit, si *monarchiæ* modo aut *status monarchici* adfectaret & substitueret nomina. Quo quidem dolo (cur enim non dicam, quod dissimulare non amplius possum?) tentandi primum, ac quasi glaucomate quodam decipiendi lectorum animi erant. Nam si *Primatus* ab initio hostem professus se esset; putassemus ab acatholico librum prodisse, neque mitius, quam id genus cætera, quibus pridem adsuavimus, eodemque loco habuissimus. Itaque insidiis opus erat, retinendumque tantisper nomen *Primatus*: quin & vindicandum aliquibus paginis: sed tum vero toto volumine ac per cuniculos destruendum, quod ædificatum heinc & inde quasi ex paleis fuerat. Interea certorum hominum procuratum industria, ut in omnes terras liber iste vulgaretur. Capiuntur præ incitiam multorum animi: laudatur opus, defenditur, extollitur. Sunt, ex sacerdotali etiam ordine, quod pudor est, quorum si ambitioni vim in-

genii

genii natura parem dedisset; fieret, quod de ALEXANDRO scripsit Historicus, ut altera manu Orientem, altera Occidentem convellerent. Ab his in scholas liber recipitur, & commendatur discipulis: voratur hamus: adpellit annus secundus supra septuagesimum: cumque quæ pro se Batavus interea quidam procuderat, sibi vendicassent, rapuissentque arma; fit bellum apertius: non sica sed gladio, non latrocinando sed bellando ceptum pugnari. Quanquam vel hoc ipsum ea illi ratione præstiterunt, ut mihi non sobrii, sed plane ebrii fuisse videantur. Sic incurrunt etiamnum in sese ipsos, sic sua destruunt, sic configunt secum. quod paulo postea, ubi Schema prius, de quo dixi subjectum oculis fuerit, liber exemplis aliquot ostendere.

§. II.

SCHEMA CONFLICTUUM ATQUE FURTORUM,
in quo ostenditur, Primatum omnem divino Jure constitutum,
etiam eum, quem tueri se FEBRONIANI simulant, ab iisdem fundi-
tus & ex toto destrui. Quæ res quoniam ex omnium sententia
catholicorum in hæresin cadit, fit, ut sit altera jam vice
hæreseos convictus FEBRONIUS.

I. Schema hoc τετραπλεν est, & columnis quatuor constat, quarum in prima *agentis* FEBRONII verba, in altera *negantis* exhibentur; atque hæc quidem reducta in sese & colligata secundum legitimam demonstrandi methodum. Primum, quas sacrae Scripturae, Ecclesiaeque dogmatum interpretibus præfigit regulas, velut *axiomata* sumemus. Tum in *Propositiones*, *corollaria*que necitemus, quæ adversus principatum disputat sancti PETRI. Atque ex his, ut & reliquis, quæ de Romanis sunt ab eo scripta Pontificibus, ad geometricam quam vocant evidentiam concludemus, nullum in Ecclesia Primatum FEBRONIANOS agnoscere: nullum, qui divino jure constitutus sit, ac ne eum quidem, quem tueri se fingunt, torque partibus suis mulctarunt.

II. Enimvero si a Christo sit hujusmodi aliquis in Ecclesia constitutus, non is alius esse potest præter eum, quem S. PETRUS beneficio CHRISTI obti-

obtinuit. Id quoniam ab omnibus etiam LUTHERANIS & CALVINISTIS datur; *ἀιτηματος* vel *postulati* habere loco possum, & habeo. At isti non nisi honoris quandam in D. PETRO excellentiam, emortuamque & sepultam illam una cum PETRO, agnoscunt. Hæc summa demonstrationis.

Cujus ut necessitatem atque vim magis omnes intelligant, jungam in duabus aliis columnis, primum, quæ nuperrime de eodem scripsit argumento JANSENISTA Anonymus quidam, quem ego *Batavum* adpellabo, quamvis *Londinensem* typographum liber præ se ferat: (8) deinde quæ ANTONIUS DE DOMINIS, infamis ille ab Ecclesia transfuga in damnatis libris de *Repubblica Ecclesiastica*. Nam isti ex professio ambo ac citra fucum & simulationem omnem contendunt, nullum esse in Ecclesia divino jure institutum Primatum. Quare si eadem ire via FEBRONIUM constiterit; si argumentis uti iisdem; si furatum inde non modo opiniones commentaque sua, sed & verba: puto, qui neglectum a me aliquid ad demonstrationem legitimam, & absolutam numeris suis requisiturus sit, injuriam non tam mihi, quam hominum communi sensui esse facturum. Furta ut in oculos facilius incidant, litera græca Π designabo, quam heinc & inde semper adscribam.

III. Itaque is, qui CLEMENTEM XIII. Pontificem Maximum Primum in terris Christi Vicarium nominaverat FEBRONIUS, Primatumque tenere dixerat in universa Ecclesia divinitus institutum; idem, quis ille sit Primatus, in quarto Paragrapho secundi Capitis his tandem verbis exponit. " Qui ad genuinum sensum sacrae Scripturae, Traditionis ac disciplinae primorum sæculorum sapiunt; illi quamquam sciant, Claves a Christo toti Ecclesiae collectivè sumptæ datas esse, ita ut harum jus jux-

(8) De la PRIMAUTE du PAPE, ouvrage où l'on se propose de démontrer, que la Primauté de l'Evêque de Rome n'est qu'une primauté de rang & d'honneur, & qu'elle n'est ni d'institution divine, ni de juridiction. LONDRES MDCCLXX. Textui Gallico e regione latinus responderet; sed qui vertit, is quam versatus in historia fuerit, ex eo colligas, quoniam quod gallice dicitur: LOUIS LE DEBONNAIRE, de LUDOVICO Pio scilicet Galliarum Rege, ille tanquam ex qua nescio natum familia aliquem, LUDOVICUM DEBONARIUM interpretatus est pag. 422. Ut JANSENISTAM esse, non dubites, præfationis hoc est exordium: *Licet circa præsentis Ecclesiae disputationes tot prodierint scripta; Licet Constitutionem UNIGENITUS multis scaturire vitiis, ac veritates in ipsa damnatas, in Religione summas esse, palam factum sit: nihilominus quantam in dies sibi sumpsit auctoritatem nefarium illud Decretum, quis non videt? Operis clausula est: Malorum summam cumulant Pontifices, varias tum veteris, tum novi Testamenti prædictiones implendo. (Intellige de ANTICHRISTO.) Deus etiamnum Phantasma est Jansenismus, in Jesuitarum natum cerebro? etiamnum id Romæ spargi poterit?*

" ta ejusdem Ecclesiæ beneplacitum, & destinationem per Prælatos & Antistites exerceatur; norunt nihilominus, quod cum Romanus Pontifex inter hos sit primus, supremo ejus muneri adnexa esse debeat sollicitudo, ut per universum orbem ferventur Canones, ut fides illibata custodiarur; ut iidem ritus substantiales in ministrandis Sacramentis adhibeantur, ut denique unam omnes eamque sanam doctrinam moralem profiteantur. Quisquis enim primus est in aliqua societate, is lege naturali tenetur invigilare, ut leges societatis ferventur. Cum vero, qui id procurare tenetur, necessaria auctoritate instructus esse debeat, refragantes ad id compellendi mediis systemati convenientibus; & per canones in eum finem statutis; heinc minime dubitandum est, quin talis auctoritas Romano Pontifici qua Primati universali comperat.

Post hæc summam exhibet *reservatorum*, ut vocat, Pontificiorum, *defluentium saltem ut plurimum immediate ex divino Jure*. Ut: " quam penes summum Pontificem solum legislatoria potestas respectu universalis Ecclesiæ non resideat: in magna tamen congregandorum generalium Conciliorum difficultate, condere leges illum posse & Ecclesiæ proponere, non ante tamen valituras, quam communi consensu fuerint receptæ. Esse partes ejus in judicando præcipuas, ut quamvis irrefragabiles definitiones ejus non sint, sint tamen magni apud omnes momenti, & provisorie saltem sit illis obsequendum, quamdiu Ecclesiæ non reclamant. Quod si pertinacius sit malum; posse Concilia eum cogere, facere aliis id omittentibus: tum & referri ad eum ex universa Ecclesia, quæ graviora sint, oportere: & esse æquum insuper, ac patri universalem Ecclesiam, ut in legibus etiam a generali Concilio latis sapienter dispenseret. Tenemus, quæ sit notio, qui fines Primatus, quem adsertum negatum, ædificatum destructum, & cum corrivalibus, JANSENISTA, ANTONIOQUE DE DOMINIS eversum ab eo funditus, demonstrare volo.

Quamquam ne sunt ista quidem illius; sed ELLÆ DUPIN, a quo furatus est: apud hunc enim in quarta, quæ est de *Primatu*, Dissertatione legi possunt. (9) Ego, quod aliunde furtorum tantam copiam esse perspicerem, in Schema hocce plagium conferre nolui. Rem

T

inte-

(9) DUPIN de antiqua Ecclesiæ disciplina Dissert. Histor. Edit. Parisinæ apud ARNOULD: SENEUSE ann. MDCLXXXVI. pag. 335. & seq. a verbis: *Prima* (prærogativa) eaque potissima est, curam habere, ut per universum orbem Canones observentur, utque fides illibata custodiarur &c.

interim unam a Lectore contendo, meminerit, qui de PRIMATU hoc modo differtit saltem in speciem, fuisse eundem illum DUPINIUM, qui de tollendo cogitavit: immo vero qui, quemadmodum tolli omnino posset, deliberavit cum ANGLIS. (10) Magni momenti adnotatio, multoque plura, quam ego possim, aut velim hoc loco dicere, complectens. Ad JANSENISTAM veniamus.

IV. Hujus longe dispar de Primatu professio est. *Jurisdictionem* is, quod notari volo, ab *auctoritate* heic nunquam secernit, sed promiscue habet: atque adeo neque *Caput* in Ecclesia ullum præter CHRISTUM, neque *Unitionis* Ecclesiasticæ *centrum*, neque vindicem, custodemque legum, & ut univèrse dicam, Primatum nullum esse contendit divino jure. Quidquid dari patitur, ad *προεδριαν* & honorem revocari debet, quem non CHRISTUS, sed Ecclesia Romano Pontifici detulit. Quæ quidem omnia in fronte libri hoc modo patefacit: *Opus, cujus scopus est, demonstrare, Primatum Romani Episcopi inter alios Episcopos nullum nisi honorificum esse, & illum Primatum nec divinum nec jurisdictionis esse.*

V. Jam ANTONIUS DE DOMINIS in quo tandem desierit, res est vulgarior, quam ut adnotari a me multis debeat. Legatur Caput duodecimum primi libri, quod quasi clausula, & coronis quædam est totius de Primatu disputationis. In eo qualiscunque graduum in Ecclesia habetur varietas humano invecam jure hanc dicit, & commoditatis duntaxat causa. Quo illud spectat, quod ad numerum IX. his verbis posuit: *Omnes simul Episcopi intelliguntur unus in solidum Episcopus; eo modo, quo multi fratres indivisi, ubi nulla sunt jura primogenituræ, constituunt unicam fraternitatem in solidum, & omnes simul in solidum unicam & eandem possident hæreditatem indivisam. Et quamvis inter se, COMMODITATIS GRATIA PARTIANTUR interdum ejusdem hæreditatis possessiones, ut unus curam gerat unius, & alter alterius: adhuc tamen tota hæreditas est una omnium simul, & jus in eam totam est in unoquoque eorum ex æquo, totum impermixtum & indivisum.*

Illud quoque, quod ad Numerum XX. ubi cum argumentum sibi objecisset; *si in singulis Ecclesiis toti Clero unus præest Episcopus; Episcopis vero omnibus unius provinciæ unus Metropolitanus & in Majoribus urbibus Primates, & Patriarchæ: cur non toti debeat Ecclesiæ præesse unus, cui*
Prima-

(10) Vid. supra Cap. I. Art. I. §. IV. Notam 14tam.

Primates quoque & Patriarchæ subjiciantur? Respondeo, inquit, Hierarchiam & subordinationem inter Episcopos ab ipsamet Ecclesia, solo jure humano Ecclesiastico ad vitandas confusiones esse introductam: alioquin ex primaria institutione omnes hi æquales sunt in potestate, jure divino. Et quamvis ad vitandam ut dixi, confusionem inducta sit hæc hierarchia, intantum tamen inducta est, in quantum sufficit ad prædictum finem. Schismatibus autem sufficienter occurratur, si alii aliis subjiciantur, quousque commode hierarchicum hoc regimen exerceri possit. Itaque in una Ecclesia uni Episcopo subduntur Parochi: Plures Episcopi illius provinciæ jure Ecclesiastico uni subduntur Archiepiscopo: Metropolitani plures uni Primati: Primates vero uni Patriarchæ ejusdem plagæ orbis terrarum. Non tamen concesserim, Ecclesiam universam, cum sit una, ab uno universali debere regi gubernatore. His ita positis quoniam de sententiis esse dubium amplius non potest, ipsum Schema subjicio.



S C H E M A CONFLICTUS ATQUE FURTORUM.

MONITUM. Regulæ, Propositiones, Corollaria, Scholia, si FEBRONI concepta verbis sint, FEBRONIANA nominabuntur; si nostris; ponentur simpliciter: nulla interim ponemus, nisi a FEBRONIO admittenda necessario. Cæterum meminisse Lectorem volumus, in Jansenistico citando libro, editione nos utrosque latino-gallica. Quocirca tamen oratio sit maxime continens: in paginarum tamen nominatione haud continui sunt numeri, sed exempli causa 1. 3. 5. vel 2. 4. 6. &c.

P A R S I.

De Primatu S. Petri.

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

FEBRONIUS
*Primatum in
Ecclesia divi-
no jure insti-
tutum ad-
struens.*

Bini illi
textus (*Tu
es Petrus*
&c. *Pasce
agnos me-
os*) *Mat-
thæi XVI
& Joannis
XXI.* non
obscure in-
dicant præ-
cipuum ali-
quid in Pe-
tro præ re-
liquis Apo-
stolis. To.
I. Cap. 2. §.
1. p. 89.

FEBRONIUS
Primatum

bunc destruens.

REGULÆ

*interpretandi scri-
pturam.*

1. Cum Scripturam
sacram pro sui & al-
titudine, & obscurita-
te, non uno eodem-
que sensu omnes ac-
cipiant, sed aliter at-
que aliter aliis atque
aliis interpretetur; ob
id Ss. Doctores acce-
pimus, quo eorum
catholicam & univer-
salem intelligentiam,
tanquam Ecclesiæ re-
gulam a Deo præ-
scriptam sequeremur.
Tom. I. Cap. 1. §. 1. p.
2. ex VINCENTIO LI-
RIMENSI.

2. Ec-

JANSENISTA
Anonymus.

JAN-

ANTONIUS DE DOMINIS

AN-

FERONIUS

SECUM CONFLIGENS

ET CUM ECCLESIE HOSTIBUS SENTIENS.

FERONIUS
adstruens.FERONIUS
destruens.

2. Ecclesie sequan-
tur, necesse est, Uni-
versitatem, antiquita-
tem, consensionem.

Ibid. p. 3. N. 2. ex eod.

3. TRIDENTINUM
Sess. IV. ad authenti-
cam scripturarum in-
terpretationem re-
quirat unanimi-
tatem.

Ibid. pag. 4. N. 4.

TRIDENTINUM ad
coercenda petulantia
ingenia decernit, ut
nemo suæ prudentiæ
innixus, sacram scri-
pturam ad suos sensus
contorquens, eandem
contra unanimem
consensum Patrum
interpretari audeat.

Cap. I. §. 4. pag. 23.

4. Cæteris etiam
paribus, & ubi mul-
torum & magnorum
Magistrorum con-
sentientes sententiæ
haberi non possunt,
traditio ex diutina &
constanti multorum
seculorum observan-
tia multo certius eru-
itur, quam ex nudi-
verbis scriptorum.

t 2

maxi-

JANSENISTA
Anonymus.

ANTON. DE DOMINIS.

JANS. De

ANT. Lib. I.

FEBRONIUS

SEGUM CONFLIGENS

ET CUM ECCLESIAE HOSTIBUS SENTIENS.

FEBRONIUS
*adstruens.*FEBRONIUS
*destruens.*JANSENISTA
Anonymus.

ANTON. DE DOMINIS.

maxime quando ea
tam varia sunt, ut alia
in hanc, alia in illam
sententiam trahi pos-
se videantur. *Cap. I.*
§. I. p. 4. N. 3.

COROLLARIA.

1. Argumentum
igitur ex scripturis
certum formari non
potest, ubi unanimem
ejus interpretationem
non suppeditant
Patres.

2. Neque ex Patri-
bus potest, ubi verba
eorum tam varia
sunt, ut alia in hanc,
alia in illam senten-
tiam trahi posse vi-
deantur:

Argumentum primum Catholicorum ex textu Matth. XVI.

*Tu es PETRUS, & super hanc petram aedificabo Ecclesiam meam,
& tibi dabo Claves Regni Caelorum.*

PROPOSITIO
FEBRONIANA.

In interpretandis
MATTHÆI, JOAN-
NISQUE textibus Pa-
tres infinite absunt ab
illa unanimitate,
quam

De Primatu Rom.
Pontif. opus, cujus
scopus est &c. pag. 4.

CHRISTUS, inqui-
unt, Primatum ho-
noris & jurisdictionis
in ceteros Apostolos

Lib. 1. de Repub. Ec-
cles. Cap. 6. N. 3.

Nomen *petræ* (in
textu illo MATTHÆI,
Et super hanc petram)
varias habet interpre-
tationes & explicatio-
nes,

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

FEBRONIUS
destruens.

FEBRONIUS
destruens.

JANSENISTA
Anonymus.

ANTON. DE DOMINIS

quam TRIDENTINUM
sess. IV. requirit. *Feb.*
Tom. I. Cap. I. §. I. p.
4. N. 4.

DEMONSTRATIO FEBRONIANA

Variis modis hunc
textum SS. Patres in-
terpretantur.

Primo multi per
petram hanc intelli-
gunt *fidem*, seu *con-*
fessionem, quam de
CHRISTI Divinitate
PETRUS fecerat. Hoc
agunt HILARIUS &c.
In ean' em sententi-
am seu sensum ab eru-
ditis laudantur saltem
35. Patrum & anti-
quorum graviorum
Scriptorum com-
mentarii. *Cap. I. §.*
II. pag. 13. N. 1.

Alii per *Petram* in-
telligunt J E S U M
CHRISTUM. Facit
hoc S. AUGUST.
Tract. CXXIV. in
JOANNEM, ubi: *Ec-*
clesia fundata est su-
per petram, unde PE-
TRUS nomen accepit.

Non

& in omnes fideles
PETRO dedit, dicens:
Tu es PETRUS &c.
At in hoc argumento
supponitur Aposto-
lum PETRUM ipsam ef-
fe *petram*, super quam
erat ædificanda Ec-
clesia CHRISTI:
Hoc autem NI-
HIL INCERTIUS,
cum plerique Patrum
hujus *Petræ* nomine
ipsum intellexerint
CHRISTUM; (in mar-
gine) LAUNOIUS. 16.
numerat Patres sive
Ecclesiasticos Aucto-
res sic hunc textum
exponentes, aut quod
in idem recidit,
CHRISTI divinitatis *fi-*
dem, quam modo
PETRUS confessus
erat. (In margine)

Idem LAUNOIUS, 44.
Patres aut Scriptores
Ecclesiasticos hujus
interpretationis pa-
trones laudat.

Pag. 6. Immo non-
nulli eorum, textum
hunc interpretando,
ab ejus sensu PETRUM

ex-

nes, ex quibus locus
totus MAXIME OB-
SCURUS redditur &
PERPLEXUS.

Ibid. Num. IV.
Quatuor affert sen-
tentias BELLARMI-
NUS, quarum pri-
mam dicit esse catho-
licorum communem;
secundam ERASMI;
tertiam CALVINI;
quartam LUTHERI. -
- ERASMUS sen-
tire, *omnem hominem*
fidelem esse hanc *pe-*
tram. - CALVINUM,
CHRISTUM ipsum per
petram significari -
LUTHERUM, CENTU-
RIATORES, aliosque
ejusdem Ordinis, *fi-*
dem seu *fidei confes-*
sionem esse *petram*.

Subin a N. V. ad
XXV. ostendere
conatur SPALA-
TENSIS, omnes
has expositiones non
magis ERASMO,
CALVINO, LUTHE-
ROQUE, quam cele-
berrimis in Ecclesia
Patribus tribuen-
das

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

FEBRONIUS
adstruens.FEBRONIUS
destruens.

Non enim a PETRO
petra, sed PETRUS a
petra &c. &c. Ibid.
p. 14. N. 2.

Communior autem
sententia est eorum
Patrum, qui verba de
PETRO quidem acci-
piunt, sed ita, ut quem
admodum PETRUS
Domino omnes inter-
roganti suo & con-
discipulorum suorum
nomine respondit;
ita & in replica
CHRISTI cum PETRO
intelligantur reliqui
quoque Apostoli. Sic
ORIGENES, HIERO-
NYMUS, AUGUSTI-
NUS, LEO, THEO-
PHYLACTUS &c. &c.
Ibid. p. 15. N. 3.

COROLLARIUM

necessario inferendum.

Igitur ex verbis:
*Tu es Petrus, & su-
per hanc petram ædi-
ficabo Ecclesiam meam,*
argumentum cer-
tum formari non po-
test.

PRO-

JANSENISTA
Anonymus.

expressis verbis exclu-
ferunt. Sic AUGU-
STINUS: *Et supra hanc
petram ædificabo Ec-
clesiam meam: non su-
pra PETRUM, quod
tu es, sed supra pe-
tram, quam confessus
es.* Hanc autem in-
terpretationem quis
hæresis nota audebit
inurere? Quæ si ca-
tholica fuerit; fide
ergo catholica per-
mittitur, & personam
PETRI & quodcun-
que ipsi proprium
privilegium a sensu
verborum istorum
excludere.

Pag. 28. Commem-
oratio hujus Apostoli
Primatui non magis
patrocinantur cæteri
Patres, qui Ecclesiam
dixerunt super PE-
TRUM ædificatam,
cum EANDEM
PRÆROGATIVAM
nulli ejus Collegarum
denegent.

ANIMADVERSIO.

Videt lector, scri-
ptorem hunc tam a FE-

BRO-

ANTON. DE DOMINIS.

das esse, Secundam
doceri ab ORIGINE,
tertiam ab AUGU-
STINO, HIERONY-
MO, PERTULLIA-
NO, PROSPERO,
AMBROSIO, LEO-
NE M. &c. &c.
Quartam ab HILA-
RIO, EPIPHANIO,
VICTORE ANTIO-
CHENO, CYRILLO,
AUGUSTINO, ac
fere ab omnibus.
Tum ad primam
revertitur, quam
communem BEL-
LARMINUS di-
xerat: prolatisque,
qui eam tradunt,
Patribus, subjun-
git:

Cap. 6. N. XXV.

His assentio & ipse
libentissime, atque
hunc sensum Evange-
lica illa verba posse
habere, ita puto, ut
tamen temerarium
esse censeam, hoc so-
lo sensu retento, duos
præcedentes omnino
excludere. Hanc
itaque interpretatio-
nem

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

FEBRONIUS
adstruens.

FEBRONIUS
destruens.

PROPOSITIO II. FEBRONIANA.

CHRISTUS ipse est
unicum & primum
fundamentum suae
Ecclesiae; & si sanctus
PETRUS dicatur *secun-
dum* & ministeriale
fundamentum; de-
bebit & TANTUN-
DEM asseri de reli-
quis Apostolis. §. II.
pag. 15 N. 3. in contextu.

*Demonstratio eruta
ex sensu FEBRONII.* Si
in interpretationum
illa varietate dandum
est aliquid Patribus;
ii sequendi sunt, quo-
rum communior est
sententia & interpre-
tatio. Sed ii, quo-
rum est communior
interpretatio, verba
ita accipiunt, ut cum
PETRO reliqui quo-
que intelligantur
Apostoli. Ergo.

*Scholion Febro-
nium.*

Quaquam non-
nulli Patres in hunc
U lo.

JANSENISTA
Anonymus.

BRONIO, quam a SPA-
LATENSI discrepare
hac una re, quod ip-
se de CHRISTO malit
vocabulum PETRA in-
terpretari; isti duo
verò fateantur com-
muniorē & consen-
taneam magis textui
esse interpretationem,
si de PETRO intelliga-
tur. Convenire inte-
rim illum cum utroque
his in tribus. imo
Quod ex varietate ex-
positionum INCERTUM
putet omnino reddi,
an ad personam PETRI
CHRISTI verba perti-
neant. 2do Quod sal-
tem non ad solum PE-
TRUM, sed ad omnes
Apostolos referenda
esse contendat. 3tio
proin, quod nihil so-
lidae rei datum PETRO
prae aliis Apostolis
fuisse concludat. Ac-
cidentaliter igitur &
momenti nullius est ista
dissensio: revera ad
unum scopum tendunt,
& via eadem.

JAN-

ANTON. DE DOMINIS.

nein *petra* pro ipso-
met PETRO, ut for-
tasse litera congruen-
tem admitto nunc &
probo &c

Post pauca:

Jam verò admissa
etiam hac interpreta-
tione, laborandum, ut
ostendatur, solum PE-
TRUM fuisse hoc Ec-
clesiae fundamentum,
a Christo destinatum,
& primum lapide-
dem collocatum,
adeo ut aliis Aposto-
lis hoc neque conve-
niat, neque a CHRIS-
TO idem fuerit con-
cessum.

*Post haec toto reliquo
capite probare niti-
tur; PETRUM non
magis, quam om-
nes Apostolos fun-
damentum dici Ec-
clesiae debere, idque
Patres sensisse fere
omnes catholicae
Ecclesiae propug-
tores.*

*Post longam recen-
sionem Patrum concludit
N. L.*

Nos

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

FEBRONIUS
*adstruens.*FEBRONIUS
destruens.

locum Evangelistæ
differentes, S. PETRO,
figuram sacrorum
verborum, quod scri-
ptoribus Ecclesiasticis
familiaris est, retinen-
tes, eum specialius
applicent: inde tamen
haud sequitur, quod
reliquos Apostolos,
horumque successo-
res ab illius *vera sig-
nificatione ac sensu*, &
a CHRISTI, Collegi-
um Pastorale institu-
entis *intentione* exclu-
dant. *Ibid. p. 18. N. 5.*

COROLLARIUM I.
evidenter consequens.

Igitur verbis Chri-
sti: *Tu es Petrus, &
super hanc petram ædi-
ficabo Ecclesiam meam*,
probari non potest,
esse REI quiddam
præcipuæ, aut soli-
dum aliquid præ aliis
Apostolis collatum
PETRO.

Demonstratur.
Quod dicitur: *Tu
es Petrus*, non rem
ali-

JANSENISTA
Anonymus.

ANTON. DE DOMINIS.

Nos ut arbitror,
clarissime ostendimus
ex celeberrimis, qui-
busque Catholica re-
ligionis Patribus fun-
damentum primari-
um esse CHRISTUM;
secundarium vero, id
est, proximos lapides
fundamentales super
vivæ petræ solo, quæ
est CHRISTUS, im-
mediate inhærentes
esse *omnes Apostolos*,
qui primi à Christo
instructi in fide, facti
sunt fundamentum
cæteris fidelibus.

*Paulo infra Cap. 6.
N. L.* Certum igitur
& evidens reddi-
ditur, nihil in hoc
singulare supra cæte-
ros PETRUM habuisse,
nisi ad summum ex-
cellentiam quandam,
quatenus in prædican-
da fide, indefesso la-
bore, cæteros facile
undecim superarit, &
multo plures ad fidem
converterit, sibi que
univerit in credendo.

JAN-

Addit,

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

FEBRONIUS
adstruens.

FEBRONIUS
destruens.

aliquam; sed solam
nominis significat
prærogativam, si se-
cundum se accipian-
tur verba. Deinde
quod subditur: *Et
super hanc petram,*
nihil aliud significant
eæ voces, quam ædi-
ficationem *Ecclesiæ
supra petram.* Res
igitur significata &
quidquid solidi conti-
netur ista phrasi, non
est, nisi *Ecclesiæ supra
petram ædificatio.* Sed
imprimis incertum
est, an ad personam
PETRI pertineant;
ista verba: *Et super
hanc petram,* (per
Propos. 1.) Deinde
si etiam pertineant;
ad omnes *ex æquo*
pertinent, & debet
TANTUMDEM de re-
liquis dici Apostolis
(per Propos. 2.) &
quidem *ex ipsa loci
vera significatione,*
sensu, INTENTIONE
que Christi (per Scho-
lion) Porro tantum
datur, quantum ver-

u 2 ba

JANSENISTA
Anonymus.

ANTON. DE DOMINIS.

Addit. Num. LI.
Et hanc fortasse cau-
sam fuisse nominis mu-
tati, vigorem nempe
fidei (scilicet perso-
nalem) idque TER-
TULLIANUM videri
sensisse. Cæterum Res-
pondeo, ait, in sola
præcise nominis mu-
tatione me exiguum,
aut vix ullum myste-
rium invenire, si pe-
træ significationem, &
fundamenti ratio-
nem, ac promissio-
nis illius, super hanc
petram ædificabo Ec-
clesiam meam; virtu-
tem separemus.

En corollarium ex Fi-
BRONII placitis a nobis
deductum.

JAN-

AN-

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

FEBRONIUS
*adstruens.*FEBRONIUS
*destruens.*JANSENISTA
Anonymus.

ANTON. DE DOMINIS.

ba significant, estque
intentio ac sensus
dantis. Nihil igitur
REI præ aliis datum
est Petro.

COROLL. II.
perinde evidens.

PETRUS, quantum
probari potest ex ver-
bis: *Tu es Petrus,*
& super hanc petram,
nihil accepit, quod
ad successorem pecu-
liari quadam ratione
transmitteret.

Dem. Quod enim
accepit peculiare, so-
lum nomen est. (per
Coroll. præcedens)
Sed hoc non transmi-
sit, ut patet. Ergo.
J. Q. E. D.

Obiectio, quam
P. VIATOR a COCA-
LEO FEBRONIO fece-
rat, & ab eodem soluta
in hunc modum sub no-
mine DANIELIS
BERTONI.

Tom. III. Tit. I. §.
I. pag. 1. 2. 3.

Italus

JAN-

En

FEBRONIUS

SECUM CONFLIGENS **FUR** ET CUM ECCLESIAE HOSTIBUS SENTIENS.

FEBRONIUS
adstruens.

II FEBRONIUS
destruens.

Italus noster, sive ergo; ait, pro petra sumatur persona Petri, sive ejus fides, vel objectum propriæ religioni propositum, Christus nempe, perinde est. Hæc enim omnia in persona Petri includebantur.

Sed errat vir bonus, si hoc quale quale inventum componendis Patrum sententiis servire posse arbitretur: Quandoquidem horum plures Petrum a sensu per Christum intento directe excludunt. Hoc facit Augustinus Sermon. XIII. de verbis Domini. Idem Sermon. 270. in die Pent. similiter Ambrosius de In-car. Cap. V. N. 34.

Non diffiteor, verba ista, *supra petram ædificabo Ecclesiam meam*, a quibusdam Patribus ipsi Petro fuisse adscripta. Verum idem Patres & alii eandem prerogativam

u 3

vam

II JANSENISTA
Anonymus.

Nonnulli Patrum textum hunc interpretando, ab ejus sensu PETRUM expressis verbis excluderunt. Sic AUGUSTINUS &c. pag. 6.

Non diffiteor, verba ista, *supra hanc petram ædificabo Ecclesiam meam* a quibusdam Patribus PETRO fuisse adscripta pag. 24.

Pag. 28. & seqq. Cæ-

ANTON. DE DOMINIS.

Cap. 6. N. N. VIII. & XXV. *Multus est SPALATENSIS in AUGUSTINI illo loco ostentando, ubi petram CHRISTUM interpretatur, non PETRUM. Idem tamen, quia & PETRUM probabiliter intelligi dixit: concludit DE DOMINIS, rem quasi in incipiti esse.*

Tex-

FEBRONIUS

SECUM CONFLIGENS **FUR** ET CUM ECCLESIAE HOSTIBUS SENTIENS.FEBRONIUS
*adstruens.*II FEBRONIUS
destruens.

vam nulli ejus collegarum denegant. In hunc censum referuntur Origenes in Matthæum Tom. XII. p. 275. Tertull. Lib. IV. contra Marc. n. 39. Hilarius in Psalm. LXVII. n. 10. Hieronym. in Cap. 2. & 62. Isaia. Cyrillus in Isaia. Lib. IV. Orat. 2. pag. 4 & 6. Tom. V. Edit. Bas. S. Cyprian. Epist. 27. cujus verba dabimus infra Tit. VI. §. I.

Sic pariter sensit, scripsitque Nicolaus PP. III. in sexto Decret. Tit. de Elect. Cap. 17. Nempe *fundamenta militantis Ecclesiae in montibus sanctis &c. &c.*

Tanto majoris momenti est hoc testimonium, quod a R. Pontifice profectum sit eo Saeculo, quo tantam Sedes Romana sibi sumpserat auctoritatem.

Pon-

II JANSENISTA
Anonymus.

Cæteri Patres, qui dixerunt Ecclesiam super PETRUM ædificatam, eandem prærogativam nulli ejus Collegarum denegant. Si vero, inquit ORIGENES, *super unum illum solummodo* &c. in MATT. Tom. XII. N. II. TERTULL. Lib. IV. adversus MARC. N. 39. HILARIUS in Ps. LXVII. N. 10. HIERONY. L. I. adv. JOVIN. & in Cap. 2. & 62. ISAIE. CYRILLUS in ISAIAH L. IV. orat. 2.

Horum omnium ipse verba adscribit.

Ipsæ Romanus Episcopus NICOLAUS III. eandem confitetur veritatem (ad marginem: In 6. Decr. L. I. de Elect. c. 17.) sequentibus verbis: *Fundamenta militantis Ecclesiae in montibus sanctis &c. &c.* Magni sane momenti testimonium ab Episcopo Romano, &

eo

ANTON. DE DOMINIS.

Textum ORIGENIS, item TERTULLIANI, HILARII, HIERONYMI, CYRILLI citat N. IV. V. VI. XLV.

NICOLAUM quoque N. XLVI.

AN-

FEBRONIUS

SECUM CONFLIGENS **FUR** ET CUM ECCLESIAE HOSTIBUS SENTIENS.

FEBRONIUS
adstruens.

II FEBRONIUS
destruens.

Pontifici jungamus
Cardinalem magni
nominis NICOLAUM
DE CUSA *Lib. II. de
Concordantia Cathol.
cap. 13.* Sic loquentem:
scimus quod PETRUS
nihil plus potestatis a
Christo recepit aliis
Apostolis &c. &c. &c.

Eandem veritatem
in scripturis sacris ma-
nifeste depositam vi-
demus, scilicet im-
primis, ut dixit CUSA-
NUS Apoc. Cap. XXI.
v. 14. deinde ad E-
phes. II. v. 20.

*Sequitur in textu a-
pud Matth.*

Et tibi dabo Claves
Regni Caelorum;
quodcumque ligave-
ris super terram &c.

II JANSENISTA
Anonymus.

eo saeculo editum,
quo tantam Sedes
Romana sibi jam
sumpserat auctorita-
tem. Ipsi comitem
jungamus virum non
inferioris notæ CAR-
DINALEM NICOLAUM
DE CUSA (de con-
ord. Cath. L. II. c. 13.)
dicentem: Scimus,
quod PETRUS nihil
plus potestatis a Chri-
sto recepit aliis Apo-
stolis &c. &c.

Eandem autem ve-
ritatem in Scripturis
sacris manifeste de-
positam videmus.
Scribit enim (Apoc.
XXI. 14.) JOANNES
Apostolus: *Murus
civitatis* &c. PAULUS
vero (Eph. II. 20)
*Superædificati super
fundamentum* &c.

ANTON. DE DOMINIS.

Qui hunc alterum
NICOLAUM, senten-
tiamque continuo
subjicit. *ibid.*

FEBRONIUS
SECUM CONFLIGENS **FUR** ET CUM ECCLESIAE HOSTIBUS SENTIENS.

FEBRONIUS
adstruens.

II FEBRONIUS
destruens.

PROPOSITIO III.

FEBRONIANA.

Habent Apostoli,
æque ac PETRUS, im-
mediate a CHRISTO
Claves Ecclesiae cum
potestate gregem Do-
minicum pascendi,
nec non ligandi atque
solvendi. *Intelligi-*
tur propositio non eo
tantum sensu, quod
etiam Apostolis sit ali-
bi potestas data remit-
tendi peccata, ut Jo-
ANNIS XX. Sed quod
his ipsis, quæ ad PE-
TRUM dicta sunt: Et
tibi dabo Claves, quid-
quid PETRO, id &
aliis datum sit. Pro-
fertur enim a FEBRO-
NIO propositio in com-
mentario ad tertiam,
eamque communio-
rem, ut ait, interpretati-
onem verborum CHRIS-
TI apud MATTHEUM:
Et super hanc petram
&c.

Demonstratur autem
hoc modo.

Continens est ora-
tio

II JANSENISTA
Anonymus.

ANTON. DE DOMINIS.

JAN-

AN-

FEBRONIUS

SECUM CONFLIGENS **FUR** ET CUM ECCLESIAE HOSTIBUS SENTIENS.FEBRONIUS
adstruens.FEBRONIUS
destruens.

tio Christi, & ad unum diriguntur omnia: *Tu es PETRUS, & super hanc petram ædificabo Ecclesiam meam, & tibi dabo Claves Regni Cælorum: quodcunque ligaveris &c. sed priora illa, Et super hanc petram &c. si ad PETRUM ex communione interpretatione pertineant; pertinent ita, ut non minus ad alios referri debeant, & quidem ex vera significatione verborum, deque sensu & intentione Christi. Igitur & ista: Et Tibi dabo Claves, ad omnes sic pertinent. Habent igitur Apostoli, æque ac PETRUS, immediate a Christo Claves, & quidem per verba: Tibi dabo Claves regni cælorum. Q. E. D.*

¶ Confirmatur ex iis, quæ sub nomine DANIELIS BERTONI FEBRONIUS disputat
X l. c.

JANSENISTA
Anonymus.

ANTON. DE DOMINIS.

Pag. 48. 50. 51.
52. 54. 56. 58. ¶
CHRISTUS adloquens
PETRUM addit: *Et
tibi dabo Claves reg-
ni cælorum &c.* Qui
putant Episcopos Ro-
manos Jurisdictionem in universam Ecclesiam a PETRO hereditate accepisse,
hæc

Cap. VII. N. III.
Monstri simile fuerit,
ad PETRUM solum
promissionem hanc,
ipsiusque executionem adeo arctare, ut
claves Apostolis aliis
neque fuerint promissa a Christo, neque data.

Post

FEBRONIUS

SĒCUM CONFLIGENS FUR ET CUM ECCLESİÆ HOSTIBUS SENTIENS.

FEBRONIUS
adstruens.

II FEBRONIUS
destruens.

l. c. p. 4. Revertor, inquit, ad Caput XVI. MATTHÆI, ubi Christus PETRUM adloquens, præmissis addit: *Et tibi dabo Claves &c.* Qui Episcopos Romanos monarchicam Jurisdictionem in universam Ecclesiam a PETRO hæreditate accepisse putant, ii cum Italo nostro in his Salvatoris verbis se præcipue fundant. Per me id licet; dummodo non negetur cæteros quoque Apostolos eandem Claves regni cælorum non minus accepisse. Eas enim sicut PETRO, ita & aliis traditas fuisse testantur Patres omnes, signanter ORIGENES, CYPRIANUS, HILARIUS, HIERONYMUS, AMBROSIIUS, GAUDENTIUS, AUGUSTINUS, BEDA. Emul-tis seligamus paucos. *An etiam* (quærit ORIGENES in *Matth.*

Tom.

II JANSENISTA
Anonymus.

hæc alia Salvatoris verba tanquam inexpugnabile opinionis suæ argumentum obtrudunt. Per me licet: dummodo cæteri Apostoli eandem Claves regni cælorum a Christo non acceperint. Sed eas sicut PETRO, ita & aliis traditas fuisse testantur Patres omnes. CYPRIANUS enim hæc habet: *Loquitur Dominus ad Petrum &c.* *An etiam*, quærit ORIGENES (in MATTHÆUM T. 12. N. II.) *Soli Petro dantur a Domino Claves &c.* HILARIUS omnes Apostolos compellans sic eos adloquitur &c. Eadem est omnino HIERONYMI doctrina (L. I. adv. Jov.) *At dicis*, inquit, *super Petrum fundatur Ecclesia &c.* Idem testantur AMBROSIIUS, GAUDENTIUS, AUGUSTINUS, THEOPHYLACTUS, & BEDA.

Sub.

ANTON. DE DOMINIS.

Post pauca:

Imo jam ostendo, nihil promitti, aut dari PETRO illis verbis, *Tibi dabo Claves &c.* quod aliis promissum non fuerit, & ab ipsomet CHRISTO concessum. Hoc enim Patres & animadverterunt, & expresserunt.

Recitat easdem deinde N. IV. sententias CYPRIANI, ORIGENIS, HILARII, HIERONYMI, GAUDENTII, AUGUSTINI, AMBROSII, THEOPHYLACTI, & BEDÆ, quas etiam Jansenista Anonymus.

ANT.

FERONIUS

SECUM CONFLIGENS FUR ET CUM ECCLESIAE HOSTIBUS SENTIENS

FERONIUS
adstruens.

II FEBRONIUS
destruens.

Tom. XIII. N. II.)
soli Petro dantur a
Domino Claves &c.
Nec aliter Divus HIE-
RONYM. Lib. I. adver-
sus Jovinianum, ubi,
at dicis, inquit, super
Petrum fundatur Ec-
clesia &c. Deinum
ut alios prætermi-
tam, S. AUGUSTINUS
sermone 149. de ver-
bis Act. X. & sermon.
295. in Natali Apost.
PETRI & PAULI:
Nunquid istas Claves
Petrus accepit, &
Paulus non accepit?
&c.

Verum inquit cum
suis Romanis Italus
noster, si per hæc
verba super hanc pe-
tram ædificabo Ecce-
siam meam, & per il-
la Tibi dabo Claves
regni celorum; NUL-
LUM SINGULARE PRI-
VILEGIUM, (PETRO
dederit Christus: hæc
subintellige: nam præ
exscribendi celeritate
omissa sunt) cur er-
go ea proferens, ad

X 2

PE.

II JANSENISTA
Anonymus.

Subjicit horum senten-
tias, & AUGUSTINI qui-
dem hanc:

AUGUSTINUS ser-
mone 149. de verbis.
Act. X., & serm. 295.
in Natali Apostolo-
rum Petri & Pauli:
Nunquid istas Claves
Petrus accepit, &
Paulus non accepit?
&c.

At, inquiunt, si
per hæc verba: super
hanc petram ædifica-
bo Ecclesiam meam; si
pariter per ista: Tibi
dabo Claves regni cæ-
lorum; nullum singu-
lare privilegium PE-
TRO dederit CHRIS-
TUS; cur ergo ea pro-
ferens, ad PETRUM
sermonem vertit? Id
fecit, respondent Pa-
tres, ut significaret
unitatem Ecclesiæ.

Pro-

ANTON. DE DOMINIS.

N. XIV. Restat
illud Monarchicis
subterfugium, quod
præsentibus cæteris
Apostolis, cum PE-
TRO solo CHRISTUS
loquatur, & soli PE-
TRO dicat: super hanc
petram ædificabo Ec-
clesiam meam:

Cui respondet post
longas ambages N.

XVII.

Quæramus ex CYPRI-
ANO, HIERONYMO,

AU-

FEBRONIUS

SECUM CONFLIGENS **FUR** ET CUM ECCLESIAE HOSTIBUS SENTIENS.

FEBRONIUS
adstruens.

II FEBRONIUS
destruens.

PETRUM sermonem vertit? Respondent Patres, signanter CYPRIANUS, PACIANUS, OPTATUS, AUGUSTINUS, alii, noluisse Dominum de sua Ecclesia & Clavium potestate loqui, nisi uni, ut hujus Ecclesiae significaret unitatem, & Apostolos moneret, ne singularem Ecclesiam singuli meditantur fundare. Sed ut in unius ejusdemque Ecclesiae aedificationem omnes humero uno & in solidum incumberent. *

Adjecit hoc loco, quæ JANSENISTA alibi posuit: Antesignano PETRO, quem inter eos Primatem constituit: de quo ad ditamento statim.

COROLLARIUM
evidenter consequens.

Igitur & per ea verba: *Tibi dabo Claves regni cælorum, quodcumque ligaveris &c.* NULLUM SINGU-

II JANSENISTA
Anonymus.

Proferz verba CYPRIANI, ac pergit:

Id est, noluit Dominus de Ecclesia sua, & Clavium potestate loqui, nisi uni, ut hujus Ecclesiae significaret unitatem, ne singularem Ecclesiam singuli meditantur fundare, sed in unius ejusdemque Ecclesiae aedificationem omnes humero uno & in solidum incumberent.

Subjicit deinde testimonia & verba PACIANI, OPTATI, & AUGUSTINI: ac concludit,

Fuisse utique prærogativam aliquam PETRI, quod a CHRISTO tanquam personam sustinens Ecclesiae fuerit electus: sicut & JOANNIS quoddam fuit, quod a Christo præ cæteris diligeretur. sed sicut nullam in JOANNE, ita nullam & in PETRO auctoritatem singularem adstrui hac prælatione. Ratio-

non-

ANTON. DE DOMINIS.

AUGUSTINO, & similibus, quid ipsi in eo agnoverint mysterii.

Tum CYPRIANI prolatis verbis iisdem, quæ & Anonymus profert.

Quodnam igitur, (inquit N. XVIII.) hoc mysterium? Cur CHRISTUS uni PETRO loquitur, ubi de tanta potestate regiminis Ecclesiae verba facit, quam tamen potestatem esset æque omnibus concessurus? *Ut Unitatem,* inquit CYPRIANUS, *manifestaret &c.* Cum uno solo nimirum CHRISTUS loquitur, ut cæteri animadvertant, eos omnes *simul & in solidum* unicam Ecclesiam suis laboribus & fundaturos & recturos: neque divisionem cogitarent, quasi singuli per se suam quisque Eccle-

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

FEBRONIUS
adstruens.

FEBRONIUS
destruens.

JANSENISTA
Anonymus.

ANTONIUS DE DOMINIS.

GULARE PRIVILEGIUM PETRO, nihil solidi, nihil rei alicujus præcipue, quæque ad successorem transitura esset peculiari modo quodam a Christo datum est.

Demonstratur ex verbis a FEBRONIO sumptis, concessisque: *Nullum singulare privilegium.* Deinde quidquid rei illis verbis conceditur: *Et tibi dabo Claves* &c. æque ad omnes, & ad totam Multitudinem pertinet, & quidem de vero *significatu verborum, deque sensu & intentione Christi.* (Per prop. 3.) Tota, quamobrem ad PETRUM directæ sint verba, hæc ratio est, ut hoc symbolo, hac parabola docerentur Apostoli, non quemque suam sed omnes unam debere Ecclesiam ædificare. Nihil igitur rursus PETRO præ-

x 3

ter,

nemque repetit, quod Christus omnibus Ecclesie Ministris dixerit, quod uni PETRO dicere VIDEATUR. Quæ conclusio legitima est, & respondet Collatorio nostro, ut patet.

ANIM-

clesiam erecturus esset, & detenturus.

Subdit AUGUS. OPTATI, aliorumque testimonia.

CONCLUSIO CAPITALIS.

N. XXI. Itaque

PETRUS præfertur, dum præteritis aliis, ipse a CHRISTO assumitur, modo explicato, in significationem unitatis unius corporis Senatus Apostolici. Præfertur, non præficitur; hoc jurisdictionis est, illud tantummodo comparationis: ut si quis dicat aurum præferri argento.

Quod autem PETRUS ad hoc fuerit assumptus, ut præses esset cæterorum, cui nomine omnium, CHRISTUS soli gravissimum negotium fundandæ, & regendæ Ecclesiæ communicaret, erat prærogativa valde eminens, sed personalis.

ANIM-

FEBRONIUS

SECUM CONFLIGENS ET CUM ECCLESIAE HOSTIBUS SENTIENS.

FEBRONIUS
*adstruens.*FEBRONIUS
destruens.

ter nomen relinquitur. Nihil, præterquam quod in symbolum adsumptus sit, aut rectius in materiam, objectumque symboli. Nam ipsum symbolum adlocutio est illa potius unius. Hac igitur sola re præferri omnibus meruit.

COROLLARIUM 2.
perinde evidens.

Debent itaque, velut nolit FEBRONIUS, expungi omnino verba, quæ ad JANSENISTAM adsuit, suntque asterisco superius indicata: *Antesignano Petro, quem inter eos Primatem constituit.* Hæc quippe cum suis pugnant: NULLUM SINGULARE PRIVILEGIUM dedit PETRO CHRISTUS. Neque adhuc vi ulla, aut quavis arte ex verbis Christi deduci possunt (per Corol. præced.) Ergo Q. E. D.

Nisi

JANSENISTA
Anonymus.

ANIMADVERSIO.
Admittit Anonymus primatum ORDINIS quendam in PETRO, sed sine potestate, auctoritateque ulla, minus talem, qui hæreditarius futurus esset. Atque hoc sensu scribit infra, ubi Matthæi illum locum exponit: Primus Simon, qui dicitur PETRUS. Ipsorum enim antesignanus erat a CHRISTO positus primus, qui Apostolorum choro præesset. Scilicet ut communi conjunctaque opera, Et collatis consiliis, præeunte PETRO in ædificationem Ecclesiae incumberent.

JAN-

ANTON. DE DOMINIS.

ANIMADVERSIO.
SPALATENSIS non alio sensu PETRUM antesignanum, caput, præsidem appellari patitur, quam Jansenistam id pati vidimus.

AN-

FEBRONIUS

SECUM CONFLIGENS ET CUM ECCLESIAE HOSTIBUS SENTIENS.

FEBRONIUS
adstruens.

FEBRONIUS
destruens.


JANSENISTA
Anonymus.

ANTON. DE DOMINIS.

Nisi forte, Antesignanus cum dicitur & Primas, id eo sensu dicatur, quo & SPALATENSIS, & JANSENISTA ANONYMUS haud sunt difficiles, ut Antesignanum & Primatem fuisse concedant.

ARGUMENTUM ALTERUM CATHOLICORUM EX TEXTU JOANN. XXI.

Petre amas me &c. Pasce oves meas.



Cap. II. §. I. N. 2. Bini illi textus MATTHEI XVI. v. 18. & JOANNIS XXI non obseu-
re indicant, præcipuum aliquid in PETRO præ reliquis Apostolis.

PROPOSITIO FEBRONIANA.
Tom. I. Cap. I. §. III. pag. 21. Si Patres Ecclesiae audiamus, etiam Joannis XXI. ubi PETRUS de amore CHRISTI ter interrogatus, ter oves ejus pascendas accepit per verba: *Pasce agnos meos, pasce oves meas;* Christi verba in persona PETRI ad omnes Pastores Ecclesiae diriguntur. Ita

Pag. 74. Esto vices istæ, *Pasce oves meas*, mandatum exprimant de omnibus ovibus pascendis; quid inde possit inferri non video. Reponent enim CYPRIANUS, BASILIUS, CHRYSOSTOMUS, non soli PETRO hoc dictum fuisse, sed omnibus Apostolis, omnibus Presbyteris, quibus eandem hanc potestatem tribuit Christi.

Cap. VIII. N. III. Quamvis verissimum sit, verba illa soli PETRO fuisse dicta; nihilominus in solo PETRO effectum habuisse, dici nullo modo potest.

Citat testimonia BASILII, AUGUSTINI, CHRYSOSTOMI, AMBROSII &c.

AN-

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

FEBRONIUS
*adstruens.*FEBRONIUS
destruens.

Ita AUGUST. Serm.
CVIII. de divers. AM-
BROS. Lib. II. de dig-
nit. Sacerd. Cap. 2.
CHRYSOSt. Hom. 79.
in Matth. BASIL. Con-
stitut. monast. c. 22.
Et multi alii.

COROLL. FEBRONIA-
NUM.

Ibid. Num. I.
Igitur ex eo, quod
hæc verba ad omnes
Apostolos & Pastores
pertinentia, a CHRIS-
TO dirigantur ad PE-
TRUM; hujus equi-
dem præminencia
iterum intelligitur:
sed id nullatenus im-
pedit, quo minus ea-
dem præminencia
salva, ovium cura &
custodia æque imme-
diata & directe reli-
quis Discipulis, Chri-
sto tunc loquenti &
committenti *adstan-*
tibus tradita fuerit.

Nos nunquam cum
eo disputabimus, qui
Apostolos immédia-
te a Christo potesta-
tem accepisse suam
adfir-

JANSENISTA
Anonymus.

Christus. His Patri-
bus comes veniet Au-
GUSTINUS docens,
tunc PETRUM figu-
ram fuisse, & perso-
nam gessisse omnium
Pastorum: quibus om-
nibus, dum PETRO
diceret Dominus, *A-*
mas me? Pasce oves
meas, idem dicebat.

ANTON. DE DOMINIS.

JAN-

AN-

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

FEBRONIUS
adstruens.

FEBRONIUS
destruens.

adfirmat. Id at-
tendimus modo, vel-
le FEBRONIUM ver-
ba, Tibi dabo Cla-
ves, æQUE imme-
diate, æQUE dire-
cte, deque sensu &
intentione Christi
ad omnes spectasse.

COROLL.

evidenter consequens.

Præminencia hæc
qualiscunque PETRI,
non nisi honoris fuit
intermorituri cum
PETRO.

Demonstratur. Non
fuit alia, quam quod
verba sua ad eum
Christus direxerit. Res
significata enim iis-
dem verbis, ad om-
nes pertinuit (per
prop. 4. & Coroll.)
Igitur in symbolum il-
le rursus adsumptus
tantum est unitatis fi-
gurandæ. (*Per pro-
positi 3.*) Symbo-
lum autem, materia-
ve aut objectum sym-
boli qui tantum est
hujus nulla, præter-
quam honoris est præ-

Y

roga-

JANSENISTA
Anonymus.

ANTON. DE DOMINIS.

Lib. I. Cap. 8. N.
VIII. IX. Cur igi-
tur, inquires, PETRO
soli seorsum ab aliis,
tamen coram aliis,
dicitur, *Pasce oves me-
as* ? Primum myste-
rium hujus CHRISTI
actionis erit *mysteri-
um unitatis* collegii
Apostolici. = = =
2do Adest nobis Au-
GUSTINUS, qui sane
instar omnium esse
deberet. Ille porro
propterea seorsum so-
li PETRO pasturam
committi asserit, quia
PETRUS erat *figura*
& *typus* omnium pa-
storum, & totam Ec-
clesiam representa-
bat.

Addit duas alias ra-
tiones, quas etiam
ad-

JAN-

FEBRONIUS.

SECUM CONFLIGENS

ET CUM ECCLESIAE HOSTIBUS SENTIENS.

FEBRONIUS
adstruens.FEBRONIUS
destruens.

rogativa, per Coroll.
ibidem. Præeminen-
tia igitur PETRI ho-
noris tantum fuit, ac
per consequens inter-
moritura cum PE-
TRO. Q. E. D.

Addet SPALATEN-
sis, & juvabit cau-
sam: quemadmo-
dum qui duodecim
servos ad vineam
mittit, specialius
nonnunquam senio-
ri, aut ei, quem
fideliores inter cæ-
teros expertus est,
curam vineæ solet
committere: ita &
CHRISTUM in Jo-
annis illo loco fecif-
se. Quæ res existi-
mationis tantum est
bonæ testificatio.

PROPOSITIO 5. FE-
BRONIANA.

Tom. I. Cap. I. § III.
pag. 22. n. 2. Distinctio,
quam aliqui Schola-
stici faciunt inter ag-
nos & oves, quasi per
has Episcoporum, per
illos cæterorum fide-
lium

JANSENISTA
Anonymus.

ANTON. DE DOMINIS.

adoptavit, & suas
fecit JANSENISTA:
sed quia a FEBRO-
NIO quasi studio
præteritas puta-
mus, heic negligi-
mus. Pergit:

N. XII. Quinta ex-
positio esse potest, ut
dicamus, propterea
cum solo PETRO Do-
minum loqui, quia
ex undecim sicut ipse
præcipuus erat: ita
præcipuam curam
prædicationis ipsi
committi, qui maxi-
me omnium, qui
tunc aderant, debe-
bat in ipsius Domini
vineâ laborare: Qua-
si dicat: quia tu su-
pra cæteros & fer-
ventius me amas: id-
circo tibi etiam maxi-
me fidens, maxime
oves meas commea-
do &c.

De hac ovium, ag-
norumque distin-
ctione quid ANO-
NYMUS scribat, vi-
de sis infra, ubi
cum DANIELE BER-
TONO cum compo-
nimus.

JAN-

N. V.

FEBRONIUS

SECUM CONFLIGENS **FUR** ET CUM ECCLESIAE HOSTIBUS SENTIENS.

FEBRONIUS
adstruens.

FEBRONIUS
destruens.

JANSENISTA
Anonymus.

ANTON. DE DOMINIS.

lium cura PETRO a
CHRISTO commissa
fuerit, secus ac aliis
Apostolis, imagina-
ria subtilitas est &c.
&c.

II PROPOSITIO 6. FE-
BRONIANA.

Ibid. n. 3. Conti-
neat de reliquo ver-
bum *pascendi* PETRO
(suppone etiam soli)
dictum, quantamcun-
que auctoritatem &
potestatem non re-
pugno. Hoc con-
tendo, nullam ver-
bo *pascendi* inesse,
quæ non æque, im-
mo amplius conti-
neatur illis CHRISTI
dictis ad omnes Apo-
stolos: *Sicut misit me*
Pater, & ego mitto
vos. Item his: *Eun-*
tes docete omnes gen-
tes.

Confirmat utram-
que propositionem sub
nomine DANIELIS
BERTONI. Tom. III.
Tit. I. pag. 6. Quo-
cunque sensu accipi-

an-

Pag. 78. & seq.
Quovis enim sensu in-
telligantur (verba:
Pasce oves meas) ni-
hil majus aut latius ex-
primere poterunt, po-

y 2

te-

II

N. V. Contineat
in se verbum *pascen-*
di quamcunque &
quantamcunque au-
ctoritatem, & pote-
statem, non pugno;
sed illud contendo,
nullam verbo *pascen-*
di contineri, quæ non
melius, & amplius
contineatur in illis
Christi dictis: *Sicut*
misit me Pater, &
ego mitto vos: & illis:
Euntes docete.

AN-

FEBRONIUS

SECUM CONFLIGENS **FUR** ET CUM ECCLESIAE HOSTIBUS SENTIENS.FEBRONIUS
adstans.II FEBRONIUS
destruens.

antur hæc verba: *Pasce oves meas, pasce agnos meos*, nihil majus, latiusve potuerant exprimere potestate illa, quam omnibus simul Apostolis Salvator contulit sive ante, sive post colloquium, quod Joannis XXI. cum PETRO habuit. Etenim ante dixerat omnibus Joannis XX. v. 21. *Sicut misit me Pater, & ego mitto vos. Accipite Spiritum sanctum, quorum remiseritis peccata, remittuntur eis, & quorum retinueritis retenta sunt.* His verbis Apostolos constituit, ut ita loquar, juris & loci sui possessores, Missioni, quam ipse a Patre acceperat, æqualem eis conferens, ut scilicet peccata abolerent, ac justitiam inter homines instaurarent, Spiritum sanctum, cujus solius virtute hæc fieri

po-

II JANSENISTA
Anonymus.

testate quam omnibus simul Apostolis contulit Christus, sive ante, sive post colloquium cum PETRO habitum. Ante dixerat omnibus: *Sicut misit me Pater, & ego mitto vos. Accipite Spiritum sanctum, quorum remiseritis peccata, remittuntur eis, & quorum retinueritis, retenta sunt.* Quibus verbis salvator juris & loci sui possessores, ut ita loquar, constituit Apostolos, Missioni quam ipse acceperat a Patre æqualem eis conferens, ut peccata abolerent, ac justitiam inter homines restaurarent, Spiritumque sanctum cujus solius virtute hæc fieri poterant, insufflans eis. Quid tantæ auctoritati adjici aut cujus egeret poterat hæc divina Missio, nisi quod immensitas ejus erat explicanda per exten-

sio-

ANTON. DE DOMINIS.

AN-

FEBRONIUS

SECUM CONFLIGENS FUR ET CUM ECCLESIAE HOSTIBUS SENTIENS.

FEBRONIUS
adstruens.

II FEBRONIUS
destruens.
poterant, eis insuf-
flans. Nihil tanta
auctoritati adjici, aut
cujusquam egere po-
terat hæc divina Mis-
sio, nisi quod immen-
sitas ejus erat expli-
canda per extensio-
nem ad omnes po-
pulos. Hoc autem
postea CHRISTUS
præstitit, cum jam in
cælos ascensus ad-
unatis Apostolis suis
augusta hæc verba
protulit. *M a t t h.*
XXVIII. v. 19. Data
est mihi omnis potestas
in cælo & in terra:
Euntes ergo docete
omnes gentes, bapti-
zantes eos in nomine
Patris, & Filii, &
Spiritus S., docentes
eos servare omnia,
quæcunque mandavi
vobis. Et ecce ego
vobiscum sum omnibus
diebus usque ad con-
summationem sæculi.
Quantam gloriam,
quantamque auctori-
tatem ex hac promif-
sione, præcedentique

y 3

man-

II JANSENISTA
Anonymus.

sionem ad omnes po-
pulos. Hoc autem
fecit CHRISTUS, cum
jam jam in cælos as-
census adunatis A-
postolis suis, augusta
hæc verba protulit:
Euntes ergo docete
omnes gentes, bapti-
zantes eos in nomine
Patris, & Filii, &
Spiritus sancti; docen-
tes eos servare omnia,
quæcunque mandavi
vobis. Et ecce ego
vobiscum sum omnibus
diebus usque ad con-
summationem sæculi.

Quantam gloriam,
quantamque auctori-
tatem ex hac promif-
sione, præceden-
tique mandato sibi
fumerent Episco-
pi Romani, si non
omnibus Apostolis
sed soli PETRO hæc
dicta fuissent! Munus
illud pascendarum
ovium Christi sibi
commissum, vix nunc
nominare vellent.

JAN-

ANTON. DE DOMINIS.

ANT

FEBRONIUS

SECUM CONFLIGENS **FUR** ET CUM ECCLESIAE HOSTIBUS SENTIENSFEBRONIUS
*adstruens.*II FEBRONIUS
destruens.

mandato sibi fumerent Romani Episcopi, si non omnibus Apostolis, sed soli PETRO hæc dicta fuissent. Vix tunc nominare vellent illud sibi commissum munus pascendarum ovium CHRISTI, in quo adeo gloriantur.

Pag. 7. Nonnulli Romanarum partium videntur mysterium sibi videre in ordine repetitorum istorum verborum: *Pasce oves meas*; & deinde: *Pasce agnos meos*, quæ Christus ad PETRUM direxit; quasi agnorum nomine simplices fideles, ovium vero, Pastores & ipsi Apostoli a Christo designarentur. Verum in prætenso hoc mysterio MALDONATUS, Jesuita Hispanus, quamvis Romanæ Monarchiæ addictissimus, nil nisi aspernandum vidit. Non est subtiliter disputandum,

II JANSENISTA
Anonymus.

Nonnulli videre sibi videntur in ordine verborum istorum: *Pasce oves meas*, post hæc alia: *Pasce agnos meos*, ad PETRUM similiter paulo ante directæ; quasi agnorum nomine simplices fideles, ovium vero, Pastores & ipsi Apostoli a Christo designarentur? Verum in hoc mysterio MALDONATUS ipse, quamvis Monarchiæ Romanæ addictissimus, nihil nisi aspernandum vidit, serioque monuit, ne doctis risum facerent. Non est subtiliter disputandum, inquit, cur

ANTON. DE DOMINIS.

FEBRONIUS

SECUM CONFLIGENS **FUR** ET CUM ECCLESIAE HOSTIBUS SENTIENS.

FEBRONIUS
adstruens.

II FEBRONIUS
destruens.

dum, inquit, cur
CHRISTUS agnos po-
tius, quam oves ap-
pellaverit. Quod qui
fecerit, videat etiam
atque etiam, ne do-
ctis hominibus rilum
præbeat. Satis enim
constat eosdem nunc
agnos, & postea oves
appellari. Iphis sane
CHRISTI verbis con-
vincimur, nihil de hac
vocabulorum varie-
tate curandum esse.
Idem ille divinus Ser-
vator, qui *Matth. X.*
v. 16. Apostolis suis
dicit: *Mitto vos sicut*
oves in medio lupo-
rum, iisdem dixit *Lu-*
cæ X. v. 4. *Mitto vos*
sicut agnos. Sed ne-
que sancti Patres in
hac verborum varie-
tate quæsierunt ali-
quid sive mysterii si-
ve argumenti. Qua-
re S. AUGUST. *Tract.*
47. in Joannem ait:
Petre amas me? hoc
simul, hoc iterum, hoc
tertio usque ad tristi-
ssimam &c. &c. (*Lineas*
6. inseruit.) *Ibid.*

II JANSENISTA
Anonymus.

cur. Christus agnos
potius, quam oves
appellaverit. Quod
qui fecerit, videat
etiam atque etiam, ne
doctis hominibus ri-
lum præbeat. Satis
enim constat, eosdem
nunc agnos, & po-
stea oves appellari.
Neque sane in hac no-
minis mutatione sacri
aliquid aut arcani de-
textit Patrum sagaci-
tas. Noverant, Chri-
stum, qui apud
Matthæum Apostolis
suis dicit: *Mitto vos*
sicut oves in medio
luporum. iisdem apud
Lucam dicere: *Mitto*
vos sicut agnos.

ANTON. DE DOMINIS.

FEBRONIUS

SECUM CONFLIGENS FUR ET CUM ECCLESIAE HOSTIBUS SENTIENS.

FEBRONIUS
adstruens.II FEBRONIUS
destruens.

Ibid. pag. 8. Si tamen inter agnos & oves quædam differentia admittenda sit; nonne per agnos apte designantur Neophyti aut debiles Christiani, quibus juxta mentem PAULI lacte adhuc opus est; per oves vero fortiores & doctiores? Cæterum nihil obstat, quominus fateamur PETRO & reliquis Apostolis munus fuisse demandatum, ipsos etiam pascendi Pastores, quos Ecclesiis præficiebant. Quod & eos feliciter præstitisse, ex eorum epistolis intelligimus. De reliquo PETRUM quidem a PAULO edoctum & correctum prodit Scriptura; id autem a PETRO erga quemvis alium Apostolum nullibi vidimus præstitum.

Pag. 4. Agnoscunt qui-

II JANSENISTA
Anonymus.

Pag. 84. De cæro si quædam admittenda sit (distinctio) nonne per agnos apte designantur Neophyti aut debiles Christiani, quibus juxta mentem PAULI lacte adhuc opus est; per oves vero fortiores? Quia nihil obstat, quin fateamur, PETRO & cæteris Apostolis munus fuisse demandatum ipsos etiam pascendi Pastores, quos Ecclesiis præficiebant: quod & eos feliciter præstitisse, ex eorum epistolis videmus *.

*Post quædam inter-
ferta.*

PETRUM quidem a PAULO edoctum & correctum prodit Scriptura; id autem a PETRO erga quemvis alium Apostolum nullibi videmus præstitum.

ANIMADVERSTIO.

* Fuit tantillum saltem

ANTON. DE DOMINIS.

Myſteria, quæ alii venantur in verbis, *paſce agnos* five oviculas, & oves, a me continentur. - - - Illos tamen probare non poſſum, qui verbis illis, *Paſce oves meas*, PETRO etiam ipſorum Apoſtolorum curam cenſent a CHRISTO fuiſſe comiſſam. Ad quid obſecro? fortaſſe ad ipſorum conſeſſiones audiendas? an ad ipſos docendos & inſtruendos? an ad corrigendos & puniendos? Ego ſane PETRUM a PAULO correctum aut inſtructum invenio; nullum vero Apoſtolorum a PETRO erectum, aut correctum aut inſtructum cerno.

ANIMADVERSTIO.

Ad invidiam iſta ſci-
licet

FEBRONIUS

SECUM CONFLIGENS **FUR** ET CUM ECCLESIAE HOSTIBUS SENTIENS.

FEBRONIUS
adstruens.

II FEBRONIUS
destruens.

quidem Romani, Ecclesiae ministerium ficut PETRO, ita & aliis Apostolis commissum esse, sed his inquirunt, per illam, quippe cui soli CHRISTUS dixerit, *Pasce oves meas.* Sed videamus, an doctrina haec conveniat eum doctrina PAULI. *Christus*, ait vas electionis ad Eph. IV. v. 11-15. *Ipsa dedit quosdam quidem Apostolos* &c. &c. &c. Tale est sacri ministerii opus:

Z

sed

II JANSENISTA
Anonymus.

tem in BERTONO verecundiae, ut quae Anonymus hic interseruit, praeterire maluerit, quam una exscribere. Querit enim: Ut quid ceterorum Apostolorum cura fuisset PETRO commissa, eique data in ipsos iurisdicatio? Num ut eorum audiret confessiones, aut eis confitentes audiendi licentiam seu daret, seu retraheret &c.

Pag. 44. 46. 48.

Nonne sicut PETRO ita & aliis Apostolis ministerium commissum erat?

Erat, inquirunt Romani, sed per PETRUM, cui soli crederat illud CHRISTUS dicens: *Pasce oves meas.* Videamus, an illa doctrina in Paulinam quadret? CHRISTUS, ait vas Electionis, *ipse dedit quosdam quidem Apostolos*

ANTON. DE DOMINIS.

licet pertinent convulsam doctrinam catholicam. Neque enim tam plumbei sumus, ut Apostolis Correctore fuisset opus putemus. Nec propter Apostolos, inter quos neque haeresis, neque schismatis esse periculum poterat, sed propter Ecclesiam Primatum fuisse dicimus institutum.

Cap.



FEBRONIUS

SECUM CONFLIGENS FUR ET CUM ECCLESIAE HOSTIBUS SENTIENS.

FEBRONIUS
*adstruens.*II FEBRONIUS
destruens.

sed cui mandatum hoc opus? omnibus Apostolis, respondet PAULUS, omnibus Pastoribus atque Doctoribus. A quo autem ministerium suum acceperunt isti? Num a PETRO? nequaquam, sed a CHRISTO. *Ipsē dedit quosdam &c.* Ergo CHRISTUS omnes Apostolos, omnesque Pastores posuit, sicut & PETRUM, ut ædificent Ecclesiam suam. Atque ita quotquot sunt, tot sunt hujus ædificii a CHRISTO adscita fundamenta; quisque juxta mensuram suæ vocationis & proprii laboris. Proinde promissio ista, *super hanc petram ædificabo Ecclesiam meam*, per eos omnes sicut per PETRUM impletur: ergo ad eos, sicut ad PETRUM, spectant prædicta verba.

Co-

II JANSENISTA
Anonymus.

solos &c. Tale est sacri Ministerii opus. - Sic fit consummatio Sanctorum, & ædificatio mystici Corporis CHRISTI. Sed cui mandatum est hoc opus? omnibus Apostolis, respondet PAULUS, omnibus Pastoribus, atque Doctoribus. A quo autem ministerium acceperunt isti? Num a PETRO? Nequaquam, sed ab ipso CHRISTO. *Ipsē dedit quosdam &c.* Ergo CHRISTUS omnes Apostolos, omnesque Pastores posuit, sicut & PETRUM, ut ædificent Ecclesiam suam. Ergo quotquot sunt, tot sunt hujus ædificii a CHRISTO adscita fundamenta; quisque juxta mensuram proprii laboris. Ergo promissio ista: *super hanc petram ædificabo Ecclesiam meam*, per eos omnes sicut per PETRUM

TRUM

ANTON. DE DOMINIS.

Cap. 8. N. III.

Nonne ipsemet CHRISTUS dedit quosdam quidem Apostolos, alios Doctores & Pastores?

CON-

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

FEBRONIUS
adstruens.

FEBRONIUS
destruens.

JANSENISTA
Anonymus.

ANTONIUS DE DOMINIS.

COROLLARIUM
necessario conceden-
dum.

Ex textu JOANNIS
igitur non magis,
quam ex verbis MAT-
THEI Primatus pro-
bari potest. Nam
quidquid in utroque
loco conceditur,
quidquid rei, quid-
quid juris, auctorita-
tis, potestatis; ad om-
nes pertinet. PETRO
nihil relinquitur,
quam ut momento
vicem umbræ figuræ-
que suppleat.

TRUM adimpletur. Er-
go ad eos sicut ad PE-
TRUM spectant præ-
dicta verba.

Conclusio Capitalis
Pag. 66. Primatus
igitur, qui obtenditur,
nihil magis contine-
tur his verbis: *Pasce*
oves meas.

CONCLUSIO CAPI-
TALIS.

Cap. 8. N. VII.
Igitur locus iste,
Pasce oves meas, ni-
hil singulare PETRO
tribuebat, quod non
etiam cæteris Apo-
stolis tribueretur, &
consequenter Princi-
patus PETRI nullus
inde habebatur.

Ex eo loco, *Pas-
ce oves meas*, Princi-
patum autoritativum
PETRI nemo prudens
colliget.

ARGUMENTUM CATHOLICORUM

Ex Textu LUCÆ Cap. XII. v. 32.

Ego rogavi pro te Petre, ut non deficiat fides tua, & tu aliquando
conversus confirma fratres tuos.

PROPOSITIO
FEBRONIANA.

Tom. I. Cap. V. §.
1. N. 2. Sensus ver-
borum est: PETRUS
equidem negabit Do-

z 2

mi-

P. 96. Quod spectat
ad PETRUM, memorat
scriptura peccatum
ejus ac relapscenti-
am, sollicitudinem
qua fideles in fide

con-

C. 6. N. XXXIX.

Si velit quis ibi fratres
intelligi ipsos Aposto-
los; sensus erit: Tu
qui lapsu tuo pluri-
mum fratres scanda-
liza-

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

FEBRONIUS
*adversarius.*FEBRONIUS
destruens.

minum & Magistrum suum: nihilominus post agnitum errorem, resurgens a lapsu, fratres & Coepistolos suos in fide confirmabit, ipse futurus in ea stabilis. Sic prædictio & promissio in *Persona* Petri impleta est. At hæc nihil ad Petri succellores.

COROLLARIUM
necessario concedendum.

Ad Primatum igitur, qui perpetuus in Ecclesia futurus esset, nihil omnino hic pertinet locus. Immo ne ad Primatum quidem referri potest: neque enim aliud quam beneficium gratiamque exhibet misericordis Christi. Etenim *tentatus ad negandum Dominum suum Petrus* (FEBRONII heic rursus verbis utimur) succubuit tentationi: *Christi oratio pro*

JANSENISTA
Anonymus.

conversatione Evangelica confirmabat, stabilitatem tandem ejus in Justitia; atque hoc totum est, quod illis verbis continetur.

Gallice, c'est tout ce qui est renfermé dans les paroles du Sauveur. Quæ sic malè sunt translata a latino interprete: *Quæ omnia relatis Christi verbis satis exprimuntur.*

ANTON. DE DOMINIS.

lizasti, conversus tua pœnitentia confirma illos &c.

JAN-

AN-

FEBRONIUS

SECUM CONFLIGENS ET CUM ECCLESIAE HOSTIBUS SENTIENS.

FEBRONIUS
adstruens.

FEBRONIUS
destruens.
pro eo, operata est il-
lius conversionem; ag-
novit culpam suam;
primus Evangelium
prædicavit; fidem con-
stanter defendit; mor-
te sua obsignavit.

FEBRONIUS sub nomi-
ne DANIELIS BERTO-
NI aliquando aliter
sententiam exposuit.
pag. 15. & 16.

Imprimis, inquit,
hæc CHRISTI pollici-
tatio juxta sensum li-
teralem scripturæ ad
solum tempus Domi-
nicæ passionis exten-
ditur, quo scandalum
crucis in universos
Domini discipulos,
maxime vero in B.
PETRUM, qui ter Ma-
gistrum suum nega-
vit, erat debachatu-
rum. 2. Qui antecè-
dentia & consequen-
tia textus considerat,
videbit PETRUM, post-
quam ex titubatione
trinæ negationis, quasi
ex gravissimo sopore
emerfit, multo ma-

Z 3

gis

JANSENISTA
Anonymus.

ANTON. DE DOMINIS.

JAN.

ANT.

FEBRONIUS
SECUM CONFLIGENS **FUR** ET CUM ECCLESIAE HOSTIBUS SENTIENS.

FEBRONIUS
adstruens.

II FEBRONIUS
destruens.

gis idoneum fuisse
tum ad collegas flu-
ctuantes confirman-
dos, tum ad fratres
dispersos revocan-
dos, ut resurrectionem
Domini præstola-
rentur. Itaque vel
est textus restringen-
dus ad discipulos Do-
mini propter scanda-
lum crucis tituban-
tes, vel ad facultatem
omnium Fidelium
confirmandorum: &
hoc casu idem jus non
tantum B. PETRO, sed
omnibus etiam Apo-
stolis atque Episcopis
proportionatim com-
petit. Sic in ipsa etiam
nascente II Ecclesia
non a PETRO solum,
verum ab omnibus
Apostolis impletum
fuisse munus, sese in-
vicem sermonibus &
exemplis confirmandi
discimus ab exemplo
PAULI, PETRUM ip-
sum confirmantis in
veritate Evangelica,
quando apud Antio-
chiam dissimulatio-

acem

II JANSENISTA
Anonymus.

ANTON. DE DOMINIS.

Pag. 96. Addere
potero, non a PETRO
solum, sed ab omni-
bus Apostolis imple-
tum fuisse munus, se-
se invicem sermoni-
bus & exemplis con-
firmandi. Nonne PE-
TRUM titubantem in
veritate Evangelica
confirmavit PAULUS,
cum apud Antiochi-
am dissimulationem

ejus

AN-

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

FEBRONIUS
adstruens.

FEBRONIUS
destruens.

nem ejus redarguit.
Ex quo tamen nemo
infert, PAULO supra
PETRUM jurisdictionem
fuisse datam, aut
auctoritatem cum in-
fallibilitate instru-
endi.

COROLLARIUM.

Igitur rursus nihil
datum est PETRO præ
aliis. Solum illud sig-
nificatur, CHRISTUM,
ut a peccato resipiscer-
et; nec porro la-
beretur, ei impetra-
visse; tum, ut se gra-
tiam præberet, mo-
nuisse, utque lapsum
suum in occasionem
communis commodi
verteret. Quæ cum
personalia sint; ad
Præmatum non perti-
nent.

JANSENISTA
Anonymus.

ejus redarguit? Ex
quo tamen quis infe-
ret, PAULO supra PE-
TRUM Jurisdictionem
fuisse datam?

CONCLUSIO CAPI-
TALIS.

Pag. 47. Igitur non
hic reperitur Prima-
tus, qui obtenditur,
sancti PETRI super
alios Apostolos, Ad
Romanos vero Epi-
scopos ut prudenter
ea verba transferren-
tur; deberent & cæ-
tera ejusdem textus
ipsis pariter congrue-
re, ita ut omnes
pari sorte sicut PE-
TRUS casu gravi pro-
sternendi essent &c.

ANTON. DE DOMINIS.

CONCLUSIO CAPI-
TALIS.

Cap. 9. N. XIII.

Igitur ostendi non
ad PETRI exaltatio-
nem, sed depressio-
nem potius oratio-
nem illam CHRISTI
pertinere.

ARGUMENTUM CATHOLICORUM

Ex aliis Scripturæ locis.

Tom. I.
Cap. II. §.
I. N. 2.
Hunc PE-
TRI Prima-
tum

Cui nihil rei præ-
cipuæ, nihil solidi præ
aliis datum est; is si
forte primus recen-
seatur, primus loqua-
tur

Pag. 98. 100. 192.

Ex variis Scripturæ
textibus unus iste ex-
cutiendus superest:
Præ-

Cap. 6. N. III. XIII.

Mihi certum videtur,
eo loci poni nomen,
Primus non tantum
numeraliter. Sed pri-
mus

FEBRONIUS

SECUM CONFLIGENS ET CUM ECCLESIAE HOSTIBUS SENTIENS.

FEBRONIUS <i>adstruens.</i>	FEBRONIUS <i>destruens.</i>	JANSENISTA <i>Anonymus.</i>	ANTON. DE DOMINIS.
tum annun- tiant Evan- gelistæ, qui dum Apo- stolos enu- merant, non modo semper PE- TRUM pri- mo loco collocant, sed & pri- mum fuisse affirmant. Sic <i>Matt.</i> <i>X. v. 2.</i> <i>Duodecim</i> <i>autem Apo-</i> <i>stolorum</i> <i>nomina hæc</i> <i>sunt: Pri-</i> <i>mus Simon,</i> <i>qui dicitur</i> <i>PETRUS &c</i>	tur &c.; non nisi ho- noris habere Prima- tum censeri potest. Sed est deductum ha- ctenus ex <i>Febronianis</i> sententiis, nihil solidi datum PETRO præ al- liis. Ergo ad hono- ris tantum præroga- tivam ista pertinent. Non ad Primatum igitur, qui bono Ec- clesiæ a CHRISTO in- stitutus sit, & perpe- tuo manere debeat.	<i>Primus Simon, qui</i> <i>dicitur PETRUS.</i> Hic minimè diffi- cilem me præbebo: nam pro unico Pri- matu, de quo certa- tur, quinque PETRO facile concedam. Non nego primum fuisse, 1mo ratione ætatis 2do ratione fidei ejus, ardentiorisque in Christum charita- tis. 3tio ratione la- boris. 4to ratione temporis quoniam, cum ex Discipulis Christus elegit, quos voluit esse Apostolos, primo PETRUM no- minavit. 5to ratio- ne ordinis inter Apo- stolos constituti. Ve- rum ex his Primati- bus nullam in Colle- gas suos auctoritatem PETRUS acquirebat.	mus dicitur inter om- nes PETRUS ratione alicujus dignitatis & præminentia. Nimirum ex ætate, ordine vocationis, a- moris fervore, & pro- priis virtutibus. Ex Primatu ordi- nis vocationis, nec non ætatis simul illud consecutus est PE- TRUS, ut locum ha- beret quasi Decani in- ter Cardinales, & Pri- mogeniti inter fra- tres. - Solo hono- re Primogenitus, & fortasse aliqua super- intendētia, quantam <i>ipsi fratres</i> ei permit- tunt, in regimine do- mus solet præcedere, mortuo seu absente Patre, reliquis omni- bus in optima ætate constitutis.

ARGUMENTUM CATHOLICORUM ex Ss. Patribus.

<i>Sancti Pa-</i> <i>tres</i> PE- TRUM Apo- stolorum sum-	Qui nihil solidi ac- cepit præ aliis, is <i>princeps, vertex, Co-</i> <i>ryphæus, os non nisi</i> <i>latif-</i>	<i>Pag. 114.</i> Quod primogenitus est in- ter fratres, quod pe- ritissimus in arte inter fra-	<i>In hunc ipse pariter</i> <i>sensum dicta vete-</i> <i>rum, qui Petrum</i> <i>principem nomina-</i> <i>rent,</i>
---	---	--	--

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

FEBRONIUS
adstruens.
summaum
Principem,
verticem,
Coryphaeum,
os nominant.

Verba recitantur a
FEBRONIO
§. cit. N. 6.
Nominant
petram, columnam
Ecclesiae,
firmamentum fidei,
confessionis fundamentum
ibid.

Affert verba
GRE-
GORII
NAZIAN-
ZENI ex
orat. VII
PETRUS
Ecclesiae
columen.
Item ex orat. 26: Vi-
des, quemadmodum ex
Chri-

FEBRONIUS
destruens.

latissima significatio-
ne dici potest: ob
aetatem nimirum, ele-
ctionis aut vocationis
ordinem; dexterita-
tem in agendo, cau-
sasque similes. Quae
cum personalia rur-
sum sint; ad hono-
rem revocantur; ad
Ecclesiam vero non
spectant.

Si uterque GREGO-
RIUS, Nazianzenus &
Nyssenus, si EPIPHA-
NIUS, si CHRYSOSTO-
MUS his PETRUM no-
minibus compella-
rint; fecerunt ideo;
quia textum Matthaei:
Et super hanc petram
de persona PETRI in-
tellexerunt. Sed haec
universalis, constans,
& uniformis totius

A a Ec-

JANSENISTA
Anonymus.

fratres alios ejusdem
artis, quod in Capi-
tulo Decanus, hoc
inter Collegas suos
erat PETRUS.

Hoc sensu locutos
Patres esse conten-
dit. sunt autem
personalia haec, ne-
que aliud, quam
inter pares honore
primum fuisse PE-
TRUM ostendunt.

JAN-

ANTON. DE DOMINIS.

runt, abducit, ac
concludit pro eo ac
debit: N. XIX.

Totum hunc Prima-
tum PETRI fuisse per-
sonalem, sicut & cau-
sa ipsius Primatus,
non erant nisi perso-
nales, adeo PETRI
propriae, ut non pos-
sent ad alterum tran-
sire.

AN-

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

FEBRONIUS

adstruens.

Christi

Discipulis

magnis

utique

omnibus

& excelsis,

hic PE-

TRA VOCE-

tur, atque

Ecclesiae

fundam-

enta in

fidem su-

am acci-

piat. GRE-

GORII

*Nysseni**Serm. 2.:*

Dei Eccle-

sia in ipso

solidatur.

Hic enim

juxta prae-

rogati-

vam sibi a

Domino

conces-

sam firma

& solidis-

sima est

petra &c.

Similiter

EPIPH. &

CHRYSO-

stom.

FEBRONIUS

destruens.

Ecclesiae non est do-

ctrina; cum multi

Christum, multi *fidem*

intellegerint nomine

petrae designari. Ita-

que ut ea deferi tuto

potest opinio: sic in-

firmum est argumen-

tum, quod a Patrum

illorum auctoritate

sumitur.

*Vide Propos. I.**Febronianam. p. 150.**Idem*

JANSENISTA

*Anonymus.**Jnn.*

ANTON. DE DOMINIS,

AN.

FEBRONIUS

SECUM CONFLIGENS **FUR** ET CUM ECCLESIAE HOSTIBUS SENTIENS.

FEBRONIUS <i>adstruens.</i> <i>verbis a</i> FEBR ONIO <i>cita-</i> <i>tis.</i>	II FEBRONIUS <i>destruens.</i>	II JANSENISTA <i>Anonymus.</i>	ANTON. DE DOMINIS.
<i>Ajunt</i> PE TRUM om- nibus Apo- stolis prae- latum esse: huic Claves fuisse con- creditas: Ecclesiam in eo figu- ratam tan- quam in primo & praecipuo. <i>ibid.</i>	Prælatum est sic, ut nihil <i>rei</i> acceperit. Sic Claves ei conceditæ sunt, sic Ecclesiam fi- guravit, nihil ut præ- ter figuram ipse fue- rit, subjectumque symboli. <i>Vid. dicta</i> <i>superius.</i>		

ARGUMENTUM CATHOLICORUM ex necessitate Capitis.

CHRISTUS Caput suæ Ecclesiæ dedit, sine quo corpus non potuisset non sapientius nutrare. FEBR. TOM. I. Cap. II. §. I. N. 3.	II <i>Idem sub nomine</i> DANIELIS BERTONI <i>Tom. III. Tit. II. §. I.</i> <i>pag. 28.</i> Sacra scriptura non fidei modo, sed & eloquii nostri norma non alteri nisi CHRIS- TO dignitatem Capiti- tis Ecclesiæ tribuit. Sic PAULUS ad Ephe- sios I. v. 17. 22. 23.	II <i>Pag. 180. Et seq.</i> Nulli alteri nisi CHRIS- TO dignitatem hanc (Capitis) tribuit Scri- ptura; non fidei mo- do, sed & eloquii nostri norma. <i>Deus.</i> inquit PAULUS (Eph. I. 17. 22. 23.) <i>Domini N. J. C. Pa-</i> <i>ter omnia subjecit sub</i> <i>pedibus ejus, Et ipsum</i> <i>de-</i>	<i>Lib. I. Cap. I. N.</i> <i>A. II.</i> Qui de repu- blica Ecclesiastica, si- cut de pure humanis philosophantur, mihi videntur non parum a recto tramite aber- rare - - quia pu- tant, ut in humanis absente Rege, reipu- blicæ gubernatore, sicut etiam eo ex hu- ma-
	222 Do-	de-	ma-

FEBRONIUS

SECUM CONFLIGENS **FUR** ET CUM ECCLESIAE HOSTIBUS SENTIENS.FEBRONIUS
adstruens.II FEBRONIUS
destruens.

Domini N. J. C. Pater omnia subiecit sub pedibus ejus, & ipsum dedit caput super omnem Ecclesiam. De in ad Ephesios IV. v. 15. Crescimus in illo per omnia, qui est Caput Christus. Porro ad Coloss. I. v. 18. Ipse est Caput corporis Ecclesiae - - Caput ex quo totum Corpus per nexus & conjunctiones subministratum & constructum crescit in augmentum Dei. Christianos vero non exceptis Apostolis, eorumque primo, PAULUS ad Rom. XII. v. 4. 5. membra vocat Corporis, cujus Caput est CHRISTUS. Sicut enim, ait, in uno corpore multa membra habemus; omnia autem membra non eundem actum habent, ita multi unum Corpus sumus in Christo; singuli autem alter alterius membra. Quibus ultimis verbis se

ip-

II JANSENISTA
Anonymus.

dedit Caput super omnem Ecclesiam (Eph. IV. 15.) Veritatem autem facientes in charitate crescimus in illo per omnia, qui est Caput Christus. Et ad Coloss. (I. 18. II. 19.) Ipse est caput Corporis Ecclesiae... Caput ex quo totum Corpus per nexus & conjunctiones subministratum crescit in augmentum Dei.

Christianos vero non exceptis Apostolis eorumque primo, PAULUS membra vocat Corporis, cujus Caput est CHRISTUS. Sicut enim in uno Corpore &c. Quibus ultimis verbis se ipsum cum omnibus Collegis suis inter membra collocat Apostolus, CHRISTO soli dignitatem Capitis relinquens. Ubi notandum, non dicere Apostolum, membra

CHRIST-

ANTON. DE DOMINIS.

manis sublato, alium esse eidem subrogandum, qui absentis demortui vices omnino suppleat. Nos vero Christum dicimus, neque inter absentes, neque inter mortuos reputandum - - multi unum Corpus sumus in Christo; singuli autem alter alterius membra. Nullum ergo aliud Caput agnoscebat PAULUS, nisi CHRISTUM: & inter membra CHRISTI non secus includit etiam PETRUM, quam se & alios Apostolos, ac fideles. Singuli autem, inquit, alterius membra: & non dicit: CHRISTI membra, sed alterius, ut melius significaret, & que omnibus convenire, ut sint membra ad invicem, & neminem eorum aliam habere relationem ad alios, nisi membri, seu ut ita dicam, commembri,

&

FEBRONIUS

SECUM CONFLIGENS FUR ET CUM ECCLESIAE HOSTIBUS SENTIENS.

FEBRONIUS
*abstruens.*II FEBRONIUS
destruens.

ipsum cum omnibus collegis suis inter membra collocat Apostolus, Christo soli dignitatem Capitis relinquens. Ubi notandum, non dicere Apostolum, *membra Christi*, quod vere dicere potuisset; sed *alter alterius membra*, ita ut ipso auctore, PETRUS membrum esset non solum respectu Christi, sed & RESPECTU OMNIUM FIDELIUM.

Hæc etiam ipsa est communis Patrum doctrina. Sic centies S. AUGUSTINUS CHRISTUM dixit Ecclesiae Caput; PETRUM vero nunquam, sed eum sicut alios Apostolos inter membra reputat. Brevitatis amore hunc unum ipsius locum referam Tract. CVIII. in Joannem N. 5. *Sed quoniam per hoc, quod mediator Dei & hominum, homo CHRIS-*
a a s TUS

II JANSENISTA
Anonymus.

CHRISTI, quod vere dicere potuisset; sed *alter alterius membra*; ita ut ipso auctore PETRUS membrum esset non solum respectu Christi, sed & RESPECTU OMNIUM FIDELIUM.

Hæc etiam ipsa est Patrum doctrina.

Subjicit locum S. GREGORII M. ex L. V. Epis. 18.

Centies S. AUGUSTINUS CHRISTUM dicit Ecclesiae Caput, PETRUM vero nunquam, sed sicut alios Apostolos inter membra reputat. Brevitatis causa hunc unum ipsius textum referam (ad marginem Tract. 108. in Joann. n. 5.) *Sed quoniam, per hoc, quod*

ANTON. DE DOMINIS.

& hoc ut excluderetur ab unoquoque eorum ratio & relatio veri capitis quæcunque. Igitur PETRUS non modo erat membrum, comparatus ad verum Caput, quod erat CHRISTUS, sed etiam membri parem rationem, comparatus ad alios Apostolos & Fideles cum ipsis, si PAULI dictis fidem adhibemus, obtinebat.

A Num. III. ad X.

usque citat verba Scripturæ: *impri- mis locum ex epist. ad Ephes. I. Omnia subjecit sub pedibus ejus, & ipsum dedit super omnem Ecclesiam.* Item ad Coloss. I. *Ipse est Caput Corporis Ecclesiae.* Et ad Coloss. II. *Caput ex quo totum Corpus &c.* Ad Ephes. IV. *Veritatem autem facientes, in charitate, cres-*

FEBRONIUS
SECUM CONFLIGENS **FUR** ET CUM ECCLESIAE HOSTIBUS SENTIENS.

FEBRONIUS
adstruens.

II FEBRONIUS
destruens.

TUS JESUS factus est
Caput Ecclesiae; illi
(Apostoli) membra
sunt ejus. Ideo ait,
quod sequitur: Et pro
eis ego sacrifico me
ipsum.

S. LEO serm. LXXX.
in *Nativ. Apostolorum*
Petri & Pauli Cap.
7. PETRUM & PAU-
LUM inter Ecclesia
membra ponit, eos
tanquam Corporis
oculos respiciens,
CHRISTO autem Ca-
pitis dignitatem ser-
vans. Quor., ait;
gratia Dei in tantum
apicem inter omnia
Ecclesiae membra pro-
vexit, ut eos in Cor-
pore, cui Caput est
CHRISTUS, quasi ge-
minum constitueret lu-
men oculorum. Ad.
de S. GREGORII M.
L. V. Epil. 18.

Concilium Toleta-
num VIII. Cap. 4. apud
Hard. l. om. III. Col.
962. Episcopos, ne
Romano quidem ex-
cepto, oculis corporis
iti-

II JANSENISTA
Anonymus.

quod mediator Dei &
hominum &c.

LEO Papa nomine
primus, PETRUM ac
PAULUM inter Eccle-
siae membra ponit,
eos tanquam corporis
oculos respiciens,
CHRISTO vero Capiti-
tis dignitatem servans.
Quos gratia Dei in
tantum apicem inter
omnia &c. (ad marg.
Leo serm. 80. in Nat.
Apol. Petri & Pauli.)

Concilium Toleta-
num octavum Episco-
pos, ne Romano qui-
dem excepto, oculis
corporis iterum assi-
milat, CHRISTUMQUE
fo-

ANTON. DE DOMINIS.

crescamus in illo
per omnia, qui est
Caput CHRISTUS.
N. V. AUGUSTI-
NUS locis pluribus do-
cet, totum CHRIS-
TUM esse caput &
membra, neque ex-
tra CHRISTUM cog-
noscit caput ullum,
sed omnia membra.

Indicat varia hujus
S. Doctoris loca:
& idem repetit.

N. IV. Certe nul-
lum aliud Caput in
Ecclesia agnovisse
AUGUSTINUM, pra-
ter CHRISTUM, &
Apostolos omnes, in-
cluso etiam PETRO,
non nisi membra
CHRISTI fuisse, pro-
ut membrum contra
distinguitur a capite,
docet ipse passim.
Audi illum: *Sed quo-*
niam per hoc, quod
mediator Dei & ho-
minum homo CHRIS-
TUS JESUS factus est
Caput Ecclesiae: illi
(Apostoli) membra
sunt ejus. Ideo ait,
quod

FEBRONIUS

SECUM CONFLIGENS **FUR** ET CUM ECCLESIAE HOSTIBUS SENTIENS.

FEBRONIUS
adstruens.

¶ FEBRONIUS
destruens.
itidem assimilat,
CHRISTUMQUE solum
Caput agnoscit. Cum
secundum carnis as-
sumptæ mysterium Ec-
clesiæ suæ fuerit dig-
natus Caput existere
CHRISTUS; merito in
membris ejus intentio
Episcoporum officia
peragere cernitur ocu-
lorum. Ipsi enim de
sublimiori celsitudine
ordinum regunt &
disponunt subjectas
multitudines plebium

Sic loquuntur Scri-
ptura & Patres circa
nomen Caput Eccle-
siæ, huncque loquen-
di modum tenere
fuisse securius, quam
talem adhibere elo-
cutionem, quæ sicut
quibusdam præbuit
ansam superbiendi; ita
simplicium mentibus
caliginem offundit, ne
eorum usurpata tam
facile discernere va-
leant. *

Verum, inquiunt,
necessarium est Ec-
cle.

¶ JANSENISTA
Anonymus.
solum Caput agnos-
cit. Cum secundum
carnis assumptæ my-
sterium, Ecclesiæ suæ
fuerit dignatus caput
existere Christus &c.

Sic loquuntur Scri-
ptura & S. Patres cir-
ca nomen hoc, Caput
Ecclesiæ, huncque lo-
quendi modum mul-
to sane securius, quam
novam adhibere elo-
cutionem, quæ sicut
Romanis Episcopis
ansam præbet super-
biendi, sic simplici-
um mentibus caligi-
nem offundit, ne eo-
rum usurpata, Anti-
christianaque decreta
discernere valeant.

Necessarium est,
in-

ANTON. DE DOMINIS.

quod sequitur : &
pro eis ego sanctifico
me ipsum.

N. XII. An for-
tasse timendum, ne
CHRISTUS in cœlis po-
situs, non possit sup-
plere muneri in re-
genda Ecclesiæ terre-
stri.

AN-

FEBRONIUS

SECUM CONFLIGENS FURET CUM ECCLESIAE HOSTIBUS SENTIENS.

FEBRONIUS
*adstruens.*FEBRONIUS
destruens.

clesiæ *visibile Caput*. Summa præpollens auctoritate, ruitura alioqui Ecclesia in exitialem anarchiam. At CHRISTUS, verum Ecclesiæ *Caput*, licet oculis carnis invisibilis, non eo minus oculis fidei præsens esse debet. Non ille minus Ecclesiæ suæ, ex quo in cœlis est, invigilat & subvenire potest, quam cum in terris degeret. Non est oblitus sua promissa, se cum ea semper futurum, & adversus eandem non prævalituros hostes ejus. Finaliter divina hæc Respublica cum humanis societatibus nulla ratione comparari potest: tum quod has usque se servaturum Dominus non sponderit, ideoque eas hominum prudentiæ regendas permiserit: tum quod utriusque Reipublicæ dispar sit omnino conditio. ANIM-

JANSENISTA
Anonymus.

inquiunt, *visibile Caput* summa præpollens auctoritate, ruitura alioquin Ecclesia in exitialem Anarchiam. . . . Sed CHRISTUS licet oculis carnis invisibilis, num propterea oculis fidei præsens non adest? Num minus Ecclesiæ suæ, ex quo in cœlis est, invigilat, & subvenire potest, quam cum degeret in terris? oblitus est sua promissa, se cum ea futurum, & adversus eam non prævalituros hostes ejus? Quia igitur ratione divina hæc respublica cum humanis societatibus conferri potest, cum istas usque se servaturum Dominus non sponderit, ideoque eas hominum prudentia regendas permiserit?

ANTON. DE DOMINIS.

JAN-

AN-

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

FEBRONIUS
adstruens.

FEBRONIUS
destruens.

JANSENISTA
Anonymus.

ANTON. DE DOMINIS.

ANIMADVERSIO.

*Interferunt hoc loco
a FEBRONIO quæ
sequuntur.*

" Non ignoro a
" Patribus Concilii
" Chalcedonensis S.
" LEONEM Papam
" suum vocari caput.
" Scio etiam, quali-
" ter Concilium Flo-
" rentinum declara-
" verit, Roman. Pon-
" tificem esse Caput
" Ecclesiæ. Potuerunt
" hæc dare occasio-
" nem, & actu mul-
" tis dederunt, attri-
" buendi Capiti Ec-
" clesiæ ministeriali,
" quæ tantum debentur
" essentiali. In fi-
" ne quidquid dicitur
" sive in synodis sive
" a Scriptoribus Ec-
" clesiasticis de sum-
" mo Pontifice tan-
" quam Capite Eccle-
" siæ, ea omnia fig-
" nificant, illum esse
" primum & princi-
" palem inter mini-
" stros.

B. b.

Au.

JAN.

ANT

FEBRONIUS
SECUM CONFLIGENS **FUR** ET CUM ECCLESIAE HOSTIBUS SENTIENS.

FEBRONIUS
adstruens.

FEBRONIUS
destruens.

JANSENISTA
Anonymus.

ANTON. DE DOMINIS.

Audire: sed quo modo primus & principalis est? honore nempe, & inter pares. Nam si AUCTORITATE quadam PRÆCIPUA, & INSTITUTA a CHRISTO, NECESSARIAQUE ad Ecclesiae auspiciatum regimen, primus est; quid Jansenistam adinebat exscribere, & vociferari cum illo, Ecclesiam nec habere visibile caput, nec eo egere?

ARGUMENTUM CATHOLICORUM ex unitate Ecclesiae.

T.I.C.II. §. II. Fundamentum hujus Primatus est bonum unitatis in Ecclesia.

Causa instituenti inter Apostolos & fundan-

II Tom. III. Tit. II. §. II. pag. 34. Spiritus: Papa an & quatenus sit centrum unitatis? Unitatem in Ecclesia describit, & multum commendat Apostolus in epistolis suis ad Eph. IV. v. 3. 5. nec non I. Cor. I. v. 10. solliciti servare uni-

II Pag. 222. 224. 226. Unitatem describit, commendatque PAULUS in epistolis suis, potissimum ad Corinthios, & ad Ephesios, solliciti servare unitatem spiritus &c. Qua autem ratione utriusque hujus unitatis centrum esse possunt Episcopi Romani

Lib. 2. Cap. I. N. X. Ecclesia hæc una est magna collectio innumerabilium hominum, unam, eandemque fidem & religionem profitentium, uno, eodemque baptismo ablutorum, una, eademque lege Evangelica ad æternam beatitudi-

FEBRONIUS

SECUM CONELIGENS **FUR** ET CUM ECCLESIAE HOSTIBUS SENTIENS.

FEBRONIUS
adstruens.
dandi in Ec-
clesia Pri-
matus, est
bonum u-
nitatis in
eadem ser-
vandæ: bo-
num, sine
quo impos-
sibile est
Ecclesiam
subsistere,
aut perdu-
rare.

*Tom. III.
Tit. II. §.
II. pag. 32.
sub nomine
DANIELIS
BERTONI:
III. BOSSUE-
TUS in ex-
positione
doctrinæ
Christianæ
recte statu-
it: Dei fi-
lium, dum
suam Eccle-
siam unam
esse, & su-
per unita-
tem firmi-
ter ædifica-
tam*

FEBRONIUS
destruens.
*unitatem Spiritus in
vinculo pacis. Unum
Corpus & unus Spi-
ritus, sicut vocati estis*
&c. Quæ autem ratio-
ne utriusque hujus
Unitatis centrum e-
runt Romani Pontifi-
ces, si ipsi evadant
Schismatici, prout
fieri posse nemo du-
bitat. Sane nonnul-
li ex S. S. Patribus Ro-
manos suæ ætatis Pon-
tifices pro schismati-
cis habuerunt, seque
ab eorum commu-
nionem segregarunt.
Sic S. FIRMILIANUS
scripsit STEPHANO
Papæ Epif. 75. " In-
" ter *Cyprianicas*
" pag. 150. Pecca-
" tum vero tibi quam
" magnum exagge-
" rasti; quando te
" a tot gregibus sci-
" disti! Noli te falle-
" re, siquidem ille
" vere schismaticus
" est, qui se a com-
" munionem Ecclesiæ
" statim fecerit. Dum
bb 2 " enim

II JANSENISTA
Anonymus.
ni - - - cum ex
doctrina Ecclesiæ Gal-
licanæ, & totius an-
tiquitatis, atque ex-
perientia constat,
iplos hæreticos ac
schismaticos esse pos-
se?
Nonnulli ex anti-
quis & sanctis Epi-
scopis, quos hodie
tanquam Patres suos
veneratur Ecclesia,
Romanos ætatis suæ
Pontifices pro schif-
maticis habuerunt, se-
que ab eorum com-
munionem segrega-
runt. *Peccatum ve-
ro tibi quam magnum
exaggerasti, inquie-
bat S. FIRMILIANUS
STEPHANO Papæ:
quando te a tot gregi-
bus scidisti! Exscidi-
sti enim te ipsum, no-
li te fallere: siquidem
ille vere est schismati-
cus, qui se a commu-
nionem Ecclesiæ uni-
tatis apostatam fece-
rit. Dum enim pu-
tas omnes a te abstinere
posse, solum te ab
omni-*

ANTON. DE DOMINIS.
dinem directorum.
Unitas itaque
hæc Ecclesiæ non est
Unitas per essentia-
lem subordinatio-
nem, quia inter par-
tes hujus magnæ Ec-
clesiæ integrantes
duntaxat, nulla est
essentialis subordina-
tio, nulla dependen-
tia, & consequenter
nulla subiectio, nul-
la prælatio, sed sim-
plex coheræntia & si-
tuatio cum sola loci
seu situs diversitate.
N. XI. Ecclesia
hæc una universa ho-
minibus constat fide-
libus, qui omnes sunt
unius rationis in ipsa
met formalitate hujus
Unitatis; quæ est una
& eadem fides, una
& eadem religio. &c.
L. 4. Cap. 2. N.
XXXVI. Ipsam
(Romanam Ecclesi-
am) esse constat per-
fectissime schismaticam,
quæ se a Cor-
pore universalis Ec-
clesiæ tunc abscidit,
quan-

FEBRONIUS

SECUM CONFLIGENS FUR ET CUM ECCLESIAE HOSTIBUS SENTIENS.

FEBRONIUS
edstruens.

*tam vellet,
tuendæ ac
firmandæ
unitatis S.
Petri Pri-
matum in-
stituisse, se-
demque A-
postolicam
hujus uni-
tatis CEN-
TRUM ac ra-
dicem esse.*

FEBRONIUS
destruens.

" enim putas omnes
" a te abstinere posse;
" solum te ab omni
" bus abstinuisti. "
En Romanum Epi-
scopum per propriam
suam excommunicatio-
nem a communione
fidelium segregatum.
Ecce alium directe
& reipsa a S. HILARIO
anathematizatum:
" Anathema tibi a me dictum
LIBERI! &
" sociis tuis. Iterum
" tibi anathema, &
" tertio, prævaricator,
" LIBERI. S. HILARIUS
Frag. VI. pag. 1337.

Instar horum Patrum
idem deinde præstiterunt
integre Ecclesiæ, ipsaque
Concilia. Sic *Africa*,
Illyrii, & *Dalmatiæ*
Episcopi omnes se a
communione VIGILII
sejunxerunt ob dam-
nata ab eo tria Capitula.
Non multo post Episcopi
Africa in Concilio
con-

JANSENISTA
Anonymus.

omnibus abstinuisti.
En Romanus Episcopus
per propriam suam
excommunicationem
a communione fidelium
segregatus. Ecce autem
eum directe, & reipsa
anathematizatum a S. HILARIO
traditum: *Anathema
tibi a me dictum LIBERI,*
& sociis tuis - - -
Iterum tibi anathema,
& tertio, prævaricator LIBERI!
Instar horum Patrum
idem deinde præstiterunt
integre Ecclesiæ, ipsaque
Concilia. Sic *Africa*,
Illyrii, & *Dalmatiæ*
Episcopi omnes se a
communione VIGILII
sejunxerunt ob dam-
nata ab eo tria Capitula.
Ac paulo post in Concilio
congregati *Africa* Episcopi
eundem & eadem ex causa
ex Ecclesiæ Corpore segregarunt.
(*ad marginem: FLEURI L. XXXIII. Ann.*

ANTON. DE DOMINIS

quando membrum
ipsius esse recusavit
& - - - Caput se
contra CHRISTUM,
qui solus & verum
luz Ecclesiæ caput
est, constituit.

Num. XXXVII.
Unitas tenenda est,
quis dubitat? Unitas
tamen cum illa Ecclesia,
quæ est Corpus CHRISTI;
non cum illa, quæ cum
dedignetur esse mem-
brum, & toti corpori
ri velit præesse; in
Corpore CHRISTI
non est.

En rem eandem ab
ANTONIO DE DOMINIS,
atque aliis tantum verbis pro-
positam.

FEBRONIUS

SECUM CONFLIGENS **FUR** ET CUM ECCLESIAE HOSTIBUS SENTIENS.

FEBRONIUS
adstruens.

II FEBRONIUS
destruens.

congregati eundem
& eadem de causa ab
Ecclesiae Corpore se-
gregarunt. vide FLEU-
RII Hist. Ecclesi. L.
XXXIII.

* Quae inserta haec
sunt, vide infra in
Coroll.

Patet insuper per
historiam, quantum
& pariendis schisma-
tibus, quibus a plu-
ribus saeculis Ecclesia
dilacerata est, ipsi
Pontifices contule-
rint. Probavit hoc
FEBRONIUS imprimis
de schismate Orien-
talium, quasi ex Epi-
scoporum Romano-
rum nimio imperio,
novisque usurpationi-
bus, atque inexpug-
nabili eorum repug-
nantia adversus pri-
vilegia Ecclesiae con-
stantinopolitanae ad
schisma non sunt de-
trusi; moti saltem &
multum inclinati
sunt. Illud pariter
FEBRONIUS de schis-
mate occidentali, cui

b b 3 per

II JANSENISTA
Anonymus.

548. & 550.) Unde
manifestum est, Epi-
scopum Romanum
centrum unitatis Chri-
stianae ab eis minime
habitum fuisse.

Pag. 206. 208. 210
212. Huic opinioni
adversatur experien-
tia, cum per histo-
riam pateat, quantum
pariendis schismati-
bus, quibus a plu-
ribus saeculis dilacerata
est Ecclesia, ipsi Ponti-
fices contulerint. Un-
de enim orta est *Gra-*
corum in Ecclesiam
Latinam simultas, ni-
si ex Episcoporum
Romanorum nimio
imperio, commenti-
tis prerogativis, no-
vis usurpationibus, in-
expugnabilique eo-
rum repugnantia ad-
versus privilegia Ec-
clesiae Constantinopo-
litanae concessa? Qui-
bus si *Grati* ad schif-
ma non sunt detrusi,
moti saltem & mul-
tum inclinati sunt.

Unde via *Lu-*
thero

ANTON. DE DOMINIS.

AN.

FEBRONIUS
SECUM CONFLIGENS **FUR** ET CUM ECCLESIAE HOSTIBUS SENTIENS.

FEBRONIUS
adstruens.

II FEBRONIUS
destruens.

per immoderatas indulgentias, & varia impudentia facta (ut alia taceam) proximam occasionem a Romanis Pontificibus datam fuisse constat. Unde ex sopore quasi lethargico excitatus LEO X., ejusque successores, tantum abest, ut congruum remedium malo attulerint, ut ex contrario procurandæ unioni obstacula potius poluerint, tum impediendo ne cogeretur Concilium, tum ne stabilis ac desiderata a Patribus constitueretur Reformatio. Quid Anglorum schismati viam monstravit? Nonne dominatus intolerabilis, quo dudum in eis utebantur Romani Pontifices? Quid autem idem schisma firmavit immutabiliter atque consummavit, nisi modus imprudens & arrogans, quo Romanis

II JANSENISTA
Anonymus.

thero aperta, tempusque datum, tantam Christianæ plebis portionem ab unitate rescandendi? Nonne ex indulgentiis, ac simoniis Romanorum Episcoporum, variisq; temerariis ac impudentibus factis? inde vero nonne ex sopore quasi lethargico LEONIS X. in afferendis malo remediis, & ex impedimentis ab ipso, successoribusque ejus allatis, tum ne cogeretur Concilium, tum ne stabilis ac desiderata a Patribus constitueretur Reformatio? Quid *Anglorum* schismati viam stravit? Nonne dominatus intolerabilis, quo dudum in eos utebantur Rom. Pontifices? Quid autem idem schisma firmavit, immutabiliterque consummavit, nisi modus imprudens & arrogans, quo cum Regina *Elisabeth* egerunt

ANTONIUS DE DOMINIS.

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

FEBRONIUS
adstruens.

FEBRONIUS
destruens.

mani cum Regina
Elisabetha egerunt?

JANSENISTA *Anonymus* ad suæ hoc loco, id est, Jansenisticæ in Belgio Ecclesiæ vexationes, quas a summis Pontificibus in hunc diem perpeffa sit, deplorandas progreditur. Sed has quidem omittendas heic sibi putavit FEBRONIUS, non quod non adprobet, sed brevitatis, ut opinor, causa. Nam alioquin & in APPENDICE 2. ad LIBRUM SINGULAREM EDITIONIS 2dæ pag. 23., & in eo schediastmate, quod COLONIENSE JUDICIUM ACADEMICUM REFORMATUM inscribitur, aperte defensionem suscepit causæ JANSENISTICÆ, vultque igni & aqua interdici iis, qui porro negotium ho-

mi.

JANSENISTA
Anonymus.

runt PAULUS IV. & PIUS V.?

Quod si ad Ecclesiam Catholicam *Batavorum* miserando schismate devastatam oculos despectamus &c.

Repetit causam a CLEMENTE XI, PAULO V., BENEDICTO XIV, qui posterior Anno 1756. die 16. mensis Octob. Sacramentis Ecclesiæ interdixit omnibus, quos constaret, Constitutioni *Unigenitus* refractarios publice sese præbere. Sed de PAULO V. quæ habet, digna notatu sunt, cumque iis, quæ FEBRONIUS illis substituit, componi debent.

Ec-

ANTON. DE DOMINIS.

AN-

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

FEBRONIUS
a¹struens.FEBRONIUS
destruens.

minibus istis facef-
sant. Sed de his
alibi. Quæ se-
quantur, ex ejus-
dem furfuris aucto-
re exscripta esse vel
gallicismus, SEN-
TIMENTA, prodit.
Sic enim pergit:

Hæc sufficiunt de
temporario impedi-
mento Centri unio-
nis, quod a materia
& ab occasione schis-
matis ponitur. Sed
quid si viri Sancti, si
integræ, eæque in-
signes Ecclesiæ Ro-
manum Pontificem
cum suis, pro fauto-
ribus & confirmato-
ribus hæreseos ha-
beant, qui veritatem
neque norunt: neque
discere amant? An
tunc adhuc, & quo-
usque hæc Romano-
rum Sentimenta du-
rant, virtus centri in
illis manifestabitur?

Hoc evenit anno 376
cum S. BASILIUS sic
scriberet ad EUSEBI-
UM Episcopum Samo-
satenum &c. Lo-

JANSENISTA
Anonymus.

ANTON. DE DOMINIS.

Unde tandem divi-
siones, inquit, qui-
bus ab annis centum
& sexaginta fœde di-
laceratur universalis
Ecclesia? nonne ex
præsidio a PAULO V.
& successoribus ejus
novis Pelagianis aper-
te concessio? *

* JESUITAS intel-
ligit.

JAN-

ANT.

FEBRONIUS

SECUM CONFLIGENS

ET CUM ECCLESIE HOSTIBUS SENTIENS.

FEBRONIUS
adstruens.
Tom. I. C
II. §. II. p
95. Funda-
mentum
hujus Pri-
matus in-
stituendi
esse bo-
num unita-
tis, apte ex-
pressit S
OPTATUS.
Milevita-
mus scriptor
sæculi IV.
Lib. II. con-
tra *Parme-*
nianum p.
28. & Lib.
VII. p. 104.
= HIERO-
NYMUS L. I.
adversus
Jovinia-
num = AU-
GUSTINUS
Tract. 108
= S. PACIA-
NUS Epist.
3. = S. LEO
P. Serm. 3
= S. CYPRI-
ANUS Epist.
59.

FEBRONIUS
destruens.
Locum infra refere-
mus, ubi ad singula
respondebitur.
Tom. III. Tit. I.
§. I. pag. 5. Rel-
pondent CYPRIA-
NUS, PACIANUS, OP-
TATUS, AUGUSTINUS,
alii, noluisse Domi-
num de sua Ecclesia,
& Clavium potestate
loqui, nisi uni, ut
hujus Ecclesie *signi-*
ficaret unitatem, &
Apostolos moneret,
ne singularem Eccle-
siam singuli medita-
rentur fundare, sed
ut in unius ejusdem-
que Ecclesie ædifica-
tionem omnes hume-
ro uno & in solidum
incumberent. (Heinc)
nullum singulare pri-
vilegium PETRO
CHRISTUS dedit.

JANSENISTA
Anonymus.
Pag. 226. 227. Igi-
tur manifestum est,
Episcopum Roma-
num, ut centrum
unitatis Christianæ a
Patribus minime ha-
bitum fuisse.
Pag. 212. 214.
Quomodo ergo re-
clamante Ecclesie
unitate per tot ora,
quot plagas ab Epi-
scopis Romanis acce-
pit, sine ipsis tamen
stare eam non posse,
ejusque centrum ip-
sos esse arbitrari quis
potest? Credat hoc
stipes, non ego.

ANTON. DE DOMINIS.

FEBRONIUS

SECUM CONFLIGENS ET CUM ECCLESIAE HOSTIBUS SENTIENS.

COROLLARIUM

necessario concedendum.

FEBRONIUS neque unitatis in Ecclesia centrum, neque Caput vult, hoc est, Primatum nullum. Enimvero *sine Capite*, inquit, *Ecclesia non posset non saepius nutare*. Audio; sed id simul lego, non esse in Ecclesia Caput, præter Christum, nec alio opus esse, fuisseque satius, si id nominis nunquam alteri, quam soli Christo, Majores nostri adtribuissent. *Centrum Unitatis*: vox pulchra, quam probe intelligo. *Fundamentum Primatus Unitas*: audio etiam; sed una lego, FIRMILIANUM, & Episcopos *Africae, Illyrici, Dalmatiae*, tametsi perverse senserint, tametsi errorem, in quo fuerunt, damnarit atque damnet Ecclesia; nihilominus quod a communione Romani Episcopi, utut recte monentis sentientisque, receßerint, laudari, commendari, in exemplum adsumi.

Plus. Qui hominem impugnarunt, eorum princeps fuit hæc ratio; *non posse unam Ecclesiam sine nexu ac centro cogitari*. His ille responsurus, titulum Paragraphi hunc facit: *Papa an sit quatenus sit centrum Unitatis?* Non ergo de peccatis ac vitiis personæ, sed de dogmate erat quæstio. Nihilominus quid agit? unum hoc fere; fuisse causam omnium schismatum Romanos Pontifices. Faciamus vera esse, quæ sunt falsissima (id enim ostendam) quorsum adferuntur ista, quæso, hoc loco? hoc inquam, loco, ubi non illud, quales esse, qui Pontificatum gerunt, oporteat; sed cuius rei causa institutus Primatus in Ecclesia, & cur necessarius idem sit, disputatur? Atqui si non *Romæ*, sed alibi Primatus foret; penes Angelum quidem, ut arbitror, non foret, sed penes hominem. Hominum autem quam quisque sibi, tam omnes omnium sunt similes. Quare quæ nunc ita finguntur, a summis Pontificibus ad Ecclesiarum divortium, scissionesque ac longa dissidia, fuisse perpetrata, ea si vera forent, a quovis alio perpetrari possent. Quorsum adferuntur igitur? Jam id quærebam: quorsum cum de natura ipsa Primatus, institutioneque ejus ac fine est Disputatio?

Causa in promptu est: ut omnes intelligant, inutilem omnino esse Primatum ad conservandam unitatem. Quod autem inutile est, necessarium profecto esse non potest. Quare quod verbis JANSENISTÆ: *manifestum est, Episcopum Romanum centrum Unitatis Christianæ a Patribus minime habitum fuisse*, BERTONUS de suo ista substituit: *Sicut quilibet fidelis pro schismatico*

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

matico habendus est, qui PETRI successorem pro Primate Ecclesiae, pro suo superiore, pro centro unitatis non recognoscit: ita vicissim successor PETRI schismaticus foret, si se Ecclesiae Catholicae non vellet subicere: quam est verum membrum posterius huius periodi; tam primum stolidum est, neque profectum ex bono animo. Quis enim concipiat? Quis? cum eodem tempore totisque paginis id agitur, ut nec habitum pro unitatis centro Pontificem Romanum primis sex saeculis, neque esse etiam omnino, sibi omnes persuadeant?

Atque de Primatu hæc quidem hætenus, prout institutus a Domino CHRISTO, & collatus PETRO intelligitur: nisi quod aliqua, cum ita restulerit, de Romano Pontifice, Ecclesiaeque, quæ est Romæ, velut anticipato adscripserimus. Vidimus agentem FEBRONIUM, vidimus negantem: Catholicum hæreticumque hominem, unum & eundem vidimus: sed ut in amplo fluvio rivulum, sic ab hæresi, quidquid Catholicum præferre animum poterat, absorptum intuebamur. Potuissim autem non modo BATAVUM illum, ANTONIUMQUE DE DOMINIS, sed longe plures, quorum ad omnem hæresin implicati libri apud me sunt, Lutheranarum, Calvinianarumque partium commemorare, si fore opus putavissim. Velut quæ ANTONIUS SADAEL de Christo Capite, deque sententiis, *Tues Petrus, Pasce agnosce meos*, atque universæ de Primatu S. PETRI contra TURRIANUM, quæque JUNIUS adversus BELLARMINUM, quæ JOANNES HENRICUS ALSTEDIUS, HENRICUS ECKHARDUS, MOLINÆUS, CHAMIERIUS & apud GRETSERUM SUITLIIVS, SIBRANDUS, DANÆUS, WITAKERUS, atque in *Apparatu* CLAUDIUS SALMASIUS disputarunt. Est enim una horum omnium, eademque, quæ JUSTINI FEBRONII contra Primatum decertandi ratio: (11)

Sic oculos, sic ille manus, sic ora ferebat:

c c 2


Nihil

(11) ANTON. SADAEL Operum Theol. Edit. 4. an. 1614. p. 566. 567. 574. & seqq. 615. JUNIUS Adversus. in BELLAR. Controv. III. Lib. I. p. 667. seqq. ad 686. J. HEN. ALSTEDIUS Theol. Polem. p. IV. Controv. II. pag. 381. 282. HEN. ECKARD. Pandect. Controversiarum religionis anno 1652. Cap. V. Q. 1. 2. 3. a pag. 234. ad 253. MOLINÆUS in Novitate Papiismi anno 1632. a pag. 270. ad 281. CHAMIERIUS in panstratia 1626 Lib. XI. a pag. 375. ad 417. Cæteri apud GRETSERUM Tom. IX. opp. in Defens. BELLARM. CLAUD. SALMAS. in apparatu præmissæ operi de Primatu.

FEBRONIUS

SÆCUM CONFLIGENS ET CUM ECCLESIAE HOSTIBUS SENTIENS.

Nihil distat, præterquam vertiginis, simulationis, furtorumque infamia. Furtorum, inquam: nam quei regere ista porro, vel inficiari, cum in oculis, manifesta que sint, poterit? Neque enim tam erit ineptus, opinor, ut, quod lineolas heinc inde aliquot inseruit, MIXTIONE fecisse suam se credat rem alienam. Id quippe quo sit JURE constitutum non scio: veteri non est. — Nec tamen sunt a me omnia hæcenus producta plagia: plura sunt. Quid, si turpiora? si infanda? Condonabo id quidem in præsens & meæ & Lectorum meorum nausææ, ut seponam ea tantisper; nec nisi ebullientem & disfluentem in sese ipsum FEBRONIUM in Schematis parte altera exhibeam. JANSENISTAM VERO & ANTONIUM DE DOMINIS indicabo potius, quam repræsentem utriusque verbis adscriptis: id enim & brevius erit, & ad stomachi reparationem necessaria hæc quasi vacatio quædam esse videtur.



P A R S I I.

De Primatu Romani Pontificis.

Ergo qui Divo PETRO Primatum abstulit, an servatum transmissumque ad posterum tueri poterit? De Primatu loquor, qui divini sit juris: est enim de hoc sermo, ac proficitur tueri se illum FEBRONIUS. Heinc in secundi capitis tertio paragrapho: *Ratio unitatis, inquit, quæ Christum Dominum in fundatione Ecclesiæ suæ movit, ut inter hujus ministros unum constitueret primum Et Corporis moderatorem, ea quoque efficit, ut eundem Primatum in Ecclesia perpetuo voluerit subsistere.* Atque addit: *Personas, quæ post futurum PETRI decessum, primum hoc in Ecclesia munus gesturæ erant, Salvator non designavit.* Quod nos in præsens haud ei inviti condonabimus. De Primatu qui de instituto CHRISTI esse stabilis debeat, quærimus. Quem cum ille defendere se quidem profiteatur pro eo ac catholicum decet: nos aut non memorem fuisse sui, cum scriberet, aut quod verius, coactique credimus, nunquam serio fuisse tuitum, rebus

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

bus certis ac necessariis adfirmamus. Sunt autem duo potissimum comparanda inter se capita Libri singularis, secundum ac tertium, quorum in altero de *Primatu ejusque Juribus*, in altero de *incrementis agit Jurium Primatus*: & ex his ambobus agentem negantemque Febronium representabimus.

MONITUM. Ne moles operis nimium excresceret, visum est, non in columnas, ut nuper, Schema dispescere, sed descriptionis communi & consueto ordine sententias sententiis subicere.

FEBRONIUS.

Primatum divini juris, in Romana Ecclesia collocatum
adstruens.

" Ratio unitatis, quæ CHRISTUM Dominum in fundatione Ecclesiæ suæ movit, ut inter hujus Ministros unum constitueret primum, & Corporis moderatorem, ea quoque effecit, ut eundem Primatum in Ecclesia perpetuo voluerit subsistere. *Tom. I. Cap. II. §. III.*

FEBRONIUS.

Eundem hunc destruens Primatum, seu suisinet verbis ab A catholicico
refutandus.

CHRISTUS perpetuo subsistere in Ecclesia Primatum, bono unitatis, non voluit, qui nec sancto PETRO, bono unitatis, Primatum contulit. (Id enim postulabamus sub initium Schematis) sed non contulit CHRISTUS PETRO Primatum bono unitatis. (Quod est hactenus demonstratum ex FEBRONII collatis inter sese, connexisque sententiis) Igitur nec subsistere in Ecclesia talem Primatum CHRISTUS voluit. Quod si quis est igitur; Ecclesiastico is tantum jure inductus fuit, & abrogari potest.

FEBR. adstruens.

" Fidem Romani Primatus (ejus scilicet, quem instituit CHRISTUS, tametsi persona non designata) præprimis faciunt antiquissima Concilia. Nicænum I.

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS,

” Canone VI, qualiter PASCHASINUS in Concilio Chalcedonenſi recitavit: *Ec-*
 ” *cleſia Romana ſemper habuit Primatum.* In eadem Chalcedonenſi ſynodo:
 ” *Perpendimus omnem quidem Primatum, & honorem præcipuum ſecundum Cano-*
 ” *nes, Romæ amantiſſimo Archiepiſcopo conſervari.* Concilium Conſtantinopo-
 ” litanum decernit: *Conſtantinopolitanæ Civitatis Epiſcopum habere debere Pri-*
 ” *matus honorem poſt Romanum.* Patres Concilii Aquilejenſis *Romanam Eccleſiam*
 ” *vocant totius orbis Romani Caput.* FEB. I. c. N. I.

FEBRON. *deſtruens.*

Patriarchalium ſedium erectio non niſi humani eſt Juris. De hoc & FEBRO-
 NIUS nobiſcum, & cum Proteſtantibus Catholici omnes conveniunt. — Eſt au-
 tem in Conciliis, Nicæno, Conſtantinopolitano, Chalcedonenſi de *Patriarchica*
 tantum dignitate ſermo. En verba FEBRONII Tom. I. Cap. III. §. V. ” Quando
 ” agitur, inquit, de inſtitutione & certis prærogativis Sedium Patriarchalium,
 ” dubitari nequit, quin ejuſmodi ſedium & juriſm eis attributorum inſtitutio pro
 ” bono Eccleſiæ mutari, ampliari, vel etiam reſtringi poſſit. Hoc agnovit BEL-
 ” LARMINUS Lib. II. de Conciliis, dicens: Decretum de honore Sedium Patri-
 ” archalium ſicut a Concilio Nicæno factum fuerat, ita poterat ab alio mutari.”
 Hæc iſtic Numero V. ſed ſuperius Numero I: ” Notus eſt, inquit, Canon.
 ” XXVIII. Concilii Chalcedonenſis: *Antiquæ Romæ throno, quod verbs illa im-*
 ” *peraret, Patres hand immerito privilegia tribuerunt. Et eadem conſideratione*
 ” *moti CL. Dei amantiſſimi Epiſcopi (Concilii Conſtantinopolitani I.) novæ Romæ*
 ” *throno æqualia privilegia tribuerunt.* Fuit hic Canon ſcopulus, ad quem PRO-
 ” TESTANTES alliferunt. Videntes hi ex hoc Canone, Romanis Pontificibus
 ” certa quædam privilegia a Patribus conceſſa, exiſtimarunt, his privilegiis Pri-
 ” matum ipſum contineri, proinde hunc non eſſe juris divini. Provenit ille er-
 ” ror ex male intellecto Canone, in quo NON AGITUR DE PRIMATU Pa-
 ” præ, ſed de JURE ejus PATRIARCHALI, ut ſolide demonſtrat Dupin.”
 Hucusque FEBRONIUS.

Adſumo nunc. Verba, quæ ad firmandum divini juris Primatum FEBRO-
 NIUS retulerat: *Perpendimus omnem quidem Primatum & honorem præcipuum*
ſecundum Canones, Romæ amantiſſimo Archiepiſcopo conſervari, verba ſunt Judi-
 cum, Canonem XXVIII. adprobantium. Igitur nec illa, niſi de Patriarchica in-
 telligenda ſunt dignitate. Igitur *Primatum honoremque præcipuum conſervant*
 eum

FEBRONIUS

SECUM CONFLIGENS ET CUM ECCLESIAE HOSTIBUS SENTIENS.

eum duntaxat. quem, *quod urbs illa imperaret, non immerito Patres tribuerunt.* Quare & CONSTANTINOPOLITANUM CONCILIUM de eodem tantummodo loquitur Primatu, cum decernit: *Constantinopolitanum Episcopum habere debere Primatus honorem post Romanum.* Hoc enim est, quod enuntiatur Can. 28. CONCILII CHALCEDONENSIS: *Eadem consideratione moti 150. Episcopi, Novæ Romæ throno æqualia privilegia decreverunt.* Æqualia scilicet iis, quæ Senioris Romæ Episcopo decreverunt Patres: & *eadem consideratione moti*, quod ut Roma Senior, sic modo Constantinopolis Roma Nova imperaret. Neque vero aliud, quam honor Primatus post Romanum Constantinopolitano Episcopo a CL. Deo amantissimis, Constantinopoli congregatis Episcopis decretus fuit. Quamobrem duo hæc imprimis Concilia deleri volo. Ad Nicænum pergo.

Ex hoc quæ PASCHASINUS Chalcedone hoc modo protulit, *Ecclesia Romana semper habuit Primatum*, vel concedit FEBRONIUS extitisse illa revera in CANONE VI. CONCILII NICÆNI, vel negat, pro eo ac DUPINIUS facit? si negat, nulla vox est in NICÆNO CONCILIO, ex qua Primatus, is quidem certe, de quo loquimur, probari possit. Canon enim sic habet: *Antiqua consuetudo servetur per Ægyptum, Lybiam, & Pentapolim; ita ut Alexandrinus Episcopus horum omnium habeat potestatem, quia & Urbis Romæ Episcopo parilis mos est.* Quod si concedit; certabo quovis ego cum illo pretio, ut probet, non de eo sermonem Primatu esse, quem, *quod imperaret urbs illa, merito Patres Romano Episcopo tribuerint*, id est, de PATRIARCHICO Primatu. Et vero de hoc actum esse NICÆÆ, adferentem paulo ante FEBRONIUM audivimus. De hoc solo actum contendit is, ad quem nos vocat, ELIAS DUPINIUS. De hoc solo, si scripsit vera FEBRONIUS, agi potuit. Cum enim a CHRISTO, quemadmodum demonstravimus esse consequens ex FEBRONII dictis, institutus non sit Primatus aliquis; certe si quem habuit semper Romana Ecclesia; a *Patribus* habuit: qui, quod imperaret urbs illa & caput Imperii esset, non immerito, ut CHALCEDONE dicitur, privilegia ei tribuerunt. Non potest igitur ex huiusmodi dictis Primatus, de quo loquimur, probari: prorsus a FEBRONIO non potest. Ac ne nos quidem ex illis probamus; sed eo tantum ista adferimus, ut omnes intelligant, non defendi, non propugnari ab illa larva causam Catholicam, sed contempui, sed ludibrio exponi hæreticorum.

FEBRONIUS adstruens.

" CONCILIUM CONSTANTIENSE damnat illam propositionem JOANNIS WIGLEF. non est de necessitate salutis credere, Romanam Ecclesiam esse supremam " inter

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

²¹ *inter alias Ecclesias.* Et hanc Joannis Hus: *Romanus Pontifex non est Caput*
²² *Romanæ Ecclesiæ:* FEB. Tom. I. Cap. II. §. III. N. I.

FEBRONIUS *destruens.*

Si de *necessitate salutis* est credere Romanam Ecclesiam esse supremam; certe est a CHRISTO Primatus illius institutus. Non autem instituit CHRISTUS Primatum per demonstrata hætenus ex FEBRONII sententiis. Igitur nec verum est, quod ea Synodus sancivit — Rursum: Scriptura ac Patres solum CHRISTUM vocant *Caput Ecclesiæ*, ac multo hic loquendi modus *securior* est. Non indiget etiam Ecclesia-aspectabili Capite; sed CHRISTUS per sese ipsum eam regere non minus absens corpore, quam præsens potest. FEBRONII ista sunt. (12) Quare si non ipse; Concilium errarit necesse est. Quod neque mirum videri potest, siquidem de TRIDENTINÆ hæc ejus sunt verba: (13) *Falsitas Decretalium Isidori tempore Tridentini Concilii necdum erat aperta. Quare minimè mirandum, si multi Isidorianis principiis tam tenaciter adhæserint, & nonnulla eundem spiritum redolentia in Acta publica Conciliorum etiam generalium irrepserint.* Quæ ille verba ad eum locum non dubitavit effutire, ubi ex XIV. Sessione hanc proximè sententiam Concilii retulerat: *Non est dubitandum, Pontifices Max. pro suprema potestate sibi in universa Ecclesia tradita, causas aliquas criminum graviores suo posse peculiari judicio reservare.* Quodsi TRIDENTINUM ferre labem hanc potest; CONSTANTIENSE cur eandem non ferat? Atqui magis etiam: nam auctoritatem Isidoro conciliavit, WICLEFFI trigesima octava hac damnata propositione, *Decretales epistolæ sunt apocryphæ, & seducunt a Christi fide, & Clerici sunt stulti, qui student iis.*

FEBRONIUS *adstruens.*

²³ Florentinum sanxit: *Definimus sanctam Apostolicam Sedem & Romanum*
²⁴ *Pontificem in universum Orbem tenere Primatum, & ipsum Romanum Ponti-*
²⁵ *ficem successorem esse B. Petri Principis Apostolorum.* L. c.

FEBRONIUS *destruens.*

Immo vero addit Synodus: *Et VERUM Christi vicarium, totiusque Ecclesiæ*
 CA-

(12) Vide supra pag. 187. & seq.

(13) Tom. I. Cap. I. §. VIII. N. 10.

FEBRONIUS

SECUM CONFLIGENS ET CUM ECCLESIAE HOSTIBUS SENTIENS.

CAPUT, *Et omnium Christianorum Patrem ac Doctorem existere, Et ipsi in B. PETRO PASCENDI, REGENDI, Et gubernandi universam Ecclesiam PLENAM potestatem traditam esse. Qui hæc falsa putat, quam ille vim faciet Florentini objecta auctoritate? Per hoc, (FEBRONII sunt iterum verba Capituli tertii octavo paragrapho) quod Papa sit vicarius CHRISTI, SIMILI vicariatu non excluduntur reliqui Episcopi. Item, unus tantum in Ecclesia Episcopatus, in quo quilibet Episcopus æqualem universi curam sustineat. De Dignitate Capituli quid sentiat, vidimus. Et ut excusare ista velit: (scio enim, Papam saltem primum inter Vicarios ab eo poni) quid? si ne hoc quidem probare ex Florentino possit? Etenim quidquid datur istic Pontifici, eo datur, quod in B. PETRO pascendi, regendi, Et gubernandi universalem Ecclesiam, potestatem plenam acceperit. Itaque propterea, quoniam PETRO dictum est: *Pasce agnos meos. Tu es Petrus &c.* Sed iis verbis nihil collatum PETRO est præ aliis; ac ne hoc quidem, ut esset primus inter CHRISTI Vicarios: id enim superiore parte Schematis non ad opinionem, sed ad evidentiam demonstratum fuit, ex FEBRONII esse dictis, doctrinaque consequens.*

Atque adeo cum BERNARDUS ista scripsisset ad Papam EUGENIUM: *Tu es, cui Claves traditæ, cui oves creditæ sunt. Sunt quidem Et alii cæli Janitores, Et gregum Pastores: sed tu tanto gloriosius, quanto Et differentius utrumque præ cæteris nomen hæreditasti. Habent illi assignatos sibi greges, singuli singulos, tibi universi crediti, uni unus, nec modo ovium, sed Et Pastorum tu unus omnium Pastor: BERNARDUS cum, inquam, ista scripsisset, quid respondit FEBRONIUS? Ampullata verba esse: ac jam ævo huius sancti Systema falsarum Decretalium prævaluisse: unde minime mirandum, si idem vir sanctus hic Et alibi secundum corruptæ huius æconomiae ideam non tantum locutus fuerit, sed Et quædam Scripturæ loca in eundem sensum traxerit, quæ secundum se spectata illuc nulla ratione pertinere noscuntur. Hæc in tertii Capituli octavo paragrapho extant, & legi possunt. Volo quemvis autem, qui oculos mentemque habet, BERNARDI & CONCILII inter se verba componere: fatebitur, si BERNARDUS magna dixit, non minora, immo siquid ego intelligo, etiam maiora Patres CONCILII istius dixisse. Quid autem? Quæ ex BERNARDI progressa ore, ampullata videntur FEBRONIO, nec vera satis, & abducta ab scripturarum interpretatione legitima ac sensu, ea Concilium facere vera potuit? Atqui quod falsum est, reddi verum nulla loquentis potest auctoritate. — Et ut hoc etiam mittamus; quæso, cujus sunt verba hæc: a Gallis pernegatum fuit, Florentino inter generalia Con-*

FEBRONIUS

SEGUM CONFLIGENS

ET CUM ECCLESIAE HOSTIBUS SENTIENS.

cilia locum dandum esse: quippe quod ex quibusdam Italis, & quatuor solum Graecis Patribus compositum fuit? Quis magnis literis, ut sententiam manifestaret suam, ista distinxit: Ex quibusdam Italis, & quatuor solum Graecis Patribus?

FEBRONIUS adfruens.

" Conciliorum Decretis addamus Patrum pro Romano Primatu elogia. S.
" IRENÆUS: *Ad hanc enim Ecclesiam propter potentiolem principalitatem necesse*
" *est omnem convenire Ecclesiam.* L. c.

FEBRONIUS destruens.

Immo vero quis præstantissimum IRENÆI locum hunc post JANSENISTAM BATAVUM peculiari paragrapho conatus est Romanæ Ecclesiæ eripere, & Imperatoribus ethnicis, senatuique & Romano populo vindicare? Revelabo id ego dedecus, sed opportune.

FEBRONIUS adfruens.

" CYPRIANUS epistola 55. ad CORNELIUM Papam scribit: *Petri cathedra,*
" *Ecclesia principalis, unde unitas sacerdotalis exorta est.* Idem de unitate Ecclesiæ: *Qui Petri cathedram deserit, in Ecclesia non est.*

FEBRONIUS destruens.

" Communio Ecclesiarum duobus præcipue modis innotescebat. Primum
" ex literis communionis, quas ad se scribebant invicem: Secundo ex benigna
" susceptione eorum, qui ab externis Ecclesiis veniebant, & concessa eis communionem. Quoniam vero fieri vix poterat, ut singulæ Ecclesiæ mutuo commercio
" sibi notæ essent, idcirco magnæ quædam Sedes ELIGEBANTUR, per quas
" Ecclesiæ inter se communicabant. Sic Ecclesiæ Orientis cum Occidentalibus
" communicare censebantur, quando communicabant Antiocheno Patriarchæ,
" qui junctus erat communionem cum Romano, cui SPECIALIORI nexu adharebant OCCIDENTALES. Ita etiam Ægyptii per Alexandrinum communicabant cum Romano, & Occidentales omnes cum Orientalibus & Ægyptiis item per Romanum, quem S. BASILIUS propterea *Occidentalium Coryphæum* nominat. — — — Sic Romana Ecclesia erat quidem punctum, in quo

&

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

" & per quod reliquæ Ecclesiæ inter se communicabant: sed vel hæc ipsa Com-
 " munionis Jura, & communicandi modi regebantur regulis, non a Romana,
 " sed ab universali Ecclesia dictatis. "

Hæc FEBRONIUS: qui cum secundi Capitis quintum paragraphum præno-
 tasset his verbis: *Ecclesia, cui Primatus annectitur, per hoc fit centrum unitatis;*
 Unitatis exinde vim atque indolem in *communicatione* esse positam dicit *Ecclesia-*
rum omnium inter se, per symbola, aut signa ad eam declarandam idonea, & re-
cepta, literarum scilicet commercium, & Jura hospitii: quæ quis dixi, verbis
 descripsit Cap. III. §. IV.; quo Lectorem dimiserat. En, quo sit sensu Ecclesia
 Romana *principalis* adpellata, & *Unitatis exordium!* Eo, in quo præter um-
 bram honoris nihil adpareat: nihil quod arbitrarium non sit, & humano consi-
 tutum Jure. Nam id & voces illæ declarant: *ELIGEBANTUR; Occidentales*
SPECIALIORI nexu; *OCCIDENTALIUM Coryphæus*; & est aliunde res om-
 nibus nota, Patriarchicas Sedes, majorum urbium habita ratione, ordinatas esse.
 (14) Pergit:

" Non aliter accipienda sunt illa S. CYPRIANI: *scripsisti etiam,*
 " *ut exemplum earundem literarum ad CORNELIUM Romanum Pontificem mitte-*
 " *rem, ut sciret te secum, hoc est, cum catholica Ecclesia communicare.* " Atqui
 manifestum heic sane est, CYPRIANUM pro eodem ista duo accipere, *esse cum*
CORNELIO, & esse cum Ecclesia catholica. Id itaque si est eo tantum sensu ve-
 rum, quod Roma literis destinata fuerit ad Catholicos Episcopos communionis
 testandæ causa transmittendis; profecto nec in illis: *Qui cathedram Petri dese-*
rit, vis est ulla, nihil magnificum, nihil præstabile. Sed erit sensus, eum qui
 cum Romano Episcopo consuetudinem literarum non habet, nec cum cæteris
 habere Catholicis Episcopis: propterea quod tabellarius sit ille aut procurator
 publicus epistolarum communium. Hem! quam insignis Primatus!

FEBRONIUS adstruens.

" S. HIERONYMUS ad DAMASUM: *Ego nullum primum nisi Christum sequens,*
 " *Beatitudini tuæ, id est cathedræ PETRI communionem confocior: super illam pe-*
 " *tram ædificatam Ecclesiam scio. Quicunque extra hanc domum agnum comede-*
 " *rit,*
 " d d 2

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

" rit, profanus est. S. AUGUSTINUS epist. 43. *In Romana Ecclesia Apostolica*
 " cathedræ semper viguit principatus. Episcopi Galliæ ad LEONEM I. *Merito*
 " illic principatum Apostolicæ Sedis constitutum. S. BERNARDUS L. 2. de confid.
 " Non modo ovium, sed & Pastorum tu unus omnium Pastor. S. GREGORIUS
 " NAZIANZENUS: *Fides vetustæ Romæ recta erat jam antiquitus, & recta per-*
 " *stat nunc item, nexu pio, quodcunque labens sol videt, revinciens, ut universi*
 " *præsident mundi decet.* S. PROSPER: *Sedes Roma PETRI, quæ Pastoralis hono-*
 " *ris facta caput mundo.* "

FEBRONIUS destruens.

Capitis III. §phi VIII. hic titulus est: *Quæ hinc & inde occurrunt FIGURÆ,*
aut AMPULLATÆ Patrum locutiones, substantiam rei non mutant.

Pro exemplo adducitur idem ille HIERONYMI ad DAMASUM locus; idem
 AUGUSTINI, cui germana sunt verba Galliæ Episcoporum ad LEONEM; Idem
 BERNARDI: atque concluditur: " Hæc lucem dare possunt aliis similibus Patrum
 " locis, quæ in hanc rem proferuntur a BELLARMINO, PERRONIO, TOURNELIO,
 " ORSO, neque tamen causam, in quam allegantur, ulla ratione evincunt;
 " ad summum vero aliis ansam dare potuerunt, & probabiliter dederunt, ag-
 " noscendi aut supponendi in Papa auctoritatem, quam neque divino, neque
 " humano jure obtinet. " Quid heic PERRONIUS? quid TOURNELIUS? Neu-
 ter Romanus fuit, sed Galli ambo: ambo in id unum contulerunt operam suam,
 ut CATHOLICUM de Primatu dogma contra hostes Ecclesiæ defenderent. Magni mo-
 menti est hæc adnotatio: sed prætermittatur tamen! tenemus hoc, ampullas, seu Ora-
 torum ludibria esse, quæ Patres illi scripserunt. Quare aut nihil, aut id unum
 significant, inter Patriarchas *honore* primum fuisse Romanum: hic ejus *Prima-*
tus, hi fines dignitatis ac jura. Audiamus de HIERONYMI laudatis verbis disse-
 rentem! " Hæc, inquit, utcumque turgida, aliud non exprimunt, quam com-
 " munionem cum primaria Sede Romana, de qua egimus paragrafo quarto."
 Ita est: vidimus tabellarium: vox, cum de summo Antislite dicitur, pudenda
 & impia, sed necessaria mihi hoc loco, & plane extorta. Est enim hæc sum-
 ma: cum omnium ad omnes mitti literæ non possent, sed compendio opus ef-
 fet; ELECTOS fuisse, qui inter sese, & cæterorum nomine conferrent, præci-
 puarum quarundam urbium Episcopos: qui cum essent tres, inter tres autem
 unum medium esse oporteat; id honoris Romano fuisse delatum. Prosequitur:

Con-

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

" Considerandæ insuper veniunt circumstantiæ temporum in quibus hæc Hieronymus scribebat. — Alij scilicet (ex orientalibus Antiocheno Patriarchatui subiectis) tres hypostases, alij unam duntaxat in Deo esse, ac dici debere, contendebant. In hoc conflictu ac schismate Orientalium — cum testaretur Hieronymus, velle se iudicio DAMASI Rom. Pontificis adhærere; non ignorabat, cum eo totum Occidentem, Ægyptumque conspirare. Hæreticum me cum Occidente, hæreticum cum Ægypto, id est, cum DAMASO, PETROQUE condemnent, scribit epist. 15. : DAMASO scilicet Romæ, & PETRO Alexandriæ Episcopo. " Tanquam si diceret: quoniam unius Patriarchatus Episcopi divisi animis erant; aliorum autem daum de hypostasibus doctrina videbatur consensuens: sanam rationem impetrasse ab Hieronymo, ut his duobus se potius, quam separatis distractisque Antiocheni unius Patriarchatus Episcopis adjungeret. Quid hæc ad Primatum?

FEBRONIUS adstruens.

" S. CHRYSOSTOMUS ad INNOCENTIUM I. *Obsecro, ut scribas, quod hæc tam inique gesta non habeant robur: illi autem, qui adeo inique egisse deprehensi sunt, pænæ Ecclesiasticarum legum subiaceant.* S. ATHANASIUS ad FELICEM Papam; *Ob id vos, inquit, Prædecessoresque vestros, Apostolicos videlicet Præsules in Summitatis arce constituit, omniumque Ecclesiarum curam habere præcepit, ut nobis succurratis.*

FEBRONIUS destruens.

" Ex mox relatis verbis (CHRYSOSTOMI) obsecro, ut scribas &c. concludunt Romani — a CHRYSOSTOMO INNOCENTIUM rogatum, ut Pontificia sua auctoritate, iudicia in Oriente lata irritaret. Verum si advertatur, eandem epistolam — a S. JOANNE ad VENERIUM Episcopum Mediolanensem, & ad CHROMATIUM Aquilejæ Episcopum pariter scriptam esse; certo concludetur, CHRYSOSTOMUM petiisse, ut singuli scribant, quæ ibi facta fuerunt, robur habere non posse, tanquam acta adversus Canones, & formam iudiciorum. Proindeque petiit, ut sibi ab OCCIDENTALIBUS non denegetur communio, sed ea potius confirmetur. Hæc autem omnia facere, non solum Præsuli Apostolico licet, sed & CUICUNQUE Pontifici (id est, Episcopo. " Et ibidem: " Quod ad causam S. ATHANASII adinet, cum is contra omnem iudiciorum formam damnatus esset; non solius JULII Papæ, sed

FEBRONIUS

SECUM CONFLIGENS, ET CUM ECCLESIAE HOSTIBUS SENTIENS.

” omnium Occidentalium sententia, additis etiam Aegyptiorum & Orientalium
” quamplurimorum suffragiis suae Sedi restitutus est. „

Explicatione hæc quidem, ut arbitror, non egent. Est enim manifestum, CHRYSOSTOMI, ATHANASIIQUE Sententias eo trahi, nihil ut aliud probent, quam Patriarcham Occidentis Romanum esse Pontificem, non Primatem Ecclesiae universalis. Nisi forte id aliquem moveat, quod ad FELICEM saltem cum ATHANASIIUS scriberet, *Arcem summmitatis* Romanam Ecclesiam adpellaverit? Sed ad *ampullas* hoc pertinet. Id enim diferte a FEBRONIO cautum cum sit, nulla locutionum est huiusmodi habenda ratio. (15)

FEBRONIUS adstruens.

S. LEO in anniversario die assumptionis suae: *Celebratur hodierna festivitas, ut in persona humilitatis meae ille intelligatur, ille honoretur, in quo omnium Pastorum sollicitudo cum commendatarum sibi ovium custodia perseverat &c. l. c.*

FEBRONIUS destruens.

Dum hæc scribo, videor mihi hinc Catholicorum nonnullos submurmurantes audire, illinc sectarios utraque applaudentes manu - - - utrisque satisfaciam unius CAUSABONI verbis, cui non assentiri nec Acatolici audeant, nec debeant hac in re Catholici. Sic igitur vir doctissimus, utinam & catholicus: Non ignoramus, quantus hic Leo fuerit sinceræ fidei defensor, & pro recta fide quantos labores sustinuerit. Neque vero dubium mihi est, tantum illud studium, quod videmus ab eo adhibitum, ut sedes Romana in majus extenderetur, a bono principio fuisse profectum, & ad finem optimum spectasse. Vastabant illa ætate Ecclesias (orientis) perditissimi hæretici, qui magnas quotidie strages, ut apri vineam ingressi edebant: neque erat, qui progressibus eorum sese opponeret, qui quidem causam bonam posset juvare, præter Romanum Episcopum. Nemo autem peritus rerum Ecclesiae ignorat, opera Rom. Pontificum per multa sæcula Deum esse usum in conservanda facta tecta fidei doctrina. Hoc intelligens Leo Magnus, & quotidiana experientia edoctus, quantum veræ fidei interesset, ut paratum illi semper esset in sede Romana præsidium firmissimum, modis

(15) Recolantur, quæ supra pag. 212. de TOURNELIO adherentem FEBRONIUM audivimus. ATHANASII enim hic locus inter eos, quos TOURNELIUS laudat, præcipuus est.

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

modis omnibus, ut ita esset procuravit. Quod quidem minus videri dubium debet, (*mirum est apud Caualab.*) quia sic Ecclesiae Dei expedire, optimus quisque tum credebat, & erat ita revera illis temporibus. Tom. I. Cap. VIII. §. 3.

FEBRONIUS *adstruens.*

" Cum Romanus Pontifex sit primus; supremo ejus muneri adnexa esse debet sollicitudo, ut per universum orbem observentur Canones; ut fides illibata custodiatur &c. Quisquis enim primus est in aliqua societate, is lege naturali tenetur invigilare, ut leges societatis serventur.

FEBRONIUS *destruens.*

Capitis III. §phi II. hic titulus est: " Non omnia, quae Romani Pontifices in aliorum Diocesisibus egerunt, praecise vi universalis Primatus, aut sua auctoritate perfecisse censendi sunt. " Huic tituli parti in contextu respondent ista:

" Quae Romanus Pontifex saepe legitur fecisse extra fines suae Dioceseos, Provinciae, quin & Patriarchatus sui *pro sustinenda fide, pro reprimenda haeresi, pro Canonum universalium* manutentione & executione, ea ex praedictorum norma multum absunt, ut in agente specialiore & proprie dictam, eamque immediatam jurisdictionem aut supponant aut involvant. "

Haec sane verba quisquis cum Titulo, cujus explicatio sunt & esse debent, comparaverit, evidenter statim intelliget, quod modo sic dicit: *Jurisdictionem specialem & proprie dictam*, respondere iis: *Vi universalis Primatus, aut sua auctoritate.* Non igitur vi Primatus; non auctoritate, quam satis amplam alioquin dixerat huic adnexam esse; sive fidei, ne in exitium ea incumberet; sive haeresibus, ut reprimantur, sive legibus, ut serventur, executionique dentur, sollicitudinem suam Pontifices Maximi extra fines Dioceseos, Provinciae, quin & Patriarchatus sui impendunt. Nolo quam gradatio sit ista inutilis, quærere: id enim qui modice secum sunt, statim vident. Quæro, ecquinam ajo & nego conciliari heic inter se possint? *Habet Primatum: supremum est munus, quo fungitur: huic sollicitudo adnexa esse debet, ut & Canones serventur per universum orbem, & fides custodiatur.* Quodsi extra fines tamen suae Dioceseos, extra Provinciam, extra Patriarchatus sui limites procurationem hanc obeat; non vi Primatus sui id facit. Monstrum! quis mortalium capiat?

In

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

" In quavis societate singulis ejus membris Jure naturali incumbit obligatio procurandi observationem legum communium. Quoniam verò in communibus his obligationibus idem evenire solet, quod in communi bonorum seu jurium possessione, ut scilicet hæc communiter negligantur; hinc convenit, ut in omni societate unus præcipue ferat onus, reliquis ex officio intendendi, & legum executionem urgendi." Hæc ut Lector intelligat, comparare cum iis debet, quæ sunt in tertii Capitis primo paragrapho. Cujus scopus est, *Ecclesiam totam instar unius cujusdam Episcopatus esse*, cujus administratio ad omnes pertineat in solidum. Post hæc repetamus, & transferamus huc, quæ commemorata sunt proxime: *Quisquis primus est in aliqua societate, is legè naturali tenetur invigilare, ut leges societatis servantur.* Tandem illud: *Non omnia, quæ Romani Pontifices in aliorum Diocæsis gessere, præcise vi universalis Primatus egisse aut sua auctoritate perfecisse censendi sunt.* Hæc juxta se posita talem sensum habent: Quæ in alienis Diocæsis causa fidei sacrorumque Canonum Pontifices faciunt, non vi Primatus censendi sunt facere: Ejus scilicet, quem Catholici credunt, quique ut stabilis actuosusque in Ecclesia perseveret, a CHRISTO ipso sit institutus. Hujusmodi enim quod sæpe ostendimus, CHRISTUS nullum instituit ex doctrina FEBRONII: ac si instituisset; functiones utique obligationemque imposuisset ipse; non, quod modo hariolus fingit, ex naturali determinandam lege eam reliquisset.

Sed est tamen *Primatus* aliquis, cui sollicitudo ista Ecclesiarum omnium annexa sit? Qualis? Hominem ita intelligo. CHRISTUS Episcopos omnes honore, auctoritate, potestate, missioneque pares fecit: cumque unus sit Episcopatus in solidum commissus omnibus; voluit omnes omnium, pro eo ac administrationis ista ratio postulat, Ecclesiarum in se curam suscipere. Ita de CHRISTI quidem instituto nullus Primatus, nulla sedium, nulla Episcoporum distinctio. Sed Ecclesia sua sponte Metropolitæ, Exarchos, & Patriarchas sibi quoddam creavit ad civilis Imperii imitationem: quo factum, ut cum urbs Roma præcipua, fastigiumque & Caput Imperii esset, honor primus Romano fuerit relictus. Sic igitur ille jam primus est. Cum autem pro eo, atque Episcopatus est unus, sollicitudo omnium Ecclesiarum incumbat omnibus: fit, ut tamen si nihil præter honorem atque gradum Romano Ecclesia decreffet; debitorem vero sibi non fecisset pactione expressa: ille nihilominus ipsa naturali & connata lege teneatur, si alii desint communi in Ecclesiam officio, supplere, quantum committer potest, eorum negligentiam, auctoremque & agendi quasi principium se exhibere.

Hæc

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

Hæc summa Febroniani systematis : sic partes hærent : sic tanquam ex glais dispersisque fragminibus obeliscus ille erigitur vaniloquentiæ : habeoque certissimum, nec si coram adesset ipse Febronius; posse aptius concinniusque collocare.

Ex quo id etiam, quod custodem fidei, tutorem ac vindicem Canonum Pontificem vocat, intelligi utcumque potest. Nam in secundo quidem capite ubi Primatum ex catholica, ut putat, formula exponendum sumpsit, asseverate dicit, *Romanum Pontificem tutorem ac vindicem Canonum esse per universam Ecclesiam*; atque ei incumbere, *cum Apostolicas Traditiones, tum etiam synodaliū Canonum statuta sedulo sancteque coli curare*. Sed quo sensu? ut moneat peccantes, non ut præcipiat. Sin paulo longius progressus fuerit, faciet, quod in potestate sua neutiquam positum est. Sic fines transfiliit S. VICTOR, cum Judæizantes in Asia Episcopos communione privare voluit: sic S. STEPHANUS, cum præcepit, *nequid innovaretur, sed servaretur quod traditum esset*: Sic S. CÆLESTINUS cum NESTORIO diem dixit: sic alii. Ita quam est *ἀδύνατον*, negantem cum agente, & illum, qui est, cum eo quem se fingit esse, conjungere: tam sibi hæret, & totus est unus, si neganti negantem componas, hoc est, si non Catholicum cuicumque, qui eo minus fuit unquam catholicus. Sed libet verba ut hæctenus feci, adscribere.

FEBRONIUS *adstruens.*

" Romanus Pontifex est tutor & *vindex* Canonum. " Probat testimoniis S. CÆLESTINI, SIRICII, GELASII summorum Pontificum. Tom. I. Cap. II. §. 7.

FEBRONIUS *destruens.*

" Non iustitiæ tantum, sed quam maxime *potestatis* defectum in STEPHANO CYPRIANUS incusat, dum quærit, quis eum *Episcopum Episcoporum* constituerit, id est, talem, qui valeat Episcopis *præcipere*.

" Ante falsas *Decretales* Pontificia autoritas ægre intra fines suos continebatur. — — — — — Eo jam ævo inventi sunt, qui Romanam sedem de studio augendæ potestatis suæ incusarent. — — — — — Talium augmentorum haud pauca sive attentata, sive in effectum redacta, hoc ipso in Tractatu exhibemus. Ex Sæculo II. in VICTORE. Sæc. III. in STEPHANO. Sæc. V. in INNOC. I., in Bo-

FEBRONIUS

SECUM CONFLIGENS

ET CUM ECCLESIAE HOSTIBUS SENTIENS.

" NIFACIO seu ZOSIMO, in CÆLESTINO I., in GELASIO. Sæc VI. in GREG. M.
Tom. I. Cap. VIII. §. 2.

FEBRONTIUS *adstruens.*

" Ea quæ ad Ecclesiæ statum attinent, ubivis gerantur, ad Romanum Ponti-
ficem referenda sunt. Cap. II. §. VI.

FEBRONIUS *destruens.*

" Consuetudo multorum in difficilioribus negotiis ad Sedem Romanam
" tanquam matrem & magistram recurrendi talis erat, ut nullum jus perfectum
" primæ Sedi ad has relationes competierit. — — Non ad solum Roma-
" num, sed alios etiam magnæ auctoritatis Episcopos recursus pro accipiendis
" luminibus & directione sumebantur. Sic ad S. CYPRIANUM subinde ab ipsa
" Romana Ecclesia similes relationes factæ leguntur, neque ex eo aliqua juris
" prærogativa pro certa Ecclesia desumi potest. THEODOSIUS Imperator tale
" privilegium, quale Rom. Episcopus sibi vindicabat, indulgit Constantinopoli-
" tano. Cap. III. §. VII.

Atque ut nihil tandem fecisse reliquum videri possit, quod & Catholicam
causam pessumdare, & Sectariorum juvare queat: sic scribit in octavi capitis
paragrapho septimo:

" Cum autoritas Papæ in religione fundata sit (scripturarum nimirum ora-
" culis, id quod negari ab eo vidimus) nemo mirabitur, quod ignorantia & fa-
" natissimus debito legitimoque respectui cultum superstitiosum addiderint, atque
" ita ambitioni immolata sit libertas, dum credebatur sacrificari religioni. = =
" Major vis est superstitionis, quàm fortissimorum armorum & exercituum.

Nempe huc ventum est, Arcem, quam ducentorum ac quinquagin-
ginta jam prope annorum spatio contra LUTHERUM atque CALVINUM pro-
pugnarunt Majores nostri, & in qua stabilienda ut curam præcipuam Tri-
dentina Synodus poneret, auctor illi Cardinalis Lotharingius fuit, spolia-
tam nunc demum a domestico Catholicoque homine, proditam, ac pe-
ne traditam esse videmus. Nam quid restare nobis porro ad tuendam eam,
ut par est, poterit? Scriptura sacra erepta; Patres collisi; Pontifices con-
tempti;

tempti; Conciliorum vel illusa, vel elevata Decreta. Supererat fidelium pietas, communisque sensus, usus & disciplina sæculorum. sed refecantur ista uno ictu, cum ad *superstitionem* amandantur: mirarerque si *fanatissimum*, quæ usitator hodie est multis vox, & ad politum pertinet loquendi genus, non adpellasset. Quamquam per me una notio sit. Quod vereor; nisi modum, quorum curatio est illa, ac munus, furori ponant; audiemus in Circulis propediem, quod in parodia de morte inter *Adpellantes* præcipui cujusdam viri poeta impius cecinit:

Non est, quod esse stulta plebs Papam putat.

Totam potentiam dedit superstirio,

Credereque mens vulgi facilis — (16)

O Novator! sic non desinis subvertere vias Domini rectas?

Sed forte injuriam viro optimo facimus. Postquam tomis oramino tribus sanguinem, vitalesque omnes Spiritus suos in evertendo, quem Catholici credimus, Primatu D. PETRI, ac successorum ejus, Pontificum Romanorum, consumpserat; postquam Heidelbergensis Universitatis doctissimo modestissimoque viro petulanter illuserat, propterea, quod, cum ex Matthæi & Joannis ille textibus contra se pugnam instaurasset, *argumentis* fuisset usus *vagis*, & *indefinitis*, quorumque vis adeo sit nulla, ad *prudentem* A catholicum reducendum, & quæ a totidem, immo pluribus viris doctis & piis ADVERSUS PETRI PRIMATUM, quam pro eo interpretationem accipiant: (16) postquam scripserat hæc, inquam, iste, & effutierat; quid agit? Adeste animis! rem narro portenti similem, immo vero majorem, ut quidem arbitror, quovis portento. Idem ille JUSTINUS FEBRONIUS sub finem tertii tomii cum WALCHIO Lutherano Scriptore congressus exemplumque de sedaturus, quo modo convinci, & ad veram perducere fidem id genus homines possint, momento, ac tanquam omnium,

eez quæ

(16) Gallice: Les Papes ne sont pas ce qu'un vain peuple pense

Et leur crédulité fait toute leur puissance.

In scena ultima Mithridatis.

(17) Tom. III. pag. 287. Vellem videre in Cathedra Canonica Universitatis mixtæ Religionis professorem liberum, & aduetum proferre non nisi solida & convincentia argumenta circa materias & quæstiones Juris Ecclesiastici, quæ nos a Protestantibus separant. Talia certe non sunt, quæ P. SCHMIDT hoc loco e sacris Literis profert, quippe quæ a totidem, immo pluribus viris doctis ac piis adversus Petri Primatum, quam pro eo interpretationem accipiunt. Tam vagis utens argumentis nullum prudentem A catholicum ad veram fidem perducet.

quæ egerat, immemor, stylum sumit Catholicum; *Primatum*, de quo interrogaverat WALCHIUS, probare instituit. Et quibus argumentis? Ipsi illis *Matthæi* verbis: *Tu es Petrus*; ipsis, quæ apud *Joannem* extant, *Pasce oves meas*. (18) Quid dicam? quid cogitem? Possumne, quantumvis velim, inferamque vim mihi, hominem sobrium putare? Quorum pondus nuper detraxerat; quæ vaga, quæ indefinita, quæ inepta ad convincendum prudentem virum, quæque adeo aptiora ad evertendum Primatum PETRI, quam ad firmandum ante folia erant non plura octo ac decem; ea & definita nunc illi sunt ac minime vaga, & ad convincendum non in rusticorum Casis præconem aliquem, sed ad WALCHIUM, sed ad virum, qui, ut ipse loquitur, *in celebri Goertingensium Universitate Evangelicam Religionem cum laude docet*, (19) subigendum, reducendumque aptissima.

Quamquam crederem ego fortassis, redisse ad se illum, cum ita WALCHIO respondit; nisi eodem ipso in loco perverti rursus, corrumpique omnia viderem. Etenim ingressurus in argumentum ex laudatis textibus, ait, Primatum ex iis probari adseruisse THEODORUM suum a PALUDE Cap. I. §. 2., & BERTONUM, alterum item suum Titulo I. §. 2. Adeo utrumquæ. Sed priorem quidem ex instituto non modo non probare ex iis verbis Primatum aliquem, sed ne ferre quidem, ut probetur video. (20) Alter in

(18) Tom. III. pag. 322. & seqq. *Postulatum tertium* (Cl. WALCHII) *Petitur demonstrari, quod ad servandam unitatem visibili Capite opus sit?*

Responder: *Textibus sacre Scripturæ Matthæi XVI. Joannis XXI. - - - PETRI Primatum probari, asseruere JUST. FEBRONIUS Cap. I. §. THEODORUS a PALUDE Cap. I. §. 2. DANIEL BERTONUS Tit. I. §. 2. Ex iisdem Scripturæ locis eundem Primatum - colligit ac firmat CYPRIANUS. - - - Recitat locum, ac pergit: sane verbis CHRISTI, Tu es Petrus; & quæ sequuntur &c si mature ponderentur, aliqua prærogativa significatur, quæ nullatenus fuit cæteris Apostolis communis. Atque ita deinceps accurate & more Catholicorum, planeque, ut iidem ipsi, a quibus impugnatus hactenus fuerat.*

(19) FEB. Tom. III. pag. 313.

(20) Tom. II. pag. 354. P. ZACCARIAS iterum in rem suam producit sexcenties ab utraque parte excessus textus Matthæi XVI. & Joahn. XXI. - - - Dum sacras literas scrutamur; invenimus tribus vicibus inter Christi Discipulos fuisse de Majoritate contentionem - - sane de hac re toties non contendissent Apostoli, si per verba, *Tu es Petrus* &c. *Tibi dabo Claves* &c. soli PETRO, aut saltem ei tanquam Manarchæ, regendæ universalis Ecclesiæ auctoritas principaliter fuisset tradita. Attamen eadem hæc verba, & in his fundata (ut minimum dicam) incerta atque dubia Romanorum Præsulum postulata, (quod non defectui divinæ Providentiæ, sed malitiæ ambitionum hominum adscribendum est) tot bella, tot cædes, tot vastationes causaverunt, quantum non ullæ secularium potestatum prætensiones armis vindicant: *En omnia, quæ de his textibus Theodorus. Pergit: In Actis Apostolorum quotquot PETRI præsidium & Primatum indicant, tot &c. Heic ex incidenti Primatum assignat Petro; sed honoris, ut patet, ac qualem nec Jansenista, nec Anselmus de Dominis, nec hæreticorum credo alius unquam negavit.*

in RICHERII vindicanda opinione de Clavibus Ecclesiæ Universitati datis, & de missione individua LXX. Discipulorum cum Apostolis, totus est in illo paragrapho: de Primatu nec agit, nec eum probat; quamvis vocem Primatus eamque semel tantum, & ex incidenti, & inclusam parenthesi immisceat. De hujusmodi homine quis esse animus viro Catholico debet?(21)

ARTICULUS II

DE PRIMATU S. PETRI GENERATIM: QUIN DEFINIATUR, IN QUO ILLE CONSISTAT. OSTENDITUR AUTEM PRIMATUM EUM HABUISSE NON QUALEM CUNQUE, SED PRÆSTANTEM ATQUE EXIMIUM.

§. I.

Ostenditur primo, Scripturæ loco illo, qui est Matthæi XVI., ipsum PETRUM Ecclesiæ *petram* a CHRISTO constitutum. JANSENISTÆ, FEBRONII corrivalis insigne mendacium refutatum &c.

I. Volo dispicere nunc, quam in scripturarum, sanctorumque Patrum enucleandis sententiis MAGISTER acutus fuerit. Nisi sic tamen dicendum esse potius videatur, quam incautus ac præceps fuerit in aliorum converrendis & resorbendis sordibus: quoniam sunt pleraque, atque etiam illa, quorum examen nunc adeo, ex ELIA DUPINIO transcripta, suppletave ex JOANNE LAUNOIO. (1.) Qua in re non possum, quin proterviæ exscriptoris tam miseri vehementer succenseam. Qui cum non modo, quod domi natum suæ, nihil adtulerit, verum id etiam, quod ab aliis clepsit, inquinatius reddiderit: erigere tamen se & explicare cristas minime est veritus, Theologorumque universum agmen sophistarum propudioso nomine oneravit.

e e 3

Sed

(21) Ut sim brevis; quemadmodum promisi, comparet Lector destruentis FEBRONII operam cum JANSENISTA *Anonymo* ap. 364. & ANT. DE DOMINIS Lib. IV. Cap. 8.9.10. per totum.

(1) Comparet Lector FEBRONII Tom. I. Cap. I. §phum 2. cum DUPINII Dissert. IV. Cap. I. §. I. & LAUNOII epist. ad VOELLUM quæ est in V. parte Epistolarum,

Sed est talis scilicet *via mulieris adulteræ*, ut ait Salomon, *quæ comedit & tergens os suum, dicit: non sum operata malum*. Nam revera post hominum memoriam sophista turpior illo non fuit: nullus qui experimento magis suo, quam illud verum sit, comprobarit, quod de similibus Theologiæ criminatoribus. Magnus PETAVIUS dixit. " Equidem, inquit (nam describendus omnino locus esse videtur) dum eos intueor & contemplor, qui in scholasticam Theologiam acerbiori odio feruntur, quod a Philosophia & Dialectica aliquid opis acquirat; multum a verbis abhorreere ipsorum facta sentio. Quas enim artes indignas iudicant commercio Theologiæ, eas ipsi tum maxime in auxilium evocant, dum pro Decretis suis, quæ mera esse Dei responsa volunt, certamen suscipiunt: uti malæ ac deploratæ causæ subsidium inde aliquod comparent. Nam quæ falsa & propter novitatem suspecta est opinio, ea magno artificio & calliditate opus habet, ut lucem hominum & conspectum sustinere possit. Et ut in Phænißis ait Euripides *ὁ δὲ ἀδινὰς λόγος νοσῶν ἐν αὐτῷ φαρμάκῳ δέταται σοφῶν*. Sermo omnis injustus cum in sese ipso æger sit, solertibus medicamentis indiget. Quocirca qui a communi & Ecclesiastica Doctrina quomodocunque dissentiunt, cuiusmodi homines scholasticam subtilitatem atrocius insectari solent, errores suos tanquam meritricium vultum fuco ac cerussa, ita illi sophismatum captionibus & præstigiis obducunt. (2.)

II. Atqui nos quidem subtile & acutum genus disputandi nunquam hærenus adhibuimus, neque posthac consecrabitur: sed expositione plana ac simplici scripturarum, sanctorumque Patrum, quæ sola opus est nobis, utemur. At FEBRONII singularis est ea labes, quod cum *sophista* sit maximus, idem minime sit tamen subtilis, sed ita pinguis & crassus, ut a quovis propemodum cæco apprehendi, jugularique queat. Talem enim ubivis se exhibet, atque in initio statim, ubi Matthæi illam sententiam examinat: *Tu es Petrus, & super hanc petram ædificabo Ecclesiam meam*. Cuius vim ut sollicitet, & obscurer, si possit, claritatem ejus ac lucem; argumentum hoc, ut dixi, modo instituit. Interpretationem istius loci non uniusmodi a veteribus Patribus frequentatam esse: quippe alios *fidem* in CHRISTUM, alios *personam* ipsam CHRISTI *petræ* nomine significatam putare: tum vero alios tamen ad PETRUM referant; existimare tamen, nihil penitus concessum PETRO fuisse, quod non & omnibus datum sit. Quamobrem

(2) Tom. I. Theolog. Dog. in proleg.

obrem infert, segregandum sibi omnino locum illum videri, neque in auctoritatem, ad quam vulgo sumitur, porro sumendum: siquidem id solum catholicum sit, quod semper, quod ubique; quod ab omnibus sit creditum: seu ut ex VINCENTIO LIRINENSI loquitur, *universitatem, antiquitatem, consensionem* sequendam esse.

III. In quo non tam argumento, quam tralatitio strepitu sophismata insunt prorsus duo. Primo enim cum fontes geminos, ex quibus certitudo dogmatum hauriatur, Ecclesiæ suæ reliquerit CHRISTUS, scripturam atque traditionem: hos in unum commiscet, confunditque ille sic, tanquam nunquam sibi scriptura ipsa sufficiat, sed adjuvari identidem, suscitarique interpretamentis aliorum debeat. Quod minime verum est. Sunt enim quædam res, quarum adeo plena & perspicua fit in sacris literis mentio, nihil ut eis necesse sit addi; sed explicatum & interpretationem omnem divinus jam ipse spiritus præverterit.

Atque huiusmodi est is, in quo versamur, MATTHÆI locus. Quid enim illo disertius? quid dilucidius? Loquitur, atque solus loquitur Apostolus, cui, quamprimum intuitus eum erat Christus, discipulumque fecerat, mutationem nominis promiserat his verbis: *Tu es Simon filius Jonæ, tu vocaberis CEPHAS*. Quod quidem non occasione factum fortuita; nec ad virtutem affectionemve aliquam significandam, quam de se SIMON prodiderit; nec ut fluxa ac transiens adpellatio ea foret, atque isti qua *Boanerges tonitruum* filios JOANNEM & JACOBUM nominavit, similis: sed ut perpetua propriaque futura esset SIMONIS, inque nomen constanter ei hærens transitura: Jam id quis adeo improbus fuerit, ut sine causâ fecisse CHRISTUM sibi persuadeat? Iraque & implendum aliquando promissum hoc erat, & vis ratioque nominis aperienda. Quod nusquam, præterquam MATTHÆI in illo loco factum est. Ibi enim gentilitio primum nomine, ut prius, SIMONEM *filium Jonæ* vocat CHRISTUS. Dein statim, *Tu es*, inquit, *Cephas*, seu, *Petrus*: & potestatem exponens nominis, *super hanc petram*, ait, *ædificabo Ecclesiam meam*. Quare idem significatus sit oportet *Petri ac petra*, & persona una: siquidem non ob aliam causam nomen *Petri* SIMONI impositum fuit, quam quod *petra* futurus esset ædificandæ super eum Ecclesiæ, quam contra portæ inferi prævalituræ non sint. Atque in hunc nos intellectum verborum CHRISTI tametsi sponte, naturæque & sanæ rationis velut impetu quodam abripimur: fit tamen illustrior idem, si reciprocationem & ἀντιδοσιν in colloquio illo Domini cum PETRO attenderimus. Dixerat PETRUS: *Tu es Christus*, id est, *Messias*: quod appellati-

vum

vum erat. Dein significatum addiderat, complexumque nominis: *filius Dei vivi*. CHRISTUS itaque ut vicem reddat. *Et ego*, inquit, *dico tibi quia tu es Petrus*. Ac significatum reciproce vimque ipsam & causam illius nominis exponens subjungit: *Et super hanc petram ædificabo Ecclesiam meam*: ubi *Et*, quæ copulationis apud nos est particula, ex ingenio linguæ qua usus est, & quotidiana scripturæ phrasi vim causalis obtinet, rationemque, quare *Petrus* sit dictus *SIMON*, significat.

Et vero certe nisi ita res sit; garritum & gryphum inconditum divinae menti adfingimus. Quid enim restat alioquin in tota sententia, cum quo analogiam ac similitudinem aliquam habeat Petri nomen, nisi Ecclesiæ sit ipsa super eundem velut supra petram ædificatio? Aut quid absurdius, indignumque magis divina sapientia quam inconstans & male ominatum loquendi genus hoc: *Tibi, tibi, inquam, dico, quia TU es Petrus, & super hanc petram, quæ sum EGO, aut quæ est confessio a quocunque demum facta meæ divinitatis, ædificabo Ecclesiam meam: & TIBI dabo claves regni cælorum?* Quodsi hoc modo dixisset: *Tu es Petrus, & ego super petram ædificabo Ecclesiam meam*; posset locus esse fortassis dubitationi. Verum non ita dixit. *Tu es Petrus*, inquit, καὶ ἐπὶ ταύτῃ τῇ πέτρᾳ & *super ipsam hanc petram*: quæ demonstratio ad eundem referri necessario debet, cujus proxime erat mentio facta. Tandem ut hoc etiam addamus, ne legi quidem locus *Matthæi* potest, quin statim adpareat, gratificari CHRISTUM Petro voluisse: ad eum modum, quo olim *ABRÆ* Deus, cum *Abrahami* nomen illi imposuit. Id autem explicavit ipse statim, ac rationem ejus sic reddidit: *quia patrem multarum gentium constitui te*. Et sunt hæc, quæ ante annos jam centum ac quinquaginta Cardinalis PERRONIUS JACOBO Angliæ Regi respondit, cum is eadem, quæ FEBRONIUS hodie nobis, adversus Primatum successorum Divi PETRI objecisset. (3.) Quæ quidem ipsa Cardinalis responsa ut latina mallems facere, quam expensu nostra aliquid promere; non ea solum nos ratio impulit, quod præclara sint atque evidentia; verum ista præcipue, ut pudere nunc demum Juris consultum cum suis incipiat, quod quæ ante tot annos sunt explosa prorsus ac refutata, pro oraculis etiamnum obtrudere, & quæ explicata nitidissime & meridiana in luce sunt posita, obscurare nunc iterum suis vitilitigiis & inquinare minime veritus sit.

IV. Quid enim adferre contra isthæc solidi aliquando potest? Quid adtulerunt,

tulerunt, quorum in vestigia, cæcorum ipse cæcus ingressus est? Quid fraterculus BATAVUS? Nihil. Atque hic quidem multum ridendum se præbuit, cum hebraice volebat doctus videri; cujus linguæ neque elementa novit neque literas. Scribit ita: *Aberare a textu, quem perpendumus, nihil nos cogit, ut probemus personam PETRI a petra, cui insidet Ecclesia, esse accurate distinguendam; cum in linguis hebraica, græca & latina aperta fiat hæc distinctio discrepantibus vocabulis, quibus res utraque designatur. Hebraice CEPHAS proprium est Apostoli nomen, sicut græce PETROS & latine PETRUS; cum e contra lapis Ecclesiæ fundamentalis vocabulo isto, CIPH hebraice exprimitur, & Græce ac latine, ista voce reddatur, PETRA. Non sic apparet hæc distinctio Gallico sermone, quia proprium nomen Apostolum designans, & nomen appellativum lapidem significans iisdem exarantur literis, eodemque modo pronuntiantur, ista scilicet voce, PIERRE. Cum tamen Galli hæc verba legunt: TU ES PIERRE, aut ista SIMON PIERRE, certum est, eos in mente non habere lapidem, sed virum singularem, qui vocatur PIERRE. (4.)*

V. Omnia male, omnia inscite. Primo quis hominem docuit, perinde in Hebraica atque in græca lingua non idem adhiberi vocabulum, quod & nomen *Petri* & ipsa *petra* designetur? Negat HIERONYMUS; negant ipse BEZA & JACOBUS CASAUBONUS; negant omnes, Troes Rutilive, si rudimenta modo istius linguæ gustarint. Quis eum docuit, fundamentalem Ecclesiæ lapidem hebraice vocari *Ciph*? Nam *Matthæi* quidem Evangelium ut hebraice ab illo est scriptum, in natura rerum non amplius est. Quod autem MÜNSTERUS pro genuino edidit, non *Ciph*, sed *Cepha* habet, & est una vox: *Tu es Cepha, & super hanc Cepha*. Tum nec alibi in scriptura tota ostendi locus aliquis potest, in quo CHRISTUS aut fundamentalis Ecclesiæ lapis *Ciph* aut *Ceph* nominetur. Quod enim prima ad *Corinthios* scribit PAULUS: *Bibebant de spiritali consequente eos petra, petra autem erat Christus*, ex *Numerorum* vigesimo sumptum est, ubi non *Ciph* neque *Ceph*, sed *Selab* ponitur. Quodque sic ad *Ephesios*: *Ipso summo angulari lapide Christo Jesu, in quo omnis ædificatio constructa*; ab *Isaia* prænuntiatum hoc est hujusmodi verbis: *Hæc dicit Dominus: Ecce ego mittam in fundamentis sion lapidem, lapidem probatum, angularem, pretiosum*: ubi iterum non *Ceph*, neque *Ciph*, sed *Eben* dicitur hebraice. Quid? quod usitata nequidem Hebræis vox est *Ceph* aut *Ciph*; sed in plurali *Cephim*.

F f

phim duntaxat ponunt; velut apud Jeremiam, *Ubcéphim alu*, & in petras *ascenderunt*: neque hujus etiam usus exempla plura, quam duo sunt in tota sacra scriptura. Tandem quis eum docuit, hebraicam esse vocem *Cephas*, cum ne *Ceph* quidem sit? Sed sunt Chaldaicæ; flectiturque *Cephas* a *Cepha*, quod Chaldæi ac syri *petram* dicunt. Non itaque qui hæc ignorabat, peregrinis ac variis linguis ostentare se debuit. Sed forte venia dignus est. Legerit ille quid nescio in quodam interprete, occasione vocabuli istius *Cephas* de ascitio illo hebræorum *Cipb*: quod cum neque caperet, neque posset præ ignoratione capere; asportavit bona fide: ut Jam Aristophanicum illud in Eleusiniis possit vere de se dicere:

Νῆ τον Δι' ἑγώ γ' ὄνος ἀγῶν μυστηρίᾱ

Sic est per Jovem, sum ego asinus portans mysteria.

Quod inferre debui, CHRISTUS utrimque, ut dialectus tum erat post populi a captivitate reditum, *Tu es Cepha*, dixit, & super hoc *Cepha*. *Cephas* græcæ autem, non hebraicæ, neque syriacæ aut chaldaicæ est terminationis: sicut *ιωαννης*, quod hebraice *Jochannan*, & *Zacharias*, quod *Zeccariab* legi debet.

VI. Quam autem libenter nos bono viro concedimus, Gallos, cum *Pierre* vocant SIMONEM, non sibi lapidem mente proponere, sed virum, cui nomen istud a CHRISTO impositum sit? Prorsus ita: Non lapidem, sed hominem sibi proponunt; verum hominem, cui sit ideo a petra lapide hoc nomen impositum, quod super eum, tanquam supra petram Ecclesiam suam Christus ædificarit. Quemadmodum si ab fortitudine, *Leonis* alicui nomen adhæsit; qui *Leonem* nominari hunc audit, non utique bestiam informat animo, sed hominem; verum talem, qui a fortitudine hoc est nomen sortitus. Et ut in scriptura hæream; qui illud genêsis capite X. legit: *Nati sunt Heber filii duo, nomen uni Phaleg*; non divisionem cogitat, quamvis *phaleg* ipsa vox divisionem sonet: verum hominem: qualem? non cui hoc temere injectum nomen sit, sed qui *Phaleg* sit dictus, *quoniam*, ut scriptura loquitur, in *diebus ejus divisa est terra*. Ita igitur etiam Galli, cum *Pierre* SIMONEM vocant. Quod si de aliorum mihi pronuntiandi cogitatione ac sensu, habendam fidem non putat JANSENISTA BATAVUS; interroget fane, quos novit, Theologos atque Episcopos istius regni: audiet ex illis, quam notionem, quamque imaginem *ἐπινομία* in sua lingua vocabulo ipsi subjiciant. Adscribam unum ei, quem quin vel invitus legerit, dubitare non possum. Is est SARLATENSIS Episcopus in *Pastorali*
epistola

epistola versa latine & *Augustæ Vindelicorum* ac *Friburgi* edita anno MDCCLXVI. (5.) cujus quæ occasio fuerit, non est necesse me dicere: novit JANSENISTA: novit & FEBRONIUS, atque utrique, siquidem auctoritatem revereri Episcopalem, eruditionemque una ac pietatem possent, fatalis foret. " Est Jam illud porro, inquit, & amoris mei erga vos, filios " in Christo meos, & observantiæ erga summum Pontificem, commu- " nem orthodoxorum parentem, ut si unquam; hoc certe tempore insti- " tuam vos de vestro erga hoc conspicuum Ecclesiæ caput officio: hoc " tempore, quo maxime contra ipsius auctoritatem videtur conjuratum; " hoc tempore, quo modis omnibus elaboratur, ut ea in suspensiones ve- " stras, immo & odia adducatur; hoc denique tempore, quo siquis pro- " fitetur, velle se in fide atque amicitia antiquissima manere cum principe " omnis consensionis atque unanimatis, is continuo ab hac ipsa recedere, " ac propemodum sejungit, aut ut minimum, animos ad dissociandam " concordiam sollicitare videatur. Quandoquidem de summo Ecclesiæ " capite tam maligne cogitant, ut nihil ei tribuant, nisi adpellationem pre- " cariam Capitis, ut ajunt, *ministerialis*. Quæ quidem loquendi formula " suæ invidia & periculo substitui non potest iis, quas Ecclesia consecra- " vit, ab eo edocta, qui est *via, veritas & vita*; quæque non solum in " scriptis extant sanctorum Ecclesiæ Doctorum, sed & in omnibus passim " Christianæ doctrinæ institutionibus. An igitur Divinus Magister noster " cum *Barjonæ* nomen illud *Cephæ*, quod caput significat, eo tantum com- " mutavit, ut huic Apostolorum Capiti imaginariam ferme auctoritatem " adjungeret? An cum de illo dixisset, *Tu es Petrus & super hanc pe- " tram ædificabo Ecclesiam meam*, ludere duntaxat verborum conflictu quo- " dam & geminatione instituit?

VII. Liberales erimus. Faciamus græca terminatione dixisse Christum, *Tu es Cephas, aut πετρος*: non eo minus stabit dogma catholicum; nec eo minus supra PETRUM tanquam in petra Ecclesia ipsa stabit. Enimvero si ελληνιζων Angelus parenti diceret, nomen filii tui erit Zacharias, quoni- am *Dei memoria est*, & in illo populi sui *Deus recordabitur*: adeone amens quis sit, ut non eundem esse illum existimet, quem Zachariam vo- cari Angelus Dei Jussu præceperit, & in quo populi sui recordaturus sit Deus? Quod itaque *Cephas* interpres græcus *Matthæi*, & Evangelistæ
f f 2 atque

atque Apostoli, cum græce scriberent, posuerunt; pro ingenio fecerunt græcæ linguæ, in qua nomina virorum masculino genere efferuntur, & in Consonantem desinunt. De cætero quæcunque sit lingua, qua quis loquitur, si ab re aliqua nomen sumat, & imponat homini, quem honorare ista ratione vult; analogiam intercedere necesse est, & proprietatem esse unam eorum: quæ nisi sit, constitui debet: alioquin qui ita loquitur, pueriliter & inepte loquitur.

VIII. Sed habet aliud JANSENISTA, quod obstrepat. *Non, inquit, semper ut in votis esset, verbi divini sensus ita planus nobis ac liquidus est. Fatemur: atque utinam saltem, cum planus ac liquidus est, acquiescerent inquieti homines, nec tricas necerent! Cum CHRISTUS in templo (ita pergit) Hierosolymæ dixit Judæis, SOLVITE TEMPLUM HOC, ET IN TRIBUS DIEBUS EXCITABO ILLUD, naturalis sane judicii erat, sermonem hunc non de proprio corpore, cujus nil meminerat, intelligere, sed de templo in quo versabatur, ex quo vendentes ejecerat, & de quo interrogantes Judæi modo dixerant: QUOD SIGNUM OSTENDIS NOBIS, QUIA HÆC FACIS? De uno tamen templo corporis sui loquebatur CHRISTUS. (6.)*

Ad hanc ratiunculam, in qua ille mirum sibi placuerit, tametsi vetus sit, parata & in promptu est responsio duplex. Primum si CHRISTUS ita dixisset: *templum Corpus meum est, solvite hoc;* potuissetne, nisi de corpore suo id ab eo dictum intelligi? Aut si ita: *hoc templum Salomonis, reparatum a Zerobabele, solvite;* interpretarine nisi de eodem illo templo Evangelista potuisset? Hujusmodi autem, *Matthæi* est locus. *Simon Barjona, ait, beatus es, quia non caro & sanguis revelavit tibi, sed Pater meus, qui in cælis est. Et ego dico tibi, quia Tu es Petrus, & super hanc petram ædificabo Ecclesiam meam.*

Deinde quam ille luscus sit, qui discrimen ingens inter utrumque locum non videat? CHRISTUS tot jam prodigiis Deum ac Dominum se esse monstraverat, & etiamnum interrogatur, quo Jure pro templi Domino se gerat. Quare, quemadmodum recte a MALDONATO est observatum, sic eis responderet, quo modo & nos iis solemus, qui malo animo interrogant; ut nec omnino nihil dicamus, ne nihil posse aut velle respondere videamur, nec ita dicamus, ut intelligamur. Respondet igitur, se ut corporis

poris sui, quod inhabitantis Dei velut templum erat, ita ædificii quoque istius esse dominum: atque ut illud, postquam Judæi dissolverint, resuscitatus esset, ita molem quoque istam resuscitaturum, si dissolvissent. Quare neutiquam verum est, quod JANSENISTA sumit, Christum de solo corpore suo locutum esse. Immo vero ita de corpore suo locutus est, ut ex obliquo de ædificii vellet mole, in qua stabat, & de qua interrogabatur, idem intelligi, & utrovis modo intellexissent judæi, erat verum, quod CHRISTUS dicebat.

Estne simile quiddam in re præsentī? Non est. Nam quis animo malo eum interrogaverat? Quis auctor, præterquam ipse, totius colloquii? quis dubitabat, utrum Ecclesiæ suæ ipse princeps, Rex, Dominus, fundamentum futurus esset, ut inculcare jam illud necesse fuerit? Quod magis atque iterum quæro, estne sapientis illa ratio, novum nomen pridem ante alicui promittere; tum data occasione idem imponere, analogiamque & potestatem istius nominis statim subicere, sermonis totius seriem ad unum dirigere, verbis amplissimis quidquid magnum est, ei addicere: nihilominus sic velut ex insidiis, quodque divinare nemo hominum possit, retracto & incurvato ut ita dicam impetu, sistere intelligentiam; & quod naturalis, ut de se ille dictum putet, iudicii ratio suadet, quod pleno cursu tanquam suum cogitando mens jam tota persequitur, id eripere ei nihil cogitanti? Sic CHRISTUS egisset, si *Jansenistæ* habenda fides foret. *Tu vocaberis Cephas*, inquit, id est Petrus apud Joannem. Tum postea, *Beatus es simon Barjona* (repetam enim) *quia non caro & sanguis revelavit tibi, sed Pater meus, qui in cælis est: & Ego dico Tibi, quia Tu es Petrus & super hanc petram ædificabo Ecclesiam meam, & portæ inferi non prævalebunt adversus eam: & Tibi dabo claves regni cælorum: quodcunque ligaveris super terram, erit ligatum & in cælis.* Contra hoc siquid limatum, siquid prudens, siquid communi dignum sensu & humano commercio JANSENISTA habet, hoc proferat, cætera quæ pridem respuimus, suis mulierculis ostendet. Sed jam nos sibi tantisper & curationi capitis sui hunc hominem relinquamus. Allisit enim ad *Cipb* & *Cepha*; & eget tempore, ut obnubat vulnus.

IX. S. AUGUSTINUS nobis objicitur, qui quam in *psalmis* secutus fuerat interpretationem, eam deseruit, substituitque aliam, ac de CHRISTO nomen *petræ* explicavit. Ita quidem certe; magnum nobis AUGUSTINI nomen, tantique, quanti alius quisquam, virum maximum facimus. Sed quod præ linguarum imperitia in novam inductus opinionem ac singula-

rem fuit, præjudicare opinor evidentiae non potest. Nam ille nescio quid reconditoris arcanique sensus in variatione ea suspicatus erat: *συ εἰ πέτρος, καὶ ἐπὶ ταύτῃ τῇ πέτρᾳ*, quasi quod primo dictum est, *πέτρος*, velut *πετρώϊος* derivatum quoddam esset *ἀπο τῆς πέτρας*. Non enim a Petro, inquit, *petra*, sed *petrus a petra*, sicut non *Christus a Christiano*, sed *Christianus a Christo* vocatur. Verum non ita res habet. Differunt quantum *Ἰωάννης & Ἰεχονάν*: & est utrumque primitivum atque eodem recidit, *πέτραν* an *πέτρον* dicas. primum *κοινῶς* & in sermone obvio adhibetur; alterum Atticis est familiare. Unde Homerus: *ἐτέρῃφι δὲ λαζέτο πέτραν μαρμαρινὸν ὀκρίοντα*: & Xenophon, *ἐπὶ λοιπῶς δὲ ἐπεκυλινδᾶν πέτρας*. Illud quoque quod FEBRONII interest scire quamvis vulgatum, *πρὸς τὰ θμὴν πέτρος τίθεται, πέτρα μὴ περὶ τὰ θμὴν* id est, *regula lapidem*, non *lapidi regulam accommodabis*, contra atque ii faciunt, qui scripturam sacram suis insomniis & Ecclesiae Patres suis deliriis servire volunt.

Itaque nihil erat, quamobrem primam eamque necessariam & naturalem interpretationem AUGUSTINUS desereret: minus qui eum secuti sunt, Latinorum trium aut quatuor ducenda ratio est. Præsertim quoniam nec illi, neque AUGUSTINUS, in quem oculos intenderunt, inficiati unquam sunt, PETRUM, quoad captus humanæ indolis ferat, fundamentum Ecclesiae, hoc est, primum atque præcipuum post CHRISTUM esse. Quin constanter hunc principatum S. AUGUSTINUS confessus fuit (7.) ac vel hoc ipso quod de SIMONE sit prius Matthæi locum interpretatus; ad CHRISTUM vero tum primum deflexerit, posteaquam Donatistarum implicatus certamini subvereri sibi quid nescio ab iis caput, nisi ad CHRISTUM traduceret: satis ostenditur, priorem ex verbis ipsis prognatam atque naturalem, obviamque ideo & communi tritam usu expositionem fuisse. Non itaque in hanc alteram velut ingressus AUGUSTINUS fuit, sed novam ingenio suo excogitavit. Quod cum subin ipse adverteret, diffideretque sibi; lectorum pro sua sapientia de eo monuit in primo *Retractionum* libro, & ejus iudicio, quod probabilius ipse censeret, definiendum reliquit.

Sed est profecto non ea VINCENTII LIRINENSIS a FEBRONIO ostentata regula; ut sit sola illa scripturarum interpretatio admittenda, in quam om-
nes

(7) Confer' quæ hujus Art. §. 2. 3. dicturi sumus.

nes excepto prorsus nemine conspirant. Quod si verum foret; dogma nullum in Ecclesia, quod divina fide credi posset, extaret. Verum huc illa recidit, & his verbis ab auctore suo complexa est: *sequemur universitatem, si hanc unam fidem veram esse fateamur, quam tota per orbem terrarum confitetur Ecclesia. Antiquitatem vero ita: si ab his nullatenus sensibus recedamus, quos S. Majores ac Patres nostros celebrasse manifestum est. Consensionem quoque itidem, si in ipsa vetustate omnium, vel certe PENE OMNIUM sacerdotum pariter ac magistrorum definitiones sententiasque sectemur.*

X. Quare alterum hoc est *sophisma* FEBRONII, idemque gravissimum: & in eo latet, quod ubi sunt Patrum interpretationes non omnes uniusmodi, sed diversæ; argumentum ex scripturis sacris informari dicat non posse. Attendendum enim est, quem ad modum diversæ sint. Nam si fluctuent revera Patres, *negentque ac rejiciant multi*, quod alii ponunt & admittunt; tolerari potest regula, quoad Ecclesiæ definientis ac determinantis auctoritas interposita nondum fuerit. Quodsi rem vero eandem ex diversa velut facie intuiti Patres modo sic, modo aliter expriment; nihil falsius est isto canone, qui si in auctoritatem adsumeretur, sus deque misceri omnia necesse foret. Quis enim est uspiam scripturæ locus, cujus non multiplex in veterum libris interpretatio demonstrari possit?

Arque ita in præsentī res est. Quod ut intelligat *sophistarum* ille ductor ac princeps; non ecce sic recte colligo: *Christus est fundamentum Ecclesiæ, fides in Christum est fundamentum Ecclesiæ: igitur PETRUS est fundamentum Ecclesiæ.* At vicissim necessaria hæc est collectio: *PETRUS est fundamentum Ecclesiæ; igitur fides in Christum, igitur ipse Christus est fundamentum Ecclesiæ.* Neque enim nos ita ab humano sensu deserti sumus, ut super carnem & ossa Ecclesiam stare CHRISTI putemus. Nec qualis de Atlante poetarum est fabula, suis humeris, suis viribus Ecclesiam PETRUS sustentat. Absit: nihil indignius Christianis auribus atque animis dici possit. Sed fundamentum ille ob eam rationem & eatenus tantum est atque dicitur, quatenus *fidem in CHRISTUM*, qua Ecclesia vivit & spirat, quæque fundamentum est ipsa cæterorum omnium in Ecclesia dogmatum atque ornamentorum, instar rupis cujusdam immotæ fulcit, æternumque, & quoad stabit CHRISTI nomen ac regnum, fulcire & sustentare non desinet. Id quod ab S. HILARIO in eodem ipso de *Trinitate* libro observatum fuit, quem Adversarius objicit. In eo enim postquam dixerat ante, *post sacramenti confessionem beatum simonem adificationi Ecclesiæ subjacuisse* (quod fundamenti est utique:) & *claves regni cælorum accepisse*, mul-
taque

tâque alia ad commendationem & præstantiam istius Apostoli; pergit, distinguere quam PETRUS confessus est *fidem*, & *virtutem* in sustinenda ea porro fulciendaque fide: in utraque vero Ecclesiam fundari his adserit verbis: *si hæc sola fides confessa Christum Dei filium omnium beatitudinum gloriam meruit in Petro; necesse est, ut quæ creaturam potius ex nihilo Dei filium confitebitur, claves regni celorum non adepta, & extra FIDEM ac VIRTUTEM APOSTOLICAM constituta, nec Ecclesia sit ulla, nec Christus.* (8)

Atque hanc quidem virtutem Petrus soliditatemque fidei non suis acceptam viribus referre potest, sed a Christo accepit, qui est petra princeps & *ῥοιωδης*, ut BASILIUS docet, aut quisquis is demum auctor Homiliæ de Pœnitentia, antiquus scriptor. *Dixerat PETRUS, inquit, & benedictionem consecutus fuerat: Dixerat, filius es Dei altissimi, cumque audisset, PETRA ES, præconio nobilitatus est. Si enim & petra; non ut CHRISTUS petra; ut Petrus petra. CHRISTUS est enim petra immobilis, Petrus autem per petram. Donat enim JESUS suas dignitates, non exhauriens se, sed retinens, quæ dat. Lumen est. Vos estis lux mundi. Sacerdos est, sacerdotes facit. Petra est, petram efficit. Et propria donat servis.* (9)

Quamobrem ut quod volo, id modo constituam; ii igitur inprimis sancti Patres, qui *petram* PETRUM esse, & Ecclesiam super hunc extructam affirmaverunt, certissime non sine respectu ad *fidem*, CHRISTUMQUE ipsum ita censuerunt, Quodsi & eos igitur vicissim, qui PETRAM CHRISTUM aut *fidem* confessionemve fidei interpretantur: tamen si minime ex natura rei sit consequens, ut etiam PETRUS petra sit, verborum tamen, quibus CHRISTUS est usus, convictos evidentiâ, etiam de PETRO interpretatos esse locum illum ostendero; jacebit profecto ibique in fumum tota illa pompa circensis. Nam inde quidem constabit, consensionem summam esse inter utrosque: summam atque tantam, quanta, si quis alius forte fusius diceret hoc modo: CHRISTUS, qui *fundamentum Ecclesiæ est*, postquam divinitatem ejus PETRUS confessus fuerat, in præmium hujus confessionis petram ac fundamentum illum ejusdem fidei constituit, cui fidei Ecclesia tota innititur. Ego sic vero paucis: *Petrus fundamentum est & petra Ecclesiæ.*

Hujus

(8) Edit. Colon. pag. 36.

(9) Tom. II. opp. S. BASILII Edit. Paris. Congreg. S. MAURI pag. 606. N. IV.

Hujus ratiocinii, quod ad leges exactum est, vis omnis ex adsumptione, quæ *minor* dicitur, pender. Age! demonstrare igitur nunc volo (nam ad garrulitatem revincendam hominis hoc pertinet, quamvis non sit necesse) eosdem ipsos, quos objicit, ac dissentientes inter sese & a nobis facit, atque adeo omnes omnium temporum locorumque orthodoxos Patres supra SIMONEM Jonæ filium ædificatam Ecclesiam putavisse.

Faciam, inquam, quamvis non sit necesse. Nam quid ille hifcere contra Cardinalem PERRONIUM poterit? cum quo quisquis eum contenderit, næ is muscam cum elephante, aut cum gygante nanum componendum putet. Est autem observatum ab hoc summo viro, (10) Patres omnes, qui Ecclesiæ primis sæculis ad Arianam usque hæresin floruerunt, nunquam nisi de PETRO Matthæi locum fuisse interpretatos. Id vero indicio est, naturalem ac citimum hunc esse significatum. Quod autem, ex quo divinitatem CHRISTO detrudere Ariani conati sunt, de fide aut confessione fidei explicari verba cæperunt; tametsi vera, paulo remotior tamen est interpretatio, istique ad *Pamachium* HIERONYMI locutioni persimilis: non PETRUM sed FIDEM Petri ambulasse super aquas. Atqui ambulavit certe PETRUS super aquas: Ecquid negatur igitur? immo non negatur, sed id solum significatur, non agilitate, aut naturæ viribus consecutum PETRUM, ut calcare aquas posset, sed fide. Quare ad eundem plane modum, quoniam confitendo, cum ita diceret: *Tu es Christus filius Dei vivi*, hoc est, fide ipsa Divinitatis obtinuit PETRUS, ut *beatus* a Domino prædicaretur; & *Petrus* nominaretur, atque *petra*, supra quam Ecclesia ædificanda esset, diceretur: immovero quoniam ratio ipsa, ac quasi forma, cur PETRUS *petra* sit, fides est divinitatis: heinc metonymicæ ipsa fides adpellari *petra* cæpit. Nam illud intererat scilicet Patrum, ostendere, fundamentum, structuramque totam Ecclesiæ ab Arianis labefactari.

Hæc nos, inquam, si reponeremus; quid obgannire posset? Immo quid adtulit, quid opposuit, quid vel in mentem, ut responderet, admittit, cum a ZACCARIA ista sibi dicerentur? Nihil, prorsus nihil. *Flores sparsi, Jesuita, vaniloquium, Evangelium Curiae*, tota responsio. An digna viro? *Quantum distat Bibliothecarius iste*, exclamat, a magno MURATORIO! Clamavit; abite, peroratum est. Quasi non sic ego vicissim exclamare possim: *quantum distat iste blatero a viro gravi, quantum a sobrio!*

G g

Distat

Distat certe: distat longius, decuplo longius, quam a magno MURATORIO magnus Theologus. Nam illud quidem sobrii profecto non fuit, quod, cum tria propemodum folia impleisset, ut doceret, haud fuisse unam de eo loco, *Tu es Petrus*, antiquorum Patrum sententiam, nec proin argumentum ex eo instrui posse idoneum: *continuo* tanquam circæo ebrius poculo, immemorque omnium, quæ tam fuse garrisset, demum ita subjungit: *Hæ Patrum doctrinæ in speciem diversæ, in SUBSTANTIA tamen NON DISCORDANTES.* (11) Si discordantes non sunt; nonne operam perdidit? si discordantes non sunt; quomodo verum, *nihil minus heic inveniri, quam unanimum, aut etiam plurimorum Patrum consensum in ejus textus interpretatione?* (12) si discordantes non sunt, quomodo, qui hoc ipsum respondit, non esse discordantes, *inventum quale quale* dicitur adferre? *inventum*, sed quod *servire ad componendas sententias Patrum non possit?* (13) Et sunt tamen ista *Febronii*: sunt, alterum ZACCARIÆ, alterum VIATORI A COCALEO objectum. Sed hæc quidem mittantur: de re ipsa videamus, doceamusque, quam fit turpiter *qualis qualis* ille Theologus, immo ne *qualis qualis* quidem hoc in genere, deceptus.

§. II.

(11) Tom. I. Cap. I. §. 2. N. 5. pag. 18.

(12) Tom. II. in *floribus sparsis* Cap. I. §. II. pag. 345. P. ZACCARIAS Romanos Scriptores, ipse Italus & Jesuita fideliter imitatus, iterum in rem suam producit sexcentis ab utraque parte excussos textus MATTHÆI XVI. & JOANNIS XXI. Tum paulo infra: Inter illos (præceptores FEBRONII) plane convenit, nihil minus hic inveniri, quam unanimum, aut etiam plurimorum Patrum consensum in horum textuum interpretatione, Romanorum postulatis favente. *Postulatum Romanorum quale sit, omnibus constat: nempe per nomen PETRÆ personam PETRI significari.*

(13) Tom. III. Tit. I. §. I. pag. 1. Italus noster five ergo, ait, pro petra sumatur persona PETRI, five ejus fides, aut confessio, vel objectum propriæ religioni propositum, nempe CHRISTUS, perinde est: hæc enim omnia in persona PETRI includebantur &c. Sed errat vir bonus, si hoc quale quale inventum componendis Patrum sententiis servire posse arbitretur.



§. II.

Demonstratur, eosdem Patres, quos FEBRONIUS objicit, prorsus adversantes illum habere: totum proin ejus conatum vanum ac futilem esse.

I. Sunt quos partim de *fide* in CHRISTUM, partim de ipso Domino CHRISTO nomen *petrae* interpretatos adserit, Patres hi. Imprimis HILARIUS, tum GREGORIUS *Nyssenus*, deinde CHRYSOSTOMUS, AMBROSIIUS, GREGORIUS M., THEODORETUS, Pontificesque S. LEO, ADRIANUS I., NICOLAUS I., STEPHANUS VI., INNOCENTIUS II. & URBANUS II. tandem & AUGUSTINUS cum HIERONYMO & HILDEBERTO Turonensi. Monet autem, illorum, qui primam expositionem secuti sint, triginta quinque ut minus partim sanctos Patres, partim commentarios antiquiorum ab eruditis laudari. Qui quales sint commentarii, nihil est opus diu dispicere, cum ab LAUNOIO recensentur, ex quo, ut ab initio monui, supplere suum DUPINIUM solet. Atque sunt illi præter eos, quos ipse indicavit, CYRILLUS *Alexandrinus*, ODO *Cluniacensis*, RUPERTUS *Tuitiensis*, THEODORUS ABUCARA, JOANNES DAMASCENUS, ANASTASIUS *Antiochenus*, THEOPHANES CERAMEUS, DRUTHMARIUS, STEPHANUS *Parisiensis*, PETRUS CHRYSOLOGUS, EUSEBIUS *Alexandrinus*, v. BEDA, HINCMARUS REMENSIS. Et inter Pontifices INNOCENTIUS III., HADRIANUS VI., URBANUS III., JOANNES VIII., STEPHANUS V. FELIX II., HORMISDAS. Atque iterum præter Patres utriusque Concilii, FOROJULIENSIS & TROSLEJANI, JUVENALIS Hierosolymitanus, ACACIUS *Melitenus*, JONAS Aurelianensis, CÆSARIUS *Cisterciensis*, ANONYMUS in catena. Tum ex nuperimis, qui contra *Lutherum* scripserunt, JOANNES ECKIUS, RENATUS BENEDICTUS, JODOCUS CLICTOVÆUS. Ut nihil dissimulemus; qui *petram* CHRISTUM intellexere, producuntur ab LAUNOIO præter eos, quos commemoravit FEBRONIUS, nonnullosque ex iis, qui etiam *fidem*, aut confessionem sunt interpretati, PAULINUS *Aquilejensis*, DUNGALUS, JOANNES *Sarisbergensis*, GOSFRIDUS *Viterbiensis*, CÆLESTINUS III., MAGISTER, S. THOMAS, & PIUS II. Sed ego si istorum omnium conglomerare sententias in hunc paragraphum vellem; non sine molestia magna lectoris facerem, cum ex sese quid nescio habere tetricum soleat istiusmodi recensio: præterea quem constitutum apud me ordinem habeo, observare non possem. Itaque hanc potius inire rationem placuit, ut quorum liceret heic commode, eorum in præsens sententias atque decreta repræsentarem: de cæteris meam fidem in momenta aliquot interponerem.

II. Itaque HILARIUS in eodem, qui obijcitur, de Trinitate libro, *Beatus*, inquit, *simon ædificationi Ecclesiæ subjacens, & claves regni cælestis accipiens*. Est autem ædificationi subjacere, fundamentum esse. Atque idem in Psal. CXXXI., *Petrus primus filii Dei confessor, Ecclesiæ fundamentum*. Et in caput XVI. Matt. *O in nuncupatione novi nominis felix Ecclesiæ fundamentum, dignaque ædificatione illius petra, quæ inferorum leges dissolveret*. Ubi fundamentum ac petra is, qui nomen Petri sortitus est. (14.)

GREGORIUS Nyssenus in Sermone, qui est secundus de S. Stephano, quem citat ipse sui jam immemor Adversarius: *Celebratur*, inquit, *PETRI memoria, qui Apostolorum est caput, & una quidem cum ipso cætera Ecclesiæ membra glorificantur: Dei vero Ecclesia in ipso solidatur*. Hic enim juxta prærogativam sibi a Domino concessam firma & solidissima petra est, super quam salvator Ecclesiam fundavit. Itaque tamen quemadmodum communitati expensum id fertur quod Capiti datur, sic glorificatio illa quidem PETRI ad omnes, qui in Ecclesia sunt, pertineat: proprium tamen est PETRI, & prærogativa quædam illius, quod petra sit, & Ecclesiæ molem sustineat.

Jam CHRYSOSTOMI, quem GREGORIO subnectit, quot sunt dicta in hunc sensum præclare atque magnifice? Sic in homilia IV. de Esaiæ verbis, *PETRUM Ecclesiæ basin* vocat. Atque homilia II. super Psalmum L. *PETRUS*, inquit, *columna Ecclesiæ, fundamentum fidei*. Inque nona homilia de Pœnitentia: *PETRUM cum dico; petram nomine, quæ frangi non possit, crepidinem immobilem*. Tum in sermone de negatione PETRI: *Nonne ego te omnium primus agnovi? quamobrem & meo testimonio commendato, beatum me prædicasti, ac PETRAM Ecclesiæ nuncupasti, dicens, Tu es Petrus & super hanc petram &c.* Ergone te ego negabo princeps Apostolorum, columna Ecclesiæ? (15.)

Sequitur AMBROSIIUS & obmoveretur locus ex libri de *Incarnatione* Cap. V., ubi ait, *non de carne PETRI, sed de fide dictum esse; portas mortis non ei prævalituras*. Atqui est idem ille AMBROSIIUS, cui AUGUSTINO teste, debet hymnum illum Ecclesia: *hoc ipsa petra Ecclesiæ canente culpam diluit*. (16.) Quod autem AMBROSIO miscet scriptorem, qui commentarios in

Lucam

(14) Edit. Col. anni MDCVII. paginis 32. 305. 170.

(15) Edit. Fronto-Ducæ Tom. III. pag. 869. ibid. pag. 1004. Tom. I. pag. 706. Tom. VI. pag. 630.

(16) Aug. Lib. I. Retract. Cap. 21. Tom. I. opp. pag. 23.

Lucam edidit, imperite facit FEBRONIUS, & præcipitantem heic suum DUPINIUM secutus est oscitans. Non enim sunt Commentarii ii AMBROSII, sed alterius, quamvis synchroni. Ille tamen quisquis est, in eodem libro qui objicitur, postquam *petram* esse CHRISTUM dixisset secundum illud Apostoli: *Bibebant de spiritali sequente eos petra, petra autem erat Christus*: subjunxit: *Etiam Discipulo hujus vocabuli gratiam non negavit, ut sit ipse Petrus, quod de petra habeat soliditatem constantiæ & fidei firmitatem.* (17.) Ubi idem omnino dicit, quod verus Ambrosius, *non de carne Petri sed de fide dictum esse, portas mortis non ei prævalituras.* Id autem quid aliud est, quam de PETRO scripturæ verba illa interpretari: *super hanc petram ædificabo Ecclesiam meam, & portæ inferi non prævalebunt adversus eam?* Neque enim quod monui, inculcoque, ac repeto, tam nos absurde aliquando obbrutuimus, uti PETRUM, qua is homo est & Jonæ filius, fundamentum Ecclesiæ esse existimaremus. Sed ex adverso de filio Jonæ qua est *Petrus*, ista dicimus. *Petrus* autem non sine comparatione nominatus est ad ipsam fidem, & eodem recidit; sive PETRUM communis fidei, sive FIDEM Petri Ecclesiæ fundamentum voces. Atque est illud ipsum, quod nos omnes omnium temporum locorumque Patres censuisse dicimus, ut mirari ac plane ridere jam subeat, potuisse tam cæcum esse cum suis FEBRONIUM, grande ut se vulnus illaturum crederet, si triginta & quinque qui supra FIDEM Petri ædificatam Ecclesiam dicant, indicare non sine pompa & ostentatione posset. Immo vero non illos tantum sed omnes ita volumus censuisse. Et ut aliquibus velut in transitu juvemus inopiam; primo modo PHILIPPUS legatus in Ephesina synodo *columnam fidei* appellavit S. PETRUM. (18.) ASTERIUS item Amasenus *fidei petram ac basin Dei Ecclesiæ.* (19.) Atque auctor sermonis septuagesimi noni, qui in appendice operum AUGUSTINI extat, *confessionis Christi crepidinem, immobilis fidei fundamentum.* (20.) Sed secundo modo sic vere *Missale Gothicum* perantiquum de hoc Apostolo: *Fide prælatus est, & per hanc Petri petram basis Ecclesiæ fixus est.* (21.) Quique in aciem contra nos est eductus, JOANNES Damascenus in Parallelis. *super TUAM, instar petræ*
g g 3
fir-

(17) Tom. III. opp. 2. Amb. Edit. Col. pag. 56.

(18) Act. III. Tom. I. Concilior. Edit. Hard. Col. 1478.

(19) Serm. in Ss. *Petrum & Paul.* pag. 843. Edit. Raynaudi.

(20) Opp. Aug. Edit. Antv. Tom. V. Col. 201.

(21) Balleri. de vi Primat. pag. 72.

firmam fidem ædificabo Ecclesiam meam. (22.) Cum enim sit anima Ecclesiæ ipsa fides, eaque dempta, neque Ecclesia sit ulla, neque CHRISTUS, ut BASILIUS docet: (23.) Certe qui Ecclesiam continet atque fulcit, is fidei & habeat ipse, & contineat fulciatque firmitatem, necesse est. Illud autem quemadmodum in PETRUM & successores ejus conveniat, nondum hujus est loci dicere. Dicemus alibi, non ex scholæ, cui adsuevimus, sed ex catholicorum unanimi & indubitata sententia. Nunc reliqua prosequamur.

III. Et Pontificibus quidem, quorum infra adferemus verba, & quos prudens haud quispiam credat FEBRONIANOS esse, tantisper omittis; hæc sunt THEODORETI, qui objicitur, verba in epistola septuagesima septima: *Quin hac etiam de causa Christus Dominus noster Apostolorum principem, cujus confessionem velut basin quandam & fundamentum Ecclesiæ defixerat, fluctuare ac errare permisit, duo eadem opera docens, nec fidere se ipsis, & fluctuantes firmare.* (24.) Hæc sane perspicuum est, fidem, non ut abstracta, quemadmodum ajunt, concipitur; sed ut PETRI & Apostolorum principis fides fuit, a THEODORETO Ecclesiæ basin ac fundamentum defixam dici. Alioquin inepta sententia foret, neque vim haberet illam, ad quam adsumitur.

AUGUSTINI tritus est locus in psalmo contra partem Donati: *Numerate sacerdotes ab ipsa Petri sede: ipsa est petra, quam non vincunt superbae inferorum portæ.* Sed de hoc quidem jam supra & alias pluribus. HIERNONYMUS in caput XVI. Matthæi: *Simoni, ait, qui credebat in petram Christum, Petri largitus est nomen. Ac secundum metaphoram Petræ recte dicitur ei, ædificabo Ecclesiam meam SUPER TE.* In Commentario quoque super Abdiam: ipsa petra Petro donavit, ut petra sit. Et in *Isaiam*: super unum montium, inquit, Christus fundat Ecclesiam, & loquitur ad eum: *Tu es Petrus, & super hanc petram ædificabo Ecclesiam meam.* Atque in libro I. adversus Pelagianos: *Quid Platoni & Petro? ut ille princeps Philosophorum, ita hic Apostolorum fuit, super quem Ecclesia stabili mole fundata est.* (25.)

CYRILLI

(22) Lib. II. fol. 112. Edit. Paris. an. 1577.

(23) Loc. sup. cit.

(24) Ad Eulaliū, Tom. III. Edit. Sirmondi pag. 945.

(25) Tom. IV. Edit. Cong. S. Mauri, Col. 74. Tom. III. Col. 1468. ibid. Col. 221. Tom. IV. Col. 491.

CYRILLI ALEXANDRINI quid evidentius illis: *Nec SIMON fore jam nomen illi, sed PETRUS, prædixit, vocabulo ipso commode significans, quod in eo, tanquam in petra, lapideque firmissimo suam esset ædificaturus Ecclesiam?* (26)

Tum vero his sancti LEONIS: *Cum ego sim inviolabilis petra, ego lapis angularis, qui facio utraque unum, ego fundamentum, præter quod nemo potest aliud ponere: tamen tu quoque PETRA es, quia mea virtute solidaris, ut quæ mihi sunt propria, sint tibi mecum participatione communia.* (27.)

Sunt autem germana his, immo transcripta ex S. LEONE, quæ ODO Cluniacensis apud LAUNOVIUM commentatus est. (28.)

RUPERTI Tuitiensis vero tam explicata & definita est sententia, ut si quid etiam ab aliis obscurius fuisset positum, posset sola ea caliginem & tenebras omnes dispellere. *Claret ergo, inquit, quia Christus super se ipsum, videlicet firmam petram, suam ædificaturus Ecclesiam, ubi vidit, immo intuitus est, ut ait Evangelista, id est, diligenter respexit illum, quem POST SE volebat ejusdem esse FUNDAMENTUM ECCLESIE: hac de causa PETRUM a se ipso petra prima denominavit, utpote in quo POST SE IPSUM TOTA CONSTITUTA ERAT FABRICA SPIRITUALIS ÆDIFICII.* (29.)

THEODORUS ABUCARA in epistola orthodoxæ fidei, quæ apud GRETSERUM extat tomo XV. operum: *Christus, ait, Dominus ac Deus noster Apostolorum suorum principi dixit: Tu es Petrus & super hanc petram ædificabo Ecclesiam meam. Hec verba dixit Dominus Petro, cum Petrus Domino, qui se appellaverat filium hominis, dixit: Tu es Christus filius Dei vivi. Quandoquidem igitur ita se res habet; agite, omnes simul ad fidem quam dixi, petre hujus ἀκλινος, id est, quæ distorqueri & inflecti non potest, Petri scilicet ducis Apostolorum accurramus, credamusque Christum esse Deum & hominem. Græce, nequid ambiguum putetur, προσδραμωμεν τη προειρημενη πισει της ἀκλινος ταυτης πετρας τῆ των Αποστολων προηγχορος. Ubi eundem esse Petrum ac petram, & utroque nomine Apostolorum principem atque ducem vides intelligi.*

Jam

(26) In Joann. L. II. Cap. 12. C. 73. Edit. Basil.

(27) Serm. III. in Anniv. assumpt. Edit. Ray. p. 3.

(28) Tom. X. Bib. PP. p. 224.

(29) Lib. 2. in Joann. Cap. 2. pag. 229.

Jam JOANNIS DAMASCENI præclarum supra attigimus locum ex *Parall.*: eum nunc integrum repræsentare libet. Tamen si EUSEBIUM enim sit: tamen suum eum fecit sanctus Doctor. Ita autem ibi CHRISTUS ad PETRUM loquens inducitur: *Ne metuas Petre, quod enim tibi pollicitus sum, præstabo. Super TUAM petra instar firmam fidem ædificabo Ecclesiam meam, & portæ inferi non prævalebunt adversus eam. Tu oves meas pasces, tu agnis meis pabulum porriges, tu ad dexteram meam tanquam TRIBUNUS stabis.* (30.) In eodem capite sancti CHRYSOSTOMI adoptat illa: *Petrus Apostolorum Coryphæus, firmiter fundamentum, infrangibilis petra.* (31.) Quia & in ipsa illa oratione, eodemque in loco, quem LAUNOIUS obmoveret, *Petrum*, inquit, *qui primus vocatus, ac primus secutus fuerat, quem pro sua præscientia dignum Ecclesiæ suæ Antistitem prædestinaverat* (*πρωτόδικον* græce) *hunc afflat, ac per eum loquitur.* Et commemorata confessione PETRI apud Matthæum capite XVI. *Hæc firma illa & immota fides, supra quam tanquam petram Ecclesia fundata est, cujus tu merito cognomentum geris. Hanc suo quidem ipse cruore comparavit; sed tibi tanquam fidelissimo famulo in fidem custodiamque tradit.* Hoc enim est græce *σοι δὲ ὡς πιστοτάτῳ ὑψηλίζεις θεγαποντι.* (32.)

Porro ANASTASIUS, *Antiochenus* ille aut *Sinaites* quid scribit? Dicit LAUNOIUS. *Hexameron* Moylis versans, & *ἀναγωγικῶς* exponens locum illum, FIAT FIRMAMENTUM ET DIVIDAT AQUAS AB AQUIS, nonnulli, inquit, hoc etiam referunt ad duos populos, ad eos, qui firmi sumus ac stabiles super Petri fundamentum & ILLIUS immobilem fidei constantiam, & ad judæos qui ceciderunt. (33.) Hic ille sane Ecclesiam cum Synagoga componit, atque istam super fundamentum PETRI firmam esse ac stabilem dicit: fundamentum vero non abstracte, quod ajunt, acceptam fidem; sed constantiam immobilem PETRI in ea fide, hoc est, PETRUM ipsum vocat. Non enim est *Petrus* ipse, aut *petra* nisi propter fidem.

Id eleganter, utque optabamus, expressit THEOPHANES CERAMEUS: *Ego vero dico tibi, quia Tu es Petrus, & super hanc petram ædificabo Eccle-*

(30) *Parall.* Lib. 2. fol. 112. Edit. Parisiens. an. 1577.

(31) *Ibid.* fol. 209.

(32) Folio 360.

(33) L. II. *Anagog.* Contemp. in *Hexameron* Tom. VI. *Biblioth. Patrum.* Edit. Colon. P. I. pag. 636.

clesiam meam. Τῦ, inquit, qui Petrus es, PETRA fies fidei verbi, & Ecclesiae fundatae fundamentum. πετρος ὢν, πετρα γενήσεται τῆς κατὰ λόγον πίστεως, καὶ τῆς ἐδραζομένης ἐκκλησίας ὁ θεμελιος. (34.)

Neque DRUTHMARI est locus adeo tetricus, ut sponfionis poenitere nos debeat. Sic enim exponit *παραφραστῶς; Dixisti, Tu es Christus, & Ego dico tibi, quia Tu es Petrus. Quia ego sum Christus inunctus oleo invisibili a Patre, Rex CHRISTIANORUM: & TU FUNDAMENTUM EORUM. Beatus es simon, quia PETRUS, id est firmus, & super banc petram aedificabo Ecclesiam meam: super banc firmitatem fidei, quam confessus es, AEDIFICABO TE cum omni Ecclesia mea. (35.)* His sane verbis quid ad causam nostram illustrius optari possit, nihil video. Sunt enim omnia quae hactenus posui, explicata perspicue. Nam & beatus dicitur PETRUS, non quia hic est & *Jonæ* filius, sed quia PETRUS: *Petrus* autem a firmitate nominatus est fidei: subque illa ipsa ratione fundamentum est Christianorum, & hæc ei firmitas & in ipso toti Ecclesiae despondetur.

EUSEBII ALEXANDRINI, nam adpellavit sic eum LAUNOIUS: (36.) non heic repetam verba, quoniam recitavi in JOANNE DAMASCENO. Illud miror, JUVENALEM *Hierosolymitanum*, cujus nihil præter unicam epistolam extat, scriptam contra NESTORIUM de divinitate Christi, ab LAUNOIO in pugnam contra nos, catholicamque causam potuisse evocari. Nam in ea quid ille dicit? *Cum summus & primus Apostolorum PETRUS dixisset, Tu es Christus filius Dei vivi; Dominus intulit, Beatus es. Ac subdit: super banc confessionem roborata est Ecclesia Dei. Quod sane verum est, & omnes credimus. Etenim confessione ista PETRUS factus est petra, neque Ecclesiae est petra, nisi quatenus fidei est, & confessionis. Quod quia non negat JUVENALIS, neque intererat ejus ad scopum, diserte dicere: quis nisi tetricus dubitet, quin ille idem revera senserit, quod alii omnes, quodque verba Evangelica sua sponte intelligentiæ nostræ obrudunt?*

H h

CESA-

(34) In serm. de Ss. Apoff. pag. 375. Edit. Paris. opera F. SCORSI S. J.

(35) In exposit. Matth. C. 35. Tom. IX. B. PP. P. I. p. 907.

(36) LAUNOIUS sententiam EUSEBII apud COCCIVM legisse se dicit, Auctorem vero nunquam vidisse. Lepidum, & tamen continuo Laodicensem eum Episcopum facit: de quo nihil apud COCCIVM, interim ex verbis patet, eundem esse, quem Joannes Damascenus adoptavit.

CÆSARIUS Cisterciensis, quod ei sermo esset institutus de PETRO, explicatius id ipsum dixit. *Super hanc petram, id est, super fidei tuæ firmitatem, a qua cognominaris, seu PETRUS dictus es, ædificabo Ecclesiam meam.* (37) Non super fidem igitur præcise; sed super firmitatem fidei, nec illam qualemcunque, sed propriam PETRI, & a qua cognomentum hoc ipse sortitus fuit, Ecclesiam suam ædificavit CHRISTUS. Id autem *supra Petrum* est ædificasse, quod volebamus.

IV. Ad Pontifices veniamus. Sed horum quidem cum sint alibi adcuratius describenda a me verba; dicam in præsens non nisi quod satis est. Volo sic autem habere FEBRONIUM: cum præter LEONEM, de quo responsum jam fuit, adferantur FELIX III., HORMISDAS, GREGORIUS Magnus, HADRIANUS, NICOLAUS, JOANNES VIII., STEPHANUS V., INNOCENTIUS II., URBANUS, CÆLESTINUS, INNOCENTIUS, tertius quisque suo isto nomine; videri mihi, qui contra Evangelii armare sententiam eos audent, aut legisse nunquam, quas citant, Pontificum istorum epistolas; aut si dormientes non legerint; (dicam aperte, quod sentio) malitiose, comparatisque non ad fidem, sed ad perfidiam animis eam legisse. Quis enim intueri illas potest, quin statim intelligat, promiscue & pro eodem a Pontificibus Romanis haberi consueisse, sive PETRUM, sive *Sedem Romanam*, sive *confectionem PETRI*, sive *consortium*, *communioneque PETRI* nominarent? Dabo exemplum in una GELASII, qui quinto floruit sæculo, ad EUPHEMIUM *Constantinopolitanum* Patriarcham epistola. Scripserat hic Antistes GELASIO recens creato Pontifici, primum id conqueri visus, quod nullis literis electionem suam, ut mos esset, sibi significasset. Deinde ut ACACII dissimulato nomine in sacris diptychis, pacem Ecclesiis redderet, obsecrabat: neque enim concitato, & in furorem acto Constantinopolitano populo, expungi illud posse. Asperiores hac in causa Romanos sibi videri, quam ferat temporis ratio: & quæ his similia. Quorum ad primum respondit Pontifex: fuisse veterem quidem hanc regulam, *sed inter eos, quibus una Catholica, Apostolicaque communio ab omni prævaricatorum libera pollutione constabat.* Nunc autem, inquit, *cum societatem præferre malitis extraneam, quam ad Beati PETRI purum redire, & illibatum consortium.* (38) Ubi *consortium PETRI*, idem est, ac *Apostolicæ Sedis*: quemadmodum in proxima, quæ est ad FAUSTUM epistola, seu Commo-

nitório

(37) Hom. de Cathed. PETRI.

(38) Hard. Tom. II. Col. 879.

nitório de ANDROMACHO scribit, *instructum bunc fuisse, ut cohortaretur ACACIUM, ad Sedis Apostolicæ remeare consortium.* (39) Ac cum EUPHEMIUS scripisset, fuisse sibi in votis, GELASIVM coram audire; respondit ille: *Lege sententiam; Auditus autem per verbum Dei: illud scilicet verbum, quod Confessioni B. Apostoli PETRI portas inferi nunquam prævalituras esse promisit.* (40) Ubi Confessionem PETRI confessionem Romanæ Ecclesiæ intelligit, hancque ut EUPHEMIUS, & CONSTANTINOPOLITANI audiant, hortatur. Demum in fine epistolæ ad tribunal CHRISTI provocat: ibi enim comprobatum iri, *utrum B. PETRI gloriosa confessio cuiquam eorum, quos regendos accepit, quicquam subtraxerit ad salutem. Utrum asper, nimis durus, difficilisque GELASIVS fuerit.* (41) Quid exploratius, quam Confessionis heic iterum nomine, ipsum PETRUM aut Romanam Ecclesiam, Sedemque PETRI significari? Atque idem in *Commonitorio ad FAUSTUM*: nihil vereri se ait, ne in ACACIUM lata Romæ a FELICE Decessore suo sententia aboleri aliquando possit: *non enim superfluam esse CHRISTI vocem, quæ CONFSSIONI B. PETRI Apostoli inferni portas nunquam prævalituras adseruit.* (42)

V. Jam quod de GELASIO, idem de omnibus dici Romanis Pontificibus debet. Et ut in iis, quorum objectæ sunt nobis sententiæ, solis hæreamus; FELICIS quidem, HORMISDÆ, GREGORII, HADRIANI, NICOLAI, JOANNIS ac STEPHANI epistolæ hoc omnes argumentum habent, & in hoc versantur, qui eas scribunt, ut ii, ad quos scribunt, hæreticis, schismaticis, aut etiam Græcis, quorum propensa ad omnem hæresin est indoles, dimissis, uni Romanæ se conjungant Ecclesiæ, hanc sequantur, huic obaudiant, hujusque fidem ac traditionem sectentur. Quod ut efficiant FELIX, HORMISDAS cæterique; rationem ex pollicitatione Christi facta PETRO depromunt: supra PETRI enim *confessionem ac fidem Ecclesiam suam Christum ædificasse; hujus fidei, hujus confessioni portas inferi non prævalituras.* (43) Hoc, inquam, argumentum literarum est. Adeat eas, qui volent si neget, vera me dicere; nescio, annon idem in mundo præter se homines,

(39) Col. 886.

(40) Col. 879.

(41) Col. 883.

(42) Col. 886.

(43) FELICIS III. literæ apud Hard. Tom. II. Col. 827. ad ZENONEM Imperatorem, ut a PETRI CMAPHEI synodali judicio damnati communionem abstineant. — HORMISD. ad Episcopos Hispaniæ, ne in communionem suam Orientalium quempiam admittant, nisi qui

nes, & humanos oculos, humanasque mentes esse, sit negaturus. Quid sequitur? istud certe, Pontifices, dum supra *fidem*, aut *Confessionem* PETRI extructam Ecclesiam dicunt, non fidem vagam, non abstractam, Sed fidem PETRI, fidem Apostoli, qui Romæ sedit, fidem ejus, cujus successores Romani sunt Episcopi, vel ut simplicius dicam, fidem SIMONIS, quatenus PETRUS est, & ut verbo, PETRUM ipsum intelligere. Alioquin ne concipi animo quidem potest, quid PETRI fides conferat, ut ad Romanam potius, quam ad quamvis aliam adhærere Ecclesiam Christiani debeant. Rem tam facilem ignorasse FEBRONIUM? Quid? quod significanter iidem Pontifices, cum supra *fidem* PETRI ædificatam esse Ecclesiam scribunt, de *soliditate* id continuo ipsius PETRI & firmitate exponant? (44) Quid? quod non fidem simpliciter, sed *Apostolorum principis* adpellent fidem? (45) Quod fidem, pro qua, ne deficere unquam possit, *specialiter* CHRISTUS preces fuderit? (46) Mirum, si quid aliud ista omnia significant, quam supra PETRUM Ecclesiam fuisse a JESU CHRISTO ædificatam. Quodsi antiquiorum ea Pontificum de Matthæi illo loco fuit sententia; de recentioribus, INNOCENTIIS, CÆLESTINO, URBANO dubitari profecto non potest, quin a Majorum suorum mente nequaquam deflexerint. Im-

qui in formulam fidei a se missam juraverit. Exordium formulæ: *Prima salus est, recte fidei regulam custodire. . Et quia non potest Domini nostri J. C. præremitti sententia: Tu es Petrus, & super hanc petram ædificabo Ecclesiam meam; hæc, quæ dicta sunt, rerum probantur effectibus: quia in Sede Apostolica extra maculam semper est catholica servata Religio.* Hard. Tom. II. Col. 1022. GREG. M. ad THEODILINDAM reginam, ne schismaticis ob tria Capitula damnata se jungat, sed *in petra, hoc est, in confessione B. Petri Apostolorum Principis*, sive in communione Ecclesiæ Romanæ persistat. L. 4. Epist. 38. NICOLAUS I. ad MICHAËLEM Imperatorem de schismatico PHOTIO: apud Hard. T. V. Col. 802. HADRIANUS ad CONSTANTINUM & IRENEA Augustos contra Iconomachos. Hard. T. IV. Col. 79. JOANN. VIII. ad PETRUM Comitem, ut MICHAËLEM Regem Bulgarorum ad Romanæ Ecclesiæ gremium reducat. Hard. T. VI. p. 1. Col. 18. STEPHANUS V. Orientales, causa schismaticis PHOTIANI. Ibid. Col.

(44) NICOLAUS I. ad MICH. Imp. l. c. *Principatum divinæ potestatis super solidam fidem Apostolorum principis, Petri videlicet soliditatem constituens.*

(45) GREG. M. l. cit. item ad Eulogium Epist. XL. Regis. LVII. Tom. II. opp. Edit. S. MAURI Col. 888. *Quis enim nesciat, S. Ecclesiam in Apostolorum Principis soliditate firmatam mentis traxit in nomine.*

(46) JOANN. VIII. l. cit. *Si pro fide Petri oratum singulariter est a filio Dei, ne deficeret. Sic cæteri passim. Fallor, nisi legens commemorari sic a me ista FEBRONIUS, jam me infallibilitatem putet RR. PP. suscepisse defendendam. Sed errat. Quod dogmatis est, tueor: super fidem PETRI, super PETRUM extructam esse Ecclesiam, demonstrare volo; tum istud insuper, quam sive perfide, sive incaute Pontificum armentur contra nos scripta!*

Immo non deflexerunt: scit FEBRONIUS; sciunt contubernales ejus; ad fucum, quod ajunt, pertinet; ad fucum tantum. Nolo plura: sum enim alibi Pontificum sententias adscripturus, ut dixi. De *Troslejano* nunc Concilio videamus; de *Forojulienſi* enim postea.

VI. Atque prius quidem illud, nescio quibus sit oculis ab iis lectum, qui FEBRONIO præivere. Adserunt Patres illi, cum Ecclesiæ toti commune sit, quod *supra petram, id est, confessionem Petri ab ipso Capite suo Christo fundata* sit; tum sibi tamen, qui in occidente existant, insuper hoc proprium esse ad gloriam, oportereque stimulo esse ad tuendam fidem, quod suæ Ecclesiæ ab nullo alio, quam a S. PETRO, aut hujus Successoribus sint institutæ: (47) Quod ita cum adserunt, quis nisi talpa non videt, confessionem eos non avulsam, sed PETRI, quatenus PETRI est, intelligere, hancque *petræ* nomine designare? Alioquin inutilis, nec in humanum cadens usum loquendi ista ratio fuisset. Est autem perinde, quod identidem moneo, siue Confessionem PETRI, quatenus PETRI est, siue PETRUM ipsum esse *petram* dicas. Atque id continuo sibi idem Patres ostendunt: *Et quoniam Ecclesia*, inquit, *in nostris quoque partibus, ut dictum est, super hanc petræ soliditatem non tantum fundata, sed ab EO, EZUSQUE est successoribus etiam edocta: cum Dei gratia, ipsius B. PETRI suffragantibus meritis, firmitatem fidei, quam primo percepit, hactenus inconcussam servare studuit.* Vides petram? Is scilicet petra est, a quo, & a cujus successoribus se edoctos *Troslejani* Patres gloriantur. sic sane omnes, qui latine sciunt, verba accipient.

Atque est sancti PETRI CHRYSOLOGI Ravennatum Episcopi haud, puto, dispar sententia. Ait enim: *Petrus a petra nomen adeptus est, quia primus meruit Ecclesiam fidei firmitate fundare.* (48) Quæ verba non torquenda temere; sed componenda cum iis sunt, quæ ad EUTYCHEN scripsit S. Præsul, *Beatum PETRUM in propria Sede etiamnum & vivere & præsidere,*

h h 3

dere,

(47) *Apud Hard Tom. VI. p. 1. Can. XV. Col. 543.* Quæ (S. Ecclesia Catholica) cum generaliter ab ipso suo Capite Christo super Petram, id est super confessionem PETRI sit ædificata: manifestum tamen est, in omnem Italiam, Galliam & Hispaniam nullum instituisse Ecclesias, nisi eos, quos venerabilis PETRUS, aut ejus successores constituerunt Sacerdotes.

(48) Serm. CLIV. pag. 135. Edit. an. 1633.

dere, & præstare quærentibus fidei veritatem. (49) Petrum igitur a firmitate dictum, CHRYSOLOGUS censet, ac fundasse hac illum firmitate Ecclesiam, non eo solum, quod initium prædicandi fecerit, sed quod vivat etiamnum, præsideat, doceat præsidendo, & obedientiam, ut ibidem dicitur, sibi deponat: quod quid est, nisi Ecclesiam supra PETRUM suo modo incumbere?

VII. Sequunturii, qui *petram* CHRISTUM interpretati esse dicuntur. Ex his autem expungi imprimis volo, imperoque pro jure meo, ut expungantur PIUS II., S. THOMAS, MAGISTER *sententiarum*, JOANNES *Saribergensis*, & GOFFRIDUS *Viterbiensis*. Quid enim obmoventur, qui mentionem nequidem faciunt verborum, *Tu es Petrus*; sed vel ad alterum illum respiciunt locum, qui est in VII Capite *Matthæi*, ubi Ecclesia domui supra petram ædificatæ esse similis dicitur, vel istud Apostoli exponunt: *fundamentum aliud nemo potest ponere præter id, quod positum est*; aut demum simpliciter CHRISTUM primum & maximum esse fundamentum scribunt. (50) Atqui de illa nos sententia quærimus, *Tu es Petrus*. Est autem stolidum, propterea, quod sit alicubi in scriptura *Petra* CHRISTUS adpellatus, nunquam alteri tributum hoc nomen, ac ne pro capto quidem humanæ indolis communicatum esse putare. Nam & *Lux mundi* adpellatur CHRISTUS *Joannis VIII*: idem tamen etiam Discipulis suis dixit: *Vos estis Lux mundi*. Cumque ad *Corinthios* scribens PAULUS, fundamentum neget posse aliud poni, præter id quod positum est; idem Apostolos tamen atque Prophetas fundamenti nomine designavit. Ex quo Augustini illud verissimum fit, Ecclesiam super CHRISTUM tanquam *fundamentum fundamentorum* esse ædificatam.

Nec de PAULINO *Aquilejensi* patiar aliter judicari. Is enim utrumque permiscens locum, alterum *Matthæi VII*, alterum *XVI*. capite, primum in libro contra FELICEM *Urgelitanum*, Adversario exprobrat, quod *ipsum primi Apostolorum, primique Pastoris Ecclesiæ, Petri scilicet Apostoli fidei soliditatem avellere nitatur, quam supra firmam petram, quæ CHRISTUS est, firmiter a fidelibus non ambigitur fundasse*. (51) Cum quibus

(49) Locum alibi totum adscribo.

(50) Legantur ipsæ sententiæ, prout a LAVINOIO descriptæ: patebit, evidenter vera me dicere.

(51) Edit. Paris. an. MDCXVII. Col. 1800.

quibus componenda omnino sunt, quæ in adhortatione ad *Forojuliensem* synodum dixit, illius fide regi & gubernari omnem Ecclesiam, cui specialiter, quasi primo Pastori dictum est: *Tu es Petrus, & super hanc petram edificabo Ecclesiam meam.* (52) Quæ si vera sunt, si apte concinneque posita; profecto & CHRISTUS PETRI, & PETRUS Ecclesiæ fundamentum petraque sit oportet. Tantum interest, quibus non oculis, sed animis scripta veterum legantur.

Jam BEDAM, RHABANUM, vulgatum ANSELMUM, ISIDORUM (si tamen est hujus liber *Originum* septimus) DUNGALUM, HERIBERTUMQUE, sex numero, fateor AUGUSTINI ea verba transcripsisse: *Petrus a petra, sicut Christianus a Christo*: quid autem tum? Transcripserunt: & DUNGALUS quidem ex incidenti, ac prout implicata cum aliis longissima Oratione ab AUGUSTINO fusis, quin vel probare vel improbare ea se diceret. (53) Et probaverint sane reliqui: quid? error manifestus an pro præjudicio erit? Est enim *Petrus* non vox latina deflexa a *petra*; sed græca *Petros*, in latinam terminationem formata. *Πετρος* autem ἀπο τῆς πέτρας derivatum non esse, vel ea sola demonstrare ratio potest, quod Græcorum, qui præ Latinis ingenium linguæ suæ optime noverant, nunquam in mentem venerit vocabulorum ea deflexio. Præterea habemus non ISIDORI nos modo, BEDÆ, & HINCMMARI *Remensis*, sed & ANSELMI, quisquis is demum, & RHABANI, & JOANNIS *Sarisbergensis*, & GOFFRIDI *Viterbiensis* perspicuas, manifestasque sententias, quibus Caput Ecclesiæ PETRUM fuisse, communionisque ac fidei totius nexum in eo collocatum, cum adfirmant, tum ex Matthæi illis verbis, *Tu es Petrus*, sive sumunt, sive demonstrant. Re igitur dicunt, quod grammaticam dum sectantur & origines vocum, non satis exprimunt. (54)

Quid autem ECKIUS? quid RENATUS BENEDICTUS? CLICTOVÆUS, recentiores illi & proximorum temporum scriptores? Nihil de his dicam præ-

(52) *Acta Concil. Hard. Tom. IV. Col. 851.*: Si ergo - - sancta Ecclesia inviolabiliter fundata super eam persistit petram, quam B. PETRUS - - confessus est: & illius fide regitur & gubernatur omnis Ecclesia, cuique specialiter quasi primo Pastori dictum est: *Tu es Petrus super hanc petram*: ubi est, inquam, illa regula Trinitatis, quam generaliter suis post resurrectionem Dominus Apostolis commendavit, quorumque principatum idem B. gerebat PETRUS Apostolus? Cuique & QUORUMCUNQUE, pro Cui & QUORUM sunt posita. Quod, ut ne fraudi alicui sit ea locutio, adnotari debuit.

(53) *Biblioth. PP. Colon. Edit. Tom.*

(54) Referuntur horum sententiæ inferius in hoc tomo Cap. III. Art. II. §. I.

præter unum hoc; fuisse non animo bono ab LAUNOIO laudatos. Sunt enim manifeste in hac illi sententia, PETRUM ipsum non minus, quam fidem PETRI fundamentum apud *Matthæum* a CHRISTO constitui. (55)

VIII. Quarecum præter DUNGALUM, qui, ut ajebam, rem minime discutit, & HILDEBERTUM, cujus ad manum mihi non sunt scripta, nullus refert,

(55) Videatur sane ECKII Opus de *Primatu S. PETRI*: & in quo succinctius ista petra-
stat, *Encheiridion Locorum communium* adversus LUTHERUM. Pag. 38. Recitatis CHRISTI
verbis apud *Matth.* subjungit: *Patet, quomodo signare voluit Personam PETRI, quia po-
suit nomen antiquum, SIMON, Nomen novum PETRUS, nomen Patris BARJONA, & demon-
strat proprie, Tu es: & super hanc petram: exponit HIERONYM. id est, super te. Per
illa verba promissum PETRO Primatum testantur S. Patres, & super PETRO edificandam
Ecclesiam CYPRIANUS &c. &c.* Pag. 43. argumenta hæreticorum proponit, ac dissolvit
pag. 44. Quare quod sic LUTHERO, de fide PETRI Evangelicum testimonium explicanti,
respondet lib. I. de Primatu Capit. 13. *Quis ei in hoc repugnat, quis negat? quis inficia-
tur? ille prodat, nominet quem hujus dissensores: facit idem, quod JONAS Aurelianensis
(nam etiam ille objicitur) in eo, quem contra CLAUDIUM Tauronensem scripsit, libro.*
Hic hostis imaginum cum esset, & peregrinationum, quæ Romam suscipiebantur a Fide-
libus ad S. PETRI honorandas exuvias; criminabatur, ex Evangelii non intellectis verbis
eam oriri religionem; non esse autem supra PETRI personam, sed supra fidem PETRI Eccle-
siam extructam. Quod quidem ridens argumentum JONAS, respondet, non fuisse, cur
hoc moneret: *multos namque & pene omnes petram, supra quam edificatur Ecclesia, fidem
intelligere B. PETRI, atque hanc communem esse totius Ecclesiæ. Quis est enim, inquit, vel
exigui intellectus, qui hanc fidem non teneat, & dicat: Credo in Deum Patrem &c.? Apte.*
Fides PETRI fides Ecclesiæ: estque idem, supra PETRUM, & supra FIDEM PETRI Ecclesiam
stare. Hoc multi, hoc pene omnes, hoc Pontifices ipsi, LEO, FELIX, GELASIUS, GRE-
GORIUS JONAM, & postea ECKIUM doctuerant.

Non minus RENATO, quam ECKIO injuriam LAUNOIVS fecit. Hic ex instituto, as-
data opera refellit eos hæreticos, qui loco Matthæi male intellecto abutuntur, colliguntque
(loquor verbis ejus) *primum Ecclesiæ Christi ministerium male dici caput seu fundamentum
Ecclesiæ, & ex eo probant, quod Christus dixerit, suam Ecclesiam fundandam supra se,
qui est petra. Quibus respondet: manifestum est ex litera ipsa, Christum promississe B. PE-
TRO privilegium & officium excellens in sua Ecclesia. Quod deinde officium eo modo expo-
nit, quo omnes Catholici: atque tandem concludit: Habero ex hoc loco, B. PETRUM ap-
pellari PETRAM propter firmitatem & constantiam, sive etiam permanentiam vera fidei in
Ecclesiâ ab ipso fundata.*

CLICTOVÆI non est ad manum mihi compendium veritatum Catholicarum adversus Lu-
therum, quod LAUNOIVS nominat. Quodsi esset; non dubito, quin perinde malæ fidei
possem hominem accusare: Eam fiduciam vel ipse operis titulus mihi injicit. Cæterum
verba a LAUNOIO citata, sunt: *super hanc petram soliditatem scilicet & firmitatem confes-
sionis. A Te prolata edificabo Ecclesiam meam.*

ſter, de quo demonſtrandum eſſe, quod volui, videatur; horum quidem, ut arbitror, ſupplere locum poſſunt, TERTULLIANUS inprimis, qui in libro de Præſcriptione, *latuit, inquit, aliquid PETRUM, ædificandæ Eccleſiæ petram dictum?* Tum CYPRIANUS, qui in libro de Unitate: *ſuper illum unum ædificavit Eccleſiam.* BASILIUS item, qui in II. Libro adverſus Eunomium: *Cum audimus, inquit, Petrum, intelligimus Joannis filium, ΕΦ' ἑαυτον την οἰκοδομην της ἐκκλησίας δεξαμενον, Eccleſiæ ædificationem in ſeſe ipſum accipientem.* (56) Et EPIPHANIUS, qui rem omnem exhauriens, ſummus, ait, *Apoſtolorum, qui factus eſt nobis vera firma petra, Σεμελις τὴν πῖσιν τῆς κυρίας, fundans Domini fidem, in qua ædificata eſt modis omnibus Eccleſia: inprimis quidem, quod confeſſus eſt Chriſtum filium Dei viventis, audivitque: ὅτι ἐπὶ τῇ πετρᾷ ταύτῃ της ἀσφαλὲς πίστεως οἰκοδομησῶμεν τὴν ἐκκλησίαν, quoniam ſupra hanc ſolidæ fidei petram ædificabo Eccleſiam meam:* (57) ZENO quoque Veronenſis: *Non ſine ratione & Simoni, ſuper quem ædificavit Eccleſiam, Petrus nomen impoſuit.* (58) Ac NICETAS Paphlagon: *ſalve Petre, cui Claves regni cælorum creditæ ſunt, ſuper quem Chriſtus firmavit Eccleſiam ſuam.* (59) IGNATIUS item Conſtan- tinopolitanus Patriarcha ac Martyr apud eundem Nicetam: *κλειδῶχε της βασιλείας τῶν οὐρανῶν, καὶ πετρᾷ, ἐν ἧς χρίστος ὁ θεὸς τὴν αὐτῆς ἐκκλησίαν ἐστηρίξατο, ο Claviger regni cælorum, & petra, in qua Chriſtus Deus ſuam Eccleſiam firmavit.* (60) Denique ſcriptor antiquus, quem ſub nomine ASTERII THEOPHILUS RAYNAUDUS edidit, & ORIGENES, & FIRMILIANUS, & MAXIMUS Tauronenſis, & PSELLUS, & EPHREM: quos quoniam concedit nobis LAUNOIUS, non eſt neceſſe, adſcriptis verbis eorum, jacturam temporis & chartæ facere.

Ad hæc autem omnia quid JURISCONSULTUS? Tandemne ſatis? Etiam- num vaga, indefinita, incerta, dubia, inepta, quæcunque proferimus? Bene eſt: habeo vadem, quem reſpuere nec ego velim, nec ipſe poſſit: Febronium, inquam. Nam ille precationis hanc formulam obmoveret: *ut nullis nos ſinas perturbationibus concuti, quos in Apoſtolica confeſſionis petra*

I i

ſoli-

(56) TERT. Lib. de Præſcrip. Cap. 22. CYPR. de unit. Edit. Pam. pag. 254. BASIL. Edis. Pariſ. Tom. I. pag. 240.

(57) Epiph. ad hæref. L. Edit. Petav. Tom. I. pag. 500.

(58) Lib. I. Traçt. 13. N. VIII.

(59) Orat. de Ss. Petro & Paulo apud Combeſis. pag. 317.

(60) Hard. Tom. V. Col. 979.

solidasti. atque subjungit: " Cui nullatenus repugnat Oratio ad diem decimam octavam Januarii: *Deus, qui B. Petro Apostolo tuo collatis clavibus*, ac quæ sequuntur. Itaque cum non aliter credat, & aliter oret " Ecclesia (*legem enim credendi lex statuit supplicandi*) videtur hæc esse " doctrina Ecclesiæ, ut hæc ipsa supra confessionem S. Petri fundata credatur. (61)

Plane sic, eruditissime virorum ! Doctrina Ecclesiæ est. Sed sine me etiam in rem liturgicam ingredi. Est, ut a Græcis ordiar, qui cum communione sint a nobis disjuncti; nisi traditione cogerentur & evidentia veritatis; nunquam committerent, ut ad stipulari Latinorum de Primatu dogmati, & ad probare illud publicis precibus, rituumque & officiorum divinorum libris possent videri. Est oratio, inquam, apud illos hujusmodi in Euchologio: *Deus, qui principi tuorum discipulorum & Apostolorum Petro Ecclesiam tuam inædificasti*. Sic enim vertenda sunt, *πετρω την σην οικοδομησας εκκλησιαν*, non ut mendose alias: *Deus qui Petro in ædificanda tua Ecclesia*: cum statim sequatur, *και τας κλεις αυτω δας, & qui claves ei dedisti*. (62) Quorum simillima sunt, quæ a METHODIO Constantinopolitano Patriarcha acceperunt; *Domine Deus noster, qui regni tui clavibus Petro Apostolorum tuorum principi creditis, sanctaque tua Ecclesia super eum ædificata, ἐπ' αυτω οικοδομησας*. (63) De Latine autem Ecclesiæ monumentis quid? Mittam pleraque, quæ adferri possunt, præsertim quod est infra de illis sermo rediturus: nunc Gallicano Sacramentario ero contentus, quod MABILLONIUS evulgavit Tomo primo Musæi Italici. Ibi in CONTESTATIONE: *Ex quibus B. PETRUM in fundamentum Ecclesiæ catholicæ collocasti*. Ac rursus: *in cuius confessione est fundamentum Ecclesiæ Catholicæ, nec adversus hanc petram portæ inferi prævalent*. (64) En sane & PETRUM & confessionem PETRI fundamentum ac petram. Hæc doctrina Ecclesiæ est: sic illa secum, sic nobiscum consentit. Sed hæc satis in præfens.

§. III.

(61) Feb. Tom. I. Cap. I. §.

(62) Apud Goarium pag. 546.

(63) Ibidem pag. 690.

(64) Tomo I. pag. 343. 297.

§. III.

An Petro nihil præcipuum, præstans, excellens præ aliis datum sit, deciditur primo ex collatis inter se scripturæ sententiis.

I. Proximum modo est, ut illud quæramus, an nihil peculiare, solidum atque eminens datum Petro, iidem illi Ecclesiæ Patres censuerint? hæc enim altera est labes Febronianæ vertiginis.

Atque scripturam quidem si consulere libet; puto si in schola Febroniana adolevissem, foremque hostis, quantus est ipse, Romanorum Pontificum; non me serio tamen atque ex animo rem solis scriptam radiis & evidentem negare posse. Radix in hoc mali est, & origo tota ineptissimæ digladiationis, quod qua parte sibi pugnandum esset nihil attenderit. Sicut nec LAUNOIUS, atque DUPINIUS, miserrimum hominum genus, & Anonymus iste Febronii frater ac corrivalis, qui se nescio quid putabant ad vindictam, communeque odium fecisse egregii, si scripturæ sententias duas aut tres ludificationibus quibusdam suis, seorsim & avulsas a complexu cæterarum vexassent. Quod ipsum præterquam quod, ut vidimus, infelicitè impetireque fecerint; non id erat, in quo styli acies obtundi debuit. Est in conjunctione vis. Itaque tota gestorum Christi & Apostolicæ narrationis series intuenda fuerat: quemadmodum cum ex Prophetarum oraculis Messiam esse JESUM CHRISTUM probamus; nullum is fructum operæ faciet, qui in singulis tenebras captat: quoniam robur in collectione situm est, atque ut nexa sunt invicem, & in CHRISTUM universa tandem conspirant; sic ad evidentissimæ demonstrationis lucem pertingunt.

II. Itaque quod jam tum monuimus, simul atque conspectum Domini PETRUS subierat, mutationem nominis ei desponder. Post hæc coram cæteris discipulis fidem liberat, & unum adloquens. *Et ego, inquit, dico tibi, quia Tu es Petrus, & super hanc petram ædificabo Ecclesiam meam.* Quodsi in commune subin omnibus ligandi solvendique potestatem dedit: non modo præsentè, recensitoque cum iis PETRO eam dedit: verum soli etiam huic ac prius: *Quodcunque ligaveris, inquit, super terram, erit ligatum & in cælis.* Et quo nuspiam ad cæteros est usus loquendi genere: *Tibi dabo claves, ait, regni cælorum.* Si item omnibus & in commune iussit, *irent & docerent omnes gentes;* qua emphasi, quo apparatu nomina-

tim PETRO procurationem ovium demandavit? Semel iterum, tertioque interrogat: *diligeret se plus aliis Apostolis?* tum adfirmanti, *Pasce agnes*, inquit, *meos, pasce agnos meos*; ac demum omnia complexus, *Pasce oves meas*. Si rursum omnibus dixit: *sicut misit me Pater, & ego mitto vos*; *Ecce vobiscum sum usque ad consummationem sæculi*: pertinent illa quidem ad PETRUM non minus, quam ad reliquos. Sed singulare hoc iterum ac proprium PETRI, quod cum de omnibus pronuntiasset CHRISTUS, *expetitos fuisse a sathana, ut cribrarentur sicut triticum*; de uno Petro subjunxerit: *Ego autem rogavi pro te, ut non deficiat fides tua. Pro te*, inquit, quem nuper *Petrum* nominabam, *petramque* feci. Et ut verum sit, cum omnibus me futurum usque ad consummationem sæculi: *Tu tamen conversus confirma fratres tuos*. Post resurrectionem item cum omnibus Apostolis renuntiari eam mandaret: *Dicite*, ait, *Discipulis & Petro*. Heinc quotiescunque Apostolorum in Evangeliiis recensio fit; primus semper PETRUS nominatur: velut *Matthæi X. Marci III. Lucæ VI.* quod si quis non rebus certis, sed temere factum esse arbitretur, rationem velim is reddat, quamobrem Judas loco postremo consignetur.

III. Atque post ascensionem etiam CHRISTI, ubi prima quasi incunabula Ecclesiæ nascentis describit LUCAS, PETRUS prior est rursum inter Apostolos. Primus electionem MATHIÆ ordinat: primus novi Testamenti promulgationem, quo in Ecclesia negotium gravius nunquam fuit, instat Moyſis suscipit: primus eam defendit: in foro, in templo, in confessu principum solus loquitur. Ecclesiam deinde Jerosolymitanam ex pluribus hominum millibus cum collegisset; præscribit leges, & in prævaricantes ANANIAM, & SAPHIRAM præſenti supplicio animadvertit. Post hæc Samariam procurans, Simonem magum anathemati subjicit; tum Ecclesias universas lustrat: perinde, ut ait Chrysostomus, velut *dux in exercitu legiones omnes obambulat*. Tandem cum jam tempus instaret quo quod erat præcipuum in molitione Ecclesiæ, perficiendum foret, istud scilicet, ut *habitaræt lupus cum agno, pardus cum bædo accubaret; vitulus & leo & ovis simul morarentur; vitulus & ursus pascerentur simul, & leo quasi bos comederet paleas*: quid? annon PETRUS rursum ille, cui præ omnibus procuratio ea demandata divinitus fuit? Heinc in Concilio Hierosolymitano: *Viri fratres*, ait, *vos scitis, quoniam ab antiquis diebus Deus in nobis elegit per os MEUM audire gentes verbum Evangelii & credere*. Atque ut de Concilio ipso & quas in eo partes PETRUS obierit, nihil in præſens dicam: PAULUS certe ne cui suspectus eſſet, Jerosolymam abiit *ισορητοι* *πետρον*, quod est, *percontandi conferendique cum eo causa*: idemque quoties

ties cum summis sese Apostolis comparat, PETRI nominatim facit mentionem.

Hæc inquam omnia in unum colligata filum si attendantur, non avelantur vero ab sese invicem, nec dissipentur; puto qui pervicacissimus non esse voluerit, luctari porro tricarique desitutum. Nam mutemus tantisper, quam in Evangelio CHRISTUS adhibuit parabolam de rege. Peregre profecturus hic Ministros sibi ex multis seligat, eademque qua CHRISTUS forma ac modo in administrationem regni sui vicariam eos immittat: dein unum vero præ omnibus ac coram cæteris sic adloquatur, ut CHRISTUS PETRUM; idemque unus eodem quo PETRUS loco in instrumentis publicis recenseatur: unus in administratione regni similia ac PETRUS faciat: num dubitaret quispiam, quin eximium in hunc atque eminens sit quiddam collatum a Rege, in cuius societatem perinde alii admissi non fuerint? *

Facebant nunc igitur nugæ cavillæque putidæ hæ atque similes JURISCONSULTI: Esse Apostolos iidem fundamenta Ecclesiæ: esse his etiam ligandi solvendique datam potestatem: etiam istos pastores orbis a Christo positos. Quis enim neget? Non de hoc disceptatio nobis tecum, FERRONI, est, nec cum tuis gregalibus: quod tu cum minime opus esset, pluribus testimoniis probare voluisti, ut aliquid in vulgus dicere videreris. Non, inquam, hoc negamus, nec hoc contendimus. Sed illud: sic esse fundamenta Apostolos; sic pastores item, & ligandi solvendique auctoritate præditos, ut in eodem ipso tamen genere peculiare sit quiddam ac præstans concessum PETRO, neque titivillitis illud tuis constans solummodo, sed solidum, eminens, atque tale, quale inficiari præter te ac similes tui, nemo volet. Aut an tu putas, ad honoris qualemcunque umbram referre me apparatus illum posse dictorum CHRISTI, cuius cupiditatem in Discipulis suis ipse toties represserat? Putas tanti qualiacunque illa tua, quæ PETRO reliqua facis, me pendere, uti digna arbitrer quorum causa cum prædicenda ei primum fuerit impositio novi nominis *Cephæ*, tum imponendum hoc & cum maiestate quidem ista verborum: *super hanc petram ædificabo Ecclesiam meam*? Tanti, uti hoc etiam addendum fuisse videatur, ædificatum sic iri super hanc petram, ut portæ inferi nunquam ei prævaleant? Dicam disertius. Scripsisti (puto enim te memorem fore) tantum neque plus aliquid concessum in Ecclesia esse PETRO, quam Primati alicujus provinciæ, velut in Africa CYPRIANO. Hujus autem hoc uno auctoritatem finisti, quod honore ac loco præiverit, atque & convocare cæteros, cum opus esset, potuerit, & amice officii sui com-
I i 3 mone-

* V. Diff. Theol. P. Clem. Becker S. J. Monast. Westph. Tom. I. pag. 95.

monere; credo, ad eum modum, quo in piis sodalitatibus, quas *confraternitates* vocamus, monitores quidam eligi consueverunt, ac præfecti, quorum nulla alioquin potestas, nulla Jurisdictio esse solet. Cedo autem! Si aut CYPRIANUS de se, aut de eo alius quivis ad officium hujusmodi respectans, neque aliorum aliquo intendens oculos, hoc modo dixisset: *Hunc Claves habere Regni Cælorum, hunc Petrum esse, hoc tanquam inmobilem petra Ecclesiam Africanam stare, atque stare sic, ut inferorum pertimescere vim nullam debeat*: qui audisset tumorem illum ac pompam, an sine risu audisset? Mihi quidem non ea minus jocularis esse videtur, atque Poetarum illa trivialium, qui cum laudare aliquem volunt, quantumvis tenuem, syderibus solent comparare lunamque aut etiam solem illum facere:

IV. Et ut de eo, quemadmodum facis, altercari desinas, quid *Clavium* nomine significaverit CHRISTUS, dum ita dixit: *Tibi dabo Claves regni cælorum*: mea hæc quidem sententia est, quam nullo clamore tuo mihi eripies, non esse ligandi solum, solvendique, hoc est, peccatorum remittendorum aut retinendorum potestatem, ad quæ duo subin usus metaphoram transtulit, significata: sed diffusius quiddam & multo illustrius: idque ex receptissima locutione sacræ Scripturæ, qua cui Claves dantur civitatis ac regni, is principatum aut rectionem præcipuam habere dicitur. Neque *regnum cælorum* in illo commate beatorum Sedem, sed militantem heic in terris Ecclesiam significat: sic enim identidem a CHRISTO nominatur. Atque ita hujus Ecclesiæ principatum S. PETRUS obtinuit. (65) Sed nolo, ut dixi, tricarî tecum. Id dabis atque istud fatebere, quando Discipulis Dominus agebat, *quæcunque alligaveritis*, adfuisse una cum reliquis PETRUM: tum rursus quando insufflando ad eos dixit: *quorum remiseritis peccata, remittuntur eis*, adfuisse PETRUM: Atqui non his contentus, significanter præterea non modo ligandi, solvendique jus, unum adloquens PETRUM, huic concessit verbis hujusmodi: *quodcunque solveris, quodcunque ligaveris*; sed *Claves* insuper adjecit: *Et tibi dabo Claves*, quæ nusquam alibi est usus majestate verborum. Et vero quod identidem inculcare opus est, facit tum, quando beatum adpellavit SIMONEM, nomenque *Petri* aut *petræ* imposuit, & super hanc petram Ecclesiam moliri se dixit, quam contra robur Sathanæ & apparatus omnis prævalere non possit.

aut

(65) Vide Apologeticon Doctiss. KAUFFMANS. Diss. I. §. II. cujus demonstrationem luce clariorem merito P. SCHMIDT vocat Institut. Juris Eccles. Tom. I. pag. 172. — Cl. Held, quem una cum eo laudat, nondum vidi opus.

Aut sapientiæ igitur detrahe divini Verbi, aut fatere atque concludere, non rem esse eandem in Apostolos collatam cæteros, quæ est in PETRUM; aut si res una est, hanc eandem præstantiore saltem & excellentiore quodam modo in PETRUM collatam esse. Qui quidem qualis sit modus, ex traditione Majorum & præceptionibus catholicæ fidei nos loco suo explanabimus. Habe interim hoc tibi, quod a Genevensium sanctissimo Præsule, FRANCISCO SALESIO commendatum est literis: *Hereticorum ministri*, inquit ille, *omnem lapidem movent, ut quantum possunt, inquinent fontem Evangelii; ne Petrus ibi reperiat Claves suas. Nihil intentatum relinquant, ut nos avertant ab obedientia, quæ debetur Vicario Christi. Quid autem fecerunt? Dixerunt S. Petro promissionem a Domino factam nomine totius Ecclesiæ, sic, ut nullum privilegium peculiare concessum fuerit ipsius personæ. Si igitur hoc interpretandi modo non pervertatur Scriptura, nunquam ab alio in alienum sensum detorquebitur. Nonne enim Petro locutus est Dominus? & quomodo clarius mentem suam exprimere potuit, quam his verbis: Et ego dico TIBI? cum enim immediate antea locutus fuisset de Ecclesia, dum ait: PORTÆ INFERI NON PRÆVALEBUNT ADVERSUS EAM: quidnam obstat, quo minus adjunxisset: Et dabo ILLI Claves regni, si illas immediate dare voluisset Ecclesiæ. Non dixit ILLI, sed DABO TIBI. Quodsi liceat explicare loca clara, nihil omnino in Scriptura reperietur, quod in omnem sensum detorqueri non possit. (66) Hæc sane velim attendas, hæc meditare. Sed erro. Jam enim objectam tibi eam sententiam cum video; simul, quo illam loco habendam putes, intelligo. Fuit, inquis, vir hic sanctissimus magnus Asceta, an in studio critico Canonum & Conciliorum peræque expeditus, dubitare licet. (67) Apre. Habeo vehementer cur SALESIO gratuler, quod inter mercenarios Romanæ Curiae & adulatores cum vulgo reliquorum Theologorum non sit a te positus: tum & KAUFFMANSIO eruditissimo viro ago magnas gratias, quod quantus Asceta vir hic sanctissimus fuerit, opportuno te exemplo docuerit. (68) Sed quod de Studio critico*

mur-

(66) Serin. 32. de Ecclesia, qui in Bibliotheca Chisiana Romæ adservatur.

(67) Objecerat post Excell. Comitem de GALLENBERG hunc ei locum Cl. P. Schmidt in Institutionibus Juris Eccles. doctissimis: Qui ipse Tomo III. pag. 287. eo quo dixi modo respondit, ac nihil prætere.

(68) Febronianus est flosculus Tom. II. pag. 269. FLEURII, cujus ipse (KAUFFMANS) non est dignus solvere corrigiam calceamenti. Respondit hic præfat. ad secundam edit. Apologetici pag. 27. Acerbe pro verbi divini reverentia S. FRANCIS. SALESII æger medicum corripuit, dum eum sibi pharmacum parantem interrogans, quid faceret, responsum accipit: Quod ego facio, tu nescis modo, scies autem postea. Quid vero dixisset, siquem Adversario suo intorquentem audivisset verba, quibus divinam Christi sublimitatem per hebraicam phrasin expressit S. Præcursor?

murmuras, velim audire aliquanto a te clarius. Quid ergo vis? Jurisconsultum non fuisse FRANCISCUM SALESIUM? at magisterio donatus fuit utriusque Juris. *Decretalibus* ISIDORI fuisse deceptum? atqui non nititur ISIDORO: mentionem ejus non facit; in sola CHRISTI hæret sententia; hanc ex verbis, quibus contexta, prolataque est, explicat, manifestamque esse dicit ex sese, probat, ostendit, demonstrat; solis, quæ nobiscum natæ sunt, hermeneutices regulis, solo hominum communi sensu, mente, usu, intelligentia pugnat; GRATIANUM, cum diceret ista ad populum, non cogitavit. — Sed enim vidisti tu forsitan in genuinis Canonibus, quod conciliari cum Oratione illa SALESI non possit? Age Doctor! quoniam tamen sic ornas eos, qui te impugnarunt, vide quam sim *audax* ego & *presumptuosus*! Ostende ullum tu mihi Canonem, ullum Concilium, ullam vocem, literamve alicujus Concilii aut Canonis, quibus, quod est Scripturam hoc modo interpretatus SALESIUS, haud esse recte interpretatum, non ad probabilitatem dico ostendas, sed ad speciem, ad umbram (fingam voces, quoniam cogor) vel ad somnium probabilitatis. Non potes; certus sum, omnino non potes. Quid ergo garris? Cæterum sic habeto: a me, si quem hominem intuear, cujus tanquam mare incitatum, perpetuis fluctibus agitur animus, nec unquam loco consistit; qui quemadmodum spoliis ditescat turpissimis, quemadmodum oculis fideique publicæ illudat, constanter quærit; cujus una dos est, contemnere, despiciere, ridere omnes, audire neminem; tumultu, æstu, furore, incendiis vincere; hujusmodi, inquam, a me hominem ineptissimum ad Scripturæ sacre comparandam scientiam putari. Nam illud Scriptura ipsa me docuit: sic quippe ab Apostolo JACOBO est traditum: *Quod si Zelum amarum habetis, & contentiones sint in cordibus vestris; nolite gloriari, & mendaces esse adversus veritatem: non est enim ista sapientia desursum descendens, sed terrena, animalis* (non addam tertium, ne te nimium offendam) *Quæ autem desursum est sapientia, primum quidem pudica est, deinde pacifica, modesta, suavis, bonis consentiens, plena misericordia & fructibus bonis, non judicans, sine simulatione. Fructus autem justitiæ in pace seminatur, facientibus pacem.* (69) Redi ad te ipsum vero nunc, ac sive ad ea, quæ in *Præfatione*, ubi modestiæ & urbanitatis tuæ exhibui specimen, sive ad illa, quæ per decursum hujus demonstravi operis: rum
statu

statue apud te, tibi, an FRANCISCO SALESIO sit deferendum? Quodsi ex fructibus disceptanda res sit; a SALESIO quidem duo ac septuaginta hominum millia ad catholicam reducta fidem fuisse accepimus; interque eos, doctrina & generis nobilitate multos conspicuos: tu quem stabularium, tamen in omnes linguas sit liber tuus translatus, converteris; cui vel animum redeundi, toto, quo es in armis, decennio, injeceris, neminem nosti, neminem ostendes: neque vero qui vel oblati a te conditionibus sponderet reditum, ullus fuit. Sed hæc satis: est enim dolor, qui mihi ista extorsit. Tu de SALESIO interim, quod voles, senti: sed argumentis saltem a me productis responde aliquid! Cavebis autem, ne quam tibi conditionem tulimus disputandi, hanc prævariceris. Tanquam si ita succurreret animo tibi fortassis: quod primus nominetur Petrus in Evangeliiis, quod primus loquatur, defendat, leges ferat, puniat, ac quæ similia modo referebamus; non hæc tanta suamet indole atque se solis esse, ut præter προεδριαν & prærogativam Præsidis in senatu multum præferant. Nihil enim dicturus es: nam conjungenda sunt ea, ut monui cum superioribus, atque in illud intendendum; ideo primum nominari Petrum, facereque ista, quoniam Petrus est, & significanter ei præ cæteris dictum: *Tu es Petrus*, ac quæ sequuntur. Idem de Joannis, quem vellicas, loco, *Pasce agnos meos, pasce oves meas*, considerandum tibi erit. Est enim in totam connectendus seriem dictorum CHRISTI atque factorum, primaque mediis & ultima primis aptanda sunt. Tandem ut hoc etiam moneam, frustra fatigabis calamum, ut Lucæ eum locum in ordinem redigas, in quo se CHRISTUS pro fide PETRI rogasse dicit. Nam id semper retinendum tibi animo est, PETRUM esse, pro quo rogaverit. Et ut apud *Matthæum*, non qua homo erat ex ossibus & carne constans, sed qua divinitatem professus CHRISTI, nomen PETRI sortitus est, fundamentumque factus & petra Ecclesiæ, & inferorum apparatui cuivis bellico instar rupis cujusdam oppositus: sic eadem modo est fides, quam periclitaturam CHRISTUS prædicit ab sathanæ insidiis, & pro qua, ne in PETRO detrimentum capiat, confirmetque ille fratres reliquos, fuisse preces se ad æternum Patrem adferit. Verbo: nexus ipse comparatioque inter se rerum atque dictorum oppugnanda tibi sunt. Quod quia intellexisse hæcenus nunquam pro tua vertigine satis videris: παραδειγμα tibi aliquod construam, cum quo laborem si tuum contuleris, miserebit te tui, atque pudebit, tam multa cum scripseris, bonum otium, scribendo nihil, tibi effluxisse.

PRÆROGATIVÆ APOSTOLORUM SED COMMUNES
ILLIS CUM PETRO.

I. Vocavit Discipulos suos, & elegit duodecim ex ipsis, quos & Apostolos nominavit, Simonem quem cognominavit PETRUM, & Andream fratrem ejus, Jacobum & Joannem &c. & JUDAM Iscarioten, qui fuit proditor. Lucæ VI. 13. Matth. X. 2. Marci III. 13.

II. Quæcunque alligaveritis super terram, erunt ligata & in cælo, & quæcunque solveritis super terram, erunt soluta & in cælo. Matth. XVIII. 18.

Qui vos audit, me audit, & qui vos spernit, me spernit. Lucæ X. 16. Matthæi X. 40. Joann. XIII. 20.

III. Locutus est eis dicens: Data est mihi omnis potestas in cælo & in terra: euntes ergo docete omnes gentes, baptizantes eos in nomine Patris & Filii, & Spiritus S. docentes eos servare omnia, quæcunque mandavi vobis: & ecce ego vobiscum sum omnibus diebus, usque ad consummationem sæculi. Matth. XXVIII. 18. seq. Marci XVI. 15.

IV. Sicut misit me Pater, & ego mitto vos. Et cum hæc dixisset, insufflavit, & dixit eis: Accipite Spiritum S.: Quorum remiseritis peccata, remittuntur eis: & quorum retinueritis, retenta sunt. Joann. XX. 21. seqq.

PRÆROGATIVÆ PROPRIÆ UNIUS PETRI.

I. Simonem, quem cognominavit Petrum. I. c. Intuitus autem eum JEsus, dixit: Tu es Simon filius Jonæ, Tu vocaberis Cephas, quod interpretatur, Petrus. Joann. I. 42.

Beatus es Simon Barjona &c. Et ego dico tibi, quia tu es Petrus, & super hanc petram ædificabo Ecclesiam meam, & portæ inferi non prævalent adversus eam. Matth. XVI. 18.

II. Quodcunque ligaveris super terram, erit ligatum & in cælis, & quodcunque solveris super terram, erit solutum & in cælis. Ibid. 19.

III. Cum ergo prandissent, dicit Simoni Petro JEsus: Simon Joannis diligis me plus his? Dicit ei: Etiam Domine! tu scis, quia amo te. Di-
cit

cit ei: Pasce agnos meos. Dicit ei iterum: Simon Joannis diligis me? Ait illi: etiam Domine, Tu scis, quia amo te. Dicit ei: Pasce agnos meos. Dicit ei tertio: Simon Joannis, amas me? Contristatus est Petrus &c. & dixit ei: Domine tu omnia nosti, Tu scis, quia amo te. Dixit ei: Pasce oves meas. Joan. XXI. 15. seq.

Simon Simon: ecce sathanas expetivit vos, ut cribraret sicut triticum: Ego autem rogavi pro te, ut non deficiat fides tua: & tu aliquando conversus confirma fratres tuos. Lucæ XXII. 31.

IV. Et Tibi dabo claves Regni Cælorum. Matth. XVI. 19.

Post ascensionem Christi ad omnes quidem Apostolos pertinent ista. Act. 1. 8: *Accipietis virtutem supervenientis Spiritus S. in vos, & eritis mihi testes in Jerusalem, & in omni Judæa & Samaria & usque ad ultimum terræ. Sed excellentiam PETRI quam sunt multa in Apostolorum gestis, quæ demonstrare possint?*

Ex his jam vides, quam te inepte in iis coacervandis rebus exercueris, quæ Apostolorum sunt a Christo desponsa toti cætui. Velut quod Spiritum sanctum iis pollicitus fuit, quod futurum se cum illis recepit, quod mittere se eos, ut ipse missus fuit, & quæ horum similia, quibus ut tu vim aliquam adderes ad arietandum; uncialem typum obtudisti. Nihil opus erat. Jam enim intelligis, etiam omnia illa cum ita se habeant; dubitari neutiquam posse, quin sit magnificum & excellens aliquid PETRO datum, quodque uni sit proprium PETRO, & in cujus communionem Apostolorum adduci nemo alius possit. Atque huic tu rei evidenti eo minus refragari voles, si attenderis, quid Majorum traditio, quid Christiana te omnis antiquitas doceat.

§. IV.

Ostenditur idem ex doctrina Patrum.

I. **R**epetantur igitur primo omnes ii Ecclesiæ Patres, quorum supra ac per decursum relatæ sunt a nobis sententiæ, quique *petram SIMONEM PETRUM* interpretati omnes sunt, & *super banc petram Ecclesiam* esse fundatam dixerunt: nam ex singulis intelliges, eximium eos quiddam in PETRO, non vero larvam aliquam Primatus collatam putavisse. Dein his nomi-

nominum, quæ PETRUM ornant, amplitudinem atque præstantiam adde. Ut cum *verticem ac principem Apostolorum* CYRILLUS Hierosolymitanus eum vocat; cum *ἐκκρεῖτον eximium & præcellentem* BASILIUS; CHRYSOSTOMUS κορυφαῖον πάντων, *omnium verticem: ἡγούμενον τῶν ἁγίων μαθητῶν, κορυφαῖον τῶν μαθητῶν, ἑξάρχον τῶν Αποστόλων, principem, ducem, exarchum sanctorum Discipulorum & Apostolorum* CYRILLUS Alexandrinus, PROCLUS & ISIDORUS PELUSIOTA. Atque iterum CHRYSOSTOMUS καθηγητὴν τῶν Αποστόλων, ἀρχὴν τῆς ὀρθοδοξίας, μέγαν τῆς ἐκκλησίας ἱεροφάντην, τῆς οἰκουμενικῆς ἀπάσης διδασκαλόν, *magistrum Apostolorum, caput atque initium orthodoxæ fidei, summum Ecclesiæ Pontificem, terrarum universi orbis præceptorem.* (70) Ab aliis ἀρχιποιμὴν vel ποιμέναρχης S. PETRUS adpellatur, quæ vox principem omnium pastorum significat, & est CHRISTO alioquin tributa a S. PAULO. (70)

Jam ex Latinis (prætereo enim græcos innumeros, quos per decursum hujus operis citabo) quotumquemque mihi Adversarius dabit, qui non simili honorificentia vocabulorum S. PETRUM sit prosecutus? Quærat ac proferat: nolo enim molestior Lectori meo accidere: Sed contentus his ero, atque Cassianum tantummodo addam, qui in tertio de Incarnatione libro cap. XII, *interrogemus*, inquit, *summum illum & inter discipulos discipulum, & inter Magistros Magistrum, qui Romanæ Ecclesiæ gubernaculum regens, sicut fidei habuit, ita & Sacerdotii principatum.*

Atque hic me ad communem imprimis sensum hominum converto, ac volo dici mihi, quæ sit vocibus istis atque nominum istorum Majestati in humana republica tributa significatio? Equidem sic plane existimo, ne audiri quidem illa posse, quin sublime quiddam statim succurrat atque magnificum, neque unquam mihi persuaserim, Monitorem aliquem inter plures æquales, cujusmodi a FEBRONIO Ecclesiæ Primas nobis describitur, *caput, verticem, ducem* atque *principem* adpellari posse cæterorum, minus reliqua in talem convenire posse, quæ sunt a priscis usurpata Patribus Ecclesiæ, & in sanctum Petrum magnis studiis accumulata.

Quamquam non ego is esse volo, qui sola vocum ponderatione rem momenti gravissimi librasse videar. Esto, non sit summa semper in ap-
pen-

(70) CYRILLUS Hieros. Catech. 2. pag. BASIL. L. I. de Baptif. pag. 655. CHRYSOST. hom. 38. in 1. ad Corin. CYRILL. Alexand. epif. 8. PROCLUS Orat. VIII. ISIDOR. Pelus. Lib. I. epif. 356. CHRYSOSTOMUS iterum hom. in Ss. Pet. & Paul. Tom. VI. p. 315.

pendendis illis religio: ajo, hoc præterea inesse illis encomiis, quod ex scripturarum sint oraculis nata; iidemque, a quibus collata sunt in S. PETRUM, ad pollicitationes illas amplissimas PETRO factas, & Evangelicæ narrationis summam respexerint. Faciamus nunc, vera esse, quæ SPALATENSIS Apostata, FEBRONIUSQUE & contubernales ejus scribunt. Quid fiet? Etenim si illos audiamus, nihil solidæ eminentisque rei ac potestatis accepit PETRUS, sed ad omnes CHRISTUS respectum ex æquo habuit, sive tum, quando PETRUM adpellavit, Ecclesiamque fundare super eum se dixit, sive quando Claves pollicitus est Regni Cælorum, sive denique, quando ovium agnorumque curam præ omnibus aliis ei demandavit. Quod itaque reliquum sit PETRO, nihil est, præterquam sonus fluens ille ac minime consistens verborum CHRISTI; partimque hoc, quod unum est adlocutus, quo concordiam atque pacem commendaret, partim vacua & efficientiæ expers adpellatio, qua non procuraret ille quidem firmitatem Ecclesiæ; sed portenderet tantum & instar signi cujusdam arbitrarii signaret. Quid autem? tantane hæc, ut *principatum habere fidei ac sacerdotii dici debeat?* ut *princeps, vertex, atque caput cæterorum*, ut *Pontifex summus*, ut *magister magistrorum* nominari? Ego vero vanissima hæc fore puto ac plane ridicula: prorsus ut si quis filium ISAÏÆ domitorem Damasci ac Samariæ & liberatorem Judaici populi propterea adpellandum existimaret, quod hæc ille eventa, injecto divinitus nomine *Maber schalal* instar typi cujusdam ac signi portenderit.

II. Et funditur latissime quidem hæc ratio, imbuuntque cæteras etiam sententias, quæ magno numero ex sanctis Patribus adferri possunt. Ex his alii singulare a CHRISTO præmium datum PETRO scripserunt. Ut HILARIUS, qui quod fide Petrus præstaret, *supereminentem* a Christo gloriam promeruisse dicit. Quod & CYRILLUS adfirmat in IV. de Trinitate libro, ac LEO Magnus, OPTATUS, Auctor sermonis XLVII. apud AMBROSIIUM, RABANUS, passimque cæteri. (71) Alii καὶ ἐξουίαν, id est, secundum excellentiam accepisse Claves adserunt, & *pastorem* factum, velut HILARIUS iterum, qui in Psalmum CXXXI. quanto mortis desiderio CHRISTUS flagrarit, ex eo probat, quod ne PETRO quidem, impedire se ab il-

k k 3

la

(71) Lib. V. de Trin. pag. 63. LEO. M. epist. V. ad Epist. per Illyricum: *Apostolica dignitatis Beatissimo Apostolo Petro Primatum, fidei suæ remuneratione commisit, universalem Ecclesiam in fundamentis ipsius soliditate constituens &c.* OPTATUS Lib. VII. advers. Parmenianum. pag. 190. seq. RABANUS Commen. ad *Tibi dabo Claves.*

la cum veller, pepercerit, sed convicio fathanæ nuncuparit. *Petrum*, inquit, cui superius claves regni cælorum dederat; super quem Ecclesiam ædificaturus erat; *Petrum primum filii Dei confessorem, Ecclesiæ fundamentum, cælestis regni janitorem, & in terreno judicio judicem cali.* (72) Atque sic etiam BASILIUS Magnus in eo libro, qui de judicio Dei inscribitur: *Ille B. Petrus, qui & cæteris antelatus discipulis fuit, cuique magnificentius quam reliquis omnibus datum testimonium est, magisque quam reliqui omnes beatus appellatus, cui Claves regni cælestis commisit. Sed pulcherrime PETRUS DAMIANI: Cum, inquit, intueor Petrum, quem ipsa manus Omnipotentis regni cælestis clavibus investit; cui Pater revelat filii majestatem; super quem fundatur Ecclesia; cui potestas ligandi & solvendi conceditur, qui cælos claudit & aperit, vehementer admiror &c.* (73)

EPIPHANIUS καὶ ἔξοχην pariter, seu secundum excellentiam illud sumpsit: *Pasce oves meas*, dum ita scripsit: *Hic est, qui audivit: pasce oves meas: cui concreditum est ovile.* (74) Sic & OPTATUS MILEVITANUS, cujus pervulgatum hoc est: *PREFERRI omnibus Apostolis meruit, & claves regni cælorum communicandas cæteris SOLUS accepit.* (75) Ubi tamen & cæteris suo quodam modo communicandas fuisse Claves dicat: principaliter tamen, proprioque ac peculiari quodam modo fuisse PETRO pronuntiat datas. Sed de illo nos loco alibi.

CHRYSOSTOMUS item: *quem toti terrarum Orbi præfecit Petrum; cui Claves cælorum dedit, cujus arbitrio & potestati cuncta permisit.* (76)

Ac V. BEDA: *PETRUS SPECIALITER claves regni cælorum, & PRINCIPATUM judiciarie potestatis accepit.* (77) Quæ etiam verba HINCMARUS REMENSIS transcripsit ac sua fecit in epistola XXXIII. ad nepotem HINCMARUM Laudunensem. Tandem ut ex antiquissimis unum proferam, ita ORIGENES: *PETRO cum summa rerum de pascendis ovibus traderetur; nullius alterius virtutis confessio, nisi Charitas ab eo exigitur.* (78) Sed instar omnium Ritualium Ecclesiarum libri esse possunt. Hi enim non unius tantum

(72) HIL. in Psal. CXXXI.

(73) BASILIUS Proemio de judicio Dei N. VII. pag. 221. Tom. II.

(74) In Ancorato. p. 15.

(75) OPTAT. l. c.

(76) CHRYS. Hom. de Ignat. Martyre. T. I. p. 567.

(77) BEDA in Homil. de Ss. Petro & Paulo.

(78) ORIGENES in Cap. 6. epist. ad Rom. Lib. V. circa finem.

tum sunt hominis, verum tot, quot Ecclesiam aliquam Christianorum constituunt; tum vetustatem ac diuturnitatem communis fidei, velut facta heroum columnæ ac statuæ, ab oblivione vindicant traduntque posteris. Loquor de iis autem hic libris, quibus pœnitentes reconciliandi absolvendique formulæ in diversis olim Ecclesiis usitatæ describuntur: quarum ex omnibus non nisi unam observare mihi hætenus licuit, in qua siquidem mentio Judiciariæ a Christo traditæ potestatis fiat, non fiat Petri etiam nominatim, iisque verbis, quæ ἐξουίαν, id est, excellentiam in eodem illo genere potestatis necessario significent. Certe constantissima perpetuaque hæc fere formula est: *Absolvimus vice B. Petri Apostolorum principis, cui Dominus potestatem ligandi atque solvendi dedit.* (79)

Universe tam sunt magnifica in rem eam a veteribus consignata literis quam plurima, ut qui excellentem ac plane eximiam in iis potestatem colatam PETRO videre se neget: tamen si Deum ac superos testes faciat, crediturus nunquam illi sim. Nisi forte hoc una addat, se cæcum ac stupidum esse, ac neque videre, neque intelligere quicquam posse.

Sic quale est, quod contra SALMASIUM scribens PETAVIUS in sancto CHRYSOSTOMO observat? Constantinopolitanus cum esset Episcopus, postquam in Synodo secunda ibidem celebrata, proximus post Romam veterem locus Sedi illi constitutus esset; ut quod recentiores postea fecerunt Patriarchæ, parcius indulgere ipsum Romani Pontificis dignitati ac primatui PETRI, consentaneum videretur, quo prærogativam honoris nuper acceptam defenderet: illum tamen majore veritatis, quam ejus, quod sua referret, studio ductum, PETRI principatum luculento testimonio adstruxisse Homilia tertia in Actus Apostolorum, cum de MATHIÆ sortitione ageret. Quærit vero istic CHRYSOSTOMUS, cur præ cæteris PETRUS satagat, & de subrogando aliquo in Judæ locum sollicitus sit? ac sibi ita respondet: *Quod fervido esset ingenio, ET QUOD GREGIS EI COMMISSA CURA FUERAT.* Ac paulo post: *Quid igitur? nonne Petrus ipsemet eligere poterat? Poterat quidem, sed hoc non fecit, ne gratiæ deferre aliquid videretur.* Poterat itaque solus per sese PETRUS, quem vellet, successorem designare Apostolatus; & eo hoc nomine, quod curam gregis præ aliis illi Dominus demandasset. Hæc CHRYSOSTOMI est sententia. Quem qui nominat, virum maximum atque doctissimum, & gentis alioquin æmulæ & inflatæ Episcopum ac Patriarcham nominat. (80)

Idem

(79) Vide MORINUM in appendice ad volumen, quod de pœnitentiâ conscripsit. MARTENIUM de antiquis Ecclesiæ ritibus Tomo II. paginis 42. 46. 49. *Quod B. Apostolo &*

Idem alibi Chrysostomus quæstionem movet, cur antiquissimæ celeberrimæque tot a peractis mysteriis Jerosolymitanæ Ecclesiæ non magis Petrus, quam Jacobus præfederit? Ac respondet, Jacobum quidem huic Ecclesiæ, sed Petrum terrarum orbi fuisse præpositum. At vero certe si Evangelii procurandi prædicandique spectetur ratio atque auctoritas; non erat Petrus magis, quam Jacobus terrarum orbi præpositus. Id igitur, quo Petrus magis, quam Jacobus terrarum orbi præpositus fuit, singulare quiddam sit oportet.

Et quid AUGUSTINO FEBRONIANI facient? sunt enim ista illius in eo, quem contra FAUSTUM *Manichæum* scripsit libro: *Quid incongruum, si PETRUS post hoc peccatum factus est Pastor Ecclesiæ, sicut MOYSES post percussum Ægyptium factus est Pastor Synagogæ?* MOYSES an in signum figuramque sterilem adsumptus duntaxat fuit? Nihil ille præcipuum, nihil excellens est consecutus? — Similis, immo eadem MACARII scriptoris græci & antiquissimi sententia est, PETRUM MOYSI successisse, & Ecclesiam novam, quæ CHRISTI est, cum vero sacerdotio regendam & administrandam suscepisse. (81.)

Nec THEOPHYLACTI græci scriptoris, atque adeo Schismatici doctrina a veterum traditione Doctorum hac parte est discrepans. Videtur enim S. CHRYSOSTOMUM fecisse suum: nam in Joannis caput ultimum commentans, cum, inquit, *prandendi finem Christus fecisset, totius orbis ovium præfecturam Petro committit: non autem alteri, sed huic tradit: primum quidem, quia omnibus præcellebat.* (82.)

Quid autem Sergius Episcopus Cypri? *Tu es*, inquit, *sicut divinum veraciter pronuntiat verbum, Petrus, & super fundamentum tuum Ecclesiæ columnæ confirmatæ sunt: tibi & claves commisit, atque ligare & solvere nat' ἐξουσίαν* POTESTATIVE *quæ in terra & in cælis sunt, promulgavit.* (83)
Infini-

Principi Apostolarum nostri ligandi atque solvendi Pontificium tradidisti. Pontificale Anglicanum Monasterii Gemmeticensis ante annos circiter nongentos septuaginta. Pag. 64. 65. 66. 67. in Ordine Ecclesiæ Eboreicensis: *Qui etiam specialiter B. Petro Apostolorum Principi ligandi atque solvendi &c.* & sic deinceps.

(80) PETAVIUS de Hierarch. Ecclesiæ Lib. III. Cap. VII. §. X.

(81) AUGUSTIN. Lib. 22. contra FAUSTUM Cap. 70. Tom. VII.

(82) In Caput ultim. Joann. Confer Hom. Chryf. in Cap. ult. Joan.

(83) Tom. III. Hard. Col. 730.

Infinitus sim, si quæ ab aliis in eandem consignata sententiam fuerunt, proferre velim. Quamobrem duobus claudam hunc locum: quos ut a Febro-
nianis dentibus, contumeliaque præstare possim, minime vereor, quoni-
am ambos etiam Græci in sanctissimorum Pontificum numero habent, &
infinitis laudibus tota antiquitas eos celebravit. Sic LEO Magnus in sermo-
ne tercio de adsumptione sua: *De toto mundo unus PETRUS eligitur, qui
& universarum gentium vocationi, & omnibus Apostolis, cunctisque Eccle-
siæ Patribus præponatur. Ut quamvis in populo Dei multi sacerdotes sint,
multique pastores: omnes tamen proprie regat Petrus, quos principaliter re-
git & Christus.* (84) Quæ verba etiam ODO Cluniacensis adoptavit, & in
sermone suos transtulit.

Dein GREGORIUS, & ipse Magnus cognomento, ac submississimi vir
ingenii: *Cunctis, ait, Evangelium scientibus liquet, quod voce Dominica
sancto & omnium Apostolorum PETRO principi totius Ecclesiæ cura commis-
sa est. Ipsi quippe dicitur: Petre amas me? pasce oves meas. Et post quæ-
dam: Cura ei totius Ecclesiæ & principatus committitur.* (85) Atque hæc
sufficere in præsens possunt ad os homini consuendum sociisque ejus: a
quibus si rationem poscas eorum, quæ garriunt ac perstrepunt; nihil con-
cinni audies, nihil aptum, nihil solidum: sed quasi fato quodam suo ad
antiquas ineptias semper revolvuntur; non tam ut quicquam agere, quam
nihil dicendo turbare voluisse videantur.

§. V.

Respondetur ratiunculis a FEBRONIO corraſis.

I. Tale est illud, quod de *fundamenti* adpellatione objiciunt: esse CHRI-
STUM videlicet *fundamentum* Ecclesiæ suæ; hunc *lapidem angula-
rem*; hunc *caput essentiale*. Idem enim cum CLAUDIUS SALMASIUS objecit-
set, homo Episcopalis non minus, quam Pontificii inimicus & hostis no-
minis: responsum sic ei fuit a magno PETAVIO in tercio de Ecclesiastica
Hierarchia libro: *tritam & obsoletam eam esse ratiunculam, quam in Puri-
tanis conventiculis opifices ac sellularii elatrare soleant. Tum exemplo MOY-*

L I

SIS

(84) Serm. III. in Annivers. pag. 3.


(85) Lib. V. Epif. XX. ad Mauritium Aug. pag. 748.

sis ita hominem repellit: " Moses certe universo Israelitarum populo & " Ecclesiæ Dei, id est, synagogæ tanta auctoritate præerat; ut etiam Dei " titulo Deus ipsemet eum honestaret, & ad veri præpotentisque simili- " tudinem Prophetam illi fratrem suum assignaret Aaronem: Neque ta- " men suis, ut ita dicam auspiciis rem illius populi gerebat: sed vicaria " præfectura fungebatur, cum esset Judaica πολιτεία, ut ait JOSEPHUS, " Θεοκρατία quædam, quod genus in humana gubernatione inauditum " hætenus fuerat. Quocirca licet caput esset, pastorque populi ac prin- " cept MOYSES; nihil hoc tamen obstabat, quo minus summus eidem præ- " esset populo, adeoque MOSI ipsimet & AARONI, & aliis utrique subje- " ctis curatoribus moderator ac princeps Deus: eo quod diversi sint or- " dinis ambo illi principatus, nec se invicem excludant. „

Ad eundem itaque modum in Ecclesia CHRISTI, quæ & ipsa Θεοκρατία quædam est, & in qua PETRUM MOYSI suffectum vidimus, res habet se. Et huc AUGUSTINUM spectasse adserit vir doctissimus, in Tractatu ad Psalmum LXXXVI, ubi declarat, qua ratione Apostoli & Prophetæ funda- menta dicantur, cum sit *fundamentum* Ecclesiæ CHRISTUS, præter quod *nemo aliud potest ponere*. Quomodo putamus, ait ille, nisi quemadmodum aperte dicitur *sanctus sanctorum*; sic figurate *fundamentum fundamentorum*? si ergo *Sacramenta cogites*; CHRISTUS *sanctus sanctorum*: si *gregem subdi- tum cogites*; CHRISTUS *pastor pastorum*: si *fabricam cogites*; CHRISTUS *fun- damentum fundamentorum*.

Et adversus hæc languidi sunt, inquit PETAVIUS, irritique conatus om- nes & impetus Messalini Cathari

Velut in somnis, oculos ubi languida pressit
Nocte quies, nequidquam avidos extendere cursus
Velle videmur: & in mediis conatibus ægri!
Succidimus: nec lingua valer: non corpore notæ
Sufficiunt vires, nec vox aut verba sequuntur.

II. Quæ nos eadem JUSTINO FEBRONIO magnis literis adscripta volu- mus. - Non enim minus ille, quam iste CLAUDIUS sudavit dormiens: ut cum ita subjunxit: CHRISTUS est *unicum & primarium fundamentum suæ Ecclesiæ*. Et si PETRUS dicatur secundum, & *ministerium fundamentum*, debet & tantundem asseri de aliis Apostolis. Id quod ex ORIGENIS pro- bat verbis illis super Matthæum: *Petra enim est quilibet Christi Discipulus*,


Et super talem petram construitur omnis Ecclesiastica doctrina. Quodsi super illum unum Petrum tantum existimas edificari totam Ecclesiam; quid dicturus es de Joanne filio tonitruui & Apostolorum unoquoque? Nec minus tum, cum ex Janfenista se suo defendens, Non, inquit, diffiteor, verba, Tu es PETRUS, a quibusdam Patribus ipsi Petro fuisse adscripta; verum iidem Patres & alii eandem prærogativam nulli Collegarum ejus dene-garunt. Quorum in censum præter ORIGENEM, TERTULLIANUM insuper, & HILARIUM, HIERONYMUM, CYRILLUMQUE, ac NICOLAUM ipsum summum Pontificem referendos monet: nam eos omnes fundamenta etiam Aposto-los reliquos esse atque dici oportere, scripsisse. (86)

Scilicet hoc viro probandum erat, Apostolos Ecclesiæ fundamenta esse? Negaverat illi hoc aliquis? Immo nimis perspicua sunt, quæ PAULUS ad Ephesios scripsit: *Estis cives sanctorum & domestici Dei. superædificati su-per fundamentum Apostolorum & Prophetarum ipso summo angulari lapide CHRISTO JESU.* Quorum est iste sensus verborum: CHRISTUM utram-que colligare Ecclesiam, & Apostolos, atque Prophetas & inter sese, & in se ipso connectere: quod Prophetæ quidem adventurum illum, Judaico populo prædixerint; Apostoli vero advenisse & salutem adferre mundo, inter gentes annuntient. Quo fiat, ut quasi bifariam excurrente, & in unum concurrente summum lapidem fundamento, Civitas una ex duabus existat, cujus cives & incolæ sint Ephesii. Hac ego nihil illustrius unquam Divi PAULI sententia quæsierim. Sed quod inde conficiunt homines acuti, PE-TRUM eodem cum aliis Apostolis censum loco esse, nihilque propriæ, ni-hil præcipuæ sortitum a Christo potestatis: id vero non possum dicere, quam joculare sit. Quasi quoniam omnes Evangelium annuntiarunt, & Ecclesiæ fundamenta prædicando, docendoque jecerunt, ideo præcipuus inter eos nemo, nemo summus esse potuerit?

Deinde quod Origenem objicit, quid sibi vult? Omnes enim ille Christianos; non solos Apostolos esse petras dicit, ac *super quemlibet Christi discipulum* Ecclesiasticam doctrinam construi: quid igitur? Intelligetne ut sapiens? Nam si fundamentum Christiani omnes sunt; quæ igitur civitas erit? non enim civitas esse, aut domus ulla sine parietibus potest. Itaque non naturalem ac proprium, sed accommodatitium, ut ajunt, sensum fe-ctatus hoc est loco ORIGENES: id quod est perfrequens huic Scriptori, at-que aliis etiam Ecclesiæ Patribus, cum ad hominum mores informandos Scripturam admovent.

III. Inter cæteros CHRYSOSTOMUS, & Auctor *Constitutionum Monasticarum* nominari possunt: quem cum utrumque FEBRONIUS objicit, atque alterum BASILIUM esse dicit; facit imperiter rursus: non enim BASILII Constitutiones illæ sunt. Audiamus interim. CHRYSOSTOMUS ad Christi verba illa: *Amas me Petre? Pasce oves meas*, commentatur hoc modo: *Quod non ad Sacerdotes solummodo dictum est; verum etiam ad singulos nostrum, quibus vel minimus grex commissus esse videtur.* Auctor *Constitutionum* vero: *Hæc a Christo ipso docemur, dum Petrum Ecclesiæ suæ pastorem post se constituit. Petre amas me plus his? Pasce oves meas. Et omnibus præterea pastoribus ac magistris eandem tribuit potestatem.*

Sed hæc ipsa cum intentaret nobis Adversarius; ubi erat, obsecro, aut quorsum spectabat? Ergo patres, matresque familias, & gubernatorem in navi, & in exercitu ducem, & in scholis magistrum Episcopos ille totidem faciet? Id enim ex CHRYSOSTOMI commentario, si temere, & illotis manibus tractetur, necesse est consequi. — *Constitutionum* quoque auctor Cœnobitas ibidem ac toto isto in libro adloquitur, & ad obedientiam format. Itaque varia ad eum finem ex veteris ac novi Testamenti libris cum adtulisset; ad *Joannis* postremo delapsus locum illum, præfectos, qualescunque ii demum sunt, qui in commune viventibus præsunt, in Apostolici partem muneris advocare non dubitavit, solvendi, ligandi que pari adferens potestate præditos. *Hujus*, inquit, *rei signum est, quod omnes similiter. velut ille* (PETRUS videlicet: nam de hoc loquitur) *ligent ac solvant.* Quid porro? Ligandi, solvendi que non auctoritas ac potestas alia concessa PETRO & Apostolis fuit, quam cujusmodi Archimandritæ in suos Monachos competit? Apage! quid enim absurdius, abhorrensque magis a fidelium communi sensu, quam Archimandritam suam hoc ipso cœtus, aut patrem familias suæ familiæ esse Episcopum, id est, curationem obtinere rerum Ecclesiasticarum, eadem cum Episcopis potestate, eodem magisterio, eadem auctoritate; sic, ut sola gregum magnitudine aut parvitate distent? Quod si sapit igitur *Jurisconsultus*; admitte, quod in ipso limine sacrarum Literarum tironibus dicimus: Patres non quæ *κατα' ῥητον* ac per sese vis insit verbis, semper attendere; nec item, quid primario ac sæpe unice spiritus sanctus, aut qui protulit ea, CHRISTUS Dominus spectaverit: sed in aliena nonnunquam distrahere: ac cum sit varia scripturam interpretandi ratio, tum ea comprimis delectari quosdam solitos, qua ad mores bene ordinandos vix non invitus aliquando scripturæ locus pertrahitur. Atque ita CHRYSOSTOMUS in Commentarii illa parte, quæ objicitur, fecit, & præceptor quisquis demum rei monasticæ.

Nam

Nam cum Christiano sit cujusvis *mandatum de proximo*; atque aliis quidem, velut parentibus natura ipsa, aliis leges & instituta Majorum particulam, ut sic loquar, aliquam Apostolici muneris, quam imitentur, & adumbrent in sese, & inter suos, commiserit: heinc quæ sunt PETRO dicta præcipue, ad alios quosvis, pro captu tamen uniuscujusque ac modulo transferenda esse putaverunt: pares autem ut PETRO facerent, cogitatum ab illis nunquam fuit; nunquam in mentem tam absurda res aliis, quam hæreticis, & qui vestigia eorum pressit, JUSTINO FEBRONIO subiit. Nam ILLE Democraticum Ecclesiæ regimen commentus est: ILLE neque Pontifici, neque Episcopis, sed multitudini ex Clero constanti ac populo, depositum commisit orthodoxæ fidei. Mirum igitur non est, si quod innoxie & ab securis suarum rerum quibusdam Patribus scriptum fuit, hoc ad fucum ipse faciendum lectori & ad colorem aspergendum hæresi suæ traduxerit.

Quanquam si vel aliquantulum fuisset secum; in eodem quem citat, *Constitutionum Monasticarum* loco vidisset, quantum Auctor Divo PETRO detulerit. Hunc enim diserte *Vicarium* fuisse CHRISTI adfirmat iis verbis: *Petrum Ecclesiæ suæ pastorem post se constituit. Post se, & Ecclesiæ suæ pastorem, & PETRUM quem constituit*: quid absolute, præciseque sic ista posita ex hominum communi sensu ac usu significant? Nonne ἐξουχὴ & excellentiam, proprietatemque hujus, ut sic loquar, muneris [ac potestatis? PETRUS excellenti igitur & quadam propria sibi ac peculiari ratione pastor Ecclesiæ post Christum fuit ex mente præceptoris illius.

IV. At enim instant: Pastores saltem & Episcopi æqualem cum Petro pastionem ovium sortiti sunt. Quid ita vero? AMBROSII, inquiunt, est talis sententia in libro de dignitate Sacerdotali: *Repetitum est ter a Domino: Pasce oves meas. Et quas oves, quem grægem tunc Beatus suscepit Petrus? Sed & nobiscum eas suscepit, & cum eo illas nos suscepimus omnes.*

Si heic iterum monerem, non esse librum illum AMBROSII; facerem pro jure meo sed connivebo. Quæro hoc: an Presbyterum unumquemque aut Parochum, æqualem Episcopo FEBRONIUS faciat? Equidem quis doctrinæ ejus sit nexus, scio, estque jam a me supra demonstratum, in anathematis a Tridentina synodo vibrati censuram, velut in aciem ac mucronem lethiferum, prudentem imprudentemve eum incurrisse. Sed volo diserte nunc affirmateque dicat, an & animo revera sic sentiat? Quod si non illud audet, quamdiu nomen retinet hominis catholici; nonne jam evidens rursus est, haud impure ac rustice capienda esse verba qualiscunque istius AMBROSII sed unius cujusque accommodanda statui ea esse; ut ali-

ter quidem Parochis & secundi ordinis sacerdotibus, aliter Episcopis, atque Apostolis, tum his iterum aliter quam PETRO convenient, cui præcæteris, & excellenti quadam ratione administratio, pascendique ac regendi munus fuit mandatum?

Et quousque fatigabit nos quæso, suis insomniis? *Non SOLUS Petrus pascere oves meruit*: video typum; sed mirari jam desii. Hoc AUGUSTINUS dicit: audio. Sed quid tum præterea? Quasi aut tam nos insani simus, ut dubitemus, aut tam impudentes, ut inficiemur? Immovero cum *ἐρχοµενα*, aut *Pastorum principem* adpellari PETRUM ab antiquis dicimus; nonne multos esse Pastores dicimus? Quorum enim Pastorum primus esset, si solus esset? Ac ne in hoc quidem morosi sumus, ut quod uni alioquin dictum PETRO est: *agnos & oves pascat*; ex obliquo & tanquam ex consequenti dictum aliis esse non patiamur. Sic enim comparatæ res sunt, ut qui curam regni sui committit pluribus, siquidem unum tamen inter omnes designet, in quem tanquam in caput, centrumque ac communem ducem contueri reliquos velit: quod isti uni, idem omnibus censeatur dicere. Atque hoc est, quod AUGUSTINUS commendatum voluit. Subjicit enim: *sed quando Christus ad unum loquitur, unitas commendatur: & Petro primitus, quia in Apostolis est primus*. Quo etiam sensu claves Ecclesiæ in PETRO datas scribit alibi. De Primatu autem tam præclara passim libris suis adspersit, ut qui ad umbratilem pompam ea detorqueant, malitiose faciant. Sic in secundo libro contra Donatistas: *Nos, inquit, in scripturis sacris didicimus, Apostolum Petrum, in quo Primatus Apostolorum tam excellenti gratia præeminet*. (87) Et in primo capite ejusdem libri: *Quis enim nescit, illum Apostolatus principatum cuilibet Episcopatui esse præferendum*. Tum alibi: *Tenet me in Catholica Ecclesia ab ipsa sede Petri Apostoli, cui pascendas oves suas post resurrectionem suam Dominus commendavit, usque ad præsentem Episcopatum successio sacerdotum*. (88)

V. Ac sunt hæc, quæ obijciuntur præcipua: Quod enim CYPRIANUM, HIERONYMUMQUE contra nos excitant FEBRONIUS, & sodalis ejus Janfenista Batavus, sentient alibi, quam incaute fecerint. Quod autem scripturarum etiam sententiis abutuntur, id quidem per vetus hæreticorum est crimen. Horum enim quotuscunque non in ore hæc habuit, PETRUM fratrem, aut *συμπρεσβυτερον* fuisse Apostolorum; fuisse missum ab Collegis suis ad Samaritanas; reprehensum fuisse a PAULO; cumque

(87) Lib. II. contra Donatist. Cap. I. pag. 65. Tom. IX.

(88) Psal. contra partem Donati.

orta de principatu esset inter Apostolos contentio, non dixisse CHRISTUM, tametsi posset, decuissetque dici quam maxime, esse PETRUM a se praelatum, Primatemque & Ecclesiæ caput renuntiatum? Quæ quidem omnia & levissima sunt & obsoleta, paucissimisque sic possunt confici. Primum quid est, quod inter fratres esse major nullus dignitate, curatione & auctoritate possit? Atqui & CHRISTUS Apostolos fratres suos post resurrectionem suam dixit. Et primis Christianis cum Apostoli scriberent, eos fratres suos nominaverunt. Quid? quod Presbyteros tametsi gradu inferiores se ac sibi obnoxios sæpe fratres, etiam Episcopi deinceps adpellaverunt? Ergo hoc quidem ad nœnias. Nec minus alterum, quod de *missione* additur. Est enim exemplis commonstratum, Orientales *mitten-di* uti vocabulo, cum itionem communi consilio, suasu, hortatu, atque etiam precibus susceptam significant. Quo modo qui Antiochiæ erant; Fideles PAULUM atque BARNABAM Hierosolymam dicuntur misisse: (89) atque Phineen principem suum Israelitæ (90) rursumque, ut est auctor Josephus, Ismaelem summum Pontificem. (91)

Sed reprehensus est a PAULO PETRUS? Quid si negem? Equidem CEPHAM aliquem redargutum a PAULO fuisse lego, PETRUM non lego. Est autem certissimis argumentis opus, ut enerventur, quæ sunt producta a nobis, tam clara, tamque perspicua, ut obscurari, implicarique nullis artibus, verborum nulla circuitione possint. Sed do, quod petitur. Nego Majorem a Minore, cum est opus, non posse redargui. Atque hoc CYPRIANUS sumpsit, cum ita scribebat ad QUINTUM Mauritanie Episcopum: PETRUS, quem Dominus primum elegit, super quem fundavit Ecclesiam suam, dum Paulus cum eo disceptavit de Circumcisione, nihil cum arrogantia præsumpsit, nec Primatum ostentavit, sibi que a Junioribus Obedientiam deberi contendit. Quem locum AUGUSTINUS in libro II. de Baptismo ad excusandum CYPRIANUM adhibens: Ecce, ait, commemorat S. CYPRIANUS, quod etiam nos in S. scripturis didicimus, Apostolum PETRUM, in quo Primatus APOSTOLORUM TAM EXCELLENTE GRATIA PRÆEMINET, a POSTERIORE Paulo fuisse correctum. Atque fructum hujus correctionis idem hunc statuit in epistola ad HIERONYMUM: ut non dedignarentur, qui a recto tramite recessissent, a posterioribus corrigi, & confidenter auderent MINORES MAJORIBUS pro defendenda Evangelica auctoritate salva fraterna Charitate resistere. Sed nihil est, cur inhærendum pluribus huic rei putem. Quis enim interpret, quis scriptor polemicus non eam pertractavit? non exhaustit?

Sed

(89) Act. XV. (90) Josue. XXII.
rum. C. 7. vid. Baron. ad an. 35. N. XI.

(91) Lib. 20. Antiq. Judaica-

At contenderunt de Primatu Apostoli? Scio. Sed quid si ideo, quod PETRUM sibi esse a CHRISTO præpositum animadverterint? " Deinde etiam si non intellexissent, inquit MAMMACCIUS, quæ dicta tunc de PETRI principatu tam clare, tam dilucide, tam explicate, tam multis denique verbis a CHRISTO fuerant, an eorum idcirco non fuit PETRUS constitutus a CHRISTO princeps? Id qui concedi sibi volunt, concedant item necesse est, nihil fuisse a CHRISTO, antequam resurrexisset, de suo reditu ad vitam prædictum; propterea quod scriptum ab Joanne de Apostolis fuerit: *Nondum sciebant scripturam, quia oportebat eum a mortuis resurgere.* Neque vero negavit CHRISTUS aliquem ab se fuisse dictum principem illorum, cum est inter eos orta de principatu contentio. Immo esse aliquem eorum primum, atque hunc non regio supercilio, sed ut ministrum, in Ecclesia versari oportere statuit. Quod si quis roget, cur non palam, cum inter se Apostoli de principatu altercarentur, adfirmarit, traditam a se PETRO regendæ Ecclesiæ potestatem esse, is caveat, ne CHRISTO adimat divinitatem. Nam cum Christus dixisset: *Ego & Pater unum sumus*, eamque ob rem judæorum in se iram concitasset, addidissetque: *Multa bona opera ostendi vobis, propter quod eorum me lapidatis*, atque illi respondissent: *de bono opere non lapidamus te, sed de blasphemia, & quia tu homo cum sis, facis te ipsum Deum*: cur non explicate palamque dixit, se Deum esse eadem natura, qua Pater est Deus, sed exemplum attulit Prophetarum, qui in scripturis interdum appellantur dii? Quod si dicant adversarii, id quod debent omnino dicere, actum a CHRISTO œconomia quadam fuisse; at non negatum, se ipsum esse Deum; extare vero disertissima sacrarum Scripturarum loca, quibus CHRISTI divinitas demonstretur: sciant nos eodem modo de PETRO dicturos. (92) Et hæc hætenus.

(92) Tom. V. pag. 327-



CAPUT III.

C A P U T III.

CONSTITUTO PRIMATU PETRI, QUÆRITUR, INQUO ILLE SIT POSITUS?

Tota superioris disputatione capitis actum illud est, ut Primatum esse aliquem sciremus a JESU Christo tributum PETRO: non umbratilem, neque in honoris aut vacui nominis hærentem larva, nec diffluentem cum sono: sed Primatum eminentis ac solidæ prærogativæ cujusdam ac potestatis. Hujus informanda nunc rei & enucleanda pressius est ratio: videndumque, quo sit bono Primatus ille institutus? perpetuusne sit idem ac stabilis ex voluntate institutoque Christi; an expirarit cum PETRO? tum quis illius hæres successorque sit scriptus? Hæc summa Capitis est.

A R T I C U L U S I.

OSTENDITUR PROPOSITIO FUNDAMENTALIS, ECCLESIAM CHRISTI
STATUM ESSE, SACRAMQUE REMPUBLICAM.

§. I.

Quid PUFFENDORFIUS, quid JURÆUS Calvinista, quid alii Catholicæ hostes Ecclesiæ, tum quid FEBRONIUS & JANSENISTA *Anonymus* doceant, explicatur.

I. Ut a fundamentis rem ordiar; volo Lector in memoriam sibi adducat, quod a Samuele PUFFENDORFIO contestatum signatumque est scripto (1) esse dissidiorum videlicet, quæ Christianorum inter se
M m ani.

(1) In libello de habitu religionis Christianæ ad vitam civilem Edit. Bremens. 1713. Cardio dogmatum, inquit, e quibus Christianorum populorum intrinseca tranquillitas, & unio magnam partem dependet, in eo vertitur, utrum Salvatori nostro, dum viam

animos dividant, hoc quasi fastigium, & ex eo necti ac religari omnia, utrum Christus in modum *regni* cujusdam sacri suam Ecclesiam instituerit? Id si verum sit; si potestatem quampiam sacram introduxerit, quæ se sola stet, idoneaque sit separato formando *statui*; fateatur PUFFENDORFIUS, nullam causam esse potuisse faciendi divortii, neque *Protestantibus* magis jus fuisse discedendi a *Catholicis* quam sit subditis Jus, deficienti ab rege suo, cum is minus ex æquo & bono rem publicam videtur gerere. Quo quidem pronuntiato nihil verius est. Sed negat ille Ecclesiam esse *statum*; veram societatem hominum æqualium esse pertendit, collegiaque totidem, quot sunt civitatum rerum publicarum principes, nullo ordinis, nullo subjectionis colligata inter se nexu, sed hoc uno nomine confœderata, quod Christum profiteantur & colant. Itaque & fidei unusquisque, si PUFFENDORFIO credimus, suæmet arbiter ac disceptator est, & eandem si diversam a professione Collegii sui esse compererit; migrare alio potest, Collegiumque deferere: id enim ex principiis fit illis confectaneum. Nulla vis, nullum imperium, nulla coercionis est in Ecclesia potestas, sed suasionem omnia peraguntur. Administratio denique rerum communium, quæque ad exteriorem spectant cultum & ordinem, partim in Principis, partim in Collegii sita sunt potestate. Quid multis? sunt Ecclesiæ, quod Academiae in diversis regnis: nam nec illæ in statu statum faciunt, nec in Imperium communitatemque coeunt. Suæ sunt. Atque esto, in Neutronum, ut exemplo hoc utar, patione

ad salutem mortalibus pandit, pariter introducere placuerit potestatem quampiam sacram, quæ idonea ac sufficiens sit, constituendo certo *statui a vulgaribus civitatibus separato*, & num unio eorum, quæ eadem in Salvatorem fiducia, in rempublicam aliquam coalescere debeat ab illis civitatibus distinctam, quas institui securitas humani generis coegit. Si enim Numinis jussu ejusmodi regnum sacrorum fuit constituendum, quale ab iis, qui Episcopi Romani sectam sequuntur, obtenditur; in quo huic soli Divinitus commissæ sunt imperandi arbitria; reliquis omnibus obsequii relicta est gloria, nec superest, quam ut duro quantumvis iugo, - - cervicem iterum submittamus. - - Nec amplius justam secedendi causam præbere poterunt corruptelæ; quæ vel dogmata, vel mores temerati ab isto, arguuntur, non magis, quam civibus fas est, obsequium in Principes statim exuere, ubi hisce secus, quam par erat, in republica administrata appareant. Præsertim ubi illud æterna lege positum sit, ut extra regni istius sacri pomeria nemini salute potiri liceat. - - Unde & ratio haud fugit eos, qui præsentem maxime tempore dominatum Episcopi Romani propugnant, quod Ecclesiæ vocabulum præcipue crepent, idque suæ sectæ unice competere contendunt, reliquis omnibus hæreseos convicio, rebellionis notam impingant. Hoc quippe solum ubi pervicerint, totam causam obtinuerunt. - - Ad hanc igitur adversæ partis velut arcem subruendam, necessum est ad fundamenta regni sacrorum penetrare - - quæ si commentitia esse, demonstratum fuerit, totam, quæ superstructa est molem, ultro cernuere oportebit.

atione sese omnes obstringant: erit nomen hoc quidem illis commune, ut Neutroniani sint, atque dicantur; cæterum quo quæque modo sequendum sibi Neutronum putet, rationem nulla alteri tenetur reddere. Adhæc æqualium sunt eæ hominum societates: constant ex Auditoribus enim ac Magistris, estque in arbitrio singulorum positum, manere aut cedere velint. Tandem partim institutis suis reguntur, quæ ipsa pacta magis quam leges dici debent; partim Principis, in cujus ditione sunt, moderationi imperioque subfunt. Hæc *ἀναλογία*, hæc prora puppisque novi systematis.

II. Quanquam nec PUFFENDORFII est illud solius, neque novum prorsus, Scripsit enim & Claudius Calvinianus minister, *cujuscunque communionis homines, si Christiani sint, ad nomen ECCLESIAE revocari posse, propterea quod generalis quædam sit omnium in Christo, Evangelioque ejus & vocatione ad illud conjunctio.* MESTRESATIUS item ejusdem Professionis præco in Tractatu, quem de Ecclesia edidit, *confederationem quandam inexit omnium Christianorum*; ab eaque nullos præter Judæos & Mahumeranos exclusos voluit; ac ne eos quidem, qui fundamenta Christianæ fidei convellunt; ut sunt Ariani, Sociniani, Macedoniani, aut istorum similes sectarii. (2)

Sed hoc quidem posterius Juræo temerarium visum est. Nec probare hanc ille voluit inverecundiam Collegæ sui: sed mitigandum hoc modo dedecus putavit; ut sit omnium quidem Ecclesia sectarum colluvies; verum earum tantum, quæ Trinitatis relinquunt, Redemptionisque saltem nostræ fidem incolumem. Cæteras ad Ecclesiam pertinere omnes dseruit. Atque ut ne dubicaretur, in quo controversiæ cum Romanis Catholicis sit cardo positus; hunc perspicue sic ipse exponit: *Nos quidem, inquit, volumus, Catholicam & universalem Ecclesiam ex omnibus constare sectis, & in omnibus habere membra, quæ fundamenta Religionis Christianæ non destruunt: esto, dissideant cæteroquin, & sejuncti communionem sint, atque anathematum se etiam fulminibus mutuo petant. Sed qui Romanam Ecclesiam sequuntur, ii contendunt, in una tantum, eaque ab omnibus separata nomen Ecclesiæ dignitatemque constare,* (3)

m m 2

Dein-

(2) De utroque hoc Præcone vid. Nicole in libro de l'Unité de l'Eglise pag. 4.

(3) Nous voulons, que l'Eglise Catholique & universelle soit répandue dans toutes les sectes, & qu'elle ait de vrais membres dans toutes celles de ces sociétés, qui n'ont pas renversée le fondement de la religion Chretienne, fussent-elles en désunion

Deinde & a Jacobo Magnæ Britanniae rege responsum sic fuit Cardinali Perronio: *Ecclesiam Romanam, Græcamque, Antiochenam item, Ægyptiorum, Abyssiniorum, Moscorumque & plures vere membra esse Catholicæ Ecclesiæ alia aliis præstantiora, si Doctrina spectetur & sinceritas fidei: sed Ecclesiæ membra, cujus moles atque structura, quantum ad citimam & exteriorem formam, dissoluta sit longo tempore, atque luxata.* (4) Jam autem & Græcos, & Antiochenos, & Moschos processionem inficiari scimus Spiritus Sancti a Filio: qui est capitalis fidei articulus, insertus symbolo, & in Florentino Concilio definitus: *Æthyopes item atque Ægyptios naturarum in CHRISTO discrimen tollere: qui est EUTYCHIS in Chalcedonensi Synodo damnatus error.*

Denique etiam VOLTARIUM in eadem esse video sententia. Homo hic impius, LUCIANUSQUE temporum nostrorum, Religionis atque Dei contemptor, negat hæresum & contentionum inter Christianos causam aliam posse a se perspicui, quam quod naturam *status*, & dominatricis reipublicæ Ecclesiæ principes æmulatæ fuerint. *Id quidem, inquit, ad horrorem sine dubio comparatum est, Ecclesiam Christianam nullo non tempore in se scissam laceratamque esse suis dissidiis. Meditabar apud me diu, ecquid spiritus ille dogmaticus, qui citra turbas scholas gentilium dividebat, inter nos tam eas horrendas procreavit. Erremne si causam hujus novæ pestis, quæ terram devastat, in REPUBLICANO illo quæram SPIRITU, quo Ecclesiæ principes sunt animatæ? Conventus ii secreti, qui ab initio in cavernis & speluncis insultabant auctoritati Principum Romanorum, paulatim in STATU STATUM formarunt, id est, occultam REMPUBLICAM in sinu Imperii.* (5)

III. Veniamus ad FEBRONIUM modo, JANSENISTAMQUE Anonymum: neque enim temere a me ista, ac sine causa descripta sunt. Prior, quod ad evidentiam demonstratum arbitror, *Democraticum* imprimis Ecclesiæ regimen invexit. Sed idem PUFFENDORFII nominatim meminit, laudavitque,
ac

les unes d'avec les autres jusqu'à s'excommunier mutuellement. L'Eglise Romaine au contraire veut que l'Eglise soit renfermée dans une seule Société chrétienne, séparée de toutes les autres. JURIEU le vrai Système de l'Eglise pag. 49.

(4) L'Eglise Romaine, la Grecque, l'Antiochienne, l'Egyptienne, l'Abyssine, la Moscovitique & plusieurs autres sont membres plus excellens à la vérité, en doctrine, & sincerité de foi, les uns que les autres: mais toutesfois membres de l'Eglise Catholique, de laquelle la masse & la texture, quant à la forme externe; est ja long-temps à dissoute & désassemblée. Vid. Replique du Cardinal du Perron à la réponse du Roy. C. LX.

(5) Vid. les Erreurs de Voltaire Tom. II. pag. 43.

ac esse verum pronuntiavit, quod ab illo sic scriptum est: *Ecclesiam STATUM, REMQUE PUBLICAM non esse*; atque absurde idcirco quaeri, quis regiminis in ea sit modus, quæ forma ex pervulgatis tribus, Monarchicane, an Aristocratica, an Democratica? (6) Quæ si pugnantia cuiquam esse videantur, nec hæerere secum; non resistam illi quidem, cum jam innuerim, ex vario systematum genere non nisi monstrum FEBRONIUM consarcinasse: monstrum, cujus intelligi turpitudine non possit, nisi partes singulæ fuerint explicatæ. Interim non ego injuriam homini facio. Est enim utrumque certum, atque alterum ex interpretandi certissimis evidentissimisque probatum a me regulis; alterum verbis etiam illius, & ut ajunt, propriis terminis repræsentari potest.

Ququam non aberrabo fortassis, si conciliare studeam. Non est imprimis STATUS Ecclesia, hoc est, *Corpus unum, ac dominatrix respublica*, sic, ut imperare credenda possit, & refractarios ex suo sinu repellere. Quid igitur est? *Adgregatum* quoddam *per accidens*, ut Philosophi loquuntur: ex Collegiis scilicet multis, quorum unumquodque est Juris sui. Sed in his ipsis Collegiis quoniam potestas tamen tota penes *cætum* est, isque Ministros sibi eligit suos, per eosdemque commissam sibi potestatem exequitur: est utique in singulis adumbratio quædam & species Democratici regiminis: quæ quoniam in omnibus eadem est; merito absolute atque præcise Democraticum Ecclesiæ regimen potest statui. Atque hoc etiam a PUFFENDORFIO rejectum non fuit. Fatetur enim, in Collegiorum etiam illa multitudine *Democratia esse aliquid simile*: & de Principibus loquens, extra Ecclesiam hos quidem esse & manere Principes scribit; sed cum Ecclesia comparatos non nisi membra esse, ut quosvis alios. (7)

Possit hoc quaeri: siquidem PUFFENDORFIO, BÖHMERIQUE ac PAEFFIO, & iis omnibus, qui commenta sua in librum *aureum* scripserunt, res sit certissima

m m 3

(6) Expectabit haud dubie Lector, ut nunc accurate definiamus, quæ in hac Civitate Dei (sic eam, Ecclesiam nempe, S. Augustinus vocat) dicenda sit vigere regiminis formula? Quisquis a nobis hoc interrogat, non succenseat, si ei respondeamus cum viro, sacris quidem Protestantium addito, sed docto, & rerum politicarum cumprimis perito, atque in hac parte NB. VERA tradente: *In Ecclesiis formandis non opus est decreto super certa regiminis forma introducenda: absurdaque adeo sunt quaestiones, Monarchica, Aristocratica, an Democratica forma comperat Ecclesiæ? Hæ quippe forma cadunt in statum aliquem, seu Civitatem: Ecclesia autem status non est.* Febron. C. II. Lib. sing. §. 12. N. 6.

(7) Puffend. de habitu Relig. §. 39. Edit. Brem.

tissima, ex æqualibus Ecclesiam tantum constare, nec differentiam esse ullam inter Clerum ac populum, nisi quam curatio muneris demandati & habilitas faciunt: Istud idem an & FERRONIUS senserit? Fateor ignorare id me, ac volo Deum, qui solus renes & corda hominum scrutatur, Judicem esse. Consequi saltem opinionis hoc probum ex *Democratica*, quam invexit, forma regiminis, puto declaratum tam a me esse perspicue, ut negari non possit. Sed tamen non ita senserit? scripserit præceps? scripserit, ut solent, qui furore ebrii sunt? Patiar. Erit alterutrum sic saltem necesse, ut vel cum omnibus scribens, cum nullis senserit; vel cum Anglis, ut minus, qui Episcopales nominantur. Admittunt enim & illi Episcopos; quin & damnant popolare regimen, ut in βασιλικῷ δῶρῳ Rex JACOBUS: nihilominus, quemadmodum ex ore ejusdem Regis audivimus, Ecclesiam multitudinem esse volunt omnium Collegiorum atque sectarum. Id vero tantundem est, atque Ecclesiam esse *Statum negare*.

IV. Jam de *Anonymo* JANSENISTA non est cur inquiram sollicitius. Nimirum enim ille aperte conqueritur, *esse unitatis quoddam in Ecclesiam genus invecum ad similitudinem regiminis politici*, quo factum, ut Episcopi Metropolitæ, Metropoliti Primatibus, & Primates Romano Pontifici subiecti fuerint. Quam ille rem alienam esse asserit a *Constitutione primitivæ Ecclesiæ*; immo menti voluntatique Christi plane contrariam: tum usu ipso constare, annis ducentis ac pluribus Ecclesiam floruisse, tametsi nulli jus esset Episcopo, Collegarum suorum quidquam alteri præscribendi. (8)

Sic iste trinummius sapientior est Patribus Nicæni Concilii: Sic videt propius, quid e re sit Ecclesiæ & menti Christi consentaneum. Nam illi sane trecenti atque octodecim in VI. Canone Metropolitaram privilegia & in subiectas sibi provincias jura confirmant: declarantque non esse Episcopum eum habendum, qui absque *Metropolitani sententia sit Episcopus factus*: hancque veterem esse consuetudinem ajunt: τα ἀρχαία ἐδη κρατεῖτο, antiqui mores obtineant. Ante Nicænum vero Antiocheni Concilii Patres Episcopos Metropolitæ suis subiectos esse jubent, κατὰ τὸν ἀρχαιότερον κρατήσαντα ἐκ τῶν πατέρων κανόνα, juxta antiquum; quia Patribus obtinuit, canonem. Qui quidem est tricesimus quartus Canon ex
iis,

iis, qui Apostolici vocantur: ubi dicitur, *τὸς ἐπισκοπὸς ἐκάστῃ ἐθνῶς εἶδεναι χρὴ τὸν ἐν αὐτοῖς πρῶτον καὶ ἡγεῖσθαι αὐτὸν ὡς κεφαλὴν*, *Episcopos uniuscujusque gentis nosse oportet eum, qui in illis primus est, & existimare eum ut caput.* Atque in secundo jam plane sæculo ea *τάξις*, isque gradum inter Episcopos ordo observabatur. Quemadmodum ex synodis, quæ ad Paschatis determinandum diem tum habitæ sunt, ostendi potest: velut ex *Pontica*, cui *PALMA* præfedit *Amastridis* Episcopus, *ὡς ἀρχαιοτάτος*, ut *EUSEBIUS* ait, ex *Gallicana*, cui *IRENÆUS* præfuit *Lugdunensis* Episcopus, ex synodo *Palestina*, cui *THEOPHILUS Cæsareensis*, ex *Asiana*, cui *POLYCRATES* Episcopus *Ephesi*. Quin & de *IRENÆO* disertissime tradit *EUSEBIUS*, non *Lugdunensis* eum modo Paræciæ post *PHOTINUM* fuisse Episcopum, sed & *Galliæ* Paræcias omnes administrasse: *τῶν κατὰ Γαλλίαν παροικίων ὡς εἰρηναῖος ἐπισκοπῶν*, *Paræciarum Galliæ*, quas *Irenæus* procurabat. Et quid, si de origine hujus nos moris *Jansenistam* conveniremus? Hanc cum designare ille neutiquam possit; neque ante *Nicænam* generalis ulla synodus fuerit, quæ morem, traditionemque eam primitus statuerit: confectaneum est, ut ab Apostolis manasse eam credamus. Nam *AUGUSTINI* est regula, id ab Apostolis esse traditum comprobari, quod & perpetuo servatum sit in Ecclesia, & nullius Concilii decreto primitus constitutum fuerit. Sed hæc quidem paucis ac tanquam in transitu. Quod volebam, & cujus causa opinionum sum commenta illa coactus describere: quisquis catholicus, quisquis prudens, quisquis salutis est suæ amans ac fidei; is nunquam committer, ut transegisse cum hominum isto genere videatur. Adeo infandæ doctrinæ illæ sunt, primisque ac pragmaticis Ecclesiæ legibus contrariæ.

§. II.

Proponuntur leges pragmaticæ fundamentales Ecclesiæ CHRISTI:
& ex iis conficitur, Ecclesiam *statum* aut *Imperium sacrum* esse.

I. Possunt ad quatuor eæ leges revocari. Prior, ut *sit Ecclesia omnibus, totique orbi conspicua & aspectabilis*. Quæ quidem res tam mihi manifesta ex scripturis sacris, sanctisque Patribus esse videtur; ut nemo nisi idem pertinax inficiari eam possit. Quo enim referendum alioquin, quod ab *Isaia* prænuntiatum his verbis fuit: *Erit in novissimis diebus præ-*
para-

paratus mons domus Domini in vertice montium, & elevabitur super colles, & fluent ad eum omnes gentes? (9) Tum quod in sexagesimo capite: *Et ambulabunt gentes in lumine tuo, & reges in splendore ortus tui?* Ac de Pasto-ribus nominatim: *Ponam in eis signum, & mittam ex eis, qui salvati fuerint, ad gentes in mare in Africam & Lydiam tendentes sagittam, in Italiam, & Græciam, ad insulas longe, ad eos, qui non audierunt de me, & non viderunt gloriam meam: & annuntiabunt gloriam meam gentibus, & adducent omnes fratres de cunctis gentibus donum Domino, in equis & in quadrigis & in lecticis & in mulis & in Carrucis ad montem sanctum meum Jerusalem.* (10) Quamobrem & ipse Dominus in Evangelio Rectores hujus Ecclesiæ *lucem mundi* vocat, ac *lucernæ supra candelabrum* constitutæ eos comparat: rum Eccle-siam civitati esse similem dicit, quæ *supra montem posita abscondi non potest.* Atque PAULUS in epistola prima ad *Timotheum* capite tertio: *ut, inquit, scias, quomodo oporteat te in domo Dei conversari, quæ est Ecclesia Dei vivi, columna & firmamentum veritatis.* Non autem sub terra, opi-nor, habitamus; neque sub terra domus Dei est. Universe omnes para-bolæ ac similitudines, quæ ad Ecclesiam referuntur, eam ut oculis exposi-tam designant. Velut est aræ illa, in qua triticum cum palea miscetur: dein *sagenæ*, quæ in mare missa, omnis generis pisces complectitur: *Corporis*, quod ex variis organis componitur. Neque PAULUS, nisi specta-bilem & conspicuam oculis persequatur Ecclesiam. Rectores tandem, quos modo dicebam, sacramentaque & exterior confessio fidei sub sensus cadunt. De confessione hac pervulgatum est illud ex vaticiniis: *Propterea populi confitebuntur tibi in æternum & in seculum seculi:* quod non de ab-strusa utique, inque cordium reclusa adytis, sed de publica confessione debet intelligi. Unde & CHRISTUS: *Qui me, inquit, confessus fuerit co-ram hominibus, confitebor & ego eum coram Patre meo.* Et Ecclesia ipsa quid est? quisque finis, quæ ratio illius? Ego sic quidem a puero informa-vi animo, institutam esse, ut ab ignorantia ac vitiis suis abstractum & li-beratum CHRISTI meritis humanum genus, & sentiret de Deo recte, & obsequium cultumque, quem ei debet, isque probat, dependeret. Est autem cultus ille non solum mentis, sed publicus: idque, ut cætera deef-sent, ipsa gentium populorumque omnium consensione demonstrari posset. Igitur & Ecclesiam esse publicum quiddam necesse est, & in sensum ca-dens. — Sed hæc fatiis: neque enim huc omnia conferre debeo, quæ a Theologis nostris sunt & plurima & evidentissime contra hostes or-thodoxæ fidei super argumento illo disputata.

Illud

Illud perridiculum est, atque nescio quo adpellandum nomine, quod JANSENISTA scribit: *non se inficiari, Ecclesiam Societatem esse visibilem: sed non per hoc, quod visibilis est, constitui ejus ESSENTIAM; nec propterea per aliud formari, conservari, vivificari visibilem banc societatem, nisi per spiritum fidei invisibilem, sicut Corpus sustinetur & vivificatur per animam, quæ utique est spiritus invisibilis.* (11) Itane, non ad essentiam istud pertinet, quo sit conspicua? Jam igitur miror, intra biennii unius spatium quater decies centena librarum millia a Jansenistis expensa esse, quibus novellam & recentem a parvu ac vacillantem Ecclesiam suam fulcirent: Non enim propter *accidens*, opinor, tot erant nomina contrahenda: nec propter *accidens* tot circumveniendi & in fraudem inducendi creditores: Sed erro. Egebant hac illi pecunia, non quo visibilem, sed invisibilem, hoc est, nullam ut ECCLESIAM CHRISTI facerent.

Interim nos, qui perhorrescimus hujusmodi consilia, inque CHRISTUM & Ecclesiam ejus credimus, non saltem nugis moveri nos patimur. Cedo enim, de qua ille Ecclesia nobiscum disputat? de eane, quam esse CHRISTI dicimus? At ut minimum Angelorum non est ea *convocatio*, sed hominum: convocatio vero, ut & cultu, & Sacramentis, & fide & professione externa fidei colligentur. Quare ad *essentiam* ista pertineant omnia necesse est: non enim *essentia* nisi res est ipsa, & quod res quæque est, id ad *essentiam* dicimus pertinere. Sunt autem aspectabilia, homo, cultus, Sacramenta, professio. Igitur & hoc, quod aspectabilis est ipsa Ecclesia, ad *essentiam* pertinet illius. Atque adeo vel ipsum animæ, quod intorquetur, exemplum nonne satis est ad retundendam calumniam? Et enim si hujusmodi est ratio Ecclesiæ visibilis, *formata, conservata, vivificata*, ut ait, per Spiritum fidei invisibilem, cujusmodi corporis est, quod sustinetur, vivificaturque per animam: respondebit illud profecto, quod est spectabile in Ecclesia, humano corpori; quemadmodum id, quod videri in ea non potest, fides, inquam, aut spiritus fidei, humanæ animæ, quæ videri nec ipsa potest, respondet. Quid autem? Corpus ad *essentiam* hominis non pertinet? Ridete!

II. Lex altera, quam demonstratam hoc loco sumimus, omnino tria complectitur: *Ecclesia pastores habeat suos, verissima ac proprii nominis jurisdictione præditos. In hac exercenda nec multitudinis sint ministri, neque*

N n

pen-

pendeant a cœtu. Separata tandem sit, nec illigata civili regimini; sitque duplex adeo, profana & sacra potestas, quarum unaquæque suis sese finibus coerceat.

" Hæc illa lex est, illa princeps, *ἡσυχίας*, fundamentalisque lex, quam
 " qui convellunt aut temerant (dicam enim) turpissimum & abomi-
 " nandum committunt facinus. Assentatio illa est, cujus inter homines
 " exemplum vix extet: novitas peregrina, quæ reliquis omnibus viam
 " aperiat: machinatio, ad cujus conspectum Christianus orbis ingemiscit.
 " Non demum aliò spectant id genus homines, quam ut captivam tra-
 " dant regibus terræ CHRISTI Ecclesiam, eamque in profanum transfor-
 " ment imperium, ac deleant cælestem dominatum ab JESU Christo insti-
 " tutum, atque disperdant & eradicent penitus Christianam religionem,
 " & Antichristo viam præparent. (12)

Quæ si quis sit forte qui audacius a me dici putet, quam privatum, licæoque & sarcinis destinatum deceat hominem; sciat is, magni BOSSUETII, immo & Galliæ Comitiorum generalium non exemplis modo ista me scribere; verum etiam verbis. Quanquam quid prætermissum a me fuit, quo minus demonstratum quod dico, saltem iis, qui catholice & Majorum ex traditione sentiunt; debeat videri? Id sane totis viribus egi in primo Capite hujus libri. Atque collegi tum, quod fluebat sponte sua, Ecclesiam *statum* esse: hoc est, saltem singulas, ubicunque sint demum, & cuicunque alligatas regno Ecclesias pro principatibus esse totidem habendas, perque sese & suis tantum præfidiis, suis legibus stare.

Sed volo majus nunc aliud: volo ex omnibus istis Ecclesiis, atque ut ita dicam, parvis statibus *statum unum* confieri. Hæc enim arx est, quam expugnandam PUFFENDORFIUS sumpsit: hac vindicata, non ego FEBRONIUM minus prostratum a me esse gloriari potero, quam PUFFENDORFIUS expugnata deletaque illa & internecionem intulisset rei catholicæ, & sectarum cuicunque generi atque nomini domicilium, pro eo ac ostentabat, procuravisset. Quare cum sit tanti res ista ponderis; leges duas insuper adjicio; pervulgatas quidem (nam ad elementa pertinent, tradunturque pueris) sed quarum mentio neque debet prætermitti a me hoc loco, neque potest omnino.

III.

(12) Comit. gener. Cleri Gallicani 1760. cui adherent Comititia gen. 1764. edit. Lat. Aug. V. 1766. pag. 45.

III. Est lex igitur tertia: *Ecclesia quemadmodum non locorum, ita nec temporum finiatur spatiis, atque adeo catbolica, perpetuaque sit, neque deficere unquam possit, sive fidem, sive Hierarchicum in ea ordinem spectes.*

Id utrumque ISAIAS vaticinatus his verbis fuit: *Et aperientur portæ tuæ jugiter: die ac nocte non claudentur, ut afferatur ad te fortitudo gentium, & reges eorum adducantur.* Quod etiam in sequenti capite, ac passim alibi Propheta repetit. Sed multo pulcherrimus & jucundissimus est locus ex DANIELIS Prophetia. Exponens enim DANIEL, quid iste lapis portenderit, qui sine manu abscissus, postquam statuam contriverat, *factus est mons magnus & implevit universam terram*: hanc Ecclesiam fore CHRISTI significat, quæ dissipatis & everfis quatuor regnis, iisque amplissimis, ex initiis minimis ad infinitum eluctatura. *Suscitabit Deus cæli regnum, quod in æternum non dissipabitur, & regnum ejus alteri populo non tradetur: comminuet autem & consumet universa regna hæc, & ipsum stabit in æternum.* Id scilicet est, quod portas inferi nunquam prævalituras suæ Ecclesiæ prædixit CHRISTUS: quodque sic alibi: *Prædicabitur hoc Evangelium in universo orbe in testimonium omnibus gentibus, & tunc veniet consummatio.* Consummationis enim nomen finem sæculorum ac diem supremum isthac significat.

Jam vero si Ecclesia atque regnum CHRISTI aspectabile interituum non est; quis dubitare poterit, quin sit regimen quoque illius ac principatus ille, quem dixi, sacer futurus perpetuus? Neque enim ob aliam causam Episcopos sibi Apostoli suffecerunt, de quibus PAULUS: *Attendite, inquit, vobis, & universo gregi, in quo vos Spiritus S. posuit Episcopos regere Ecclesiam Dei.* Atque CHRISTUS ipse dum est Apostolos adlocutus his verbis: *Ego vobiscum sum usque ad consummationem sæculi*; non id utique voluit, ut perpetuo & ad mundi finem usque iidem viverent; sed ad Episcopos Successores eorum respexit.

IV. Tandem lex illa quarta: *ut sit una neque in partes, & factiones scissa plures CHRISTI Ecclesia.* De qua quidem lege dici non potest, quantum laboratum semper a Majoribus nostris fuerit, propterea quod est ultimo velut cum halitu excepta Legislatoris; tantaque vi, tanta contentione inculcavit is eam moriturus suis Discipulis, ut sit prope nihil in libris Evangeliorum, quod ad commotionem magis sensumque ac lachrimas videatur scriptum. (13) Nec minus Apostoli exinde in commendanda illa copiosi fuerunt. Præsertim PAULUS, qui quoties schismata & hæreses persequitur; quid nisi Legem eam inculcat? Atque Unitatem ille cum mul-

tis in locis, tum maxime toto fere Capite duodecimo Epistolæ primæ ad Corinthios iis verbis commendat, quibus desiderari illustriora non possint. *Sicut enim Corpus, inquit, unum est, & membra habet multa: omnia autem membra Corporis cum sint multa, unum tamen Corpus sunt, ita & CHRISTUS. Etenim in uno Spiritu omnes nos in unum Corpus baptizati sumus: nam & Corpus non est unum membrum, sed multa.* Et ad Ephesios: *Unum Corpus, & unus Spiritus, sicut vocati estis in una spe vocationis vestræ: unus Dominus, una fides, unum baptisma.*

Quocirca ut in humano sic & in mystico CHRISTI Corpore sui quidam sunt nexus, & coagmentationes, per quas inter se sociata & secum invicem velut agglutinata membra cum capite suo junguntur CHRISTO, & ab illo virescunt ac vitalem succum accipiunt. Cujusmodi coagmentationem charitatem esse Apostolus tradit, spemque omnium unam, fideique & Sacramentorum communionem. His itaque rebus velut compagē & commissuris suis stat CHRISTI Corpus.

V. Atque hætenus consentientem habemus non FEBRONIUM modo, sed & BATAVUM illum, quem exscriptum ab eo vidimus, JANSENISTAM *Anonymum*. Quo autem jugulum utriusque petimus, sicut JURÆI etiam ac PUFENDORFII, confectarium est ex illa lege: confectarium inquam, quod & in symbolo profiteamur quotidie, & cuius notio ab Ecclesiæ separari notione prorsus ac citra scelus non potest. Dico, sic *unam*, sic *unum Corpus* Ecclesiam esse JESU CHRISTI, ut DOMINATRIX sit eadem. Nondum intelligor? Ecclesiam auctoritatem habere volo determinandi, quid sit credendum: auctoritatem jubendi, auctoritatem coercendi, auctoritatem damnandi, repellendique non a consortio tantum atque cœtu, ut aspectabilis est ille & publicus; verum & a CHRISTO, a regno cœlorum, a sese ipsa, ut Corpus mysticum est, vivitque & inangescit spiritu ac vita Capitis sui CHRISTI. Atque hanc ex innumeris per Orbem Ecclesiis fieri unam volo. Cumque infinitæ sint sectæ, quæ Ecclesiæ sibi usurpent nomen; contendo non nisi unam esse, cui superiora ista omnia convenient, eamque digito demonstrari posse, haud minus, quam Imperium Germanicum, regnum Galliæ, Venetorum rempublicam & adire, & demonstrare possum.

Hujusmodi certe apud animos nostros informamus Ecclesiam, cum vel in Apostolico symbolo *Ecclesiam Catholicam*, vel in Constantinopolitano *unam sanctam Catholicam & Apostolicam* profiteamur nos credere. Neque ab Apostolis instituti aliter Majores nostri sunt. Qui quoties Eccle-

fiam *ἀπλως* simpliciter accittra alterius adjectionem vocis nominant, contenduntque vel opponunt eam peregrinis quibusvis cœtibus ac societatibus: quid quæso volunt, quid cogitant, & quæ est notio illorum objecta animis, si non Communitatis. definitæ alicujus ac determinatæ, & quæ cum sit una ac demonstrari possit; tum vero alias a se omnes repellat, refractariosque suis Jussis atque Decretis coerceat, profliget, damnet pro auctoritate atque imperio? Hujus Ecclesiæ sexcenties mentionem facit S. IRENEUS in libris adversus hæreses conscriptis. Ut in primo statim libro, Capite secundo: ECCLESIA, inquit, *per universum Orbem usque ad fines terræ seminata.* Et Capite tertio: *Hanc prædicationem cum acceperit ECCLESIA.* Mox Cap. quarto hæreticos cum Ecclesiâ componens: *Quemadmodum dicunt, ait, hi, qui vere deserti sunt a divina Sententia Magistri; cum ea quæ est ECCLESIA universa, unam & eandem fidem habeat.* Capite quarto vero libri tertii veritatem in sola ECCLESIA requirendam esse docet, non apud hæreticos, quos esse *Fures* ait & *Latrones.*

Qui huic est suppar S. CLEMENS Alexandrinus, in primo quem *Pædagogum* inscripsit libro Ecclesiam Divinitati comparat. ut *unus est Pater universorum, unum etiam Verbum universorum; & Spiritus sanctus unus: sic & Matrem Virginem unam esse, & solam* ait, atque hanc esse ECCLESIAM. Idem in primo Stromatum hæreses non nisi improprie, perque abusionem vocis *Ecclesias* vocari docet.

Jam TERTULLIANO quis in inculcando est illo dogmate disertior? Legatur totus de Præscriptionibus liber: nunquam Ecclesiam nisi unam ille, & ab omnibus secretam sectis intelligit. Velut cum in quarto Capite quærat, *quænam pelles sint ovium?* Respondetque esse *nominis Christiani extrinsecus superficies.* *Qui lupi rapaces?* esse *sensus & spiritus subdolos ad infestandum gregem Christi intrinsecus delitescentes.* *Qui Antichristi interim & semper?* esse *Christi rebelles.* *Hoc esse hæreses, non minus doctrinarum perversitate ECCLESIAM laceffentes; quam tunc Antichristus persecutionum atrocitate eandem illam Ecclesiam persequetur.*

ORIGENES quoque super JOBUM commentans, omnes sectas ait & omnes hæreses non tribus, sed infinitis cornibus dimicare CONTRA ECCLESIAM & ECCLESIE UNITATEM. Quid CYPRIANUS? notus est liber, quem de *Unitate* conscripsit. Quem ne ego totum hoc loco cogar adscribere, libet pauca tantum ex eo referre. *Ecclesia, inquit, Domini luce perfusa, per orbem totum radios suos porrigit; unum tamen lumen est, quod ubique diffunditur.*

funditur, nec unitas Corporis separatur. Ramos suos in universam terram copia ubertatis extendit; profluente largiter rivos latius expandit: Unum tamen caput est, & origo una, & una mater, fecunditatis successoribus copiosa. Quod sic acrius paulo post urget: Quisquis ab ECCLESIA segregatus adulteræ jungitur, a promissis ECCLESIAE separatur; nec pertinet ad Christi præmia, qui relinquit ECCLESIAM Christi. Alienus est; hostis est. Habere jam non potest Deum Patrem, qui ECCLESIAM non habet matrem. Si potuit evadere, qui extra arcam Noe fuit; & qui extra ECCLESIAM foris fuerit, evadet. Nolo cætera: nam obvia sunt.

Quid HILARIUS? Is in septimo libro de Trinitate circa initium: Heretici, inquit, omnes contra ECCLESIAM veniunt; sed dum hæretici omnes se invicem vincunt; nihil tamen sibi vincunt: victoria enim eorum ECCLESIAE triumphus ex omnibus est. Sic & HIERONYMUS dominatricem Ecclesiæ vim indicans, disputationem suam adversus Luciferianos his tandem concludit verbis: Poteram omnes propositionum rivulos uno ECCLESIAE sole siccare. Quid AUGUSTINUS? JURÆUS ipse removeri hunc cupit a præsentis quæstione, propterea quod sit apertior ejus sententia, quam ut tergiversatione ulla possit eludi. Sed & LACTANTIUM eodem jure recusare poterat. Nam & ille de hæreticis loquens Libro quarto Capite trigesimo, ECCLESIAM non nisi unam esse tradit, & eam solam Catholicam, quæ verum cultum retineat. Hanc fontem esse veritatis, hanc domicilium fidei, hanc templum Dei: a quo si quis exiverit, a spe vitæ ac salutis æternæ alienum eum esse pronuntiat.

Poterat OPTATUM quoque remove. Is in secundo enim libro adversus Parmenianum statim in initio: Ergo ECCLESIA, inquit, una est, cujus sanctitas de sacramentis colligitur, non de superbia personarum ponderatur. Ergo hanc unam columbam & dilectam sponsam suam Christus appellat. Hac apud omnes hæreticos & schismaticos esse non potest. Restat, ut uno loco sit. Dein ornamenta atque dotes hujus Ecclesiæ enumerans, negat, nomen ECCLESIAE a Donatistis usurpari posse: eo quod dotibus his illi careant, quas constat ita sibi connexas & individuas esse, ut intelligatur una ab altera separari non posse. Etenim numerantur, ait, in nomine, sed uno intellectu suo junguntur in Corpore: ut in manu digiti, quos intervallis singulos videmus esse distinctos. Unde qui tenet unum, totos teneat necesse est, cum unusquisque a paribus separari non possit. Poterat EPIPHANIUM denique, HIERONYMUM, LEONEMQUE Magnum, & quem non alium? a dicendo testimonio JURÆUS repellere. Horum enim quotusquisque de Religione vel Ecclesia aliquid scripsit, quin vel probavit, quod dicimus, vel probatum

compertumque sumpserit? Sed repellat iste sane, quos volet. Nos turpissimum, infandum, sacrum istud semper habebimus; quod homo novitius cum gregalibus ita suis commentus est: non Ecclesias magis provinciarum singularum, quam ipsas provincias confederatas esse ex voluntate & instituto CHRISTI oportere; & posse suis unamquamque se pactis regere, confederationesque omnes ex earum esse adfectionum censu, quæ rebus *accidant*, non ad substantiam pertineant, neque necessariæ omnino sint. Quod si damus; amentiae profecto totam vetustatem, Patresque omnes & Concilia ipsa damnabimus, cum in hæreses atque schismata detinuerunt: siquidem nec esse sic quidem schisma ullum aut ulla hæresis in mundo potuit.

VI. Ac quoniam de Conciliis mentionem fecimus; quid volebat sibi, an an amens fuit *Nicana* synodus, cum Canone octavo statuit, ut *Novatiani*, qui ad ECCLESIAM redire vellent, ante omnia testatum scripto facerent, decretis singulis hujus ECCLESIAE se obtemperaturos? (14) An amens, quæ eam secuta est secunda synodus generalis, cum non nisi hac lege admittendos esse decernit hæreticos, ut profiterentur, se omnem detestari hæresin, quæ non sentit, ut sancta catholica & Apostolica Dei ECCLESIA? (15) An amens Concilium *Sardicense*, cum sic statuit apud ATHANASIIUM Apologia secunda: *Qui separant Filium a Patre, æquum est, eos ab ECCLESIA catholica separari, & alienos indignosque haberi Christiano nomine?* (16) Amens *Ariminense* (de etiamnum incolumi loquor) cum semel atque iterum ita vocem ECCLESIA adhibet: *Toleravit ECCLESIA Ursacium: Detrahantur ab ECCLESIA, ut catholica Ecclesia in pace permaneat? Alienissimam ab ECCLESIA fidem?* (17) Amens, qui NESTORIO in hæc verba scripsit: *Aperte hanc nostram scias esse sententiam, ut nisi de Christo Deo nostro ea prædices, quæ Romana & Alexandrina & omnis catholica sentit Ecclesia; noveris te ab universalis Ecclesiae Catholicae communione dejectum?* (18) Sic autem COELESTINUS Romanus Pontifex NESTORIO scripsit; secutaque est illum *Ephesina* synodus, quæ & a sacerdotio, & a consortio atque cœtu universo sacerdotum tanquam alterum Judam & a CHRISTO apostatam solenni sententia hominem exclusit.

Fecit

(14) Hard. T. I. Col. 325. (15) L. c. Col. 811. (16) Ath. Edit. Col. 1617. p. 166. (17) Apud eund. Epif. de Synod. p. 197. Confer Hard. Tom. I. Col. 713. (18) Hard. T. I. Col. 1319. Confer sententiam Synodi in Nestorium ibid. Aët. I. Col. 1434.

Fecit idem de EUTYCHE *Constantinopolitana* exinde synodus. Immo vero non communione istum modo mulctavit, sacerdotioque & præfectura exuit, quaungebatur: sed & quosvis, qui familiaritate posthac illius usuri & confabulationes audituri essent, excommunicationis vindictæ simili subjecit. (19)

Sic & quintum Concilium, in quo tria Capitula damnata sunt, non aliam, quam Ecclesiam *unam*, & ut ita loquar, *demonstrabilem* (hæc enim formanda vox est, quoniam latina deest) agnovit. Nam & fidem hujus describit *sanctæ Dei Catholicæ & Apostolicæ Ecclesiæ*, & ab illa quisquis discesserit, hæreticorumque ad stationes defecerit, hunc damnari ait ab eadem illa *sancta Dei Ecclesia*, & anathemate percelli. (20) Cætera quæ innumera sunt præterire cogor, ne rem certam & evidentem disputatione fecisse dubiam videri possim.

VII. Secundum hæc vero quis tam est hospes in antiquitate, ut ignoret, habuisse, quemadmodum profanas respublicas, sic & Ecclesiam illam, quam esse unam toto orbe contendimus, suas jam inde ab initio LEGES, suum, ut ea nunc voce utar, JUS COMMUNE quasi ac PUBLICUM: quod & colligaret inter se mores natura dispares, & velut mens quædam una per partes omnes unius Corporis sese diffunderet?

Equidem non in ea ego opinione sum, ut omnes, quos *Apostolicos* vulgo dicimus, *Canones* ab Apostolis rogatos fuisse dicam. Nam petulantis id foret: neque enim, quæ pridem decisa est, retractari nunc amplius TURRIANI causa potest: Scio etiam, ab initio Codicem Canonum extitisse nullum; sed comparatum hunc esse serius. Ex eo tamen qui neque leges habuisse Ecclesiam concludendum putet, næ in magnis erratis sit hujus opinio. Vivebant enim, ut ait COUSTANTIUS in corde sacerdotum cum traditione, tum quotidiano Ecclesiarum usu impressæ. (21) Atque jam CLEMENS ille Apostolorum discipulus, Romanusque Pontifex in celebri, quam ad *Corinthios* dedit, epistola ἐπινομῆς Apostolicæ de Episcoporum successionibus mentionem facit. S. ATHANASII autem est talis sententia: *ὁ γὰρ νυν κανονες καὶ τυποὶ ταῖς ἐκκλησιαῖς ἐδόθησαν, ἀλλ' ἐκ πατέρων ἡμῶν καλῶς καὶ βεβαίως παρεδόθησαν καὶ τὰ ἐξῆς. Nec vero nunc primum*

(19) Hard. T. II. Col. 210. inter Acta Con. Chalced. (20) Collat. III. Hard. T. III. Col. 71. (21) Præf. ad Epif. R. PP. Part. 2. pag. 56.

num Canones, & descriptiones agendarum rerum Ecclesiis data sunt; sed a Patribus nostris pulchre firmiterque tradita fuerunt: neque nunc primum fides cepit, sed a Domino per Discipulos ad nos transit. Ne igitur quæ a priscis temporibus usque ad nos in Ecclesiis observata fuerunt, hisce diebus pereant, & quæ nobis concredita sunt, a nobis requirantur, moveamini fratres. (22)

Idem ARSENIUS ad se epistolam Apologiæ suæ inseruit, in qua scripserat is, in potestate Ecclesiastici Canonis secundum veterem legem se fore. BASILIUS item τὰ ἀρχαῖα κανονος meminit in literis ad AMPHILOCHIIUM. Nec minus Nicæna synodus, Antiochena, Gangrenaque ad antiquos & priscorum ad se Patrum memoria delatos canones provocant. Quod & Constantinopolitanā prima synodus facit anno habita trecentesimo octogesimo secundo, & sub idem tempus synodus Carthaginensis in Africa: ac subinde Ephesinum Concilium, & deinde Chalcedonense. Quæ quidem omnia a pererudito viro Guiljelmo Beveregio ad evidentiam ita prorsus demonstrata sunt, ut mihi, qui porro litem movere velit, captus oculis esse videatur. (23)

Jam hujusmodi legibus traditione primum, Ecclesiarumque usu servatis, tandem scripto mandatis, & synodaliū, ut res ferebat, aliorumque accessione Decretorum paulatim auctis stabat, & majestatem tuebatur suam vera Ecclesia. Pertinebantque ad omnes, etiam Episcopos sanctiones illæ, nec violari sine ingenti scelere & vindicta poterant. Heinc tam eæ frequentes Canonum clausulæ: ἀφορίζεσθω, καθαραισθω, ὡς λαϊκὸς κοινωνεῖτω, πανταπασὶν ἐκκοπτεσθω τῆς ἐκκλησίας, segregetur, deponatur, ut Laicus communicato, prorsus abscinditor ab Ecclesia, istarumque similes. Heinc & ORIGENI datum vitio id esse scimus a DEMETRIO Alexandrino Episcopo, quod ab Episcopis exteris creatus Presbyter fuerit. NOVATIANO item, quod in lecto baptizatus, nec Confirmationis accepto signaculo, prætermisissisque, quæ de more fieri debebant, ad Episcopatum emerferit. Et de iis, qui ARIUM in communionem suam receperant, scribit ita ante synodum Nicænam Alexander Alexandrinæ Ecclesiæ Episcopus: μεγίστης, ὡς οἶμαι, διαβολῆς ἐπικειμένης τοῖς τῷτο τολμασι συλλειτργοῖς, τῷ μὴτε τὸν Αποστολικὸν κανόνα τῷτο συγχωρεῖν. Cum gravissima, ut arbitror

O O

(22) Epist. ad ubique Orthodox.

(23) Cod. Can. vindicatio, cap. III. sqq.

bitror, infamia iis, qui hoc ausi sunt, Commiſtris noſtris imminet, quoniam & Apoſtolicus Canon rem bujusmodi nequaquam indulget. (24)

Etiam EPHEſINI Concilii Patres coactos ſe ajunt per ſacros Canones ad dammandum NESTORIUM. Atque AUGUSTINUS cum vivente etiamnum VALERIO ordinatus fuiſſet Episcopuſ; id eſſe factum vehementer poſtea doluit, poſtquam intellexit, Canonibus Concilii Nicæni fuiſſe vetitum. (25)

VIII. Sed heic in ſtylum mihi res aliqua ſuccurrit, quam quo minus præteream, tamenſi me brevitatiſ vehementer alioquin moneat, neſcio quæ viſ facit occulta; neque poſſum, quin ſaltem paucis perſtringam. FEBRONIUS in eo opuſculo, quod modo *Periculum*, modo *Principia* inſcripſit *Juris Publici Eccleſiaſtici Catholici*, quemque noſ librum non ſolum Romæ, ſed & Moguntiaë nigro calculo notatum fuiſſe accepimus: præclarum atque dignum pietate ſua aliquid peperit: immo non peperit, ſed ab iis ſumpſit, quorum tum manus preſabat: ſcit, quos intelligam. Scribit, ideo *Canonum*, id eſt, *regularum* adoptaſſe nomen Eccleſiam, Conciliorumque Patres, ne ſi *leges* forte dixiſſent ſcita ſua, *invidiae darent fomentum impetantibus*. Itaque *regulas* maluiſſe dicere: *ſed eas ubi primum a ſacerdotio fuerant conditæ, exhibitæ Principi fuiſſe, ut ejus auctoritate tranſirent in LEGES & SANCTIONES*. (26) O hominem acutum! Ergo nunquam *leges*, ſemper Canones, ſemper *regulas* priſci Patres ſua ſcita, Decretaque nominaverunt? Quid jocularius excidere homini poteſt literarum qualicumque notiſia perſuſo? Quid? *ἐπινομή* *lex* non eſt? Atqui jam S. CLEMENTEM, tertium a S. Petro Romanum Pontificem uſurpaſſe hanc vocem vidimus (27) *παλαιος νομος* an *lex* non eſt? Sic autem ARSENIUS vocat apud ATHANASIUM. (28) *θειος θεσμος, ἐκκλησιαστικος θεσμος, σεβασμωτατος νομος*, acutiſſime virorum, dic quæſo, an eæ *leges* non ſunt? Primum ATHANASII, (29) alterum BASILII eſt (30) tertium a CONSTANTINO ipſo ſic

(24) Theod. Hiſt. Eccl. Lib. I. Cap. IV.

(25) L. ſupra cit.

(26) Cap. VII. §. I.

(27) Epiſt. ad Corinth. N. 44. apud Conſtantium.

(28) Apud Ath. in Apolog. de fuga ſua. Offert ſe Arſenius ad poenam *κατα τον παλαιον νομον*, ſiquid deinceps ſimile contra Athanaſium molietur.

(29) Athan. ad Orthodox. *κατα θειον θεσμον* Divina lege, non mundaſtione aut

sic dictum. (31) Et loquuntur isti quidem de illis regulis, quas Imperatorum adhucdum nullus edictis suis confirmaverat. Ac CONSTANTINUS vel hoc ipso, quod *σελασμιωτατον*, *legem sanctissimam vocat*, satis ostendit, non precariam & emendicatam quasi vim auctoritatemque vincientis & stringentis *legis* sacris Canonibus ab se adfundi, sed hanc congenitam eos habere, & ab illa, quæ Ecclesiæ inest propria, potestate ac maiestate profectam.

Quod autem de invidia homo subtilissimus disputat, velim scire, de quo tempore loquatur? De eone, quo Imperatores Ethnici erant? At isti nec utrum *leges*, nec utrum *Canones* adpellarentur Consulta Christianorum, explorare admodum poterant: tanta silentii apud Nostros religio, & *arcani*, ut vocant, disciplina fuit. Præterea quam invidiam conscisceret *Ecclesiasticarum* potius *legum*, quam Evangelicæ, Christianæque *legis* adpellatio? At hac quidem liberrime Nostri utebantur, velut JUSTINUS, TERTULLIANUS, ORIGENES, IRENEUS, CLEMENS ALEXANDRINUS: & valde is hospes est in antiquorum libris, qui ignorat. Neque vero sum ego nescius, *factionis* calumniam a gentilibus consueisse objici Christianis. Quam & TERTULLIANUM pulcherrime diluisse scio: respondit enim, Christianos corpus esse, sed disciplinæ, cœlestisque spei consæderatione nexum, nec se rempublicam nisi totum mundum putare. Verum cum istud ipsum inimici objicerent; non tam ad ea illi respectum habebant, quæ a Præsulibus rogabantur, *Canonum*que exinde nomen sortita sunt; quam ad universum, quod modo sectam, modo superstitionem adpellabant, institutum Christianæ societatis. Quare si & CHRISTUM nihilo minus *Legislatorem* Nostri suum, & disciplinam ab eo traditam adpellare *legem* minime veriti sunt; quid ineptius, quam seita Præfulum ideo *Canones*, non autem *leges* fuisse dictas existimare, ne *Imperantibus fomes invidiæ* subministraretur?

Jam si de eo, ut quidem videtur, tempore Conjectori sermo est, quo pacatæ res Ecclesiæ, & Imperatores Christiani erant; peræque quod scribit

o o 2

potentia Episcopos constitui ait. Respicit autem ad Canones 29. & 30. ex Apostolicis, ut vocantur, quorum altero, ne quis pecunia, altero, ne potentia sæculari ad Episcopatum emergat, prohibetur.

(30) BASILIUS L. de Spir. S. Cap. XXVII. : *Quæ quidem ambo parem vim habent ad pietatem; nec huic rei resistet, qui vel exiguum legum Ecclesiasticarum Θεσμων ἐκκλησιαστικων usum habet.*

bit, falsum est. Quæ enim invidia, postquam ipse, quod modo dicebamus, CONSTANTINUS Magnus *σεβασμωτάτου νόμον*, *legem sanctissimam* nominavit? Quæ invidia, postquam arbitrium & Judicationem non ille modo a se dimisit Ecclesiasticæ litis; sed & furoris eos temeritatisque condemnandos censuit, qui, Christiani cum essent, Ethnicorum more ad Imperatorem confugerent? (32) Quæ invidia, postquam auctoritate præstare tanta in Conciliis congregatos Episcopos idem censuit, ut quidquid statuerent, istud omne ad divinam referendum esse voluntatem; cumque iudices iidem sederent, CHRISTUM ipsum residere judicareque dixerit? (33) Sunt autem secuti Constantini exemplum Imperatores Christiani cæteri: tantumque abest, ut a se vim & adpellationem pendere sacrarum legum voluerint, ut in gravissimis officiis suis numeraverint, confiteri sese ipsos illis subiectos, & ne impune contemni possent, majestatis toto pondere certare. Quod vel JUSTINIANUM scimus fecisse; tamen non omnia alioquin hujus Principis studia laudari soleant. Nam sic ille in Novella centesima trigesima septima: *Si, inquit, Civiles leges, quarum potestatem nobis Deus pro sua in homines benignitate credidit, firmas ab omnibus custodiri ad subditorum securitatem studemus; QUANTO PLUS studii adhibere debemus circa sacrorum Canonum & divinarum legum custodiam, quæ super salute animarum nostrarum definitæ sunt.* Ubi perspicue Civilium quidem legum *ἀνδριανήν* se esse, & potestatem sibi earum a Deo traditam dicit; Canonum vero & divinarum legum non nisi *custodiam*. Quas autem heic *leges divinas*, paulo post *divinos Canones* adpellat Imperator. (34)

Et vero in magnis nugis ii versantur, qui ex vocum qualicunque isto discrimine movere litem se posse arbitrantur: quos nos tanti, quanti debemus, facimus, id est nihili. Nam adpellationes non omnem exhaustire naturam, proprietatemque rerum, quibus significandis impositæ sunt, extra

(32) CONSTANT. ad MELCHIADEM R. P. apud Eusebium L. X. hist. Eccles. Cap. V. ut causam CÆCILIANI decideret, *ὡς ἂν καταμαρτυρεῖται τῷ σεβασμωτάτῳ νόμῳ ἀρροττεῖν*, quemadmodum Sanctissimæ legi convenire optime nostis.

(33) Vide Acta in causa Cæciliani apud Euseb. Lib. X. hist. Eccles. Cap. V. Item *Opusculum Millev. L. I. advers. Parmen.* Ibi Imperator, novum cum a se judicium Donatistæ postulassent; *peritis a me*, inquit, *in saculo judicium, cum ego ipse Christi judicium expectem.* Cumque ab Arelaten. etiam Synodo ad Constantinum rursus provocassent; sic ille respondit: *O rabida furoris audacia! sicut in causis gentilium fieri solet, adpellationem interposuerunt.*

tra controversiam est. Cæterum Canon proprie *regulam* significat: *Lex* autem *justi, injustique regula* a Seneca definitur: (35) & a Clemente Alexandrino νομος, κανων τωσανων δικαιων τε και αδικων, *Lex; quæ justorum, injustorumque est regula.* Differt autem a *Responsis prudentum*, quas Græci γνωµας vel ὑποθῆκας nominant, quoniam obligandi ea vim non habent, nec ab imperio profisciscuntur: a *præceptis* vero, quoniam in singulos illa feruntur; *Lex* in commune, quid faciendum, edicit, perpetuaque est, nec cum persona moritur. Tandem in omni lege spectari duo imprimis debent, *mandatum* ipsum, quo vel jubetur aliquid vel prohibetur, quam *cautionem* aliter dicimus; deinde pœna, quæ contra legem committentibus imponitur: quæ proprie *sanctio* a Jurisconsultis nominatur, & in ea vis est potissima ac proprietas sita legis atque imperii.

Dicat nunc mihi homo astutus, quid istorum omnium in sacris Ecclesiæ regulis desiderari putet, priusquam Princeps auctoritate eas sua imbuere? Episcopi an Magistratus non sunt? Jubere, vetare, coercere delinquentes *auctoritate ipsi sua*, sibi que *propria & absoluta* non possunt? Interdictio sacrorum, excommunicatioque, & illa maxime, quæ anathema dicitur, & vindictæ usitatæ similes an forte pœnæ non sunt? Non Canones perpetui erant? non editi in commune? Postrema ex his duo qui negat, amens est, & vim oculis fecit; superiora citra piaculum crimenque hæresis negari non possunt. (36) Ecquænam igitur vel cogitando informari ratio a nobis queat, cur non *Leges* adpellari Canones debeant, nisi tum primum, postquam ἐπικυρωτικὸν συνταγμα procuratum impetratumque sit? Utor his verbis, quæ nos latine *Jussum confirmatorium* interpretari cogimur. Cujus tametsi in synodalibus subinde scriptis fiat mentio: nunquam alio tamen pii Principes spectabant, quam ut majestatis & augusti nominis sui interpositu, quæ erant sancte imperata a synodis, iis parendum, obediendumque omnibus modis esse mandarent. Neque vero nos ita instituti animis sumus, ut nullas esse Principum partes in Ecclesia putemus. Sunt enim: immovero gravissimæ sunt: neque possumus, quin fraudulentæ succenseamus calumniatoris, qui id fingit, non nisi

0 0 2

præ-

(34) Apud Eusebium de vita Constant. Cap. XX. " Quidquid in sanctis Episcoporum Conciliis geritur, id omne ad Divinam referendum est voluntatem. " Et in epist. ad Episcopos apud Hard. Tom. I. Concil. Col. 268. Sacerdotum judicium ita debet haberi, ac si ipse Dominus residens judicet. Quid igitur sentiant Donatistæ? . . . perquirunt secularia, relinquentes cælestia. "

(35) Præfat. ad Nov. 137.

(36) Lib. 4. de Benef. Cap. IV.

praefones Ecclesiasticarum Legum a nobis Principes poni. (37) Quo nihil falsius, nihil iniquius, nihil alienum magis ab iis, qui rem Ecclesiae contra LUTHERUM & illius affeclas PUFFENDORFIUM, BÖHMERUMQUE, & siqui ex nostris istorum sunt similes, editis libris defenderunt. Ac ne hoc quidem a convicio vacuum est, *meros Executores* poni a nobis Principes. Nam ea si adhibita aliquando vox est ab iis, qui de argumento illo scripserunt; sine invidia profecto usurpata fuit, neque fore isti unquam existimarent, ut in vulpem, insidiasque tam turbulenti & inquieti Capitis sua scripta inciderent.

Itaque *Executores* cum Principes dicimus, ea ratione dicimus, ut sint; sed maiestate circumdati: *Executores*; sed potestate ad eum finem instructi, quam non ab Ecclesia tanquam famulorum censi numero, sed a DEO accipiunt: *secundi a Deo* ipsi, ut TERTULLIANUS loquitur, Regnique, quod ille Filio suo destinavit, isque sanguine suo comparavit, Defensores. *Executores* tandem; sed qui *gladium portant ad vindictam impiorum*. Sunt autem impii, qui in leges Ecclesiae peccant. Quare & ulcisci illas potest Imperator, & cum in suo jam ille genere perfectae, absolutaeque sint, hoc est, *sacrae Leges*; potest civilium insuper in legum numerum eas optare, ut utroque jam sint nomine, qui peccant, improbi, quosque censuris tantum Ecclesia persequitur, civilibus iidem penis, carceri, exilio, fortunarumque mulctationi obnoxii sint. Atque hic, hic ille est modus, quo *imitari se sacros Canones* Principes dicunt; (38) hunc secuti, pro *Legislatoribus* se gesserunt rerum sacrarum. Sic CONSTANTINUS fecit, (39) sic MARCIA-

(37) Vide. quae Cap. I. huius libri art. IV. §. IV. de Episcoporum potestate scripsimus. De excommunicationis autem vi lege CHRYSOST. Homil. de *Anathematismo* fugiendo, quae extat Tom. V. opp. & est 37ma. HIERONY. item Comment. in Hoseam Cap. 6, ubi expulsionem de Ecclesia expulsionem Adami de Paradiso esse similem docet. AUGUSTINUM quoque L. I. cont. advers. Leg. & Proph. Cap. 17. *Claves regni calorum sic dedit Christus Ecclesiae; ut non solum diceret, quae solveritis &c. verum & adjungeret: quae ligaveritis &c.; quia bona est & VINDICANDI iustitia*. Illud enim, quod ait; si nec Ecclesiam audierit, sit tibi sicut ethnicus & publicanus, gravior est, quam si gladio feriretur, si flammis absumeretur. &c. Et ante hos omnes Cyprianus epist. 6. - *Interfici Deus iussit Sacerdotibus suis non obtemperantes - - sed tamen quidem gladio occidebantur, - - nunc autem - - spiritali gladio superbi & contumaces necantur, dum de Ecclesia ejiciuntur: neque enim vivere foris possunt, cum domus Dei una sit, & nemo salvus esse nisi in Ecclesia possit*.

(38) Princip. Juris Publ. Eccles. C. VIII. §. IV. *Meros* hac in parte praefones, Canonumque executores fuisse Principes, probabitur: ægre &c.

(39) Cap. cit. §. III. Principes orthodoxi, quicquid rite constitutum erat a Sacerdotibus, religiose amplectebantur, Legibusque firmabant, quod proprie est *imitari sacros*

NUS (40) sic THEODOSIUS, sic JUSTINIANUS, (41) sic CAROLUS MAGNUS, (42) sic HUNGARIÆ REGES. (43) Hoc a LEONE item CÆSARE ut fieret, LEO Pontifex datis literis ab eo contendit, (44) & a THEODOSIO CÆLESTINUS. (45) Et sunt illa tandem exempla, quibus Codex refertus est, Novellæque, & Capitularium Regum Francorum libri. Quid? si necii nos simus, qui obnitendum esse Principi putemus, quominus consilia sua conferat cum sacerdotio, & det operam, ne quæ a Patribus sunt salubriter sancita, vel desuetudine vel negligentia obsolescant, etiam Episcoporum? Quid? Si & in ea opinione simus, etiam atque etiam esse adcurandum Ecclesiæ, ne suis legibus præjudicium civitati & Imperio faciat? & id si contigerit, demonstratumque pro eo ac oportet, fuerit, retractandam esse legem? sed ab illa,

Canones. §. iv. sub asterisco: Imperatores dum in suis Constitutionibus præcipiunt observantiam Canonum &c., utuntur nomine *Legis*, & pœnas non ex Episcoporum arbitrio, sed suo placito apponunt, quod *Præce* non potest, sed *Legislator*.

(39) Vid. epist. Constant. apud Socraten Lib. i. Cap. vi. nec non historiæ tripart. L. 2. Cap. 15. - Epist. Constant. de Paschatis celebratione apud Hard. Tom. i. Col. 447.

(40) Vid. Concil. Chalced. Act. iv. apud Hard. Tom. iii. Col. 438. ubi ex Mandato Marciani ajunt judices: *Dicat S. Synodus, utrum ei placeat ex regulis Patrum hujus causæ (quæ agebatur inter Photium Tyri, & Eusthatium Beryti Episcopos) quæstionem examinari, an e sacris pragmaticis?* Respondit Synodus: *Contra Canones nihil pragmaticum valeat, Canones Patrum reneant.* Vide etiam Act. 6. Col. 487. ubi Imperator Capitula quædam de Monachis & Clericis pervidenda & firmanda S. Synodo offert. Item *Interpretationem Legis THEODOSII J. contra FLAVIANUM* apud Hard. T. iii. Col. 673. Item literas ad PALLADIUM præfectum prætorii &c. ibid. Col. 675. &c.

(41) In Basil. li. Tit. i. de summa Trinit. & fide Cathol. - Codex Just. Lib. i. Tit. iii. L. 41. 42. &c. - Nov. v. cap. 9. cix. Præf. lxxxiii. Cap. i. cxxxvii. Cap. i. Conferatur PETRUS DE MARCA Lib. II. de Concord. Cap. 7. N. VIII. Unde est, inquit, quod de ritibus, ceremoniis, Sacramentis, Cleri censura, functione &c. Canones a Conciliis, & Decreta a Pontificibus Romanis tanquam de materia sibi subiecta frequentissime edantur, & vix ulla proferri possit Constitutio Principum, quæ hac de re lata fuerit ex mero secularis potestatis imperio. Secutas quidem hac in parte leges publicas videmus, sed non antecessisse. *Legge etiam ejusdem Libri Cap. IX.*

(42) Testatur CAROLUS apud HINC MARUM Remensem: se quæcunque pro fide fecerit, ea fecisse intentione, ut devoti sanctæ Dei Ecclesiæ Defensoris, humilisque adjutoris partes studiosè impleret, suæque auctoritate Episcopis adesset, ne Canonica sanctiones convellantur. *Confer si in potestate sunt, mss. Cl. SUNDERMAHLER. Profess. Juris pub. Wirceburgi in Jus pub. MASCOVII. Profess. Jenensis.*

(43) Vid. Synod. Strigoniensem sub COLOMANO Rege circa annum mxciv. Conciliorum Hung. P. i. p. 53. - S. STEPHANI Decret. L. 2. Cap. i. & 2. quod utrumque nihil, nisi Canon 6. & 7. est Concilii Moguntini an. 847. - Decretorum Regis Ladislai L. i. Capit. i. de Bigamis &c.

(44) Vid. epist. lxxiii. & lxxv. Edit. Ray.

illa, quæ tulit, retractandam: hoc enim est summæ in suo genere, & absolutæ, neque ulli subjectæ potestatis. (46) Verum cum hoc ipsum ita contendimus; vicissim nec ab Imperio præjudicari Ecclesiæ volumus. Nam illud ab exortu jam inde Religionis Christianæ impressum animis sanctissimorum Præsulum fuit, Ecclesiam *θεοκρατίαν* esse ac suis legibus vivere. Quare nihil pertinere ad se putabant Legem *Papiriam*, (47) de qua Cicero in Oratione pro domo sua, quæ vetabat *ædes injussu populi consecrari*. Nihil illam, quæ *ἐταίριαις, συνάξεις*, conventus, societates; tamen si communis lex esset, & ad seditiones impediendas lata. (48) Nihil, quæ arcam communem, actorem habere aut syndicum prohibebat, exemploque reipublicæ, quæ agi fierique debent, communiter agi ac fieri: tamen si & illa lex erat hujusmodi, quietemque ac publicam pacem spectabat. (49) Paucis: quid volo? illud quod ab Evangelio edocti sumus, *reddi Cæsari, quæ sunt Cæsaris, Deo, quæ Dei sunt*. Hoc ab Catholico, qualem præ se fert, quem contra disputo, sollicitari, molestum accidit, nec est ferre Catholici pectoris. Sed nempe intererat viri, a multis annis ei monstro præludere, quod pariturus erat. Subducamus modo, quod ex disputatione conficitur.

X. Cum sit CHRISTI Ecclesia spectabilis; cumque nullis terrarum atque regnorum, nullis temporum coarctari finibus ea debeat: cum sit una inter infinitas hæreses & schismata, quæ quidem & secutura esse ab Apostolo prænuntiatum fuit, & extitisse atque etiamnum existere experientia docet ac docuit omnium sæculorum: cum eadem non solum una adpellatione sit

Christi

(45) Tom. i. Concilior. Hard. Col. 1474. inter Acta Synodi Eph. Act. 11.

(46) Retractare Ecclesia censetur, si patiat, promulgationem in regno non fieri: ad eum modum, quo in Gallia plura Decreta Concilii Tridentini promulgata non sunt. Quanquam de hoc non unam esse video Theologorum sententiam. Legantur, qui de re hæc scripserunt: non est enim meum, quæ causa impeditæ promulgationis fuerit, hoc loco querere.

(47) Cicero pro domo sua: video enim esse legem veterem tribunitiam, quæ vetet, injussu plebis, ædes, terram, arcam consecrare.

(48) Leg. i. §. i. Tit. iv. Dig. Quod cujuscunque universitatis nomine Lib. III. Quibus permissum est corpus habere Collegii, Societatis, five cujuscunque alterius eorum nomine, proprium est ad exemplum reipublicæ; habere res communes, arcam communem, & actorem five Syndicum, per quem tanquam in republica, quod communiter agi fierique oportet, agatur, fiat. Cum qua lege componatur.

(49) Dig. L. XLVII. Tit. XXII. De Collegiis & corporibus lex III. In summa autem, nisi ex Senatus consulti auctoritate vel Cæsaris Collegium vel quodcunque tale Corpus coiverit, contra Senatus consultum & mandata & Constitutiones Collegium celebrat.

Christiani nominis; sed & determinare credenda possit, præscribere, jubere, abscindereque a se rebelles, damnare, & orco sic tradere, ut etiam in cælis sit ejus rata sententia: cum possit canones atque leges sua auctoritate, suis auspiciis condere, & in transgressores justis pœnis animadvertere: cum ex innumeris sectis sola ipsa dominatrix, sola imperans, sola vera sit: cum demonstrari oculis ac digito possit, ut πολιτεία quævis, civilisque Communitas: profecto quisquis statum porro, verique nominis rempublicam esse illam negat, is quid tandem animo verfer, neque nos assequi cogitando possumus, ac ne suspicari quidem. Quid est enim status, nisi multitudo, ut ita dicamus, stans per se ac suis legibus vivens? Quid res publica, nisi familiarum, rerumque inter ipsas communium summa potestate ac ratione moderata & colligata multitudo? (50) Sic BODINUS eam definit, & quamvis non verbis illis omnes utantur; in eandem certe loquuntur sententiam, nec PUFFENDORFIUS, aut qui exscribere eum consueverunt, a definitione illa discedunt. Substituantur nunc igitur in locum familiarum Episcopatus Ecclesiæque singulæ (nam res communis quæ sit, Christianum puto neminem fugere) quid deest, quominus status, resque publica Ecclesia nominari, non dico possit, sed debeat?

Quamquam cur illud quæro, quod quam sit connexum ac fluat sponte sua, clarius luce est? Est enim ita prorsus habendum: quisquis Ecclesiam, qualem Catholica fides poscit, ac nos modo descripsimus, admittendam sibi retinendamve putet, non posse eum, nisi amens sit plane, eandem aut esse statum negare, aut sacram rempublicam. Quemadmodum qui reipublicæ illam gradu, dignitateque spoliât, neque unam profiteri amplius omnino potest, neque summo imperio colligatam; sed sentinam, ut dixi, colluvionemque eam facit omnium sectarum. Atque id fuit, quod JURÆUM & PUFFENDORFIUM velle docui: & ut repetam, quod altissime impressum animis cupio, quid confessione est illa PUFFENDORFII disertius? Si sit status Ecclesia, ac regnum sacrorum; disputationibus frustra otium teri, cum quidquid in diversum objiciant Protestantes, vel eo solum nomine repudiandum sit, quod ab interpretatione & traditione Ecclesiæ discrepet. Quid ista: rationem Catholicos haudquaquam fugere, cum Ecclesiæ imprimis vocabulum crepent, vindicentque illud sibi, tum cæteris omnibus hæreseos convictio rebellionis notam impingant. Hoc quippe solum ubi pervicerint, totam

P p cau.

causam eos obtinuisse, & si qui lesos se putent, iis præterquam ut supplicent, & vota fundant, nihil reliquum fieri. Quamobrem verissime est a me illud posuium, nec si tota factio *Febroniana* in cœtum coeat, unquam falsum ostender id, quod demonstraturum me esse receperam, FEBRONIUM, a quo optata laudataque PUFFENDORFII est ea Doctrina, in ruinam Catholicæ Ecclesiæ scripsisse.

XI. Age enim, revincat calumniæ, si intuli; refellar si possim! tria pono. Sunt ipsa verba FEBRONII, *Ecclesiam non esse statum*, & id vere a PUFFENDORFIO sic esse scriptum. Quæro jam, ubinam legerit, PUFFENDORFII esse illam sententiam? in ipso libro PUFFENDORFII, quem citat, qui est: *de habitu Religionis Christianæ ad vitam Civilem*? in quodam alio ab ejusdem professionis homine conscripto? in Catholico libro? nam est unum ex his tribus necesse: neque enim *Pythonissam* opinor exemplo Saulis adhibuit. Si primum; quo factum miraculo est, nihil ut ei ex toto libro præter paragraphum trigèsimum secundum, paginamque centesimam trigèsimam nonam in oculos scribenti caderet? Qui factum, immo qui potuit fieri, ut vel tantillum non præterea legerit; ac si legerit, ut non adverterit, explicatissimum, clarissimum, evidentissimumque esse sensum Auctoris, velque solum hoc si iste pervicerit, *Ecclesiam statum non esse*; ipsam arcem causæ catholicæ jacere pessumdatam? Nihilominus scripsisse VERA PUFFENDORFIUM ait: ac tum vera scripsisse, cum Ecclesiam esse *statum* negavit, remque publicam, ac regnum sacrorum. VERA tum igitur ait scripsisse, cum eo sensu negavit *statum* esse, quo si sit, *totam causam obtinuerunt* Catholici; si non sit, ipsam *arcem* amiserunt, *totamque molem, quæ fundamento huic superstructa est, corruere ultro necesse est.* Hæc enim verba PUFFENDORFII sunt; hunc ille solum profitetur sensum; hunc solum audimus, legimus nos; nec qui alium verbis subjecerit, unquam fuit. Agite viri! succurrite heroi vestro, labitur, cadit, jacet. Nec resurget; si alterum responsuri estis, in PASSIO exempli causa, aliove five Doctrinam five verba PUFFENDORFII eum legisse exscripsisseque imprudentem. Redit enim, quod posui. Quotusquisque enim ex ea schola aut sententiam, aut verba, aut libellum PUFFENDORFII laudat, quin id una innuat, certissimam five stragem, five victoriam rei Catholicæ ex questione ista una pendere? * An ignorabat, quod sane nemo ignorat, ideo *avereum* adpellari libellum consueisse, quod sint cardines fundamentaque omnia Catholicæ Ecclesiæ compendiarie brevique opera in eo concussa?

Tandem nec tertium juvare poterit. Quotquot mentionem enim ex nostris de pronuntiato PUFFENDORFII ac libro faciunt, tanquam de monstro faci-

* Si in alembicum mittantur, Passius, Böhmerus, Thomafius, aliique; prodibit hæc quinta semper essentia.

faciunt: ut vel inde ab exscribendo laudandoque deterreri, si mens bona erat, debuerit? Et quis credat, cum ZALWEINIUM toties testem ipse patronumque suum excitaverit, atque viri hujus in omnium manibus scripta versentur; non in hoc saltem & scopum & exitum, & perniciem PUFFENDORFII dogmatis eum vidisse? Atqui quinquaginta & pluribus paginis in exponendo refellendoque illo ZALWEINIUS occupatur. Repeto, juvate viri, juvate heroem vestrum!

XII. Sed neque facitis, neque potestis facere. Nam quod in secundo is tomo defendit se ita: *Dixerat FEBRONIUS cum SAMUELE PUFFENDORFIO, nullam ex tribus formis Aristotelicis, Monarchicam, Aristocraticam & Democraticam convenire statui Ecclesiæ, neque huic per rerum naturam posse applicari: siquidem hæ formæ solum cadant in statum CIVILEM, seu POLITICUM, qualis non est Ecclesiæ: (51)* In hoc ego dolum, purum putumque dolum, fraudem fallaciamque agnosco. Quid? itane dixerat FEBRONIUS? Hoc ille solum scripserat? Ergo nunc ego verba heic iterum admetiri cogor, ut & legi & comparari ab unoquoque possint. Scripserat sic: *Quisquis a nobis hoc interrogat, non succenseat, si ei respondeamus cum viro sacris quidem Protestantium addicto, sed docto & rerum politicarum cumprimis perito, atque in hac parte vera tradente: IN ECCLESIIS FORMANDIS NON OPUS EST. DECRETO SUPER CERTA REGIMINIS FORMA INTRODUCENDA; ABSURDEQUE ADEO SUNT QUÆSTIONES, MONARCHICA, ARISTOCRATICA, AN DEMOCRATICA FORMA COMPETAT ECCLESIAE. HÆ QUIPPE FORMÆ CADUNT IN STATUM ALIQUEM SEU CIVITATEM: ECCLESIA AUTEM STATUS NON EST. Sic, atque nihil præterea.*

Cedo jam, pro eodemne sunt: *Ecclesiæ status non est; & ista: Ecclesiæ status civilis ac politicus non est?* Pro eodemne: *brutum animal non est; & brutum animal rationale non est?* Adpello autem singulos, quibus legendi aliquando PUFFENDORFII est facta copia, cum ille status ab Ecclesiæ naturam proprietatemque remover, idne agat, idne dormiat (nam dormisse necesse foret) ut *civilem* aut *politicum* non esse statum Ecclesiæ probet, prout *civilis* statui sacro opponitur, & est *dividens membrum* ejus generis, quod voce *status* exprimimus? Quid juvare *Protestantes*, quorum est bono libellus scriptus, poterat, Ecclesiæ profanum non esse statum: quod neque Catholici dicunt, neque dicere nisi furens potest? Er-

go *statum* esse negavit: non *civilem* seu *profanum* duntaxat statum. Et cum quæri vetat, quæ sit forma regiminis in Ecclesia, Monarchicane, an Aristocratica vel Democratica; non ideo vetat, quod civili, id est profano sint tantum statui hæ formæ propriæ (nam id si fecisset; de voce litigium movisset, neque aptum, neque otio dignum ac sumptu) sed vetat, quoniam *nullum esse statum* pertendit *præter civilem*: cum *civilis* igitur status Ecclesia non sit; prorsus *statum* non esse concludit: itaque nec de regiminis quæri forma oportere, quoniam tum solum huic est locus quæstioni, cum de *statu* sermo est. Quid adeo, si verbis disertis *regnum sacrorum* & nominer, & expugnaturum se dicat? quid? si ne esse quidem Ecclesiam, præter collegia, sodalitiaeque pia, & innexa, & obligata, & subiecta profanæ reipublicæ? Ac nonne totis id viribus molitur, ut colligationem atque nexum tollat Ecclesiarum, jus legum, decernendi, compellendi que vim ac potestatem? Istorum nihil a FEBRONIO ignorari, puto sic me probasse, ut quod hiscat, non habeat. Nihilominus & laudavit PUFENDORFIUM, & verba ejus adsumpsit, & heic vera eum scripsisse pronuntiavit. Adeone jam amans est sui, ut nos mentem atque oculos in sui gratiam velit abjicere?

XIII. Ego vero hoc plus etiam dico, ne nunc quidem, cum se defendit, a prima scabie eum recedere. Quod enim *Civilis* se status proprietatem ab Ecclesia removere scribit, haud quaquam est satis ad excusationem, neque accipimus, quoniam omnium *Protestantium* est ista vox. Hi quippe, ex quo nullum in rerum natura extare statum contendunt præter Civilem, solent hoc ipso, quod Ecclesiam Civilem aut Politicum non esse dicunt, prorsus neque status dignandam nomine, significare. Heinc adeo tritum illud in Catholicos convitium, *monstrum politicum* eos animis fingere: ac *Fansenista*, qui certe omnem ab Ecclesia notionem status propulsatam cupit, eodem utitur genere sermonis, iisdemque verbis. Deinde quo illud referam in defensione positum: in Ecclesiam non cadere regiminum consueta nomina, *neque applicari eidem posse per verum naturam*? Nam a PUFENDORFIO quem in sensum ea dicantur, probe teneo. Sed FEBRONIUM volo dicere disertius, fateaturne Ecclesiam unam, aspectabilem, Ecclesiam, quæ, demonstrari possit, *summo imperio colligatam, jubendique & compellendi auctoritate* præditam? Si est hujusmodi, quæ queat ratio adferri probabilis, cur *per verum naturam* aptari ei consueta nomina non possint? Est enim tam *ἀρχαία*, ex quo Monarchia, quam *κρατεία*, ex quo duo reliqua formantur, nihil aliud, quam *imperare*; Imperium autem si est, penes nullos esse non potest. Quare aut penes unum sit
opor.

oportet, aut penes multos, aut penes omnes. Penes quoscunque autem existat, ac qualiscunque exercendæ potestatis sit modus, temperatioque; designari necesse est possit, simplicique aut complexo nomine ex pervulgatis tribus significari.

Est & alia in Defensione *negus* jocularis valde & lepida. Fingit, nihil admodum sibi objectum esse ab eruditissimo Adversario, quam quod hominem non Catholicum laudaverit, & testimonio ejus sit usus. Tum ne porro aures *delicatas* offendat, *daturum* se ait *auctoritates mere catholicas, easque irrefragabiles*. Itaque Basileensis Concilii pronuntiatum subjicit: *Ecclesiam non ut politica Corpora humanis, & variis voluntatibus gubernari*. Deinde Clarissimi viri EUSEBII AMORT sententiam hujusmodi: *Formam regiminis Ecclesiastici proprie loquendo nec esse Monarchicam, nec Aristocraticam, nec Democraticam: in his enim potestatem dominativam, hoc est, potestatem regendi pro LIBITU reperiri: cujusmodi in Ecclesia ex omnium consensu habere locum non potest*. Concludit: *Videat nunc P. ZACCARIA, an & quid attentis gravibus his Catholicorum auctoritatibus, in causam suam lucretur, cavillando sententiam CATHOLICAM viri docti, licet non Catholici*.

Quis ista legens, spirare etiamnum ZACCARIAM putet, nec improvise hoc velut tonitru enectum, vitam una cum calamo posuisse? Quid enim AMORTIO respondere potest? quem huic opponet? O Hypocritam! Quasi vero non eundem AMORTII locum, verbaque eadem ZACCARIAS occupasset, & in exordio quidem Capitis illius, in quo de statu, PUFFENDORFIIQUE atque tua ista profana & perniciosissima doctrina disputat? (52) Non te monuerat, de sola voce virum istum litigare? nihil commune habere tecum? nihil cum PUFFENDORFIO? nihil cum iis, qui Ecclesiam esse *statum* negant? Atque ita rem esse, annon demonstratum tam evidenter a me fuit, ut sol clarior non sit? Tu vero *Catholicam* etiamnum sententiam adpellare audes, quam ego pestem esse rei catholicæ dixi; ac tanquam nihil PUFFENDORFIUS, tuque cliens ejus scripsissetis, quam non *pro libitu* res Ecclesiæ administrari; AMORTIO & *Basileensis* Concilii Patribus te circumdas, fucumque facis & histrioniam. Collige te, quæso! Scribit AMORTIUS, si

P P 3

pro-

(52) Antifeb. Diff. 1. Cap. 1. Recitatis verbis Cl. AMORT, subdit: Ma questo erudito Canonista nella sostanza non ci è contrario. Perocché solo esclude dalla Chiesa il dominio PRO LIBITO.

proprie loquendum sit (nam sic illi est visum, quamvis mihi non item) nec esse *Monarchicam*, nec *Aristocraticam*, nec *Democraticam* Ecclesiae formam. Quare? quia reperitur in his potestas regendi *pro LIBITU*. Tu vero quid? *Absurdæ sunt quæstiones*, *Monarchica*, *Aristocratica*, an *Democratica* forma competat Ecclesiae. Quare? quia Ecclesia *STATUS non est*. Dic per Deum! pro eodemne ista sunt? pro eodemne? Nempe his tu præstigiis, his ignibus fatuis ad illudendum opus habuisti. Ergo nunc saltem Ecclesiam *statum esse* fateri! Quod si feceris, jam me onere liberaisti, contra te porro aliquid scribendi: adeo & tuæ & meæ vis disputationis in uno hoc, an Ecclesia *status* sit, & requiescit & tota vertitur. Sed minime facies. Jam enim legum edendarum potestate Ecclesiam spoliasti; (53) jam eam non *statum*, sed *sodalitium pium* esse scripsisti: (54) jam civili imperio non obscure subiecisti; (55) jam sparsisti, jam laudasti, quibus admissis & Clerum universum & Episcopos, & Ecclesiam totam immunitate privilegiisque prope omnibus foret exui necessarium. sed de hoc quidem ne ego multa dicam, mea me ratio cohibet. Satis est, ostendamque per decursum operis, tua omnia cum PUFFENDORFIANO hærerè illo, Ecclesiam non esse *statum*, non *republicam*, non sacro imperio præditam, quodque inde conficitur, esse congeriem, multitudinemque omnium sectarum.

Sequitur in Defensione: Dicat Zaccarias, quantum volet Ecclesiam esse *statum*, seu regnum spirituale; eam equidem esse in Imperio, regno, seu quovis statu politico, sed sicut in corpore est anima: hæc omnia nunquam dabunt *justam de forma seu statu Ecclesiae ideam*. Compatior homini, qui cum symbolum quotidie recitet (neque enim, quod de PETRO AURELIO memorie est proditum, suspicari de eo possum) neque ideam Ecclesiae haber, neque notionem istius articuli: Credo in *unam sanctam catholicam & Apostolicam Ecclesiam*. Verum ego & quid sit Ecclesia, jam docui, & modo pluribus docere volo. Adsumamus, quod proximum est.

(53) Loco supra citato. (54)

Ibid. §. Cum Ecclesia non sit *Status* hominum a civitate profana discretus, sed *sodalitium pium* eidem nexu intimo concretum. (55) Ibidem toto capite.

§. III.

Ecclesia status sacer, cuiusmodi debet esse ex instituto CHRISTI, esse prorsus & omnino non potest, nisi caput centrumque sit, quo Ecclesiæ nectantur.

I. **E**cclesia Status est, Principatus est, respublica est; non ad profanum ea factum quidem formata, neque ad Cæsares ac principes subigendos; sed regno Diaboli atque peccati opposita, & ad verum Dei cultum, felicitatemque æternam hominum comparata. Quo ipso fit, ut ea omnia, quæ ad fidem & mores pertinent, determinare cum auctoritate possit, atque anathematum vinculis innodare contumaces & imperio Sathanæ tradere. Id ostendimus, quantum satis arbitrabamur fore Catholicis. Cæterum quibus ratiunculis investiri solet opinio contraria, refellam tum illas, cum a FEBRONIO in medium adlatas videro. Quanquam & occupatæ jam eæ sunt, & destrui facile ex dictis possunt. (54) Legantur interim Clarissimus SCHWARZIUS, qui toto pondere sermonis in dissipandas illas incumbit, nec non ZALWEINIUS, cuius jam supra mentionem aliquam feci, ac si ad manum sit (non enim est multis in Ger-

(54) Ex. g. Eum inquit, qui Statum remque publicam fundat exemplo MOYSIS, personam Principis in se adsumere, tum territorium sibi providere, colligere populum & illi jus dicere, leges præscribere, delinquentes pœnis subicere, Magistratus constituere, atque etiam hostes vi armata depellere. Nihil istorum omnium fecisse CHRISTUM. Itaque nec Statum dici Ecclesiam posse.

Sed hoc in argumento quod ponunt, nihil nos opus fuit a Politicis primum discere. Jam enim a Clemente Alexandrino didiceramus, a quo pulcherrime est ille locus diductus in II. Stromatum. Fuisse Moysis institutionem παιδευτικην imprimis adserit, hoc est in formandis instituendisque iis versatam, qui possent viri boni & honesti esse; tum διηρητικην, ut augetur similitum virorum multitudo ac numerus, atque hanc vere στρατηγικην esse seu Imperatoriam artem. Exinde σοφίαν νομοθετικην ponit, seu sapientiam ferendarum Legum, quam maxime regiam esse dicit. Ac jam supra illam diviserat in δικασικην seu Judiciariam, quam scientiam esse ait corrigentem ea, quæ sunt errata propter id, quod iustum est; tum κολοκασικην, quæ est scientia pœnas pro delicti gravitate moderans. Itaque his rebus contineri rempublicam.

Jam quod ita adsumunt novi homines, nihil omnium istorum in Ecclesiam cadere, quid quoque sensu dicant, prorsus non adsequor. Quid enim volunt? Ecclesiam profanam rema-

Germania) doctissimus & elegantissimus scriptor THOMAS MARIA MACHIVS in præstanti opere *Originum & Antiquitatum Ecclesiasticarum* Tomo quarto. Nos illud, cujus causa superiora sunt ista disputata, paulo attentius & animis liberis considerare nunc volumus.

II. In eo res vertitur, possitne, qualem esse docuimus, *status* resque publica Ecclesia esse, nisi fons, origoque atque centrum quoddam sit Ecclesiasticæ unitatis; principiumque, a quo moveri infinitam istam molem oporteat, a quo pendere omnes, in quod respicere, quoties hæreses, schismata, & offensiones nascantur. Id ego *ἀδυνάτον* esse dico, nec posse animo concipi. Ac si ad providentiam divinæ mentis pertinuit, non ut unum hominem atque monarcham, qui se solo, proque nutu & arbitrio

publicam non esse? id vero neque nos unquam somniando cogitavimus. Est autem turpissimum, cum de sacra & divini ordinis loquamur republica; nec modo sciant hoc ipsi, sed & verbis disertis hanc se unam ita adfirmatam descriptamque expugnaturus spondeant: eo aciem tamen & omnes machinas ab illis converti, ut *profanam* non esse ostendant: quod neque nos dicimus, neque expugnandum unquam ipsi sumpserunt. Quodsi hoc agunt, nullo sensu ac modo, nulloque in genere Ecclesiam *Statum* esse, dicique posse; nihil est, quidquid obijciunt. Quid enim? Christus *Princeps* non est? At fore regem illum Propheta prædixerunt: & Pilato interroganti, Rexne esset, omnino Regem se esse respondit, addiditque, non esse *de hoc mundo* regnum suum, id est, non profanum quidem, sed *in hoc mundo* tamen, ut Augustinus interpretatur. De *territorio* nolo dicere, quale sit, quod ostendant. Est enim ridiculum, interrogare, quod territorium is sibi comparaverit, quem *heredem universorum constituit Pater*; cuius *hereditas gentes, & possessio termini terræ*; quique postquam *omnem sibi a Patre potestatem fuisse traditam* dixit, quaquaversum, nullis marium, nullis regionum definitis finibus misit Discipulos, ut Evangelium promulgarent, Ecclesiam unam facerent, regnum dilatarent. Ergo & populum sane sibi collegit: immovero & nunc colligit: quod erat tertium. Jus autem quemadmodum dixerit, leges ediderit, Magistratus descripserit, edendarumque his etiam legum, pænarumque arbitrium & potestatem fecerit, quibus armis instruxerit: supervacaneum est hoc loco repetere, quoniam sexcenties est a nostris & accurate expositum.

Argumentum alterum a S. Optato petunt. Nam is in tertio libro adversus Parmenianum, *Non enim, inquit, Respublica in Ecclesia est, sed Ecclesia in Republica, id est, in Imperio Romano*. Audimus. Sed cur non vicissim nos audiunt, cum AMBROSII hoc illis opponimus: *Imperator intra Ecclesiam est, non supra Ecclesiam?* vide literas Pastorales illustrissimi de Beaumont Patrisini Archiepiscopi anno 1756. die 19. Septembris. Alioquin perspicua est OPTATI sententia. Is enim in primo jam libro Episcopos *omnium apices, Judices atque Principes* esse dixerat Christianorum. Cum autem CONSTANS Imperator argentum in Africam misisset ad inopiam pauperum sublevandam; id, quam nescio in partem a DONATO homine impio, monstroque Episcopalis nominis acceptum est: vetuitque non ille modo, ne eleemosynam aliquis admitteret, sed in verba plane ista prorupit: *Quid Imperatori cum Ecclesia?* Huius igitur amentiam viri castigat in illo loco OPTATUS. Ostenditque, quam sit sceleratum,

trio suo regeret, terrarum orbi præfectum vellet; sed in principatus totidem, quot sunt Episcopi, infinitam eam, quam dixi, rempublicam, ne ipsa mole interiret sua, displiceret: certe eosdem ipsos principatus nisi in uno subinde junxerit, colligaritque; factiones quidem habere multas potest, hæreses multas, latrocinia multa; Ecclesiam, regnum, remque publicam habere non potest. Immo vero præcipitabimur (sic profus est: *Febro- nianæ* ista ratio Theologiæ, procurandæque pacis is exitus erit) præcipitabimur volentes, nolentesque in illud barathrum, ut Ecclesia sit nulla, nisi ex colluvione conflata omnium sectarum.

Age enim, quid tandem volo, cum volo *centrum* esse Ecclesiasticæ unitatis? Id utique: oportere sive Episcopum, sive Episcopatum extare *unum* (quod ita pronuntio, ne in litem, in quam modo non volo, ingrediari) alterutrum inquam, sed *unum* tamen, cui quæ sint devinctæ ex cæteris per terrarum orbem Ecclesiis, eædem *solæ* Ecclesiam Christi, sponsamque veram efficiant: reliquæ, quarum apertum, & meditatum ab illo uno divortium est, non pertineant ad Ecclesiam Christi omnino. Atqui si in hoc fallor; sit alterum, quod dixi, collectione necessaria, ut ne sit quidem Ecclesia in mundo ulla, nisi sentina sectarum. Ita enim statuendum est: Cum societates hominum CHRISTUM colentium, scripturamque sacram & idem symbolum profitentium pro regnorum & provinciarum, quas incolunt, divisæ sint numero; tum vero æquales inter se omnes esse, neque alteram alteri potestate, & imperio præstare. Quamobrem neque ea quæ in *Hispaniis* est Christianorum Societas, *Gallicana* penes auctoritatem comparata secum, præstantior est, neque ista vicissim. Quippe utraque pastoribus regitur suis, quorum est una per terrarum orbem curatio, una auctoritas. Itaque nec obnoxia sibi invicem sunt. Stant per se igitur,

Q q

ac

in Imperatorem, qui a Deo secundus est, impuram linguam exerere. Ac si ex Apostoli præcepto pro omnibus etiam Ethnicis principibus fundendæ preces sint; quanto magis pro *Christiano*, pro tam religioso & misericorde principe, & domibus Dei ornamenta, & pauperibus *elemosynam* mitteret. Meminisset, non ex Ecclesia esse natum Romanum Imperium; sed hoc illa prius fuisse, sicut natura est illo prior, quod supra naturam est. Potius tanquam in hospitio & domicilio, sic in Imperio esse Ecclesiam, atque ita quod sponsæ *Libanus*, id Ecclesiæ Romanum *Imperium* esse. Deferret itaque *Donatus*, quod jura hospitii postulant: coleret Imperatorem defensorem Ecclesiæ: non enim perinde apud gentes barbaras eam tutam fore: Hic sensus, hæc summa verborum S. OPTATI Milevitani Episcopi. Legantur! Heinc autem quemadmodum consequens esse possit, quod *Adversarii* contendunt, non per se stare, nec sui juris ac potestatis esse CHRISTI Ecclesiam, prorsus neque ego intelligo, neque ipsi, opinor, capiunt.

ac arbitrii & juris unaquæque est sui. Quare quemadmodum si regna decem regno uni componas; imperare non illa huic, nec ferre leges possunt; quoniam disparata sunt, majestatisque ac potestatis destituta communi nexu ac centro: ita si vel unam te Ecclesiam speres posse reliquis subjicere; falleris, perdesque operam. Sua erit *Anglicana*, sua *Suecica*, sua *Danica*: credendorum, agendorumque normam nunquam ab aliis eæ accipient. Quid? quod ne a multis quidem. Nisi forte proferre tabulas atque legem possis, qua quod pars major senserit societatum liberarum, id esse ratum jubeatur singulis? Quam tu vero hanc proferes? Quod enim *Ecclesiam audiendam* esse mandavit CHRISTUS, habendumque pro Ethnico & publicano illum, qui aspernatus Ecclesiam monentem fuerit: id de privatis litigiis, societateque quam quisque sequitur, interpretandum putabitur: ad *universalem, dominatricemque* Ecclesiam transferri non poterit. Nec enim erit hujusmodi in rerum natura. Atque esto, sapientum alioquin id valeat, *sentiendum esse cum pluribus*: quis ignorat, quot in exceptiones hæc cadat regula? quam in graves illas, quam fréquentes? Non enim semper piaculum est, a multitudine vinci nolle: sed est tum solum, cum pertinacia probabilitati objicitur: quod quotusquisque dictum de se vere esse arbitrabitur? Et ut omnes concesserint: quid? is, aut pars ea, cujus ad veritatem est causa propensior, an imperare continuo & damnare dissentientes a se se alios potest? Atque hæc multo tum quidem justissima expositulatio illis videbitur, cum de iis est rebus sermo, quæ ritu & consuetudine definiuntur. Nam mutationem & varietatem eæ capiunt: ut Clericorum cœlibatus; Eucharistiæ sub una specie sumptio, similiaque, quæ & mutari possunt, & pro locorum, temporumque varietate laxari aut stringi.

III. Nec jam illud porro objectabimus, eam solam habendam Ecclesiam veram, quæ *Catholica* sit & *Apostolica*, huic obtemperandum, huic adhaerendum esse. Nam quorsum ista dicentur? Majores quippe nostri cum hoc quasi mucrone persequerentur hæreticos, pro indubitato sumebant, Ecclesiam instar *status* cujusdam habere se, & instar *definitæ*, & *dominatricis reipublicæ*; cujusmodi sublato nexu ac centro esse non potest. Quare si in hoc falsi sunt; erit nulla *particularium* quarumvis societatum magis catholica, sed ex æquo omnes, quæ CHRISTUM prædicant. Quod cum ubi-
vis locorum fiat; ex sectis omnibus Ecclesia una consurget, quæ *catholica* abscisse dicetur. Sic enim istud nomen consecutione quadam doctrinæ necessaria JURIEUS exponit: nec non BUCANUS apud illustrissimos fratres WALLEMBURGICOS. qui inter alios hoc quærit, an propter nævum & vitium in doctrina & Sacramentorum administratione Ecclesia esse desinat?

Ref-

Respondetque non eam desinere, dummodo *fundamentum*, quod est *Christus*, & *salus per unicum Christum*, & articulis fide summis, primis, præcipuis veritatem retineat.

Alterum pariter, quod *Apostolicæ* cognomentum Ecclesiæ addimus, quorsum recidet? Ambigua liquidem vox est, & explicatum duplicem habere potest. Si eo, quo Patres, sensu vocem accipias, hoc est, si *Apostolicam* Ecclesiam dicas a successione atque ordine Præfulum Romanorum; facies id sane, quod maxime volumus. Erit enim tum nexus ac centrum ea ipsa Ecclesia. Sin altero explices modo, hoc est, si *Apostolicam* voces, quæ doctrinam conservat ab *Apostolis traditam*; nihil lucrabere. Hoc quippe ipsum, quæ societas eam conservet, in disputatione esse positum dicitur. In opinione igitur res erit. Quare quantovis moliti opere fuerimus; nunquam adsequemur, ut damnasse nos eos jure videamur, qui rem aliter habere se putant, ac non Apostolos eodem quo nos modo docuisse. Suadebimus (quis neget?) vincemus, demonstrabimus, atque pertinacia peccabunt illi quidem, aliove vitio: sed ut imprecationibus nostris feriantur, ut anathematum grandine obruantur, ut extorres proscriptique ab Ecclesia, & tantquam ad terras solas amandati contabescant inedia, vitalemque a CHRISTO spiritum, donec vadimonium præstent, ad illudque venerint, nullum capiant: id vero quemadmodum exigi, procurari, mandari a nobis jure possit, negabunt a se unquam intelligi.

IV. Sed inquires: quid? si *Conciliarum* esse jus illud dixerimus? Conciliis igitur Ecclesiæ singulæ colligabuntur. Hoc jam egregie. Ecquis autem tot disparatas nec sibi hærentes, sed solutas ac liberrimas Societates in cœtum coget? quis jure atque imperio compellet? Propius: Conciliarum, quæ post annorum forte unamquamque centuriam celebrantur, si ea vis est ac tanta auctoritas, ut decernere, imperare, damnare possint; Societatumque, quæ innumerabiles in terrarum sunt orbe, existit nulla, quin revereri istam debeat tam excellentem, tam divinam in Conciliis potestatem; quis adeo fungus est, ut non supponi atque sumi jam hoc ipso illud videat, quod nos maxime dicimus? *statum remque publicam esse Ecclesiam*: cujusmodi sine nexu ac centro cogitari non potest. Sunt enim Comitia compendiaria, ut ita dicam, respublica. Quare ut priorem esse illam oportet Comitiiis, defixamque ac stabilem; sic quo colligatur ac necitur, stabile idem sit, perpetuumque ac semper præsens, necesse est. Id largiar, ac tamen si a ratione abit, dabo tamen, si foret continens, annua, aut quinquennalis conscriptio illa Patrum; consultum fortasse satis videri posse unitati.

rati. Sed ubi lex, qua, ut ita fiat, præscribitur? neque enim quod infantia Ecclesiæ nascentis datum momento est ab Apostolis, id iidem ut *pragmaticum* perpetuumque esset iusserunt. Heinc & Catholicorum adversus *Quesnellianæ* factionis homines contestata rebus certissimis est ista sententia, non ita Conciliis Ecclesiam suam CHRISTUM adligasse, ut carere hæc iis non possit. Quid? quod ipsa raritas idem probat Conciliorum? quæ est tanta, ut intra mille & octingentos propemodum annos octodecim duntaxat eorum numerentur. Et quid, si imperia imperiis, Concilia Conciliis opponantur, damnentque se ea mutuo, & execrationibus obruant? *Basileæ, Florentiæque* sic factum est: neque tum primum, sed quam maxime cum *Ariana* teneret hæresis, quo tempore quid non molitus est Imperator, ut Synodos Synodis, Concilia Conciliis novis obtineret? Tum enim vero utris parendum erit? parendum inquam: neque enim ii nos sumus, qui Ecclesiam Philosophorum comparandam scholis esse putemus, ut asperare & irridere digladiantes liceat; sequi eos vero, quorum communior esse sententia videtur, & ad veritatem proclivior. Est enim præclusum jam illud effugium: præsertim ubi *republicam* esse Ecclesiam diximus summa auctoritate, imperioque præditam, eamque unam, *demonstrabilem*, certam & individuum, ut ita loquamur: ac de illa nunc quærimus, an esse cogitarique sine capite ac centro possit? Negamus vero, nec unquam ratio adferri poterit, quamobrem cum pugnantes sunt synodi, aut illa huic, aut alterutra Ecclesiis cæteris *mandare* queat, credendaque præscribere.

V. Quare quod dicere cœpimus, stabit JURÆO, BUCANOQUE, neque convelli quantovis opere a nobis poterit exitialis ea & in communem excogitata stragem doctrina, turpissimaque opinio, Ecclesiam ex colluvione confari omnium sectarum. Frustra PAULUM, frustra ex annalium memoria excitabimus testes IRENÆUM, TERTULLIANUM, CLEMENTEM ALEXANDRINUM, AUGUSTINUM, HIERONYMUM, BASILIUM, Conciliaque omnia. Frustra hæreticorum texemus catalogos: frustra Decreta, anathemata proferemus. Nam si ad eos ista pertineant, qui non ut *Gnostici*, hæreticorumque nonnulli veterum fundamenta convellunt ac temerant Christianæ fidei; JURÆO nunquam persuadebimus (sic ipse adfirmat) nunquam, id juris in Majoribus nostris resedisse, ut credendi ea necessitatem impo-
nerent, quæ ante liberum fuit, non credere. Quæ si absurdissima sunt, ut sane, si est quidpiam absurdum, infandumque aliud: sunt eadem tamen verissima, siquidem centrum sustulerimus definitum atque stabile illud, in quo Ecclesiæ coagmentatæ in Principatum coeunt. Deme hoc, & una rempublicam sustulisti; si rempublicam; imperium quoque: si autem im-
pe-

perium; profecto non nisi improbe edocti a Majoribus sumus. *æterna lege sic esse positum: ut extra regni hujus sacrorum pomæria nemini salute potiri liceat.* Perdidisti igitur, quod ubi solum pervicissent Catholici; totam causam obtinuisse. Igitur ut verbis quatuor, *arcem, fundamenta, molem,* omnia perdidisti. Hoc scilicet erat, quod PUFFENDORFIUS vidit; hoc ille monuit, hoc totidem iisdemque verbis subduxit.

VI. Sed enim quid ad FEBRONIUM ista? Ita namque objecturos mihi nonnullos sentio ex iis, qui cum legere utcunque didicerint; comparare, intelligereque, quæ sunt lecta, non item didicerunt. Ergo non ille unam, inquit, Ecclesiam & hujus centrum unitatis professus est?

Verum qui sic percontantur, eos vicissim interrogo, neglectumne a me aliquid putent, quominus comparatione ipsa verborum demonstraverim, omnem ab Ecclesia Primatum, omnem funditus toto opere suo FEBRONIUM fustulisse? quo minus demonstraverim, exscripsisse illum, fecisseque suum, quidquid ab ANONYMO JANSENISTA adlatum est, ut quod de centro unitatis nos dicimus, joculare ac ridiculum redderet? quo minus demonstraverim, cum PUFFENDORFIO dignitatem, adpellationemque *status* eum Ecclesiæ detraxisse, quod qui facit, neque unam Ecclesiam tueri, neque centrum potest unitatis? Nominat Primatem: esto (nam debebat illud quidem, ut personam ageret) sed qui literarum, queis communicare inter se Ecclesiæ solent, procurationem habeat, atque etiam fortassis monere possit: de quo nos postea, ubi de jurisdictione disputabimus. Verum an hoc illud centrum, hæc illa unitas est, quæ *imperium, regnumque* sacrorum, & *dominatricem* quam dixi *republicam*, & hanc definitam, certam, ac *demonstrabilem* faciat? Nego, prorsus nego. *Confederationem* sic quidem Ecclesiarum qualemcunque & arbitrariam intelligo; Imperium non intelligo, perinde atque civile in Germania Imperium sine Imperatore tot inter disparatas ac liberas provincias esse non potest. Sed de hoc alias pluribus. Nunc illud, ad quod velut gradibus quibusdam hucusque ascendimus, ut expediamus, definiamusque, superest.

§. IV.

Essentia Primatus collati PETRO in eo posita est, ut in capite, centroque adspectabili in unum statum & sacram rempublicam colligeretur Ecclesia.

I. Et PETRO quidem Primatum inter Apostolos fuisse datum, ac potestatem aliquam præcipuam, qui superiora nostra legerit, inficiari non

volet. Quare nec illud in controversiam venire potest, quin sit idem unitatis causa constitutus Primatus; unitatis inquam, qualem Ecclesiæ, ut ea descripta a nobis hætenus fuit, natura atque ratio postulat. Quod adeo certum est, ut qui contra pugnet, schismatis & hæreseos crimen incurrat ex Catholicorum omnium sententia. Inde cum *Constantiensi* Concilio articuli duo oblatis fuissent *Joannis* HUSSII, alter, quo is *Petrum nec esse nec fuisse caput Ecclesiæ sanctæ Catholicæ* adstruebat; tum alter, *non apparere, quomobrem necessarium hujusmodi sit caput*: profligatus est uterque articulus, & erroris damnatus. Ut adeo & caput & necessitatem finemque jam Capitis teneamus.

Atque id scilicet erat, quod animadversum volebamus, ubi CHRISTUM, quoties Apostolos suos est adlocutus, ac vel ligandi solvendique iis promissit potestatem, vel spiritum sanctum despondit, & in terrarum orbem misit, ordinavitque cætera ad Ecclesiæ necessaria regimen; nunquam *excluso* PETRO ista diximus fecisse. Sed ex adverso totidem adhæc vicibus ad unum PETRUM sermonem direxisse; nec modo primum huic atque præcipue, sed exquisitissimis verbis procurationem Ecclesiæ suæ demandasse: sic quidem, ut nisi in communionem advocatos reliquos scriptura diceret, dubitaturi minime essemus, quin fuisset uni huic summa rerum, & ἐπισκοπή terrarum orbis commissa. Horum enim ista ratio fuit, ut cum PETRO centro atque capite suo in unum Corpus, ac nascituram subinde sacram rempublicam Apostoli concederent. Quemadmodum id pulchre *Cardinalis* PERRONIUS, indeque BOSSUETIUS, alique tum Episcopi, tum Theologi Galliæ observant: quorum verba, cum opportunum fuerit, recitabimus.

II. Quin AMBROSII heinc etiam illud intelligimus præclare scriptum; *ipse est* PETRUS, cui dixit CHRISTUS: Tu es Petrus, & super hanc petram ædificabo Ecclesiam meam. *Ubi ergo* PETRUS, *ibi Ecclesia*: (57) tanquam si diceret Ecclesiam, nisi quæ una in PETRO sit, esse veram non posse. Et quod toties AUGUSTINUS repetit, Adversarii que velut lethiferum telum in nos intorquent centies atque sexcenties, PETRUM propter Primatum suum figuram Ecclesiæ gessisse; repræsentasse Ecclesiam PETRUM; quod huic, id Ecclesiæ esse dictum ac datum: quæ omnia & verissima sunt & exploratissima; sed ab iis, quorum contra nos stupor in armis est, non intellecta. Plane sic viri! quidquid PETRO, id Ecclesiæ datum est, sed IN PETRO. Vultis ali-

aliter? Ea sola Ecclesia Claves habet, sola ligandi solvendique habet potestatem, sola vera, sola CHRISTI, sola imperans atque dominans est Ecclesia, in qua PETRUS est, quæque in PETRO tanquam in centro nectitur, & cujus caput post CHRISTUM est PETRUS. Sic propter Primatum (cur non advertitis?) propter Primatum, propter præeminentem illum tam excellenti gratia Primatum personam Ecclesiæ PETRUS gessit: hæc mens AUGUSTINI. Adpellavi Caput Ecclesiæ. Prorsus; frendeat, fremat, furat FERONIVS, JANSENISTAQUE frater ejus: PETRUS caput erat. At AUGUSTINUS non ita nominavit? Quid tum? Primatum; Primatum præeminentem; tam excellenti gratia præeminentem dixit: nonne idem? Oratione igitur, non re discrepat AUGUSTINUS. Nisi forte ex vocabulis æstimanda res sit? Bene est. CAPUT nominavit Constantiensis generalis synodus; CAPUT Florentina; (58) CAPUT is, cujus est sermo inter sermones AUGUSTINI octogessimus: qui quidem & Rectorem fuisse PETRUM totius Ecclesiæ scribit. (59) Idemque, qui AMBROSIVS vulgò creditus fuit, Auctor Commentariorum in Divi Pauli epistolas, pro explorato sumpsit: neque is modo; sed VALENTINIANUS etiam in Novella, quæ est de Episcoporum ordinatione: quin & Sardicensis antiquissima Synodus: ac Theodorus studites, (60) & Ecclesia in publicis precibus. (61) Quis autem non succenseat, cum pumiliones & humanæ mentis atque indolis centussex duos præscribere Conciliis, Imperatori, priscisque Patribus videt, quo sit genere sermonis utendum?

At enim CHRISTUS, inquiunt, non minus absens, quam præsens corpore tueri Ecclesiam suam potest: ecquid rectore, quid Capite opus? Lepide! Ergo & Parochus, & Episcopus, & Synodus, & quidque sive ad ordinem, sive ad rectionem gubernationemque pertinet, tollatur omnino: nihil his opus est. Quid? quod neque agros deinceps colere, neque ferere

(58) Locis alias cit.

(59) Totius Corporis morbum in ipso CAPITE curat Ecclesia, & in ipso vertice componit membrorum omnium sanitatem. - Quid agis, o Petre, future RECTOR Ecclesiæ, quid loqueris? Tom. V. op. Aug. Col. 191. Agit Auctor de PETRO, qui CHRISTUM negaverat, & inde respuit, factus poenitentia exemplum.


(60) Auctor Commentariorum, in Cap. III. prim. ad Corinth. VALENTIN. III. Nov. indicata, THEOD. STUD. ad Leon. III. epist. 33. lib. I. Verba alibi referuntur Synod. Sard. Can. III. Tom. I. Hard. Col. 651.

(61) Sacrament. Gallican. Mabill. loco alias cit. ad festum Cathed. S. Petri in Collect. Deus, qui hodierna die B. Petrum post te dedisti CAPUT ECCLESIAE. Plura hujus generis adferuntur per decursum.

rere, neque metere sit necesse, cum etiã istud in Dei potestate sit, otiosos & alimentorum incurios servare. Quanquam JANSENISTÆ non heic magnopere succenseo. Scio ingenium, scio operam, studiumque sectæ: quæ id agit, ut Ecclesiam hominum oculis eripiat, inermemque faciat, & Donatistarum exemplo in angulum compingat. FEBRONIUM exscribere furarique potuisse eam spurcitiem, id verò & admiror & stupeo, & irascor. Vah!

§. V.

Primatus igitur PETRI cum persona Petri nequaquam interiit.



Jam ex iis quæ posui, hoc etiã efficitur & cogitur, haudquaquam esse extinctum una cum PETRO Primatum illum, jusque ac dignitatem *centri & Capitis*; verùm in successores ejus dimanasse, nec istos alios quam Romanos Pontifices. Quorum qui prius negat, iisdem, quibus alterum nos porro demonstrabimus, argumentis refelli potest: tum non ea, quæ hucusque sunt posita, satis intelligit, aut oppido malus & extreme pertinax est. Quid enim? si Ecclesia, ut illa foret, quæ esse debuit, *Principatus, respublica, regnum sacrum*, & quæ sunt hujusmodi; carere centro atque Capite quodam suo non potuit: eadem cum esse perpetua debeat; careat illo nunc, carueritque annis mille ac septingentis, nec nisi temporarium aliquando, crucifigendumque ac sepeliendum una cum PETRO habuerit? Fuerit igitur sic quasi momento Ecclesia UNA CHRISTI: non erit modo; sed congeries colluvioque erit infinitarum cujusque nominis atque sectæ societatum: immovero tot annis fuit, quot sunt elapsi a PETRI morte: quo nihil absurdus.

II. Neque tam nos incauti sumus, ut Apostolorum fuisse causã Primatum constitutum putemus. Quo non indigebant, qui adversus hæresin scissionemque omnem obfirmati animis divina gratia fuerant. Sed posteritatis ille bono institutus a CHRISTO fuit: id quod pulcherrime BARLAAMUS *Hieracensis* Episcopus, qui circa annum vixit millesimum trecentessimum tertium, in epistolarum suarum aliqua, quas ad Græcos Schismaticos ipse Græcus dedit, observavit. Quæ epistolæ tametsi minus latinæ sint, seu quod ab græco scriptæ nec subactò satis flosculis latii, seu quod interpretationem nactæ sint pro illa temporum barbarie, quorum alterutrum etiã

S. IRENÆO accidisse, pervulgatum est: non eo minus succo & rerum pondere plenæ sunt. Sic autem loquitur: *Quid igitur? Oportetne Pontificale quidem ministerium non in ipsis Apostolis circumscribi, sed etiam successoribus ipsum tradi usque ad fines sæculorum, ut semper in mundo sint Pontifices successores eorum: Pontificatus vero PRIMATUM in ipsis oportebat finire? ut quemadmodum in illis factus est aliquis DECRETO DEI primus, quem alii pro Capite suo ducebant, hoc nequaquam ad reliquos transeat: ut alii aliquem unum suum principem putent, sed omnes per omnia coæquales sint? Ex qua differentia hoc deberet contingere, ut Pontificale quidem ministerium transeat ad successores; principandi vero officium secundum Pontificatum minime; cum utraque simul essent a DOMINO ostensa, & similiter multitudini fidelium NECESSARIA existant? Vel quomodo totaliter providentiæ opus esset omnia sapienter administrantis, Apostolis quidem providere, ut habeant Primatem, quos ita gratia erat perfectura, ut non indigeant in multis ducem habere hominem: post illos vero multitudines fidelium in principatus & inordinatas deserere ferre? Ego enim contrarium credo, ideo Petrum principem aliorum constitutum fuisse, ut secundum eandem formam semper in Ecclesia ad unum reducantur omnes principum.*

Atque aptissime idem postea: si quis multitudinem intueri cogitando apud se velit tot Christianarum in mundo Societatum; si animorum affectiones, si ingenia nationum, si sententiarum, si voluntatum, si rerum, si temporum conversiones; si quæ solent hominibus accidere & aut voluntate provocantur, aut fortunæ injiciuntur vitio varietateque (quo quidem in numero Romani Imperii tot in Regna scissionem censet) videri sibi nullam hæcenus hæresin sopiri potuisse, nisi Ecclesiam Deus Optimus Maximus unam aliquam, cujus auspiciis cuncta fierent, & in qua tanquam in puncto centroque suo conquiescerent cæteræ, providisset. (62) Quod quemadmodum vere ab eo scriptum sit, videbimus loco suo. Certe Romanam Barlaamus intellexit Ecclesiam, Antistitemque ejus.

§. VI.

Primatus ille perseverat in Romana tantum Ecclesia.

I. **N**am quod Armacanus (63) nuper quis nescio, istud evanidum fuscitandum sibi putavit, neque successores esse PETRI Romanos Episcopos,

R r

(62) Canis. Lect. antiq. Tom. vi. p. p. 15. 18.

(63) Nomen Jansenistarum est, ab infami libro, quem sub nomine *Armacani* JAN-

pos, neque fuisse Romæ PETRUM omnino: (64) potuit non nisi furor summumque scelus hucum impellere. Quasi nos id carunculæ huic debeamus, ut illius causa tota vetustatis lacessenda bello, & proculcanda auctoritas sit? Vidisset, nisi amens fuisset & ebrius odio, quæ IRENÆUS, TERTULLIANUSQUE scriptores suppare de re ea prodiderunt: ac quæ ARNOBIUS in libro adversus gentes, CYPRIANUS in suis epistolis, CAJUS ac DIONYSIUS apud EUSEBIUM, ipse EUSEBIUS. Quæ LACTANTIUS, HIERONYMUS, AMBROSIIUS, AUGUSTINUS, PROSPER, OROSIUS, MAXIMUS, OPTATUS, PETRUS CHRYSOLOGUS, & ex Græcis ATHANASIUS, CHRYSOSTOMUS, CYRILLUS ALEXANDRINUS, THEODORETUS, SOZOMENUS, schismaticique ipsimet Græci omnes, quorum est summa hoc in caput consensio, & fuisse Petrum Romæ, & martyrium istic fecisse. (65)

II. Et cur Primatum non eo suum adtulit? Immo adtulit, & ibidem posuit, & in successores Romanos Episcopos illum trajecit. Quod qui alterum ex duobus negant (negat autem, nisi sit idem tamen cum primo, etiam meus ille Jansenista Anonymus) in pari infamia sunt. Quo enim spectabant alioquin IRENÆUS, Auctor Carminis contra MARCIONEM, AUGUSTINUS, EPIPHANIUS, cæterique, cum catalogos descripserunt Pontificum Romanorum, & Petro LINUM, huic CLETUM, tum CLEMENTEM, & eodem alios ordine successisse scripserunt? (66) Aut quæ esse ratio poterat, quamobrem antiqui omnes, Græci Latinique, Orientales & Occidentales Romanam Ecclesiam Divi PETRI *cathedram, sedem PETRI, sedem Apo-*

— SENIUS Irenensis contra Regem Galliarum scripsit.

(64) V. Acta & Decret. pseudo Synod. Traject. p. 72.

(65) Irenæus - Lib. III. Cap. III. Tertull. Lib. IV. contra Marcionem Cap. V. p. 5. Arnob. Lib. II. adversus gentes pag. 64. edit. Paris 1605. Cyprianus epist. LV. Edit. Pamelii. Cajus adversus Proclum Cataphrygam apud Eusebium Lib. II. Hist. Eccles. Cap. XXIV. — Dionysius Corinthiorum Episcopus apud eundem Cap. cit. — Euseb. Hist. Eccl. L. 2. Cap. 24. Lactant. L. 4. instit. Cap. 21. — Hierony. de Script. Eccles. Cap. 1. — Ambros. Sermon. contra Auxentium de Basilicis reddendis. Tom. IV. Edit. Col. — Augustinus Sermon. CCCCXVI. de divers. & locis alibi citandis. Prosper Carm. de ingratis N. 40. sqq. — Orosius L. VII. Hist. Cap. VI. sqq. — Petrus Chrysol. epist. ad Eutychen. supra cit. — S. Maxim. in literis ad Petrum illustrem Edit. Sirmondi Tom. &c. Nolo chartam enim consumere adpellatione testium, qui ubique nominantur. Vide PEARSONIUM, Anglum, & a sacris nostris alienum scriptorem Dissert. de success. primorum Romæ Episcop. Cap. VII. & ex nostris Bellar. de Rom. Pont. Lib. 2. Cap. III. Kelleri Papatum. Cathol. Cap. 1.

(66) Irenæus l. c. Auctor. Car. contra Marc. sub finem libri III. Epiph. ad hæres. XXVII. &c.

Apostolicam ἀντονομασίῃς & per excellentiam adpellaverint, Romanosque ipsos Pontifices, siquidem electi ex præscripto Canonum acceptique essent, pro successoribus Divi PETRI habuerint? Sic enim præclare rem probat, & pro more succincte recens scriptor. (67) Qui & admonet, demonstrationem non aliam adhibendam esse præter eam, quæ oculorum fide gignitur: legendasque cum JULII Primi, SIRICII, INNOCENTII I. ZOSIMI, CÆLESTINI, LEONIS Magni, GELASII, HILARII, SYMMACHI, HORMISDÆ, SIMPLICII, GREGORII Magni Decretales literas: tum eas epistolas, quas Occidentales & Orientales Episcopi, ac nonnunquam Patriarchæ causa hæresum ac schismatum ad Romanos Pontifices dederunt: eas quoque, quas Novatores ipsi & fabri hæresum; ut epistolam EUTYCHIS ad LEONEM *Magnum*, PETRI MOGGI ad SIMPLICIUM, SERGII ad HONORIUM, cæterorumque Pontificum item ad Concilia literas, velut CÆLESTINI ad *Ephesium*, LEONIS M. ad *Chalcedonensem*, VIGILII ad JUSTINIANUM & Patriarchas Orientis ac Synodum quintam, AGATHONIS ad Synodum VI. Tum Vicariorum Pontificis in hisdemmet aliisque Conciliis interlocutiones: atque Conciliorum etiam ipsorum synodicas ad Pontifices Maximos, quoties rationem rerum gestarum reddunt. Atque tandem *Corpus* ipsum *Juris Civilis*: & hujus locum eum præcipue, ubi JUSTINIANUS Imperator, Princeps nequaquam ad serviendum factus, idemque Græcus JOANNEM Papam adloquitur. (68) In his quippe & aliis id genus monumentis innumeris frequentius nihil occurrere, quam ut Romana Ecclesia Divi PETRI *cathedra*, *Sedes* PETRI, *Sedes Apostolica*, *summi Pontificatus apex*, *caput omnium Ecclesiarum*: Romani

r r 2

au-

(67) P. Clemens Beker Dissert. Theol. Tom. 2. pag. 108.

(68) Julius I. epist. ad Eusebianos Edit. Constantii Tom. 1. Col. 387. — Siricius ibid. ad Himerium Taronens. Col. 624. item epist. V. Col. 651. &c. — Bonifac. I. ad Rufum ep. V. Col. 1021. item epist. IV. Col. 1019. — Innoc. 1. ad Victricium Rothom. Col. 747. — Cælest. in Commonit. seu epist. XVII. Col. 1152. item epist. III. ad Epif. Illyrici Col. 1064. — Zosimus epist. II. ad univers. Episcopos Africa Col. 948. & ad eosd. XII. Col. 977. — Xistus III. ad Joann. Antiochenum Col. 1259. sqq. — S. Leo Sermon. 2. & 3. ad diem anniv. & alibi passim. — Gelasii, Felicisque verba jam tum adduximus: Ita autem, ne totas paginas cogamur implere, poterit deinceps per se Lector progredi, *Harduini* primum alterumque tomum si modo evolvat. Nos verba, atque sententias per decursum, & sub finem operis, volente Deo, in una serie exhibebimus. Vide etiam Constantii Præfationem ad epist. RR. PP. pag. V. & sqq. Libet tria solum adjungere. Primum CAPREOLUS Carthag. Episcopus ad Synodum Ephes. scribens, monet, ut profligantur hæreses, quas modo repullulantes *Apostolica Sedis auctoritas oppressit*. Hard. T. II. Col. 1422. JUSTINIANUS Imperator sic ad JOANNEM Papam lib. 2. Tit. de summa Trinit. *Reddentes bonorem Apostolica Sedi & vestre*

autem Episcopi D. PETRI Successores, in quibus vigeat PETRI auctoritas, immo & Petrus & petra adpellentur.

Huic compendiario viri clarissimi argumento, tamen non iisdem a nobis verbis exposito, nihil admodum quod addendum esse videatur, succurrit, præterquam ut testimonia ipsa repræsentemus: quod & ad marginem & per decursum facimus, partim sententiis adscriptis, partim, ne prolixiores ipsi simus, indicatis.

III. Id minime prætereundum esse videtur, quod apud Græcos, ex quo Constantinopolitana vicit ambitio, satis frequens fuisse intelligo, ut Ecclesiam Patriarchis stare quinque scripserint. Quod nominatim BALSAMON homo schismaticus in *μελεταις* seu in meditatibus responsisque de Privilegiis Patriarcharum fecit, ubi Patriarchas *ὡς αἰθρησεὶς πεντε μιας κεφαλῆς*, velut *quinque sensus unius capitis* esse scribit, & *μὴν κεφαλὴν τοῦ σώματος πάντων τῶν ἐκκλησιῶν τῆ θεοῦ* unum Caput corporis omnium Dei Ecclesiarum. Rationemque insinuat, quod S. PETRUS *Antiochiæ* EVODIUM, *Alexandriæ* MARCUM, *Ierosolymis* JACOBUM, & in *Thracia* ANDREAM ordinauerit, Patriarchasque præfecerit.

Male profecto, male. Qui enim præstabit, quod de *Constantinopolitano*, *Ierosolymitano*que adserit, quorum neutrum Patriarcham fuisse constat primis quatuor sæculis? Atqui ambitionem nos tenemus amborum, monumentis consignatam certissimis: scimus, quemadmodum partim vi potentiaque Principum, partim gratia & indulgentia Episcoporum ad fastigium sint huiusmodi eluctati. Quid? quod est omnis adeo ex ementiti DOROTHEI traducta fabulis ista sumptio de ANDRÆ Episcopatu, cispulsaque pridem ab eruditis viris, cum neque vestigium ejus extet in verustate, neque EUSEBIUS, aut GREGORIUS Nazianzenus illius mē-

mine.

Sanctitati, quod semper nobis in voto fuit, & est, & ut decet Patrem honorantes vestram beatitudinem, omnia quæ ad Ecclesiarum statum pertinent, festinavimus ad notitiam deferre vestra Sanctitatis, quoniam semper fuit nobis magnum studium, unitatem vestra Apostolica Sedis & sanctarum Dei Ecclesiarum custodire &c. Vide etiam Nov. 9. ubi apicem Pontificatus, & fontem Sacerdotii Romæ positum dicit, adde Nov. 131. — Concil. Vasense III. anno DXXIX. Can. 3. de repetitione *κρυε ἐλεησον*. Quia tam in *SEDE APOSTOLICA*, quam etiam per orientales atque Italia provincias consuetudo est intromissa. Vides antonomastice R. Ecclesiam Sedem Apostolicam dici.

minerint, tametsi amborum interesset, silentio eam non premere. (69) Quare missis Græculorum deliriis, quod est veri mixtum fabulæ, & ab ipsis hostibus datur, accipimus. Is scilicet BALSAMON quantumvis inimicus Romanæ Ecclesiæ, non tamen aliunde quam a S. Petro dignitatem Byzantinæ Jerosolymitanæque sedis accersendam sibi esse putavit. *Tanta vis est veritatis*: ac tam alte infederat animis etiam Græcorum, Alexandrinam & Antiochenam Ecclesiam Patriarchales idcirco esse, quod per *Marcum* alteram, alteram per se ipsum Apostolorum princeps aliquamdiu rexisset. Neque nos quidem hac parte inviti erimus, siquis duas illas Ecclesias, quamdiu stabant, quodam modo suo Ecclesiam unam fuisse cum Romana dixerit. Quippe GREGORII Magni exemplo id faciet. (70) Atque multis demonstrari potest, Patriarchales Ecclesias exundationem velut quandam fuisse amplissimi & late diditi, ac per terrarum fusi orbem principatus, quem S. PETRUS *Romam* intulit. Unde nunquam, quantavis dignitas illarum fuerit, Romanæ pares sunt habitæ: nec qui *cathedram* PETRI, *sedem* PETRI, *Apostolicam sedem* simpliciter & κατ' ἀποστολίστην dixit, *Alexandrinam* unquam, *Antiochenamve*, sed *Romanam* semper intellexit: tantum abest, ut vel *caput omnium Ecclesiarum* eæ dicerentur, vel qui obtinebant sedes illas, *successores* PETRI, *apex Pontificatus*, *communione centrum*, PETRUS aut *Petra* nominarentur. Heinc adeo est, quod tametsi supra modum, si documentis quibusdam credimus, *Alexandrini* Antistites auctoritatem jactare suam & explicare consueverint: (71) EULOGIUS tamen in iis, quas S. GREGORIO scripsit, literis copiosus fuerit in *S. Petri Apostolorum Principis* commendanda *cathedra*. Inter cætera hoc enim posuit: *sedere etiamnum S. PETRUM in suis successoribus Romanis Præsulibus*, quæ occasionem res S. GREGORIO dedit, ut pro literarum Officio sedem unam & unius in locis tribus esse, ei rescripserit. Sed longe gravissimum damus testem JUSTINIANUM ipsum in epistola ad urbis regię Patriarcham. *Promulgavimus*, ait Imperator, *edictum, ita ut nullo modo mutaverimus statum Ecclesiasticum, in omnibus servato unitatis statu Ecclesiarum cum Papa Romano. Non patimur, ut quidquam eorum, quæ ad Ecclesiasticum pertinent statum, non etiam ad Romani Pontificis referantur beatitudinem, cum sit CAPUT omnium Dei sacerdotum: vel eo maxime, quod quoties in his locis hæretici pullularunt, sententia & recto illius sedis judicio coerciti sunt. Qui locus non id solum demonstrat & meridiana perfundit luce, quod*

r r 3

in

(69) Vid. Antverp. Biographos Tom. III.

(70) in epist. ad Eulog. Alexand. Registri lib. vi. 37.

(71) Socrætes L. 7. C. 7.

in præsentiarum evincendum suscepimus illustrandumque: verum os etiam FEBRONIO & corivalibus ejus potest consuere, cum ab Imperatore nominari STATUM *Ecclesiam* audiunt, & veri quidem propriique nominis statum, eundemque ut finibus, sic, quæ ad finem referuntur, rebus, totoque genere suo a civili profanoque statu discretum.

IV. Quid multis? Experientia testis est, cui siquid sapimus, refragari non possumus. Idque BARLAAMUS in eo quem indicavimus loco multis probat: & ex recentioribus vir longe doctissimus admonet LUDOVICUS THOMASSINUS in parte I. operis de veteri & nova Ecclesiæ disciplina. In cujus primi libri decimo tertio Capite BAHANIS PATRICII pronunciatum adfert, qui in octava Synodo contra PHOTIUM, Ecclesiam in Patriarchis collocatam dixit. Quare fieri inferebat non posse, ut omnes una in errorem præcipitentur. *Sed quando duo, inquit, capita ceciderint; currunt ad tria; cum tria ceciderint, currunt ad duo: cum vero quatuor forte ceciderint; tunc unum, quod permanet in omnium capite Christo Deo Nostro, revocat iterum reliquum Corpus Ecclesiæ.* Ad quæ ista adnotat Thomassinus: " Quæ in hac argumentatione artes, quæ fraudes delitescant, excutere supersedeo. Hoc unum moneo: Græcorum artes, officiaque in coæquandis quinque Patriarchis prohibere non potuisse, quin experimentero tot sæculorum, quæ luculentissima, certissimaque est scripturarum interpretatio, consistet, illum unum qui primus est inter Patriarchas, cæteris affuisse sæpissime ab errorum, hæresumque barathro educendis; nec eguisse ipsum unquam beneficii vicissitudine.

Tum ista subnectit: " Deinde quamvis subinde existeret, & emicaret Græcorum jactantia: indubitatum tamen est, in hac ipsa generali Synodo VIII. plurimum discriminis interpositum fuisse Papani inter & Patriarchas cæteros: in faustis etiam acclamationibus, quæ desinentibus sessionibus iterabantur: ut ne opus quidem sit alio documento ullo ad primæ Sedis singularem præcellentiam adstruendam. „ Quod postremum quam multo verissimum sit, patebit ubi analysin hujus Concilii dabimus.

§. VII.

Primatus ille a Romana Ecclesia avelli non potest.

1. Sed nunc ego in quæstionem ingredi cogor, quæ si tolerabilis videri potuit scholarum retenta ambitu & disputatorum strepitu; in forum

rum certe producta, atque adeo inter pacis collata leges, publicæque cum heterodoxis ineundæ concordia, monstrum est, quod qui educeret, & per plateas agigaret, mulierculisque atque juvenibus ostenderet, nemo aprior JUSTINO FEBRONIO, & corrivali ejus JANSENISTA Batavo fuit. Est autem quaestio, *an avelli ab Romana Ecclesia, & transferri alio Primatus possit?* Quod adfirmat ille quidem, ex eoque conficit, quod, ut BELLARMINUS est auctor, potuisset PETRUS vel *Antiochiæ* vel nullibi sedem stabilem sibi defigere. Atque hanc suam tamen verissimam sententiam non placere Romanis ait, & irasci ei præ cæteris BENEDICTUM XIV. in suo opere de Dicecesana Synodo. Addit, non diffiteri hunc tamen, in aliquo sensu dici posse, supremam Ecclesiæ Monarchiam *jure tantum humano* Romanæ Sedi annexam esse, sed quo sensu, non id eum exprimere. Tandem concludit, quidquid de re sit, hætenus causas defuisse legitimas, ac quo minus alio migrare PETRUS juberetur, omnem prudentem defuisse rationem, merito credi. CHRISTUM tot inter vicissitudines ac tempestates conservasse Ecclesiam Romanam Primatumque ejus: idem porro facturum probabiliter, siquid provisum improvise humano animo accidat: nec vero suum esse in adyta divinæ providentiæ ingredi. (72)

II. Nihil non male. Atque illud primo, quod non explicare BENEDICTUM ait, quo sensu *humano tantum jure* Primatus Sedi Romanæ possit adnexus dici; vellem, oscitantia liceret adscribere. Sed non possum: debeo aliud cogitare, quod quale sit, nolo rursus heic dicere, quoniam dixi, ubi *theoremata* proposui, quod demonstrare decreveram. Interim verum est. Nam ne vox quidem aut una syllaba intercipitur: sed statim ista Pontifex subjungit: *Quia nimirum utriusque unio, nexus & colligatio ortum habuit ex facto Petri;* (73) quæ & sensum & rationem manifeste significant. Nec modo non rejicit sed laudat ac facit suam omnino BELLARMINI de colligatione illa sententiam: & in eodem quidem numero primi Capitis, quem cavillator citat ac vidit; neque enim, si non vidisset, citare poterat tam accurate ac religiose.

Et quale illud, adpellandumne mitius? *irasci singulariter* BENEDICTUM iis, qui Primatum posse alio transferri putent? Ubi quaeso? Verba sunt: *Attamen non videtur posse sustineri illorum opinio, qui asseruerunt, præfati-*
tam

(72) Feb. Tom. I. Cap. II. §. III. in init. & N. 6.

(73) Bened. XIV. de synod. Diæces. Lib. II. Cap. I. N. 1.

tam annexionem ita esse de jure humano, ut possit ab Ecclesia dissolvi, & una ab altera separari. Prò excandescens & iracundi exemplum hominis! Nempe nihil cogitat, nihil loquitur, nihil dormit aut somniat iste vir, nisi invidiam & contemptum primæ Sedis. Atque utinam aptus esset ad ratiocinandum aliquid sobrie! tolerarem fortassis, sed non est. Quin est plumbea prorsus in semetipsum illius incurisio, conflictusque summus verborum, & incredibilis levitas. Vide exemplum!

III. Scribit sic: *Quod autem is qui ECCLESIAE TOTIUS CAPUT erat, in urbem totius orbis dominam PERVENERIT, ibique sedem FIXERIT suam; singulari divinæ providentiæ consilio factum videtur, ut scilicet ipse ejusque successores inde quasi ex sublimi specula excubias agere, & muneris sui partes commodius implere possent.* (74) Subdit continuo, ac vix duabus interfertis lineis: quod a Græcis in Chalcedonensi Concilio est dictum, *Sedi senioris Romæ Patres privilegia tribuisse*, id de Patriarcharum non tantum privilegiis propriis posse intelligi; sed posse eo etiam trahi, quod beneficio Patrum colligatio ista ipsa Primatus cum Romana Ecclesia perfecta sit. Quis capiet ista? Quis hominum? PETRUS Romam pervenit in urbem totius orbis dominam; nec ut Apostolus tantum, sed ut *Ecclesiæ totius Caput* pervenit. Pervenit autem, & istic Sedem fixit. Fixit inquam, & quare? ut ipse, ut successores ejus eandem occupaturi sedem, inde quasi ex specula excubias agere, & muneris sui partes commodius explere possent. Et sunt ista quidem omnia singulari divinæ providentiæ consilio facta. Per Deum! ecquid igitur Patribus, quod ipsi hac in re facerent, permissum relictumque cogitari potest? Collige te, Doctor egregie! repetam, si nondum intelligis. PETRUS an Primatum habuit? negasti, sustulisti toto opere, sed heic adfirmas. An scivit, an conscius fuit Primatus sui? Dices opinor: si enim qui habuit, non fuit conscius, quis aliorum? ac si nemo; quorsum datus est? Consciis igitur muneris sui Romam ad urbem principem venit PETRUS; & in illa sedem fixit, ea mente, eo consilio, ut cum ipse, tum successores in Episcopatu hoc sui præfectura illa defungerentur commodius. Nega! non potes. Profecto ab ipsomet igitur jam PETRO, non a Patribus & urbs Roma Primatus Sedes, & Episcopi huius Ecclesiæ successores, hæredesque sunt illius constituti. Puto qui necere utcunque didicerit, collectionem evidentem esse habiturum. Plus: si a Patribus, ut inquis, colligatio est facta Primatus cum Romana Ecclesia; a quibus? ostende! da Concilium! nam alioquin Augustini vigeat *ἡ ἀρχή*: *Quod universa tenet Ecclesia, nec Conciliis institutum sed semper retentum est, non nisi auctoritate Apostolica traditum rectissime creditur.* Tandem næ tu lepidus homo es! fateris procuratione, providentiaque

fa-

factum CHRISTI, ut Principatus Romam adlatus sit, steteritque is theic, & ei Ecclesiæ tot inter fluctus ac tempestates adhæserit: simul id disputas atque contendis, posse alio, ut hominibus visum fuerit, eum transferri. Quid jocularius? quasi vero ad pacem reconciliationemque conferat, si id posse fieri, intelligant *Dissidentes*, quod ut ne fieret UNQUAM, tot est annis impeditum divinitus?

Sed est tamen doctrina ea verissima? Immensum os! quo argumentum probas? Ego vero cum sint paucissimi Theologorum, qui sic existiment; tum si exercitum contra me niti Febronianorum tantum scirem, quantus Xerxis fuisse dicitur, ut pontum Euxinum ebiberet: tuerer, nunquam ad usum admoventi doctrinam eam posse. Quod est, ut abscisse dicam, prorsus falsam esse. Id enim falsum est, cujus usus esse non potest; esto ratiunculæ quædam Disputatorum importunæ genti non desint. Nam eæ quod extra cerebrum non excurrant, vel cum sono atque strepitu fluant verborum; faciendæ pluris non sunt, quam si ne essent quidem. Sane vero quemadmodum non casu, sed divino æternoque consilio in illud tempus religio incidit Christiana, quo ut nunquam antea, gentes omnes in unius Imperii societatem convenerant: uti hujus videlicet conversione Romani Imperii, quemadmodum à Daniele prænuntiatum fuerat, in omnes gentes, Tribus atque linguas regnum Christi pervaderet: ita si non jussu; afflatu certe instinctuque Christi Romæ PETRUM fixisse cathedram, tota antiquitas credidit. Heinc Magni Leonis est illud celebre, urbem Romanam adloquentis: *Quamvis maximis aucta victoriis jus Imperii tui terra marique protuleris: minus tamen est, quod tibi bellicus labor subdidit, quam quod pax Christiana subjecit. Disposito namque divinitus operi maxime congruebat, ut multa regna uno confederarentur Imperio, & cito pervios haberet populos prædicatio generalis, quos unius tenet regimen civitatis.* Quo quidem factum est, ut ab exortu jam inde religionis in Romanam Ecclesiam tanquam in signum aspectabile Imperatoris ac ducis sui Christi terrarum orbis respexerit: quod ita Paulus testatur: *Fides vestra annuntiatur in universo mundo. Vestra obedientia in omnem locum divulgata est:* quorum alterum in primo, alterum in decimo septimo capite epistolæ ad Romanos scribit.

IV. Atque mirum profecto, videre novitios hesternosque homines, quod vetustatem latuit universam: in qua neque Patrum ostendi quispiam potest, quamvis innumeri sint, quorum vocibus atque scriptis Romana sedes celebretur, neque Concilium aut Imperator, cujus ea vel animum

aliquando cogitatio subierit, prærogativam jusque Capitis ac centri in Ecclesiam aliam transferri posse. Quid? *Antiochenum Alexandrinumque* moverunt loco suo Imperatores Orientis, ac nihil moliti non ii sunt, ut maiestatem Romanæ urbis *Constantinopolim* secum una aveherent: Ecclesiasticum Principatum tantum abest; ut abstrahendum putaverint, ut ne tentaverint quidem. Et quem fugit, quo ardore Constantius Constantini M. filius in LIBERII Romani Pontificis expugnandum flectendumque animum incubuerit? Quid THEODOSIUS egerit, ut NESTORIUM suum ab Romanis fulminibus præstaret? Quid JUSTINIANUS, ut VIGILIUM frangeret? quid ZENO, quid ANASTASIUS, quid CONSTANS, ut vel auctoritatem quam sumpserant, vel hæresin, qua irretiti fascinatique erant, defenderent? At qui compendio expedire se poterant ii Principes, si a Concilio edicendum curavissent, deinceps non amplius Romæ, sed Constantinopoli principatum Ecclesiasticæ auctoritatis, & communionis fideique centrum exiturum. Quorum nihil moliti illi unquam sunt, neque in animos adferunt. Tam omnibus persuasum erat, non humano sed divino consilio Ecclesiam Romanam & cæteris esse præpositam, & PETRI privilegia jure sibi suo vendicasse.

Nolo quærere, postquam tot in regna atque provincias distributum Imperium est, si transferenda sit sedes Capitis, quo transferri debeat, in Germaniamne, in Galliam, in Hispaniam, in Portugalliam, in Poloniam, Hungariam, Bohemiam? Quo ditiones deventuræ sint, quas Principum, fideliumque pietas successoribus PETRI largita est? quæ res ne intelligi quidem possunt, nisi dissidiis omnia repleamus, bellis funestissimis involvamus, principes ad arma, Episcopos ad odia, contentionesque ac schisma perpetuum concitemus. Ut vel inde divinæ mentis consilium adpareat, adorarique debeat; cum non incertam domicilii, ac quasi vagabundam dignitatem summi in Ecclesia Præfulis esse voluit, nec tanquam Paridis, ut est in fabulis, pomum, fomentum invidiæ atque bellorum: sed uni urbi, uni Ecclesiæ, conservatæ tot inter vicissitudines & conversiones rerum, humanorumque & fortunæ casuum, eam addixit.

V. Quod autem nos Galliæ opprimendos auctoritate FEBRONIUS putat, ac *seculo XVI. constantissimam fuisse regni sententiam* (75) hanc scribit, humano tantum jure, non divino Romanum Pontificem Primatum habere,

re, & id *smalcaldiae* coram Germaniae Principibus a Legato sic fuisse propositum: video omnia in ista scriptione, quæ auctori probrosa sunt. Etenim affirmaverat ipse hæc duo: Primatum, dignitatemque ipsam Capitis in Ecclesia divini juris esse: sed quod Romanæ urbis Antistiti Primatus idem conceditus fuerit, id non CHRISTI, sed Ecclesiæ perfectum esse auctoritate. Atqui quod *smalcaldiae* sic est dictum a Legato, *sentire Regem Galorum, jure tantum humano, non divino Rom. Pontificem habere Primatum*; si vere dictum, nec commentum Sleidani est (is enim est auctor hujus narrationis) non de secundo, sed de primo ex duobus procedebat, Primatumque ipsum tollebat, quem, ut MELANCHTHON in Locis Theologicis tradiderat, sic & BELLAIUS Legatus non a CHRISTO sed ab Ecclesia institutum putare Regem suum, dicebat. Quare aut prorsus mentio narrationis istius faciendâ a FEBRONIO non erat (quod quidem multis nominibus, siquid sciret, videri consultius ei debebat) aut vero conficiendum hoc plane, nullum in Ecclesia Primatum, ac ne vagum illum quidem *divini juris* esse: quemadmodum & anonymus contubernalis ejus ex eadem conclusit. (76)

Deinde quid illud? etiam regni, regni inquam, hoc est Episcoporum Theologorumque, ad quos ista pertinent, constantissimam & eandem fuisse sententiam, quam Legatus esse Regis sui in illo Conventu professus est? Loquar mirissime: nihil falsius. Sunt enim verba Legati apud ipsum Sleidanum: *De Pontifice placere Regi, non esse primum neque præcipuum jure divino, sed humano, sicut Philippus affirmet: Theologos affirmare Caput illum esse Ecclesiæ jure divino.* En Regis, en & regni sententiam! itane una, constans, eademque fuit illa amborum?

Universe si ex Legati illa oratione doctrina regni metienda foret; in plerisque Catholicum jam esse Galliae regnum tempestate illa desisset. (77)

S S 2

Id

(76) Jansenista anonymus de Primatu Rom. Pontificis pag. 304. Videtur etiam ex gestis in Collatione Smalcaldensi. sententiam hanc in Gallia prævaluisse sæculo decimo sexto: nam inter varia Capitula nomine Regis Francisci I. Alemannis proposita a Guillelmo du Bellay, Regis hujus legato; sic unum habet: Credit Rex Galliae Romano Pontifici Primatum competere ex Jure humano, minime vero divino. Sleidan. hist. Lib. IX.

(77) Sleidanus l. c. folio mihi 145: Legatus idem egerat privatim cum Pontano, cum Melanchthone, cum Landgravianis, & Jacobo Sturmio, de multis dogmatibus, & quæ Regis esset de singulis opinio, quæ Theologorum sententia per Galliam, Lutetiae præsertim, explicabat, de Primatu Pontificis, de Cæna Domini, de Missa, de mortuo-

Id autem memoriae non modo non proditum est; verum & monumentis potest refutari, non dico, probabilibus, sed plane certis atque evidentibus. Ex quibus hoc etiam habemus, Regem alioquin optimum, quo nescio facto procliviorum aliquamdiu fuisse ad Germaniae magistros novos audientes, & in his MELANCHTONEM. Experientia autem, non nisi transeuntem & fugientem, ut ita dicam, fuisse nebulam hanc docuit: cujus tamen mentio ab iis possit impune fieri, qui temporum conscribunt ephemerides: intolerabile tamen est facinus. nescioque, quo adpellandum sit nomine, cum scriptor Catholicus id, quod non debuit fieri, laudat factum, & in auctoritatem exemplumque adsumit id, cujus eum, qui fecit, minime dubium est, quin poenituerit; si tamen fecerit: nam hoc ipsum in dubitatione est.

Atque haec satis de re praesenti. Satis inquam, Primatum quem nos descripsimus, & descripturi pluribus deinceps sumus, divino Jure constitutum esse. Satis, Successorem haeredemque hujus aliquem in Ecclesia perpetuo & divino rursus Jure atque instituto esse oportere. Satis, quod ante quoscunque Imperatores, ante quodcunque Ecclesiae Concilium, ante quoscunque post Petrum Pontifices maximos (libet CANI enim haec verbis eloqui) semper a viris Ecclesiasticis Romanus Episcopus PETRI Successor est agnitus. Satis quod nunquam in mentem Imperatoribus, utut inimicissimis, venerit, trahere alio praerogativam hujus potestatis. Satis, quod nec potuerit, ut regnorum in divina mente vicissitudines, divisionesque descriptae erant, Ecclesiarum res ea remitti arbitrio, ne bellis perpetuis Ecclesia exponeretur, & Primatus (quod inde non fieri, miraculi foret per simile) ad Unitatem, Ecclesiasticumque, quem dixi, *Statum* conservandum redderetur inutilis. Satis, ut hoc iterum cum CANO dicam, quod ipso etiam rerum experimento comperimus, CHRISTI de PETRO & Successoribus vaticinia in Ecclesia Romana manifestius impleri. Hanc enim constat, fixam & immobilem, orbe etiam toto omni illam machinarum genere quatiente, in fide & auctoritate PETRI permanisse. Et cum ceteras Apostolorum Ecclesias vel ab infidelibus occupatas sine fidei vestigio, vel

rum invocatione, de statuis, de libero arbitrio, de Purgatorio, de Justificatione, de votis monasticis, de Celibatu Sacerdotum. In plerisque dicebat Regem esse non alienum a libro Philippi, quo locos ille tractat communes Theologicos: de Pontifice vero placere dicebat Regi, non esse primum, neque praecipuum Jure divino, sed humano, sicut Philippus affirmet Theologos quidem affirmare "Caput illum esse Ecclesiae jure divino; sed tamen poscenti Regi non illud potuisse demonstrare: vulgatam quoque de Purgatorio igni opinionem ab eis defendi: nam ex eo fonte manare Missam, exequias anniversarias, legata, & quidquid est nundinationis: Missa vero sublata, rationem ipsius omnem auferri tuenda potentiae suae &c. &c.

vel ab hæreticis aliquando affectas viderimus; adversum hanc unam Romanam Sedem nec Pagani nec hæretici prævalere potuerunt. Hæc inquam aut singula aut complexa satis sunt. Fit enim ex illis, ut sive præcepto, quæ mihi probabilior semper est visa sententia, sive instinctu afflatuque saltem & arcano ductu divinæ providentiæ PERRUS Romam emigraverit, & Primatum eo suum adtulerit. Quorum si primum verum sit; impietatis profecto erit, de transferenda alio PETRI cathedra cogitare: sin alterum; imprudentiæ erit ac temeritatis. Ut rebellionis modo crimen heic taceam, in quo non minus; qui tam perniciosâ garriunt, & executioni mandata cupiunt, (78) versari mihi videntur, ac si de Regum antiquissima prosapia, quo modo dejici, ac de solo deturbari ea possit, disputarent. Quod cum nunquam ferendum sit; longe minus, si a larvis & privatis homuncionibus fiat, tolerari & impunitum manere debet.

ARTICULUS II.

QUÆ HACTENUS TRADITA SUNT, OSTENDUNTUR VERA ESSE EX CONSENSU PATRUM: SIMUL EXCEPTIONES FEBRONII, JANSENISTÆQUE ANONYMI REPELLUNTUR. ADDITUR EMBOLON, IN QUO ADE EXAMEN REVOCANTUR, QUÆ DE PRIMATU PRIMORUM PONTIFICUM LINI, CLETI, CLEMENTIS NUPER ALIQUIS DISSERUIT.

NON uno loco oblata hæc nobis conditio est a FEBRONIANIS, id solum firmum ac ratum habendum esse, quod semper & ab omnibus fuisse creditum demonstrari possit. Eam ut modo legem accipiam; placuit in eumulum conferre sanctorum Patrum & Ecclesiæ magistrorum sententias: nam ea res ad frangendam pervicaciam aptissima est; atque ut supra, cum in scripturæ pertractando argumento versabamur; perdere operam eos monuimus, qui ut locum unum alterumve vexare possint suis calumniis & subtilitate nugarum, conantur velut in partem tantisper eum seducere, neque multitudinem seriemque ipsam sententiarum respiciunt, nec ut hæ-
s s 3
reant,

(78) Quorsum disputantur ista a FEBRONIO, si non ad comminationem?

reant, ut sint connexæ, ut fulciant, ut collustrent sese mutuo, attendunt: ita nunc idem profecto dicimus atque monemus, quoties ad fidei comprobanda dogmata testes antiqui vocantur Patres, adhibenturque, ut Traditionis Apostolicæ memoriam decursumque ad ætatem usque nostram manifestent. Horum enim non una omnium scribendi est ratio: sed alii fusius disertiusque, alii brevius rem eandem eloquuntur: nonnullis, quo nescio, contingit vitio, ut sint quædam ab iis posita obscurius. Quare patebunt hi quidem cavillationibus obstinatorum, cum soli & quasi palantes in eorum ungues inciderint: sed si juxta se omnes collocentur; si in aciem ordinentur; nullius hominis tam subtilis esse malignitas poterit, quam non vincant collecto robore, dissipentque ac destruant.

Primum igitur hoc faciam, ut continenti serie ponam Patrum & historicorum sententias absolute atque simpliciter; nisi forte cum intelligentiæ clarioris causa adspargendum heinc inde aliquid videbitur: dein universè quod volo cōficiam: atque tandem peculiārēs quasdam prōfligabo calumnias, quas contra IRENÆI CYPRIANIQUE testimonia homines nuperi, & Theologi momento nati invenerunt. Finis ac fructus is erit, ut Catholicum, quod explanatum hucusque fuit, de Ecclesia dogma stabiliatur. Quod si quis ultra pūtet ista pōrrigi, & ἀσφαλειαν seu inerrantiam Romanæ Sedis confirmari iisdem testimoniis; is, ut est Schola, quam sequitur, quemadmodum transigat cum adversariis suis, ipse viderit. (79) Neque enim ulla est mihi cum bonis hominibus, sed cum malis tota hæc suscepta contentio. Hoc dico, hoc CATHOLICUM esse adfirmo, esse Corpus, statum, rempublicam Ecclesiam CHRISTI: hujus sive Caput Corporis, sive centrum status, sive apicem & nexum reipublicæ Romanæ esse & illius Antistitem: solam adeo quæ ROMANA est atque dicitur, veram esse CHRISTI Ecclesiam. Quæ res cum fundamentum sit omnium, quæ hoc libro scripturi sumus; tum sequentibus demonstrari sanctorum Patrum dictis atque sententiis, immo & veterum monumentis aliis perspicue ac luculenter potest.

§. I.

(79) Pleraque ex iis testimoniis Petrus BALLERINIUS ad infallibilitatem Romani Pontificis comprobendam nuper transtulit in opere, *de vi ac ratione Primatus Rom. Pontificum*. Is igitur videndus, si cui placuerit.

§. I.

Ex doctrina Patrum ostenditur; Romanam Ecclesiam ejusque Pontificem Ecclesiasticæ unitatis centrum esse.

I. IRENÆUS Lib. III. adversus hæreses capite III, *Sed quoniam valde longum est, in hoc tali volumine omnium Ecclesiarum enumerare successiones; maximæ & antiquissimæ & omnibus cognitæ, à gloriosissimis duobus Apostolis PETRO ET PAULO ROMÆ fundatæ, & constitutæ Ecclesiæ eam quam habet ab Apostolis traditionem & annunciatam hominibus fidem per successiones Episcoporum pervenientem usque ad nos indicantes, confundimus omnes, qui PRÆTER QUAM OPORTET, COLLIGUNT. AD HANC ENIM ECCLESIAM PROPTER POTENTIOREM PRINCIPALITATEM NECESSE EST OMNEM CONVENIRE ECCLESIAM, hoc est, eos qui sunt undique, fideles; in qua semper ab his qui sunt undique, conservata est ea, quæ est ab Apostolis traditio.* Vixit IRENÆUS Imperatore COMMODO, & ELEUTHERIO summo Pontifice, ac sub SEVERO Imperatore martyrium fecit circa finem secundi sæculi.

TERTULLIANI, qui proxime sequitur, non est perinde quidem disertus & explicata sententia de Ecclesia Romana: sed si verba verbis comparentur, si cum IRENÆO TERTULLIANUS, ut plane debet, contenditur; ejusdem ille traditionis locupletissimus testis est. Utemur libro, quem de Præscriptionibus veræ Ecclesiæ adversus hæreticos scripsit; nam in hoc, ut supra monuimus, Ecclesiam esse statum ostendit. In hujus igitur vigesimo capite: *omne, inquit, genus ad originem suam censeatur necesse est. Itaque tot ac tantæ Ecclesiæ una est illa ab Apostolis prima, ex qua omnes. Sic omnes primæ & omnes Apostolicæ, dum unam omnes probant unitatem.* Et capite proximo: *Constat proinde, omnem doctrinam, quæ cum illis Ecclesiis Apostolicis matricibus & originalibus fidei conspiret, veritati deputandam; reliquam vero omnem de mendacio præjudicandam. Communicamus cum Ecclesiis Apostolicis, quod nulla doctrina diversa: hoc est testimonium veritatis.* Ex quibus verbis manifeste id primum conficitur, Ecclesiam congeriem non esse omnium sectarum, sed unam: deinde alterum: nexum ac vinculum hujus unitatis esse eas Ecclesias, quæ ab Apostolis fundatæ, & Apostolicarum exinde nomen fortitæ sint. Quas quidem enumerans capite XXXVI., *Proxime, inquit, est tibi Achaja? habes Corinthum. Si non longe es a Macedonia; habes Philippos, habes Thessalonicenses.*

ses. Si potes in Asiam tendere, habes Ephesum. Si Italiæ adjaces, habes Romam, unde & nobis auctoritas præsto est. Statu felix Ecclesia, cui totam doctrinam Apostoli cum sanguine suo profuderunt. Atqui experimento, ut dixi, compertum est, vel ipsas ab Apostolis fundatas illas Ecclesias aut ab infidelibus occupatas esse sine fidei vestigio, aut ab hæreticis affectas a communione unitateque Corporis defecisse. Itaque neque vinculum eadem erant cæterarum, nisi quatenus in una neccebantur ipsæ, & profectas a se reliquas in eadem ista UNA neccebant. Hæc vero quæ sit, IRENÆUS paulo ante nos docuit. Non enim opus esse adfirmat in cæterarum, quæ ab Apostolis ortum habent, Ecclesiarum origines, successionemque ac doctrinam inquirere: sed sufficere, in omnium maximam, antiquissimam, & tanquam ex monte, universorum objectam oculis Romanam Ecclesiam intueri: hac sola indicata rubore suffundi hæreses, propterea, quod convenire cum ista una propter *principalitatem ejus potentiorum* Ecclesias omnes, etiam Apostolicas necesse sit; quique adeo præter hanc unam Evangelii fementem colligant, eos perperam, nec ibi ubi oportet, colligere IRENÆUS tradit.

Et vero quantum Ecclesiæ huic TERTULLIANUS detulerit, potest ex eo statui, quod prope sola hac ad refutandos, contra quos scribit, contentus sit. Statu felix, inquit, Ecclesia, cui totam doctrinam Apostoli cum sanguine suo profuderunt. Videamus, quid dixerit, quid docuerit, quid cum Africanis quoque Ecclesiis contesserit? Et capite XXII. Apostolos Apostolis componens: Latuit aliquid Petrum ædificandæ Ecclesiæ petram dictum, claves regni cælorum consecutum & solvendi & alligandi in cælis & in terris potestatem?

II. Luculentiora sunt, & ad traditionis faciendam fidem certissima, quæ CYPRIANUS Carthaginensis in Africa Episcopus, idemque Martyr, non uno loco consignavit literis. Velut in epistola ad Papam CORNELIUM, in qua de pseudo Episcopo FORTUNATO agens, qui FELICISSIMUM cum literis Romanam miserat, ut circumveniret & in partes suas pertraheret summum Pontificem: Navigare, inquit, AUDENT & AD PETRI CATHEDRAM, atque AD ECCLESIAM PRINCIPALEM, unde UNITAS SACERDOTALIS EXORTA EST: a scismaticis & profanis literas ferre, nec cogitare eos esse Romanos, quorum fides Apostolo prædicante laudata est, ad quos perfidia habere non potest accessum. (80) Et in alia ad eundem Pontificem: Nos singulis navigantibus,

ne

ne cum scandalo ullo navigarent, rationem reddentes, scimus, nos hortatos eos esse, ut ECCLESIAE CATHOLICAE RADICEM ET MATRICEM agnoscerent ac tenerent. Statimque: ut te universi Collegae nostri, & COMMUNICATIONEM TUAM, id est, CATHOLICAE ECCLESIAE UNITATEM pariter & charitatem probarent firmiter ac tenerent. (81) Adeo & Romana Ecclesia Catholica mater & radix, & quod inde consequens, communicatio cum ejus Antistite communionis cum Catholica Ecclesia *ἑνωδης* tessera, characterque erat ex mente CYPRIANI, cæterorumque Africae Episcoporum.

Componendae sunt autem hae sententiae cum iis, quibus Ecclesiam super PETRUM aedificatam esse, unitatis formandae & ordinandae causa, CYPRIANUS dicit. Ut in epistola LV. ad CORNELIUM Papam: *PETRUS* tamen, super quem aedificata ab eodem Domino fuerat Ecclesia, unus pro omnibus loquens, & Ecclesiae voce respondens. Et epistola XL., quae ad plebem data est: *Deus unus est & Christus unus, & una Ecclesia, & Cathedra una super PETRO Apostolo Domini voce fundata. Quisquis alibi collegerit, spargit; adulterum est, impium est, sacrilegum est, quodcunque humano furore instituitur, ut dispositio divina violetur.* Tum epistola LXX. quam ex Concilio ad Numidas dedit: *Quando & baptisma unum sit, & Spiritus sanctus unus, & una Ecclesia super PETRUM origine unitatis & ratione fundata.* Septuagesima prima tandem, quae est ad QUINTUM (non enim omnes recensere opus est) *Nec PETRUS, inquit, quem primum Dominus elegit, super quem aedificavit Ecclesiam suam, cum secum PAULUS de circumcisione postmodum disceptaret, vindicavit sibi aliquid insolenter, ut diceret se Primatum tenere, & obtemperari a novellis & posteris sibi potius oportere: sed consilium veritatis admisit.* Quem in locum recte est a Petro COUSTANTIO animadversum, non negari, sed confirmari CYPRIANO Primatum PETRI; idque, qui hebes non est, puto quemlibet, si modo legerit, posse capere.

Jam juxta se ista ponantur, comparenturque & contendantur cum iis, quae primo protulimus: an erit, qui altercari de CYPRIANO nobiscum velit, & esse traditionis illum testem neget idoneum? Puto, qui sapiat, neminem fore. Nam si & Primatum inter Apostolos PETRUS habuit, estque aedificata super eum Ecclesia; proptereaque super unum istum, ut Ecclesia una, Cathedra una foret; Cathedra vero PETRI Ecclesia Romana est;

T t

eadem.

eademque principalis est idcirco Ecclesia, radix & mater Ecclesiæ Catholicæ: ab eademque ipsa Unitas sacerdotalis perinde atque ab ipso PETRO exorta est; proinde communione, societateque cum ea jungi, Catholici Character est hominis: profecto neque typus, figuraque transiens unitatis fuit PETRUS, sed formavit, constituit, centrumque solidum illius fuit; neque extincta est cum illo hæc proprietas, sed permansit, & ad successores, eosque non alios, quam Romanos Pontifices dimanavit.

Quod ut magis etiam intelligi possit, CYPRIANUS in eo loco, qui ex epistola quadragesima a nobis depromptus est, suammet contra FELICISSIMUM defendit causam, schismaticum hominem, qui Carthaginensis se Ecclesiæ Episcopum fecerat. A quo uti gregem suum CYPRIANUS removeat, nec nisi unum in quavis Ecclesia posse Episcopum esse ostendat; exemplum a generali sumit Ecclesia, quæ supra unum ædificata, in uno nectitur, & colligatur. Futilis profecto & vacua boni sensus argumentatio, si non ut plebs cum uno Episcopo, sic Episcopi cum uno capite copulati omnes forent, inque Corpus & rempublicam sacram concederent! Id quod pulcherrime a Ludovico THOMASSINO observatum est in eo libro, quem gallice de unitate Ecclesiæ catholicæ scripsit. Nam postquam alterum hunc ille adtulisset locum CYPRIANI: *Et idcirco Dominus insinuans nobis unitatem de divina auctoritate venientem, ponit & dicit: Ego & Pater unum sumus: ad quam unitatem redigens Ecclesiam suam, denuo dicit: Et erunt unus grex & unus Pastor, si autem grex unus est, quomodo potest gregi annumerari, qui in numero gregis non est? aut Pastor haberi quomodo potest, qui manente vero Pastore, & in Ecclesia Dei ordinatione succedanea præsidente, nemini succedens, & a se ipso incipiens, alienus sit & profanus?* Hæc inquam ille cum sic protulisset; tum ista, quæ latine verto, subjunxit: "Esto, sermonem fortassis habuerit CYPRIANUS de
" particulari Ecclesia, in qua non nisi unus esse Episcopus potest: multo
" splendidius, quod dicit, & majori cum maiestate in universalem Eccle-
" siam convenit. De hac quippe, quæ totum perfectumque Corpus est
" JESU CHRISTI, longe est verius, unam esse, nec posse dividi, trahereque
" unitatem suam ab unitate Patris, & Filii, fundatamque a JESU CHRISTO
" esse super petram, super sanctum PETRUM, super fidem, quam ille con-
" fessus est. Hi enim explicatus sunt verborum scripturæ, omnes veri,
" probatique a viris sanctis. Unaquæque particularis Ecclesia in partem
" venit emolumenti istius, unitatisque divinæ, quia portio est Ecclesiæ
" universalis. Sed Ecclesia, quam JESUS CHRISTUS fundavit, sine dubio
" universalis præcipue est, diffusa per totum mundum, & spacia sæculo-
" rum. Absit, tenuiora cogitemus de magnitudine, de immensitate, de

" aeternitate, de omnipotentia Incarnati Verbi. Pretium sanguinis ejus,
 " magnumque opus, quod est molitus, non rebus parvis circum-
 " scribitur. Immo vero Ecclesia est hujus Universi, Ecclesia omnium sæ-
 " culorum. Majoris autem res est momenti & interest pluris, unitatem Ec-
 " clesiae stabiliri, quæ regionum temporumque spatiis non finitur, quam
 " particularis alicujus Ecclesiae. Istius enim, quæ universalis est, pax pacem
 " omnium includit cœterarum, fulcitque illam atque sustentat. Quod si
 " singulis igitur Ecclesiis unum JESUS CHRISTUS Episcopum, unum Ca-
 " put præposuit ad conservandam unitatem; quid? non ille Caput, non
 " vinculum unitatis toti suæ Ecclesiae providerit? Atqui si sit clarissimum,
 " Apostolos & Successores eorum Episcopos ab eo positos, ut particula-
 " rium essent Ecclesiarum capita: haud certe minus manifestum est ex
 " Evangelio, S. PETRUM Caput ab illo constitutum esse, tam Collegii Apo-
 " stolici, quam totius Episcopatus, qui Apostolatui universalis Ecclesiae
 " succedit. Hæc vir ille doctissimus.

Peccaverim ego verò, si libri, quem de unitate Ecclesiae CYPRIANUS
 scripsit, mentionem non fecerim: nam præstantissimus is est, omniumque,
 quæ sunt de Ecclesia ejusque statu a nobis dicta, compendium. Elucu-
 bratus est contra NOVATIANUM, qui mortuo FABIANO, cum in locum illi-
 us CORNELIUS Romæ Pontifex creatus esset, NOVATI Carthaginensis Pres-
 byteri, nefarii, impurissimique hominis usus opera atque consiliis, schis-
 ma fecerat: cumque a paucissimis suæ partis Episcopus electus esset; in
 Africam, qui numerum augerent factionis, & in communionem suam in-
 cautos traherent, legatos misit; & ut EULOCHIUS apud PHOTIUM est auctor,
 PUROS nominavit eos, qui secum agmen contra Ecclesiam facerent, CORNE-
 LIANOS vero, qui ejus ambitionem & dementiam detestarentur. Adversus
 hunc hominem multa sunt a S. CYPRIANO in epistolis disputata. Sed in
 hoc opere, quod de unitate Ecclesiae scripsit, in eo totus est, ut a factio-
 ne schismatica Christianos deterreat. Demonstratque, Ecclesiam non nisi
 unam esse posse, quæ tametsi fusa sit per terrarum orbem; tametsi Epi-
 scopos & Episcopatus habeat multos: unum Corpus, una respublica, una
 Ecclesia nihilominus sit, supra PETRUM, PETRIQUE cathedram ædificata.
 Cathedram PETRI autem Romanam nominari Ecclesiam a CYPRIANO, aliquan-
 to supra ostensum est. Libet verba sancti Doctoris adscribere. Postquam dixe-
 rat, *astutia Diaboli ortas hæreses esse ac schismata*, subjungit: *Hoc eo fit,*
fratres dilectissimi, dum ad veritatis originem non reditur, nec Caput quæ-
ritur, nec Magistri cælestis doctrina servatur. Quæ si quis consideret & exa-
minet; tractu longo atque argumentis opus non est. Probatio est ad fidem
 t t 2 faci-

facilis compendio veritatis. Loquitur Dominus ad PETRUM: Ego tibi dico, inquit; quia tu es PETRUS, & super istam petram ædificabo Ecclesiam meam, & portæ inferi non vincunt eam. Ego tibi dabo Claves regni cælorum, & quæ ligaveris super terram, erunt ligata & in cælis: Et iterum eidem post resurrectionem suam dicit: Pasce oves meas. Super illum unum ædificat Ecclesiam suam, & illi pascendas mandat oves suas. quamvis Apostolis omnibus post resurrectionem suam parvam potestatem tribuat. & dicat: sicut misit me Pater, & ego mitto vos; Accipite Spiritum sanctum; si cui remiseritis peccata, remittentur illi, si cui tenueritis, tenebuntur: tamen ut unitatem manifestaret, unam Cathedram constituit, & unitatis ejusdem originem ab uno incipientem sua auctoritate disposuit. Hoc erant utique & cæteri Apostoli, quod fuit PETRUS, pari consortio præditi & honoris & potestatis. Sed exordium ab unitate proficiscitur. Primatus PETRO datur, ut una Christi Ecclesia, & cathedra una monstretur. Et Pastores sunt omnes, sed grex unus ostenditur, qui ab Apostolis omnibus unanimi consensione pascatur. Et paulo inferius: Hanc Ecclesiæ unitatem qui non tenet, tenere se fidem credit? qui Ecclesiæ renititur & resistit, qui cathedram PETRI, supra quam fundata est Ecclesia, deserit, in Ecclesia se esse confidit? Ac rursum: Episcopatus unus est, cujus a singulis in solidum pars tenetur. Ecclesia quoque una est, quæ in multitudinem latius incremento fecunditatis extenditur, quo modo solis radii multi, sed lumen unum, & rami arboris multi, sed robur unum tenaci radice fundatum. Et cum de fonte uno rivi plurimi defluunt, numerositas licet diffusa videatur exundantis copię largitate, unitas tamen servatur in origine. Avelle radium solis a corpore, divisionem lucis non capit: ab arbore frange ramum, fractus germinare non poterit: a fonte præcide rivum, præcisus arefcet. Sic & Ecclesia Domini luce perfusa per orbem totum radios suos porrigit; unum tamen lumen est, quod ubique diffunditur, nec unitas Corporis separatur: ramosus in universam terram copia ubertatis extendit; profluentes largiter rivos latius expandit: UNUM tamen caput est, & origo una, & una mater fecunditatis excessibus copiosa. En locum, quem, tamen si prolixus esset, mihi totum est vilum adscribere, quod sint in eo varia, quæ notari desiderem.

Primo quidem nulla vox neque in iis, quæ modo protulimus, neque in toto, qui de unitate est, libro ostendi potest; qua sit id agere visus Cyprianus, ut electionem CORNELII cum NOVATIANI electione contendat, hancque nullam, istius legitimam esse demonstret. Adsumit vero, ponitque tacite potius, solum CORNELIUM verum esse Romanum Episcopum: quo

quo posito in id unum convertit operam, ut Ecclesiam non nisi unam esse posse, eamque in PETRO illiusque cathedra requiescentem probet. Quæ quid ad scopum faciat disputatio; quemadmodum feriat illum, in quem est suscepta, nemo quantumvis perspicax idem sit, meo iudicio intelliget: nisi hæc ratio CYPRIANO constiterit, non posse cum, qui a successore sancti PETRI legitimo sese sejunxerit, cathedramque cathedræ opposuerit, & schisma cum NOVATIANO fecerit, aut Episcopum omnino esse, aut Ecclesiæ membrum.

Tum illud vero quid est: *ut unitatem manifestaret, unam cathedram constituit?* Equidem FEBRONIO & Contubernali ejus hariolari sic placuit: CHRISTUM, cum unum PETRUM est adlocutus, non rem solidam contulisse huic Apostolo; sed adlocutionis ipsò modo, tanquam typo & adumbratione quadam fluxa indicasse velle, se ut communi opera, & conjunctis studiis Evangelii propagationi omnes incumberent. Quod si verum est (est autem falsum multis nominibus) *manifestationem* ego quidem unitatis qualemcunque video; *unam cathedram*, cathedram, quæ manifestandæ unitatis causa sit posita, prorsus non video. Nisi forte pro eodem habere nos ista volunt: *hominem adloqui, & sedem ponere; adloqui unum & cathedram unam constituit?* Quod vero sic etiam quis nescio, fraterculis iisdem persuasit, *unius cathedræ nomine totam Ecclesiam à CYPRIANO significari*, tam est id turpe, ut explicari verbis non possit. Foret hujusmodi enim verborum CYPRIANI sensus: *Christus ut Ecclesiam unam faceret, aut ut ostenderet, esse unam, se velle, unam fecit*: quæ *ταυτολογία* & aliena est ab humano sermone, & CYPRIANO non nisi à furentibus potuit aspergi. Est igitur evidens & luce clarius viri sancti sententia: CHRISTUM cum apud MATTHÆUM, JOANNEMQUE adlocutus est PETRUM; non adlocutum esse duntaxat; sed adlocutum sic, ut super unum ædificaret Ecclesiam, cathedramque unam, id est, cathedram PETRI, tum, quando adloquebatur, constituerit: itaque in PETRO, ejusque Cathedra Ecclesiam ipsam & Episcopatus omnes requiescere, hoc est, Ecclesiam unam, cathedram unam fieri: quod ego aliter sic soleo dicere: *statum*, remque publicam, & principatum componi unum ex multis. Et ut hoc etiam consideremus, quod proxime sequitur: *unitatis originem ab uno incipientem auctoritate sua disposuit*: quid? nihil hæc tibi, quam adumbrationem & fugientem cum sono pompam significare videntur? Ego vero *disponere, & pro auctoritate disponere*, ad rem solidam, permanentem ac stabilem pertinere arbitror. Quare cum originem hujus unitatis incipientem ab uno pro auctoritate disposuisse CHRISTUM, CYPRIANUS dicat; cumque peractum non ille hunc quasi ludum um-

bratilem Jerofolymis ac Cæsareæ Philippi, punctoque temporis illo, quo adlocutus est CHRISTUS PETRUM, putaverit; sed Romanam Ecclesiam Cathedram PETRI nominet, Ecclesiam principalem, radicem, matricemque Ecclesiæ Catholicæ, ex qua unitas sacerdotalis, ipsa illa, quam ab uno incipientem auctoritate sua CHRISTUS disposuit, exorta sit, & in omnes manaverit: puto, nisi equis ac remis fugiamus quæ vera sunt, dubitari ultra non posse, quin & pro statu, reque publica Ecclesiam CYPRIANUS haberit, & hujus nexum ac centrum in Romana collocatum Ecclesia (id quod nos opere hoc toto agimus, & in quo vis momentumque est omne positum disputationum nostrarum) judicari.

Atque heinc jam intelligitur, quo illa spectent: *Dum ad veritatis originem non reditur, nec caput quæritur.* Et inferius: *unum tamen caput est & origo una.* Ac quod de radio non avellendo a sole, de ramo non separando ab arbore, deque rivo non abducendo a fonte CYPRIANUS differit. Quis enim neget, in centrum illud unitatis, seu in cathedram PETRI ista cadere? Quanquam propius, an remotius eo pertineant, nolim de hoc quidem contentiosus esse. Patiar bifariam exponi posse. Nam & Ecclesia velut radiorum ramorumque ac rivorum spectari multitudo potest, & inde cum sole, radice, fonte aut capite comparari. Quo quidem sensu si CYPRIANUM locutum esse dixerimus; nihil est porro, cur quid idem *solis, radice, fontis* atque Capitis significarit nominibus, cur inquiramus: est enim perspicuum, *cathedram PETRI* significasse. Rursum *Ecclesia tota*, ut Episcopatus & Ecclesias singulas complectitur, comparari cum *singulis* eum in modum potest, quo *totum* ad *partem* referimus, ac cum illa contendimus, atque sic *solis, arboris, fontisque* nomina Ecclesiæ quidem competunt; sed Ecclesiæ, ut est totum quoddam: totum autem, ex disparatis præsertim rebus, & quarum perfecta est suo quæque in genere, sine nexu quodam communi neque fieri neque cogitari potest ulla ratione. Quis autem nexus ille ex CYPRIANI sententia? Dixi, nec est iterum ut dicam necesse. Id solum observo, JURILÆO ipsi tam esse mentem hujus sancti Doctoris visam conspicuam, ut cum torquere, quo maxime vellet, ejus verba non posset; prorsus intestabilem coactus sit facere, & adversarium profiteri. Atque hæc satis de CYPRIANO in præsens. Jam enim adverto, cum abscisse nominare Patres statuissem; in CYPRIANO nescio quo modo prævaricatum me propriam legem, nec promissis stetisse.

III. CYPRIANO *συγχρονος* & familiaris fuit FIRMILIANUS Cæsareæ in Cappadocia Episcopus. Atque is eodem errore cum esset correptus, qui CYPRIANUM invaserat, ab hæreticis verum baptisma non posse conferri; scrip-

scripsit ista ad CYPRIANUM de STEPHANO Romano Pontifice. *Atque ego in hac parte juste indignor ad hanc tam apertam & manifestam STEPHANI stultitiam, quod qui sic de EPISCOPATUS SUI LOCO GLORIATUR, & SE SUCCESSIONEM PETRI TENERE contendit, SUPER QUEM FUNDAMENTA ECCLESIAE COLLOCATA SUNT, multas alias petras inducat, & Ecclesiarum multarum nova ædificia constituat, dum esse illic baptisma sua auctoritate defendit. Nec intelligit (hæc enim sequuntur post pauca) obfuscari a se & quodammodo aboleri Christianæ petreæ veritatem, qui sic prodit & deserit unitatem.* (82)

Faciám alibi, ut objecisse FIRMILIANUM CYPRIANUMQUE nobis, quantum ad contentionem est illam cum Papa STEPHANO, FEBRONIUM & corrivalem ejus *Jansenistam* poeniteat. Nunc primum illud adverti volo, STEPHANUM virum sanctissimum & CHRISTI Martyrem, cum CYPRIANO, ne innovaret contra atque traditum esset; præcepit; Episcopatus sui commendasse locum: id quod FIRMILIANUS, ut acrimonia & dolor animi dictabat, *gloriandi* maluit verbo, quam modestiore, ut debebat, alio exprimere. Obtendisse successionem S. PETRI, atque isto nomine, quid agendum prætermittendumque esset, pro auctoritate mandasse. Quid? adeone jam pudet nos *Romani* nominis, quo & Majores nostri gloriati semper fuerunt, & ab inimicis etiamnum adpellamur nos atque secernimur, ut quod integerrimi sanctissimique sunt testati Pontifices, id repellendum, quod error & iracundia FIRMILIANO suavit, laudandum, ostentandum, imitandum esse nobis puremus? Atqui quantumvis iratus hic, non negabat, super PETRUM fundamenta Ecclesiæ collocata esse: non negabat, STEPHANUM successorem esse sancti Petri; non negabat; immo vero adsumebat, certissimumque habebat, unitatem Ecclesiæ unitate petreæ contineri. Sed pugnare secum ipso Stephanum putabat, qui tot petras, quot hæreticorum baptismaata, videretur invehere. In quo falsus ille quidem est: ac si acerbius multa scripsit, effuditque in STEPHANUM; pro præjudicio valere non potest. Sed de hoc alias pluribus.

IV. Ducit me ordo ad ea tempora, quibus cum Ariana hæresi Ecclesia conflictabatur. Sed cum multa conferri indidem ad argumentum disputationis possint; fere Ethnici hominis testificatione, atque iis, quæ hic de LIBERIO Romano Pontifice consignavit literis in historiarum decimo quinto libro, esse contentus volo. Atque id sane constat, quemadmodum in ATHANASIUM, quo tum præcipue res catholica in oriente nitetur, Arianorum conversa sint odia. Certabatur in ejus perniciem totis

tis Imperii opibus, (83) sed ille unius LIBERII auctoritate stabat, quod ab Ammiano his est verbis expressum: Imperator *Athanasio semper infestus, licet sciret impletum* (de exauctoratione ATHANASII loquitur) *tamen auctoritate quoque, qua POTIORES æternæ urbis Episcopi, firmari, desiderio nitebatur ardenti.* (84) Scilicet tam alte animis insidebat Arianorum ista, ut ATHANASIUS scribit, cogitatio: *si Liberium in nostram sententiam traxerimus, omnes brevi superabimus.* (85) Extant literæ hujus Pontificis ad CONSTANTIIUM Augustum, quibus, cum hic superbiam ei objecisset, quod auctoritate sedis suæ unus omnibus sese opponeret, ille sic huic responderet: *Secutus morem ordinemque Majorum, nihil addidi Episcopatuui urbis Romæ, nihil minui passus sum.* (86) Tum quod est expressius ad communionis cum Romana sede necessitatem comprobendam, ad Eusebium Vercellensem idem Pontifex scribens: *Me, inquit, frater carissime, ad solatium vitæ præsentis erigit invicta fides tua, qua secutus Evangeliorum præcepta, nullo genere a consortio sedis Apostolicæ discrepasti.* (87)

V. OPTATI Milevitani pervulgatus quidem est locus; sed vereor, ut perinde vim ejus, ac maxime debent, omnes intelligant. Is postquam in secundo libro contra PARMENIANUM, Ecclesiam unam esse docuerat; subinde dotes, quibus discerni dignoscique ea possit, enumerare instituit. Quas quidem esse quinque adserit; sed eas ita aptas & colligatas, ut quæ Ecclesia unam, eadem omnes teneat: neque enim divelli ac separari invicem posse. Harum omnium principem, ex qua cæteræ neclantur, esse *cathedram Romanam*: tum sequi, immo duci ab illa *Angelum*, quæ est secunda dos; ubi Angeli nomine Ecclesias reliquas, quæ ab Apostolis fundatæ, Apostolicæque ab Antiquis dictæ sunt, intelligit. Sunt enim septem istarum adnotatæ in Apocalypsi a Joanne Apostolo, & uniuscujusque Episcopus adpellatione Angeli designatus. Quare qui cum Romana Ecclesia communiione conjuncti sunt, eos & cæteris Ecclesiis conjungi, atque una reliquas habere dotes, OPTATUS scribit: ab his vero avulsos, neque

(83) Quantum cordi Imperatori fuerit Athanasii exitium, declarant verba hæc ejus in Dialogo cum Liberio: *Nullam victoriam tanti facio, ne illam quidem, quam de Magnentio reuli, ac de Sylvano, quanti ut hic sceleratus ab Ecclesiæ administratione submoveretur.* Apud Pet. Constantium Tom. I. Col. 438.

(84) L. 15. Cap. VIII.

(85) Athan. in epist. ad solitariam vitam agentes.

(86) Constant. Tom. I. Col. 425.

(87) Ibid. Col. 422.

que dotes habere veræ Ecclesiæ, neque in Ecclesia Christi esse omnino. Sed libet verba adtexere. *Videndum, inquit, ubi sint quinque dotes, inter quas cathedra est prima. Igitur negare non potes, scire te in urbe Roma Petro primo cathedram Episcopalem esse collatam, in qua sederit omnium Apostolorum Caput Petrus, unde & Cephas adpellatus est*: in qua una cathedra unitas ab omnibus servavetur, ne cæteri Apostoli singulas sibi quisque defenderent: ut jam schismaticus & peccator esset, qui contra singularem cathedram alteram collocaret. Ergo cathedra unica, quæ est prima de dotibus. Sedit prior Petrus, cui successit Linus, cæterique, quos ex ordine ad ætatem usque suam enumerat: tum de SIRICIO: Qui, inquit, hodie noster est socius, cum quo nobis totus orbis commercio formatarum, in una communione societate concordat. Et aliquanto inferius: Contra quas portas claves salutares accepisse legimus, PETRUM, PRINCIPEM scilicet nostrum, cui a Christo dictum est: Tibi dabo Claves regni cælorum, & portæ inferorum non vincunt eas. Unde est ergo, quod claves regni vobis usurpare contenditis, qui contra CATHEDRAM PETRI vestris præsumptionibus & audaciis, sacrilegio militatis? Ac rursus: Igitur de dotibus supra dictis cathedra est, ut supra diximus, prima, quam probavimus, per Petrum nostram esse: qui ducit ad se Angelum. Nisi forte eum vobis vindicantes, habetis in loculis clausum? Mittite illum, si potestis, excludat septem Angelos, qui sunt apud socios nostros in Asia, ad quorum Ecclesias scribit Apostolus Joannes. — Extra septem Ecclesias quidquid foris est, alienum est. Aut si inde habetis aliquem unum; per unum communicatis & cæteris Angelis, & per Angelos memoratis Ecclesiis, & per ipsas Ecclesias nobis. Denique: probatum est, inquit, nos esse in Ecclesia sancta catholica, & per cathedram Petri, quæ nostra est, per ipsam & cæteras dotes apud nos esse. Proxime dixerat: Intelligite vel sero, vos esse filios impios, vos esse abscissos palmites a vite, vos rivum concisum a fonte. Hactenus ille. Sunt autem iis, quæ CYPRIANUS scripsit, hæc ita similia, ut pœnitere jam me prope incipiat, in explicandis vindicandisque hujus sententiis prolixiorē aliquanto operam me fecisse. Quis enim OPTATO interpret melior? nam & Afer est ut CYPRIANUS, ac si non elegans perinde & comptus, haud certe indoctior.*

Quid autem si & ii, quos ille persequitur, de nulla re magis, quam ut Romani videri possent, laboraverint? Id de omnibus quidem hæreticis memoriæ proditum est; sed quoniam in OPTATO verſor, quid de DONATISTIS hic duntaxat protulerit, quid coram objecerit, volo verbis ejus adscribere. . . Postquam communionem cum cathedra Ecclesiæ primam dotem esse OPTATUS dixerat; dein ista subjungit: *Vestræ cathedræ vos originem*

U u

ginem

* Verba hæc, unde & Cephas adpellatus, adſuta ſunt.

ginem reddite, qui vobis vultis sanctam Ecclesiam vindicare! Sed & habere vos in Urbe Roma partem aliquam dicitis? Ramus est vestri erroris, portentus de mendacio, non de radice veritatis . . . Tum pseudo Episcopos, quos Donatistæ Romam ablegaverant, atque ut alter alteri suffectus fuerit, quo o communionem cum Romana cathedra jactare possent, recenset. Ostendit vero, ad communionem non modo nunquam fuisse admissos, sed speluncam quandam foris a civitate gradibus sepsisse, ut conventiculum habere possent, & Montenses fuisse inde adpellatos. Ita cathedram non habuisse, nisi pestilentia: hoc enim proprium esse pestilentia:, ut qui illa decedunt, in speluncis sepeliantur. Ubi speluncas argute inferos vocat; contra inferos vero claves salutares accepisse Petrum dicit. Verba: si Victori diceretur (fuit is primus, quem Donatistæ Romam legaverant) ubi sederit; nec ante se aliquem illic fuisse monstraret, nec cathedram aliquam, nisi pestilentia ostenderet. Pestilentia enim morbis extinctos homines ad inferos mittit. Qui inferi portas suas habere noscuntur, contra quas portas, claves salutares accepisse legimus Petrum, principem scilicet nostrum. Et cætera, quæ modo retulimus. Quare tantidem (non enim alium opinor sensum quis eruet) tantidem prorsus OPTATUS fecit, a communione Romanæ Sedis disclusum esse, atque inferis jam esse addictum; & id CHRISTUM significasse, cum PETRO claves dedit, & Ecclesiam super eum ædificavit. Nunc cæteros abscisse proferam.

VI. GREGORII Nazianzeni vulgatum carmen est de Roma vetere.

Fides vetustæ recta erat jam antiquitus,
Et recta perstat nunc item, nexu pio
Quodcunque labens sol videt, devinciens,
Ut universi præsidem mundi decet. (88)

AMBROSIIUS de obitu fratris sui: *Advocavit ad se Episcopum, nec ullam veram putavit nisi veræ fidei gratiam, percontatusque ex eo est, utrumnam cum Episcopis Catholicis, hoc est cum ROMANA ECCLESIA CONVENIRET.* Nempe in locum is quendam incurrerat, de quo dubitabat, hæretici an Catholici eum incoherent?

Ipsius AMBROSII celebratur vox ea ab ARNULPHO Mediolanensi historico: *Cu-*
*p**pio*

pio in omnibus Romanam sequi Ecclesiam. (89) Et Aquilejense Concilium sub eodem AMBROSIO in epistola ad Imperatores: *Totius orbis Caput Romanam Ecclesiam, atque illam sacrosanctam Apostolorum fidem ne turbari sineret, obsecranda fore clementia vestra. Inde enim in omnes venerandæ communionis JURA dimanant.* (90)

S. DAMASUS pro eodem habuit, Ecclesiæ, aut Romanæ Sedi copulari: hinc ad PAULINUM *Antiochenum* scribens, *ne tibi, inquit, scrupulus resideret, & volentes forsitan ECCLESIE copulari, tua cautio probanda differret, fidem misimus, non tam tibi, qui ejusdem fidei communione sociaris, quam his, qui in ea subscribentes, tibi, id est, NOBIS per te voluerint sociari.* Et SOZOMENUS de eodem DAMASO. *Cum hæc quæstio de divinitate Spiritus sancti ageretur, & contendendi studio magis magisque cresceret; Episcopus Urbis Romæ scripsit ad orientales Ecclesias, ut unam Trinitatem consubstantialem cum occidentalibus Episcopis confiterentur. Quo facto, utpote CONTROVERSIA JUDICIO ROMANÆ ECCLESIE TERMINATA, SINGULI QUIEVERE, ET CONTROVERSIA FINEM ACCEPISSE VISA EST.* (91) Ipse Gratianus Orientis Imperio potitus, legem tulit, *ut ædes sacræ iis traderentur, qui cum Damaso communicarent:* de quo Theodoretus est testis. (92)

Prudentius in Hymno S. HIPPOLYTI:

Fugite o miseri execranda Novati
Schismata, Catholicis reddite vos populis.
Una fides vigeat, prisco quæ condita templo est,
Quam tenet cathedra Petri.

Et cujus non calamo illud detritum est, quod Hieronymus ad Papam Damasum scribit, cum id quæreretur, tres, an unam in Trinitate hypostasim liceret dicere? quod cum Meletius quidem adfirmaret; vereretur vero quid nescio doli suspicatus Hieronymus; consulendum Damasum hic sibi putavit: extantque literæ ejus hac de re duæ, quarum in prima, quæ est decima quarta inter cæteras: *Ego, inquit, nullum primum nisi Christum*
u u 2 se-

(89) Lib. 3. Hist. Mediol. C. 15. sententia sumpta est ex Ambros. L. 3. de sacram. qui si Ambrosii fortassis non sit, perinde habet: nam est pervetus saltem.

(90) Tom. 2. operum S. Amb. p. 29.

(91) Epist. 5. apud Coustant.

(92) Sozom. L. 6. Cap. 21.

(93) Theodor. L. 5. hist. Cap. 2.

sequens, Beatitudini tuæ, id est, cathedræ Petri communione consocior. Super illam Petram ædificatam Ecclesiam scio. Quicumque extra banc domum agnum comederit, profanus est. Siquis in Arca Noe non fuerit, peribit. Non novi Vitalem, Meletium respuo, ignoro Paulinum. Quicumque tecum non colligit, spargit, hoc est, qui Christi non est, Antichristi est. Ac postea: Decernite si placet, obsecro. Non timebo tres hypostases dicere. Si jubeatis, condatur nova post Nicenam fides, ubi fidei nomine professionis formulam significat, & similibus verbis confiteamur orthodoxi. In secunda vero ad Damasum, quæ est sexta decima: In tres partes, inquit, scissa Ecclesia ad se rapere me festinat. Ego interim clamito, qui cathedræ Petri jungitur, meus est. Meletius, Vitalis, Paulinus tibi hæere se dicunt. - Obtestor literis Beatitudinem tuam, ut mihi literis tuis, apud quem in Syria debeam communicare, significes. Non sum ego nescius, ac probe memini, ampullata a FEBRONIO ista dici. Quod a DUPINIO suo mutuatus est, qui officiosè ac per exaggerationem HIERONYMUM ea ait scripsisse. Sed cur adulationem, quæ a mendacio nihil admodum distat, infcitiamque non vocant? Errant vero, si responsurum his me putent calumniis: nihil opus est apud bonos ac pios; præsertim quoniam & IRENÆI & CYPRIANI & OPTATI recitatis sententiis HIERONYMI tam sunt dicta similia, ut ovum ovo. Id æque frivolum est, necessitate prudentiæque legibus compulsam fuisse HIERONYMUM, ut, cum in tres partes videret scissam Orientalem Ecclesiam; ipse ad Occidentalem se reciperet; & eo magis, quod Alexandrinam cum Patriarcha suo THEOPHILO in eadem esse opinione cum Occidentali perspiceret. Quasi vero non diserte a S. Petro, ejusque cathedra rationem sumpsisset HIERONYMUS, aut quasi non contra etiam, atque ipse & Alexandrini optabant, si modo jussisset DAMASUS, ad nominandas tres Hypostases paratum sese fore scripsisset?

VII. AUGUSTINI hoc celebre est ex epistola XLIII., *Romanæ Ecclesiæ, in qua semper Apostolicæ cathedræ viguit Principatus. Atque in Psalmo contra partem Donati: Venite, inquit, fratres, si vultis, ut inseramini in vite. Dolor est, cum vos videmus præcisos ita jacere. Quid ita? Ubi vitis? Numerate sacerdotes vel ab ipsa Petri sede, in Ordine illo Patrum quis, cui successit, videte. Ipsa est petra, quam non vincunt superbiæ inferorum portæ. Quæ sunt ex OPTATO, ut patet, quasi hausta compendio. S. PROSPERI laudatum est carmen: Sedes Roma Petri, quæ pastoralis honoris facta caput mundo, quidquid non possidet armis, Religione tenet. Quo etiam sensu auctor libri de vocatione gentium Lib. II. Cap. XVI. per Apostolici Sacerdotii principatum amplior facta est arce religionis, quam solio potestatis*

statis, Imperatoriæ videlicet. De LEONE M. dicam alias. Ponam ex re Liturgica nunc, quod BALLERINIUS, & ante illum MAMACHIUS adnotarunt ex Codice Sacramentorum sanctæ Romanæ Ecclesiæ, quem quidem Codicem Josephus Augustinus Orsius Ordinis Prædicatorum a S. Gelasio Pontifice, Blanchinius vero a Leone primo digestum existimat. In quo hæc habentur: Vere dignum, qui ut hanc sedem regimen Ecclesiæ totius efficeret, & quod hæc servasset, ostenderet ubique servandum, simul in ea & Apostolicæ principem dignitatis, & magistrum gentium collocasti. Et in alia Missa: Qui secundum promissionis tuæ inviolabile constitutum Apostolicæ Confessioni superna dignatione largiris, ut in veritatis tuæ fundamine solidatæ nulla mortiferæ falsitatis jura prævaleant, ipsaque sit sacri Corporis ubique compago, quæ te dispensante devota subsequitur, quidquid sedes illa censuerit, quam tenere voluisti totius Ecclesiæ principatum.

Consentit sancti PETRI Chrysologi illud, quod ad Eutychem Constantinopolitanum Archimandritam scripsit: *In omnibus hortamur te, frater, ut his quæ a Beatissimo Papa Romanæ Civitatis scripta sunt, obedienter attendas, quoniam B. Petrus, qui in propria sede & vivit & præsidet, præstat quærentibus fidei veritatem.*

Et EPIPHANIUS, Constantinopolitanus ille, non Salaminæ in CYRO Episcopus, ubi de electione sua HORMISDAM certiore facit; *Est mihi ratio, idquit, magnopere uniri me vobis.* Atque STEPHANUS Larissæ Episcopus in libello, quem BONIFACIO II. obtulit: *Auctoritas sedis Apostolicæ, quæ a Deo salvatore nostro summo Apostolorum data est, sanctarum Ecclesiarum privilegiis antecellit, in cujus confessione omnes requiescunt Ecclesiæ.*

MENNAS item Constantinopolitanus Episcopus in synodo ejusdem urbis: *Nos, inquit, Apostolicam sedem sequimur, & obedimus, & ipsius communicatores, communicatores habemus, & condemnatos ab ipsa & nos condemnamus. Quid? si pro eodem semper sit habitum, ad Ecclesiam Romanam, aut ad Catholicam reverti Ecclesiam, siqui ex schismate ad primam salubritatem respexissent? Id quidem professio illa testatur, quæ in Appendice operum S. GREGORII legitur: Prona & spontanea voluntate ad UNITATEM SEDIS APOSTOLICÆ, divina gratia duce reversus sum, & ne non pura mente, seu simulate reversus existimer, sub mei ordinis casu spondeo & anathematis obligatione — semper me in UNITATE SANCTÆ ECCLESIE CATHOLICÆ, & COMMUNIONE ROMANI PONTIFICIS per omnia permanurum.*

Nec aliter venerabilis BEDA: scribit enim in Caput XVI. Matthæi, ver-
u u 3 ba

baque illa, & tibi dabo claves regni cælorum: Ideo Beatus Petrus, qui Christum vera fide confessus, vero est amore secutus, specialiter claves regni cælorum, & principatum judicariæ potestatis accepit, ut omnes per orbem credentes intelligant, quia quicumque ab unitate fidei vel societatis illius quolibet modo semetipsos segregant, tales nec vinculis peccatorum absolvi, nec januam possint regni cælestis ingredi. BEDAM imitatus est, ac prope exscripsit RABANUS in idem Matthæi caput. ANSELMUS vero, is qui auctor enarrationum est in Matthæum, ad eundem locum: ideo, inquit, PETRUM principem Apostolorum instituit, ut Ecclesia quasi unum principalem vicarium Christi haberet; ad quem diversa Ecclesiæ membra recurrerent, si forte inter se dissentirent; quoniam si diversa essent capita in Ecclesia, unitatis vinculum rumperetur per diversa schismata.

Et HINC MARUS Remensis in trigesimo tertio opusculo, quadragesimo quinto capite: Quæ sunt in universo mundo, quaquaversum se Catholica diffundit Ecclesia, licet per terrarum plagas dispersa, sub uno tamen Pastore ac Pastorum principe CHRISTO, unitate fidei in ovili uno conclusa, suscipere meruit prima sedes; & omnium Ecclesiarum in toto orbe terrarum mater atque magistra. Sic etiam is, cujus ad Eugenium TOLETANUM extat epistola sub nomine S. ISIDORI: Dignitas potestatis, inquit, & si ad omnes Catholicarum Ecclesiarum Episcopos est transfusa; specialius tamen Romano Antistiti, singulari quodam privilegio, velut capiti cæteris membris celsiori permanet in æternum. Qui igitur debitam ei non exhibet reverenter obedientiam, a capite sejunctus, acephalorum schismati se reddit obnoxium.

Tandem Alcuinus, ut is agmen claudat, nec infiniti simus, sic in epistola LXX.: Ne schismaticus inveniatur, & non catholicus, sequatur probatissimam sanctæ Romanæ Ecclesiæ auctoritatem, ut unde Catholicæ fidei initia accipimus, inde exemplaria salutis nostræ semper habeamus; ne membra a capite separentur suo; ne claviger regni cælestis abjiciat, quos a suis deviasse intelligit doctrinis. Et in epistola ad Leonem: vere dignum esse fateor, omnem illius gregis multitudinem suo pastori, licet in diversis terrarum partibus commorantem, una caritatis fide subjectam esse. (94)

Ite nunc boni, & interpretamenta, immo nugamenta, quæcunque vultis, confingite: ego quidem & veritati & rationi & pudori intulisse bellum

bellum vos dicam, Nam *traditione* cum res agatur, & sæculorum ista cursu ac propagatione constet; quid est stolidius, quam ut vim ejus propulses, in uno, quod pro se loqui non potest, testimonio Patris alicujus vexando fatigare equuleum: quod omnes, quod una voce dicunt, quod diuturnitas sæculorum clamat vociferaturque, id neque curare velle, neque attendere? Atqui frustra jam porro quæretur, quid *Ecclesia principalis* Cypriano, quid *principatus Apostolicæ cathedræ* Augustino significant? Est *Irenæus* enim interpret, atque Ecclesiam esse dicit, ad quam cæteras convenire omnes necesse sit. De *Irenæo* item frustra, quo ille sensu *conveniendum ad hanc* omnibus scripserit, quæretur. Nam CYPRIANUS exponit, cum Ecclesiam unam ac super unum fundatam, & in uno nexam ac colligatam toto libro ostendit. Atque hoc ipsum rursus ne cavillationibus tricisque pateat, OPTATUS, facit. Nam explicatissima est hujus sententia, Ecclesiam CHRISTI esse non posse, quæ communione cum Romana cathedra exciderit: hanc primam dotem esse veræ Ecclesiæ, ac trahere cæteras, & quæ similia disertissime ab illo sunt scripta. Denique ne cuncta repetam, quære de singulis; respondebunt omnes pro singulis, centrum ac vinculum omnium Ecclesiarum Romanam esse Ecclesiam: ita cum innumeri Episcopatus sint, atque Ecclesiæ, fieri unam eo modo ex omnibus, ut sit sola vera, quæ Romana sit atque dicatur. (95)

Atque his ego contentus esse omnino poteram, nec erat necesse, ad sordes ac nugas Febronii & gregalis ejus admoveere calamus. Sed faciam tamen, quoniam interest omnium, quid pervicacia inscitiaque possit, ac quantas vires frons habeat perfrecta & obdurata, exemplo horum duum, si nondum sciant, cognoscere.

§. II.

(95) Scriptorum, quorum junior est ætas, infinitum prætermisi numerum; ne decepti falsis decretalibus dici possint. Sed quoniam duos Adversarii ipsimet nominarunt & in nos commoverunt, horum verba admetiri placet. Sic JOANNES Sarisbergensis Tom. XV. Bib. PP. epist. 83. Navem Piscatoris egregii Ecclesiam esse scimus: Romanum Pontificem Principis Apostolorum non ambigimus esse Vicarium, qui sicut Rector clavo navem, ita sigilli sui moderamine Ecclesiam regit, corrigit, & dirigit universam. Goffrid. Viterb. Chron. p. 16. Adsentior autem marri nostræ R. Ecclesiæ, quæ fundata est supra CHRISTUM, id est petram.

§. II.

Irenæi textus a FEBRONII & JANSENISTÆ calumniis
vindicatur.

I. **E**x quo disputari de Primatu Romanorum Pontificum cœptum est; IRENÆI illa quam dixi sententia propugnaculum semper firmissimum, aheneusque, ut ita loquar, murus fuit causæ catholicæ. Hujus enim objectu sagacissimus Europæ regum aliquis a consortio hæresis diverti se passus est: hac triumphatum est semper a nostris, atque a Gallia comprimis, quæ quemadmodum sinu suo hunc aluit sanctissimum Præsulem, sic quod ab Apostolis idem acceperat, transmissitque posteris, celebrare scriptis atque sermonibus suis nunquam destitit. Quid ageret factio? illa quam toties, quam jure, quam convictam rebus atque verbis suis hoc voco nomine, FEBRONIANA factio? an stylo parceret? an cederet? daret, quod eripere nulla nobis ratione potest? Equidem cum primo classicum infunderet ad tumultuandum, hoc est, cum tomum primum ederet FEBRONIUS; permittendum utcumque locum IRENÆI esse nobis putavit; sed dissimulandam vim: id quod apud imperitos & incuriosos istarum rerum, atque in loquacitate præsertim tanta, non modo non arduum, verum etiam facile, immo facillimum erat. Sed anonymus JANSENISTA majores animos sumpsit. Novam commentus ille est interpretationem verborum S. IRENÆI, quæ quod in manus interea venisset adparanti tertium tomum FEBRONIO; pronum conjectu est, qua lætitia, qua voluptate perfusus sit. Continuo totam exscripsit: exscripsit autem? Devoravit, adeo verum putabat, amicorum communia esse omnia oportere. En una & furtum & interpretationis prodigium!

S C H E M A F U R T I.

JANSENISTA *Anonymus*

Lib. de Prim. R. a pag. 454.

IRENÆUS sui temporis hæreticos refellens, Ecclesiarum traditionem eis objicit, erroribus eorum contrariam, & quæ ex doctrina Episcoporum, qui Ec-

FEBRONIUS

Tom. III. Tit. II §. VI. a. pag. 47.

S. IRENÆUS sui temporis hæreticos refellens, Ecclesiarum Traditionem illis objicit, erroribus eorum contrariam, quippe quæ ex doctrina Episcoporum, qui

JANSENISTA *Anonymus.*

clesiis præfuerant, dignosci facile poterat....” *Traditionem itaque Apostolorum &c.* (Recitat textum usque ad verba, *præterquam oportet, colligunt*.) Huc usque nihil video quo stabiliatur Ecclesiæ Romanæ seu ejus Episcoporum auctoritas. Imo cum eis IRENÆUS alias Ecclesias, earumque Episcopos exæquat, utpote qui etiam ab Apostolis doctrinam, institutionemque acceperint... *At ecce petra scandali.*” Ad hanc enim Ecclesiam (pergit IRENÆUS) propter potentiorē Principalitatem necesse est omnem convenire Ecclesiam, hoc est eos qui sunt undique fideles, in qua semper ab his qui sunt undique conservata est ea, quæ est ab Apostolis, traditio. En textus, in quem illiduntur jurisdictionis divinæ ac universalis Paparum defensores. Sed totam viam errant &c. *Vide infra Num. X.* Et vero si intelligi deberent de potestate Papali cujuscumque sit, quid sequentibus verbis significaretur, *necesse est omnem convenire Ecclesiam*, nisi aut necessarium esse omnem Ecclesiam cum Romanis Pontificibus in eadem doctrina convenire, aut necessarium esse in eadem communionem cum ipsis esse. At... si voce ista *convenire*, IRENÆI interpretes intellexisset consensionem doctrinæ, aut communionem Ecclesiasticam, non dixisset profecto, *ad hanc enim Ecclesiam*, sed, *cum hac enim Ecclesia necesse est omnem convenire Ecclesiam*; cum ista elocutio, *convenire ad*, ex usu non adhibeatur ad designandam

FERRONIUS

qui Ecclesiis hactenus præfuerant, dignosci facile poterat:” *Traditionem*, inquit S. Martyr &c. (Recitat textum usque ad verba, *præterquam, oportet, colligunt*.) „ Hucusque nihil, quo stabiliatur *Monarchia* Romanæ Ecclesiæ & Episcoporum ejus in alios Imperium. Imo cum eis IRENÆUS alias Ecclesias, harumque Episcopos exæquat, utpote qui etiam ab Apostolis doctrinam, institutionemque acceperint. Verum prosequitur IRENÆUS: *Ad hanc enim Ecclesiam* (Romanam) PROPTER POTENTIOREM PRINCIPALITATEM necesse est omnem convenire Ecclesiam, hoc est eos, qui sunt UNDIQUE fideles, in qua semper ab his, qui sunt UNDIQUE conservata est ea, quæ est ab Apostolis traditio. En locus, ad quem appellit impetus defendentium jurisdictionem Papæ Monarchicam. *At potentior*... *Vide infra Num. X.* Et vero si intelligi deberent de potestate Papali, cujuscumque ea sit, quid sequentibus verbis, *necesse est omnem convenire Ecclesiam*, significaretur, nisi consensionem doctrinæ cum Ecclesia Romana vel communionem Ecclesiasticam cum eadem. Verum eo sensu S. Pater profecto non dixisset, *ad hanc enim Ecclesiam*, sed *cum hac enim Ecclesia necesse est omnem convenire Ecclesiam*; quandoquidem ista elocutio *convenire ad*, ex usu non adhibeatur ad designandam unitatem doctrinæ, aut societatis, sed translationis de loco ad locum. Hoc ultimo sensu eandem elo-

JANSENISTA Anonymus.

unitatem doctrinæ aut societatis, sed translationem a loco in locum. Hoc ultimo sensu eandem elocutionem interpret usurpat in multis aliis locis. Sic Libro 2. contra hæreses c. 39. dicit: *Moris erat Judæis ex omni regione tempore hoc convenire in Jerusalem.* Lib. 1. n. 12. de hæreticis ait: *In omnem diem festum Ethnicorum primi conveniunt.* Lib. 2. c. 39. *Omnes Seniores, qui in Asia apud Joannem Discipulum Domini convenerunt.* Et Lib. 3. c. 25. de septuaginta Interpretibus scripturæ loquens: *Convenientibus autem ipsis in unum apud Pholæmæum.* Ex variis his exemplis patet, vocem hanc *convenire* ad mentem interpretis idem sonare ac *ire, se conferre, congregari.* Unde concludendum est, verbum hoc in objecto textu non aliud significare. Hoc autem eo magis probabile est quod addat IRENÆUS: *hoc est, eos qui sunt undique...* Cum enim Ecclesiæ integræ illuc (Romani) ire non possent, postulabat ratio, ut mentem suam aperiret, has voces *omnem Ecclesiam* limitando ad fideles, qui Romam ex omni Ecclesia confluebant. Hincque facile videtur, istis aliis vocibus, *potiorem Principalitatem*, nullo modo designari supremam Ecclesiæ Romanæ aut ejus Episcoporum jurisdictionem... Quis igitur verus ac genuinus sensus hujus IRENÆI textus? iste profecto: intelligit nempe sanctus Doctor, cum Roma Imperii Caput esset, Sedes Imperatoris & Senatus, centrum totius civilis potestatis, necesse esse ad

FEBRONIUS

cutionem IRENÆUS ipse aut ejus interpret (originario enim, id est, græco textu caremus) pluribus aliis locis usurpat. Sic Lib. II. Cap. 39. dicit: *Moris erat Judæis ex omni regione tempore hoc convenire in Jerusalem.* Item Lib. I. n. 12. de hæreticis ait: *In omnem diem festum Ethnicorum primi conveniunt.* Dein Lib. II. Cap. 39. *Omnes Seniores, qui in Asia apud Joannem Discipulum Domini convenerunt.* Demum Libro III. Cap. 25. de septuaginta Interpretibus scripturæ loquens: *Convenientibus autem ipsis in unum apud Pholæmæum.* Ex variis his exemplis patet, hanc vocem *convenire* ad mentem IRENÆI aut interpretis ejus, idem sonare ac *ire, se conferre, congregari.* Unde concludendum, idem verbum non aliud significare in textu, de quo agitur. Porro quid per *omnem Ecclesiam* intelligat sanctus Pater, ipse explicat subdens: *hoc est eos, qui sunt undique, fideles.* Cum enim Ecclesiæ integræ Romam ire non possent, postulabat ratio, ut mentem suam aperiret, has voces *omnem Ecclesiam* explicando per *fideles*, qui illuc ex omni Ecclesia confluebant. Inde etiam colligitur, aliis illis vocibus *potentiorum Principalitatem* nullo modo designari supremam, multo minus unicam seu solitariam, Ecclesiæ Romanæ, aut Episcoporum ejus *jurisdictionem.* Ille e contra eorum genuinus sensus est, quod, cum Roma Imperii Caput esset, Sedes Imperatoris & Senatus, Centrum totius civilis potestatis, necesse sit ad

JANSENISTA *Anonymus.*

FEBRONIUS

hanc Urbem, & proinde ad Ecclesiam in ea florentem undique convenire fideles, ob negotia seu privata seu Ecclesiarum suarum. Ita ut Roma quasi Concilium generale tunc esset perpetuo congregatum, sicque fons purus Apostolicæ doctrinæ, cujus conservationem juvabant aliarum Ecclesiarum fideles: *In qua semper ab his &c.* Idcirco IRENÆUS, ut coævus suos confunderet hæreticos, satis ducebat, si eis Romanæ Ecclesiæ testimonium objiceret. Convicti enim traditione hujus Ecclesiæ, ad quam fideles undique convenientes orbis universi fidem ferebant, omnium simul Ecclesiarum pondere revera obruebantur. Verum quid hæc juvant supposititiam illam, summam ac divinam Ecclesiæ Romanæ seu Episcoporum ejus Jurisdictionem? Nonne similiter de Constantinopoli dixit NAZIANZENUS: ad eam undique ab extremis terræ convenire fideles; nonne ideo *oculum universi* nominavit eam, communemque fidei fontem? " *Civitatem orbis oculum, ad quam extrema terræ undique conveniunt, & a qua velut communi fidei emporio incipiunt.* Orat. 32. Num propterea voluit S. Doctor, Ecclesiæ Constantinopolitanæ communionem omnibus ad salutem esse necessariam? aut ipsius Episcopis divinam competere in omnes Ecclesias Jurisdictionem?

Seafus juxta quem omnibus necesse est cum Romanis Pontificibus communionem sociari, aperte refellitur ipsa IRENÆI agendiratione. Cum enim

eandem Urbem, ac proinde ad Ecclesiam in ea florentem, *undique* convenire fideles, ob negotia, seu privata, seu suarum Ecclesiarum. Ita, ut Roma quasi Concilium generale tunc esset perpetuo congregatum, sicque fons purus Apostolicæ doctrinæ, cujus conservationem juvabant aliarum Ecclesiarum fideles: quod sic expressit sanctus Pater: *in qua semper ab his &c.* Idcirco IRENÆUS, ut coævus, suos confunderet hæreticos, satis ducebat, si eis Romanæ Ecclesiæ testimonium objiceret. Convicti enim traditione hujus Ecclesiæ, ad quam fideles undique convenientes orbis universi fidem ferebant, omnium simul Ecclesiarum pondere revera obruebantur. Quod de Ecclesia Romanâ dixit IRENÆUS, hoc de Constantinopolitana GREGORIUS Nazianzenus Oratione XXXII; scilicet ad eam undique ab extremis terræ convenire fideles: *Civitatis orbis oculum*, inquit, *ad quam extrema terræ undique conveniunt, & a qua velut communi fidei emporio incipiunt.* Non propterea voluit S. Doctor, Constantinopolitanæ Ecclesiæ vel ipsius Episcopo Monarchicam competere in omnes Ecclesias Jurisdictionem, aut ab illa nullam Ecclesiam, etiam ex causa utcunque legitima ad tempus separari posse. Repeto, quod alibi dixi, omnibus necesse esse, cum Romanis Pontificibus communionem sociari; sed vel ex ipsius S. IRENÆI sententia suas habet hæc regula limitationes &c. Cum VICTOR Papa a communionem sua Episcopos &

JANSENISTA *Anonymus.*

VICTOR a communione sua Episcopos & Ecclesias Asiæ refecasset, quod Pascha die lunæ 14. celebrarent, non solum hunc actum condemnavit IRENEUS, ipsumque VICTOREM acriter reprehendit, sed etiam in eorum communione perseveravit, quos a sua segregaverat hic Papa.

FERRONIUS

Ecclesias Asiæ, refecasset eo quod Pascha die 14. Lunæ celebrarent; non solum hunc actum palam CONDEMNAVIT IRENEUS, ipsumque VICTOREM acriter reprehendit, sed etiam in eorum communione perseveravit, quos a sua hic Pontifex segregaverat.

II. Quid dicam? humanæ ac naturalis vim intelligentiæ esse tantam in uno homine, acumenque tantum? Ego vero commentatione putem ista nihil præstantius, nihil divinius posse fieri: prorsus ut in mentem nunc illam devenerim, in cœmeterio sancti MEDARDI clam atque furtim hoc sibi oraculum Jansenistam abstulisse: publice enim, ut constat, non amplius loquitur S. Diaconus. Bene habet: meditabimur nos singula, quantum heic opus est. Primum hoc docet; cum viveret S. IRENEUS, consueisse ex omnibus mundi partibus Christianos Romam venire, ut coram Imperatore, senatuque ac populo negotia sua sive privata sive Ecclesiarum suarum exponerent. Id ei narranti quis volet resistere? Atque utinam prius narrasset! est enim dudum, quod pias mentes offenderit *Jansenistarum* facinus, cum neque Pontifices, neque Episcopos audiunt; sed utrosque, & Ecclesiam ipsam, ac Religionis nostræ mysteria, & fidei doctrinæque cœlestis capita ad profanas curias rapiunt, inque strepitum & calamistrum committunt Causidicorum. Quod quam multo nos æquius tulissemus, si IRENÆI novum interpretem habuissemus! Nam si Nerones, Domitiani, & coronati, ut fere erant, carnifices Ecclesiarum arbitri federe poterant; si senatus ac Consules, quorum omnis non ad Imperii tum quidem tuendos ac propagandos fines amplius, sed ad tenebrarum, idololatriæque ac scelerum amplificandum regnum explicari ac distendi auctoritas videbatur, convertebantur studia, referebantur consilia, cogitationes omnes; si de Deo ac IESU CHRISTO, de Religione ac sacris legibus, de Episcopis & sacerdotibus, de officiis populi (hæc enim Ecclesiarum tum erant negotia) in Capitolio, & apud venerem impudicam, martem adulterum, Jovem, non illum regno magis, quam vitiis principem, cumque ipsis suis fulminibus in amores ardentem improbos, sceleratos, nefandos:

&

& ut verbo dicam, si superstitio de sanctitate, sacrilegium de virtute, de pudore lascivia, de hominibus belluæ, atque Babylon de regno cælorum disceptare judicareque poterant: quæ queat ratio reddi probabilis, cur non & hodie summa fidei ad Civiles abduci magistratus possit, disceptarique in foro, & a profanis Causidicis declamari? Nisi forte quod Gentilibus fuisse datum concedimus, id Christianis fas esse negemus?

III. Sed absit, illius nos testem vesaniæ atque furoris IRENÆUM esse credamus. Quæ enim *participatio Justitiæ cum iniquitate?* inquit Apostolus. *Aut quæ Societas Christi ad Belial? aut quæ pars fidei cum infidei? qui autem consensus templo Dei cum idolis?* Neque sane tam incuriosos putare possumus & immemores sui atque Evangelii primos sanctissimosque illos Patres fuisse, uti contra atque monuerat eos Christus, *margaritas ante porcos projicerent, & sanctum canibus darent*: quique pœnam inter sese ultimi exempli habebant, pro Ethnico & publicano devitari, apud Ethnicos asylum ipsi virtutis, & in arce scelerum atque vesaniæ præsidium honestatis, religionis, fidei, legum, sacerdotii & Evangelii quærerent. Apage! commentum hoc est, quod nec aures ferre Christianæ possunt, nec est probabilis omnino, sed falsum, stolidum, impium, solis hostibus dignum Christiani nominis.

Quid? quod profana nequidem & privata negotia tractare Romæ & apud senatum Christianis fas fuerit? Id enim caverat Apostolus, & acerrime in Corinthiis suis reprehenderat. *Audet aliquis vestrum?* (sic scribit in prima ad eos epistola) *audet aliquis, negotium habens adversus alterum judicari apud iniquos, & non apud sanctos? Ad verecundiam vestram dico: sic non est inter vos sapiens quisquam, qui possit judicare inter fratrem suum? Sed frater cum fratre judicio contendit, & hoc apud infideles?* Christiani itaque primis sæculis edititios habebant judices ex cœtu fratrum: plerumque Episcoporum suorum arbitrio stabant, eorumque nutu atque sententia transigebant. Erant ad hæc lites inter eos rarissimæ, sed summa pax & animorum concordia. Quæ quidem ipsa gravissimum odium invidiamque illis concivit. Unde Ethnicus apud MINUTIUM FELICEM: *Evuenda, inquit, prorsus hæc & execranda consensio: occultis notis & insignibus noscunt & amant se mutuo, antequam noverint: fuitque hæc ratio, cur flagitiosissimi & turpissimi passim crederentur, qui, quid inter se agerent, summo silentio occultarent.* Quid autem? persuadere post ista *Batavus*, FEBRONIUSQUE nobis volunt consueße Romam Christianos undique confluere, exemploque ac more gentilium litigare in foro & in senatu;

& quidem quotidie, aut tam frequenter, ut quasi *Concilium* tum quoddam Romæ perpetuum Christianorum esset, dicique posset? ubi mens?

Atqui ne hoc quidem verum est, cum gentilibus habere causas ac lites Christianos consuevisse. Nam iis, quibus viverent, rebus contenti erant, ac neque mercaturam exercebant, neque patrimoniis inhiabant. Quin usque eo erant invisi & intestabiles; sola ut *religionis* ad eos damnandos *exceptio*, immovero ad perdendos sufficere passim crederetur. Age vero, quo exemplo purgabant se isti nobis fraterculi, ne scripsisse stolide nos eos putemus? Si unum vel duo proferant (quæ vereor, ut ex tota antiquitate possint extundere;) nos multo plurima, obvia, quotidiana desiderabimus. Ea enim necessaria omnino sunt, ut commentum de *Concilio* illo suo in urbe *perpetuo* probabilitatis aliquo colore obducant. Tandem quid in foro Christiani facerent, qui in cavernis ac cryptis esse tuti non poterant? Sic omnibus rebus laborat fabula; omnibus: nec modo veri habet speciem nullam; sed ad vecordiam amentiamque comparata tantam est, quantam, si experimentum non ejus cepissem, credidissem non posse cadere in humanam naturam.

IV. Est autem de cætero longe clarissima IRENÆI sententia, nec fuit necesse, ad dilucidandam & collustrandam illam, tot ineptiarum committere se pelago, verecundiæque & sanæ rationis naufragium facere? Etenim hæreticorum ille dogmatum vanitatem ut ex novitate refelleret, ad Apostolicam traditionem eos provocat: quam ex omnibus illis Ecclesiis, in quibus ab Apostolis constituti sunt Episcopi, & eorum successoribus ad suum usque tempus posse repeti ait. *Traditionem Apostolorum in toto mundo manifestatam in omni Ecclesia adest perspicere omnibus, qui vera velint audire: & habemus enumerare eos, qui ab Apostolis instituti sunt Episcopi in Ecclesiis, & successores eorum usque ad nos, qui nihil tale docuerunt, neque cognoverunt, quale ab his deliratur.* Dein quod in omnium Ecclesiarum tabulas ac forulos ingredi, & Episcoporum per censere catalogos, molestioris res operæ esset ac tædii plena: unius Romanæ Ecclesiæ Episcopos per censet IRENÆUS. *Sed quoniam valde longum est, inquit, in hoc tali volumine omnium Ecclesiarum enumerare successiones; maxime, & antiquissimæ, & omnibus cognitæ, a gloriosissimis duobus Apostolis Petro & Paulo Romæ fundatæ & constitutæ Ecclesiæ eam quam habet ab Apostolis traditionem & annuntiatam hominibus fidem per successiones Episcoporum pervenientemque ad nos indicantes, confundimus omnes eos, qui quoquo modo præter quam oportet, colligunt. Ad banc enim Ecclesiam propter potentio rem principatam necesse est omnem convenire Ecclesiam.*

Itaque & maximam & antiquissimam, & omnibus cognitam & a duobus Apostolis fundatam constitutamque Ecclesiam IRENÆUS ROMANAM esse dicit. Deinde non aliam, quam ROMANAM designat, cui hoc proprium sit ut Ecclesiæ fidelesque omnes necessario ad eam convenient. Quare autem? *propter potentiores principalitatem*, ejus utique ipsius Ecclesiæ, quæ est *maxima, antiquissima, omnibus cognita & aspectabilis*. & ab Apostolis PETRO & PAULO fundata. Hanc enim Ecclesiam *principalem* esse, etiam CYPRIANUS & AUGUSTINUS scripserunt. Et IRENÆUS hoc ipso in loco cum *ἀρχαιοτατην* nominavit, non eo intellexit sensu *antiquissimam*, quod sit ortu prior Ecclesia Romana Ecclesiis reliquis; sunt enim prius revera formatæ plures, ut *Jerosolymitana & Antiochena*; sed præstantiam intellexit ac principatum; ut sit *ἀρχαιοτατην* pro eodem ac si *principalissimam* ac *præstantissimam* dixisset. Enimvero est *ἀρχαίον* græcis non id solum, quod priscum, sed & *primum, principale, præcipuum*. Unde *ἀρχαίος λόγος* apud eos dicitur, id est præcipua & capitalis ratio: & *ἀρχαίον καταλυθέντες*, qui principatu dejecti sunt. ORIGENES item itineris sui reddens rationem apud EUSEBIUM, *ἐξάμενος*, inquit, *τὴν ῥωμαίων ἀρχαιοτατην ἐκκλησίαν ἰδεῖν*, quod in optatis haberem Romanam videre Ecclesiam omnium principem. Nam ita verendum esse recte ab HALLOISIO (96) est observatum.

Quaquam quid his opus habemus? *Ad hanc enim Ecclesiam*, inquit, *propter potentiores principalitatem necesse est omnem convenire Ecclesiam*: ubi Romani heic mentio Imperii? ubi Imperatoris? ubi senatus? ubi consulum? Tollantur igitur humanus sermo, usus, voces, judicia, communis sensus! quæ quorsum habeantur, si pervertere corrumpereque liceat, quidquid clarum, manifestum, evidens est, non capio, non intelligio. — Ad hæc si de civili principatu IRENÆO sermo fuit; quid est, quod POTENTIOREM nominarit? *Potentiores enim non sine comparatione ad plures vocat*. Quamobrem plures necesse est principalitates tum fuerint. In Romano autem Imperio nulla, præterquam Romæ fuit; qua in urbe tota majestas continebatur. Quod si de Ecclesia, ut debet, intelligatur IRENÆUS; aptissima locutio est: quot enim Ecclesiæ, tot principatus sunt item sacri; quemadmodum qui IRENÆO proximus fuit, ORIGENES scripsit, nosque alibi ex illo probavimus. Sed tamen hæc etiam præteriri patiar. Repetamus sententiam!

IV.

V. *Maximæ & antiquissimæ*, ait, & *omnibus cognitæ*, a *gloriosissimis duobus Apostolis Petro & Paulo fundatæ Ecclesiæ eam* QUAM HABET AB APOSTOLIS *traditionem & annuntiatam hominibus fidem* PER SUCCESSIONES EPISCOPORUM *pervenientem usque ad nos* INDICANTES *confundimus omnes*. Subjicit Romanorum Pontificum catalogum a PETRO & PAULO usque ad ELEUTHERIUM, quem duodecimum numerat. *Fundantes igitur & instruentes beati Apostoli Ecclesiam, Lino Episcopatum administrandæ Ecclesiæ tradiderunt. Succedit autem ei Anacletus: post eum tertio loco ab Apostolis Episcopatum sortitur Clemens: Huic autem succedit Evaristus, & Evaristo Alexander. Sextus ab Apostolis, constitutus est Sixtus, & ab hoc Telesphorus, ac deinceps Hyginus, post Pius, post quem Anicetus. Cum autem successisset Aniceto Soter, nunc duodecimo loco Episcopatum ab Apostolis habet Eleutherius. Concludit, ac nulla voce intercepta subjungit: Hæc ORDINATIONE AC SUCCESSIONE, ea quæ est ab Apostolis in Ecclesia traditio & veritatis præconatio pervenit usque ad nos. Et est plenissima hæc offensio, unam & eandem vivificatricem fidem esse, quæ in Ecclesia ab Apostolis usque nunc sit conservata & tradita in veritate.*

Quis ista legens, cumque somniis novorum Interpretum ea componens moderari sibi, ne a se exeat, possit? Scribit IRENÆUS, id esse verum, quod ab Apostolis traditum sit. Dein testem conservatricemque atque etiam disceptatricem hujus traditionis *successionem* facit Romanorum Episcoporum; recensetque idcirco singulos, concluditque, hac *ordinatione*, hac *successione* eam, quæ est ab Apostolis, traditionem & veritatis *κηρυξιν* (sic enim græce locutus fuerit) dimanasse ad posteros: & *ἀποδείξιν* seu demonstrationem hanc esse plenissimam, non fide alia homines salvari, quam quæ Episcoporum sit illa Romanorum conservata vocibus atque scriptis: quare vel ista sola indicata omnes hæreses confundi. Hæc inquam IRENÆUS: nec putabam ego hactenus, qui vellet aliter interpretari, ullum sub sole hominem me reperturum. Sed sum deceptus. Aliter JANSENISTA acti ro ejus. Nihil, si hos audimus, IRENÆUS de *Ecclesia principe* locutus fuit, nihil de PETRO & PAULO, nihil de Episcoporum *successione* Romanorum. Quid igitur? quod in mentem sancto Martyri nunquam venit, nec ex verbis ejus ne iste cedipus quidem vel Apollo Delphicus queat extrudere. Hoc, cum ex omnibus partibus mundi ad Capitolium Christiani confluant; una fidem eos omnium Ecclesiarum inferre Romæ. Scilicet non hoc est furere? Non Catilinæ in modum, ac tanquam ex patera adversus veritatem, evidentiam, lucem, insaniam bellumque bibere?

V. Sed state viri! Ait IRENÆUS: *sed quoniam valde longum est* (sunt enim repetenda rursum S. Martyris verba) *in hoc tali volumine omnium Ecclesiarum enumerare successiones; maximæ & antiquissimæ, & omnibus cognitæ, a duobus Apostolis Petro & Paulo fundatæ Ecclesiæ, eam, quam habet ab Apostolis traditionem per successiones Episcoporum pervenientem usque ad nos, indicantes, confundimus omnes. Ad hanc ENIM Ecclesiam propter potentiolem principalitatem necesse est omnem convenire Ecclesiam. Si hoc modo ille dixisset: ad hanc INSUPER Ecclesiam; foret radiolus aliquis veritatis in fabula. Conjunxisset duo enim argumenta traditionis, rectæque fidei: alterum in consensione positum adventantium undequaque Romanam Christianorum; alterum, idemque primum, quod a succedentium sibi post PETRUM Episcoporum Romanorum serie ducitur. Sed IRENÆUS, ad hanc ENIM dicit. ENIM. Quæ cum sit causæ index particula; rationem necesse est superioris partis sententiæ pars posterior contineat. Ergo hoc erit modo IRENÆI informanda argumentatio: " Qui veræ fidei amantes sunt, ii exquirant, quid Episcopi Apostolorum successores docuerint: est enim successio illa velut tradux quidam Apostolici ad nos seminis. Sed quoniam omnium ex Ecclesiarum tabulis ac laterculis Episcoporum catalogos texere nimis longum est: satis fuerit, in Romanam intueri Ecclesiam, & in ea, quam PETRUS & PAULUS deposuerint fidem, advertere. Resciatur ea autem, si adtendatur, quid docuerit Linus Petro proximus, quid Anacletus, quid Clemens, cujus potentissimæ etiamnum literæ ad Corinthios extant? quid Evaristus, quid Alexander? tum quid Sixtus, Telesphorus, Hyginus, Pius, Anicetus, Soter? & hoc ipso tempore quid Eleutherius doceat? Hujus illustrata & patefacta doctrina successionis, nihil porro ad cuiusvis nominis hæreticos dissipandos opus erit. Ecce thesin IRENÆI! Quei probat autem? probare quidem certe particula ENIM indicat. Quodsi hariolis duobus credimus; probat sic: quia Romam negotiorum causa ex omnibus mundi finibus Christiani conveniunt, & eo fidem suam secum asportant. Hæc an ne collectio est? an argumentatio sui compotis, & quid agat atque dicat, sentientis hominis? Jam ergo & plumas molles esse ex eo probabo, quia lapis durus est, & cespitem viridem, quia olor albus est. Prò portenta perviciæ & obstinationis! malunt cæci, malunt insani esse, & insanissimos secum omnes, etiam doctissimum quemque Patrum sanctorum facere, quam pati, esse veri ab iis scriptum aliquid, atque contra, quam ipsos furor iste suus, dolorque & animi rabies docuerunt. Quid tam male de vobis IRENÆUS meruit, ut tam incredibilem ei vecordiam & inscitiam adfingeretis?*

Sententia clara est. *Ideo, ideo* satis esse ait, Romanæ traditionem Ecclesiæ, Episcoporumque, qua conservari ea debuit, perspectam habere successione, quoniam princeps est ista Ecclesia, centrumque ac communis nexus cæterarum: à quo qui se disjungunt, ii *præter quam oportet, colligunt*, ut ibidem IRENÆUS addit, atque adeo *spargunt*, ut HIERONYMUS interpretatur; *Catholici* autem, ut est apud AMBROSIIUM, adpellari omnino non possunt. (97) Hic sensus verborum est: *ad hanc enim Ecclesiam*; nihil sordes attingebat conquirere. Sicut quoniam terraquei hujus est globi ea structura, uti corpora partesque omnes gravitate sua ferantur ad centrum, contineanturque illo, & in illud incumbant, ac globum faciant: ideo *convenire ad illud* universa dicimus, tametsi quiescant, nec mota loco fuerint.

V. Quo quidem apto & quotidiano exemplo etiam futilis ea dissipatur ac insulsa novorum interpretum ratio, ex *conveniendi* sumpta verbo, quod peregrinationem significare putant. Miserrima & commiseratione digna ratio. Etenim lapidem ad centrum dico *ferri*, etiam cum rupi hæret: terram, maria, ac res omnes *convenire* ad centrum dico, tametsi situm nunquam mutaverint. Itaque & de Ecclesiis hoc modo IRENÆUS scripsit. Ut enim sphaeram ista unam universa, sic Ecclesiæ singulæ Ecclesiam unam constituunt: & ut avulsus a centro lapis & in altum projectus, relabi debet nisu & quasi castigatione quadam revocatus violatæ ac repugnantis naturæ: sic & Ecclesiæ: quæ cum ab Romana, omniumque principe Ecclesiarum ac centro discedunt; pervertunt descriptum sibi a CHRISTO ordinem ac situm, redireque debent, non templorum utique translatione ac corporum, verum animis atque sententiis.

Quamquam ut hoc fingamus, quod non ego concesserim, parum latine ista dici: IRENÆUS quidem græce scripsit, & qui transtulit, de verbo & *κατὰ ἑνὸς* interpretatus est. Heinc adeo paginae omnes ac lineæ græcismis refertæ sunt: velut hoc ipso in capite: *adest perspicere omnibus; habemus annumerare*, & sic deinceps. Est autem usitata græcorum phrasis: *συμβαίνειν πρὸς τινα*; quam si ad verbum reddas; *convenire ad aliquem* significat; sed revera pro societate, fœdere, concordia & conspiratione sumitur. Atque ita vel ipse CLAUDIUS SALMASIUS acatholicus & Calvinianus homo IRENÆUM exposuit. *Necessè est dicit* (sunt verba SALMASII) om-

nem

nam Ecclesiam convenire ad Romanam, id est, ut græce locutus fuerat Irenæus, συμβαίνειν πρὸς τὴν τῶν Ῥωμαίων Ἐκκλησίαν, quod significat, convenire & concordare in rebus fidei & doctrina cum Romana Ecclesia. (98) Sicut & PAULUS in secunda ad Corinthios epistola, τις συμφωνησις, inquit, χρῆται πρὸς βελιᾶλ; quæ conventio Christi ad Belial? id est, cum Belial.

Ex quo sane patet, quam sit inanis a Jansenista & ejus discipulo in quatuor aliis IRENÆI describendis textibus impensa opera. Velut quod Judæis fuisse in more dixit, convenire in Jerusalem; hæreticis ad omnem diem festum Ethnicorum; quod seniores apud Joannem convenisse, LXX. Interpretes apud PROLOMÆUM. Quis enim græce latineve loquens velit aliter ista dicere? Certe eis in, παρα apud, conveniendi junctæ verbo, nunquam nisi ad conventum, hoc est, itionem significandam ponuntur; idque pueri docebamur in scholis, & res ipsa loquitur. Sed πρὸς pro cum usitatissimum & quotidianum est Græcis, cum Societas indicatur. Inde σπονδὰς ποιεῖται πρὸς αὐτούς, fœdus cum illis iniit; DIONYSIUS Halicarnassæus dixit, XENOPHON συμμαχίαν πρὸς αὐτὸν ποιεῖνται societatem cum eo ineunt. Et SYNESIUS ἀφισταθαι κοινωνίας πρὸς τὰς ἀποτροφὰς abstinere commercio cum alienis. συμφωνεῖν tandem vel συμβαίνειν πρὸς τινα, consonare, convenire ad aliquem, hoc est, concordem cum illo esse. Atque hoc, non alio IRENÆUM sensu scripsisse de Romana aliisque comparatis inter se Ecclesiis, puto, nisi me nimium amo, demonstratum perspicue ac luculenter fuit.

VI. Sed tamen insistent illi: ecquid inquirunt conspirandi aut concordandi non igitur verbo Interpretes IRENÆI usus est? Quæ est vanissima profecto & puerilis quæstio: perinde ac si de eo, qui epistolam PAULI ad Corinthios latinam fecit, percontaretur sic aliquis: Ille quod in undecimo capite συνερχομένων ὑμῶν ἐν τῇ ἐκκλησίᾳ, & ἐπὶ το αὐτο dixit PAULUS, vertit: convenientibus vobis in Ecclesia, & in unum: ecquid igitur, quod est ita positum græce: τις συμφωνησις χρῆται πρὸς βελιᾶλ, non latine magis & ad grammaticæ nostræ regulas transtulit: quæ societas aut quæ conventio Christi cum Belial? Cur ad Belial posuit? quod nos nunquam, nisi tum, cum itionem significamus, dicimus. Ut hic ergo verba verbis reddidit; sic & IRENÆUM qui est interpretatus: nec negari hoc potest nisi ab illo, qui vel legerit nunquam IRENÆI libros, vel neque græce neque latine didicerit. Certe in utramque peccavit linguam JANSENISTA, cum ex adverbio undique deducit, IRENÆUM non de consensione Ecclesiarum cum Romana, sed de adventu Christianorum Romam intelligendum esse. quod oppido frigidum est:

est: adeo frigidum, ut posset solum in iis, quos forte ignis *Febroniani, Quesnel-*
lianique huius incendii incautos corripuit, ardores ac flammās omnes extin-
 guere. Est enim tam græcum πανταχοθεν, quam latinum *undique* ambi-
 guum, & ut est verbum, cui jungitur, jam motum, jam quietem indica-
 re potest. Sicut cum dico: *hominibus improbis, calumniatoribus, Ecclesiæ*
atque pacis perturbatoribus *UNDIQUE* *cingimur.* Aut cum *HIERONYMUS;*
Cælum undique & undique pontus. Et *IRENÆUS* in eodem ipso, qui objici-
 tur loco: *qui sunt,* ait, *undique fideles;* ac rursus, *ab his, qui sunt undi-*
que, hoc est, qui existunt & commorantur ubivis locorum: ubi non mo-
 tum, sed quietem vox *undique* significat.

VII. Urinus quoque & ὑπηνεμιος est ille fœtus deserti ingenii: *IRENÆ-*
UM, si consensionem aut communionem intellexisset; elocutionem hanc, OMNEM
ECCLESIAM, non explicaturum fuisse per istam: HOC EST, EOS, QUI SUNT UN-
 DIQUE FIDELES. Quandoquidem, inquit Jansenista, priori elocutione nec ma-
 gis perspicua sit posterior, nec magis ad *S. Doctoris* suppositum objectum con-
 veniens. Nugæ, prorsus nugæ. Generalis est ista vox, omnem *Ecclesi-*
am: evolvitur autem, fitque dilucidior, si *fideles qui sunt undique,* ei sub-
 stituam. Neque vero *Valentinianos, Cerdonianos, Marcionitas, Gnosti-*
cosque, & quos alios in iis libris impugnat *IRENÆUS,* ad *Ecclesiam* perti-
 nere voluit; sed fideles tantum. Unde in proximo statim capite sub ini-
 tium, *Ecclesiam* furibus ac latronibus opposuit: omnes autem reliqui, inquit,
fures sunt & latrones, propter quod oportet devitare quidem illos: quæ autem
sunt ECCLESIAE, cum magna diligentia apprehendere veritatis traditionem.
 Quare quod *Ecclesiam* modo interpretatur omnes fideles, aut eos, qui sunt
 undique fideles, facit aptissime vir doctus ac sanctus. Nam est tantum-
 dem ac si dixisset, oportere omnes qui cum furibus ac latronibus cenferi
 non velint, ad Romanam adhærere *Ecclesiam* omnium principem, atque
 centrum *Ecclesiarum.*

VIII. Jam illud quo loco collocabimus, quod Jansenista, ejusque insti-
 tor de Constantinopolitana ponunt urbe, hanc orbis oculum, a *GREGORIO*
Nazianzeno, & *emporium commune fidei* fuisse adpellatam? Fateor, scri-
 psit ista *GREGORIUS,* atque ut nihil vereor, orbis oculum, dixit, terra ma-
 rique potentissimam. *Orientalis atque occiduae oræ* velut nodum & vinculum:
in quam extremi totius orbis fines concurrant, & a qua velut communi fidei
emporio incipiant. Quid igitur? *IRENÆO* nuntium dabimus? Atqui quod
 modo obiter notatum volo, non sane scripsit *GREGORIUS,* προς ἢ συμ-
 βασις, sed sis ἢ συντρέχει, in quam concurrunt: concurrere autem in ur-
 bem

hem, nemo aliter, quam de adventu, adeoque motu & translatione interpretabitur. Quare quod ita vertit Janfenista: *ad quam conveniunt*, sum anceps, quam in partem accipiam. Neque enim imperitus ille linguæ græcæ volet videri, qui tria verba & quidem integra græce posuit. Malim fidem igitur hominis accusare. Nam tametsi si in uno nos GREGORIO hæreremus, non ea culpanda foret translatio, propterea quod sive *concurrere* sive *convenire in urbem* dicas, eodem recidat: tamen qui IRENÆUM ex GREGORIO illustrare voluit, verborum quam qui maxime habere debebat rationem. Alioquin enim si non hæc eadem uterque adhibuerit; quam poterit lucem alter alterutri scenerari? cum de verbis sit ipsa & eorum sensu ac intellectu contentio. — Deinde dixit græce GREGORIUS, *εις ην τα πανταχοθεν ἀρχα συντρέχει*, quod ad literam: *ad quam concurrunt quæ sunt undique extrema*, hoc est, *qui habitant undique in extremis terræ finibus*. Quare vel ex ipsa Gregorii illa sententia constare potest, vocabulum *undique* ambiguum esse etiam Græcis, neque motum necessario requirere. Possem eadem enim relicta phrasi, sic exempli causa dicere: *εις τα πανταχοθεν ἀρχα φημι ἐσσεπτετο*: ubi non homines undique ad famam, sed ad illos, qui sunt undique, tametsi nec loco motos volasse famam significarem. Sed ut dixi, ista obiter ac per saturam.

Quod volo magis; discrimen manifestum est. GREGORIUS enim ut audientiam, Oratorum more, sibi conciliet, a laudibus Constantinopolitanæ urbis exordium sumit: quas totis paginis prosequitur, ac quemadmodum a tenuibus initiis (fuerat oppidum enim Byzantium Episcopatu vix olim insigne) velut gutta quædam exilis ad majestatem ingentis fluvii, aut tanquam scintilla ad flammam cælo æmulam, aut tanquam sinapis granum ad amplitudinem vastissimæ & late ramos suos portendentis arboris pertigerit, describit. Dein hoc ipso quod Imperatorum est facta sedes urbs illa, mundi oculum adpellat, orientisque & occidentis nodum ac vinculum: atque tandem velut eloquentiæ quodam usus jure, propter hominum eo adventantium frequentiam, *ἐμποριον* seu mercatum quasi publicum fidei. Jam ista omnia ad IRENÆUM, amabo, interpretandum, illustrandumque quid facient? Aperiat mihi divinator hoc aliquis; non enim capio. Oratorem an fortassis agit IRENÆUS? an laudes Romanæ urbis prosequitur? Immo in hoc est, ut sermone plano ac simplici, quemadmodum fidei detegenda & demonstranda veritas sit, doceat. Id igitur verum esse ait, quod ab Apostolis traditum est; traditum porro id, quod Apostolorum successores Episcopi tanquam per manus sibi invicem porrexerint. Hac via, hoc modo (Bone Deus, quot ictibus opus est, ut in obstipia & du-

ra capita tam manifesta res penetret) repetam igitur, hac ordinatione & successione (neque enim sermo nisi de successione est in illo toto capite) conservari eam, quæ est ab Apostolis, traditionem, & transmitti ad posterum, IRENÆUS scribit. Nec tamen opus esse contendit, singularum idcirco successores Ecclesiarum investigando persequi; verum sufficere, si ad maximam, antiquissimam a PETRO & PAULO fundatam Ecclesiam convertamus oculos, & quid PETRUS *Lino*, ille ANACLETO, iste CLEMENTI, tum alii aliis reliquerint, attendamus. Quare autem? quare satis hoc, & cur minime opus est, *Ierosolymitanæ, Antiochenæ, Cesarensis Ephefinæque* & aliarum, quæ ab Apostolis institutæ sunt item, Ecclesiarum Episcopos & successiones nosse? manifesta responsio: *Ad hanc enim Ecclesiam*, inquit, hoc est, quia ad hanc Ecclesiam, ad hanc maximam, antiquissimam & a duobus Apostolis PETRO & PAULO fundatam Ecclesiam necesse est omnem convenire Ecclesiam. Atqui jam ego dixi, & dico, frivolum, putidum, boni sensus, & intelligentiæ vacuum hoc esse responsum, probationemque illam & rationem, si de adventantium populorum concursu, non de communionis autem consensionisque cum Romana Ecclesia necessitate locutus fuerit IRENÆUS. Quid enim adventus ille populorum SUCCESSIONEM juvat?

Sed neque poterant convenire Romam tum ad senatum, & ad Ethnicos Imperatores Christiani; sicut Constantinopolim postea ætate GREGORII, cum pacatæ res erant, & Imperatores ipsi, totumque Imperium, idolorum dimissa vanitate serviebat CHRISTO. Non etiam dixit GREGORIUS: *ad Ecclesiam*, quæ est Constantinopoli, sed *ad Civitatem* extremi fines conveniunt. IRENÆUS vero *ad hanc Ecclesiam*, inquit; & ad hanc propter *potentiorē principalitatem*: nec modo *conveniunt* dicit, sed *necesse est convenire omnes*: de civili autem Imperio nulla vox ac ne apex quidem apud IRENÆUM. — Tandem quod hic ita subjungit: *in qua semper ab his, qui sunt undique, conservata est ea, quæ est ab Apostolis traditio*, ubi unquam GREGORIUS, ubi alius de Byzantina scripsit Ecclesia? Equidem Batavus ad *παροξυσμὸν* heic rursus suum, & convulsionem revertitur, ac de Concilio putat ista dici, quod inter catastas, rogos, & gladios habitum Romæ somniavit. Sed nihil minus est. Habemus interpretem ipsum sui IRENÆUM; hic audiatur. Significanter enim, & exemplo, quod scripserat, illustraturus, ubi ad CLEMENTEM in ea quam dixi, recensione Pontificum Romanorum venit; sub hoc ait, cum schisma non leve fuisset ortum inter Corinthios, potentissimas ad eos literas dedisse Romanam Ecclesiam, ac cum ad concordiam revocasse animos dissentientes, tum periclitantem in-

ter eos fidem expositione & doctrina sua reparavisse. (99) Sic tum igitur CORINTHI, sic alii in Romana Ecclesia *conservabant fidem*: hoc est præsidium in ea firmum, arcem, centrum, vexillumque habebant Imperatoris ac ducis sui: in hanc intuebantur, huic auscultabant, non quod Diaconus S. Medardi istum docuit Catharum, veniebant Romam undique, ut in foro, coramque Ethnicis litigarent.

IX. Atque hætenus presse persecutus sum fabulam: Quid, si liberalis nunc forem? Ero: dabo sane, de populorum concursu IRENÆUM exponi posse: quid? ad senatumne, an ad *Ecclesiam* conveniri S. Martyr scripsit, idque *neesse* sic esse *propter principalitatem ejus potentiolem*? Quare nisi omnis ab Jansenista aufugerit ratio; fateatur oportet, quemadmodum civilis Imperii caput, nexus ac nodus in senatu & in Capitolio, sic in PETRI Sede & ejus urbis Ecclesia omnium aliarum fuisse centrum Ecclesiarum, totiusque vinculum, verticem, ac fastigium Ecclesiastici *Status*. Hoc enim est, negotiorum causa neesse omnes habuisse ad illam propter potentiolem principalitatem accedere. Quo modo MARCION post HYGINI obitum ad eam accessit ex finibus Asiæ, ut communioni, qua a parente Episcopo multatus fuerat, restitueretur. Sicut & MONTANUS, BLASTUS, FLORIANUS, alique *Cataphryges*: de quibus uti & aliis ejus generis exemplis plura nos, cum ad locum, qui iis est proprius, pervenerimus.

Nunc ne senatum mihi identidem dormire pergat Jansenista catharus; libet, cujus ipse memoriam mihi reficavit, AURELIANI Imperatoris referre dictum, quod apud EUSEBIUM in VII. Libro historiæ Ecclesiasticæ legitur, egregiumque est ad rem præsentem, atque adeo solum, nisi gravissimus lethargus sit, ad sanitatem mentis revocare hominem potest.

Imperium adivit AURELIANUS septuagesimo circiter anno, ex quo Martyrium S. IRENÆUS fecerat: nec in Christianos ab initio is barbarus fuit. Jam eo imperante, Antiochiæ decertabant duo de Episcopali domo, PAULUS *Samosatenus*, quem Episcopi variarum convictum hæresum in Synodo deposuerant; & DOMNUS, quem ei suffecerant, vir pius & apprime Catholicus. Sed PAULUS, quod ZENOBIÆ frueretur gratia, & ea stare, abire domo non voluit. Quare cum post devictam ZENOBIAM Antiochiæ AURELIANUS degeret; Catholici Episcopi sive triumphum, sive æquitatem principis tentandam rati, ad eum confugiunt, opemque contra damnatum a se hominem implorant. Qui eis respondit, illi ex duobus tribuendam domum esse, *cui Italici Christiani Sacerdotes, & Romanus Pontifex scri-*

scriberent. Rectissime, ait EUSEBIUS; vel ut RUFFINUS vertit, *religiose ac sancte*: Sed nec minus ad Jansenistam, ejusque socium excitandos a somno suo perquam accommode. Age enim, volo de duobus illi mihi respondeant.

Ajunt ab IRENÆI jam inde ætate, atque multo etiam longius, quodque consequens sit ex ista fabula, a cunis quasi & primo exortu religionis, Christianos Romam confluere, & ad senatum, Cæsarumque deferre arbitrium consueſſe causas suas. Ajunt, tam hoc eos frequenter, tam copiose fecisse, ut velut Concilium tum Romæ perpetuum ac succidaneum quoddam esset ex orbe toto. Ajunt non privatas modo, civileſque causas, verum & eas, quæ Ecclesias concernebant, disceptatas esse in illo foro: hæc enim verba sunt, *ob negotia seu privata, seu Ecclesiarum suarum*. Jam si ista vera sunt, nec commentitia potius falsissimæque; quæſo, cur esse Judex AURELIANUS non voluit? Cur ne per suos quidem? Popularis videri res debuit, & pro gentilis ingenii captu expedita ac facilis: nam de domo agebatur. Agebatur de homine, quem septuaginta, Christianus cum ipse esset, Christiani damnaverant jam tum Episcopi. De homine, quem una mulier hætenus foverat; mulier & Romani inimica nominis atque Imperii, & modo victa, triumphoque & contumeliæ destinata.

Insto, & hoc alterum est. Noluit per se judex esse AURELIANUS: Sed quid? Siquidem Romam dimittenda erat judicatio; cur ad senatum non eam dimisit? cur ad Pontificem? cur significanter ad hunc expressisque verbis? ignorabat ille fortassis, quid Christianis in more esset? Ergo vel istud solum AURELIANI responsum ab epilepsia morboque fontico suo revocare, ut dixi, ambos potest. Docet enim, non ad senatum, sed ad *Ecclesiam*, quæ Romæ est, Christianos convenire consueſſe: istheic causas, istheic negotia Ecclesiarum apud eum, qui omnium Caput erat, disceptasse. Quod & AMMIANUM observasse vidimus Scriptorem Ethnicum, ubi de ATHANASIO agens, testatur, auctoritatem præcipuam in Episcopis Romanis residere, & inde robur accipere, quæ sint alibi, etiam in oriente a quibuscunque sancita. Et CYPRIANI heinc illud intelligimus, quod de tyranno DECIO his scripsit verbis: *Cum multo patientius & tolerabilius audiret levavi adversus se æmulum principem, quam constitui Romæ ÆMULUM sacerdotem.* (100) Nec non alterius, nescio cujus jam, illud Idololatæ: *Facite me Romanæ urbis Episcopum, & ero protinus Christianus.*

X.

(100) Cyp. in epist. ad Antonianum, quæ est LII. Edit. Pamel.

X. Quæ cum ita sint; quid thraſonibus faciemus, virisque audacibus, quorum alter, cum præter ineptias, puerorumque nugas nihil exprompſerit, jubere; alter cum ineptire nequidem poſſit de ſuo, inſultare etiam nobis non dubitavit? Jam ergo, inquit Batavus, hæc IRENÆI verba non ultra proferantur! Protulimus, proferemus. Ita abunde, ait Febronius, ſatisfactum putem iis, quæ ex decantato illo S. IRENÆI loco ad affectatum triumphum uſque cum ſuis exaltat noſter Italus, adeo ut non dubitet adſerere, celeberrima illa S. Patris verba omnes Romanæ Apoſtolice Sedis adverſarios jugulo ſemper petitura. Furuncule! tuumne eſt, quod ſatisfactum putas? Quid, ſi ne fur quidem ſatis idoneus ſis, ſed hebes ac plumbeus? ſcripſit Janſeniſta: *Elocutiones a S. Doctore adhibitas non ſolum jurisdictionem divinam non indicare, ſed nequidem ad Eccleſiaſticam poſſe accommodari.* Hæc cur tu non reliquiſti? Cur iſta ſubſtituiſ: *Potentior principalitas, non eſt ſola principalitas, ſed ſaltem major & eminentior inter cæteras principalitates, quas aliis Eccleſiis non negat Irenæus?* Ad Eccleſiamne igitur ſaltem, quæ Romæ erat, *principalitatem pertinere potentiorẽ illam credebas?* ſi credebas; ecquid negaſti hoc ipſum continuo, & ad furta, rapinamque converſus, ut cæperas, cum Janſeniſta ad urbem Romanam, *Caput Imperii, Imperatoris Senatusque Sedem, centrum totius civilis poteſtatis* IRENÆI verba ſententiamque torſiſti? - - - Sed adſequor mentem tuam. Apertiora videbantur, quæ Janſeniſta poſuit, nec comparata ſatis ad ſimulationem. Quid ageres? Omitti conſultius erat. Sed quam bene, quod nos ex ligno ſecti non ſimus! Pergit JANSENISTA tuus, atque quod dixerat, comprobaturus, non ad *divinam*, ac ne ad *Eccleſiaſticam* quidem Jurisdictionem R. Pontificis verba IRENÆI adcommodari poſſe; Et vero, ait, *ſi intelligi deberent de poteſtate Papali, CUIUSMODICUNQUE ſit. Cuiusmodicunque*, adverte animum! hoc eſt, *ſive divina ſive Eccleſiaſtica.* Hæc tu nonne pariter debebas omittere? Non omiſiſti: exſcripſiſti cum reliquis. Vides igitur, quam in furando ſis adeo decipiendoque non ſubtilis, ſed plumbeus? Quamobrem deſine (id vehementer a te, ac magnis ſtudiis contendo) deſine jactare iſta porro inſolentius! *Triumphabimus nos IRENÆI verbis: triumphabunt non Romani ſolum, ſed Germani, Galli, Hiſpani, Catholicique cæteri: Jugulumque dum hæreticorum hoc telo petimus; petimus tuum. Vale tantisper! cogor alio enim excurrere.*

E M B O L O N

De Primatu LINI, CLETI, CLEMENTIS, primorum Pontificum.

I. Jansenista postquam pharetram suam exhausterat adversus *Primum* D. PETRI, in id arma convertit, ut nec *Episcopum* Romæ PETRUM unquam fuisse, nec si fuisset, successores & hæredes habere PRIMATUS sui Romanos Episcopos, demonstraret. Primum ex temporis inita ratione suadet; sed falso ac nequiter, nec tam ut causam, quam est adortus, Catholicam, quam TILLEMONTIUM, & Chronotaxin hujus persequatur. Quasi vero quod iste tempora non apte conciliet, de rebus gestis, substantiaque dogmatis sit actum. Quare nihil huic quidem insulsiui, præter contemptum ac risum, opponi debet. — Alterum ex IRENÆI probat verbis. Neque enim PETRUM & PAULUM inter Romanos *Episcopos* ab eo recenseri; nec etiam *Successores* illorum adpellari LINUM, CLETUM, CLEMENTEM, cæteros. Quid? quod LINUM adeo ipse PETRUS dum viveret, Romanæ administrandæ Ecclesiæ præfecerit? *Fundantes & instruentes beati Apostoli Ecclesiam, Lino Episcopatum administrandæ Ecclesiæ TRADIDERUNT.* Ex qua quidem re neæti nodum putat inextricabilem. " Quid enim respondebunt, ait, si quæram, cui post hanc traditionem proprius manserit hic Primatus? sibi soli eum PETRUS servavit? Eone deposito integrum LINO contulit? An Primatum hunc sibi retinens, ipsius tamen LINUM fecit participem? Si primum respondeant; primus Romæ Episcopus sine Primatu fuit: eminens ergo hæc prærogativa a Romana Sede separata manet, proindeque Rom. Pontifices non in alio stant gradu, ac cæteri omnes Episcopi. Si secundum; ipse PETRUS LINO inferior factus est, contra Salvatoris institutum. Si tandem tertium; evanesceat ergo Primatus, in nihilumque redit opinatum hoc unitatis centrum, cum Primatus nec in duobus, nec cum æqualitate subsistere possit. Quis aliunde Petro potestatem fecisset, privilegium suum sibi servatum cum aliis tamen communicare? " Addit, in eadem fuisse sententia TERTULLIANUM, siquidem ita is scribat: *sicut Smyrnæorum Ecclesia habens Polycarpum a Joanne collocatum refert, sicut Romanorum Clementem a Petro ordinatum.* Ordinatus autem si a Petro est CLEMENS; certe cum esset in vivis PETRUS, ordinatus fuit. (101)

II.

II. Equidem mirabar apud mē ego vehementer, quid esset, quod cum tam multa levissimo pretio emerit ab JANSENISTA FEBRONIUS; istud tamen quantumvis præcellens atque novum inventum in rejectaneis habendum sibi putaverit? Nisi forte, quod in magnis sceleribus solet, ei acciderit? Nam ita fere usuvenit, ut quantumvis temerarius quis sit, & ad audendum projectus, si sit novum tamen & invisum facinus, quo vult alium imbuere, periclitetur primum, semel, iterum, tertio; dimidiatumque, non statim totum expromat scelus, neque sic etiam aperte, ut mactari horrore, qui imbuendus, seducendusque est, possit.

Quod utut sit; stupui, cum in foliis disputationi non ita pridem expositis incrustatam hanc ipsam perniciem viderem. Quarum quidem auctor thesium, seu *Exercitii*, ut ipse vocat, *Historici*, ex IRENEO primum id sumit, indubitatumque ponit, fuisse LINUM & CLETUM viventis PETRI in Episcopatu Romano Successores, atque adeo separatim tum fuisse *Primum* in universali Ecclesia ab Episcopatu Romano. Ac quoniam TERTULLIANUS est item testis, CLEMENTEM a PETRO ordinatum fuisse Romæ Episcopum; ordinari autem nemo nisi a vivente potest: sequitur (sic iste quidem) nec CLEMENTEM Primatum ab initio gessisse cum Episcopatu. Mortuo autem PETRO an gesserit, id vero sibi incertum videri ait. Perdetentim potius Romanam Ecclesiam *omnium matrem* esse effectam; propterea quod cum aliæ quidem velut filiæ sint ex illa egressæ, tum aliæ vero accedendo optandoque, in matrem sibi eam elegerint. Hæc fere summa systematis. Cujus quis demum exitus sit, quove abducatur, non magno acumine est opus, ut præfagiri, determinarique possit. sed neque necesse habeo, multis operam in persequenda novitate hac facere. Occupavit enim omnem meam industriam vir pereruditus, & familiaris meus.* Dicam hoc breve solum: quicumque thesium auctori animus in scribendo fuerit, quem quidem non ego malum suspicari debeo, quoniam publice theses posuit; ac sive principem habuerit erroris Jansenistam illum, de quo loquebar, sive fortuna factum sit, ut fere una succurreret utrique cogitatio; quod cur *ἀδυνάτον* sit, nondum video: errasse illum, errasse multum ac graviter. Sane enim non id erat, quod IRENEUS, quod OPTATUS, quod AUGUSTINUS tradiderunt. Provocant ad *successionem* illi, non qua Episcoporum qualiumcunque successio est, sed qua Romæ Episcoporum; Episcoporum Ecclesiæ, ad quam aliunde *propter principatatem* ejus *potentio*rem convenire omnes necesse est; (102) Episcoporum in ea cathedra;

Z Z 2

quæ

* V. Disquis. crit. in systema novum &c. Authore Hyacintho Berg, S. J. Colonia 1772. (102) Vide pag. 353.

quæ prima dos est Ecclesiæ veræ, quæque *Angelos* post se ducit, id est, Ecclesias ab Apostolis fundatas reliquas: (103) successio, quæ ob eam causam in Ecclesia Augustinum tenuit, quoniam a PETRI exorsâ sede decurrit. *Tenet me*, inquit, *in Ecclesia ab ipsa sede PETRI*, CUI PASCENDAS OVES SUAS POST RESURRECTIONEM DOMINUS COMMENDAVIT, usque ad præsentem Episcopatum successio Sacerdotum, (104) Et ut repetam, quæ modo posui: *Venite fratres*, ait, *si vultis, ut inferamini in vite*. Dolor est, cum vos videmus præcisos ita jacere. *Numerate Sacerdotes vel ab ipsa Petri Sede, in Ordine illo Patrum quis, cui successit, videte! Ipsa est petra, quam non vincunt superbæ inferorum portæ*. Successio demum, ut hoc etiam addam, quoniam sic incidit, qua sola VICTOR atque STEPHANUS Pontifices freti, præcipiendi, coercendique jus sibi sumpserunt. (105) Et ut verbo: successio, sed in *Apostolorum Principis* locum. Ad hanc Patres provocaverunt, ad hanc Majores nostri, ad hanc Theologi omnium ætatum atque nationum. Quare cum catalogos iidem Pontificum texunt, exordiumque ab ipso PETRO ducunt; quotquot certe, post obitum saltem D. PETRI sederunt in Ecclesia Romana Pontifices, eosdem & hæredes fuisse *Primatus*, & successores in Primatu PETRI, aut sumunt, aut indicant.

Ac quale id, obsecro, post tractum temporis, post jactationem annorum centum ac plurium, ad Romanam demum Ecclesiam tanquam ad litus ex diuturno naufragio Primatum adpulisse? Quid? Ecclesiæ Occidentis, Orientisque an sciebant, institutum a JESU CHRISTO Primatum aliquem esse, & eundem in Ecclesia stabilem esse oportere? Respiciebantne in hoc CHRISTI mandatum? si non sciebant, si scientes non eo respexerint; profecto non illum, quem CHRISTUS instituit, sed quem *ipse*, arbitrium inquam Primatum, & humano juri, fortunæque & rerum humanarum casibus subiectum Romano Episcopo detulere. Quo qui confugit, næis non hilo ab hæresi distat. Quodsi sciverint, respexerintque ad illud CHRISTI mandatum; velim nosse, an collatis consiliis in Romanam urbem conspiraverint? An in Synodo? an ope literarum? Ubi vestigium, ubi umbra ejus rei in vetustate? Atqui taceri res & publica & tam gravis momenti non poterat. Illa igitur cur omnes hætenus latuit? cur in mentem ab annis mille ac septingentis, præterquam uni ante aliquot menses, non subiit? — Quodsi ne consiliis quidem collatis, ac neque

(103) Pag. 336. seq. (104) Contra Epist. fundam. Cap. 4. (105) Vide locum Firmiliani supra pag. 335. De *Victore* alias.

que in synodo, neque per literas confecta res fuerit, & in voluntatem, iustumque Christi tamen omnes respexerint, quando Romam elegerunt; id ego non providentiæ esse communis dico, sed *miraculum* verissimi ac proprii nominis. Quid autem? Sapientisne est ac sine fuce scriptionis, cum institutum a JESU CHRISTO *Primum*, eumque stabilem fateatur, & futurum perpetuum in Ecclesia; cumque Deum agnoscat, qui nunquam rebus suis deest, & cui quam fuit facile inter Apostolos PETRUM eligere, tam nihil facilius fuit, quam infinitis viis ac modis, quis ejus hæres successorque foret, ostendere: nihilominus non illud factum ab eo esse putare, sed neglectum, idque propterea, ut miraculo, in annos excurrente centum ac plures, eodemque ignoto, neque prius quam post sæcula octo ac decem manifestando, Primatus sedem defigeret. Dixi, non debere me malum suspicari. Atqui illud tamen adfirmo, si pessumdare Primum decrevissem, neque palam, sed per insidias vellem id consequi; fore, ut cum Auctore thesium rem adorirer.

Cæterum sic & illum & JANSENISTAM meum (ignoscat, neque enim, quos argumenti conjunxit ratio, separare potui) habere existimareque volo: Quidquid collatum a me hætenus fuit, seu ut *Primum* demonstrarem D. PETRI, seu ut *statum* remque publicam esse CHRISTI Ecclesiam; seu ut cogitari aut esse *statum* illam non posse sine centro ac vinculo; sive rursum ut centrum atque vinculum istud in Romana constitutum fuisse Ecclesia; sive hanc ipsam uti Ecclesiam Romanam, *cathe dram Petri*, *sedem Petri*, *sedem Apostolicam*, *apicem Pontificatus*, *fontem Sacerdotii*, *caput omnium Ecclesiarum*, Episcoposque, qui eam rexerunt, *successores Petri*, *Apostolicos*, *Petrum*, *petram* & constanter, & ubivis, & in literis Pontificum, & in gestis Conciliorum, & in Fidelium, Episcoporumque & Patriarcharum scriptis, & in Codice legum, & in libellis hæreticorum, & in precibus Ecclesiarum, & ut verbo, ab Ecclesia tota adpellari consuevit: totum hoc instar infiniti cujusdam ponderis in se incumbere, ac contra illud sibi esse luctandum. Est autem, non dicam cujus: de re tot monumentis contestata litigare velle, propterea, quod quo sit modo, quoque tempore primum peracta, post annos mille ac septingentos determinari liquido a nobis non possit. Quid? æstum maris, solem ac lunam moveri negas, quoniam nec iste, unde oriatur, nec planetæ a quo moveantur, demonstrari potest? Mentitumne DANIELEM, quoniam initium finemque hebdomadam quas prædixit, definire non possumus; CHRISTUM neque natum, neque passum putabimus, quoniam de tempore disputatur? Atqui quidquid est, & modum habeat suum & tempus, necesse est. Quare quod est certissime, cer-

rissimisque argumentis probatur esse, id quoniam & modum (106) habuerit suum, ac tempus (107) cum esse cepit, dubitari non debet. Sed de hoc quidem accuratissime auctor *criticæ Disquisitionis* in secunda parte. Quare non est, cur dicendum pluribus mihi videatur.

IV, Quam autem illud miserum jejunumque est, quod ex tradendi sumitur verbo: *Apostoli Lino Episcopatum administrandæ Ecclesiæ* TRADIDERUNT? Quasi vero non latine atque græce dicatur commode, *moriendo decedere de provincia, ac successori eam tradere*? Ac si viventes Apostoli Episcopatum LINO tradiderint; an tanquam summo Episcopo tradiderunt? Et qui tum vicariam navabat operam, ut EPIPHANIUS putat, an post obitum PETRI, succedere pleno jure non poterat? Non sic etiam CLETUS? non CLEMENS tamen manuum impositionem a PETRO is olim acceperit, ut TERTULLIANUS indicare videtur? Nam illud quidem viris magnis placuisse sentio, fuisse sub exordia Religionis Christianæ nonnunquam plures in una Ecclesia ab Apostolis creatos Presbyteros, "Episcopali charactere & potestate præditos, ut esset parata copia Præsidum & Episcoporum, quos ad alias, quas deinceps fundarent, Ecclesias administrandas destinare possent; (108) atque etiam qui, cum in varias ipsi provincias, ut res fe-

(106) De modo, quo colligata invicem sunt Episcopatus Romanus, & supremi in Ecclesia Capitis dignitas, vide quæ diximus art. I. hujus capitis §. VII. p. 319. seq. Id quidem satis esse omnibus debet, Christum Primatum in Ecclesia instituisse & ut perpetuus is esset, & in Successores Petri transfiret, voluisse. Succedunt autem Petro Romani Episcopi. Quod sive præcepto Christi, sive afflatu instinctuque factum sit, parum interest. Jam enim factum constat, & factum ita, ut mutari non possit.

(107) Rationem temporis apte composuit Henschenius, quem sunt secuti viri doctissimi, Schellstratius, Pagius, Card. Norisius, ac novissime P. Adrianus Daude. Ex horum sententia sit annus Æræ vulg. 29. *συνωρισμος* Christi: & ad eandem consignetur prima persecutio discipulorum, Martyrium Stephani. Ad annum 30. conversio Pauli. Ad annum 33. hujus iter Hierosolymam, ut videret Petrum. Inde Petrus Antiochiæ fixit sedem: tamen jam alii ex discipulis dispersis, atque etiam Paulus & Barnabas Evangelii sementem isthæic sparserint. Act. XI. Ad annum 34. conversio Cornelii centurionis, & inde nata apud Judæos turbatio, apologia Petri. Ad annum 40. Apostolorum divisio. Fundatio Ecclesiæ Romanæ a S. Petro. Subin circa annum 43. excursio Petri in Palæstinam, captivitas, liberatio. Ad annum 45. ordinatio Pauli & Barnabæ. Ad ann. 47. reditus Pauli Hierosolymam, & ibidem habita Synodus. Inde quocunque tempore, aut quotiescunque Romam ad suam Ecclesiam reversus sit Petrus, perinde habet, satis est Martyrio isthæic affectum esse anno Æræ V. 65., qui respondet anno Neronis undecimo & duodecimo.

(108) Petav. in Append. Tom. III. de Eccles. Hierarch. L. I. Cap. I. §. IV.

ferebat, cogerentur excurrere, interim vices suas implerent. Quodsi nihil istorum omnium verum foret, atque si & LINUM & CLEFUM ante PETRUM fuisse mortuos diceremus; quid sequeretur? Illud arbitror: haud satis constare, quinam proxime a PETRO, ac deinceps per aliquot capita Pontificatum gesserint. Ac cum de hoc quidem sententiarum sit aliqua apud veteres discrepantia; in illud omnes tamen convenire, quicumque post obitum saltem PETRI Antistes summus in Ecclesia Romana fuerit, eundem & successorem fuisse Apostolorum principis in prima & principali cathedra, & ab hoc ipso successionis esse ducendum exordium.

At enim non adfirmat IRENÆUS, PETRUM fuisse Romæ Episcopum? Quid igitur? an negat? Atqui silentium unius, alteriusque contra manifestam antiquitatis totiusque tota sæculis perductam ad nos fidem traditionis valere non debet. Neque vero IRENÆI aut TERTULLIANI intererat, Apostolus, an Episcopus a se PETRUS diceretur: quamvis qui Apostolus, idem & Episcopus reipsa fuerit. Paucis. Dicam, quod in re simili magnus PETAVIUS: si talia essent hominum istorum contra nos, causamque nostram argumenta, ut a nobis ea dissolvi non possent: magis erat, ut nos illis respondere non posse fateremur, quam ut eorum causa res adeo testatas, ac tam incredibili auctoritate compertas in dubium revocare vellemus.

§. III.

Defenditur CYPRIANI sententia a FEBRONII, JANSENISTÆque
tricis. Refutatur objectio de *Episcopatu uno in solidum*.

I. **P**ost IRENÆUM ad CYPRIANUM progredior. Hujus talem fuisse diximus sententiam in literis ad Papam CORNELIUM: *Scimus hortatos nos esse, ut Ecclesiæ Catholicæ matricem ac radicem agnoscerent ac tenerent.* Hic quidem Romanam intelligere Ecclesiam Pamelium, aliosque Interpretes, ac videri prima fronte interpretandum sic locum, FEBRONIUS ait. Verum genuinum esse sensum verborum CYPRIANI, hortatum se esse navigantes, *ne parti Novati adhererent, ne schisma & divisionem sectarentur; sed unitatem Catholicam* (hanc quippe radicem matricemque adpellari) *agnoscerent ac tenerent.* Et declarari hoc quidem aperte ex alia, quæ est ad Quintum, viri sancti epistola, in qua, *si qui a Catholicis baptizati ad hæreticos transeant, & peccato suo cognito, & errore digesto, ad ve-*
rita-

ritatem & MATRICEM redeant; satis esse ait, *ad penitentiam manus iis imponere.*

Velim nemo existimet suo hominem ingenio hanc argutiam invenisse. Nam est trita, & hæreticorum, cum CYPRIANI illo loco se premi vident, solet esse ea responsio. Interim quam falsa sit, nullius negotii erit ostendere. Est enim ridiculum, cum de variis, nec uno modo ac sensu usurpari vox aliqua potest, huic uniusmodi velle sensum & explicatum ubique subicere. Atqui discrepant profecto, cum absolute *veritatem ac matricem* dico, & cum radicem matricemque adpello *Ecclesiæ Catholicæ*. Prius cum ita abscisse CYPRIANUS poneret; res ipsa loquebatur, ad *matricem* redire, tantumdem sancto Martyri esse, atque a caltris perfidiæ & hæreticorum, ad Ecclesiam, in qua quisque per baptismum est Christo genitus, reverti: hæc autem Catholica est ipsa Ecclesia. Contra navigantibus cum non matricem *ἀπλως*, verum *Ecclesiæ, Catholicæ*, inquam, ipsius *Ecclesiæ* matricem ac radicem CYPRIANUS proponit; quoniam comparatio fit, & est matrix *προς τι*, *ad aliquid*: certe aliud matrix, aliud Ecclesia, cuius matrix nominatur, sit atque intelligatur necesse est. Est autem *unitas* Catholica ne cogitatione quidem disjuncta ab Ecclesia catholica, nequeredix aut matrix, sed *proprietas*. Matricem itaque cum CYPRIANUS dixit *catholicæ Ecclesiæ*; tantumdem erat, ac si *unitatis* dixisset matricem. Eam vero Romanam Ecclesiam esse censuit, *cathedram Petri, Ecclesiam principalem*, unde *unitas sacerdotalis* exorta est.

II. Equidem de his etiam postremis quid ab JANSENISTA Batavo responsum sit, scio. Ait eo hæc dici, quod unitatis figuram gesserit PETRUS; non quod unitatis Romana Ecclesia sit centrum. Pulchre! quis non miretur? PETRUS Jerosolymis figuram gessit; gessit momento; gessit tum, quando unum adlocutus est CHRISTUS: ecquei de Ecclesia igitur, quæ *Romæ* est, dicere CYPRIANUS potuit, *principalem* esse Ecclesiam, propterea quod sacerdotalis *indidem* exorta sit unitas? Sed ea est, de qua loquebar, contumaciæ vis, ut quorum semel ad obstrependum obfirmatus est animus, non vereantur lucem tenebras dicere, *quæque sunt nuspiam*, *ea fingant audacius*, & *ut in Psalmis est*, *inania cogitent*, *non alia de causa, quam ut in sua hæresi perdurent.* (109)

Heine

Heinc est illud ejusdem scriptoris, cum *matricem Ecclesiæ Catholicæ* CYPRIANUS dixit, non Romanam cum *Catholica*, sed Romanam cum schismatica contulisse Ecclesiā, ea nimirum, quam Novatiani in eadem urbe erexerant: atque ideo hortatum fuisse suos, ut *sedulo inquirerent, ubi radix ac truncus esset Ecclesiæ ROMANÆ, Corpus Ecclesiæ matricis, in qua schismatici ipsi regenerationis Sacramentum acceperant, & huic Ecclesiæ tanquam veræ Ecclesiæ ROMANÆ adhaerent.* (110) Hæc quidem verba sunt hominis: sed quis intelligat? CYPRIANUS diserite: ut *matricem Ecclesiæ CATHOLICÆ*; ille: ut *truncum ROMANÆ*. Quanti veneunt, vir? porci quanti veneunt? tu enim profecto nisi jam truncus, saltem non sanus es. Quanquam cum jam ista scripsissem, crambem veterem esse adverto. Jam enim JUNIUS apud GRETSERUM ista scripserat: *Matricem & radicem vocat CYPRIANUS germanam Catholicæ Ecclesiæ stirpem in privata quaque Ecclesiæ adnatæ παραφραδι, sive fruticationi hæreticarum aut schismaticarum oppositam.* Quibus ineptiis istius hominis, plane ut nos, respondit GRETSERUS; neque pluribus opus est.

Quod sequitur, aliquanto gravius posset videri, nisi esset detritum: nam ad laceffendos nos adeo, & insultandum Catholicæ Sententiæ, CYPRIANUMQUE, quem esse nostrum pugnabamus, armandum contra nos perinet. Quale sit autem, contuendum nunc propius.

II. Scripsit CYPRIANUS in eodem ipso de unitate libro: *Unum Corpus & unus Spiritus, una Spes-vocationis vestræ, unus Dominus, una Fides, unum Baptisma, unus Deus:* quæ ex Paulo sumpta sunt in epistola ad Ephesios. Tum pergit: *Quam unitatem firmiter tenere & vindicare debemus maxime Episcopi, qui in Ecclesia præsidemus, ut Episcopatum quoque ipsum unum atque indivisum probemus. Nemo fraternitatem mendacio fallat, nemo fidei veritatem perfida prævaricatione corrumpat. Episcopatus unus est, cujus à singulis in solidum pars tenetur.* Et in epistola ad ANTONIANUM: *Cum sit, inquit, una Ecclesia per totum mundum in multa membra diffusa, item Episcopatus unus Episcoporum multorum concordi numerositate diffusus.* Non potest dici, quantum illis in verbis FEBRONIANA se ostendet levitas. Heinc enim consequens putant fieri, universum orbem tanquam pro una Dicecesi spectandum esse, & omnes Episcopos totius orbis esse Episcopos: Itaque omnium in omnia procuracionem porrigi, & quod est sequi necesse, Jurisdictione potestateque esse pares omnes.

Ego vero sic ista falso dico disputari: dico temere colligi: dico alieni

A a a

nissi

nissima esse a CYPRIANI mente ac sensu. Quanquam non heic, sed alibi, quod adfirmo conficiam: non enim est loci hujus. Quod præsentis est instituti, tam puto liquidam & explicatam per se sancti Martyris esse eam sententiam, ut qui illustrare illam velit, faciat perinde, ac si lucernam soli in plena meridie admovendam putet.

Enimvero sicut multæ orationes una sunt συνδεσµα, id est, conjunctione: sic omnes Episcopatus cum in unum cohærent, unus Episcopatus indivisus sunt, qui ex partibus est suis compositus. Totum autem re quidem non differt a partibus, sicut non differt re syllaba a literis, ex quibus composita est, ut Aristoteles in libro septimo metaphysicorum tradit. Differt tamen ratione: alia est enim forma BA, & alia B. A. Sic alia ratio & forma est unius Ecclesiæ Catholicæ, sive unius Episcopatus indivisi, & alia singularum Ecclesiarum, sive singulorum Episcopatum, ex quibus tanquam ex materia unus Episcopatus componitur. Quare quemadmodum literæ ut in syllabam coeant, conjunctione indigent, quæ ipsa conjunctio velut forma est, literas tanquam materiam suam imbuens: sic & Episcopatus, quem esse unum & indivisum CYPRIANUS dixit, prorsus unus esse non posset, nisi vinculum quoddam in eo foret, colligans, connectensque Episcopatus singulos. * Id autem vinculum una PETRI est cathedra. Quod quia jam docui, & compertum ex CYPRIANO est, non ero in explicanda tam manifesta re fusior. Noster est CYPRIANUS; quid volunt sibi disputatores miseri? Omnino noster. Nam & ego si de Germanico Imperio, in quo natus, educatusque sum, hoc modo dicerem, *esse Principatus in eo multos, sed Imperium unum, cujus à singulis pars in solidum administratur*; credo tam fore neminem rusticum, ut siquidem conscius ac peritus sit rerum nostrarum; interpretetur sic verba mea: *Germaniam in principatus esse multos divisam, ac tametsi portio cuique sua, quam regat, tributa sit, patere omnium tamen in omnes provincias jurisdictionem*. Verum ita si sapit, accipiet; *Principatus tametsi sint multi in Germania, copulari illos nibilo minus & devinciri uno, qui omnibus præsit*. Ut Principatus enim ex subditis atque Principe, sic ex principatibus & summo Principe existit Imperium. Est autem scitum eorum, qui de Rebus publicis commentarios scribunt, vires subditorum reipublicæ vires esse, & in qua quisque vivit república, ad eam vires suas conferre, ut communis ac *solida* inde vis quædam existat. Quare Civium quidem vires in civitatibus colliguntur; Civitatum in ipsis principibus; Principum & qui inde nomen fortiuntur, principatum in Imperatore. Inde vis illa, quam Imperii vim communem ac *solidam* nominabam. Quod si jam ita Civitatum suarum

rum

* Confer Turrianum in Defens. Eccles. contra Sadaelem Cap. 26.

rum viribus utatur Princeps; ut debitorem fateatur se esse Imperii; facit quod est officii sui, atque jam vere commonstrat, non qualem-cunque sed *Imperii* Principem se esse, cujus partem, sed in *solidum* administrandam acceperit. Sin avellat autem vires Civitatum suarum, atque ita iis utatur, partemque sibi Imperii commissam, tanquam obligatus & sociatus nemini, usurpare instituat: administrabit *partem* tum ille quidem Imperii, sed non in *solidum*. Quid habes ad hæc? non manifesta, non perspicua tibi videntur? In eundem igitur sensum de Ecclesia CYPRIANUM intelligas velim. Non ille Episcopos cum Romano Pontifice, non cum Episcopis Episcopos toto libro componit: componit autem? immo vox non est, ex qua id colligi ac probari possit. Sed in hoc totus est CYPRIANUS, ut esse UNAM Ecclesiam CHRISTI, tametsi ex Episcopatibus multis constatam, doceat. Quare negat, extra hanc *unam*, salutem posse hominem consequi. Ac quoniam schisma NOVATIANUS, sejunctus a *cathedra* PETRI & Episcoporum communione, fecerat, Christianique partem populi in conventiculum traxerat, nec jam in *solidum*, compagemque corporis, fidelium conferebat vires, sed ambitioni adferebat suæ: heinc est, quod in Ecclesia non esse illum CYPRIANUS contendit. Verum hæc & nunc satis, & suo loco diligentius. Ré enim vera non heic animus mihi fuit de jurisdictione differere; sed id volebam, CYPRIANUM, cum *Episcopatum unum* esse dixit, *cujus pars in solidum a singulis teneatur*, corroborare, quæ sunt de statu, ejusque centro hucusque exposita, non in acie contra nos stare.





ARTICULUS III.

PRIMATUS PONTIFICIS AN CUM JURISDICTIONE CONJUNCTUS SIT? PUERILES TRICÆ FEBRONII IN JURISDICTIONIS DEFINIENDO VOCABULO. EX GALLIÆ PRÆSULUM ET SORBONÆ SENTENTIA HÆRESIS EST NEGARE HANC SUMMO PONTIFICI. STULTA EXCEPTIO DEFENSORIS, FEBRONIUM VOCE TANTUM DIFFERRE A DOCTRINA GALLORUM. PROBATUR DOGMA EX CONCILIIS. FRAUDES, DOLI RETEGUNTUR. ITERUM PROBATUR EX FINE PRIMATUS, EX SUMMA NECESSITATE, EX STATU ECCLESiarUM, QUÆ DEFLECTIONEM A PONTIFICE FECERUNT.

Protheus FEBRONIUS est. Primatum modo suscipit, modo destruit, modo sic iterum adsumit, ut coercere, non tollere voluisse videatur. Quod quidem posterius, ut præstet; ad *curationem* eum redigit & administrationem simplicem, cui tametsi *auctoritas* quædam præsto sit (nec enim intelligi alioquin curatio ipsa posset) *jurisdictio* certe desit omnis. (1) Primum igitur nos, quæ vocibus ex communi usu ac sensu subjecta notio sit, aut qua re differant *auctoritas* & *jurisdictio*, expendemus; id enim ad refecandum ulcus, ut par est, necessarium esse videtur.

§. I.

Quid sit auctoritas, quid jurisdictio? Cavillationes ineptissimæ FEBRONII in jurisdictionis definiendo vocabulo.

I. *A*uctoritas itaque si cum *jurisdictione* componitur, in modum generis patet ista latius: ac vel ex propriis uniuscujusque ornamentis ac donis

(1) Febr. Cap. V. §. IV. per totum. Theodorus a Palude in Floribus sparfis Cap. VIII. §. II.

nis nascitur, vel ex munere & *curatione* quadam: quæ si est *publica* ac splendida, *dignitatem* habere adjunctam dicitur, estque *honor* quidam illi proprius, non qualis ex deferentium arbitrio pender, sed definitus ac pactus, & cum externis fere conjunctus signis quibusdam, quæ *ornamenta* vocantur a *Cicerone*. Priori vero isti, quæ ab domesticis cujusque dotibus nascitur, quæque *Ordini* illigata non est, neque *curationi* aut *muneri*, nihil præter *reverentiam* responder ex adverso, aut præter æstimationem & cultum: quemadmodum

Pietate gravem & meritis qui forte virum quem
Conspexere, silent arrectisque auribus adsunt.

Præter utramque alia est quædam auctoritas, quam *naturalem* vocare possumus, estque ea, quam parens in domum, præceptor in discipulos, tutor in pupillum obtinet: nam posteriores hi duo cum parentum sint loco, decerpunt, & in se transferunt quodammodo patriam auctoritatem. Quæ quidem auctoritas hoc ab ea, quæ *gestionis* seu muneris est, differt, sicut ab illa etiam, quæ corporis atque animi gignitur dotibus: quod *potestatem* sibi annexam habeat, aut potestas sit ipsa potius, cui *obedientia* vicissim debetur. Id quod muneris alicujus gestori, qua est hujusmodi, aut viro quantumvis gravi nequaquam convenit. Verum hujus si quis audiens dicto non fuerit, inverecondiæ notabitur; non inobedientiæ: istum vero si jubentem contempserit, non tam illi, quam magistratui inobediens dicitur: cujus est ratio, quod curationem duntaxat habet, non potestatem. Atque hæc quantum ad prioris vim est vocabuli satis.

II. Jam *jurisdictio* quemadmodum nascatur, ut jurisconsultus intelligat, velim meminisse eum " civitatem atque rempublicam (libet enim PETAVII hæc verbis eloqui) ex domibus & familiis ortum accepisse: ut hæ sint velut partes & elementa, ex quibus illa componitur. Etenim " prima hominum inter se conjunctio, & communitas ex natura ipsa prodiit, & naturali societate maris ac feminae, tum ab utroque procreatis " liberis, & ad usus quotidianos adjuncto servitio, quæ communitas domus dicitur. Exinde multiplicatis domibus ac familiis civitates extiterunt.

Quamobrem sicut respublica tanquam pro domo spectari una potest, sed magna & ampla, & ex innumeris conflata domibus atque familiis: sic potestas illa quoque, quæ Magistratibus in ea competit, imitatio quædam illius est potestatis, quam natura Patribus familias in suos dedit. Distant

igitur ambæ eæ potestates: quis neget? verum non tam re, quam modo ac *ῥεσι*, & ditionum, ut ita dicamus, amplitudine dispari; cum ad familiam altera, altera ad rempublicam referatur. Atque hæc tandem est, quam *jurisdictionem* nominamus, quæ nihil est aliud, quam *legitima in Republica potestas jubendi*: cui *obedientia* ex adverso responderet. Sicut vicissim ubi *obedientiæ* est in *Republica* debitus; *jurisdictio* sit item necesse est: non enim *obedientia* sine *jubendi* intelligi potestate potest; eâ quidem, quæ in hominis officiis numeratur, de qua sola heic loquimur. Deinde nec differentiam diversam habent, qua restringantur, determinenturque potestas jubendi, & obediendi officium; sed unam: & ut genere, ita specie conjunguntur, estque argumentum altera & quasi gnomon alterius.

III. Quibus ita quidem constitutis ad *Febronianas* nugas adgredimur. Inter cætera, quæ a Tridentino Concilio aut sancita salubriter, aut ex more Majorum revocata corroborataque sunt, est etiam illud sessionis XXV. decretum, quo *præcipit S. Synodus Patriarchis, Primatibus, Archiepiscopis, Episcopis, & omnibus aliis, qui de jure vel consuetudine in Concilio provinciali interesse debent, ut in ipsa prima synodo provinciali veram obedientiam summo Pontifici spondeant & profiteantur. Idemque in posterum quicumque in Patriarchas, Primates, Archiepiscopos, Episcopos promovendi, in prima synodo provinciali, in qua ipsi interfuerint, omnino observent.* (1) Hæc ea sanctio est generalis Concilii, quam vir multo doctissimus ac prudentissimus GODEFRIDUS KAUFFEMANS JUSTINO FEBRONIO objecerat. Verum is, qui defensionem in se hujus suscepit protervus ac petulans homo (2), ad caput V. Libri singularis eum dimisit, cujus in IV. paragrapho sic iste disputaverat: *quantum ad obedientiam, constare, non omnem obedientiam supponere aut involvere ex opposito jurisdictionem, & apparere hoc in Patre, vero, ac magistro.*

Fateor difficile est continere stomachum ad tantas quisquillas: debeoque non minorem inferre vim mihi, ut respondeam aliquid, quam ne concitatus & iracundius respondiſſe videar. Amabo, boni! cujus est ista sanctio? nonne Concilii? nonne oecumenici? quis ille vero, cui obedientia præstanda est? nonne is, quem esse *primum* vos ipsimet vultis? & a quibus præstanda est? Nonne a Patriarchis, a Primatibus, ab Archiepiscopis,

(2) Cap. 2. de Reform.

(3) Joannes a Calore Art. XII. Num. 4.

pis, ab Episcopis? quid est heic non publicum? *obedientia* ergo præstanda est: & ab *omnibus*: & illi, qui Christianorum in illa infinita societate *primus* ac *princeps* est. Et etiamnum quæritur, an *jurisdictione* is præditus sit? etiamnum puerile istud obtenditis, parentes liberis jubere posse? Atqui ego non iterum dicam: dixi, patriam herilem, domesticam potestatem familiæ contineri ambitu; jurisdictionem in publicum patere: quid est autem tam publicum, quam Ecclesia? Ad nugas hoc igitur, ut ajebam: non enim sapientem esse arbitror virum, qui si ludificandus omnino sit, non a quovis malit, quam a vobis stuporeque vestro officias perpeti.

IV. Qualis sane stupor, & ἐμβροτησία in argumento etiam est, quod subditur: *scripsisse ita ad INNOCENTIUM IV, ROBERTUM Lincolniensem Episcopum. Noverit discretio vestra, quod mandatis Apostolicis affectione filiali devote ac reverenter obedio. Paternum zelans honorem cæteraque.* (3) Quæ siquid valeant; fiet consequens, etiam Episcopos jurisdictione carere, nec nisi munus & procuracionem habere simplicem: nam & *patres* ii appellantur, vicissimque Presbyteros ac fideles, quos regunt, *filios*, immo & *fratres* nonnunquam suos vocant: quæ posterior vox, ut est æqualium, jurisdictionem potestatemque omnem etiam repellere viderur. Est igitur adpellationum hujusmodi non ea ratio, quod jurisdictione careant, qui *Patres* nominantur: apage, nec in mentem nisi hæreticis veniat: verum ista, quod profanus non sit Ecclesiæ, sed divinus ac sacer principatus, quem non securis, non lictor, non exercitus, non cætera ad terrorem comparata subditorum, sed mansuetudo, paternaque pietas circumdant.

V. Tertium, quod ab eodem nobis objicitur, qui *Joannis* sibi a *Carolo* circumposuit stolidum nomen, fumus est, densus quidem is & magni incendii testis, atque index, sed fumus: huc enim reducitur. "Jubere, inquit, summus Pontifex nihil potest, nisi ex Canonum præscripto: non ille legum jus habet sancendarum, nisi de voluntate ac consensu Præsulum. Atqui jurisdictionis vis est præcipua in legum ferendarum auctoritate posita, non in judiciaria, hoc est, condemnandi vel absolvendi potestate: nam ea minoribus etiam magistratibus inesse potest: præterquam quod sit ipsa serius Pontifici Maximo adjecta, ignorantiaque tantum vel indulgentia Episcoporum. Secundum hæc quid uspiam est, quod non facere solus in Dicoesi Episcopus pro suprema, & absoluta
" sua

(3) Febron. Libri sing. Cap. V. §. IV.

” sua auctoritate possit? Quid potest autem Pontifex, quid Legatus, si
 ” Episcopi potestate utantur sua? *Dormiet igitur Papalis ea, quæ obten-*
 ” *ditur, jurisdictio, si Episcopalis vigilet.* Quibus si tu istud forte obje-
 ” ceris, indulgentias largiri Pontifices, cæteraque, quæ in gratiis ponun-
 ” tur; respondet, similia Imperatorem in toto Imperio facere; nec de
 ” jurisdictione esse ideo primum colligere, *concurrentem* hanc ei competere
 ” in ditiones ac subditos Principum: id quippe peritorum juris publici
 ” unanimi sententiæ, decretisque adversari. * Sic iste.

VI. Ego vero non jurisdictionem *dormituram* Pontificis, sed dormire
 atque stertere eos puto, a quibus tam inepta garriuntur. Quid enim? est
 Imperii pragmatica lex hujusmodi, ut Imperator, nonnisi ex legum judi-
 cet præscriptione: tum vero nec legem facere ullam solus potest, sed fert
 in comitiis, & suffragiorum numeratione facta. Quare si jurisdictionis
 ex eo metienda vis est, quod pro arbitrio jubere is possit, qui præest, &
 mandare leges, quas velit: profecto quoniam *Concurrentem*, ut loquuntur,
 cum optimatibus Jurisdictionem Imperator non habet; habebit nullam ille
 neque in ditiones Imperii, neque in ipso Imperio. Quid reponent ad
 hæc? Puto tam evidentem esse consecutionem, ut tergiversatione nulla
 eludi, nulla verbis illata vi, nullo strepitu ac *clamore* possit: nam usitatum
 alioquin hominibus istis est, ut, quod respondendo sobrie non possunt,
 clamando faciant. Imperatori igitur præter larvam quandam majestatis
 nihil erit porro residuum; sed administer & procurator dicendus potius
 Imperii atque ordinum erit. Quæ doctrina si HIPPOLYTO A LAPIDE pla-
 cuisset, absurdo ac temerario Scriptori, probis quidem hominibus intolera-
 bilis videri debet. Scilicet non est id verum, quod sumunt ista, pene
 dixerim *κωφα προσωπα*. Prorsus verum non est, jurisdictionem hac
 una definiri re, ut qui summam aut præcipuam obtinet in republica, so-
 lus & pro arbitrio jubeat leges ac migret. Id enim ad *αυτοκρατιαν* duntaxat
 pertinet: quod genus regiminis neque omnibus accommodatum est popu-
 lis, neque univærsæ & infinite censerî optimum solet. Aliter Arabes, Ægy-
 ptiique gubernantur, & si qui præterea ad servitutem ab natura damnati
 sunt populi; aliter ingenuæ nationes: & in his ipsis uti rerum publicarum,
 sic & jurisdictionis sunt quædam discrimina. Illa excellens vero est &
 digna nomine majestatis, cum hominibus multis æquipollet unus: fitque
 tum, cum in unum tanquam in caput ac centrum suum necluntur & con-
 spirant ordines, ut quod omnes creverint atque jusserint, in auctoritatem
 nisi probante, & adsentiente isto uno, non veniat. Hujusmodi autem
 Imperator est in Germania. Non enim leges fert ille quidem ordinibus
 invi-

invitis: sed neque ordines sine Imperatore mandare possunt. Atque hæc, ut plerumque ex alio in aliud institutus decurrit sermo. Puto autem tam vulgari ac prope domestico exemplo confutatam satis esse hallucinationem, non eam vulgarem, sed insolitam Defensoris miserrimi, hominemque non fore, quin commiseratione jam istius peponis ducatur: qui, cum quid lupinis æra distent? quid sit auctoritas? quid jurisdictio? in quibus hæreat? quibus rebus definiatur? aut non didicerat unquam, ut par erat, aut non meminerat: in senatum se tamen ac sellam curulem est ausus intrudere. *ὄνος πρὸς λύραν* scilicet.

Sed ad Pontificem, a quo digressi sumus, ut revertamur; aptabimus locis suis, quæ de jubendi & ferendarum legum auctoritate heic dicta sunt: sicut & cætera, quæ ad coercitionis, & judicariam spectant illius potestatem, & sunt a cavillatoribus istis arrosa temere ac imprudenter. Modo id erat susceptum, ut quæ verbis subiecta notio sit, eos doceremus: deinde ut id una probaremus, vel in tricandi, nugandique artificio, quod profitentur, nihil illos esse, ac ne vim quidem eorum nominum, in quibus arguantur, intelligere. Quæ quia abunde sunt præstita: universe nunc & tanquam *in thesi*, ut ajunt, quid demonstratum deinceps velim, definiam. Neque meis, sed aliorum id verbis faciam: quo & impudentia magis adpareat nasutulorum, & quam longe a communis fidei salubritate, & catholicorum unanimi sensu discesserint.

§. III.

Primatum summi Pontificis cum verissimi nominis jurisditione conjunctum esse, dogma fidei est ex Præsulum Theologorumque Galliæ unanimi sententia. Theodori a Palude ineptissima, falsissimaque exceptio; loquendi duntaxat modo, non re a FEBRONIO istos differre. *κρυψαῖς* & ludificationes pudendæ hujus defensoris.

I. Sic igitur habendum est: Primatum, quem divo PETRO CHRISTUS dedit, & successionem Romani Pontifices tot sæculis obtinent, cum jurisditione conjunctum esse: & pertinere id ad ejus fidei capita, qua Catholici sumus. Ita certe CLERUS *Gallicanus* censuit anno millesimo sexcento.

B b b

tes-

tesimo octogesimo primo, cujus verba hæc sunt: *Caput est Ecclesiæ, centrum unitatis: obtinet ille in nos primatum AUCTORITATIS & JURISDICTIONIS sibi a CHRISTO JESU in persona S. PETRI collatum. Qui ab hac veritate dissentiret, SCHISMATICUS, immo HÆRETICUS esset.* Quod anno millesimo septingentesimo vigesimo octavo, die octava Maji sic reperunt: *Primatus, quem nos in Papa recognoscimus, non restringitur intra simplicem honoris præminentiam: libet enim κατὰ ῥῆτον latine reddere.* Dein testimoniis quibusdam veterum adductis: *Necesse est igitur, ajunt, secundum catholicam fidem recognoscere in summo Pontifice primatum honoris simul & jurisdictionis, quemadmodum agnitus fuit primis quoque Ecclesiæ temporibus.* Magistri SORBONÆ anno 1683. diserte se id ajunt reperere, quod Majores sui non semel professi sint, *Romanum Episcopum esse jure divino summum in Ecclesiæ Pontificem, cui omnes Christiani parere teneantur, & qui IMMEDIATE a CHRISTO non honoris solum, sed POTESTATIS ac JURISDICTIONIS primatum habeat in tota Ecclesiæ.* Atque jam id antea adversus Lutherum anno 1542. decreverat Facultas sacra. Et cum MARCUS ANTONIUS Spalatenfis Apostata propositionem posuisset hujuscemodi: *fuisse Romanam Ecclesiæ præcipuam quidem nobilitate, existimatione & dignitatis auctoritate, non regiminis & jurisdictionis principatu; huic hæresis ac schismatis notam celeberrimus toto orbe doctorum ille conventus adscripsit. (5)*

Libet his autem privatorum par scriptorum conjungere, ab adulatione, quod omnibus constat, quam remotissimum. In quo prior sit, qui eruditione præstantior, CLAUDIUS FLEURIUS. *Episcopus, inquit ille, Romanus, quem hodie adpellamus Papam, semper habitus est omnium Episcoporum primus: cum habeat supra alios primatum JURISDICTIONIS jure divino, sitque visibile caput Ecclesiæ, & Vicarius JESU CHRISTI, qui est caput principale & invisibile. (6)*

Tum in Institutionibus juris Ecclesiastici, qui, inquit, *semper agnitus est pro superiore omnium Episcoporum ex jure divino, utpote successor Principis Apostolorum & caput visibile Ecclesiæ (7) & in eodem libro:*

Quia

(5) Censura Facultatis: Hæc propositio est hæretica & schismatica, quatenus aperte innuit, Romanam Ecclesiæ jure divino auctoritatem in alias Ecclesias non habere.

(6) Catechif. Histor. Tom. 2. par. I. Lect. 46.

(7) Parte I. C. 3. §. 6. Qui a toujours été reconnu pour le supérieur de tous les Evêques. Quæ verba sic fide pessima transtulit Gruberus Latinus harum institutionum interpres: qui semper omnibus Episcopis major est habitus. Vide de hoc falsario eruditam

Quia CHRISTUS significanter, ac nominatim (8) S. PETRUM ducem gregis sui constituit, eique mandavit, confirmare fratres suos; credimus & JURE DIVINO Papam JURISDICTIONEM habere supra omnes Episcopos, & per totam Ecclesiam. (9)

Quod LUDOVICUS MAIMBURGUS in eo, quem de prærogativis Romanæ Ecclesiæ scripsit, libro, his item verbis testatus est: *dicam id solum, quod exploratum certumque omnes Catholici habent, JESUM CHRISTUM ex omnibus Apostolis unum PETRUM elegisse, cui Primatum non modo ordinis, honoris atque gradus conferret, primum locum ei deferendo tanquam primo inter æquales & dignitate, & donis, & facultatibus & iis gratiis, quæ ab Apostolatu & Episcopatu separari non possunt: verum JURISDICTIONIS insuper primatum, POTESTATISQUE & auctoritatis in omnes fideles in tota Ecclesia, cujus ipse caput cum constituit.* (10)

Profecto si quis est prudens, & Catholicæ veritatis amans, habet in iis, quos adpellavi, certis & incorruptis testibus, unde exquirere & haurire eam possit. Tum temulentia idem mecum Febronianæ ac novitiæ Sectæ indignabitur, cujus opinio hæc falsa & insipiens fuit, posse, tamen omnibus hac in re obstrepat, Catholicam nihilominus videri se, atque adeo præ primis, & quibusvis bonis Catholicam.

II. Ququam non istos *re*, sed *voce* ac loquendi duntaxat modo ab reliquis discrepare dicet aliquis? Frivola exceptio, falsa, pudenda. Quam si tantillum adtulisset judicii THEODORUS quis ille nescio a PALUDE, defensor miserrimus; nunquam in animum eam induxisset, ut crederet, nunquam ut consignandam literis putaret. (11) Non est ira defensor! non est. (12) Nam alioquin cur vis omnis in Tournelio aliisque refutandis a FEBRONIO consumitur, ne, quod illi probaverant, *jurisdictionem* in sum-

b b b 2

mo

Dissertationem P. Clementis Becker de Potestate Papali; editam Monasterii in Westphalia: alteramque ibidem de origine, progressu, mutatione, usu ac sensu legum Ecclesiasticarum Cap. 2. §. 2.

(8) Gallice *particulièrement*. (9) Ibid. part. 3.

(10) *Traité historique de l'Eglise de Rome.* Cap. IV. in initio: Je dirai seulement ce, dont tous les Catholiques conviennent.

(11) Tom. II. pag. 537. Quod multi *jurisdictionem* vocant, nos auctoritatem dicimus. Quis rectius, judicent peritiores. Forte de re convenimus, siquæ inutilis esset de *voce* concertatio.

(12) Sustineat tantisper personam, quam sibi imposuit. Revera enim defensor ipse est sui.

mo Pontifice cogatur admittere? (13) Tam laboriosa, tam vehemens, tam proluxa disputatio an nominis unquam causa ab iis, qui agunt serio, suscipitur? sed hæc ei industria quemadmodum cesserit, suis locis videbimus. Nunc id dabimus, ad solam *vocis* propulsationem conatum istum omnem atque strepitum spectasse: quid? temeritatis petulantiaque non fuit, consecratam & usu sæculorum & scriptis Theologorum, & fidelium linguis atque sermonibus, adsumptamque non quasi ex promiscuis, aut hominum incuria, sed cum delectu, & ut declararetur, quo Catholica ab eorum, qui foris sunt, doctrina discrepet, huiusmodi inquam vocem aspernari, profligatam ab usu velle, & ei bellum isto nomine indicere, quod *juridica* (14) & ad *juridicum* limata sensum non esse videatur? Atqui neque nos in vervecum nati patria sumus; non MAIMBURGUS, non FLEURIUS; non Magistri SORBONÆ, non Episcopi Galliæ. Scimus, quæ sit vocum legitima & genuina notio: plusque semel jam diximus, JURISDICTIONEM *jubendi esse in REPUBLICA potestatem, cui parere alii teneantur*. Hanc si admittit, cur vocabulo insidiatur? sed novimus artem: novimus: nimisque vecors ille ac plumbeus fuit, si latrocinatione putavit posse nos decipi. Præsertim ex quo hæreticorum sunt præ oculis exempla, qui artificio ac dolo simili rem catholicam infestabant. Quod cum NESTORIUS, ut ex multis hunc nomen, faceret; præclare est illud ab JOANNE Antiocheno ad eum scriptum: *Si mens tua eum sensum tenet, quem Patres & Ecclesiæ Doctores, quid contristat pium sensum congruo nomine publicare?* Idem FEBRONIO Sectæque nos illius reponimus. "Si mens vestra nequam non est, si pie, si catholice creditis; cur quod recte creditis, vocabulo congruo non vultis exprimi? ea enim congrua vox est, quæ recepta; præsertim si optata studio: estque usus, qui significatum vocibus tribuit, non turbulentorum deliria & febris hominum.

III. Atque ut hoc etiam dicamus, de NESTORIO sic traditum est, in formam atque larvam sese omnem illum induisse, ut de voce, non de re ipsa ac dogmate litigium fecisse videretur. Quid autem? Certe, quid senserit, eventus docuit. Et FEBRONIUS iste ipse, qui patrocinium in se illius suscepit, THEODORUS A PALUDE non tam expiavit, quam turpiorem fecit,

(13) Adeatur Febronii Tom. I. Cap. V. §. IV. Hujus tale exordium est: Quæ pro generali legislativa & judiciaria R. P. potestate solent & possunt adlegari, ea præ cæteris diligentius collegit TOURNELIUS. Subdit, brevitatis causa ponderaturum se, quæ ille graviora proferat. Nominatim ex Concilio Ephes. Chalced. Later. Flor. Trid. Conatur deinde omnia ista extenuare, ne jurisdictionis præferre vim aliquam videantur. N. 9. per partes conatur respondere ad omnia, quæ Editores operum S. Gregorii Tom. IV. protulerunt, ut ostenderent, Gregorium Jurisdictionem exercuisse in Africa, Ægypto, Asia &c. Quod qua ratione præstet, per decursum operis nostri Deo dante videbimus.

(14) Pag. 537.

fecit, planeque prodidit. Age, videamus, ut causam egerit! *Monarchicum* (sic magno impetu exclamat*) *monarchicum tu Ecclesiae regimen a Gallis agnosci. prætendis?* ZACHARIA! Itane? *an quæstionem de voce instituis* JESUITA! hem! convitium! credo, Diabolum volebat dicere; sed est veritus, ut satis nigrum habere posset. Pergit: *An Papam in Gallia pro sacro Monarcha, & supremum ejus Ministerium omnibus juris Monarchici qualitatibus instructum haberi serio credis? videamus ergo, quid in Gallia possit, quid non possit Monarcha Pontifex:* NOUS NE TENONS. Heus fugite viri! fugite, celerate fugam! NOUS NE TENONS. Sed quid præterea? Sequuntur gallice descripta quædam ex *institutionibus* FLEURII, HERICOURTIO, & LACOMBIO, quorum summa hæc est: in Gallia *absolutam* & nullis temperatam legibus potestatem Romano Pontifici non tribui: ad antiquos canones adhærescere nationem: quæque recentius Romæ fiant decreta, non iis obligatam se credere, si a moribus regni dissentiant: alienam esse, immo nihil alienius, & abductum magis a doctrina sanctæ Sedis, quam opinionem illam quorundam jurisprudentum, qui, quod est Vicarius JESU CHRISTI summus Pontifex, conficiunt inde, plenissimam ei in omnes populos atque regna potestatem competere: sic ut cum omnibus ipse jus dicat, solus ab mortalium nemine, qui sunt sub cælo, judicari possit. „ Quibus verbis, ut per se patet, & in oculos incidit, vult id solum LACOMBIUS, non esse *regna transferendi* potestatem in summo Pontifice: & eundem ipsum, si ad destruendam Ecclesiam consilia sua converteret, a Generali Concilio corrigi, & emendari posse.

Tandem ex PETRO COLLETO, qui Theologiam Tournelli prosecutus est latine, quoniam sic reperit, illa describit. „ Si foret *absolute monarchicum* Ecclesiae regimen, hoc est, si temperatum nulla ratione (de hoc enim diserte COLLETUS loquitur) consecutura, quæ multo absurdissima sunt & aliena ab tota antiquitate. Ista scilicet: solum Pontificem constitutum esse a JESU CHRISTO; cæteros omnes Episcopos, etiam in unum congregatos locum auctoritatem nullam, nisi manantem & trajectam in se ab isto uno obtinere: si falli Ecclesia non possit, id Pontifici eam debere uni: Concilia perinde ac regni comitia a Pontifice mutuari & precariam accipere potestatem suam, ita fore, ut sint inferiora Pontifice, nec provocari unquam ad illa possit, convocenturque, non quod necessaria omnino sint ad dogmatum fidei definitionem, sed ut a Consiliis sint summo Pontifici: quæ quidem ipsa vel ille boni consulere, vel aspernari omnino possit, ut ei visum fuerit. Concludit, non esse igitur *monarchicum* Ecclesiae regimen nominandum: neque *jurisdictionem*, quæ severitatem atque acumen jurisprudentum ferat, Romano Pontifici ullam competere.

b b b 3

Ego

Ego quidem, quo sit nomine adpellandum Ecclesiæ regimen, non dicere prius apud me statui, quam de re ipsa ex traditione Majorum accurate atque solide fuerit disputatum: sed quoniam sic incidit, miscetque ἡ ὑπερχρισις monarchiæ ac jurisdictionis vocabula: dicam, quod diffimulare non debeo. Quæso igitur, quas in se partes Patronus suscepit? ut non esse Dominum summum Pontificem probet, ut non αὐτοκρατορα? ut non Monarcham, cujus vivant ac spirent omnes beneficio, cujus in ære sint omnes, qui *solus* Pastor, *solus* Episcopus, *solus* Princeps, Rex, Imperatorque sit? id si quis ab eo exegisset, fateor, esse locus aliquis COLLETO, LACOMBIO, HERICOURTIO, FLEURIO in disputatione ea potuisset. Sed neque ZACHARIAS postulavit, neque alius. De hoc respondendum erat, ecquid JURISDICTIONE Primatum mulctarit FEBRONIUS, & ad functionem nudam, munus, atque onus, quod alicui committitur, splendorem istius omnem, amplitudinemque & majestatem revocarit. itane vero? Gallorum ex illis testimoniis confectaneum hoc erat? an *jurisdictionis* est ea indoles, ut cum infinita non est, esse nullam necesse sit? quis non calce proturbet sic disputantem? Atqui vir bone, non ita nos ratio deseruit. Dicam, a quo purgare tuum Clientem, si possis, debeas: res plana est; volo oculos tantum advertas, mentemque tuam.

Ac primo quidem ignorare FEBRONIUS non poterat, cum eosdem, quos tu nominabas, tum & cæteros Galliæ Scriptores atque Theologos, tametsi limitibus quibusdam suis Primatum definiant; *jurisdictione* tamen non illum vacuum dicere.

Non inquam ignorare hoc poterat, cum & libri, & decreta, & comitia præ manibus sint, quibus universe pronuntiatur, *hæreticum* esse, ac reum *schismatis*, qui *jurisdictionem*, eamque veri ac proprii nominis Primatui detrahat. Quid habes ad hæc?

Deinde nec quid intelligerent iidem *jurisdictionis* vocabulo, poterat eum fugere. Exponunt enim, nominatim Tournelius, Natalis Alexander, Editores operum S. GREGORII. Et Tournelius quidem in eodem, quo de Pontifice tractat loco, prorsus, quæ ex HERICOURTIO tu, de libertatibus, quas vocant, Ecclesiæ Gallicanæ scripsit. Sed de *jurisdictione* nihilominus in universa Ecclesia copiosissimum sermonem habet. Quam cum exemplis & documentis demonstrat ex prima antiquitate sumptis; simul cujusmodi illa sit, ostendit. Quod tu iterum, si quid sapias, fatebere. Profert exempla vero S. VICTORIS imprimis, qui Asiaticos, si minus Pa-
scha

scha dominico die, judaico deserto more celebrarent, rescissurum se ab Ecclesiæ corpore comminatus fuerat, tum S. STEPHANI, qui pœnam similem S. CYPRIANO intenterat; COELESTINI I., LEONIS M., GREGORII pariter Magni: dein acta Conciliorum generalium, *Ephesini*, *Chalcedonensis*, cæterorumque: quibus generatim conficitur, jubendi coercendique potestatem in Romano Pontifice residere. Sed quid jam cliens tuus? Quid? audi, & pudorem expedi, si habes. Eundem ille TOURNELIUM & eosdem Editores S. GREGORII operum, dato studio, deque instituto & significanter adortus est, documentaque & exempla adlata ab iis singula obscurare tenebris adnitus. Quod cum frustra ac pueriliter tentavisset, velut nec ipse confidens satis suis quisquillis, in blasphemiam demum, tanquam in asylum & receptum quendam se abdidit communem perfidiæ; scelerosumque, pro eo ac QUESNELLIANUS de Primatu Scriptor, istud effutiit, etiam sanctissimos Pontifices remotos non fuisse a factu, sed ambitioni velificatos, & proferendis finibus studuisse. Qua quidem calumnia ille S. VICTOREM, S. STEPHANUM, INNOCENTIUM, COELESTINUM, LEONEMQUE & Magnum GREGORIUM, Divorum omnes adscriptos numero de auctoritate nominatim dejecit. Nega Defensor, si quid omnium istorum potes! Quod si non potes; habes JURISDICTIONEM igitur, quam reverentur Galli, & ex præscripto quidem, ut ipsi loquuntur, Catholicæ fidei. habes id simul, quemadmodum cliens iste tuus in eandem ipsam labefactandam JURISDICTIONEM data opera & contento studio incubuerit. Quorsum prævaricari igitur tu? Quorsum quod minime quæritur, id agere, & litem, quo non spectat, divertere? Itane? sola voce discrepare tibi FEBRONIUS ab catholica, Theologorumque & Episcoporum Galliæ doctrina videri potuit? Ego vero præfidentem istiusmodi & contemptorem communis de se judicii advocatum pellendum foro puto. *Pereant, qui nigrum in candida vertunt.* Sed nunc dimittamus ranam illam palustrem, coaxetque in sua palude, donec virus excreverit: potius quid concilia doceant, audiamus, ex iisdemque tanquam ex puris ac limpidis fontibus hauriamus.

§. IV.

Quid Constantiensis Synodus de jurisdictione summi Pontificis? exceptio inaudita Febronii. Aliæ exceptiones duæ Jansenistæ anonymi. Quid synodus Florentina? Tridentina? In utraque vexanda Febronii artes atque præstigiæ &c. &c.

I. MARTINUS V. inter cæteras, quas sciente & adprobante sacra *Constantiensis* & œcumenica synodo declaravit, propositiones hanc etiam com-

complexus est: *Papam Canonice electum esse successorem D. Petri, & habere in Ecclesia Dei SUPREMAM AUCTORITATEM.* (15) Est autem *suprema auctoritas* in Ecclesia, *jurisdictio* utique *suprema*: id enim supra docui, & etiamnum quo meliorem excitare testem non possum, communem adpello sensum humani generis. Nam quis, per Deum! priusquam nova latrocinantium ista prodisset cohors, unquam aliter loquendum sibi de tota republica, & auctoritatem, quam in ea summam quis obtinet, a *jurisdictione* itidem summa separandam esse putavit? Debeatur FEBRONIO, ejusque vindici ista novitas, profana, peregrina novitas, a *Patrum exorbitans vestigiis, & anathemate vindicanda*, quemadmodum est vere a PETRO *Celensi* traditum. (16) In qua tamen ipsa comminiscenda, praecipitatio sua eos fefellit. Cum enim Conciliorum ipsi vim atque sensum ex *acceptione & sensu fidelium* aestimari praecipiant: (17) quaeso quem mihi Episcopum ostendent, quem Theologum, quem hominum ea aetate, cui interpretatio ista verborum *Constantiensis* Concilii, & auctoritatis a *jurisdictione* discretio in mentem aut calamum venerit?

Celebrata est *Constantiensis* synodi postrema sessio anno millesimo quadringentesimo decimo octavo, mense Aprili. Excepit hanc anno millesimo quadringentesimo trigesimo primo *Basileensis*. At ea, tamen in schisma demum ipsa deflexerit, & ipsius, ut vulgo, notum est, *Constantiensis* freta synodi pronuntiatis quibusdam, in *Eugenium* moverit: id tamen, quod de auctoritate legitimi Pontificis ista eadem decreverat synodus, nunquam aliter, quam de *jurisdictione* veri ac proprii nominis intellexit. Quam in rem extat synodalis responsio ad *Tarentini* Episcopi monita, qui causam *Eugenii* peroraverat. *Tarentinus*, inquit, JURISDICTIONEM & POTESTATEM summi Pontificis late explicat, quod sit caput & Primas Ecclesiae, Vicarius JESU CHRISTI, & a Christo, non ab hominibus vel a synodis praelatus Pastor Christianorum. Quod uni dictum: Tu es Petrus, & solus in plenitudinem potestatis vocatus sit, alii in partem sollicitudinis: quae cum vulgatissima sint, minime necesse erat recensere. Ita PLANE FATEMUR ET CREDIMUS, operamque in hoc S. Concilio dare intendimus, ut omnes eandem sententiam teneant. Quid? conglobata haec, & ab oratore Pontificis congesta studio, dein ab iis, quorum quidvis fateri potius intererat, comprobata;

(15) Harduitt. Tom. VIII. Col. 915.

(16) Novitas illa, quae a Patrum vestigiis exorbitat, tam in fide, quam in moribus, semper anathematizanda est. In-Præf. Tom. 9. Biblioth. PP. Col. 824.

(17) Febr. Tom. I. Cap. I. §. 9. pag. 65.

bata; non eam vim habeant, uti *auctoritatis supremæ* nomen sensumque ac notionem illius nobis exponant? (18)

Iidem de suo AMADEO, quem exauctorato EUGENIO objecerunt æmulum, statuerunt: huic tanquam unico & indubitato Ecclesiæ Romanæ *Pastori ab omnibus Christi fidelibus de NECESSITATE SALUTIS Obediendum esse.* (19) Quæ ex *Constantiensi* sunt iterum derivata: nam in eo Concilio damnatus est hic WICLEFFI primus & quadragesimus articulus: *non est de necessitate salutis credere Romanam Ecclesiam esse supremam inter alias Ecclesias.* (20) Quare sic ea *suprema* est; & qui illam regit Episcopus, ita *caput*, successorque PETRI; ut *obediendum* sit illi *ab omnibus* Christi fidelibus. *Obedientia* autem hujusmodi neque est, neque potest esse sine *jurisdictione*: quod assensuros jam mihi omnes opinor, qui non pueriliter contentiosi esse maluerint, quam fani ac sobrii.

II. Et vero iudicii ac pudoris plusculum quam FEBRONIUS, anonymus de Primatu scriptor præ se tulit. (21) Non enim ille diffitetur, *supremam in Ecclesia Dei auctoritatem, & jurisdictionem* itidem *supremam* uniusmodi habere significatum: sed effugia quærit, atque primo sic excipit, non fuisse œcumenicam synodum. Quid facias? FEBRONIUS, qua parte œcumenica non fuit, omnino ac plenius faucibus fuisse clamat œcumenicam: iste, qua fuit, certoque & omnium consensu catholicorum ac iudicio fuit, fuisse negat. Quanquam cur istud quæro? quasi dubitandum, quid faciendum sit iis, quibus tantumdem est, quid scribant, verum falsumne sit; si noceat? nam id quidem toti isti cohorti unice propositum est. Atqui FEBRONIUM pulsabimus postea: nunc *Anonymo* istud dicimus, esse falsum, falsissimumque, quod sumit, *Constantiense* Concilium, quo tempore doctrinam hætenus traditam stabilivit, desertum fuisse a magna Ecclesiæ portione, ab *Italia* scilicet, ac *Hispania*, *Lusitania*, omnibusque Regionibus sub ditione illorum Regnorum positis. Immo ab nulla Ecclesiæ portione desertum fuit: sed ab vigesima quinta jam inde sessione Regionēs se illæ, vel Obedientiæ, ut vocabantur, Concilio adjunxerant, suntque in postrema sessione Propositiones HUSSI ac WICLEFFI unanimi consensione damnatæ. (22)

C c c

At

(18) Hard. Tom. VIII. Col. 1323. (19) Ibid. Col. 1285. (20) Ibid. Col. 911. Insuper inter Articulos Constantiæ damnatos hic est VII. Joannis Hus: Petrus non est nec fuit Caput S. Catholicæ Ecclesiæ. (21) Anonym. pag. 178. (22) Hard. Tom. cit. Col. 905. seq. in Bull. Martini I. sacro approbante Concilio.

At enim (sic inquit, & est secunda hæc ejus exceptio) non saltem hæreseos definita nota propositionum istarum ulli adscripta est, sed univèrsæ tantum damnatæ sunt, & conglobatim pro *erroneis, seditiosis, pias aures offendentibus, temerariis*. Vanæ voces! cur prætermittit imprimis censuram quintam, qua diserte id additur, esse quosdam & quidem plures ex illis articulis *notorie hæreticos*? (23) Deinde an id non satis sit ad religionem injiciendam homini pio, & frænandam audaciam, quod sive hæreseos, sive erroris, sive seditionis, sive offensionis piis auribus inferendæ, sive temeritatis demum notatæ vitio propositiones eæ omnes sint judicio univèrsalis Concilii: quominus amplectatur aliquam ex illis, & in censuram qualemcunque ex nominatis unam se induat? Sed minime verum est, quod scribit, fefellitque ἀβλεψία eum sua, nisi prudens deceperit. Si enim aliquantulum circumspexisset; vidisset in octava sessione quadragesimo primo WICLEFFI Articulo. *Non est de necessitate salutis, credere Romanam Ecclesiam esse supremam inter alias Ecclesias*, censuram hujusmodi adscriptam fuisse: *Error est, si per Romanam Ecclesiam intelligat univèrsalem Ecclesiam, vel Concilium generale, aut pro quanto negaret Primatum summi Pontificis super alias Ecclesias particulares*. Quæ verba in postrema sessione, sciente & adprobante jam toto Concilio renovata sunt dato diplomate VIII. Kalendas Martias a MARTINO V. summo Pontifice. Jam id credo evidens est, *erroris* nomen, quo synodus utitur, de errore, qui oppositus fidei sit, debere intelligi. Quod & verba & res ipsa demonstrant, tum quoniam in eodem genere censentur *Primatus Pontificis, & Ecclesiæ univèrsalis*, aut *generalis Concilii auctoritas*, tum quod sit de fide sermo, deque re, cujus est *fides ad salutem necessaria*. Atqui WICLEFFUS certe cum vel negavit hoc, *Romanam Ecclesiam supremam esse inter alias Ecclesias*, vel non ad fidem pertinere voluit, qua salutem consequimur; non de gradu & loco, sed de auctoritate & *jurisdictione* locutus est suprema. Atque sic etiam synodum intellexisse explicatio ostendit, quam adhibet, compositioque Primatus Pontificis cum ὑπεροχη, *supremitate*, hoc est auctoritate Concilii. Et MARTINUS V. in eandem sententiam exposuit, cum adprobante eodem sacro Concilio a WICLEFFIANA hæresi reverbos interrogari jussit, utrum credant, *Papam Canonice electum successorem esse B. Petri, & habere supremam auctoritatem in Ecclesia Dei*: atque adeo *Basileensis* ipsa synodus demonstratum fecit. Quamobrem ad fidem omnino res ista pertinet, & qui negat, in errorem incidit oppositum fidei. Quod
quia

quia tantumdem est, ac si abscisse & uno verbo *Hæreticum* dicas: quid sibi vult, aut ubi fuit Anonymus, cum notam hæresis requisivit, quam adeo facile & quasi obtutu & aspectu uno potuit deprehendere? Sed cum hoc quidem homine, ubi de Conciliis est sermo, non difficulter transigam. Dicam, quod pro se alium optat dicere; non eum Concilia pluris facere, quam Romanum Pontificem, Patriarcharum scilicet suorum, Abbatis SANCYRANI, SIMONIS VIGORII, sodaliumque, DABORDII, & qui sunt alii ejusdem furfuris, propudioso detestandoque exemplo. Ad FEBRONIUM revertor.

III. *Florentinum Concilium* post longas concertationes ex Græcorum tandem Latinorumque consensu hoc modo statuit in XXV. sessione: *Definimus sanctam Apostolicam sedem & Romanam Pontificem successorem esse B. Petri Principis Apostolorum, & verum Christi Vicarium, totiusque Ecclesiæ caput & omnium Christianorum Patrem ac Doctorem existere, & ipsi in Beato Petro pascendi, regendi & gubernandi universalem Ecclesiam a Domino nostro Jesu Christo plenam potestatem traditam esse.* . . . His sane verbis siquid significantius ad jurisdictionem dici possit: cupio discere: alioquin nisi me ratio fugit; omnia summa sunt. Quid enim est *pascere*, quid *regere*, quid *gubernare*, & cum *plena potestate* quidem? Sensit hoc restio. (24) Quare, ut ei mos est, ad ludificandum, ducendumque funem conversus, tria respondet, quorum duo quidem priora a scopo quam remotissima, tertium omnino fictum est, ac commentitium. Ea nos singula perpendamus obiter. Primum est; addi in decreto καὶ ἐν τῷ τρόπῳ καὶ ἐν τοῖς πρακτικῶς τῶν οἰκουμενικῶν συνόδων, καὶ ἐν τοῖς ἱεροῖς κανόσι διαλαμβάνεται; quæ ille verba perperam sic reddi queritur in editionibus Vulgaris: *quemadmodum etiam in actis Conciliorum oecumenicorum, & in sanctis Canonibus continetur.* Verum vult ita esse vertenda: *juxta eum modum, qui & in gestis Oecumenicorum Conciliorum, & in sacris Canonibus continetur.* " Quare inquit, talis est Romani Antistitis per universam Ecclesiam potestas, atque ita exercenda, quemadmodum tum in gestis " Oecumenicorum Conciliorum, tum in sacris Canonibus, non vero uti " in falsis Decretalibus continetur. „ Ac paulo inferius: " Summi Pontificis primatus retineatur talis, qualis & in sacris Canonibus assertus " reperitur.

c c c 2

Heic

(24) Restio est, qui litem implicat.

Heic ego hominem, ut corporis habeat amplos, & vegetos, negotii ullos oculos habuisse. Fecerat ipse hunc Paragrapho titulum: *authoritatem quidem Pontifici, non JURISDICTIONEM competere*. Tum hunc: *Satisfieri argumentis, quæ proferri in rem eam ex Conciliis Tridentino, Florentinoque soleant*. (25) Erat igitur de *Jurisdictione* sermo: hoc *opus* disputationis. Jam ita vero, cum sumit, esse, quam Concilium definivit, potestatem *ad eum modum exercendam, qui Canonibus continentur, Conciliisque œcumenicis*; atque iterum, *Primatum talem retinendum, qualis est in actis Conciliorum œcumenicorum, & in sacris Canonibus assertus reperitur*: quid voluit? Sunt enim ambigua & intellectum duplicem habere possunt. Primum sic ea accipio, non ut contemnere fas sit Pontifici, quæ a Majoribus & Oecumenicis Conciliis sunt statuta salubriter: sed tueri potius illa debeat, & ex eorum præscripto Ecclesiam regere. Atque hoc qui neget, puto hominem non esse. Quid autem fit inde consequens? *Jurisdictione* destitui, & Monitoris tantum (non enim medium est) habere partes curationemque illum? Id enimvero qui colligat, temulentus sit, non sobrius. Siquidem in omnibus fere Rebus publicis atque regnis usu venit, ut tamen si summa sit rerum penes Principem; idem certis tamen, quas *pragmaticas, & fundamentales* vocant, adstringi legibus censeatur. Neque jam, quo nomine Pontifices teneantur, quærimus, quod minime opus est: sed teneri dicimus. Atque adeo ex antiquo hic illis mos fuit, cum inaugurabantur, ut & Conciliorum & sacrorum Canonum se fore vindices, eorumque vim & authoritatem præstituros, Sacramentò sponderent. Quid igitur? *Jurisdictioni*, cum ita agunt, renuntiant? id quidem sequi necesse est ex *Febroniana* jurisprudentia: sed tam est lepidum, ut sine risu cogitari non possit. Neque enim *jurisdictio* est ejus tantum, qui, quod dicit, facit jus: sed etiam illius quam maxime, qui, cum instituta ingreditur Majorum, ex probato, receptoque jure, quod est æquum & consentaneum naturæ atque fini reipublicæ, dispensat in subditos, imperatque ex legum, in quas intrat, norma, tum peccantes ex earundem præscripto legum coercet, & corrigit.

Quod si (qui esse alter potest sensus exceptionis, & secundo loco inquitur) Primatus talis est retinendus ex *Florentinorum* Patrum sententia, qualem Concilia, & Canones docent de voluntate, institutoque CHRISTI Romano Pontifici competere: docent igitur profecto Concilia, docent

Ca-

Canones Primatum illi eundem competere, quem adscripsit Synodus. Ar is pascendi, regendi, & gubernandi universalem Ecclesiam potestas plena dicitur. Quare plenam hanc ipsam potestatem Concilia necesse est, & Canones doceant. Jurisdictionem igitur docent: plena enim potestas, & illa pascendi quidem, regendi & gubernandi sine jurisdictione informari animo non potest. Sic quocunque se vertat, tenemus hominem: ubique cæcitas, ubique ignavia. Sed quod sequitur nemo bonus ei condonet.

IV. Scribit ita. *His de seipsis sat luculentis* (quorum commiseratione nos scilicet jam ducebamur) *tria adhuc momenta subjungenda veniunt: primum, quod ipso agnoscente BELLARMINO Libro II. de Conciliis c. 13. Concilium FLORENTINUM non ita expresse hæc definierit: Alterum, quod Patres Concilii Tridentini nullatenus crediderint, Capitalem illam questionem, quam hic tractamus, quæque tam fervide in eodem Concilio agitata fuit, in FLORENTINO favore Papæ fuisse decisam.* (26) Hæreamus heic; nam de tertio postea. Volo deceptorem se ille fateatur; idque annuendo si minus faciat, silentio ac pudore vincam, ut faciat. Age tu! quæro tria abs te vicissim. Quænam illa sunt, quæ a BELLARMINO non ita expresse in *Florentino Concilio* definita esse dicuntur? Quænam quæstio est ea Capitalis in *Tridentino*, ut ais, agitata tam fervide? tandem tu ipse quid agebas toto eo paragrapho? quid disputabas? quid & contra quem pugnas toto libro? Duo, cum de Pontifice sermo est, in quæstionem adducuntur. Alterum an *jurisdictionem supremam in Ecclesia Dei*, hoc est, in Ecclesias saltem, Christianosque singulos divinitus acceperit? Alterum, an sic eam acceperit, ut cum *adunata & in unum collecta* locum Ecclesia est ipsa tota per *generale Concilium*; etiamnum superior sit ea Pontifex, nec ab illa leges teneatur admittere, neque iudicio postulari possit? — Qui vagire desiit, capit, quantum interfit inter duo hæc capita. Est autem primum in iis positum rebus, quas *Catholica fide* jubemur credere; sed alterum *adialogum* est, & in utramque partem disceptatur impune: a Gallis quidem, qui minorem esse Pontificis, quam Generalis Concilii potestatem censent, ab Italis vero & Germanis, teste Clrmo BARTHELIO, (27) tum ab Hispanis Lusitanisque, & aliis nationibus, a quibus pro Pontifice fuit hætenus dimicatum. Jam BELLARMINUS, qui de priore peculiari libro adversus Hæreticos scripserat: subin in altero, qui de Conciliis est, libro secundam pertractat quæstionem: estque Capitis tertii decimi talis ab eo facta inscriptio:

c c c 3

an

an Concilium sit supra Pontificem? Tum in originem ingreditur controversiæ, de eaque paucis præfatus sic prosequitur : *Et quamvis in Florentino Concilio videatur quæstio definita : tamen quia Florentinum Concilium non ita expresse hoc definivit, ideo usque ad hanc diem quæstio superest etiam inter Catholicos.* (28) Heus tu nunc ! negabis deceptorem te esse ? negabis magnum & insignem te esse deceptorem, qui prudens sciens deceiveris ? pugnabas contra *TOURNELIUM* : inficiari non potes. Is, ut & *BELLARMINUS* & Theologi omnes, discriminavit quæstiones ambas, & ad illam quidem, quæ fidei est, pro eo ac catholicum decurrit ; ad alteram pro instituto nationis ac scholæ suæ respondit. Res æque certa : nam & tractatum, & quæstionem & articulum citas ipse. Quid agebas ? Catholicam causam cum *TOURNELIUS* ageret & probaret, ut omnes reliqui, ex *Florentina* synodo ; tu hunc aggressus es ; negasti *jurisdictionem* ullam Pontifici competere : & vim Concilii ut declinares, ad *BELLARMINUM* provocasti, atque hoc eum testatus es dicere, *Concilium non ita expresse rem illam definisse.* Quam quæso rem ? utique de qua agebas, quam impugnabas. Atqui mendacium hoc est. Nunquam enim *BELLARMINUS* id dixit : verum discrete ac significanter de ea tantum locutus est quæstione, quam *ἡ δίαφορα* nos esse diximus, & controversi impune, *utrum supra Concilium sit Pontifex?* Ea quippe, tamen si Conclusionem, quod ajunt, Theologica ex Concilii verbis videatur deduci posse : explicate tamen, quemadmodum opus est ad Articulum fidei, declarata & definita a *Florentino* Concilio non fuit. Illa vero prior, utrum in Ecclesias saltem & Christianos singulos *jurisdictionem* tumens Pontifex obtineat, definita tam & gravibus & perspicuis est verbis, ut qui graviora ac magis perspicua desideret, insanire mihi videatur. *Definimus*, inquit synodus, (repetam enim) *definimus S. A. sedem & R. P. Successorem esse B. Petri Principis Apostolorum & verum Christi vicarium, totiusque Ecclesiæ caput & omnium Christianorum Patrem ac Doctorem existere, & ipsi in B. Petro pascendi, regendi & gubernandi universalem Ecclesiam a D. N. J. C. plenam potestatem traditam esse.* Perpende singula, & fer pudorem, si potes. Quam si tu nondum perfidiam fraudemque tuam fateri vis : cedo, ecquid verba igitur *BELLARMINI* corrupisti ? Agnoscente, ais, *Bellarmino, Concilium Florentinum non ita expresse HÆC definivit. Cur HÆC ? HOC scripserat BELLARMINUS : hoc, inquam, unum, Concilium non esse supra Pontificem.* Cur truncasti ? cur abruptisti ?

Com-

Commissum a te par est in altero mendacium. Nunquam enim, si ad Calcem a Capite legas historiam *Tridentini* Concilii, disputatum de *jurisdictione* ostendes, quam in omnes Christianos & Ecclesias *singulas* divinitus Pontifices Maximi acceperunt. Inculcabant perurgebantque hanc Gallii, Itali, Germani, Hispani, nationes, Præsules, Theologi omnes: adjuroque te, homo, ostendas unum, qui inficiendam putaverit. Controversia in duo incumberebat: alterum, si novo res ea Canone definienda contra hæreticos foret, quibus verbis concipiendus is esset, ne quod metuebat LOTHARINGIUS, SORBONÆ factum esse præjudicium, & damnata, quæ Concilium præfert, sententia esse videretur. Alterum Episcopos spectabat. Nam id quærebatur, utrum quemadmodum ordinis, sic & jurisdictionis ii potestatem a CHRISTO proxime, an per Rom. Pontificem accipiant? Quorum qui istud prius contendebant Hispani, ea lege contendebant; nihil ut vellent ipsi detractum jurisdictioni in se Pontificis: sed amplissimam fore illam, ac se huic subiectos testabantur, rationemque addebant, quod hac ipsa sibi conditione ac pacto stipulatam a Christo potestatem suam meminissent, ut continerent se finibus suis, neque obedientiæ, & subjectionis ab se vinculum abdicarent. Idne vero de *Jurisdictione* est summi Pontificis disputare ferveat? hoc retractare *Florentinam* Synodum, & quod ea decedit, non esse decisum putare?

Crederem, non te mentitum esse, si adeo hebetem putare possem, ut in re quæ luce clarior est, ignoratione laberere, verum Hercle, non es lapsus, nisi perfidia. Alioquin probe sciebas, etiamnum in Gallia non nisi CHRISTO tanquam largitori ac fonti citimo jurisdictionem adscribi Episcoporum: qui a tua tamen tantum absunt falsa doctrina, quantum ab Hæretico Catholicus. Quod tu item, nisi omnia neges, non negabis: ac præter alia docere literæ te illæ possunt, quas anno MDCCXXVIII. Cardinales Archiepiscopi & Episcopi de Advocatorum consultatione celebri ediderunt. Quibus cum de eadem potestate hac sua sermonem habent, potestatem adpellant, sed cui ipse *Jesus Christus institutione sua limites posuerit*, potestatem, *quam inferiorem, quam subiectam esse statuerit Petri Sedi, in quo Apostolicæ potestatis plenitudinem collocavit*, idque, ut & *Primum ac Jurisdictionem supremam Pontificis ad fidem ajunt pertinere, qua Catholici sumus*. (29)

Ter-

Tertium ex tribus, quæ ludificandæ immo verò enervandæ ac deridendæ Synodi causa homo malus commentus est, ad versutiam sic est implicatum; ut cum maxime fallat ac data opera lectores suos decipiat, possit non tamen decepisse, sed scripsisse verum videri. Audiamus ut scribar. *Tertium, inquit, est, quod in eadem Tridentina Synodo a Gallis pernegatum fuerit, Florentino inter generalia Concilia locum dandum esse, quippe quod ex quibusdam Italis, & quatuor solum græcis Patriarchis compositum fuit.* Quorsum ista? ut etiamnum in ea sententia versari Galliam bonus lector existimet? Calumniæ est, quam ex instituto repellunt NATALIS ALEXANDER, JUENIN, COLLETUS, (30) cujus, ut nos ipse admonuit defensor FEBRONII, in omnibus prope Tyrociniis Clericorum per Galliam Theologia prælegitur. Neque aliter, quam pro oecumenica eam Synodum laudant TOURNELIUS, DUHAMELIUS, HABERTUS, BOUCATIUS. (31) Sed ANNATUS Catalogum texens Synodorum Generalium, ubi admonet, quarumnam ambigua sit apud multos auctoritas, *Lateranense* V. duntaxat exceptum esse tradit in Gallia. (32) Quibus Anonymus addendus, qui anno MDCCCLVIII. Parisiis Dictionarium edidit Conciliorum, (33) alterque, qui artem, quo sit tempore res quæque gesta, comprobandi, Parisiis Anno MDCCLXX. (34) Quodsi, ut ego minime suspicari possum, voluit hoc ille duntaxat indicare lectori, ab initio & exploratis nondum rebus, quin & Tridentini etiamnum Concilii tempore dubitatum fuisse a quibusdam in Gallia: dixit, quod res est, sed quod ad rem, & quo juvare suam possit hæresin, omnino nihil. Id quippe errore factum, testantur iidem, quos nominavi Gallicani scriptores, atque adeo par fatum subisse Majores suos, atque olim, cum *Nicenam* secundam Synodum errore simili aliquamdiu repudiarunt: Constat de V. etiam Synodo rerum peritis, quam difficilem experta Africam Hispaniamque sit. Quæ res tantum abest, ut auctoritati ambarum detraxerit, ut sit aucta hæc inde potius: neque jam homo sit, quin oecumenicas & in pari censendas gradu cum oecumenicis quibusvis aliis eas existimet. Atque hæc quidem κατ' οἰκονομίαν, & ad hominem, ut ajunt, disputaverim. Alioquin satis intelligo, Conciliorum vim atque auctoritatem divini Spiritus procuratione niti per sese, non Theologorum in-

necti

(30) Natal. Alex. Hist. Eccles. Sæc. XV. Tom. VIII. pag. 584. Juenin Institut. Theol. Tom. I. Diss. IV. Quæst. III. Cap. II. Att. 18. p. 40. §. 3.

(31) Tournel. de Eccles. Quæst. V. p. 61. Duham. de Eccl. Lib. III. p. 733. Habert. Theol. Tom. VII. de Hierarch. Eccl. Cap. IV. §. 3. Boucat. Tom. III. Diss. de Concil. Art. II. p. 359.

(32) In Apparatu. lib. V. Sect. 3. A. 1. (33) P. 246. (34) L'art de verifier les dates p. 234.

necti placitis paucorum; nec ut robur atque gradum suum obtineant, singulorum sic velut mahus prensandas esse.

Tandem ne forte ratio ea quemquam decipiat, quæ est *Tridenti* ab ali-
 quibus mota, constitisse synodum ex quibusdam Italis solum, Græcisque
 quatuor: non est vera hæc. Nihil synodo ad auctoritatem defuit. Nam
 & convocati sunt ad eam terrarum orbis omnes Episcopi. & ut Gallorum
 magis, quam meis rem verbis exprimam, convocati auctoritate legitima,
 sanioris nimirum partis Concilii *Basileensis* ac decreto EUGENII Papæ IV.
 " Debitum quoque habuit Præsidentem, eundem EUGENIUM. Tum universam
 " Ecclesiam repræsentabat: Occidentalis enim illi præfens fuit per EU-
 " GENIUM Papam, Cardinales octo, Episcopos quinquaginta & unum, ac
 " plures tum Abbates, tum ordinum Præpositos Generales, tum Docto-
 " res: Orientalis vero per JOSEPHUM Patriarcham *Constantinopolitanum*,
 " per Vicarios *Alexandrini* & *Antiocheni* Patriarcharum, per BASILIUM Pa-
 " triarcham *Hierosolymitanum*, per plures tum Metropolitanos tum Epif-
 " copos, ipsum etiam JOANNEM PALÆOLOGUM Imperatorem. Tandem
 " quæ in eo definita sunt oecumenicæ sunt fidei, seu Dogmata sunt, quæ
 " Ecclesia Catholica quovis sæculo professa est, & etiam ubique profitemur.
 (35) Quod quidem ultimum a Gallicano profectum calamo ferit jugulum
 Circulatoris nostri. Quid enim mutiet ille porro, quid hiscet? postquam
 est hæresis deprehensus non solum a nobis, sed etiam ab iis, quorum se
 tuebatur præsidio, & quorum integritate abusus est puritateque fidei tam
 impudenter ac sæpius. Sed jam satis de hoc Concilio: puto enim, quæ
 ille luculenta a se posita nominavit, me lutulenta comprobasse, & eum, a
 quo sunt posita, totum luto inquinatum esse perfidiæ. Quo minus vitio
 mihi verti debet, si deinceps omnia hujus fore generis suspicer.

Nec vero temere faciam: ac do in eo hujus rei exemplum, quod DI-
 DACI PAYVÆ testificationem hanc subjicit, *Florentinam* Sola Gallia pro oecu-
 menica nunquam habuit. Quasi quotquot librum erant FEBRONII lecturi,
 continuo quis iste fuerit DIDACUS, quaque ætate scripserit, habere in prom-
 ptu possint? Interest autem omnes hoc nosse: nam scripsit DIDACUS, atque
 adeo absolverat præclarissimum opus suum anno millesimo quingentesimo
 septuagesimo quinto idibus Januarii, quo tempore cum errore etiamnum Gal-
 lia retineretur; quid mirum, si pro oecumenica *Florentinam* Synodum

D d d

non-

nondum receperit. Cæterum addit DIDACUS & multo verissimum est, tot in illa Synodo fuisse de Religione mysteria disputata & conclusa, & tam celebrem Græcorum, Armenorumque adventu extitisse, ut in potissimis Conciliis haberi debeat, atque decima tertia numerari. (36) Sed ut dixi, de Florentino satis.

V. Sequitur *Tridentinum*: nolo enim ex *Lateranensi* sub Papa JULIO allegatum a me quicquam videri; quod neque opus hoc habeam Concilio, neque certare mihi, nisi cum hoste, non autem cum Catholicis propositum sit. Porro perecelebris in *Tridentino* locus est Sess. XIV. de pœnitentia C. 7., ubi declarat Synodus, merito Pontifices Max. pro SUPREMA POTESTATE sibi IN ECCLESIA UNIVERSALI tradita, causas aliquas criminum graviores suo potuisse peculiari iudicio reservare. Qui modice subactus hoc est genere literarum, is statim intelliget, de industria conceptam sic esse declarationem, ne Gallicanæ sententiæ præjudicium aliquod fieret. Hujus enim quasi χαρακτήρ ac tessera est, in *universali* quidem Ecclesia, sed non in *universalem*, h. e. in adunatam, collectamque per generale Concilium supremam potestatem Romano Pontifici adscribere. Quare sive perfidiæ, sive stuporis, utrumvis voles, evidentis certe rursus alterutrius tenemus hominem. Qui ex eo, quod controversiam de Pontificis, Conciliique inter se comparatione, & de Episcopalis ortu potestatis decidere non voluit Synodus, continuo nec *Jurisdictionem* adjudicasse ullam Pontifici collegit, & persuasurum se speravit, perinde velut si orbem terrarum pro musæo, atque omnes homines pro tironibus suis habuisset.

Id adeo ad hunc ipsam, in quo versamur, *Tridentini* locum his verbis repetiit: Sicut Concilium *Tridentinum* studiose cavet, ne primariam illam de summi Pontificis auctoritate questionem (eam scilicet: præstetne Pontifex generali Concilio?) decideret, & immediato Episcoporum juri præjudicium ferret: ita nihil eidem tribuit, quod superiorum Conciliorum hac in parte sanctionibus quidquam superadderet: quemadmodum solide demonstrat N. Alex. (37) Ita est: studiose cavet, & in declaratione quidem hac ipsa de pœnitentia, quam pertractamus. Sed cum maxime cavet, potestatem nihilominus in Ecclesia *universali*, eamque supremam & jurisdictionem pressissimo, h. e. quoniam reddenda est homini vox sua: *Juridico* acceptam sensu Pontifici tribuit sacrosancta Synodus. Secrevit igitur, quod est

(36) De Scrip. sac. Tradit. Q. auctorit. Lib. 2. p. 431. Edit. Colon. 1580.

est fidei catholicæ ab eo, quod controverti in scholis solet: Atque hoc est, quod NATALIS ALEXANDER docuit. Quare qui permiscere & implicare se posse omnia speravit FEBRONIUS, & in ruinam stragemque unam cum controversis dare certissima, catholicamque ipsam fidem cum iis, quæ in disputantium sunt relicta arbitrio: is cui sit gregi adnumerandus, malim ipse de se, aut de eo alius statuatur: nolim enim, quod sentio, scribere.

Sed ecce novum facinus! Cum explicare a Concilii se isto laqueo homo miser non posset, cornicatur, mordetque terram, & cum omnem partem atque exitum tentat, a se ipso sic tandem deseritur: "Cæterum, inquit, quæ ejusdem Concilii sess. XIV. de reservatione certorum graviorum criminum declarantur, ea generaliora sunt, nec exprimunt, a quo & quibus gradibus, ac quoad quas partes suprema hæc potestas Romanæ Præsuli in universa Ecclesia tradita fuerit: nihilque impedit, quo minus credamus, potestatem nonnullorum criminum reservandorum ab ECCLESIA, seu CONCILIO, supremo Pontifici PERMISSAM fuisse." Adpello conscientiam viri: credideritne verum esse, quod scripsit? Nego credidisse: nego potuisse fieri, ut crederet. Quod si credidit tamen; id eum obtestor, momento in seipsum intrèt, atque sibi internæque voci suæ auscultet. Etenim quid tam est insitum nobis a natura, quam magistrorum vulgaris ea præceptio, loquendum sic esse, ut nos omnes intelligant: intelligendum vero sic illum, qui loquitur, in eumque sensum, quo omnes loquuntur? Quæ si ad communem & quotidianam hominum vitam provisâ lex est; quanto ab iis est curanda studiosius, a quorum verbis pendet Respublica? Nam ab his nihil tam alienum esse potest, quam si vel ea nobis significant, quæ ipsi per nos non intelligamus, vel quorum interpretem non nisi post sæculorum habere spatia possimus. PACUIANUS *AMPHION quadrupes tardigrada, agrestis, humilis, aspera, capite brevi, cervice anguina, aspectu truci, eviscerata, inanima cum animali sono, cum dixisset obscurius apud Ciceronem, tum Attici respondent: non intelligimus, nisi aperte dixeris. At ille uno verbo: TESTUDO. Non potueras hoc igitur a principio Cytharista dicere? Atqui obscurius ille tantum ac perplexius locutus fuerat; non falsum aliquid dixerat, alienumque ab humano sensu.*

Revertamur *Tridentum* nunc. Ea synodus cum haberetur; qui *supremam in universali Ecclesia potestatem* Romano esse traditam Pontifici adferebant homines: de qua loquebantur ii, obsecro, potestate? De eane, quam hominum ille beneficio fuisset consecutus? Minime istud quidem: definiverat jam enim Constantiensè Concilium, *Vicarium esse Christi &*

successorem Petri, eoque nomine *suprema in Ecclesia Dei auctoritate* potitum. Idem cum TARENTINUS monuisset, significanterque *non a Conciliis*, sed a CHRISTO potestatem habere summam addidisset, responsum tulit a Basileensibus, pervulgatam esse rem, nec in dubium vocari. Florentinum item: Non eum aliunde, quam a Domino nostro *Iesu Christo*, plenam potestatem adeptum pascendi, regendi & gubernandi universalem Ecclesiam; indeque Caput totius Ecclesiae, & omnium Christianorum Patrem ac Doctorem existere. Neque LUTHERUM, CALVINUMQUE tam re alia offensos scimus, quam quod *divinitus* collata ea potestas diceretur. Quod cum illi quidem pernegarent; tum catholici ea defendebant ratione, uti CHRISTO referendam esse in acceptis contenderent, non Conciliis, non Imperatori, non mortalium ulli. Et in ipsa tandem, quod memini dicere, Tridentina synodo quanta animorum, quanta sententiarum de illa re consensus? ut suapte sponte incitati ad vindicandam definiendamque illam omnes essent, controversiamque qui movendam putaverit, duodeviginti spatio annorum (tot enim duravit propemodum synodus) nemo fuerit.

Quæ cum ita sint, quæ ista, malum! obsecro, novitas, libidoque & licentia insana cavillandi? non de illa, cujus omnium tum mentibus impressa notio ac fides erat; sed de longe dispari locutos potestate sapientissimos Concilii istius Patres putare? Quid? *Non poteratis hoc clarius cytharistæ dicere?* Quidni vos ita, sapientissimi Patres: *Permitti, indulgeri a vobis; permitti, indulgeri a sancta synodo, ut potestatem in Ecclesia supremam: ita reservandorum quoque jus illud criminum graviorum?* Cur in errorem abducti sumus? aut cur interpretem non providistis FEBRONIO similem? Sed absit: non Concilii ista mens fuit. PRO SUPREMA POTESTATE, inquit Patres: ea scilicet, quam *Constantiensis, Florentinaque* synodus definiverant; quam *Basileenses* pervulgatam esse rem dixerant; quam laceffitam ore ac scriptis tuebantur Catholici; de qua Patrum in ipsa synodo nemo dubitabat. Ea autem non humano collata beneficio, sed accepta divinitus credebatur. Quare cum pro hac ipsa *suprema in Ecclesia universali potestate* posse criminum quorundam causas reservare sibi Pontifices, tradit synodus; immo vero non *posse*, sed *potuisse*, etiam sponte arbitrioque suo, ac nullius interventu synodi, quemadmodum fecerant: profecto non adjectitiam hanc esse facultatem ostendit aut Ecclesiae comparatam sumptu; sed *congenitam* Primatui, potestatisque, quam *supremam* nominaverat, fructum, quo spoliari non possit. Quemadmodum cum de Episcopis ita statim subjungit, *dubitandum non esse, quin hoc idem in sua cuique Diœcesi liceat*; & rationem ab auctoritate sumit, quam

quam supra Presbyteros obtinent: non eam precariam intelligit, indulgentiaque vel donatione partam auctoritatem; sed quæ propria Episcopali est statui, nec separari ab eo potest de voluntate & ordinatione CHRISTI. Ita enim Catholici omnes accipiunt. Sed de *Reservatione* alias: nunc pauca ut dicerem, rerum nexus fecit, sed præter institutum: nam de jurisdictione non nisi universe erat disputare propositum.

VI. Ne autem debitor sim, videarque falso, quæ de consensione dixi Patrum in Tridentino Concilio, ac sine teste asseverasse, libet sententias nunc quorundam subnectere, quas quidem talium seligam, ut iis auditis, quid senserint reliqui, dubitari non debeat. Qua in re non PALLAVICINI acquiescam historiæ: nam instabilem hunc esse memini FEBRONIO; sicut COURAYERIUM præ illo commendare malit, infamem & tota Gallia proscriptum ab ordine ac Religione apostatam: sed NICOLAI PSALMEI, egregiæ pietatis nec minoris eruditionis viri testimonium jungam: qui cum *Verdunensis* per eam tempestatem Episcopus esset, interfuit ipsè synodo, comes atque particeps consiliorum CARDINALIS LOTHARINGII, perindeque liber in dicenda sententia. Hic in commentarios ea retulit, quæ præsentē se gesta sunt: ex quibus ista decerpimus. (38)

Anno MDLXII. die 3. mensis Decembris, cum vel maxime de *Episcoporum institutione* ferveret quæstio; & Hispani, quod modo docuimus, nihil magis contenderent, quam a CHRISTO institutos esse ἀποστόλους, ab eoque solo potestatem omnem suam accipere: inter alios FRANCISCUS DELGADO *Lugensis* Episcopus dixit sententiam: Dein ita subjunxit: dici hæc a se, non ut imminuatur propterea auctoritas sanctissimi Pontificis, qui in Ecclesia primatum tenet, & est successor Petri, & Vicarius Christi, prout in Concilio Florentino. Nolo cætera in præsens, sed differam. Tum multa alia dixit in eos, qui adeo laborant in augenda auctoritate summi Pontificis, quam NEMO NEGAT; modo usus non vertatur in abusum: sed OMNIA POTEST, inquit, QUÆCUNQUE EXPEDIUNT PRO UNIVERSALI ECCLESIA in ædificationem, & non in destructionem: sic & Episcopus in regenda sua Ecclesia omnia potest, quæ ad eam gubernandam pertinent. (39) Nihil certius ista sententia: neque nos quidem, cum jurisdictionem vindicamus, plus aliquid volumus. Id quod per decursum hujus operis constabit; nec veremur

d d d 3

(38) Exstant in Monumentis sacræ Antiquit. quæ Anno MDCCXXV. publici juris fecit Carolus Lud. Hugo Abbas Stivagii.

(39) Sacræ Antiqu. Monum. pag. 340.

mur, ne Romanas aures offendamus, quantumvis delicatas eas FEBRONIUS fecerit.

A meridie JACOBUS GIBERTUS DE NOGUERAS *Aliphanus Episcopus* dixit sententiam, & ille quidem acerbius, sed eo tantum, ut Episcopalis potestatis originem divinam faceret, non ut jurisdictionem Pontificis demeret. Cujus argumentum est, quoniam ita PETRUM institutum esse aiebat a CHRISTO, uti aliis *præisset ad conservandam unitatem, & vitandum schisma.* (40) Quæ res ne intelligi quidem sine jurisdictione potest, ut statim doceo. Refert eandem vero orationem fideliter PALLAVICINUS, aliamque insuper, quam in superiorum ille conventuum aliquo de eodem argumento habuerat: in qua inter cætera, *verba*: PASCE OVES MEAS, non fuisse soli PETRO dicta, sed reliquis etiam Apostolis, contendebat ex quorundam Patrum testimoniis: tum vero *Christum fuisse locutum cum Petro una cum reliquis, quo ostenderet, eam auctoritatem in reliquis etiam persitutam; sed cum eo solo postea locutum, quo significaret; licere ipsi SINE RELIQUIS exercere.* (41) Quid jurisdictionem est dare Pontifici, si hoc non est? Spectat enim tria ALIPHANUS: primum, potestatem quidem omnem Episcopis, ut & Apostolis, fuisse datam a solo CHRISTO, sed ea lege, ut in corpus, Ecclesiamque & rempublicam unam concedant cum Capite: alterum; ut pendeant certa quadam ratione & comiter in exequenda hac sua potestate ab illo ipsomet capite: dein hoc tertium; non sic vicissim in eadem exequenda potestate ab Episcopis pendere summum Pontificem; sed posse solum hunc & in Ecclesia universa, & in Dicecesibus singulis, quod Episcopi possunt: det operam modo, ne Vicarios velle facere Episcopos videatur, disponereque de eorum potestate velut de re sua, perinde tanquam veri iidem, & ab ipsomet CHRISTO, constituti Ecclesiæ Principes non essent. Addit PALLAVICINUS, GUERRERUM, cum in eadem esset ipse sententia, Hispanorum suorum nomine professum, *gravissimæ sibi contumeliæ verti, quod a quibusdam idcirco notarentur modicæ fidei in Apostolicam Sedem: in hoc se nemini concedere & ad firmissimum fidelitatis suæ argumentum sibi probari, ut poneretur in Canone, Episcopos jure divino subiectos esse Romano Pontifici, & ad ipsi parendum obstrictos.* (42) Neque alia cæterorum nationis istius inclytæ Episcoporum suffragatio fuit.

Cardinalis LOTHARINGIUS die quarta Decembris a meridie solus dixit sen-

(40) Ibid. p. 341.

(41) Lib. XIX. Cap. V. N. 11.

(42) Pſal. p. 341.

sententiam. Ejus summa capita refert PSALMÆUS, interque cætera *Primum Petri indubitatis scripturæ testimoniis*, non Decretalibus ISIDORI confirmasse ait. Tum auctorem fuisse Patribus, *tanto magis in augendum, stabilendum, confirmandumque illum, incumberent, quanto magis ad unitatem servandam, & stabilendam conatus omnes sui debeant tendere; adversarii vero expugnare eum nitantur, ut totum postea Ordinem Ecclesiasticum confundant.* (43) Quæ sunt omnia apud PALLAVICINUM quoque, sed fusius. Ex illo quoniam Monarchiæ tam invisum FEBRONIO nomen est, libet pauca hæc addere: *Ecclesia, inquit Cardinalis, facultatem non habet efficiendi, ut non regatur a Romano Pontifice, & ab Episcopis; neque constituendi sibi Aristocratiam, aut Democratiam; sed regi necesse est per Monarchiam a Pontifice universali, & ab Episcopis particularibus.* (44) Testatur uterque, petiisse Lotharingium, peculiarem Canonem constitui, *quo anathemate feriretur, qui negaret, Petrum esse unum, & summum Christi in terris Vicarium, & Papam successorem Petri.* (45) seu, ut verba ipsa sunt apud PALLAVICINUM, " qui diceret, PETRUM ex institutione Christi primum inter " Apostolos non fuisse, summumque ipsius Vicarium, nec necesse esse, " unum esse supremum Pontificem PETRI successorem, eique parem in " auctoritate regendi, atque in Romana Sede ejus successores ad hoc us- " que tempus non habuisse Jus Primatus in Ecclesia. „ (46) Cælites boni! quid istud monstri? *Vicarius CHRISTI, summus, supremus, unicus in universali Ecclesia, sed jurisdictionis expertus?* Atqui Cardinalis hic ille est, idem ille, qui in omnes voces erat intentus, nequa irreperet, qua Concilium postpositum esse summo Pontifici, videri posset.

Secutus PSALMÆUS die 5. Decembris. Atque is, " certe, inquit, ut " ingenue fatear, quod sentio, illa quæstio, quæ multorum Patrum inge- " nia exercuit & torsit: Num Episcopi sint jure divino a CHRISTO institu- " ti immediate, non tantum quoad potestatem ordinis, sed etiam omni- " modam jurisdictionem? me non parum commovit; quodque eo nomi- " ne semper habui exosum, quod Sanctissimi Domini Papæ primariam il- " lam & plenariam auctoritatem, & dignitatis Pontificiæ fastigium videretur in dubium nonnihil revocare, aut imminuere: Sed hujus quæstionis veritatem Illustrissimus Cardinalis (De LOTHARINGIO loquitur) " pro sua " incomparabili doctrina tam validis & irrefragabilibus scripturæ testimo- " niis

(43) Psal. Monum. l. c. (44) Pallav. Hist. Lib. cit. Cap. 6. N. 2. (45) Psal. l. c. (46) Pallav. Hist. L. cit. N. 4.

" niis firmam, munitam & stabilitam ostendit, ut exactissimæ illius senten-
 " tiæ mihi per omnia subscribendum potius esse putaverim, quam rem
 " actam agendo, tempus frustra terere". Tum paulo inferius: "Omni-
 " no necessarium esse existimo, ut præscriptis ab eodem Cardinali verbis
 " adjiciatur Canon *de Primatu Petri* & plenitudine potestatis Sanctissimi
 " Domini Papæ, quam habet in universas totius Ecclesiæ Catholicæ oves,
 " ut universalis Ecclesiæ auctoritate, Ecclesiomastigum hæreticorum im-
 " probitatem retundamus, eorumque technas & consilia dissipemus, quo-
 " rum conatus & vires omnes tendunt, & in hoc mutuo inter se conveni-
 " unt, ut Monarchiam Papalem, supremamque ejus auctoritatem funditus
 " evertant, & jacto suæ impietatis fundamento, Hierarchiam Ecclesiasti-
 " cam, veluti castrorum aciem ordinatissimam, minori negotio e medio
 " tollant, Ecclesiam primo sine Papa constituent, & deinceps sine Episco-
 " po, sine sacerdote, sine sacrificio, sine lege, &, quod omnis blasphem-
 " iæ & impietatis est caput, sine Deo. (47)

Hæc ille & plura de hoc argumento. Qui mihi quidem vir præstantis-
 simus præfagationem inclusam habuisse animo videtur cunctarum rerum,
 quas eventus subinde docuit. Sunt enim omnia consecuta: non eorum
 quidem universa consiliis, qui tum Ecclesiam infestabant, sed aliorum, qui
 post scissionem illam fatalem velut novæ viperæ ex maternorum laterum
 corrosione, Dei, religionisque omnis hostes ac derisores exitire.

Tandem ut nihil dissimulem, dixit eodem die FRANCISCUS BELCARIUS,
Metensis Episcopus, sed ita, inquit PSALMEUS, "ut visus sit paulo acerbior
 in obscuranda & extenuanda auctoritate Pontificia. (48) Quæ etiam cau-
 sa fuit, ut ipsius LOTHARINGII, Gallorumque duodecim Episcoporum re-
 prehensionem insurrerit. Quid igitur? *monitorem* forte summum Pon-
 tificem fecit? *Jurisdictione* privavit? Minime istud quidem: sed hoc adse-
 ruit, ab initio non Oecumenicum, sed primæ sedis Episcopum nomina-
 ri consueisse. Quo hoc indicabat, non esse solum illum in Ecclesia univer-
 sa Episcopum; quemadmodum id velle sibi nonnulli videantur, qui *fun-
 ctionem sic quasi accommodatam & precariam ab eo Episcopis putent concedi*.
 Ab Episcopis munus proprium, non a Pontifice delegatum obtineri. De-
 inde plenitudine potestatis idem sibi videri dixit, quod a CHRYSOSTOMO de
 plenitudine gratiæ alicubi traditum est, aliam fuisse hujusmodi plenitudinem
 in

in CHRISTO, aliam in VIRGINE, aliam in Apostolis, aliam in aliis Sanctis pro varietate recipientium. Ita pariter plenitudinem potestatis etiam in summo Pontifice suis esse cancellis limitatam. (49)

Ex his patet, quantacunque fortassis acrimonia hic causam suam egerit Episcopus; a *Febroniana*, id est, hæretica conspersione quam longissime abfuisse. Non enim ludum ille profecto Pontificem fecit; non jurisdictionem abstulit: sed in eadem cum HOGUERA recubuit atque hæsit sententia, esse variam plenitudinem potestatis, & uniuscujusque accommodatam capiti: sic ut, cum sit sua Pontifici Maximo, eaque amplior; tum & Episcopis maneat sua: quam ii minime quasi precariam a Pontifice, sed a CHRISTO propriam accipiant, subjectam tamen & devinctam Pontifici. Sed in hanc ille disputationem errore inductus esse mihi videtur: neque enim credere possum, fuisse in ea Synodo Episcopos, qui se precariam obire functionem duntaxat, non propriam, neque Ecclesiæ veros se esse Principes existimaverint. Utcunque sit, dicam de hoc alias. Quod præsentis est instituti; demonstraturum me esse receperam, nihil alienum magis a veritate, nihil iniquius, nihil malitiosius potuisse fingi a quoquam; quam quod est ita a FEBRONIO positum, in *Tridentino* Concilio de *Jurisdictione* fuisse disputatum summi Pontificis: tribuendane hæc illi sit? an tollenda penitus? Id enim adseruit, ut est ostensum: neque hic modo, sed in initio statim sui operis, credo, ut cum nuspian constat sibi ac dictis suis, in fallendo, saltem decipiendoque constaret. Atqui si cui scintilla micat sani judicii, videt is, rem esse falsissimam. Disputatum est enim, non nego: sed utrum impertiat Jurisdictionem Episcopis, non utrum ipse sit ea præditus? utrum Conciliis sit idem potior, non an Episcopis, provinciisque singulis jus dicat? Quæ diversissima sunt ambo, & cum in controversiam cadant prima; duo proxima pro exploratissimis habebantur a Patribus; contentio de iis nunquam mota est, ac ne tentata quidem.

§. IV.

Jurisdictionis hujus necessitas demonstratur.

I. ET vero quem tam male paratum fuisse suspirabimur in illo confesso a traditionis ac rationis præsidii, uti rem tot & veterum obvallatam

E e e

fuf-

fuffragiis, & ex fine ipso constituendi in Ecclesia Primatus tam necessario & evidenti pendentem nexu non viderit? Est enim, ut accommode PsAL-
 MÆUS dixit, Ecclesiastica Hierarchia velut *castrorum ordinatissima acie*, non
 propter ordinum modo, officiorumque in illa varietatem, sed eo maxime,
 quod sit UNA: qualis cum esse desierit, neque acies omnino est, neque
 Majestatem aut vires retinet, sed in palantes greges dispescitur, incendia-
 riorumque & latronum manipulos. Jam hujus unitatis in Rom. Ecclesia
 & illius Antistite collocavit centrum Dominus CHRISTUS. Hoc tam & mul-
 ta & luculenta sunt, quæ persuadeant, testimonia, ut qui reluctari velit,
 quidvis ille, non indolem bonam, non mentem sanam præ se ferat. Qua-
 re hæc repetantur, ut sunt producta a nobis, & cum seorsim pleraque,
 tum universa in unum collata cumulum retractentur, quæ ab IRENÆO, TER-
 TULLIANOQUE orsi, per consequentes ætates longa serie protulimus. Mi-
 rum, jurisdictionem non ea pariter evincere; cum id maxime probent,
 Ecclesiam esse CHRISTI non posse, quæ Romanæ sedis & illius Episcopo co-
 pulata non fuerit! Etenim ita prorsus habendum est: qui *unitatis* causa Pri-
 matum institutum esse concedit, & *divino* quidem, non humano institu-
 tum consilio; sed jurisdictionis expertem ac vacuum; delirare hunc, nec
 paulo melius sapere, ac si parallela, & pari divortio distantes lineas in com-
 mune punctum conaretur adigere: quod est τῶν ἀδυνάτων ἀδυνατώτατον.
 Atque

II. Ut FEBRONII demonstramus exemplo, quod est alioquin evidentissi-
 mum, fingamus esse, quemadmodum id principi Jurisconsultorum pla-
 cuit: ac *monitoris* contentus munere Romanus sit Pontifex, non *jurisdi-*
ctione, non *potestate* præditus (nam uniusmodi sunt ista duo, sicut Græcis
 etiam τα ἀνδεύειν & ἐξουιάζειν) quid ad unitatem, amabo, conferet?
 Quid? Moliatur, ecce; res novas aliqua Provincia: quid ille faciet? Re-
 scribetne exemplo STEPHANI: *Nihil innovandum, nisi quod traditum est?*
 Erit liberum Episcopis, quid velint, agere. Nec enim parendum est illi,
 qui imperare non potest; imperare autem in republica non potest, qui Ju-
 risdictione destituitur. Qua quidem in re CYPRIANI tuebuntur se ii exem-
 plo, FEBRONIQUE commentationibus præclaris illis, quæ extant in sexti
 capitis nono paragrapho. "Si Papa, inquit, imitatus Stephanum, de
 " Episcopatus sui loco gloriatur, & se successionem Petri tenere contendit,
 " agit, quod eo jamtum ævo in reprehensionem venit. Jamtum enim *sub*
 " *obtentu cathedræ Petri* a Rom. Pontificibus amplius aliquid prætentum est
 " juris, quam ab aliis Ecclesiis & dignissimis illarum Rectoribus agnitum
 " concessumque fuerit. Quis Episcopum Episcoporum Papam constituit?

" Ha-

” Habet omnis Episcopus pro licentia libertatis & potestatis suæ arbitrium
 ” proprium; judicari ab alio non potest, cum nec ipse possit alterum judi-
 ” care. Hæc, inquam, respondebunt illi: sic eludent, sic contemnent,
 & auctore quidem non alio, quam eodem, qui Primatus se jactat vindi-
 cem, JUSTINO FEBRONIO. Est enim hujus præclarus atque elegans ille
 commentarius de primorum Pontificum arrogantia: nec CYPRIANI modo
 is dictum ad STEPHANUM invidiose transtulit (quamvis falso hoc quidem, ut
 ostendam postea) sed laudavit, commendavit, illustravit, & characterum
 etiam, ut solet, adhibito discrimine inculcata hæc voluit Lectori, *Cypria-
 num non tantum justitiæ, sed quam maxime POTESTATIS in Stephano defe-
 ctum incusare, dum quærit* (quasi si quæsierit) *quis eum EPISCOPUM EPIS-
 COPORUM constituerit, id est, talem, qui valeat Episcopis PRÆCIPERE.* (50)

Ecquid faciet igitur Pontifex? Excommunicationem comminabitur?
 Pro piaculum! scelus! facinus! quæ est enim ista justitia? sed comine-
 tur tamen, sed infligat: quid tum istud mali erit? subtrahet ille literas su-
 as: hæc enim tota est ratio excommunicandi JUSTINO FEBRONIO. (51) Ne-
 que coercitionis aut pænæ alicujus vim literarum ea habebit recusatio: si-
 quidem pœnam infligere, qui jurisdictione & præcipiendi destitutus est
 facultate, non potest. Faciet igitur, quod quivis alius in quemcunque
 etiam non subditum sibi Episcopum potest Episcopus, ut a communione se
 illius abstineat. Nam FEBRONII est ea rursus, deque instituto & planissi-
 mis explanata verbis doctrina. (52)

Ex qua fit consequens, cum vindictam hujuscemodi aut intentant aut
 sumunt Rom. Pontifices, non eam pluris, quam quanti ratio cuique sua
 faciendam persuaserit, debere fieri. Quemadmodum quod sub stylum ita
 cadit exemplum, cum EPIPHANIUS Constantinopolim Salamina veniens &
 existimatione imbutus falsâ, ab CHRYSOSTOMO & Ecclesia se illius sejunxit;
 poterat CHRYSOSTOMUS, quanti vellet, secessionem hanc ducere: neque
 minus idcirco aut Episcopus aut sanctus erat, quod collegam hospitem ha-
 bere non posset.

III. Atque utne schismatis quempiam periculum, aut labes moveat;
 est etiam huic præclare cautum ab Jurisconsulto. Negat periculum esse:
 quid ita vero? quoniam schismatis non est accusandus, qui ei, a quo im-
 perari

e e e 2

perari sibi non potest, non obtemperat. Non est autem *Episcopus Episcoporum* Romanus Antistes, nec potest præcipere. Quocirca cum hanc arrogat sibi præter jus omne, ac fas potestatem; deflectit ad se se totam invidiam, atque id ei dicetur, quod a FIRMILIANO dictum STEPHANO Jurisconsultus laudat: *Excidisti te ipsum, nolite fallere. Siquidem ille est vere Schismaticus, qui se a Communione Ecclesiasticæ unitatis apostatam fecerit; non qui sententiæ inhæret suæ, sic, ut vim nemini inferat, patienterque ac leniter charitatem servet animi, honorem Collegii, dilectionis vinculum, concordiam Sacerdotii.* Quæ CYPRIANI ad JUBAJANUM sunt verba. Et commendat exemplum istud FEBRONIUS, ubi docet, nec invidiam schismaticis, nec censurarum Romanarum fulmina metuenda esse. O præclarum, nisi me omnia fallunt, præsidium unitatis; dignum Hercule, quod non alius, quam JESUS CHRISTUS designarit. Scilicet hæc FEBRONIO debemus monstra: quæ si invidiosius a me quispiam pingi, contraque ac ille senserit, putet; legat ipse: Vadimonium obeo; nihil scripsi, quod planissimis non verbis tradiderit. (53)

IV. Sed pergamus! sit, qui officii neglecti, sacrorumque Canonum violatorum reus postuletur: quid ager Pontifex? commonebit? decet hoc eum, qui est primus in *Societate æqualium*: sed ut commoneat, non ut imperet. Non enim *Episcoporum Episcopus* est (repetamus hæc) neque præcipere, nisi subditis tantum suis potest, id est, Romano Clero, populoque. Moneat igitur! sed constat profecto, quantum *monitorem* inter, atque eum, qui cum jurisdictione præest, jubendique, ac vetandi potestatem habet, intersit: cum obtemperandum sit huic, ille tantum audiendus. Quid, si frustra igitur commoneat? quid, si *Febronianum* id ei reddatur; æqualis esse potestatis, ac jurisdictionis omnes Episcopos, & *Episcopatum unum esse in Ecclesia*, cujus administratio peræque ad singulos *pro indivisa* pertineat? Næ id vero lepidissimum, quod provinciali Concilio denuntiandum esse, homo perspicax moneat! quasi qui jurisdictione caret omni, neque præcipere Episcopis potest, possit idem ad Concilium habendum nihilominus Provinciæ Episcopos cogere? quæ sunt pugnantia, & se mutuo destruunt Nunquam igitur fiet Synodus: aut si fiat; coibunt sponte, ac voluntate tantum sua Episcopi; non causa Pontificis, nisi forte cum id honori dandum videbitur; quem sedium ordo, aut qualiscunque majorum probata usibus ratio ei conciliavit. Quodsi ut CYPRIANO factum, Pro-

Provinciarum pars multo potior suo Primati adhærescat, quid? NESTORIUM hominem improbum, atque nefarium Orientales defendebant plerique, & Augustus ipse THEODOSIUS. Idem pro EUTYCHE, DIOSCOROQUE quid molitus non fuit? quid pro utroque Alexandrini, atque Ægyptii? quid pro semiviro, & prædone PHOTIO BASILIUS? . . . Sunt quamplurima hujus generis in vetustate exempla. Quæ si rarius in Occidentem invaserint; jurisdictionis, & obedientiæ fecit nexus, qui caput membris tanquam ex propinquo magis colligabat. Tolle hunc, quid in *Monitore ad unitatem* præsidii? Nisi forte hoc magnum, atque egregium sit, quod generalis etiamnum restet convocanda Synodus, & ad illam adplicare se Monitor, vindictamque ab ea petere suæ contemptæ admonitionis possit? Sed quis convocabit? Scilicet is, qui jurisdictione caret, & cujus despiciere omnes jussa possunt, ac posthabere? Hic tot terrarum disjunctos spatii Episcopos, tantaque in Principum, ac ditionum varietate positos, ac tanto cum sumptu, ac labore excitos Sedibus suis ad Concilium coget? Quis heic conflictum, & ruinam judicii non videt? Dixisset aliquid homo perspicax, si quemadmodum in Venetorum est republica Senatus; sic in Ecclesia Concilium quoddam stabile, ac perpetuum foret: verum hoc etiam pacto in alia incurrisset duo, velut ex charybdi in scyllam, quam evitare nequisset. Nam & Ecclesiam, a qua neglectum tam est præclarum illud, divinumque consilium toto mille, septingentorumque annorum spatio damnasset locordix, ac gravissimi sceleris: & hoc uno destruxisset, quod ipse sumpsit, concessitque, ac posuit, *Primum unitatis causa fuisse institutum a Christo, & hujus centrum, atque apicem in summo Pontifice, & Romana Ecclesia collocatum*. . . . Horum enim neque primum, neque alterum verum foret; sed utrumque falsissimum. Quippe cum in Senatum hoc modo, Conciliumque, quod ita ponitur, fixum, ac stabile universa confluerent, & eo solo neclerentur Provinciæ, & Episcopatus: hoc utique solum etiam centrum Christianæ reipublicæ dici deberet: Pontifice vero perinde, ac quovis alio careri posset.

V. Ad summam, quid volumus, aut quam in partem nunc tandem divertimus, Catholicamne? ut & *unam* esse Ecclesiam CHRISTI credamus, & colligendæ, discernendæ, conservandæ hujus unitatis causa designatum a CHRISTO ducem, vexillumque: aut vero inficiamur ista omnia, & cum JURIEO, PUFFENDORFIO, Libertinisque reliquis Ecclesiam stabulum, & collusionem facimus omnium sectarum? Hoc si postremum; ingemiscam apud me; non autem repetam, quæ contra hanc perniciem, & insanam pestem copiosissime disputavi. Sin primum; profecto nobiscum ipsis

non sumus, si etiamnum, an jurisdictione sit ille præditus Dux aspectabilis, in quæstionem adduci patimur: tam perspicua ex sese res est, & tam parum intelligi sine jurisdictione verissimi, ac proprii nominis potest.

Atque huc HIERONYMI ea adduci debet ex dialogo adversus Luciferianos detrita sententia: *Ecclesiæ salus in summi Sacerdotis dignitate pendet; cui si non quædam exors, & ab omnibus eminens detur potestas; tot in Ecclesiis efficientur Schismata, quot Sacerdotes.* Quæ sunt de singulis ab eo dicta fidelium, sacerdotumque cæribus. Quanto potius igitur de universali; infinitaque propemodum, & ex innumeris conflata cæribus Ecclesia, siquid sapimus, dici debent? de qua idem sic alibi HIERONYMUS: *Inter duodecim unus Petrus eligitur, ut Capite constituto, Schismatis collatur occasio.* Nisi forte minoris esse negotii putemus, aut minus ἀδυνατον, Ecclesiarum tot millia ne a se diffuuant separenturque, sine imperio, ac jurisdictione facere, quam procurare, ut vel unius Provinciæ Clerus, ac populus nullius præcipuæ reverentia potestatis devinctus, in compage maneat?

Hanc exortem, & ab omnibus eminentem Pontificis Romani potestatem tam copiosis ad se radiis allapsam vidit vir ætate nostra doctissimus, ut probandam argumentis vix esse putaverit: adeo colligatam videri illam ex sese cum Primatus instituendi fine, ac scopo. Qui sic etiam verbis disertis: *erat, inquit, necesse, ut mortuo sancto Petro princeps in Ecclesia esset, qui fidelibus omnibus non solum AUCTORITATE SUADENDI (audiat hoc, gloriaturque deinceps probari Vindobonæ suas ineptias ὁ Θεολεκτης argutarumque, & vocabulorum legulus) non auctoritate, inquit; suadendi, sed etiam JUBENDI POTESTATE præesset, & dissensiones dirimeret.* Tum inferius: *est autem potestas clavium S. Petri successoribus a Christo tradita amplior, quam ut angustis Conciliorum limitibus coarctari queat; Poscit enim Ecclesiæ per universum orbem dispersæ natura, & indoles, ac unitatis in Cathedra Petri tanquam centro stabilitæ, ac perpetuo conservandæ nexus, & ratio, ut detur potestas regendi Ecclesiam sine Conciliorum ambagibus exercenda.* (54) Quamobrem, ut, quod res est, concludam, ac dicam libere: nimis profecto plumbea Pacificatoris nostri subtilitas ista fuit, cum, ut ne nihil rei catholicæ detulisse videri posset, asseverare utrumque cum catholicis non dubitavit, & primatum esse in Ecclesia non humano, sed di-

vino

(54) Cl. Riegger Introd. in Jus Eccles. pag. 21. seqq.

vino constitutum consilio, & hujus causam instituendi unitatem fuisse, compagemque corporis. Sed ego, tametsi per Deum, ac divos cœlites juret, adseverari a se ista serio, non credam, nec mihi eripi, quod LUSIENSES de eo eruditi scripserunt, patiar. Scripserunt autem: cum de ple-
risque haud difficulter secum conveniat: retinuisse tamen nonnulla, quæ Pontificiam superstitionem videantur sapere: sed dixisse plura fortassis, de quibus liberius *cogitare duxerit, quam scribere, memorem paræmiæ, rara temporum felicitas. ubi scribere, quæ velis, & quæ sentias, dicere liceat*: hoc est, cum pessima dixerit, deteriora animo oculuisse. Quod ut tam præfracte, ac confidenter pronuntiare non verear, facit non mendax solum a me hominis comperta indoles, de qua est Tullii istud vulgatum, *qui mentiri solent, pejerare & illos consuesse*: sed ea res maxime, quod, quemadmodum includi in eodem animo tam pugnantes possint, contrariæque sententiæ, minime adsequar. *Primatus! Primatus* non ab homine, sed a CHRISTO manans, qui nihil, nisi quod magnum, atque præcipuum & auctore dignum se, sapientiaque sua in Ecclesiam contulit: *Primatus* UNITATIS constitutus bono: quod est, ut in corpus Ecclesiæ singulæ tanquam ex articulis majora membra concedant, secernaturque hac ex ipsa compage, & membrorum atque capitis inter se nexu Dei civitas: hujusmodi, inquam, Primatus, sed inermis, sed vacuus, sed jubendi, coercendique destitutus potestate: Bone Deus, quam turpe, quam immane monstrum!

VI. Venit in mentem heic mihi, quod a MELANCHTONE esse scriptum reperio in epistola quadam de Ecclesiæ dissensionibus anno MDXXXV, quam refert Gallice BOSSUETIUS in quinto libro *Historiæ variationum*. (55) Latine vero JACOBUS GORDON Controversia secunda de Ecclesia. (56)

Quod ad articulum, inquit, attinet de superioritate Pontificia, & Episcoporum auctoritate, non est dissensio, & facile possunt retinere auctoritatem suam Romanus Pontifex, & cæteri Episcopi, & ut maxime si nulli essent Episcopi, tamen creari tales oporteret. Prodesset etiam Monarchia R. Pontificis, ut doctrinæ consensus retineretur in multis communitatibus. Idem MELANCHTON cum in conventu Smalcaldico disceptaretur ab ejus sectæ rheologis, an Coneilio, quod Romanus Pontifex suis auspiciis convocasset, acquiescendum foret? acquiescendum omnino esse respondit: alioquin

quin finem schismatis sperari non posse, sed *æternas fore factiones*: quamvis, quod in Lutheri, suorumque addebat gratiam, *Ecclesiastico duntaxat jure* non divino Romanis Pontificibus ista conveniant. (57) *Malum!* exclamat BOSSUETIUS. *Primatum igitur, quem experientia edoctus, vidit tam esse necessarium Ecclesiæ, non dignissimum hunc item vidit, quem per sese CHRISTUS, præceptoque & auctoritate sua stabilierit? Neque hoc etiam advertit, rem, quæ quovis sæculo observata in Ecclesia fuit, non aliunde, quam ab auctore, fundatoreque CHRISTO provenire posse?* (58) Quæ sunt aptissime ab immortali hoc viro dicta: sed nos iisdem, mutatisque paucis FEBRONIUM premimus; & valentius quidem hunc, quoniam ut est larva saltem ab illo adsumpta, fatetur divinam esse Primatus originem. Quare faciamus, quod finxit, verum esse, & a CHRISTO non nisi adumbratio sit facta quædam alicujus Primatus, sed inermis, ac nudi: quid? Ecclesia ipsa siquidem majestatem sustinere corporis, rei que publicæ in Concilio-
rum tanta difficultate vellet, an non usu saltem, experientiaque adaucta JURISDICTIONEM adjiceret? Non jubendi, quæ in commune prosint, potestatem? non puniendi, coercendique jus? puniendi, inquam; quod literarum non sit interrupto commercio, quæ res sperni secure potest, sed pœnis verissimis, & quarum est metus ad continendos in officio homines idoneus.

Jam & de legibus apposite est illud a CICERONE dictum, in unius boni, ac justi viri quasi locum eas, ac vicem esse substitutas, inventasque, ut *cum omnibus semper una, atque eadem voce loquantur*: Huic autem, quid tam inimicum esse potest, quam multitudo interpretum, & arbitrorum? Quare minime dubitandum, quin est Ecclesia necessitate, fatoque ipso compulsâ rerum humanarum, suos uni potissimum tuendos, ac defendendos Canones, relaxandosque moderate, ac sobrie, & divinam ipsam cum auctoritate interpretandam legem creditura esset: ne si singulis permitteret Episcopis omnia, hi quo plures sunt, eo & vulnera fierent legum frequentiora, & disciplina contemptior. Qua in re FEBRONIANORUM est profecto Philosophia ridicula. Negant ista omnia in unius potestate esse oportere:

(57) *Variat. l. c. N. XXV. seq.*

(58) *Ib. N. XXVII. p. 207.* Malheureux de ne pas voir qu'une Primauté, que l'expérience lui montrait si nécessaire à l'Eglise, meritoit bien d'être instituée par Jésus-Christ, & que d'ailleurs une chose, qu'on trouve établie dans tout les siècles, ne pouvoit venir que de lui!

tere: quid ita vero? quoniam deceptoribus, inquirunt, & circumventioni pater. Atqui *οὐ τοῦλοι*? non videtis, quo ipsi plures in Ecclesia summos, æqualesque facitis, eo & deceptores induci plures a vobis, occasionesque, & spacia circumveniendi? Habet hoc etiam potestas unius, quod cum omnium in eum conversi, intentique sunt oculi; tametsi optimus alioquin ipse non foret, verecundia certe retineatur, ne in publicum malus sit. Præsertim cum *Principes* iidem sunt, quibus præest, quos neque servos potest facere, neque sic unquam contemnere, ut non querelis eorum, cum iustæ sunt, moveatur. Ea vero res diligentiam profecto exacuet. Quare & florem sibi circumdabit virorum prudentum, ac doctissimorum, & in ipsis optimis suspectos habere non desinet. Quodsi nihilominus, ut est conditio rerum humanarum, circumventioni præcludi aditus omnis non potest: quæso in æqualium tam ingenti multitudine sperare hoc quisquam volet, & sanus erit? Heic enimvero nihil gratiæ, nihil ministris, nihil adulatoribus dabitur? nec id unquam, immo non frequenter, ac multo sæpius continget, quod in *ludo Nævii* apud CICERONEM, ubi percontanti, ecquæ res publica amissa esset tam cito? responderetur: *Proveniebant Oratores novi, stulti, adolescentuli*? Quod genus hominum, tametsi centussim sæpe vix teneat eruditionis gravis, ac solidæ: est præ hydrargyro tamen lubricissimum, penetratque, atque insidet Majorum haud raro sic animis, ut expelli non possit.

VII. Habe aliud. Dixi: Et quis ignorat Catholicorum, esse duplicem a Deo constitutam potestatem, alteram *sacram*, quæ est simplex, & una terrarum toto orbe, sicut regnum, Ecclesiæque CHRISTI; alteram *civilem*, quæ varia ac multiplex esse potest pro civilium administrationum communitarumque, principatum ac regnorum discrimine. Harum *qualibet* (Verba Galliæ sunt præfulum in comitiis anno MDCCLXV. habitis) *Liberrima jurisdictione res ordinat suas; qualibet ex se auxilia & vires habet*. Cumque ita sint ambæ discretæ, ut *nullæ naturæ aut ingenii dotes, nulla solertia aut in rebus agendis usus, neque ulla dignitas hominem sacris non initiatum satis aptum ad causas Ecclesiasticas dijudicandas faciant*: tum sunt ita vero eodem quasi contubernio & habitatione conjunctæ; ut qui in Ecclesiæ gerendis rebus sunt *principes*, sint in aliis *subditi*: ita enim a S. PETRO commendatum est: *Subjecti igitur estote omni humanæ creaturæ propter Deum; sive regi quasi præcellenti, sive ducibus tanquam ab eo missis*.

Age nunc vero! in semetipsum volo quisque ingrediatur, quodque animus cuique suus ac ratio dictura est, huic ausculet. Quid? rueri hanc illi

divinitus acceptam potestatem in regnorum rerumque publicarum ac magistratuum tam insigni varietate ac multitudine, tot inter conversiones ac casus, & terrarum tantis spatiis divisi se solis poterunt? Non credo: nec enim adsequor, ac capiam quidvis potius. Quare quod PUFFENDORFFIANÆ ferre labes non possunt; nos autem Catholicum, indubitatumque esse sæpe monuimus, omnino ut in *corpus* universi concederent, necessarium fuit: idque & copulatum tam arctis nexibus esse oportuit, ac stare ita per se, velut si extra regna ac ditiones omnes positi, alicubi soli degerent, indidemque tanquam ex proprio ac sublimi loco præscriberent.

Jam id vero ablato rescissove capite, qua fieri ratione potest? ablato, inquam: tantundem enim, qui *jurisdictione* nudant, faciunt. Atque hoc est, quod doceri ab hominibus acutis debeo: sum enim, quo nescio fato meo, ad intelligendas res adeo magnas stupidior. Quodsi, quas quidem arbitrabar hætenus habere me, scintillas paucas intueor ingenii, intelligentiæque communis; puto non jurisdictione modo heic opus esse, verum amplissima & summa quadam: atque adeo in unum universos incumbere, *concentratamque*, ut ita loquar, & collectam in eo vim, potestatem, auctoritatem, jurisdictionemque esse omnium oportere. Id nisi fiat, neque potestas stare sacra, quin opprimatur, neque Ecclesia ipsa potest.

VIII. Quanquam non me latet, quid magnæ mentes, quo me temere ista probent metuere, excogitaturæ sint. Faciet cum suis FEBRONIUS, quod in quavis hodie disciplina innumeri: qui mihi aptissime *projectorum* sumpsisse nomen videntur, quod in ventum fere sua projiciant. Sed dicam de his in tertio Libro: nunc Evangelii ero contentus sententia: *omne regnum in se divisum desolabitur*; dein experientia usque ipso: quæ sane duo, si quid sobrie sapimus, valere plusculum apud nos debent, quam pollicitationes & deliramenta stultorum. Atque primum hoc sit, quod ex eruditissimo & perantiquo illo sumimus BARLAAMO, cujus est supra jam facta mentio. Qui cum esset Græcus natione, & interrogaretur a suis, ecquid Latinae potius, quam Orientali adhærescendum Ecclesiæ foret, atque utra schismatis, postquam divortium ambæ fecerant, insimulanda? nihil dubitavit, secundum Latinam ferre sententiam, rationemque ab effectis & consequentibus hanc dedit: quod Divina providentia eorum, quæ in universo hoc efficit, inordinatum esse nihil patiatur. Jam hujus quidem gentis, inquit, *universa multitudo sub uno est ordinata principio, Ecclesia videlicet Romana & ejus præfule, quem omnes honorant ac metuunt tanquam ab ipso Domino Christo ordinatum, & in terris ut gerat vices ejus constitutum.*

tum. Itaque mandata illius cum omni reverentia omnes recipiunt. Et ipse cum ea, quæ est circum se, Synodo, cum grandi auctoritate, & potestate corrigit omnia, retractat, confirmat, irritat, statuit, inhibet. — Cujus rei hunc esse fructum, ibidem statuit, ut nihil ordinate & ex norma legum non fiat. Ab Episcopis procurari populum: horum commune esse cum Metropolitæ Imperium atque consilium: universos, totamque machinam a motore uno impelli ac regi.

Sed apud Græcos nihil non turpe, nihil turbatum non esse: haberi legem istheic in singulis potentiorum licentiam & voluntatem: & istorum, ut est sua ad prudentiam & bonitatem cuique ratio, sic & mores esse comparatos subditorum. Inde canonum neglectum; inde ignorantiam. Et cum sex sint, qui Orientis illas Ecclesias inter se dividant; horum neminem potestatem revereri velle alterius; ita, ut maxime opus foret, ne posse quidem eos generali Concilio medicinam morbis facere, cum is desit, qui Concilium cum potestate convocet. (59) Quæ cum de sua jam tum ætate vir ille doctissimus scripserit; tum ætas consequens longe verissima esse comprobavit. Sumamus alterum, sed ex Europa & Germaniæ visceribus.

Postquam ab *Lutheranis Calvinianisque* in partes itum, excussoque, quæ etiam FEBRONII VOX est, jugo Pontificis, & tyrannide, quæ erat nuspiam in natura rerum, declinata, quem illi fructum, amabo, discessionis suæ collegerunt? dicam non meis verbis, sed eorum, qui præstantissimi inter eos habentur. Quorum e numero MOSHEMIUS, & FROEREISENIUS. Qui posterior cum tertium academicos fasces Argentorati caperet; hac est lugubri oratione ruinam Ecclesiæ suæ profecutus. "Esse vermi, ait, simillimam, qui cum in partes scinditur, connituntur & laborant eæ quidem, ut morti obsistant, sed servari non possunt: contemni Ministros verbi, & inedia confici. In parcemiam quasi transisse: *licere quod libet*: feminasque ipsas, si quem agellum forte & glebam jure mancipi habeant, potestatem habere una religionis ministrorumque. Id jurisprudentes suos docere. Horum alios *Carpzovianos*, alios *Hobbefianos*, *Thomafianos*, *Titianos*, *Bæbmerianos* esse. Omnium finem hunc esse ac scopum, nihil ut non Principi tribuant, Apostolicasque ipsas & Divinas leges ei subjiciant." (60)

f f f 2

Non

(59) Canif. Lect. Antiq. Tom. IV. pag. 5. seqq.

(60) Refert integram, ac verbis Auctoris Cl. DESSIN in *Larva detracta*, p. 221.

Non perinde est quidem vehemens, satis clara tamen DODWELLI Angli scriptoris vox de afflicto Ecclesiarum suarum statu. Atque ita quod ab initio non senserunt, sentiunt nunc demum rebus perditis ac desperatis. (61) Est autem causa a M. BOSSUETIO iis exposita in X. variationum Libro; ubi postquam omnia, ut erant, descripserat, sic demum perorat. " Obliti institutorum veterum Ecclesiarum suarum, *obliti* CAPITIS, quod *Jesus Christus iis providerat*; adsumptisque, quos ille neutiquam ad hunc finem constituit, Principibus suis, qui rem Ecclesiae cum suprema potestate gererent : quo devenerunt? eo abjecti sunt, nulla ut deinceps Ecclesiastica functio, ac ne illae quidem, quae praedicationem, censuram, liturgiam, Sacramenta, fidemque ipsam concernunt, in Anglia vires habeant, nisi adprobatae corroborataeque a Regibus fuerint. (62)

Querelae haud valde dissimiles apud MOSHEMIUM legi possunt. (63) Et ut tacuissent illi domesticum dedecus, nec dolor voces expressisset; res in conspectu ac plena luce sic posita est, ut dissimulari non possit. Quamquam longe minus, meo iudicio dixerunt. Addant licentiam sane scribendi sentiendique effrenem inauditamque illam, in quam coniecti sumus. Addant *Lucianos*, *Machiavellos*que : quorum numerus tam est ingens & inauditus, ut quocunque pedem figas, in monstra haec incidas : deprecandusque de re una jam esse Deus videatur optimus maximus, ne in plebem opicosque & rusticanos homines ea pestis prorepat. Addant *Atheos*, *Deistas*, *Materialistas*, *Libertinos*, & quae similia ab orci excreta furiis *haesagmata* sunt atque portenta : & in quos cum Majores quidem nostri ferro ac flammis animadvertissent, nunc honores conferuntur : *impleveruntque*, ut Tertulliani huc illud traducam, *urbes, insulas, castella, municipia, castra ipsa, tribus, decurias, palatium, senatum, forum* : cui bello non illi idonei, *cujus non prompti*, postquam Deo virtutique indixerunt? Addant (haec enim summa malorum est) addant scriptionum, schediasmaton, librorumque pestilentium ac sceleratissimorum diluvium : quo sic est Europa, Germaniaque inundata, ut infernus esse loco motus videatur, & omnes daemones ducendo praelo occupari.

Hæc

(61) DODWELLUS de nup. schif. Ang. N. 5.

(62) Lib. X. *Variat.* praesertim a N. VII. ad XVIII. C'est ainsi qu'en oubliant avec les anciennes Institutions de leur Eglise le chef que J.-C. leur avoit donné, & se donnant eux memes pour Chefs leur Princes que J.-C. n'avoit pas établis pour cette fin, ils se sont de telle sorte ravilis, que nul act Ecclesiastique, pas meme ceux, qui regardent la predication, les censures, la liturgie, les Sacraments, & la foi meme n'a de force en Angleterre qu'autant qu'il est approuvé & validé par les Rois.

(63) Apud Cl. ZALWAIN Tom. I. p. 69.

Hæc enim unde nata esse putabimus? malitia hominum? non nego: a bono enim, ut est hujusmodi, quid unquam mali prodit? dicam paucis, sed ut omnes intelligant. Posteaquam a Pontifice, id est, a sacerdotali corpore & unitate communis fidei discessum est: vacillare, fluctuare, labi omnia. Nunquam finis altercandi, pugnandi, variandi. Ita cum firmo pede inter suos stare multi non possent; atque alios interim pudor, alios vis, alios hæreditas, alios principum retineret a reditu gratia; quid facerent, ut conscientiae vim atque morsum declinarent? Accedebat, quod ex duabus, aut cum illis certe, quas *toleratas* vulgo dicimus, infinita erigeret sese passim variarum sectarum colluvies. Quis qui adhærebant, cum homines essent industrii, & implerent provincias, urbes, oppida; an abigendi & in terras solas deportandi? Quanto ærarii, quanto militiae dispendio? Tolerandi igitur, fovendi, trahendi erant. Et ejus rei ut esset color aliquis, id primo excogitatum, sufficere, quod de *primariis & fundamentalibus* articulis fidei dissensio non esset. - - - Quid ita viri? De fundamentalibus non erat dissensio, cum id maxime quæreretur; an peccato originis nascamur infecti; an tollendi & expiandi hujus criminis causa Deus homo factus sit? an quod inde fit consequens, Verbum Deus sit, Deusque adeo cum sit unus natura; personis subsistat tribus? an mortem pro omnibus incarnatus ille Deus subierit? an carnem ac sanguinem suum manducanda hominibus dederit? Videbant cladem: quid agerent? Ergo hoc est arreptum: satis esse professionem Christiani nominis: Philosophum fuisse JESUM Christum: hunc ab Deo missum, ut hominem sibi ac rationem homini restitueret; esse mores igitur illius decerpandos; cetera in adiaphoris relinquenda esse. O præclarum inventum! sed enim, optimi! quæ in adiaphoris relinquenda vos esse dicitis, adfirmavit ille singula, & multis docuit. Quod si negatis; næ vos hoc saltem non negabitis, fuisse sic eum locutum, ut si verbis stetur, si contentio, si pervicacia, si quæsitæ subtilitas absit, explicari quæ est locutus, & intelligi aliter vix possint. Quare aut in indifferentibus habenda ea non sunt; aut impostor ille philosophus fuit: non enim in Deum tam perplexa potest cadere & ad decipiendos & vexandos homines comparata locutio. Heic jam quid consilii? Vincatur pudor: prorsus sic est, impostor fuit, magnus impostor, sed philosophus. - - - Non arbitror, quemadmodum longius progressi post ista fuerint, providentiamque aut Deum ipsum tandem sustulerint, exponi pluribus a me debere. Est enim TULLII sententia nota: *Qui modum vitio quærit, similiter eum facere, ut si posse putet eum, qui se e Leucade præcipitaverit, sustinere se cum velit. Ut enim id non potest, sic animum incitatum nec cohibere se posse, nec quo loco vult, insistere omnino.* Id magis quærendum, & est ad rem nostram pro-

pinguius, ut propagari tam nefanda perniciēs potuerit? cuius rei in promptu est ratio. Nam quis obsisteret furori? aut librorum quis torrentem compefceret? qui evangelium procurant inter suos? Sed ut *monendi* habeant illi fortassis ac tonandi qualiscunque reliquias auctoritatis; potestatem quidem non habent ullam, sed est ut populus, sic sacerdos. *Ejus autem religio est, cujus est regio.* Qui cum sint plurimi, tum rationibus fere suis ducuntur, ac sunt hominibus sæpe circumdati nefariis, impiis, sordidis, ex lutoque & argilla factis. - - Quare & Catholicis id erat necesse accidere, quod iis urbibus ac pagis solet, quorum vicinia paret pluribus. Sunt enim furtis ac latrociniiis expositi, & commeantis ultro citroque sceleris ludibrium. Heinc illæ lacrymæ.

Sed quorsum hæc ego disputem, quæret aliquis. Eo, ut, quod me ex usu experientiaque ipsa ostensurum esse pollicebar, illud ostenderem, ecclesiam nec sine *capite*, nec sine *jurisdictione* quadam eminenti atque præcipua hujus capitis stare posse. Da utrumque: & Episcopos, Episcopalemque una potestatem, hierarchiam, fidem, religionem, regnaque omnia atque respublicas conservasti: tolle; omnia sustulisti. Neque vero de nihilo id esse putem, quod conspiracy alicujus non ita antiquæ duces fecisse legimus. Qui cum religionem omnem in animo haberent pessumdare; sunt in id primam stipulati operam, ut Ecclesiæ caput, tum episcopos, atque sacerdotalem exinde omnem gradum ac ordinem e mundo tollerent. Quod quam impigre solerterque ab annis centum & pluribus præstiterint; potest is solus ignorare, qui nihil scit, aut cuius interest, non ea scisse videri. Quid dicam? Præfulum Galliæ sapientissimum est monitum, *cavendas esse deceptorum insidias, quorum est vox, inter fabulas & inanes metus reponenda incommoda ex oppressione nascitura sacræ potestatis.* (64) Idem de Pontificis ego contendo potestate, idem affirmo. In quo si fallor, experientia fallor victus, & libenter fallor. Nolo enim insanus videri qualis est, qui abscissione capitis mederi morbis voluit; quo nihil stolidius est genere curationis: & ut probabilitatis aliquid habuisset, si nunquam tentatum esset; certe postquam experti, quale sit, fuimus, probare, si nobis ratio ac mens est, non debemus, non possumus.

Prophetæ nostri viderunt nobis falsa & stulta.

Vere mendacium operatus est stulus mendax eorum.

S. V.

§. V.

Statuitur generatim, cujusmodi sit illa R. P. Jurisdictio. Respon-
detur exemplis quibusdam a FEBRONIO objectis.

I. **R**equiret nunc quasi pro auctoritate sua a me FEBRONIUS, ut quoniam jurisdictionis esse vacuum Primatum non patior, dicam candide & explicite, qualem atque quantam esse illam velim? infinitamne, an vero finibus suis constrictam? & hanc ipsam quibus rebus describi, continerique putem? Ego tamen nec necessitatem mihi injici patiar, FEBRONIANO exemplo turbandi, miscendique omnia, nihil ut a me apte & ordinate collocari possit; neque, quo velim ordine scribere, quove loco aut modo, auferri libertatem. Intelliget per decursum librorum meorum, quid sentiam; immovero quid omnes pii ac boni sentire debeant. Hanc interim velut promissidem habeat dicendorum: statuere me, quod sæpe monui, non esse famulos Pontificis Episcopos, sed Ecclesiarum ab ipso CHRISTO constitutos veri nominis Principes. Quare ut de dignitate atque gradu suo eos dejicere nemo hominum pro arbitrio potest: sic neque Pontificis est, potestate illos exuere, quæ necessaria illis est ad Ecclesiarum suarum regimen: atque adeo qua sublata difficile, molestumque hoc iis redderetur. Hi fines sunt. De cætero VALENTINIANI Augusti istud obtineat: *tunc Ecclesiarum pax ubique servabitur, si rectorem suum agnoscat Universitas.* (65) Illud COELESTINI præstantissimi, sanctissimique Pontificis: *in speculis a Deo constituti, ut vigilantia nostræ diligentiam comprobantes, & quæ coercenda sunt rescemus, & quæ observanda sunt sanciamus.* (66) Illud S. LEONIS: *Quamvis in populo Dei multi Sacerdotes sint, multique Pastores; omnes tamen proprie regat Petrus, quos principaliter regit & Christus.* (67) Illud S. MAXIMI Scriptoris Græci, Martyris ac viri doctissimi: *Sanctæ Romanæ Ecclesiæ beatissimus Papa, id est, Apostolica Sedes ab ipso Incarnato Dei Verbo, sed & ab omnibus sanctis Synodis secundum sacros Canones, universarum, quæ in toto terrarum orbe sunt, sanctarum Dei Ecclesiarum in omnibus & per omnia percepit, & habet imperium, auctoritatem, & potestatem ligandi*
atque

(65) Novell. de Epif. ord.

(66) Tom. I. Const. Col. 1066.

(67) Serm. III. de sua assump.

atque solvendi. (68) Illud, quod Ecclesia profitebatur, cum in publicis ad Deum precibus patiebatur de se dici: *Quæ te dispensante devota obsequitur, quidquid Sedes illa censuerit, quam tenere voluisti totius Ecclesiæ principatum.* (69) Illud denique, ne sim nolens prolixior, quod LATERNENSIS edixit Oecumenica Synodus: *Romana Ecclesia, disponente Domino, super omnes alias, ordinariæ potestatis obtinet Principatum.* (70) Hæc volo satis esse in Præfens FEBRONIO. Ut evolvantur autem a me potestea; nisi plane impatiens sit, expectare dignabitur.

II. Sed an igitur Leges ferre Pontifex poterit? Potest. Leges novas? Novas. Animadvertere in refractarios? animadvertere. Solus? Dixi, non esse id loci hujus. At instat tamen ille, nec cessabit? Accipio. Verum quoniam semel apud me statui, nulli Scholæ, nec viris bonis facere præjudicium, sed pugnare tanquam ex ora Catholici portus, adversus fluctus & allisiones turbati & æstuantis istius ingenii: primum ipse mihi edicat JURISCONSULTUS, an pro sophismate erianuum, & indignum responso habeat illud, quod *Heidelbergensis* ei Professor objecerat, vir juvenis, ut ipse quidem criminatur, sed meo judicio & eruditissimus & gravis?

Sic ille in institutionibus suis: "FEBRONIUS proponi a Pontifice posse leges concedit, sed quas Episcopi non nisi ob intrinsecam earum æquitatem, si bono Religionis & disciplinæ Ecclesiasticæ proficuas agnoverint, acceptare teneantur. Verum an æquitas illa per se obligat, vel ut proposita a Pontifice? si prius, jam non erit res meræ disciplinæ, de qua heic quæritur præcipue: si alterum, jam eo ipso hæc potestas Pontifici competat necesse est." Hæc viri Clarissimi disputatio si in sophismatum habenda numero, si ridenda, & responso indigna est; fateor, nunquam me Logicam didicisse. Sed forte senex sententiam juvenis non intellexit? Patiar. Ut ergo intelligat: potest æqualis, ecce, & cujus neque jurisdictio neque auctoritas est ulla in æqualem, id, quod est factu optimum, consentaneumve æquitati, aut necessarium, faciendum proponere. Negligat, respuatque nunc is, cui proponitur. Peccabit ille quidem in leges prudentiæ, immo vero, ut est res, de qua agitur, in virtutem aliam: in obedientiam, quam nullam debet, non peccabit. Quod si qui proponit, superior sit idem, & jurisdictione præditus; tamen absoluta hæc minime fit

(68) In epist. ad Petrum Illuf. apud Sirmond. Tom. IV. p. 66.

(69) Sacram Leon. Col. 337. Edit. Murat.

(70) Cap. V.

fit, atque is, cui proponitur, discutiendi, ponderandique apud se omnia, jus habeat: in æquitatem non modo peccabitur, ac scita prudentiæ, dum, quam esse justam quis intelligit, non admittit legem, sed in obedientiam quoque. Id ut ad rem nostram ducamus, potest paucis sic dici: Episcopi, ut sunt Ecclesiæ principes, simul & *ferunt legem* una cum Pontifice, dum pro æquitate utilitateque ejus illam acceptant, & acceptando, cum intercedere ex justa causa non possunt, *legi obediunt*. Atque huc trahi mutatis paucissimis illud potest, quod in Remensi synodo sic est pronuntiatum ab Episcopis Galliæ: *Certum & traditione firmatum est omnium sæculorum, cum ad primæ sedis judicium se adjungunt Episcopi; consensum hunc & obedientiæ esse actum erga sanctam sedem, & auctoritatis simul atque judicii.* (71) Quam quidem obedientiam non probro, sed gloriæ sibi vertebat Magnus Bosfuerius. *Omnes his, inquit, clavibus subiecti sumus, omnes, F. C. Pastores & greges. Cum gaudio id denuntio. Amo enim unanimitatem, & obedientiam meam mihi gloriæ verto.* (72) Nempe, ut est in Comitibus Cleri Gallicani anno MDCC., *unus est primus Episcopus, unus existit Petrus ad totum gregem regendum a Christo præpositus, una est mater cæterarum Ecclesia, ad illas omnes docendas constituta.* (73) Et adversus hæc vani & futes sunt conatus omnes FEBRONII.

Restat exemplis nunc quibusdam a FEBRONIO & Jansenista prolatis in medium, quantum est loci hujus, respondeam breviter. Quorum hoc primum est, quod ab IRENÆO sumunt. — Hunc enim inquit, cum VICTOR Asiaticos a communione Ecclesiæ rescidisset, quod cum Judæis pascha celebrarent, CONDEMNASSE non solum palam hoc Pontificis facinus, ac *reprehendisse acriter*, sed in communione quoque eorum perseverasse, quos a sua hic Pontifex segregarat. Qua in narratione mendacia insunt prorsus duo. Primum enim ubi legerunt, ubi memoriæ proditum est, *condemnasse IRENÆUM Pontificis facinus, condemnasseque palam?* Ubi legerunt, ubi memoriæ proditum est, *in communione perseverasse cum iis, quos a sua hic Pontifex segregarat?* Non est ejus rei vestigium in vetustate; ac neque

G g g

EUSE-

(71) Il est certain, selon la tradition de tous les siècles, que le consentement des Evêques au jugement du premier siège, est tout ensemble & un acte d'obeissance envers ce siège, & un acte d'autorité & de jugement sous l'autorité principale de ce même siège. Habita est synodus 1699. vid. Memoires du Clergé Tom. 1, p. 450. Vel auctorem libri: de R. P. auctorit. Eccles. Gallic. sententia. Lib. IV. Cap. 1. p. 99.

(72) *In sermone de unit. Ecclesiæ, quem laudat Illustr. Sarlat. in Pastoralis alias nominato. p. lat. vers. 92.*

(73) Process. verbal. an. 1700. pag. 296.

EUSEBIUS neque EPIPHANIUS, nec HIERONYMUS, neque PHOTIUS neque NICEPHORUS factum literis consignarunt. Est apud EUSEBIUM vero hoc tantum, VICTORIS sententiam non omnibus placuisse Episcopis, atque inter illos IRENÆUM, *quoniam ex fratrum, quibus præerat, persona non alio quam Dominico die Resurrectionis celebrandum esse mysterium scriptis literis significaret; auctorem tamen fuisse VICTORI, ne integras Ecclesias ob morem sibi antiquitus traditum a communione & a Corpore universalis Ecclesiæ resectos vellet.* Addit exemplum literarum EUSEBIUS; quæ quidem & modestissimæ sunt, & præter ostensionem simplicem, verecundam, observantiæ ac demissionis plenam nihil præferunt. * Atque sunt, qui cum HENRICO VALESIO, & NATALI ALEXANDRO mitigatum ab IRENÆO VICTOREM putent, neque ultra minas quidpiam deinceps fuisse susceptum. Quodsi verum est; quid quæso ineptius proferri poterat, quam IRENÆUM in communione cum iis mansisse, quos neque Pontifex segregarat? Sed separaverit, nam id quidem *Epiphanius*, & *Nicephorus*, ut propensum ad veritatem putem, me movent. Ubi traditum est, IRENÆUM postquam a se flecti vidit VICTOREM non posse, isque causas ei rescripserat sane iustissimas, cur a Sententia abeundum non foret, perrexisset, VICTORI obstrepere, & in communione cum Orientalibus mansisset? Atqui negat hoc EPIPHANIUS. Est enim diserta hujus testificatio: *Orientalis ab Occidentalibus divisos pacificas a se invicem literas nullas accepisse.* (74)

At enim POLYGRATES saltem cum suis VICTORI restitit? Intelligo: sed dividamus quæstionem. Nam aut illud concludi potest, in potestate non fuisse S. VICTORIS, quicquam aliis præcipere; aut illud, non eum prudenter præcepisse; aut pronuntiari hoc demum simpliciter, POLYCRATEN jubenti & comminanti Pontifici non statim cessasse. Ex his jam tribus quidnam objicitur? Postremum fatemur. Nec vero magis est, cur negemus, quam Græcos *Florentino* Concilio, & Romanæ universalique Ecclesiæ tot inde ab annis jam restitisse. Primumne igitur? Atqui præcepit. Persuadeat autem mihi FEBRONIUS, ut credam, virum sanctissimum, atque ætate quidem illa, quæ nulla defæcior, nulla integrior, sumpsisse hoc sibi, ut de-

* Est apud Eusebium quidem hoc scriptum, *Irenæum πληκτικώτερον*, seu quasi pungentis in modum scripsisse VICTORI. Sed cum exemplum hujus punitionis adlaturus Eusebius, non nisi unas adducat Irenæi literas modestissimas, ut dicebam, & in quibus reprehensionis nullum vestigium extat: nescio quo has animo, aut quibus oculis ipse Eusebius legerit.

(74) Ad hæresin Audianorum, quæ est Tom. II. p. 321.

precantibus. nequicquam pluribus, communione non unum, alterumve Presbyterum, non Episcopum Urbicarium, βασιλικόν, sed totius Asiae Minoris Antistites, immovero ἀκεφαλὴν diœcesin, nec Patriarchatui ad illud tempus subjectam, sine jure, sine potestate sive repelleret, sive repellendam sibi existimaret? Credat, qui vult: Ego quidem, ut est *negata semper sceleribus magnis fides*, tanto minus adducar, ut credam, quanto est certius, extrema huc quæque confluere, ambitionemque non esse, si quæ sit, sed superbiam, sed impudentiam, sed furorem, quo fingi major non possit. Et vero IRENÆI cum extent literæ ad VICTOREM scriptæ; quid est, quod arrogantiam illi & usurpationem non objicit? Consulit, suadet, hortatur, ne *integras Ecclesias* (nam est ita apud EUSEBIUM) *ob morem sibi antiquitus traditum a CORPORE UNIVERSALIS ECCLESIAE* PENITUS AMPUTET. Sumit igitur, quam VICTOR exerebat, non negat, potestatem. Quid? Si ne POLYCRATES quidem? *Nihil moveor*, inquit, *iis, quæ ad terrorem nobis intentantur. Qui enim majores sunt, dixerunt, obedire oportet Deo magis, quam hominibus.* (75)

Quodsi quod alterum e tribus erat, FEBRONIUS obmover; facit, quod ad rem non est, cum de potestate quærat, nec est verum, quod dicit. Nisi forte & NICÆNI generalis Concilii Patres, & CONSTANTINUM Augustum accusandos puter? quorum isti rem stata, conceptaque lege sua dignissimam sunt arbitrati; hic copiosissimis, gravissimisque ad omnes provincias missis literis, ut jussu Synodi obtemperarent, mandavit. Non poterat autem ætate VICTORIS cogitari de futura synodo. Ille itaque si occupavit, & pro auctoritate sua id jussit, quod fieri debuit, cur in culpam a minutis & heri natis circulatoribus nostris vocatur? Quodsi in rem propius intueamur; videtur ANICETUS jam tum S. POLYCARPO movisselitem de Paschatis celebratione sub annum CLXXXV. (76) quæ si tum fuit utcunque dimissa; certe acrius instaurari potuit, ex quo BLASTUS causam schismatis sui hanc obtendebat. (77) Atque ut non ista fuisset ratio; nonne satis hoc absolum, unius propemodum Minoris Asiae Sacerdotes ad Synagogam ita adhærescere, ut neque Romanæ, neque aliarum Ecclesiarum exemplo divelli ab illa possent? Atqui ut est testis nobis locupletissimus CONSTANTINUS ipse non in Italia tantum, urbeque Roma, sed in Africa quoque, in Ægypto, Hispania, Gallia, Libya, universa Græcia, in

g g g 2

dicē-

(75) Euseb. Lib. V. Cap. 74.

(76) Euseb. Lib. IV. Cap. XIV. Confer Fleurius ad ann. 196.

(77) Euseb. Lib. V. Cap. XIV.

dicecesi Asiatica, & Pontica, in Cilicia denique una pridem, consentiensque quoad Paschatis eam celebritatem a Judaismo fuerat facta secessio.

Neque vero si Apostoli, ad quos POLYCRATES provocabat, Christianis heinc inde ritibus aliquid miscuerint, ne Judæorum a se animos alienarent; factum eo id fuerat, ut sempiternum esset, & immutabili fixum lege: sed ut corroborata indies Ecclesia, & Gentilium auctior numero, paulatim sese ac tanquam ex diluculo ad plenam meridiem erigeret. Atque hæc ultra quam satis erat. Extorsit enim mihi FEBRONII impudentia, qui VICTOREM sanctissimum, & profusione pro CHRISTO sanguinis gloriosum Martyrem, magnumque a rebus gestis Pontificem usurpatæ & arrogatæ potestatis accusavit. (79)

IV. Nec minus in S. STEPHANUM idem impius fuit. Docebat CYPRIANUS CARHAGINENSIVM in Africa Episcopus, baptismo ab hæreticis collato non ablui, sed fordescere magis animam; nec tam Deo, quam Diabolo gigni filios, ac quod inde consequens, altero & veriore tingi baptismo eos oportere, qui ab hæresi ad catholicam fidem rediissent. Non id jam disputo, quo in genere CYPRIANUS, FIRMILIANUSQUE, ac qui cum utroque erant, Episcopi quæstionem eam posuerint. Senferint sane, quod plerisque nostræ ætatis visum fuit eruditis, & gravibus viris, non ad Religionis, fideique substantiam, sed ad disciplinæ referendam capita: qua derelictam nolo intendere. Illud certum, errore lapsum gravissimo CYPRIANUM una cum suis. Ac STEPHANUS quidem, cum ut VINCENTIUS *Livinen-*sis est testis, traditionem opponebat, *nihil innovandum* scribens, *nisi quod traditum* esset: traditionem non Ecclesiastica tantum, hoc est, humana, & quantumvis sacrosancta, mutabili tamen auctoritate, sed divina prorsus, sempiternaque constantem intelligi voluit. *Satis quippe videbat*, ait VINCENTIUS, *nihil aliud rationem pietatis admittere, nisi ut omnia, quæ fide a Patribus suscepta forent, eadem fide filiis consignarentur: nosque religionem non qua vellemus, ducere; sed potius qua illa duceret, sequi oportere.* Quæ verba traditionem illam indicant non hominum permissam arbitrio, sed immutabilem divinique juris esse, & ad fidem pertinere religionemque Christianam. Et vero si ab Africanis discesseris, quorum septem, & octoginta non est mirum, in Primatis sui ivisse sententiam, atque si Cappadoces, Cilicesque exceperis non multos: quotumquemque per reli-

(78) In Epist. encyclica. Hard. Tom. I. Col. 447.

(79) Tom. I. Cap. VIII. §. III. pag. 648.

reliquam orbis partem ex millenis invenies Episcopum, qui non cum STEPHANO senserit, proque vero hæreticorum habendum esse baptisma censuerit? Ea res inter fidei tandem decreta recepta fuit. Et Tridentinum cum anathema infligit iis, qui non esse ratum baptisma ab hæretico collatum dixerint; quid aliud, quam errore detentum gravi CYPRIANUM fuisse, & in substantiam offendisse nostræ fidei demonstravit?

Quæ cum ita sint; quid faciet ille, quæso, in scena S. Martyr? quorsum objicitur? quid probatur, tanti viri exagitata memoria? An illud? non detulisse eum STEPHANO? Scimus: sed errasse scimus. An CYPRIANI nomen tam charum FEBRONIO est? Sit, sed ejus, qui erravit: Ejus, cui martyrio, ut expiaret errorem hunc, opus fuit: ejus, quem qui defenderet, AUGUSTINUM esse, magnum & excellentem illum AUGUSTINUM, oportuit. (80) Non mea; sed LANGUETH ista sunt. Quid habet, quod reddat? Atqui stuporis & horroris res plena est, ut Primatus concutiat, ut Ecclesia destruat, ut vir sanctus contemnat, non quia sanctus, sed quia Pontifex Romanus fuit; laudare sanctum, non quia sanctus, sed quia in errore fuit; in errore gravissimo: immovero (auserne dicere? Dicam sed verbis LANGUETH) qua præter mentem conscientiamque suam rebaptizantium hæresi ortum dedit. (81) -- Quid? habetne FEBRONIUS, aut an proferre ex annalium memoria virum bonum ac pium potest, a quo laudata CYPRIANI ista ratio sentiendi agendique fuerit? Ego vero a Donatistis, qui principem sectæ suæ eum dicebant, laudatum scio: AUGUSTINUM, vel cum exulat, fatiscentem video: Jansenistarum quotidiana est vox: restituisse CYPRIANUM STEPHANO, & parti maximæ Ecclesiarum quin notam schismatis incurreret: virum bonum, pium, catholicum, qui laudaret, neminem scio. Nisi forte posse se primum esse, JURISCONSULTUS putaverit?

Ququam nos, credo, mentem illius nondum adsequimur. Erravit CYPRIANUS: verum satis est, non cecidisse eum STEPHANO: quem si jubendi esse præditum auctoritate existimavisset; fuisset utique tam & diu & acriter non reluctaturus. Itane satis hoc? Ego igitur Puffendorffianorum, Libertinorumque Ducem ac Principem fuisse CYPRIANUM probare potero.

g g g 3

Enim-

(80) Seconde lettre Pastorale MDCCXIX. pag. 50. Cyprien, qui a eu besoin du martyre, pour laver & pour expier une faute, que S. Augustin reconnoit expressément... Cyprien, a qui il a fallu un Apologiste aussi illustre, que S. Augustin.

(81) Ibid. Cyprien qui contre son intention, a donné naissance à l'hérésie des Rebaptisans.

Enimvero poteratne CYPRIANUS, qui nullos præter Ethnicos Imperatores, eosque hostes Christianorum infensissimos hæcenus viderat, ac cui ratione habita suorum temporum, non poterat ne quidem specula suboriri animo; futurum aliquando, ut CONSTANTINUS M. exurgeret, qui rem Christianam vindicaret, copiamque Episcopis conveniendi faceret, & communi consilio controversa fidei capita dijudicandi: is, inquam, CYPRIANUS poteratne opinione esse illa imbutus, non nisi in generali Concilio potestatem esse decidendi, ac supremo iudicio Definiendi, quid agi, quid respui, quid credi divina fide oporteat? Atqui ut fingi istud ab ebrioso possit; intelligi profecto non potest. Jam vero non solum STEPHANO CYPRIANUS sed toti Occidenti; & innumeris aliis sese Ecclesiis cum manipulo suo opposuit. Neque enim nisi manipulus censeretur Africanorum illa Cappadocumque & Cilicum multitudo cum orbe reliquo comparata poterat. (82) Quodsi his itaque quia non cessit CYPRIANUS, concludi debet, ne cum tum quidem obediendum, putavisse, cum pars potior Ecclesiarum ad sententiam primi Episcopi se adjunxit; quid reliquum est? Id sane quod dicebam, *εὐτονομίαν* defendisse CYPRIANUM; atque in ea fuisse sententia, posse quemlibet pro suo arbitrio & agere, quod sibi rectius, & credere quod sibi verius videatur, nec esse ullam in Ecclesia auctoritatem, cui deferendum, obtemperandumque sit. Quid videtur? Admittetne collectionem FEBRONIUS? Nescio id quidem. Ego tamen blasphemiam fore puto in virum sanctissimum. Quare sic est habendum: tyrannidem in universam Ecclesiam arripere, & cum par sis cæterorum, jubere, comminari, plectere sine iure ac potestate velle; esse hoc crimen, quod cum turpitudine sua per sese terreat, tum admitti a viris Sanctis, atque adeo ne a nequissimo quidem possit. Verum ab obediendi officio discedere, tametsi crimen sit, esse crimen tamen, quod etiam bonis atque adeo sanctis viris possit subrepere: præsertim cum de opinione, ad quam forte adhæserint, retinenda aut dimittenda agitur. Hujus enim infinita quædam vis est, quominus expelli ex ea mente, in qua nata, aut recepta hospitio est, possit. Quare cum identidem in illam magis se implicat animus, & fruitione quasi quadam illius se oblectat; fit ut facillime obliviscatur sui, rerumque cæterarum, & cum maxime in vitio sit, nihil magis, quam in vitio se esse ignoret, ac neque antecedentia videat, neque consequentia.

Ad

(82) *Augustinus Lib. III. contra Cresconium Cap. 3.* Si omnino jam credendum sit, quinquaginta Episcopis orientalium id esse visum, quod septuaginta Afris, vel aliquanto pluribus contra tot millia Episcoporum, quibus hic error in toto orbe displicuit. *Confer lib. IV. de Baptis. contra Donatistas Cap. VI.*

Ad summam : inter sanctos versamur. Si CYPRIANUS sanctus est; & Divorum adscriptus numero; est etiam STEPHANUS; si CYPRIANUS Martyr; etiam STEPHANUS. Est autem necesse alterutrum errasse, aut jubendo STEPHANUM aut CYPRIANUM obnitendo: quid suadet ratio? in exemplum, in auctoritatem adsumemus illum, cujus damnatus est error ab Ecclesia universa: accusabimus, quem Ecclesia tota laudavit, quem jubentem in hunc diem secuta est? Sed inculpatus est Stephanus? Dic probrum! a quo? Cujus criminis? *Auctæ potestatis?* Quid? An hoc te VINCENTIUS *Lirinensis*, docuit? Cum ergo undique (sic ille in initio noni capitis) ad novitatem rei cuncti reclamarent, atque omnes quaquaversum Sacerdotes pro suo quisque studio veniterentur: tunc B. memoriae Papa STEPHANUS Apostolicæ Sedis antistes cum cæteris quidem, sed tamen præ cæteris vestitit, dignum, ut opinor, existimans, si reliquos omnes tantum fidei devotione vinceret, quantum loci auctoritate superabat. Quid? Hoc te scriptor ille *συγχεως* apud RIGALTIIUM docuit? Nulla, inquit, omnino potuisset controversia aut disceptatio emergere, si unusquisque nostrum contentus venerabili Ecclesiarum omnium auctoritate, & necessaria HUMILITATE nihil INNOVARE gestiret. (83) Quæ ut patet, ad STEPHANI Decretum referri debent: NIHIL INNOVETUR. Quid? Hoc AUGUSTINUS te docuit? Ille cum in omnem partem se torqueat, ut CYPRIANI vel confictam esse obstinationem probet, vel emendatam postea, vel caritate saltem, profusioneque sanguinis abstersam: de STEPHANO nullum unquam verbum asperius profert: non prudentiæ, non moderationis, non potestatis prætergressum limites dicit: quid? quod commemorari nequidem ferat, quæ in eundem a CYPRIANO fuerant dicta commotius. Quid? præter Jansenistas te tuos vel hæreticorum hoc aliquis docuit? Immo ejus magis intererat, quam PETILIANI? Ille tamen, *Donatista* cum esset acerrimus; cum errorem CYPRIANI, tanquam sanguinem ab illo haustum defenderet; non est comiter modo locutus de STEPHANO, sed inter eos recensuit, quorum illibata vivendi ratio fuisset, nec reprehensioni obnoxia. Quid male dicis igitur, canis mortue! (84)

III. Quanquam prope exciderat, quod de AUGUSTINO scribit. Hunc ait, minus probasse factum STEPHANI; ac nominat libri I. de Baptismo caput VII., itemque sextum libri IV. quorum in neutro neque vox est de illa re, neque

(83) L'Abbe Tom. I. Con. Col. 770.

(84) Vid. epist. XCIII. N. 38. — Lib. de Baptif. Cap. XIV.

neque litera. Ubi fides? Quoniam semel autem in hunc locum incurrimus: erant in CYPRIANI illa cum STEPHANO contentione quæstiones implicatæ duæ; prior, quam *Theoreticam* possumus dicere, *an valeat baptismus, ab hæretico collatus?* altera in operatione versans & *practica: utrum qui baptizatus est ab hæretico, si ad catholicam redeat fidem, baptizari iterum debeat?* Atque ex his quidem quæ prima erat, eam STEPHANUS Romanus Pontifex non definivit. Sed de altera rescripsit: *Nihil innovetur, nisi quod traditum est, ut manus illis imponatur in penitentiam.* Jam ad primam illam, quam neque Pontifex, neque Concilium hætenus diremerat, quæstionem AUGUSTINUS respiciens, CYPRIANUM excusat omnino. Scribit enim, *facillime eum correcturum fuisse sententiam suam, si quis ei demonstraret baptismum Christi sic dari posse ab eis, qui foras exierunt, quemadmodum amitti non potuit, cum foras exirent.* Ac continuo, *Nec nos ipsi, inquit, tale aliquid auderemus asserere, nisi universæ Ecclesiæ concordissima auctoritate firmati, cui & ipse sine dubio cederet, si jam illo tempore quæstionis hujus veritas eliquata & declarata per plenarium Concilium solidaretur.* (85) Quin laudat CYPRIANUM AUGUSTINUS, *quia id, quod sensit, non tacuit.* (86) Et huc illa reduci debent a FEBRONIO nobis objecta & uncialibus notata literis. *Noluit vir gravissimus rationes suas etsi non veras, quod cum latebat, tamen non victas, veraci quidem, sed tamen nondum assertæ consuetudini cedere.* (87) Verum cum sic & laudat, & excusat CYPRIANUM; immunemne illum prorsus a culpa ac labe censet? Minime. Immo nævum agnoscit, nævum quem sive sanguine eluerit, sive Caritate contexerit, sive quod probabile AUGUSTINO visum fuit, etiam correxerit, antequam moretur. At non peccavit CYPRIANUS *sentiendo*: id enim exploratum fuisse AUGUSTINO, jam vidimus, *Agendo* igitur peccarit necesse est. Illud autem quid aliud, quam peccasse, quoniam jubenti STEPHANO non obediit? Atque hoc est, quod AUGUSTINUS indicat in primo libro de Baptismo, ubi quas secernendas nos esse monuimus quæstiones sic ipse distinguit: *Est quidem, ait, quod Christi baptisma ubique sanctum est, & quamvis apud hæreticos vel schismaticos, ipsius tamen hæresis vel schismatis non est.* Prima quæstio. Pergit: *& ideo nec ad ipsam Catholicam inde venientes oportet denuo baptizari.* Quæstio altera. In quam quia offendit CYPRIANUS, subiungit: *illum nævum in candore sanctæ animæ caritatis ubera contegebant.* (89)

(85) Lib. II. de Bapt. Cap. 4.

(86) Ibid.

(87) Lib. V. Cap. 17.

(88) Lib. II. de Bapt. Cap. 8.

(89) Idemque in V. libro capite XXV. : Jam illa quæ in STEPHANUM irritatus effudit, retractare nolo, quia & non opus est, & ea præterire melius est, quæ periculum perniciosæ dissensionis habuerunt. (90) Atque hæc teneat sibi JURISCONSULTUS, desinatque, quæ in omnium Janfénistarum detrita sunt libris, intorquere in nos porro & molestiam facere. Ut autem quid sibi STEPHANUS in CYPRIANUM sumpserit, sciat: legat, quæ in quinto sunt libro capite XXIII. apud AUGUSTINUM. Ad Pompejum scribit Cyprianus de hac eadem re, ubi aperte indicat; Stephanum, quem Romanæ Ecclesiæ Episcopum tunc fuisse accepimus, non solum sibi ad ista non consensisse, verum etiam contra scripsisse atque PRÆCEPISSE. (91)

IV. Restat unum in CYPRIANI æstu illo ac ebullitione, in quo quia magnam vim FEBRONIUS ponit, videndum quale sit, atque an perinde in eo jactando prudens, quam temerarius & audax fuerit. Sunt verba CYPRIANI in Concilio Carthaginensi III: *supereſt, ut de hac ipsa re (De Baptismo hæreticorum sermo est) quid singuli sentiamus, proferamus, neminem judicantes, aut a communione aliquem, si diversum senserit, amoventes. Neque enim quisquam nostrum Episcopum se esse Episcoporum constituit, aut tyrannico terrore ad obsequendi necessitatem Collegas suos adigit, quando habeat omnis Episcopus pro licentia libertatis & potestatis suæ arbitrium proprium, tanquam ab alio judicari non possit, cum nec ipse possit alterum judicare. Sed expectemus universi judicium Domini nostri JESU Christi, qui unus & solus habet potestatem & præponendi nos in Ecclesiæ suæ gubernatione, & de actu nostro judicandi.* (92) Huic argumento, quo etiam Batavus Janfénista (& quis non alius hæreticorum?) mirum se explicat atque distendit, quid respondebimus? Satisne aptus AUGUSTINUS, qui nos ex salebris istis expediat? Ille vero ad Episcopos Africæ in Synodo præsentés CYPRIANUM respexisse tradit. Noverat CYPRIANUS (sic Donatistis respondet in libro III. de Baptismo Cap. III.) *quantam Sacramenti profunditatem tunc omnis Ecclesia varia disputatione versabat, liberumque faciebat quærendi arbitrium, ut examinata veritas panderetur. Neque enim mentiebatur, & simpliciores Collegas in verbo se capere cogitabat, ut cum se diversum sentire prodidissent, tunc contra quam promiserat, excommunicandos censeret. Præsertim cum addat & dicat: sed expectemus universi judicium Domini nostri JESU Christi,*

H h h

(89) Lib. I. de Bap. Capt. ult.

(90) Lib. V. Cap. 25.

(91) Lib. V. Cap. 23. Confer Caput 25.

(92) Edit. Pamel. pag. 397.

Christi. Et vero quod post Gallum quendam Anonymum Eruditissimus ZACCARIAS jam observavit: ne poterat quidem CYPRIANUS, cum in Concilio ista diceret, respectare ad STEPHANUM, cujus tum literas nondum acceperat. Et est ratio hujus rei manifesta, quia si accepisset, legendas utique curasset in Synodo: quemadmodum & JUBAJANI ad se epistolam prælegi jussit, & quod ipse ei responderat, literasque alteras JUBAJANI: quibus lectis: *Audistis, inquit, Collegæ dilectissimi! quid mihi Jubajanus Coepiscopus noster scripserit, consulens mediocritatem nostram de illicito & profano hæreticorum Baptismo, & quid ego ei rescripserim, censens scilicet, quod semel atque iterum & sæpe censuimus, hæreticos ad Ecclesiam venientes Ecclesiæ Baptismo baptizari & sanctificari oportere.* Item lectæ sunt vobis & aliæ Jubajani literæ quibus ad epistolam nostram rescribens, non tantum consensit, sed etiam instructum se esse gratias egit. Superest, tum cætera, quæ a FEBRONIO sunt objecta nobis, sequuntur. Quid? Ortum progressumque causæ, & quo perducta jam ea esset, qui tam solerter aperuit, STEPHANI, cujus præ omnibus audiri debuit judicium, dissimulandas literas, invidiamque & crimen fraudis consciscendum sibi putaverit? Credat hoc quisquis alius: ZACCARIAS non credidit, nec ego credo. Atque ut collutremus paululum, quod est breviter positum a viro illo doctissimo; mea hæc quidem sententia est, adeo non de STEPHANO perstringendo CYPRIANUM cogitasse, ut ad sese potius, suspensionemque de se motam respexisse videatur. Id ut sentiam, mea mihi, & ut arbitror, non spernenda constat ratio. Nam quid est, obsecro, quod in primis, quas ad STEPHANUM dedit literis, & in quibus, quid ipse sentiat, quidque Collegæ secum sui in primo Concilio judicant, significat, jam tum ista legantur: *Cæterum scimus, quosdam, quod semel imbibierint, nolle deponere, nec propositum suum facile mutare, sed salvo inter Collegas pacis & concordie vinculo, quædam propria, quæ apud se semel sint usurpata, retinere.* Qua in re nec nos vim cuiquam facimus, aut legem damus; cum habeat in Ecclesiæ administratione voluntatis suæ arbitrium liberum unusquisque Præpositus, rationem actus sui Domino redditurus? (93) Ad STEPHANUM profecto ista non pertinent. De hoc enim proxime dixerat, *placitura illi se credere, quæ & religiosa pariter & vera sint.* Ad quos igitur? Ad Africanos Episcopos. Horum aliqui, atque forsitan non pauci quam in partem CYPRIANI judicium acceperint, potest ex eo colligi, quoniam in Epistola ad JUBAJANUM, postquam similiter, atque iisdem, quibus ad STEPHANUM scribens, verbis de obstinatione Collegarum suorum conquestus fuerat, subdit, illius se rei causam librum

librum de *Patientia* edidisse. (94) Videndusque omnino AUGUSTINUS Lib. III. de Baptismo Capite XII. & Lib. II. Cap. IX. heinc enim constabit, novitatem illam sine strepitu & animorum etiam in Africa perturbatione magna non fuisse invec̃tam. Atque de CYPRIANO haecenus.

V. Sequitur LIBERIUS, de quo ita est apud FEBRONIUM & JANSENISTAM BATAVUM: *Ecce Pontficem directe & reipsa anathemati traditum ab S. HILARIO: Anathema tibi a me dictum LIBERI & sociis tuis. Iterum tibi anathema & tertio prævicator LIBERI.* Immo vero ecce FEBRONIUM pietatis, virtutis, verecundiæ, fideique oblitum leges omnes ac jura. Nihil huic ego convitio reponam, præterquam quod *Senonensis* Archiepiscopus Adpellantium alicui, & Jansenianæ factionis Principi reposuit. *Historiæ Ecclesiasticæ* (verba Præsulis sunt) *leviter me tinctum ais. Non aberras fortassis, Famam eruditionis non adfecto. Tantum nihilominus iis in studiis sum adsecutus; ut probe intelligam, quo Adpellationem tuam fulcire adnitis S. HILARII in LIBERIUM Papam anathemate, id suppositum esse, sancto huic v'ro abjudicari ab eruditis, & Apographorum manu textui adfuturum pronunciari.* PP. *Benedictini* in editione Operum Hilarii, quam publici juris fecere, opusculum, unde erutum est istud anathema, conscribi a S. Hilario, nisi post Liberii Papæ conversionem, non potuisse animadvertunt: quæ sane res anathemati, quo tutum te credis, omnem veri speciem adimit. Vis majus aliquid? Cum esset a WITSIO laudatum hoc idem anathema; tulit moleste PASCHASIUS QUESNELLUS, indignumque, quod proferretur, judicavit. (95) Sed nempe parum interest furentium, quibus armis cædant.

VI. In quo quidem genere furoris sane illud etiam ponendum est, quod de VIGILIO FEBRONIUS ex JANSENISTA suo subjungit, ab hujus se communione Episcopos *Africæ, Illyrii, & Dalmatiæ* segregasse ob tria Capitula damnata. Quasi vero, qui schisma fecerunt, laudari & in exemplum adsumi possint?

Quoties dicemus, quoties inculcabitur vobis, cervices duræ! in errore, in crimine fuisse, qui quintæ Synodo obstrepebant? Nec vero a VIGILIO tantum, PELAGIO, GREGORIOQUE Magno, non ab Romana solum Ecclesia, sed ab Ecclesia universa segregarunt se, feceruntque divortium complures illi Istriæ & Venetorum, & Liguriæ Insubriæque Episcopi. Quid igitur? laudandi sunt? Atqui pro schismaticis semper eos Ecclesia habuit, & isto nomine in Annalium monumentis consignantur. Nempe huc demum abducitur illa vertigo, hic exitus est. Cum qui a Pontifice secessionem fecerit, quin se una ab Ecclesiæ parte maxima separarit, ostendere neminem possint; laudare & commendare schismata coguntur. Hoc illud erat: *Ecclesia status non est.*

h h h 2

CAPUT

(94) Epist. LXXIII. (95) Troisième lettre Pastorale de M. l'Evêque de Soissons. Pag. 4.

C A P U T IV.

DE ECCLESIA EPISCOPORUMQUE ET R. P. LEGITIMA POTESTATE IN CAUSIS FIDEI.

A R T I C U L U S I.

JUSTINUS FEBRONIUS JANSENISTARUM DEFENSOR PUBLICUS.
CALUMNIOsa VOX DE TOTIUS PROPE GALLIÆ, ET EUROPE EPISCO-
PIS: IMPOSTURA, AUT STUPOR IN ADDUCENDA DECLARATIONE
REGIS CHRISTIANISSIMI: SIMILE FLAGITIUM IN EXPLODENDA
CONSTITUTIONE UNIGENITUS.

I. **V**erissime dictum est a S. P R O S P E R O in Carmine de'ingratis:
*Quem non recto via tramite ducit, quanto plus graditur, tanto lon-
ginquius errat.* Et a Basilio in secundo contra Eunomium libro: *humana
ratio, cum semel a veritate deflexerit, in absurda quæque, & periculosa, ex
erroris quasi consequentia quadam abducitur.*

Represens a JUSTINIANO FROBENIO FEBRONIUS, quod ut Papam in
ordinem cogeret, facultatem nationibus fecerit, substituendi alium sibi, si
non in perpetuum, saltem in tempus, & edititium quasi Pontificem: pri-
mum quidem redire ad se se, & agnoscere errorem visus est. (1). Para-
tur interea nova editio: heic gregalium a quo nescio suorum vel adjutus,
vel monitus, in alia primum omnia detorquet, quæ incautius in superio-
re descripserat: dein iterum, quod est proprium nimis amantium sui, tan-
quam pudorem non ferens admissi, deprehensique sceleris, resumere, quod
abje-

(1) In prima Responsione.

abjecerat, telum instituit, & insultare sic etiam pro acerbo, & petulanti ingenio. *De schismate*, inquit, dicis, *Ultrajectino* quod, nescio, an commendet eruditionem tuam. Lege novissime editam a Concilio Provinciali Ultrajectino deductionem: schisma esse fatetur, sed AUCTORE Papa, qui communicare volentibus communicare recusat. (2) Neque his vero contentus dum crevisset interea animus, mirares, inquit: *Romana Curia Constit. Unigenitus dogmaticum universalis Ecclesiæ Decretum esse affirmat*: Gallica natio, cui præreliquis omnibus constare debet, id negat. Recitat deinde Clementis XIII. ad Leodiensem Episcopum literas: in quibus, illud autem summo opere, inquit Pontifex, nobis placuit, quod in eodem Edicto Constitutioni Unigenitus suam asserueris auctoritatem, eique ut dogmatico hujus sanctæ Sedis, & universæ Ecclesiæ Decreto omnimodam profiteris debere obedientiam. Cui ex adverso Edictum ipse Regis Christianissimi opponit, quo prohibetur, ne pro FIDEI REGULA Constitutionem quis venditet; quam potestatem, ut ait Rex, Ecclesia ei non tribuit.

Hæc jam repagula non ferens amplius, in torrentem se effundit oratio. Cui credemus? exclamat, cui cognita magis sunt, quæ in Gallia aguntur? uter amborum majore, vel minore cum præventionem loquitur? si autem in tanta, ut minimum dicam, rerum, & factorum ambiguitate, Romani eos, qui famosam hanc Clementis XI. Constitutionem, tanquam universæ Ecclesiæ Decretum non agnoscunt, contra omne jus, & fas, contra perpetuum Ecclesiæ morem ut hæreticos, & schismaticos habent, & tractant; quis prudens ex altera parte Christianissimo Monarchæ vertet male, si sanioribus principiis innixus; potioreque utens jure in hos Romanæ sententiæ sectatores, tanquam veros schismatis fautores sæviat, & per hoc non solum turbatam in suo regno tranquillitatem restituat, sed & aliis regnis, atque provinciis exemplum præbeat, qua ratione genuinæ fidei, & disciplinæ regulæ, Romanorum morositate atque injuria turbatæ, observari debeant? (3) Vide æstum Armacani ingenii.

II. Ordiam ab eo, quod est posterius. Accusatur Clemens XIII., quod laudaverit Celsissimum *Leodiensem*, propterea quod Edicto is publico anno MDCCLXV. Constitutioni tanquam dogmatico *S. Sedis*, & universæ Ecclesiæ Decreto obedientiam debere professus fuerit. Hoc scelus est. Atqui nonne magis hoc, quam quidquam aliud in mundo, mirum sit, tam & se ipso, & extremo in Pontifices odio fuisse ebrium Scriptorem illum, ut non adverteret, quod se in barathrum indueretur: quique, & quam sint innumeri, quorum fidem, pietatem, honorem, dignitatem, juraque omnia, eaque sanctissima, furore isto suo, insolentiaque accusationis lacefferet?

h h h 3

Doc.

(2) Tom. I. Append. 2. pag. 23.

(3) Tom. II. p. 69.

DOGMATICUM esse censuit *judicium*, idemque *reformationi obnoxium nulli Illustrissimus Parisinus Archiepiscopus*: DOGMATICUM, propterea quod totius sit *judicium Ecclesiæ*, quam, quia soli illi auscultandum est, *docentem*, nominamus: DOGMATICUM, cui *cordis atque animi plena atque integra debeatur subjectio*. *Decretum*, inquit, quod *profluxit ab S. Sede Apostolica*; quod *acceptatum est ab omnibus Ecclesiis exteris*; quod *fecerunt suum omnes Antistites Galliæ*: *Recognitum, reverenterque acceptum a tribus Conciliis, Romano, Ebrodunensi, Avenionensi*, quorum in primo *præsidente Papa, Episcopi omnino centum confederant, collaudatum a pluribus, quam decem Conventibus Cleri, subscriptione firmatum ab omnibus Academiis orbis Catholici*: *Decretum, cui hodie a nemine contradicitur, nisi a Clericis quibusdam secundi ordinis, a Laicis, a feminis, a Scriptoribus, quos affectio, morbusque animi considerare, respondereque sibi, quod est verum, & justum, nequaquam patitur*. Tum sic *prosequitur*: *Ab Fratres carissimi! quam foret facile. interrogare quemlibet se se: ubi est authoritas? ubi magisterium doctrinæ? ubi via reperiundæ veritatis, & salutis? quantocyus, si vel pauxillum accederet fidei bonæ, extricaretur quacunque ab incertitudine animus: dissiparetur nubes rationum fallacium, & perplexitatum frustra fatigantium, quæ non nisi in errorem ducunt.* (4)

Age vero jam: cui credemus? cui magis sunt cognita, quæ in Gallis geruntur? uter majore, vel minore cum præventionem loquitur? Is, quem si ex Annalium memoria virum summum nominaverimus; minus forte, quam par est, dicemus: an turbulentus, ægeique instar maris exæstuans iste, inque se se, & in spumas, *confusionesque suas* incurrens, & qui, si quid etiam vel a natura haberet tributum; vel studio, ac disciplina comparatum, quod eruditorum est; hoc certe uno repellendus foret, quod semetipsum in potestate non habeat.

Sed negat *Rex Christianissimus*, DOGMATICAM dici posse? immo vero respondebimus de hoc, cum locus fuerit. Sciant interim, & intelligant omnes, quacum peste mihi luctandum sit. Sciant, accessisse Instructioni Parisini istius *Chrysoptomi Illustrissimum inprimis Metensem Episcopum in Encyclica ad Clerum, & populum*: *Legimus, inquit, attentione religiosissima, eoque, ut subscriberemus, libentius a nobis factum, quod cognoverimus, fideliter in ea exprimi epistolam, quam cum viginti aliis Episcopis regni anno MDCCCLII. scribere nobis licuit ad Regem; epistolam, inquam, postmodum a pluribus, quam octoginta Episcopis aliis adoptatam, & collaudatam.*

Ac-

(4) Mandem. & instr. Past. touchant l'Autorité de l'Eglise 1756. initio par. 2. p. 46.

Accessisse & alios, quorum quia sententias adnectere, quin plures procedant paginae, non possumus: satis fuerit, singulorum nomina indicare. Sunt autem LUDOVICUS FRANCISCUS GABRIEL Episcopus *Ambianensis*, in Encyclica data Ambiani VII. Nov. anno MDCCLVI., *Jacobus Maria* de CONDORCET, Episcopus *Altidorensis*, eodem anno, ac die, ANTONIUS RENATUS DE LA ROCHE de Fontenilles, Episcopus *Meldensis*, PETRUS AUGUSTUS BERNARDINUS DE ROSSET de Fleury Episcopus *Carnutensis*, Ludovicus Josephus de Montmorency-Laval Episcopus *Aurelianensis* XIV. Nov., MATHIAS PONCET de la Riviera Episcopus *Trecensis* XXII. Nov.: PAULUS ALEXANDER de Quenet Episcopus ad *S. Pontium* in Encyclica ad Clerum, populumque Dioecesianum data XXIX. Nov. anno MDCCLVII.: quorum si quis verba ipsa voluerit legere, habet, unde desiderio suo satisfaciat, Elementorum Juris Canonici viri clarissimi EUSEBII AMORT *Tomaum* alterum, ubi κατὰ ῥητον, & pressissima imitatione phraeos latine extant reddita.

Subjicitur libellus ibidem, sensusque *Deputatorum* à Conventu Cleri Gallicani triginta trium Episcoporum, assentiente Rege Christianissimo, anno MDCCLV. Summo Pontifici transmissus, uti, quid de Appellantibus oporteret fieri, supremo suo judicio dirimeret. Ex his septendecim cum Abbatibus duobus supra viginti, *Constitutio*, inquiunt, *Unigenitus* praeceptum est, lex, seu decretum Sedis Apostolicae, quo liber *Reflexionum Moralium*, ac particulatim centum propositiones cum una ex illo excerptae ex diversis causis, praecipue vero, quia errores, & haereses continent, damnantur. Postquam huic praecepto, legi, seu decreto accessit acceptatio Ecclesiae, jure allegatur tanquam perpetuum, & irretractabile judicium totius Ecclesiae, & tanquam doctrina in rebus fidei. Sexdecim reliqui haec in verba perscribunt: *Constitutio Clementis XI. sanctae Memoriae, quae incipit Unigenitus, est irreformabilis Definitio totius Ecclesiae in rebus fidei.* Et cur vetustiora requirimus, cum praesentia habeamus? Sic est in Comitibus Cleri Gallicani anni MDCCLXV. Agnoscimus, uti semper, ad hanc usque diem, *Constitutionem Unigenitus* JUDICIUM DOGMATICUM esse universalis Ecclesiae: aut quod idem est, CERTISSIMAM FIDEI REGULAM, atque debere nos illi sinceram cordis & spiritus submissionem.

Non est, me plura necessarium adscribere. Quaero autem, & volo respondeat mihi facialis iste Appellantium, omniumque, praeterquam sui, & gregalium suorum derisor, atque contemptor. Ille tam jam non annis minus, quam meritis gravis, idemque carissimus juxta, ac fidelissimus Regi suo

suo Parisinus senex; illi, quos complexos Instructionem, promulgasseque diximus, Antistites octo; illi ab Clero regni designati tres supra triginta; illi, qui Romano interfuere Concilio, Episcopi centum; illi, qui in Ebrodunensi, & Avenionensi, tum in decem Comitibus regni generalibus; illi, qui in Comitibus nuperrimis; viceni tandem, octoginta, & plures (Sorbonam prope omiseram, quod minime debui: de hac enim certissimos nos facit Tournelius) mi homo! hi tibi fautores sunt schismatis? turbatores regni? fidei, disciplinæque everfores? homines morosi, atque iniqui? & quod inde queis nescio implexus somniis deduci vis consequens, digni, in quos EXEMPLO *Christianissimi*, Reges quoque, ac Principes cæteri non tam animadvertant, quam *sevant*? Nempe hic ille vir est, qui verborum nuper tanto cum strepitu, quod negabat nemo, contendebat, congenitum esse jus illud Episcopis, ut de hæresi statuant, decernantque, quid sequi suos, quid aspernari oporteat, Statuerunt: decreverunt: quid deinde? *fautores schismatis sunt, turbatores sunt, perverfores sunt.*

III. Sed nihil facimus, nisi expressius refutaverimus duo: quorum in utroque malignitatis inest, ac fallaciæ inauditiæ offensio. Primum quid hoc est porismatis: *addo, Constitutionem Unigenitus* NE IN GALLIA QUIDEM *pro universali Ecclesiæ Dogmate universim haberi*? Siquid latine nos docti sumus; huc utique pronuntiatum id spectat, ut incauti, nec periti admodum istarum rerum concludant: *si ne in Gallia quidem*; multo igitur minus in Germania, regnisque, aut provinciis aliis Constitutionem esse receptam. Nunquid sic est? verum qui in contumeliis congerendis singulare hoc habet a natura, ut ejus similem multæ ætates non tulerint: potestne oculis etiam imperare, ut, quod præ manibus est, sani, atque aperti non videant? Acceperunt *Constitutionem*, & in singulis Ecclesiis more Majorum promulgandam curarunt anno MDCCXIV. *Ferdinandus Episcopus Namurcensis*, Namurci VIII. Idus Majas: *Vicarii Ecclesiæ Iprensis*, quod eo tempore vacaret sedes, VII. Idus: *Petrus Vicarius Ecclesiæ Boscoducensis* in Pasbrugshe (hoc oppido nomen est) IV. Idus: *Franciscus Angelus Episcopus Ruræmundensis* XIV. Kal. Junias: *Philippus Erardus Episcopus Gandavensis* Gandavi III. Kalendas: *Petrus Josephus Episcopus Antverpiensis* Antverpiæ, pridie Kal. Julias: *Joannes Franciscus Episcopus Tornacensis* VI. Nonas: *Vicarii Ecclesiæ Brugensis*, Sede vacante, Nonis: *Vicarias Ecclesiæ Mechliniensis* S. V. primum VII., tum iterum pridie Idus. Atque hæc quidem de Belgio.

De Germania nostra habemus, extantque in volumen compactæ una cum aliis epistola *Antistitis Rhodiopolitani Vicarii Generalis Hildesheimensis*
ad

ad Illustrissimum Abbatem Borgia Nuntium Colon. III. Kal. Nov. anno MDCCXIII. : Epistola Archiepiscopi Electoris Trevirensis ad eundem IV. Non. : Epistola Episcopi Spirensis Principis S. R. J. ad eundem pridie Nonas : Epistolæ Episcopi Herbipolensis Principis S. R. J. ad eundem pridie Nonas : Mandatum Serenissimi Electoris Coloniensis XVI. Kal. Dec. : Attestatio Magni Vicarii de publicatâ Constitutione in Archiepiscopatu Coloniensi anno MDCCXIV. V. Kal. Januarias : Epistola Principis & Episcopi Monasteriensis, ac Paderbornensis ad Illust. Nuntium pridie Nonas anno MDCCXV. : eorundem Episcoporum mandatum de publicatione XII. Kalend. Majas : Mandatum Archiepiscopi & Electoris Trevirensis de instituenda publicatione VIII. Kalendas Martias : Mandatum Episcopi Basileensis, Principis S. R. J. de publicatione VII. Idus Febr. Elector Moguntinus sine programme promulgandam curavit. Continentur, ut dixi, in eundem hæc omnia compacta librum, una cum Extracto epistolæ VIENNÆ in Austria datæ IV. Kalend. Augusti anno MDCCXI. Cum Mandatis item Inquisitionum Hispanicæ, Toletanæ, & Lusitanicæ. His Academiarum addantur Decreta Duacensis, Coloniensis, Lovaniensis, & in HISPANIA Salmanticensis : disciplina præterea, usque in hunc diem perpetuus totius Italiæ, Siciliæ, Regni Neapolitani, Sabaudia, Pedemontii, Statuum Genuensis, ac Veneti, Bohemica, Polonia, Hungaria : immo vero documenta his ex omnibus collecta regnis atque provinciis : quorum magnam copiam LANGUETIUS ac BYSSIUS in Pastorales literas disputationesve illa de re suas contulerunt. Delibemus nos illa generatim quoniam interest. Sunt ex SICILIA literæ Archiepiscoporum Panormitani, & Messinensis ad Cardinalem Byssium : ex regno NEAPOLITANO ad eundem Cardinalis Pignatelli literæ, quibus significat, omnes regni istius Episcopos, centum ac triginta ut minus numero, Constitutionem pro dogmatico Ecclesiæ judicio suscepisse. Ex SABAUDIA & PEDEMONTIO mandatum Gratianopolitani Episcopi, necnon literæ Mondoviensis. Ordinatio item Vicarii generalis S. Officii Taurinensis, contestatioque plurium Abbatum, Superiorum, Doctorum XI. Martii anno MDCCXVIII. Ex BOHEMIA Pragensis Archiepiscopi ad Cardinalem Byssium literæ, quibus Bullam pro lege dogmatica promulgatam scribit ; ejusdemque Mandatum anno MDCCXV. XI. Martii. Ex POLONIA Literæ Gnesnensis Archiepiscopi, Primatis regni & Lithuanicæ in eandem sententiam. Ex HUNGARIA literæ Archiepiscopi Strigoniensis regni Primatis ad summum Pontificem : alteræque ad Cardinalem BYSSIUM. Ex HISPANIA Literæ Archiepiscopi CaesarAugustani ad Episcopum Nemausensem ; Refractarii homines, inquit, se nec audire, nec videre, nec intelligere affectant illius Constitutionis in universa Ecclesia acceptationem. Et in aliis literis : Cæ-

terum quod ad nostram Hispaniam adtinet, ex certa scientia valde asseveranter testamur, & fidem facimus, immo & fidejubemus, in Arragoniæ regno, & in aliis Hispaniæ provinciis omnes omnino Episcopos, omnes Ecclesias, omnes Academiæ, omnes religiosos ordines, omnes cujuscunque Conditionis homines summa veneratione pure & simpliciter acceptavisse Constitutionem, tanquam scriptam digito Dei vivi. Non dissentiunt literæ Archiepiscoporum Burgenfis, Granatensis, Toletani: atque hic quidem, quod habere sibi FEBRONIUM volo, Quare, ait, ut execrandum anathema sit, & velut prævaricator Catholicæ fidei semper apud Deum reus existat, quicumque prædictæ Constitutionis censuram in quocunque crediderit vel permiserit violandam. EX PORTUGALLIA Patriarchæ Lisabonensis literæ ad Episcopum Nemausensem: Totius Lusitaniæ Episcoporum sensus & mens est, in præfata Constitutione sanam Ecclesiæ doctrinam & traditionem contineri. — Itaque captivamus intellectum, in obsequium definitionis Ecclesiæ, quam ex promulgatione, quæcunque illa tandem sit, scimus Pontificiam esse definitionem & Ecclesiæ. Atque ita deinceps & plurima & copiose luculenterque descripta ex omnibus Europæ Regnis atque Provinciis apud L A N G U E T I U M & B Y S S I U M, Cardinalem hunc & Meldensem Episcopum, illum Sueffionensis Ecclesiæ Præfulem, nec non in libro, cujusest titulus, Testimonium Ecclesiæ universalis, videri possunt. (5) Et post hæc omnia quis declamatorem tam protervum ac petulantem ferat? qui nisi plurimum exercitatione annorum ad malignitatem sese tantam composuisset non video, quei præscriptione nos ista futile, falsa, falsissimaque fatigaret.

IV. Venio ad alterum fraudulentæ Armachanæ scopulum. Vulgata res est, Constitutionem UNIGENITUS rogatu potissimum Ludovici Magni conceptam, tum ejusdem mandato Regis universæ Galliæ imperatam, ac postquam in tabulas relata publicas fuit anno MDCCXIV., potestatem, vimque legis fuisse adeptam non minus regni, quam Ecclesiæ.

Anno MDCCXVII. cum finis libellorum non esset, ac, ut conqueritur Christianissimus, non desinerent homines maligni Episcopos, regnum, temerarioque ausu Romanum ipsum Pontificem, & Apostolicam Sedem laceffere: succurrendum his malis visum est, silentio utrisque imperato, non quidem cujus perpetua obstringerentur lege Episcopi, sed quoad medium summus Pontifex excogitasset, quo divisio in parte agitata corporis tolleretur.

Anno

(5) Le second Avertiss. de Monseign. l'Eveque de Soissons, Paris. 1719. p. 5. seq. — Inst. Past. au Sujet de la Bulle Unigen. 1722. p. 42. seq. — Témoignage de l'Eglise universelle en faveur de la Bulle.

Anno MDCCXXXI. literis encyclicis Rex Episcopos monuit, solere eos, qui contra Constitutionem animos obfirmaverint, inter alia argumenta urgere istud præcipue, quod pro *fidei regula* sibi obruderetur. Qua quidem voce percommode usus ait, ut fideles ab *obedientia* averterent: Certe occasionem indidem sumpsisse spargendi, velle Episcopos ad dignitatem *symboli*, ac *professionis fidei* Constitutionem evehere: *expedire* proin plurimum *boc tempore*, ut evitetur expressio *non necessaria*.

Anno MDCCLVI. *Declaratione* hoc ipsum publica sancitum fuit, sed ea lege tamen, ut ne quod præjudicium Archiepiscopis, & Episcopis fieret, quo minus instruere commissum sibi Clerum, & populum possint: modo aliunde intra moderationis se fines contineant, evitentque omnia, quæ tranquillitatem perturbent.

Adesse heic sane FEBRONIUM volumus, & commune de se iudicium periclitari. Vetuit Rex Christianissimus, *regulam fidei* dici? Hoc quem ad sensum oporteat intelligi, si non ipsummet haberemus Christianissimum Regem interpretem; fuisset prudentis sine dubio, & pii hominis, silentio premere, atque oeconomiam cogitare, quam temporum extorsisset necessitas: nec illi dissimilem, qua BASILIUS quondam usus est, cum ad communionem admisit, qui modo fidem Nicænam amplecterentur, & Spiritum Sanctum creaturam esse negarent, quamvis *Dei* vocabulum expresse, distincteque non usurparent. Cujus quidem *συμπάδειας πρὸς τὰς ἀδελφύτας*, ut BASILIUS loquitur, in Christianissimo Rege tanto minor esse potest dubitatio, quo est solennior ejus hac in ipsa causa anno MDCCXVII. Declaratio facta, non ad Principes, sed ad Episcopos pertinere, momenta fidei librare, & discernere, quid revelatarum in rerum numero sit positum.

Verum non ista nobis comitate, quæ affectata videri possit, hoc loco opus est, Clariora luce sunt verba Regis. Non enim, ut nos sobriolationem accipimus, sed alieno, atque abscono quodam sensu esse *fidei regulam* Constitutionem negat: hoc est, *symbolum*, aut *professionem fidei* negat esse. Quod sane verissimum est. Quid enim *symbolum*, nisi complexio quædam brevis eorum articulorum, qui ut post D. Thomam Theologis loqui mos est, per se, atque primario sunt Divinitus traditi, ac quorum cognitio, si non explicata omnium, atque expressa, saltem obscurior Christiano est cuique ad salutem consequendam necessaria? quid *professio* item *fidei*, nisi ejusdem *professio symboli*, eaque vel summaria

tantum, præcisæque, quemadmodum in Conciliis fieri olim consuevit, vel diductior, & aliorum recensioe dogmatum aucta, atque imperata auctoritate publica, ut fiat. Cujusmodi post Tridentinam Synodum ab iis exigitur, qui ad Catholicam fidem redeunt, vel qui ad sacerdotia, dignitates Ecclesiasticas, aut honores Academicos admittuntur?

At quem mihi Theologum designabis tu, qui hujusmodi esse *Constitutionem*, vel somniaverit aliquando, vel dixerit? Quis exegit, quis imperavit Pontifex? Quod Generale Concilium? Quæ particularis Episcoporum Synodus? qua lege sancitum publica, ut conceptis, descriptisque verbis in eam jurent, qui ad Sacramenta, Sacerdotia, dignitates, vel honores aspirant? Fuit igitur inepta prorsus, falsissimaque Adpellantium ista criminatio: quam ut præcluderet Rex Christianissimus, sapienter omnino statuit, non esse hoc sensu *regulam fidei* Constitutionem. Atqui nihil hoc impedit, quo minus alio, eoque certissimo, & exploratissimo sensu, isto nomine adpelletur.

V. Nam cum universim Propositionibus centum uni eæ notæ in constitutione adscriptæ sint, ut aliæ quidem earum *falsæ* dicantur, & *temerariæ*, aliæ *impie*, atque *blasphemæ*, aliæ *sapientes hæresin*, aut *hæresi proximæ*, aliæ *faventes schismati*, tum *hæreticæ* aliæ, variasque instaurantes hæreses, illas potissimum, quæ Jansenii continentur libro, & eodem, quo damnatæ sunt sensu: Constitutio porro hunc in modum concepta, totius, quod supra vidimus, judicium Ecclesiæ sit: utrumque profecto heinc consequens est, non hæreseos minus, quam inobedientiæ capitalis convinci reos, qui, ut Secta tot jam ab annis non desinit facere, constitutionem vel infestam habent infamibus scriptis suis, vel eam tacite apud se damnant, propositionesque damnatas, fundamenta esse totidem convulsæ religionis mentiuntur. Et quid hoc aliud, quam *normam fidei* constitutionem esse? Ac si est illa hujusmodi; quid peccavit Clemens XIII., cum *Dogmaticæ* ei nomen imposuit?

VI. Sed fallimur: nec enim meminimus, cum homine nobis esse certamen, cui *Appellantium* est augere numerum propositum. Negat ille, atque ex instituto in id incumbit, uti nunquam irrefragabile esse judicium Ecclesiæ existimemus, quam cum in locum collecti unum Episcopi ferunt sententiam. Bene est: accipiamus, quod est falsissimum; sed simul illud jam velim nobis edisserat, quot esse Theologos putet, qui novitatis commentum istud (non enim hæresin adhucdum appellabimus) vel probaverint aliquando, vel averfati potius, execrati que non fuerint? Detestantur.

stantur omnes Episcopi, & Theologi Galliae: detestantur Itali, Germani, Belgae, Poloni, Ungari, Hispani, ut nos infra demonstrabimus: ac est omnium indubitata haec, disertissimaque doctrina, sive collecti, sive suis quique detenti sedibus Episcopi sint, irrefragabile futurum iudicium, si ad sententiam Capitis Episcoporum pars longe maxima accesserit. Accesserunt, ut vidimus: ac ducentesima forsitan parte excepta, ostenderunt omnes, se in Romani Pontificis potestate esse.

Ecquid igitur sceleris CLEMENTIS illis in literis? repeto, quid tandem id sceleris est, cum ex vulgatissima, ut debebat, illa, quam dixi, atque a bonis defensa omnibus doctrina pendere maluit, & *dogmaticum*, quod inde est consequens, vocare *iudicium* Constitutionem, quam ex furentium respondere arbitrio? qui nisi alia omnia, praeter fidei meditentur integritatem, non duorum utique hominum causa, Jansenii, & effraenis sui, dilapsique Clerici tot Ecclesiam turbis, tot tempestatibus, ab annis centum, & quod est ultra, concitavissent. Quid igitur sceleris? furendum erat: Jansenistam igitur aut esse, aut fieri oportuit.

VII. Sed urgeamus hominem! si *iudicium dogmaticum constitutio* non est; quo nomine compellabitur? serione, atque ex animo amplectenda? credendumne, & imperandum intellectui, ut credat, esse ex propositionibus centum & una, quarum aliae conterminae sint haeresi, aliae haereticæ, quæque cæterae sunt notæ ejusdemmodi? Si ita est; *dogmaticum* ecce *iudicium* Ecclesiae; si non est; insto, quo vis nomine eam compellari? Falsamne? *scaturientem vitiis*? in qua *veritates damnatae sint in Religione summae*? sic Jansenista quidem tuus; sed arbitror, noles imitatus in hoc illum videri. Nihil igitur reliquum, quam ut *politicam* esse, & *æconomicam*, quam vocant *legem* dicas, cujus cautio, ac finis, procurare silentium disceptantium; de cætero cuique liberum relinquere, quid apud se tacitus, & penes animum suum existimet. Jam vero est idemmet hoc illud, quod reprobavit anno MDCCXXXI. Rex Christianissimus, idem is, cujus gravissima judicatione Romanam oppressurum sedem te arbitrabare. En quæ in verba senatui Burdigalensi III. Non Junii rescripserit: *Non nisi ad Ecclesiam, ait Rex, pertinere, determinare, docereque, quis sit genuinus character, quæ natura suarum decisionum: neque vero hujusmodi hanc esse materiam, quæ ad forum Magistratus pertineat: neque in hujus esse positum auctoritate admetiri terminos constitutioni Unigenitus, ut REGULÆ POLITICÆ, OECOMOMICÆ, DISCIPLINÆ, AC PRÆCAUTIONIS, qui neque proprii sint, neque sufficient: nec denique retractare posse illum, & instaurare iudicium, post-*
1113
quam

quam Rex auctoritatem conjunxerit suam eam auctoritate Ecclesiæ, jamque anno MDCCXXX. die XXIV. Martii suis omnibus præceperit subditis, venerationem huic Bullæ deferant, submissionemque, QUALIS JUDICIO DEBEATUR UNIVERSALIS ECCLESIE IN MATERIA DOCTRINAM IPSAM CONCERNENTE. Quam in eandem sententiam cum alias sæpe, tum præsertim in Decreto Consilii Regii anno MDCCXLVII., die XXI. Febr. responsum est. I nunc & roga, utri credendum sit? Compara CLEMENTIS, Regisque verba! unum os, una vox est Patris, ac Filii. Ille *judicium*, hic *decretum*, sed uterque *universalis Ecclesiæ*: Ille *dogmaticum*, quod simplex vocabulum est, hic *in materia* versari dicit, quæ *ad doctrinam* pertineat: quorum istud græcum, hoc latinum est. Sed nimirum, ut dixi, qui deprimendus, opprimendus, contundendus, summus is Pontifex erat. Cujus rei causa non vulgares, nec una alteraque, sed omnes conferri machinæ debuerunt: ac quantumcunque in priore fuisset sævitum tomo; nihilominus Tyestæum debebat illud hæere præ oculis:

*Major mihi moles, majus miscendum malum,
Quo illius TYRANNI cor contundam, & opprimam.*

Ex quo quidem jam ferre mitius didicimus, quod in primo notatum opere, tam horrendum alioquin, & vere *δαίμονιες* videbatur nobis, nihil ut addi hoc ei posset in genere. Quis enim miretur posthac, *auctorem janseniani schismatis dici Papam*? Sed hujus quidem criminis depulsio in tertium a me librum servata est. Succedit alia nunc labes, sed cum priore nexa, immo causa hujus, & ex qua, quanta quanta erat, tanquam ex cænoso fonte suo necessario ista profluxit. Eam modo expendimus.

ARTICULUS II.

Demonstratur *Febronium* dum negat ad certitudinem fidei sufficere supremam sententiam Romani Pontificis ab Episcoporum parte maxima acceptatam; in hoc uno sibi constitisse, quod Ecclesiam funditus, secundum principia a se hactenus posita, evertat. Refutatur systema impium.

I. Cum initium disputandi contra FEBRONIUM facerem; fuit hoc primum, quod demonstrabam, populare eum in Ecclesiam regimen invexisse. Itaque quemadmodum Claves, ligandique ac solvendi potestatem abla-

ablatam Pontifici atque Episcopis, in *multitudinem* transtulit: sic quod est præcipuum in ea potestate, non minus *multitudinis* esse proprium, censuit, & erroris consequentia quadam censere debuit.

Heinc illa sunt, quæ tum late, descriptisque verbis ejus exhibui, extra Concilium neque Pontifici, neque Episcopis, *neque paucis neque multis*, sed *toti Corpori*, quod quidem ex Clero populoque constet, fidem, & in fide *ασφαλειαν*, seu *inerrantiam* desponsam esse. Promissa, quæ Ecclesiæ suæ *Jesus Christus* fecit, ad omnes pertinere; omnibus dictum esse, *Pasce agnos meos*. Habere etiam populum *prophetas suos atque Doctores*: Episcopos extra Concilium non nisi testes esse ejus fidei, quam in Ecclesiis suis repperint. Non se equidem diffiteri, *viventibus nunc in Ecclesia Doctoribus* UNIVERSIS ET SIMUL SUMTIS *spiritum veritatis* abrogari VIX posse: *verum hanc* *qualem qualem inerrantiam ad Ecclesiam referri* ex mente S. AUGUSTINI oportere. Oriatur de fide contentio; pronuntiet Pontifex: *Ecclesiæ singulæ agnoscant in enuntiato hoc fidem suam: si tranquilla omnia perdurent*: confectam rem fore, *non ex solo accessu Episcoporum, sed ex UNIVERSORUM fide fidelium, quæ deficere non potest*. Posse Deum, *antequam constans universalis Ecclesiæ consensus separatis Episcoporum Decretis superveniat, unum vel plures, etiam ex secundi Ordinis sacerdotibus excitare, atque eorum, in gratiam orthodoxæ fidei reclamantium, verbis vim & efficaciam addere ad parandum veritati triumphum*. Posse a paucis Episcopis trahi reliquos. Sed eam rem *tractum temporis desiderare*, qui quidem sive *judicio virorum prudentum, sive Conciliorum definitione* determinandus sit. Non illud quidem posse fieri, ut *CORPUS Ecclesiæ in dogma falsum consentiat: nec tamen sequi inde, quod semper in promptu habeat, & illico propalet decisionem veri*. Constare hæc ex causa Jansenistarum. Illa enim res *quia tractum temporis habuit, aliaque, quæ disparatis Episcoporum Judiciis opponi amant, intervenire; Judiciorum pariformitatem, universalitatem, & legalitatem agnitam a Jansenistis non fuisse*. Verbo: *non satis constare de promisso CHRISTI, quippe quod Ecclesiæ, id est Corpori, non singulis, utcumque multis factum intelligitur*. (6)

Hæc summa systematis rursus non tam meis, quam illius a me verbis exposita. In hanc autem perniciem qui se semel induerat, poteratne fieri, quin inter Juncos Batavicos demum, & in Jansenistarum spurcitie

tie naufragium faceret? Dixi Jam alias, esse res omnes Janfenistarum in hac una re positas. Addo nunc, sic *Apamiensem*, sic *Sanitiensem*, sic *Montispeffulanum*, sic *Bononiensem*, sic *Antisiodorensensem* Adpellantes omnes sensisse in eo scripto, quod Pastoralibus literis Cardinalis *Meldensis* objecerunt. Atque spectare huc, & eo recidere JUSTINUM FEBRONIUM, *Theologiaeque detestandae* ejus hæc esse *mysteria*, breviter, sed aptissime indicavit Eruditissimus KAUFFEMANS, interpolatione hujusmodi tanquam ex rebus nata. *Potest Deus ex secundi Ordinis Presbyteris* (QUESNELLUM, ESPENIUM, ERKELIUM cogita) *reclamantes suscitare, horum verbis vim addere, & triumphum parare veritati, ne dicam, zelus ardens paucorum Episcoporum* (Cogita quatuor Adpellantes in Gallia) *reliquos* (cogita quadraginta, & octoginta assentientes Romano Pontifici) *in suas partes trahere*: (7) Cujus quidem vim interpretationis a Clarissimo viro adhibita ut magis omnes intelligant, neque larebras porro, quod est sceleris deprehensi proprium, & effugia possit quærere, a quo tam est turpiter, & vehementer peccatum: faciam, quod alias solitus sum, ut in *propositiones* & *corrollaria* nequam pronuntiata hominis præcipua, breviter tamen & abscisse. Inde enim quas notiones impressas animo, cum ista scriberet, habuerit, cognosci facilius, & liquidius potest.

DOCTRINA FEBRONII in formam systematis ordinata.

II. PROPOS. I. Episcopi singuli in suis Ecclesiis dum resident, non iudices, sed testes sunt ejus fidei, quam apud fideles, quorum procuracionem sunt nacti, invenerunt. COROLL. In Ecclesiis igitur suis dum de fide aliquid statuunt, deferendum plus iis non est, quam quod testibus debetur. PROPOS. II. Testimonia hæc cum privatorum sint, & versentur in factis particularibus; simpliciter falsa esse possunt. COROLL. Igitur nec sufficiunt illa se solis, ad pariendam certitudinem divinæ fidei. PROPOS. III. Episcopi & Romanus Pontifex tametsi custodes sint fidei, magistrisque populorum: non tamen sunt soli; habet secundus etiam ordo Sacerdotum, habent Laici suos prophetas. COROLL. Reclamare igitur hi possunt, si testimonium Episcopi, ut esse potest, falsum sit. *Hypothesis*. Quod de Episcopis singulis, etiam Romano, idem de Ecclesiis singulis, etiam Romana dici pono. Non enim Romanam magis, quam ullam aliam ex Ecclesiis singulis infallibilem esse, FEBRONIUS patitur Tom. I. Cap. I. §. 9. pag. 71. Verba sunt: *Num Romanam Ecclesiam CHRISTUS dotaverit jure infallibilis instructionis? Si per Romanam intelligatur particularis illa Ecclesia Italiae,*

(7) In Præfat. ad 2. Edit. Apolog. pag. 7.

liæ, utut inter reliquas nunc prima; certe de hoc non queritur solum, sed inter ipsos etiam Catholicos valde, ne quid amplius dicam, dubitatur. PROPOS. IV. In Ecclesia neque pauci, neque multi infallibilitate gaudent, sed CORPUS ipsum ex Episcopis, Clero & populo tanquam membris suis compositum. Promissum CHRISTI factum Ecclesiæ, id est CORPORI, non singulis, utcunque multis. COROLL. Episcopi igitur quantumvis multi cum Romano Pontifice sentiant, & Ecclesiæ quantumvis multæ cum Ecclesia Romana: id, quamdiu dici non potest, totum Corpus in doctrina sic definita conquirere, nequaquam satis est ad certitudinem fidei. SCHOLION. Sentiebant cum CYPRIANO L. Episcopi Orientales, & Afri LXX., vel aliquanto plures: Obnitebantur cum STEPHANO TOT MILIA EPISCOPORUM, atque adeo Ecclesiarum in TOTO ORBE: & tamen neque AUGUSTINUS, neque CYPRIANUS tantam Episcoporum Romano Pontifici adhaerentium turbam contra numerum comparatione facta tam modicum putarunt citra generale Concilium constituere regulam firmam credendi agendique. FEBRON. Cap. VI. §. 9. pag. 438. COROLL. Fieri igitur, quantum ad CHRISTI est promissiones Ecclesiæ factas, omnino potest, ut fallatur Episcoporum pars multo maxima cum Romano Pontifice; stetque penes partem quantumvis minimam veritas. Non enim est infallibilitas desponsa UTCUNQUE MULTIS, sed CORPORI. Fides subinde obscuratur, veritas confunditur, errores videntur prævalere, zizania bono frumento miscentur, illudque nonnunquam suffocare existimantur. Dantur tempora tenebrarum, in quibus veritas altercationum nebulis involvitur. Cap. c. p. 433. PROPOS. V. ut satisfiat promissis CHRISTI, non est opus, ut Corpus illud Ecclesiæ semper in promptu habeat decisionem veri, aut hanc illico propalet. Ea res tractum temporis desiderat. PROPOS. VI. Satis est, quod ipsum hoc Corpus Ecclesiæ nullo unquam tempore possit consentire in dogma falsum. COROLL. I. Satis igitur est, quod nunquam error, quantumvis maximæ, & cum Romano Pontifice sentientis partis invalescere ad universalem, constantem & pariformem observantiam possit. COROLL. II. Semper igitur Deus unum vel plures etiam ex secundi Ordinis Sacerdotibus, (& quidni etiam Laicos?) excitabit, atque eorum, in gratiam Orthodoxæ fidei reclamantium, verbis vim & efficaciam addet ad parandum veritati triumphum. COROLL. III. Durabit ista reclamatio, donec constans universalis Ecclesiæ consensus, seu observantia pariformis supervenerit. PROPOS. VII. Ad summam igitur: si in enuntiato Pontificis, adfensuque Episcoporum plurium conquiescant Ecclesiæ singulæ, suamque in eo fidem agnoscant, & sic tranquilla omnia perdurent: non est opus generali Concilio. Sin aliter fiat; fluctuabit veritas; tractusque temporis expectandus, quem prudentes determinabunt.

III. En collatas inter se, Lector, & colligatas novi Magistri sententias: ipse si ordinate quidpiam posset scribere; credo, aptius componere eas non vellet. Quid sequitur? quod in oculos irruit; quod manifestum, quod evidens est, quod contrectare & palpare manibus cuivis licet: Ecclesiam CHRISTI esse vagam posse atque incertam; posse oculis subduci; posse, quæ *Donatistarum* quondam insania fuit, in paludibus ac viculis Belgii latere, posse annis latere centum ac pluribus: posse tam diu, donec *prudentes*, emerfisse eam e suis latebris, statuunt: quod est, ut uno verbo dicamus: latere *semper* posse. Non est autem illud, Ecclesiam CHRISTI destruere? destruere funditus? Enimvero indivisæ sunt pollicitationes CHRISTI: nec est diversa, sed una Ecclesia, quam *columnam & firmamentum veritatis* prædixit fore, & quam aspectabilem esse, universisque conspicuam; adiri, & audiri ab omnibus voluit. Illa vero, ubi erit? Quam partem adibimus? Majoremne conjunctam Capiti suo? Errare potest. minorem? later. Et ut minime lateat, errare potest. Illa igitur, quæ nec later, nec errare potest, in natura rerum non est. Itaque quo identidem reverti animo oportet, Ecclesia CHRISTI aut nulla, aut colluvio est omnium sectarum. Hoc istud erat: *Ecclesia status non est.*

Neque vero quod Concilium etiamnum supersit, convocarique illud queat, ac si non convocetur, hominum culpa fiat, juvat causam. Ut enim hoc detur; quid porro? hominum culpa igitur latere Ecclesia poterit, subducique oculis & esse incerta, ac perire. Atque ut magis instem: qui domi non *judices*, sed *testes sunt*; quei quæso fiet, ut in Concilio *Judices* sint? An CHRISTUS sic statuit? ubi? Nuspiam. Harere igitur faciam scelus, & cum DELABORDIO, neque domi, nec in Conciliis esse *judices*; sed *testes* dicam: Quare testabuntur ii quidem de fide Ecclesiarum suarum, & imitationem ac quasi ludum quandam exhibebunt *judicii*; sed an vere, an ex mente Ecclesiarum suarum, an ut CORPORIS expressisse fidem ac sensum censi possint: id vero *neque a paucis, neque a multis*, sed a CORPORE constitui debet. *Reclament* igitur rursus, *Unus, plures, pauci*; *Pastores secundi Ordinis*; *Propheta Laicorum*! Non dicam plura. Tam enim apertam esse stragem puto, ut quasi in oculis sit. Hoc scilicet erat: *Ecclesia status non est.*

Verum absit a Catholico pectore ista impietas. Est illa omnino *status*. Nam id ostensum a me arbitror, quantum opus fuit. *Episcopatus* est: *UNUS Episcopatus*, cujus, ubicunque locorum sint atque degant Episcopi, *a singulis pars in solidum tenetur*. Ubique igitur Episcopi *Pastores*; ubique *Doctores* sunt: & SOLI quidem. Atque in hoc stupor aut dolus est Febronianæ vertiginis. Quasi vero qui in *subsidium* sunt adlecti *Episcoporum*, aut quibus ingenii non nihil inest

ineſt ad docendum, iidem ſint illi, quos Eccleſiæ ſuæ poſt ſe Principes CHRIS-
tus conſtituit? Non ſunt. Oves ſunt, diſcipuli ſunt, ſubditi ſunt. Neque
enim aut muneris aut doctrinæ habetur heic ratio, ſed *auctoritatis* atque
imperii. Auctoritatis, quam eſſe *publicam, aſpectabilem, perpetuam, cer-
tam, dominatricem* voluit CHRISTUS: quamque PETRO atque Apoſtoliſ,
dein iis, qui utriſque ſuccedunt, ſolis, & ſempiterna ut eſſet, tranſcripſit.
His, non Multitudini Claves commiſſæ ſunt. Ad hos iſta pertinent: *At-
tendite vobis, & univerſo GREGI; Qui vos audit, me audit; Ego vobiscum
ſum omnibus diebus uſque ad conſummationem ſæculi*. Nam cum ſagaciſſima
in ſuam perniciem humana ſit indoles; quæ M. Boſſuetii eſt ratio; nec tam
acturi nos quicquam eramus, quam ut omnibus modis argutiarumque &
ingenii omni ſubtilitate *perverteremus vias Domini rectas*; ad potentiam
& ſapientiam Dei pertinuit, procurare medium nobis, quo ſine litibus,
ac ſine negotio, ut cuique animus bene affectus eſſet, internoscere ſchiſma-
ta poſſemus. Medium hoc, quo nullum aprius, *auctoritatem* eſſe voluit.
Quæ quidem in Epiſcoporum conſtituta *Corpore* cum ſit, ſemper præſens,
ſemper aſpectabilis eſt: plane ut Eccleſia ipſa regnum CHRISTI eſſe deſinere, aut
evaneſcere vel puncto temporis non poteſt. Itaque neque accidit, neque fiet id
unquam, ut error hoc in *Corpore* prævaleat: in illo, inquam *Corpore* (ſunt
LANGUETII hæc) *quod ut completum ſit, Capite opus habet; ut perfectæ ſocietas ſit,
centro Unitatis*. Huic *Capiti* ſingularis procuratio addiſta ſit oportet. Et
ſunt revera, ait BOSSUETIUS, promiſſa JESU Chriſti, quæ *Cathedræ PETRI*
indivoluibili nexu adſtriſtos nos tenent. Cum Apoſtoliſ diceret JESUS
Chriſtus, EGO VOBISCUM SUM; aderat cum reliquis PETRUS, ſed aderat cum
prærogativa ſua, ac tanquam primus inter diſpenſatores. PRIMUS PETRUS.
Aderat cum illo pleno myſteriis nomine, quod JESUS CHRISTUS ipſi contulerat
ad miniſterii ejus vim, ſoliditatemque ſignificandam. Aderat deni-
que tanquam iſ, qui primus fidem, Apoſtolorum fratrum ſuo-
rum nomine, prædicaturus erat, & confirmaturus eos, ac per hoc ipſum
PETRA & FUNDAMENTUM futurus ædificii immortalis. CHRISTUS non minus
PETRI, quam cæterorum Apoſtolorum Suceſſoribus locutus eſt: miniſterium,
quod illi commiſſum fuit, ordinarium in univerſa Eccleſia, principale ac funda-
mentale eſt factum.

Hæc ſolida, ut cum LANGUETIO colligam Eccleſiæ conformatio eſt: illius,
inquam Eccleſiæ, quæ & firma SEMPER eſt, & SEMPER perdurans, & SEM-
PER docens, & SEMPER aſpectabilis per miniſterium nunquam periturum; quæ-
que per infallibilis bujuſce miniſterii Succeſſionem in veritate SEMPER dirigi-
tur. (8) Et adverſus hæc, quæ fere ſummam complectuntur omnium a me
hactenus

hactenus traditorum, vani & futiles sunt strepitus & clamores omnes FEBRONII. Vanum & futile, quod de Prophetis garrit Laicorum: vanum & futile, quod de Doëtoribus secundi Ordinis: vanum & futile, quod de Collegiali suo *Concluso*. Humanæ sunt ista sapientiæ, non illius, *quæ de sursum est*. Neque enim ab ULPIANO & Forensi strepitu exemplum Servator sumpsit, cum tribunal fidei, quod æternum esset ac stabile, in Ecclesia sua erexit. Quod si examine, si studio, si Scripturarum ac traditionis dijudicatione opus sit; nunquam ea deerit, quicunque sint demum in isto Corpore Episcoporum, qui illam suscipiant. Et pertinebit hoc ad procurationem CHRISTI: plane ut si amplam segetem fore prædixisset Deus; foret ridendus is, qui utrum agros culturi homines essent, dubitaret. Neque jam illud etiam quæremus, quid futurum sit, si Episcoporum pars longe potior a Pontifice, supremo capite suo dissentiat. Est enim perinde ineptum hoc, ac si quærerem, quid futurum, si Ecclesia *Status*, resque publica, regnum ac civitas CHRISTI esse desineret. Ut enim fieri hoc nunquam potest, sic neque prius fiet istud omnino. Atque heic finem Tomi I. facimus. Præsertim quoniam alibi de eodem nobis argumento reitutus est sermo.

FINIS TOMI I.

ERRATA.

- Pag. 18. N. IV. *pater* leg. præter.
 Pag. 37. in Titulo Artic. pro *Anacaphaleosis* leg. Anacephalæosis.
 Pag. 77. Lin. penult. *exere* leg. exerere.
 Pag. 102. N. VII. Lin. 3. *se* leg. sed.
 Pag. 153. sub finem *propugrores* leg. propugnatores.
 Pag. 269. Lin. 4. *Commiserit* leg. commiserint.
 Pag. 275. post medium *dseruit* leg. adseruit.
 Pag. 283. supple notam: (13) vid. Joann. Cap. XIV. & sqq.
 Pag. 291. supple notam: (31) vid. not. sqq.
 Pag. 292. & 293. irrepsit error in disponendis numeris notarum, quem Lector ex orationis contextu facile corriget.
 Pag. 377. leg. §. II.
 Pag. 383. leg. §. III.
 Pag. 402. lin. 3. *acie* leg. acies.
 Pag. 405. in not. lin. 3. leg. qui & domibus.
 Pag. 408. post. med. lin. 5. *quin est*, leg. quin &.
 Pag. 417. ante verba: *Restat exemplis*, pone III.
 Pag. 429. lege: *De schismate*, inquit, *Ultrajectino quod dicit*,
 Cætera Lectori prudenti committuntur.

















111

ARICHI
DEPCTES
PONTIFIC

109

colorchecker classic



calibrite

mm